



113-5

36

SCB

#16,548

Theological Seminary.

PRINCETON, N. J.


Part of the  
ADDISON ALEXANDER LIBRARY,  
which was presented by  
MESSRS. R. L. AND A. STUART.

Case, \_\_\_\_\_ Division \_\_\_\_\_

Shelf, \_\_\_\_\_ Section \_\_\_\_\_

Book, \_\_\_\_\_ No. \_\_\_\_\_





HAMARE KHUDAWAND YISU MASHI

KA NAYA WAZIQA.

---

Bible. N.T. Hindustani. 1841

THE

**NEW TESTAMENT**

OF

OUR LORD AND SAVIOUR

***JESUS CHRIST.***

IN THE

HINDUSTANI' LANGUAGE.

---

CALCUTTA:

PRINTED AT THE BIBLE PRESS, FOR THE AUXILIARY

BIBLE SOCIETY.

1841.

THE NEW TESTAMENT

OF

OUR LORD AND SAVIOUR

CHRIST

IN THE

INDIAN LANGUAGE

AND

ENGLISH

BY

THE HONORABLE SOCIETY OF THE EAST INDIA COMPANY

PRINTED

1791

## FIHRIST.

Mati kí Injíl .....	1
Marq kí Injíl .....	56
Lúká kí Injíl .....	92
Yohan kí Injíl .....	151
Rasúlon ke Iamál .....	199
Paul ká Rumíon ko ꝑhatt.....	257
Paul ká Qorintíon ko Pahila ꝑhatt.....	282
Paul ká Qorintíon ko Dúsrá ꝑhatt.....	307
Paul ká Galatíon ko ꝑhatt .....	323
Paul ká Efesíon ko ꝑhatt.....	332
Paul ká Filípíon ko ꝑhatt .....	340
Paul ká Kalasíon ko ꝑhatt .....	346
Paul ká Tessaloníqon ko Pahilá ꝑhatt .....	352
Paul ká Tessaloníqon ko Dúsrá ꝑhatt .....	357
Paul ká Timoteus ko Pahilá ꝑhatt.....	360
Paul ká Timoteus ko Dúsrá ꝑhatt .....	367
Paul ká Titus ko ꝑhatt .....	372
Paul ká Filemon ko ꝑhatt .....	375
Ibráníon ko ꝑhatt .....	376
Yaqúb ká ꝑhatt.....	385
Pathar ká Pahilá ꝑhatt.....	401
Pathar ká Dúsrá ꝑhatt .....	408
Yohan ká Pahilá ꝑhatt .....	412
Yohan ká Dúsrá ꝑhatt .....	419
Yohan ká Tísrá ꝑhatt .....	420
Yihúdá ká ꝑhatt .....	421
Yohan ke Mukáshafát kí kitáb .....	423





## MATI KI INJIL.

### I BA' B.

1 Yisú Masíh ibn i Dáúđ ibn i Abirahám ká nasabnáma.

2 Abirahám se Isháq aur Isháq se Yáqúb paidá húa; aur Yáqúb se Yihudá aur uske bhái paidá húe. 3 Aur Yihudá se Fáriz aur Zaráh Támar se paidá húe; aur Fáriz se Hazron aur Hazron se Aram paidá húa. 4 Aur Aram se Amínádáb aur Amínádáb se Nahasun aur Nahasun se Salmon paidá húa. 5 Aur Salmon se Boaz Ráháb se paidá húa; aur Boaz se Obed Rút se paidá húa; aur Obed se Yessí, aur Yessí se Dáúđ bádsháh paidá húa.

6 Aur Dáúđ bádsháh se Sulaimán, us se jo U'riyá kí jorú thí, paidá húa. 7 Aur Sulaimán se Rihabom aur Rihabom se Abiyá aur Abiyá se Asá paidá húa. 8 Aur Asá se Yihosháfát, Yihosháfát se Yorám uar Yorám se Uziyá paidá húa. 9 Aur Uziyá se Yothám aur Yothám se Ahaz aur Ahaz se Hiskiyá paidá húa. 10 Aur Hiskiyá se Manasá aur Manasá se Amon aur Amon se Yoshiyá paidá húa. 11 Aur Yoshiyá se Yokaniyá aur uske bhái, jiswaqt Bábil ko uṭh gaye, paidá húe.

12 Aur Bábil ko uṭh jáne bád Yokaniyá Saltiyel aur Saltiyel se Zorobábil paidá húa. 13 Aur Zorobábil se Abihúd aur Abihúd se Eliyáqím aur Eliyáqím se Azur paidá húa. 14 Aur Azur se Saduq aur Saduq se Akím aur Akím se Elihúd paidá húa. 15 Aur Elihúd se Elyázur aur Elyázur se Matan aur Matan se Yáqúb paidá húa. 16 Yáqúb se Yusaf jo Mariyam ká shauhar thá, jiske peṭ se Yisú, jo Masíh kahlátá hai, paidá húa.

17 Pas sab pushten Abirahám se Dáúđ tak chaudah hain; aur Dáúđ se uswaqt tak ki Bábil ko uṭh gae chaudah; aur Bábil ko uṭh jáne se Masíh tak chaudah.

18 Ab Yisú Masíh kí paidáish yún húi: ki jab uskí má Mariyam kí mangní Yusaf sáth húi, use pahile ki we ikaṭhe húe, wuh Ruh i Quds se hámila húi. 19 Tab uske shauhar Yusafne jo rástbáz thá, aur na

chahá ki use tashhír kare iráda kiyá ki use chupke chhor de. 20 Wuh in báton kí sach hí men thá, ki dekho KHUDA'WAND ke firishte ne uspar khwáb men záhir hoke kahá, Ai Yusaf Dáúud ke beṭe, apní jorú Mariyam ko apne yahán láne se mat ḍar; kyúunki jo uske peṭ men hai, so Ruh i Quds se hai. 21 Aur wuh beṭá janegí, tú uská nám Yisú rakhná; kyúunki wuh apne logon ko unke gunáhon se bacháegá. 22 Yih sab kuchh húa, ki jo KHUDA'WAND ne nabí kí márifat kahá thá, púra húa. 23 Ki dekho ek kunwári peṭ se hogí, aur beṭá jagegí, naur uská nám Immánúel rakhenge, jis ká tarjuma yih hai: KHUDA hamáre sáth. 24 Tab Yusaf ne sote se uṭhkar jaisá KHUDA'WAND ke firishte ne use farmáyá thá kiyá, aur apní jorú ko apne yahán le áyá. 25 Par usko najáná jab tak apná pahilauṭá beṭá na janí; aur uská nám Yisú rakhá.

---

## 2 BA'Ī.

1 Aur jab Yisú Hirod bádsháh ke waqt Yihudiyá ke Baitlaham men paidá húa, to dekho kaí majúsion ne púrab se Yirúshálam men áke kahá. 2 Ki Yihudion ká bádsháh jo paidá húa, kaun hai? ki hamne púrab men uská sitára dekhá, aur use sijda karne áe hain. 3 Jab Hirod bádsháh ne yih suná, tab wuh aur uske sáth tamám Yirúshálam gabraýá. 4 Tab usne sab Sardár Káhinon aur qaum ke Fagíhon ko jama karke unse púchhá, ki Masíh kahán paidá hogá? 5 Unhon ne use kahá: Yihudiyá ke Baitlaham men; kyúunki nabí kí márifat yún likhá gayá hai. 6 Ki Ai Yihudiyá ke Baitlaham, tú Yihudá ke sardáron men hargiz chhoṭá nanín; kyúunki tujh se ek sardár niklegá, jo meri qaum Isráel kí riáyat karegá. 7 Tab Hirod ne un majú sion ko chupke bolá ke unse tahqíq kiyá, ki wuh sitára kab dekhlái diyá. 8 Aur unhen yih kahke Baitlaham men bhejá, ki jákar us larke ká ahwál khúb daryáft karo, aur jab use páo, mujhe khabar do, ki main bhí áke sijda karún. 9 We bádsháh se yih sunke rawána húe, aur dekho wuh sitára jo unhon ne púrab men dekhá thá, unke áge áge chaltá, aur us jagah ke úpar, jahán wuh larke thá, áke thahrá. 10 We us sitáre ko dekhke bahut hí khúsh húe. 11 Aur us ghar men pahunchkar us larke ko uskí má Mariyam ke sáth páyá, aur uske áge

girke use sijda kiyá; aur apní jholiyáñ khol ke soná aur lubán aur murr use nazr guzráná. 12 Aur k̄hwáb men ágáh hokar ki Hirod ke pás najáwen, we dúsrí ráh se apne mulk ko phire.

13 Jab we rawána húe, to dekho K̄HUDA'WAND ke firishte ne Yusaf ko k̄hwáb men dekháí deke kahá: Uṭh, us larke aur us kí má ko sáth lekar Misr ko bhág já, aur wahín rah, jab tak main tujhe k̄habar na dúñ; kyúñki Hirod is larke ko dhúndhegá ki már dále. 14 Tab wuh uṭhke rát hí ko larke aur uskí má ko sáth lekar Misr ko rawána húa. 15 Aur Hirod ke marne tak wahán rahá, ki jo K̄HUDA'WAND ne nabí kí márifat kahá thá, púra ho: ki main ne apne beṭe ko Misr se buláyá.

16 Jab Hirod ne dekhá ki usne majúsíon se fareb khayá, to niháya gussa húa, aur logon ko bhejkar Baitlaham aur uskí sárf sarhaddon ke sab larakon ko, jo do baras ke aur use chhoṭe the, us waqt ke muwáfiq kí usne majúsíon se tahqíq kiyá thá, qatl karwáyá. 17 Tab wuh jo Yarimiyá nabí ne kahá thá, púra húa; 18 Ki Rámá men ek áwáz suní gaí, nále aur rone aur bare mátam, ki Ráhil apne larakon par rotí aur tasallí nahín cháhtí, isliye ke we játe rahe.

19 Jab Hirod mar gayá, to dekho K̄HUDA'WAND ke firishte ne Misr men Yusaf ko k̄hwáb men dekháí deke kahá: 20 Uṭh us larke aur uskí má ko sáth lekar Isráel ke mulk men já; kyúñki jo is larke kí ján ke gáñhak the, mar gae. 21 Tab wuh uṭhá, aur us larke aur uskí má ko sáth leke Isráel ke mulk men áyá. 22 Magar jab suná ki Arkiláus apne báp Hirod kí jagah Yihudiyá men bádsháhat kartá hai, to wahán jáne se dará; aur k̄hwáb men ágáh hokar Gálíl ki tarf rawána húa. 23 Aur ek shahr men jiská nám Nasirah thá, jaisá ki wuh jo nabíon kí márifat kahá gayá thá, púra ho, ki wuh Násarí kahláegá.

---

### 3 BĀ'Ā.

1 Un dinon Yohan Báptismá denewálá Yihudiyá ke jangal men záhir hoke munádí karne lagá: 2 Ki tauba karo; kyúñki ásmán kí bádsháhat nazdík hai. 3 Ki yih wahí hai jiská zikr Isháyá nabí ne kiyá, ki jangal men ek pukárnewále kí áwáz hai, ki K̄HUDA'WAND kí ráh durust karo, aur uske ráston ko sidhá. 4 Yih Yohan úñṭ ke bálon kí poshák pahintá, aur chamṛe ká kamarband apní kamar men bándhtá

thá ; òiddí aur janglí shahd uskí k̄hurák thí. 5 Tab Yirúshálam aur sáre Yihudiyá or Yardan ke sab áspáske rahnewále uspás chale áye. 6 Aur apne gunáhoñ ká iqrár karke Yardan meñ use Bápísmá páyá.

7 Par jab usne dekhá, ki bahutse Fárusí aur Záduqí bápísmá páneko uspás áye, to unheñ kahá, ki ai sámpon ke bacho, tumheñ ánewále gazab se bhágná kisne sikhláyá. 8 Pas tauba ke láiq phal láo. 9 Aur apne dil meñ gumán mat karo, kí Abirahám hamará báp hai ; kyúnci main tumse kahtá hún, ki K̄hudá unhí patharon se Abirahám ke liye larke paidá karsaktá hai. 10 Aur darakhton kí jar par ab kulhárá rakhá hai, pas har darakht jo achchhá phal nahín látá, káṭá aur ág meñ dálá játá hai. 11 Main to tumheñ pání se tauba ke liye bápísmá detá hún ; lekin wuh jo mere bád átá hai, mujh se bará qudratwálá hai, ki main uskí jútíyán uṭháne ke láiq nahín, wuh tumheñ Rúh Quds aur ág se bápísmá degá. 12 Uske háth meñ ek súp hai, aur wuh apne k̄haliyán ko k̄húb sáf karegá, aur apne gehún ko khatte meñ jama karegá, par bhúse ko us ág meñ jo hargiz nahín bujhtí jaláwegá.

13 Tab Yisú Gálíl se Yardan ke kináre Yohan ke pás áyá, táki use bápísmá páwe. 14 Par Yohan ne use mana karke kahá, ki main tujhse bápísmá páne kámuhtáj hún, aur tú mere pás áyá hai? 15 Yisú ne jawáb me ñ use kahá : Ab hone de ; kyúnci hamen yún munásib hai, ki sab rástbází púrí karen ; tab usne hone diyá. 16 Aur Yisú bápísmá páke wahín pání se nikal ke úpar áyá, aur dekho ki uspar ásmánke darwáze khul gaye, aur usne K̄hudá kí Rúh ko kabútar kí mánind utarte, aur apne uske úpar áte dekhá. 17 Aur dekho ki ásmán se ek áwáz áí, ki yih merá piyará beṭá hai, jisse main k̄hush hún.

---

#### 4 BA'B.

1 Tab Yisú rúh kí hidáyat se jangal meñ gayá, táki shaitán use áznáwe. 2 Aur jab chálís din rát roza rakh chuká, ákhir ko bhúkhá húa. 3 Tab azmá'ish karnewále ne us pás áke kahá, Agar tú K̄hudá ká beṭá hai, to kah, ki yih pathar roṭí banjáwe. 4 Usne jawáb meñ kahá, Likhá hai ki ádmí sirf roṭí se nahín ; balki harek bát se jo K̄hudá ke munh se nikaltí, jítá hai. 5 Tab shaitán us muqaddas shabr meñ

sáth le gayá, aur haikal kí munder par khará karke use kahá : 6 Ki agar tú K̄hudá ká betá hai, to apne tañ niche girá de ; kyúinki likhá hai, Wuh tere liye apne firishton ko farmáegá, ki tujhe háthon par uthálen, aisá na ho, ki tere páuw ko pathar se huñ lage. 7 Yisú ne use kahá : Yih bhí likhá hai, ki tú K̄HUDA'WAND ko jo terá K̄hudá hai, mat ázmá. 8 Phir shaitán use ek bare únche pahár par le gayá, aur dunyá ki sárfí bádsháhat aur unkí shán o shaukat use dekhá. 9 Aur use kahá, Agar tú gir ke mujhe sijda kare, to yih sab kuchh tujhe dúngá. 10 Tab Yisú ne use kahá, Ai shaitán dúr ho ; kyúinki likhá hai, ki tú K̄HUDA'WAND hí ko jo terá K̄hudá hai, sijda kar, aur sirf usí kí bandagí kar. 11 Tab shaitán use chhor gayá, aur dekho firishton ne áke uskí k̄hidmat kí.

12 Tab Yisú ne suná, ki Yohan giriftár húa ; to Gálíl ko chalá. 13 Aur Nasirah ko chhor kar Kafarnáhum men jo daryá ke kináre Zabúlun aur Naftáli kí sarhaddon men hai, já rahá. 14 Ki jo Isháyá nabí kí márifat kahá gayá púra ho. 15 Ki Zabúlun aur Naftáli ká mulk, yáne gair qaumon kí Gálíl jo daryá kí ráh Yordan kí taraf hai. 16 Wahán ke logon ne jo andhere men baiṭhe the, baṛí roshní dekhí, aur un par, jomaut ke mulk, aur sáye men baiṭhe the, núr chamká. 17 Usí waqt se Yisú ne munádí karná, aur yih kahná shurú kiyá, ki tauba ḍaro ; kyúinki ásmán kí bádsháhat nazdík hai.

18 Aur jab Yisú Gálíl ke daryá kináre chalá játá thá, to usne do bhái, yáne Simon ko jo Pathar kahlátá hai, aur uske bhái Andriyá ko daryá men jál ḍálte dekhá, ki we machhwe the. 19 Aur unhen kahá, ki mere píchhe chale áo, ki main tumhen ádmón ká machhua banáungá. 20 We usí waqt jálon ko chhor kar uske píchhe ho liye. 21 Wahán se barhke usne aur do bhái, yáne Zabdí ke bete Yáqúb aur uske bhái Yohan ko, apne báp Zabdí ke sáth náo par apne jálon kí marammat karte dekhá, aur unhen buláyá. 22 Wohín náo aur apne báp ko chor kar we uske píchhe holiyá.

23 Aur Yisú tamám Gálíl men phirtá húa, unke ibádat k̄hánou men tálím detá aur bádsháhat kí k̄hushk̄habarí kí munádí kartá, aur logon ke sáre dukh aur bimárfí dafá kartá thá. 24 Aur tamám Sūriyá men uskí shuhtrat húi, aur sab bímáron ko jo tarah tarah kí bímárfí aur azáb men giriftár the, aur díwánon aur mrigíthon ko aur unhen jo jhole

ke máre the, uspás láye, aur usne unhen changá kiyá. Aur bahut bhír, Gálíl aur Dikápolis aur Yirúshálam aur Yihudiyá aur Yardan ke pár se uske píchhe holí.

5 BĀ'Ā.

1 Wuh bhír ko dekhkar ek pahār par charḥ gayá ; aur jab baiṭhá uske shágird us pás áye. 2 Tab apní zabán kholke unhen sikhláne lagá. 3 Ki mubáarak we jo dil ke garíb hain ; kyúunki ásmán kí bádsháhat unhín kí hai. 4 Mubáarak we jo gamgín hain ; kyúunki we tassallí páwenge. 5 Mubáarak we jo halím hain ; kyúunki we zamín ke wáris hongé. 6 Mubáarak we jo rástbárí ke bhúkhe aur piyáse hain ; kyúunki we ásúda hongé. 7 Mubáarak we jo raham dil hain ; kyúunki unpar raham kiyá jáegá. 8 Mubáarak we jo pákdil hain ; kyúunki we Kḥudá ko dekhenge. 9 Mubáarak we, jo sulḥkarnewále hain ; kyúunki we Kḥudá ke farzand kahláenge. 10 Mubáarak we, jo rástbází ke sabab satáe játe hain ; kyúunki ásmán kí bádsháhat unhí kí hai. 11 Mubáarak ho tum, jab mere wáste tumhen lántán karen, aur satáwen aur har tarah kí burí báten jhúth tumháre haqq men kahen. 12 Kḥush ho aur kḥushí karo ; kyúunki ásmán par tumháre liye bará badlá hai ; isliye ki nabíon ko jo tumse áge the, isí tarah satáyá hai.

13 Tum zamínke namak ho ; par agar namak bigar jáe, to wuh kis chíz se durust kiyá jáe ? wuh kisí kám ká nahín, magar phenke jáne aur ádmíon ke pánw tale raunde jáne ke. 14 Tum duniyá ke núr ho ; jo shahr kí pahār par basá hai, chhip nahín saktá. 15 Aur chirág bálke napue ke tale nahín rakhte ; balki chirágdán par rakhte hain, tab unsab ko jo ghar men hon, roshní detá. 16 Isí tarah tumhári roshní ádmíon ke sámhne chamke, táki we tumháre achchhe kámon ko dekhén, aur tumháre báp kí, jo ásmán par hai, tárif karen.

17 Yih kḥiyál mat karo, ki main tauret yá nabíon kí kí'áben mansúkh karne áyá ; main mansúkh karne nahín, balki púrí karne áyá. 18 Kyúunki main tumse sach kahtá hún, ki jab tak ásmán aur zamín tal na jáe, ek nuqta yá ek shosha tauret ká hargiz na miṭegá, jabtak sab kuchh púrá na ho. 19 Pas jo kof in hukmon men se sabse chhoṭe ko uthá dewe, aur waisehí ádmíon ko sikháwe, ásmán kí bádsháhat

men sab se chhotá kahláegá; par jo ki amal kare aur sikhláwe, wahí ásmán kí bádsháhat men bará kahláegá. 20 Kyúнки main tumhen kahtá hún, ki agar tumhári rástbázi Faqíhon aur Farisíon kí se ziyá-da na ho, tum ásmán kí bádsháhat men kisi tarah dákhil na hoge.

21 Tum sun chuke ho, ki aglon se kahá gayá, tú khún mat kar; aur jo koí khún kare, adálat men sazá ke láiq hogá. 22 Par main tumhen kahtá hún, ki jo koí apne bhái par besabab gussa ho, adálat men sazá ke qábil hogá; aur jo koí apne bhái ko báolá kahe, majlis men sazá ke láiq hogá; aur jo usko káfir kahe, jahannam kí ág ká sazáwár hogá. 23 Pas agar tú qurbángáh men apní nazarel jáwe, aur wahán tujhe yád áwe, ki terá bhái tujhse kuchh mukhálifat rakhtá hai. 24 Tú wahán apní nazar qurbángáh ke sámhne chhorke chalá já; pahile apne bhái se mel kar, tab áke apní nazar guzrán. 25 Jab tak tú apne muddaí ke sáth ráh men hai, jald us se mil já; naho ki muddaí tujhe qázi ke hawále kare, aur qázi tujhe piyá deke sapurd kare, aur tú qaid men pare. 26 Main tujhse sach kahtá hún, ki jabtak kauři kauři adá na kare, to wahán se kisi tarah na chhútegá.

27 Tum sun chuke ho, ki aglon se kahá gayá, tú zinána kar. 28 Par main tumhen kahtá hún, ki jo koí shahwat se kisi aurat par nigáh kare, wuh apne dil men uske sáth ziná kar chuká. 29 So agar terí dahiní ánkhe tere thokar kháne ká báis ho, use níkal dál, aur phenk de; kyúнки terí ángon men se ek ká na rahná; tere liye usse bihtar hai, ki terá sára badan jahannam men dala jáwe. 30 Yá agar terá dahiná háth tere liye thokar kháne ká báis ho, uskokát dál aur phenk de; kyúнки tere ángon men se ek ká na rohná; tere liye use bihtar hai, ki terá sára badan jahannam men dala jáe.

31 Yih bhí likhá gayá, ki jo koí apní jorú ko chhor de, use taláq náma likh de. 32 Par main tumhen kahtá hún, ki jo koí apní jorú ko ziná ke siwáe kisi aur sabab se chhor dewe, us se zaná karwátá hai; aur jo koí us aurat se jise chhorí gai biyáh kare, ziná kartá hai.

33 Phir tum sun chuke ho, ki aglon se kahá gayá, ki tú jhúthi qasam na khá; balki apní qasamon ko KHUDA'WAND ke liye púri kar. 34 Par main tumhen kahtá hún, hargiz qasam na khaná, na to ásmán kí; kyúнки wuh Khudá ká takht hai. 35 Na zamín kí; kyúнки wuh uske páuw kí chaukí hai, aur na Yirúshálam kí; kyúнки wuh buzurg

bādsháh ká shahr hai. 36 Aur na apne sir kí qasam khá ; kyúinki tú ek bálko sufed yá kálá nahín kar saktá. 37 Par tumhári guftgú meñ hán ki hán, aur nahíñ ki nahíñ ho ; kyúinki jo isse ziyáda hai, so buráí se hotá hai.

38 Tum sun chuke ho, ki kahá gayá : áñkh ke badle áñkh, aur dáñt ke badle dáñt. 39 Par main tumhen kahtá hún, ki zálím ká maqábila na karná ; balki jo tere dahine gál par tamáncha máre, dúsrá bhí uskí tarafpher de. 40 Aur agar koí cháhe, ki adálat meñ tujh par nálish karke, terí qabá le kurtá ko bhí use lene de. 41 Aur koí tujhe ek kos begár lejárwe, uske sáth do kos chalá já. 42 Jo tujh se kuchh mánge, use de ; aur jo tujhse qaraz mánge, usse munh na mor.

43 Tum sun chuke ho, ki kahá gayá : apne pařosí se dostí rakh, aur apne dushman se adáwat. 44 Par main tumhen kahtá hún, ki apne dushmanon ko piyár karo ; aur jo tum par lánat karen, unke liye barkat cháho ; jo tumse kína rakhen, unká bhalá karo ; aur jo tumhen dukh den, aur satáwen, unke liye duá karo. 45 Táki tum apne báp ke jo ásmán par hai, farzand ho ; kyúinki wuh apne súrāj ko badon aur nekon par ugátá hai, aur ráston o náráston par menh barsátá. 46 Agar tum unhín ko piyár karo, jo tumhen piyár karte hain, to tumháre liye kyá badlá hai, kyá mahsúl lenewále bhí aisá nahín karte ? 47 Aur agar tum faqat apne bháíon ko salám karo, to kyá ziyáda kiyá ? kyá mahsúl lenewále bhí aisá nahín karte ? 48 Pas tum kámil ho, jaisá tumhárá báp jo ásmán par hai, kámil hai.

---

### 6 BĀB.

1 Khabardár, tum apne nek kám logon ke sámhne dekháne ke liye na karo, nahín to tumháre báp se jo ásmán par hai, ajar na milegá.

2 Isliye ki jab tú khairát kare, apne sámhne turhí na bajá, jaisá makár ibádat khánon aur ráston meñ karte hain, táki log unkí taríf karen ; main tum se sach kahtá hún, ki we apná ajar pá chuke. 3 Par jab tú khairát kare, to cháhiye ki terá báyan háth na jáne, jo terá dahiná háth kartá hai. 4 Táki terí khairát poshída rabe ; aur terá báp jo poshída dekhtá hai, kHUD záhir meñ tujhe boláwe.

5 Aur jab tú duá mánge, makáron kí mánind mat ho ; kyúinki we



ibádat k̄hánon̄ men̄ aur ráston̄ ke mor̄ par khare hoke, duá mángne ko dost rakhte hain, táki log unhen dekhen. Main̄ tum se sach kahtē hún̄ k̄i we apná badlá páchuke. 6 Lekin jab tú duá mánge, apní koṭ harí men̄ já, aur darwáza band karke apne báp se jo poshídagí men̄ hai, duá máng; aur terí báp jo poshída dekhtá hai, záhír men̄ tujhe badlá degá. 7 Aur jab duá mángte ho, gair qaumon̄ kí mánínd befáida bak bak mat karo; kyúinki we samajhte hain, ki bahut bakne se unkí suní jáegí. 8 Par unkí mánínd na ho, kyúinki tumhárá báp tumháre mángne ke pahile jántá hai, ki tumhen̄ kin kin chízon̄ kí zurúrat hai. 9 Iswáste tum isí tarah duá mángo, ki Ai hamáre báp jo ásmán par hai, tere nám̄ kí taqdís ho. 10 Terí bádsháhat áwej aur terí marzí ke muwáfíq jaisá ásmán par hai zamín par bhí ho. 11 Hamarí roz kí roṭí áj hamen̄ baḅsh. 12 Aur jistarah ham apne qarzdáron̄ ko baḅshhte hain, tú apne qarz hamko baḅsh de. 13 Aur hamen̄ ázmáish men̄ na ḍál, balki bure se bachá; kyúinki bádsháhat aur qudrat aur jalál terá hamesha hai ámin. 14 Isliye ki agar tum ádmíon̄ ke qusúr na muáf karo, to tumhárá báp bhí jo ásmán par hai tumháre qusúr na muáf karegá. 15 Par agar ádmíon̄ ke qusúr muáf karo, to tumhárá báp bhí tumháre qusúr muáf karegá.

16 Phir jab tum roza rakho, makkáron̄ kí mánínd apná chehra udás na banáo, kyúinki we apná munh bigáṛte hain, ki log unhen̄ rozadár jáne. Main̄ tumse sach kahtá hún̄, ki we apná badlá páchuke. 17 Par jab tú roza rakhe, apne sir par chikná lagá aur munh dho. 18 Táki tujhe roze se ádmí nahín, balki terá báp jo poshída hai jáne; aur te-báp jo poshídagí men̄ dekhtá hai, záhír men̄ tujhe badlá de.

19 Mál apne wáste zamín par jama na karo, jahán̄ kíṛá aur morcha k̄haráb kartá hai, aur jahán̄ chor sendh deke choráte hain: Balki mál apne liye ásmán par jama karo, jahán̄ na kíṛá na morcha k̄haráb kartá, aur na chor sendh deke chorátá hai. 21 Kyúinki jahán̄ tumhárá k̄hazána hai, wahín̄ tumhárá dil bhí lagá rahegá. 22 Badan ká chirág ánkh hai; pas agar terí ánkh sáf ho, to terá sára badan roshan hogá. 23 Par agar terí ánkh sáf nahín, to terá sára badan andherá hogá; isliye agar wuh núr jo tujh men̄ hai, táríkí hojáe, to kaisí táríkí ṭhahre gí.

24 Koí ádmí do k̄háwind kí k̄hidmat nahín karsaktá, isliye ki yá ek se dushmaní rakhegá, aur dúsre se dostí yá ek ko mánegá, aur dúsre ko

nachíz jánegá. Tum K̄hudá aur daulat donon kī k̄hidmat nahín karsak-  
 25 Isliye main tum se kahtá hún, apní zindagí ke liye fikr na karo, ki  
 ham kyá kháenge, kyá píenge, na apne badhan kī ki kyá pahinenge,  
 kyá zindagí k̄hurák se bihtar nahín, aur badan poshák se? 26 Parindon  
 ko dekho, na we bote, na laute, na koṭhí men jama karte hain, to bhí  
 tumhárá báp jo ásmán par hai, unkí par warish kartá hai. Kyá tum  
 unse bihtar nahín ho? 27 Tum men se kaun hai, jo fikr karke apne  
 umr men ek gharí barhá saktá hai. 28 Aur poshák kī kyún fikr karte  
 ho? Janglí sosan ko dekho, kaise barhe hain, wuh na mihnát karte na  
 kátte hain. 29 Par main tumhen kahtá hún, ki Sulaimán bhí apní  
 sárí shán o shaukat men un men se ek kī mánind pahine nā thá. 30  
 Pas jab K̄hudá maidán kī ghás ko, jo áj hai aur kal tanúr men jhonkí  
 játí yún, pahinátá hai, to ai sustiatiqádo, kyá tum ko ziyáda na pahi-  
 náwegá? 31 Isliye fikr mat karo, ki ham kyá kháenge, kyá píenge,  
 yá kyá pahine. 32 Kyúnki un sab chízon kī talásh gair qaum karte  
 hain, aur tumhárá báp jo ásmán par hai jántá hai, ki tum un sab chí-  
 zon ke muhtáj ho. 33 Par tum pahile K̄hudá kī bádsháhat aur uskí  
 rástbází dhundho; to unke sewá yih sab chízen bhí tumhen milengí.  
 34 Pas kal ki fikr na karo kyúnki kal apní chízon kī áp hí fikr karle-  
 gá; áj ká dukh ájhí ke liye bas hai.

---

 7 BĀ'B.

1 Aib na lagáo, ki tum par aib na lagáyá jáwe. 2 Kyúnki jis tarah  
 tum aib lagáte ho, usítarah tum par bhí aib lagáyá jáegá; aur jis napue  
 se tum nápte ho, us se tumháre wáste nápa jáegá. 3 Aur us tinke ko  
 jo tere bhái kī ánk̄h men hai, kyún dekhtá hai, par us kánrī par jo  
 terí ánk̄h men hai, nahín kartá, 4 Yá tú kyúnkar apne bhái ko kahtá,  
 us tinke jo terí ánk̄h men hai, lá nikál dún; aur dekh k̄hud terí ánk̄h  
 men kánrī hai. 5 Ai makkár, pahile kánrī ko apní ánk̄h se nikál,  
 tab ustinke ko apne bhái kī ánk̄h se achhí tarah dekhke nikál sakegá.

6 Pák chíz kutton ko mat do, aur apne mote suwaron ke áge na  
 phenko; aisá naho, ki we unhen pámal karen, aur phir kar tumhen  
 pháren.

7 Mángo, ki tumhen diyá jáegá; dhúndho, ki tum páoge; khatkha-

táo, to tumháre wáste kholájáegá. 8 Kyúinki jo koí mángtá hai, use miltá, aur jo koí dhúndhtá se pátá hai, aur jo koí khatkhatátá uske wáste kholájáegá. 9 Tum men se kaun hai, ki agar uská usse roṭí mánge, wuh use pathar dewe. 10 Yá agar machhlí mánge, use sánp de. 11 Pas jab tum bure ho, apne laṅkon ko achhí chízen de jánte ho, to tumhárá báp jo ásmán par hai zíyáda unhen jo use mángte hain, achhí chízen degá? 12 Pas jo kuchh tum cháhte ho, ki log tumháre sáth karen, waisá hí tum bhí unse karo; kyúinki tauret aur nabíon kí kitáb ká khulása yihí hai.

13 Tang darwáze se dákhil ho; kyúinkí chaurá hai wuh darwáza, aur kusháda hai wuh rásta, jo halákat ko pahunchátá hai; aur bahut hain ki use dákhil hote. 14 Kyá hí tang hai wuh darwáza, aur sakrī hai wuh ráh, jo zindagí ko pahunchátí aur thoṛe hain jo use páte.

15 Jhúṭhe nabíon se khabardár raho, jo tumháre pás bheron ke bhes men áte, par haqíqat men phárne wále bheriye hain. 16 Tum unhen unke phalon se pahcháno ge kyá káñton se angúr yá unṭkaṭáron se anjír toṛte hain. 17 Usítarah harek achhá daraḳht achhe phal látá, aur burá daraḳht bure phal látá hai. 18 Achhá daraḳht bure phal nahín lá saktá, na burá daraḳht achhe phal lá saktá. 19 Jo daraḳht achhe phal nahín látá, káṭá; aur ág men dálá játá hai. 20 Pas unke phalon se unhen pahchánoge.

21 Na harek jo mujhe Kḥudáwand Kḥudáwand kahtá hai, ásmán kí bádsháhat men dákhil hogá; magar wahí jo mere ásmání báp kí marzí par chaltá hai. 22 Usdin bahutere mujhe kahenge: Ai Kḥudáwand, ai Kḥudáwand, kyá hamne tere nám se nabúat nahín kí, aur tere nám se dewon ko nahín nikálá, aur tere nám se bahut sí karámaten záhir nahín kín? 23 Uswaqt men unse sáf kahúngá, ki main kabhí tumse wáqif na thá: Ai badkáro, mere pás se dúr ho.

24 Pas jo koí mere yih báten suntá, aur unhen amal men látá hai, main use us aqlmand kí mánind ṭhahrátá hún, jisne chaṭán par apná ghar banáyá. 25 Aur menh barsá, aur bárhen áín, aur ándhíán chálín, aur us ghar sadma pahuncháyá; par wuh na girá, kyúinki uskí neo chaṭán par dálí thí. 26 Par jo koí mere yih báten suntá, aur amal men nahín látá, wuh us bewaḳúf kí mánind ṭhahregá, jisne apná ghar retí par banáyá? 27 Aur menh barsá, aur bárhen áín, aur

ándhíán chālín, aur us ghar ko sadma pahuncháyá, aur wuh gir pará, aur uská girná baráí kharábí húa.

28 Aur aisá húa, ki jab Yisú yih bāten kah chuká, to wuh bhír uskí tálím se dang húa. 29 Kyúinki wuh Faqíhón kí mánind nahín, balki ikhtiyár wále ke taur par sikhlátá thá.

### 8 BĀB.

1 Jab wuh us pahār se utrá bahut sí bhír uske píchhe holí. 2 Aur dekho ek koṛhí ne áke use sijda kiyá aur kahá : Ai Kḥudáwand agar tú cháhe, to mujhe pák sáf karsaktá hai. 3 Yisú ne háth barháke use chhúa aur kahá : Main cháhtá hún, tú pák sáf ho, wohín uská koṛh játá rahá. 4 Tab Yisú ne use kahá, dekh kisí se na kahiyo; par jáke apne taín káhin ko dekhá, aur jo nazr Músá ne muqarrar kí chará, táki unke liye gawáhí ho.

5 Aur jab Yisú Kaparnáham men dákhil húa, ek súbadár uspás áyá aur us se minnat karke kahá : 6 Ki ai Kḥudáwand merá chhokrá jhole ká mára ghar men pará, aur niháyat dukh men hai. 7 Yisú ne use kahá, main áke use changá karúngá. 8 Súbadár ne jawáb men kahá, ai Kḥudáwand main is láiq nahín, ki tú merí chhat tale áwe; balki sirf ek bát kah, to merá chhokrá changá hojáegá. 9 Kyúinki main bhí jo dúsre ke ikhtiyár men hún, aur sipáhí mere hukm men hain, jab ek ko kahtá hún: já, wuh játá hai; aur dúsre ko ki á, wuh átá hai; aur apne gulám ko ki yih kar, wuh kartá hai. 10 Yisú ne yih sunkar tájjub kiyá aur unko jo píchhe áge the kahá: Main tum se sach kahtá hún, ki main ne aisá imán Isráel men bhí na páyá. 11 Aur main tumse kahtá hún, ki bahutere púrab aur pachhim se áwenge, aur Abirám o Isháq aur Yáqúb ke sáth ásmán kí bádsháhat men baithenge. 12 Par bádsháhat ke farzand báhar andhere men dále jáenge, jahán roná aur dant písná hogá. 13 Tab Yisú ne us sardár ko kahá : já, aur jaisá tú imán láyá tere liye waisáhi ho, aur usí gharí uská chhokrá changá hogayá.

14 Aur Yisú ne Pathar ke ghar men áke dekhá, ki uskí sás parí aur use tap charhí hai. 15 Aur uská háth chhúa tap uspar se utar gáí, aur wuh uṭhí aur unki kḥidmat karne lagí.

16 Jab shám húi, uske pás bahutse diwánon láne usne bát se rúhon ko dúr kiyá, aur sab ko jo bímár the, changá kiyá. 17 Aisá ki jo Ish-áyá nabí kí márifat kahí gayá thá, púra húa, ki usne áp hamári mándgíun lelí, aur hamári bímárián uṭhá lí.

18 Jab Yisú ne bahut se bhír apne ás pás dekhí, usne hukm kiyá ki pár jáwe. 19 Aur ek Faqíh ne áke use kahá: Ai ustád, jahán kahín tú jáe, main tere píchhe chalúngá. 20 Yisú ne use kahá, ki lom-rión ke liye mánden aur parindon ke wáste basere hain; par Ibn i Ádam ke liye jagah nahín, ki jahán apná sir dhare.

21 Uske shágirdon men se dúsre ne use kahá, Ai Kḥudáwand, mujhe rukhsat de, ki pahile jákar apne báp ko gáru. 22 Par Yisú ne use kahá, tú mere píchhe á, aur murdon ko apne murde gárne de.

23 Aur jab wuh náo par charhá uske shágird uske píchhe áe. 24 Aur dekho daryá men aisi barí ándhí áí, ki náo laharon men chhip gaí, par wuh sotá thá. 25 Tab uske shágirdon ne áke use jagáyá aur kahá, Ai Kḥudáwand, hamen bachá, ki ham dúbe. 26 Usne unhen kahá, Ai kam iatiqádo, kyún dartte ho? Tab usne uṭh ke hawá aur daryá ko dántá, to bará chain hogayá. 27 Aur log tájub karke kahne lage, ki yih kis tarah ká ádmí hai, ki hawá aur daryá bhí uskí mánte hain.

28 Jab us pár Girgasíon ke mulk men pahunchá, do diwáne qabron se nikal kar use mile, we aise tund the, ki koí us raste se chal na saktá thá. 29 Aur dekho unhon ne chilláke kahá, Ai Yisú Kḥudá ke bete, hamen tujh se kyá kám, tú yahán áyá ki waqt se pahile hamen dukh de. 30 Aur unse kuchh dúr súaron ká ek bará gol chartá thá. 31 So diwon ne uskí minnat karke kahá, Agar tú hamko nikáltá hai, to hamen un súaron ke gol men jáne de. 32 Tab usne unhen kahá, jáo; we nikalke un súaron ke gol men gae; aur dekho súaron ká sára gol karáre par se daryá men kudá aur pání men dúb mará. 33 Tab charánewále bháge, aur shahr men jákar sab májará aur un díwánon ká ahwál bayán kiyá. 34 Aur dekho sára shahr Yisú kí muláqát ko niklá, aur use dekh ke uskí minnat kí, ki unkí sarhadd se báhar jáwe.

---

### 9 BA'B.

1 Phir náo par charhke pár utrá, aur apne shahr men áyá. 2 Aur

dekho ek jhole ke máre ko jo chárpáí par pará thá, uspás láye. Yisú ne unká ímán dekh ke us jhole ke máre se kahá: Ai beṭá, kḥátir jama rakh, tere gunáh muáf húe. 3 Tab báze faqíhōn ne apne dil men kahá, ki yih kufr baktá hai. 4 Yisú ne unke kḥiyál daryáft karke kahá, tum kyún apne dil men bad gumání karte ho? 5 Kyá kahná ásan hai, yih ki tere gunáh muáf húe, yá yih ki uṭh, aur'chal. 6 Lekin táki tum jáno, ki Ibn i Adam ko zamín par gunáh muáf karne ká ikhtiyár hai, usne us jhole máre se kahá, Uṭh apní chárpáí uṭhá le, aur apne ghar chalá já. 7 Wuh uṭhkar apne ghar chalá gáyá. 8 Tab logon ne yih dekhkar tájjub kiyá aur Kḥudá kí táríf karne lage, ki aisí qudrat insán ko baḥshí.

9 Phir jab Yisú wahán se áge barhá, to Matí náme ek shaḥs ko mahsúl kí chaukí par baiṭhe dekhá, aur use kahá, mere píchhe á; wuh uṭhke uske píchhe chalá.

10 Aur yún húa, ki jab Yisú ghar men kháne baiṭhá, dekho bahut se mahsúl lenewále aur gunáhgár áke, uske aur uske shágirdon ke sáth kháne baiṭhe. 11 Jab Farúsion ne yih dekhá uske shágirdon se kahá, Tumhárá ustád mahsúl lenewále aur gunáhgáron ke sáth kyún khátá hai? 12 Yisú ne yih sunkar unhen kahá, bhale changon ko hakím darkár nahín, balki bímáron ko. 13 Par tum jáke uske máne daryáft karo, ki main qurbání ko nahín, balki raham ko cháhtá hún; kyúnki main rástbázon ko nahín, balki gunáhgáron ko tauba ke liye buláne áyá hún.

14 Uswaqt Yohan ke shágirdon ne uspás áke kahá, ki ham aur Farusí kyún aksar roza rakhte hain; par tere shágird roza nahín rakhte. 15 Yisú ne unhen kahá, kyá barátí jab tak dúlhá unke sáth hai, udás hosakte hain; lekin wuh dín áwenge ki dúlhá unse judá kiyá jáegá; tab we roza rakhenge. 16 Koí purání qabá par kore kapre ká paiwand nahín lagátá, kyúnki wuh paiwand qabá se kuchh khench letá hai aur uskí chír barh játí. 17 Aur naí wain purání mashkon men nahín bharte, nahín to mashken phat játín, aur wain bah játí, aur mashken kharáb hojáte, balki naí wain naí mashkon men bharte hain, to donon bachí rahtí hain.

18 Jab wuh yih báten unse kah rahá thá, dekho ek sardárne ákar use sijda kiyá aur kahá, Merí beṭí ab tamám húi, par tú chal apná háth

uspar rakh, ki wuh jī uṭhegi. 19 Aur Yisú uṭhke apne shágirdon sáth uske píchhe chalá. 20 Aur dekho ek aurat ne jisko bárah baras se lahujárí thá, uske píchhe áke uske kurte ká dáman chhúá. 21 Apne jī men kahtí thí, agar main sirf uská kurtá chhúongí, bhalí changí ho jáúngí. 22 Tab Yisú ne píchhe phir ke use dekhá aur kahá, ai beṭe kḥátirjama rakh, ki tere ímán ne tujhe changá kiyá ; pas wuh aurat usí gharí se changí hogaí.

23 Aur jab Yisú us sardár ke ghar pahunchá aur usne bānslí bajánewále aur jamáyat ko gol macháte dekhá, to unhen kahá, 34 Kináre ho, ki larke mar nahín gai, balki sotí hai ; we uspar hanse. 26 Jab we log báhar nikále gae, usne andar jáke uská háth pakrá, aur wuh larke uṭhí. 26 Tab uskí shuhtrat us tamám mulk men húi.

27 Jab Yisú wahán se rawána húa, do andhe uske píchhe pukárte áe, ki ai Dáud ke beṭe, hampar rahm kar. 28 Aur jab wuh ghar men pahunchá, we andhe uspás áe. Yisú ne unhen kahá, kyá tumhen iatiqád hai, ki main yih karsaktá hún ? We bole, Hán, ai Kḥudáwand. 29 Tab usne unkí ánkhen ko chhúke kahá, ki jaisá tumhárá iatiqád hai, waisá tumháre liye ho. 30 To unkí ánkhen khul gaín, aur Yisú ne unhen tákíd karke kahá, kḥabardár, koí na jáne. 31 Par unhon ne jáke us tamám mulk men uská shuhtrat kiyá.

32 Jiswaqt we báhar nikle, dekho log ek gúngá díwána us pás láye. 33 Aur jab deo nikálá gayá, wuh gúngá bolá. Aur logon ne tájjub karke kahá, aisá kabhí Isráel men na dekhá thá. 34 Par Farusíon ne kahá, ki wuh deon ke sardár kí madad se deon ko nikáltá hai.

35 Aur Yisú unsab shahron aur bastíon men unke ibádat khánon men tálím detá aur bádsháhat kí kḥushkḥabarí kí munádí aur logon kí harek bímárá aur dukh dard dúr kartá thá. 36 Aur jab usne jamáaton ko dekhá, usko unpar rahm áyá ; kyúнки we un bheron kí mánind jínká charwáhá naho, ájiz aur paríshán thín. 37 Tab usne apne shágirdon se kahá, ki pakke khet to bahut hain, par mazdúr thore. 38 Isliye tum khet ke málík kí minnat karo, ki wuh apne khet káṭne ke liye mazdúron ko bhej de.

baḡhshí, ki nápák rúhoṅ ko níkáleṅ, aur har ṭarah kí bímórí aur dukh dard ko dúr kareṅ. 2 Aur bárah rasúloṅ ká yih nám hai : Pahilá Shimon jo Pathar kahlátá aur uská bhái Andriyá, Zabdí ká beṭá Yáqúb aur uská bhái Yohan. 3 Filip aur Bartulmá, Tomá aur mahsúl lene-wálá Matí, Halfá ká beṭá Yáqúb aur Labbí jo Shaddí bhí kahlátá. 4 Shimon i Kanání aur Yihudá Iskariyotí jisne use pakaṛwádíyá.

5 Un bárahon ko Yisú ne farmáke bhejá, ki gair qaumon kí ṭaraf na jáná aur Sámarion ke kisí shahr meṅ dáḡhil na honá. 6 Balki pahile Isráel ke ghar kí khoí húi bheṅon ke pás jáo. 7 Aur chalte húe munádí karo, ki ásmán kí bádsháhat nazdík hai. 8 Bímáron ko changgá karo, koṛhion ko pák sáf karo, murdon ko jiláo, dewon ko níkálo, tumne muft páyá, muft do. 9 Na soná, na rúpá, na tambá apní kamar meṅ rakho. 10 Raste ke liye na jholí, na do kurte, na jutíán, na láṭhí lo ; kyúнки ḡhurák mazdúr ká haqq hai.

11 Aur jis shahr yá bastí meṅ dáḡhil ho, daryáft karo, ki láiq wahán kaun hai, aur jabtak wahán se na níklo, wahín raho. 12 Aur jab tum kisí ghar meṅ jáo, use salám karo. 13 Agar wuh ghar láiq hai, to tumhárá salám use pahunche ; aur agar láiq nahín, to tumhárá salám tum par phir áwe. 14 Aur jo koí tumheṅ qabúl na kare, aur tumhárá báteṅ na sune; us ghar yá us shahr se níkal ke apne pánw kí gard jhár do. 15 Main tumse sach kahtá hún, ki adálat ke dín Sadúm aur Amurah kí zamín ke liye us shahr kí nisbat ziyáda ásání hogí.

16 Dekho main tumheṅ bheṅon kí mánind bheṅon meṅ bhejtá hún ; pas tum sánp kí ṭarah hoshiyár aur kabútar kí mánind bebad ho. 17 Magar logon se ḡhabardár raho, ki we tumheṅ Senedrián meṅ pakaṛwáenge aur apne ibádat ḡhánon meṅ koṛe máreṅge. 18 Aur tum mere wáste hákimon aur bádsháhon ke sámhne házir kiye jáoge, ki unpar aur gaír qaumon par gawáhí ho. 19 Lekin jab we tumheṅ pakaṛwáeṅ, fikr na karo, ki ham kiṭarah yá kyá kahenge, kyúнки jo kuchh tumheṅ kahná hogá, so usí ghaṛí tumheṅ uskí ágáhí hogí. 20 Kyúнки kahnewále tum nahín, balki tumháre Báp ká Rúh tum meṅ bolegá. Bhái bhái ko aur báp beṭe ko qatl ke liye pakaṛwáegá, aur laṛke apne má báp ká muqábila kareṅge, aur unheṅ marwá dálenge. 22 Aur mere nám ke sabab sab tumse dushmaní kareṅge ; par we jo áḡbir tak barwásht karegí, so hí naját páwegá. 23 Jab we tumheṅ



ek shahr men satáwen, to dúsre men bhág jáo; main tumse sach kahtá hún, ki tum Isráel tamám shahron men na phir chukoge, jab tak Ibn i Adam na á le. 24 Shágird apne ustád se bará nahín, na naukar apne k̄hāwind se. 25 Bas hai kí shágird apne ustád kí, aur naukar apne k̄hāwind kí mánind ho; jab unhon ne ghar ke málik ko Bálzabúl kahá hai, to kitná ziyáda uske logon ko na kahenge. 26 Pas unse na ðaro; kyúнки koí chíz dhanpí nahín, jo khul na jáe, aur na chhipí, jo jání na-jáe. 27 Jo kuchh main tumhen andhere men kahtá hún, ujále men kaho; aur jo kuchh tumháre kánon men kahá jáe, kothon par munádi karo; 28 Aur unse jo badan ko qatl karte, par ján ko qatl nahín kar-sakte mat ðaro, balki usí se ðaro jo ján aur badan donon ko jahannam men halák karsaktá hai. 29 Kyá ek paíse ko do gaure nahín bikte, aur unmen se ek bhí tumháre báp kí bemarzí zamín par nahín kartá: 30 Balki tumháre sir ke bál bhí gine hai. 31 Pas mat ðaro, tum bhahut gauroñ se bihtar ho. 32 Isliye jo koí logon ke áge merá iqrár karegá: main bhí apne báp ke áge jo ásmán par hai, uská iqrár karúngá. 33 Par jo koí ádmíon ke áge merá inkár karegá, main bhí apne báp ke áge jo ásmán par hai uská inkár karúngá.

34. Yih mat samjho, ki main zamín par sulah karwáne áyá; sulah karwáne nahín áyá hún, balki talwár (laráí.) 35 Kyúнки main áyá hún, ki mard ko uske báp aur beṭí ko uskí má aur bahu ko uskí sás se judá karún. 36 Aur ádmí ke dushman uske gharhí ke honge. 37 Jo koí má báp ko mujh se ziyáda cháhtá hai, mere láiq nahín, aur jo beṭá yá beṭí ko mujh se ziyáda piyár kartá, mere láiq nahín. 38 Aur jo koí apní salíb uṭhá ke mere píchhe nahín átá, mere láiq nahín. 39 Jo koí apní ján bachátá hai, use khowegá; par jo mere wáste apní ján khowegá, use páwegá.

40 Jo tumhen qabúl kartá, mujhe qabúl kartá hai; aur jo mujhe qabúl kartá hai, use jisne mujhe bhejá qabúl kartá hai. 41 Jo koí nabí ke nám se nabí ko qabúl kartá hai, nabí ká ajar páwegá; aur jo rástbáz ke nám se rástbáz ko qabúl kartá, rástbáz ká ajar páwegá. 42 Aur jo koí un chhoṭon men se ek ko shágird ke nám se faqat ek piyála ṭhandhá pání piláwegá, main tumse sach kahtá hún, ki wuh apne badlá , páe na rahegá.

## 11 BĀB.

1 Aur aisá húa, ki jab Yisú apne bárah shágirdon ko hukm de chuká, to wahán se rawána húa, ki unke shahron men tálím aur munádí kare.

2 Yohan ne qaid k̄háne men Masíh ká bayán sunkar apne shágirdon men se do ko bhej ke usse puchhwáyá. 3 Ki kyá jo áne wálá thá, tuhí hai? yá ham dúsre kí ráh taken? 4 Yisú ne jawáb men unhen kahá, ki jo kuchh tum sunte aur dekhte ho, já ne Yohan se bayán karo. 5 Ki andhe dekhte, aur langre chalte, korhí pák sáf hote, aur bahre sunte, aur murde jí uthe hain, aur garíbon ko Injíl sunáyá játá hai. 6 Aur mubáarak wuh hai, jo mere sabab thokar na kháe.

7 Jab we rawána húe, Yisú Yohan kí bábat jamáyaton se kahne lagá, ki tum jangal men kyá dekhne gae? kyá ek sarkandá jo hawá se hiltá hai? 8 Phir tum kyá dekhne gae? kyá ek mard ko jo mihín kappahine hai? Dekho jo mihín poshák pahinte, bádsháhon kí mahallon men hain. 9 Phir tum kyá dekhne gaye? kyá ek nabí? Hán, main tum se kahtá hún, balki nabí se bará. 10 Kyúнки yih wahí hai, jiskí bábat likhá hai, ki dekho main apná rasúl tere áge bhejtá hún, jo tere áge ráh durust kareg. 11 Main tum se sach kahtá hún, ki un men se jo auraton se paidá húe, Yohan bápísmá denewále se koí bará záhir na húa; lekin jo ásmán kí bádsháhat men chhoṭá hai, usse bará hai. 12 Yohan bápísmá denewále ke waqt se ab tak ásmán kí bádsháhat par zabardastí hotí hai, aur zabardast use chhín lete hain. 13 Kyúнки sab nabí aur tauret ne Yohan ke waqt tak nabuwat kí. 14 Aur Eliyá jo ánewálá thá, yihí hai cháho to qabúl karo. 15 Jis kisí ke kán sunne ke hon, sune.

16 Lekin iswaqt ke logon ko main kis se tamsíl dún? We un larakon kí mánind hain, jo bázaron men baiṭh ke apne yaron ko pukárke kahte hain, 17 Ki hamne tumháre wáste bānslí bajáí, par tum na náche; hamne tumháre liye mátam kiyá, par umne chhátí na pítí. 18 Kyúнки Yohan khátá pítá nahín áyá, aur we kahte hain ki uspar ek deo hai. 19 Ibn i Ádam khátá pítá áyá, aur we kahte hain, ki dekho ek kháo aur sharábí mahsúllenewálon aur gunáhgáron ká yár. Par hikmat apne larakon se rást thahrí.

20 Tab un shahron ko jinmen uske bahut se muajize zahir hue ma-lamat karne laga; kyunki unhon ne tauba na kiyá tha. 21 Ki ai Korazin, tujh par afsos! Ai Baitsaidá tujh par afsos! kyunki yih muajize jo tumhen dekháe gaye, agar Súr o Saidá men dekháe játe, to we tāt orhke aur khák men baithé ke kabke tauba karchukte. 22 Par main tumse kahtá hún, ki Súr o Saidá ke liye adalat ke din tum se ziyáda ásání hogí. 23 Aur ai Kaparnáhum, jo ásmán tak pahuncháyá gayá, to dozakh men giráyá jáegá, kyunki yih muajize jo tujh men dekháe gaye, agar Sadúm men dekháe játe, to ájtak qáim rahtá. 24 Par main tumse kahtá hún, ki adalat ke din Sadúm ke mulk par tujhse ziyáda ásání hogí.

25 Usí waqt Yisú phir kahne laga, ki Ai Báp, ásmán aur zamín ke Kḥudáwand, main terí tárif kartá hún, ki tune un chizon ko dánáon aur aqlmendon se chhipáyá aur bachon par khol diyá. 26 Hán, ai Báp ki yúnhí tujhe pasand áyá. 17 Mere Báp ne sab kuchh mujhe sonpá, aur koí beṭe ko nahín jántá, magar Báp; aur koí Báp ko nahín jántá, magar beṭá aur wuh jispar beṭá use zahir kiyá cháhtá. 28 Ai logo jo thake aur bare bojh se dube ho, sab mere pás áo; ki main tumhen áram dúngá. 29 Merá júá apne kándhe par lo, aur mujh se sikho; kyunki main halím aur dil se farotan hún, to tum apne jí men áram páoge; kyunki merá júá muláim hai, aur merá bojh halká.

---

## 12 BĀ'R.

1 Uswaqt Yisú sabb ke din kheton men se játá tha, aur uske shágird bhúkhe the, we bálen toṭ toṭ kháne lage. Tab Farusion ne dekhke use kahá, Dekh tere shágird wuh kám karte hai n, jo sabb ke din karná rawá nahín. 3 Usne unhen kahá, kyá tumne nahín parhá, jo Dáúd ne kiyá, jab wuh aur uske sáthí bhúkhe the. 4 Wuh kyúnkar Kḥudá ke ghar men gayá aur nazar kí roṭián kháin, jo Káhinon ke siwá usko aur uske sáthion ko kháná rawá na tha. 5 Aur kyá tumne tauret men nahín parhá, ki káhin sabb ke din haikal men sabb kí hurmat nahín karte, to bhí be gunáh hai. 6 Aur main tumhen kahtá hún ki yahán ek shaḥs hai jo haikal se bhí buzurg hai. 7 Par agar tum uske mání jánte, ki main qurbání ko nahín, balki raham ko cháhtá

hūn, begunāhon ko tum gunāhgār na ṭhahrāte. 8 Kyūnki Ibn i Ādam sabt kā bhī K̄hudāwand hai.

9 Phir wahān se rāwana ho ke unke ibādat k̄hānon men gayā. 10 Aur dekho wahān ek shaḥs thā, jiskā hāth sūkh gayā thā. Tab unhon ne is irāde se ki uspar nālīsh karen use pūchhā, ki kyā sabt ke dīn changā karnā rawā hai? 11 Usne unhen kahā, ki tumne aisā kaun hai, ki jiske pās ek bheṛ ho, agar wuh sabt ke dīn gaṛhe men gire, wuh use pakaṛ ke na nikāle. 12 Pas ādmī bheṛ se kitnā bihtar hai, isliye sabt ke dīn nekī karnā rawā hai. 13 Tab usne us shaḥs ko kahā, ki apnā hāth ambā kar, usne lambā kiyā, aur wuh dūsre kī mānind changā hogayā. 14 Tab Farusīon ne bāhar jā ke salāh kī, ki use mār dālen.

15 Yisū yih jān ke wahān se chalā, aur bahutsī jamāyat uske sāth pīchhe holī, aur usne unsab ko changā kiyā. 16 Aur unhen tākīd kī, ki mujhe zāhir na karnā 17 Tā ki wuh jo Ishāyā nabī kī mārīfat kahā gayā pūrā ho : 18 Ki dekho merā k̄hādīm jise main ne chunā, aur merā piyārā jisse dil merā k̄hūsh hai, main apnā rūh uspar dālūngā, aur wuh gair qaumon se shurū bayān karegā. 19 Wuh jhagrā aur shor na karegā, aur bāzaron men koī uskī āwāz na sunegā. 20 Wuh misle hūe sarkande ko na toregā, aur dhunwān uṭhte hūe sun ko na bujhāwegā jabtak apnī shuru gālib na kar. 21 Aur us ke nām par gair qaum āsrā rakhenge.

22 Tab uspās ek andhe gūnge diwāne ko lāe, aur usne unhen changā kiyā; chunānchī wuh andhā gūngā dekhne bolne lagā. 23 Aur sab jamāaten dang hogaīn aur kahne lagīn, kyā yih Dāūd kā beṭā nahīn? 24 Par Farusīon ne sun ke kahā, ki yih deon ko nahīn nikāltā, magar deon ke sardār Bālzabūl kī madad se. 25 Yisū ne unke k̄hiyālon daryāft karke, unhen kahā, jo jo bādshāhat āpas men barḥlāf hotī wairān hojātī; aur jis jis shahr yā ghar men muḥālifāt ho, ābād na rahegā. 26 Aur agar shaitān shaitān ko dūr kare, to wuh apnāhī muḥālif hūā; phir uskī bādshāhat kyūnkar qāim rahegī. 27 Aur agar main Bālzabūl kī madad se deon ko nikāltā hūn, to tumhāre beṭe kiske madad se nikālte hain; isliye we hī tumhārā insāf karenge. 28 Aur main K̄hudā ke rūh se deon ko nikāltā hūn, to albatta K̄hudā kī bādshāhat tum pās ā pahunchī. 29 Nahīn to kyūnkar hosaktā hai, ki koī kisī zorāwar

ke ghar में जा कर उसका सबब तुल्ले; मगर यह कि पहिले उस डुरावर को बान्धे, तब उसका गार लुटे. 30 जो मेरे साथ नहलन, मेरा मुखललफ है, और जो मेरे साथ जमा नहलन कर्ता, पारेशान कर्ता है. 31 इस्लले में तुमसे काहता हुन, कि लोग का हारतारह का गुनाह और कुफर मुअफ हो सकेगा; मगर वुह कुफर जो रूल के हाक्क में हो लोग को मुअफ ना होग. 32 और इबन इ आदम के हाक्क में बुरा काहे, उसे मुअफ होसकेगा; पर जो रूल इ कुडस के हाक्क में बुरा काहे, उसे हार्गलज मुअफ ना होग, ना इस जहान ना उस जहान में. 33 डाराकत को अकहहा काहो, और उसके फाल को अकहहा या डाराकत को बुरा काहो, और उसके फाल को बुरा; क्युंकी डाराकत फाल ही से पालहाना जाता है. 34 आ सानपोन के बालकहो, तुम बुरे होके क्युंकार अकहही बत काहसक्ते हो; क्युंकी जो दिल में भारा है, सो ही मुंह पर आता है. 35 अकहहा आदमी दिल के अकहहे क़हाजाने से अकहही क़लन नलकालता है, और बुरा आदमी बुरे क़हाजाने से बुरी क़लन बालर लता. 36 पर मैं तुमसे काहता हुन, कि लो हारेक बेहुडा बत जो काहते हान, आदालत के दिन उसका हलसब देगे. 37 क्युंकी तु अपनी बातों ही से रासतबाज गलना जाेगा, और अपनी बातों ही से गुनाहगार त़ाहारेगा.

38 तब बाजे फाकल और फारुशन ने जावब में काहा, कि आ उस्ताद, हम तुजसे एक नलशन देकहा क़ाहते हान. 39 उसने उनहे जावब दीया, कि उस जमाने के बाद और हारामकार लो नलशन धुंधले हान; पर युना नबी के नलशन के सीवा कोी नलशन उनहे देकहाया ना जाेगा. 40 क्युंकी जलसी युना तीन रात दिन मालहली के पेट में राहा, वलसा ही आदमी का बेती तीन रात दिन जामलन के आदर राहेगा. 41 नलनawe के लो उस जमाने के लोग के साथ आदालत के दिन उथेगे, और उनहे गुनाहगार त़ाहारावेंगे; क्युंकी उनहों ने युना की मुनादी पर ताबा की, और देकहो यहान एक है, जो युना से बडुरग है. 42 डालहन की बेगम उस जमाने के लोग के साथ आदालत के दिन उथेगी और उनहे गुनाहगार त़ाहारेगा; क्युंकी वुह जामलन के कलनरे से सुललमान की हलकमत सुनने आी; और देकहो यहान एक सुललमान से बडुरग है. 43 जब नलपाक रूल आदमी से बालर नलकालती, तो सुक़ही जगहों में आराम धुंधलती फलरते और जब नहलन पती, तो काहती: 44 की मैं अपने गार में ललसे नलकी हुन, फलर जाुंगी; और आके उसे क़ाली और जहारा और ललस पती है. 45 तब जाके और सत रूलें जो उसे बाद तर हान, अपने साथ लाले; और वलहान जाकार बासी हान, सो उस आदमी का पलकहला हल अले से बुरा होता है; उस जमाने के बुरे लोग का हल भी आसा ही होग.

46 Jab wuh jamáaton se yih kah rahá thá, dekho uskí má aur bháí báhír khare usse bát kiyá cháhte the. 47 Jab kisí ne use kahá, ki dekh terí má aur tere bháí báhír khare tujhse bát kiyá cháhte hain. 48 Aur usne jawáb men khabar denewále se kahá, kaun hai merí má, áur kaun hain mere bháí. 49 Aur apná háth apne shágirdon kí taraf barhá ke kahá, ki dekh merí má aur mere bháí. 50 Kyúнки jo koí mere báp kí jo ásmán par hai, marzí par chaltá, merá bháí aur bahín aur má wahí hai.

---

13 BĀ'Ā.

1 Usí roz Yisú ghar se nikal ke daryá kináre já baiṭhá. 2 Aur aisá barí bhír us pás jama húi, ki wuh ek náo par charḥ baiṭhá aur sárí bhír kináre par kharí rahí. 3 Aur wuh unhen bahut sí báten tamsílon men kahne logá.

4 Dekho ek kisán bone gayá aur bote waqt kuchh ráh ke kináre girá aur chiríon ne ákar use chug liyá. 5 Aur kuchh paíthrlí zamín par girá jahán bahut miṭṭí na milí, aur is sabab kí bahut miṭṭí na pái jald ugá. 6 Aur jab dhúp húi jal gayá aur isliye ki jar na pakrí thá súkh gayá. 7 Aur kuchh kánton men girá kánton ne barḥ ke use dubá liyá. 8 Aur kuchh achchhí zamín men girá aur phal láyá kuchh sau guná kuchh sáth guná kuchh tís guná. 9 Jise kán sunne ke hon sune.

10 Tab shágirdon ne pás áke use kahá, tú unse tamsílon men kyún kalám kartá hai? 11 Usne jawáb men unhen kahá, ki tumhen baḥshá gayá kí ásmán kí bádsháhat ke bhed jáno, par unhen nahín diyá gayá. 12 Kyúнки jis pás kuchh hai, uss diyá jáegá, aur uskí bahut barhtí hogí: par jis pás kuchh nahín, usse jo kuchh kí us pás hai, so bhí leliyá jáegá. 13 Isliye main unse tamsílon men bát kartá hún: ki we dekhte húe nahín dekhte; aur sunte húe nahín sunte, aur nahín samajhte hain. 14 Aur unke haqq men Isháyá kí nabúwat púrí húi: ki tum kánon se to sunoge, magar samjhoge nahín, aur ánkhon se dekhoge par daryáft na karoge. 15 Kyúнки is qaum ká dil motá' húa, aur we apne kánon se únchá sunte hain, aur unhon ne apní ánkhen múnd lín, táki aisá naho, ki we ánkhon se dekhen, aur kánon se sunen,

aur dil se samjhen, aur rujú láwen aur main unhen changá karú. 16 Par mubáarak tumhári ánkhen, kyúнки wuh dekhtín, aur mubáarak tumháre kán, ki wuh sunte hai. 17 Kyúнки main tumse sach kaht á hún ki bahut se nabí aur rástbázon ne árzú kí, ki jo tum dekhte ho, dekhen par na dekhá ; aur jo tum sunte ho, sunen, par na suná.

18 Ab tum kisán kí tamsíl suno. 19 Jab koí us bádsháhat kí bát suntá, aur nahín samajhtá, to wuh sharír átá, aur jo kuchh uske dil men boyá gayá, le játá hai, Yih wuh hai, jo ráh ke kináre boyá gayá. 20 Jo pathrílí zamín men boyá gayá wuh hai, jo kalám suntá, aur jald khushí se mán letá hai ; 21 Lekin is sabab ki jar nahín pakartá, chand-rosa hai ; ki jab wuh kalám ke sabab musíbat men partá, yá satáyá játá hai, to jald thokar khátá. 22 Jo kánton men boyá gayá, wuh hai jo kalám ko sunta ; par is dunyá kí fikr aur daulat ká fareb kalám ko dubá detá, aur wuh bephal hotá hai. 23 Par jo achchhí zamín men boyá gayá wuh hai, jo kalám ko suntá, aur samajhtá, aur phal látá, aur tayár bhí hotá, báze men sau guné báze men sáth guné, báze men tís guné.

24 Phir usne ek aur tamsíl láke unhen kahá, ki ásmán kí bádsháhat us ádmí kí mánind hai, jisne achchhá bíj apne khet men boyá. 25 Par jab log sogaye, uská dushman áyá, aur uske kheton men karwá dáná bogayá. 26 Jiswaqt ánkur niklá, aur bálen lagín tab karwá dáná bhí záhir húá ; sab us gharwále ke naukaron ne áke kahá, ai sáhib kyá túne khet men achchhe bíj na boe the ? phir karwe dáne kahán se áye ? 28 Usne unhen kahá, kisú dushman ne yih kiyá. Tab naukaron ne kahá, agar marzí ho, to ham já ke unhen jama karen ? 29 Usne kahá, nahín : aisá naho, ki jab tum karwe dánon ko jama karo, to unke sáth gehún bhí ukhár lo. 30 Kátne ke din tak donon ko ekathe barhne do : ki main kátne ke waqt kátne wálon ko kahúngá, ki pahile karwe dáne jama karo, aur jaláne ke wáste unke gathe bándho ; par gehún merí kothí men jama karo.

31 Wuh unke wáste ek aur tamsíl layá, ki ásmán kí bádsháhat ek ráí ke dáne kí mánind hai, jise ek shakhs ne leke apne khet men boyá : 32 Wuh sab bíjon men chhotá ; par jab ugá, to sab tarkáron se bará hotá, aur aisá per hotá ki chiriyáen áke uskí dálion par baserá letín.

33 Usne unse ek aur tamsíl kahí, ki ásmán kí bádsháhat khamír kí mánind hai jise ek aurat ne lekar tín paimá ne áte men míláyá, yahán tak ki wuh sab khamírá hogayá.

34 Ye sab báten Yisú ne un jamáaton ko tamsílon men kahín; aur betamsíl unse na boltá thá: 35 Táki jo nabí kí márifat kahá gayá, púr-  
rá ho, ki main tamsílen lákar kalám karúngá; main un báton ko jo dunyá ke shurú se poshídá hai, záhir karúngá.

36 Tab Yisú un jamáaton ko rukhsat kar ke ghar ko gayá: aur uske shágirdon ne uspás áke kahá, khet ke karwe dáne kí tamsíl hameu samjhá. 37 Usne unhen jawáb men kahá, Achchhe bíj ká bonewálá Ibn i Ádam hai; 38 Khet dunyá húá, achchhe bíj is bádsháhat ke larke hai; aur karwe dáne sharír ke farzand. 39 Wuh dushman jisne unhen boyá shaitán hai! kátne ká waqt is dunyá ká ákhir; aur kátne wále firishte hai. 40 Pas jistarrah karwe dáne jama kiye játe, aur ág men jaláye játe hai, is jahán ke ákhir men aisá hí hogá. 41 Ibn i Ádam apne firishton ko bhejegá, aur we sab thokar khiláne wáli chízen, aur badkáron ko, uskí bádsháhat men se chunkar. 42 Unhen jalte tanúr men dál denge, aur wahán roná aur dánt-písna hogá. 43 Tab rástbáz apne báp kí bádsháhat men áftáb kí mánind núrání honge, jise kán sunne ke hon, sune.

44 Phir ásmán kí bádsháhat us k̄hazáne kí mánind hai, jo khet men gará hai jise ek shaḡhs pá ke chhipá detá hai, aur uskí k̄hushí ke máre jáke apná sab kuchh bechtá, aur us khet ko mol letá hai.

45 Phir ásmán kí bádsháhat us saudágar kí mánind hai, jo qímatí motíyon kí talásh men hai: 46 Jab usne ek beshqímat motí páyá, to jáke jo kuchh uská thá, sab bech dílá, aur use mol layá.

37 Phir ásmán kí bádsháhat us jál kí mánind hai, jo daryá men dálá gayá, aur hartarah kí machhlí samet láyá. 48 Jab wuh bhar gayá, use kináre k̄hench láye, aur baith ke achchhe machhlíyan bartanon men jama kín, par burí phenk dín. 49 Is jahán ke ákhir men aisá hí hogá: firishte áwenge, aur rástbázon men se sharíron ko alag karenge. 50 Aur unhen jalte tanúr men dál denge, wahán roná aur dánt písna hogá.

51 Yisú ne unhen kahá, tum yih sab samjhe? Unhon ne kahá, Háu Khudáwand. 52 Tab usne unhen kahá, har ek faqíh jo ásmán kí



bádsbháhat kí tálím páchuká, us gharwále kí mánind hai, jo apne kha-záne se naí aur purání chízen nikáltá hai.

53 Aur aisá húá, ki jab Yisú yih tamsílen kah chuká, to wahán se rawána húá. 54 Aur apne waṭan men áke usne unke ibádat kḥáne men unhen aisí tálím dí, ki we hairán hue, aur kahne lage, ki aisí hikmat, aur muajíze usne kahán se páye? 55 Kyá yih barḥaí ká beṭá nahín? aur uskí má Mariyam nahín kahlátí, aur uske bhái Yaqúb aur Yose, aur Simon, aur Yihúdá? 56 Aur uskí sab bahine hamáre sáth nahín hain? Pas usne yih sab kuchh kahán se páyá? 57 Unhen ne usse thokar khái par Yisú unhen kahá, ki nabí apne waṭan aur gharke siwá kahín beizzat nahín hai. 58 Aur usne unkí beiatiqáadí ke sabab wahá bahut muajíze nahín dekháe.

---

14 BA'B.

1 Us waqt mulk kí chauthái kí hákim Hirod ne Yisú ke shuhrat suní. 2 Aur apne naukaron se kahá, ki yih Yohan báptismá dene-wálá hai, jo murdon men se jí uṭhá, isliye isse muajíze záhir hote hain. 3 Ki Hírod ne Yohan ko Hírodiyá ke sabab jo uske bhái Filip kí jorú thí giriftár kiyá, aur bándh ke qaidkḥáne men dál diyá thá. 4 Isliye ki Yohan ne use kahá thá, ki tujhe usko rakhná rawá nahín. 5 Aur Hírod ne cháhá, ki use már díle, par logon se dará; kyúнки we use nabí jánte the. 6 Par jab Hírod kí sálgirah kí kḥushí hone lagí, Hírodiyá kí beṭí unke darmiyán náchí aur Hírod ko kḥush kiyá. 7 Chunánchi usne qasam kháke wadah diyá, ki jo kuchh tú mángegí, main tujhe dúngá. 8 Tab wuh jaisá uskí má ne use sikhá rakhá thá, bolí, ki Yohan báptismá dene wále ká sir thá lí men yahín mujhe mangwá de. 9 Bádsbháh dilgír húá: par qasam ke, aur unke sabab, jo uske sáth kháne baiṭhe the, usne hukm kiyá, ki use lá dewen. 10 Aur usne log bhej kar qaid kḥáne men uská sir kaṭ-wáyá. 11 Aur uská sir thá lí men láke us laṛkí ko diyá: wuh apní má kí pás leáí. 12 Tab uske shágirdon ne áke lásh uṭháí, aur use gará, aur jáke Yisú ko kḥabar dí.

13 Jab Yisú ne suná, to wahán se kishṭí par baiṭh ke alag ek wai-rána men gayá: jamáaten yih sunke shahron se niklín aur kḥushk

uske pichhe holin. 14 Aur Yisú ne nikal kar ek barí jamáat dekhí, unpar use raham áyá, aur jo unmen bímár the, unhen changá kiyá. 15 Aur jab shám húi, uske shágirdon ne uspás áke kahá, ki jagah wairána hai, aur shám hogaí, jamáaton ko rukhsat kar, ki we bastion men já ke apne wasté kháne ko mol len. 16 Yisú ne unse kahá, Unká jáná kuchh zurúr nahín; tum unhen kháne ko do. 17 Unhon ne usse kahá, ki yahán hamáre pás pánch rotí aur do machhlion ke siwá kuchh nahín hai. 18 Wuh bolá, ki unhen yahán mere pás láo. 19 Phir usne hukm kiyá, ki jamáaten ghás par baiṭhen; tab un pánch rotí aur do machhlion ko liyá, aur ásmán kí ṭaraf dekhkar barkat dí, aur rotí toṛ ke shágirdon ko, aur shágirdon ne jamáaton ko dín. 20 Aur we sab kháke ásúda húe; aur unhon ne ṭukron kí jo bach rahe the, bárah tokrián bharí uṭhain. 21 Aur we jinhon ne kháyá thá, siwá aurat aur larakon pánch hazár ke qaríb the.

22 Aur usdam Yisú ne apne shágirdon ko tákíd se farmáyá, ki kishtí par charḥ ke mere áge pár jáo, jab tak main un jamáaton ko rukhsat karún. 23 Phir áp jamáaton ko rukhsat karke duá ke liye ek pahar par akelá charḥ gayá: aur jab shám húi, wahín akelá rahá. 24 Par wuh kishtí us waqt daryá ke bích pahunch kar lahton se ḍagmagatí thí: kyúnci ki hawá muḥhálif thí. 25 Aur rát ko pichhle pahar Yisú daryá par chaltá húa unpás áyá. 26 Jab shagirdon ne use daryá par chalte dekhá, we ghabrá ke kahne lage, yih bhút hai; aur ḍar ke chilláye. 27 Wohín Yisú ne unhen kahá, ki ḳhátir jama rakho, main hún, mat ḍaro. 28 Pathar ne use jawáb men kahá, Ai Ḳhudáwand, agar tú hí hai, to mujhe farmá ki main pání par chalke tere pás áún. 29 Usne kahá, á. Tab Pathar kishtí se utar ke pání par chalne lagá, ki Yisú ke pás jáwe. 30 Par jab usne dekhá ki hawá tez hai, to ḍará; aur jab ḍúbne lagá chilláke kahá, Ai Ḳhudáwand, mujhe bachá. 31 Wohín Yisú ne háth baṛhá ke use pakar liyá aur kahá, Ai kam iatiqád, tú kyún shak láyá? 32 Aur jab we kishtí par áye hawá thamgaí. 33 Aur unhon ne jo kishtí par the áke use sijda karke kahá, Tú sach mach Ḳhudá ká betá hai.

34 Phir pár utar ke Ganísarít ke mulk men pahunche. 35 Aur wabán ke logon ne use pahchánke us sáre ás pás ke mulk men shuh-rat dí, aur sab bímáron ko uspás láye; 36 Aur uskí minnat kí, ki

faqat uskí poshák ká dáman chúon: aur jitnon ne chhúá, bilkul change hogae.

15 BA'Á.

1 Tab Yirúshálam ke Faqíh aur Farusíon ne Yisú pás áke kahá :  
 2 Tere shágird kyún buzurgon kí sunnaton ko tál dete hai? ki rotí kháire ke waqt apne háth nahín dhote. 3 Usne unhen jawáb men kahá, ki tum kiswáste apní sunnaton ke sabab K̄hudá ká hukm tál dete ho? 4 Kyúunki K̄hudá ne farmáyá hai, ki apne má báp kí izzat kar; aur jo koí má yá báp par lánat bheje ján se mára jáwe. 5 Par tum káhte ho, ki jo koí apní má yá báp ko kahe, ki jo kuchh mujhe tujh ko dená wájib thá, so K̄hudá kí nazar húa; 6 Aur apní má yá báp kí izzat na kare, to kuchh muzáyaqa nahín. Pas tumne apní sunnat se K̄hudá ke hukm ko bátil kiyá. 7 Ai makkáro, Isháyá ne kyá khúb tumbhare haqq men nabúwat kí: 8 Ki ye log apní zabán se merí nazdíkí dhúndhte, aur munh se merí izzat karte hain, par unke dil mují se dúr hain. 9 Lekin we abas merí parastish kárte hain; kyúunki tálím karne men insán hí ke hukm sunáte hain. 10 Phir usne jamáat ko bulákar unse kahá, Suno, aur samjho: 11 Ki jo chíz munh men játi, ádmí ko nápák nahín kartí! balki wuh, jo munh se nikaltí hai, wahí ádmí ko nápák kartí hai. 12 Tab uske shágirdon ne uspás áke usse kahá, Kyá tú jántá hai, ki Farusí yih bát sunkar náráz húe? 13 Unhon se jawáb men kahá, jo paudhá, mere Báp ne ki ásmán par hai nahín lagáyá jar se ukhárá jáegá. 14 Unhen jáne do; we andhe andhon ke ráh de khánewále hain. Phir agar andhá andhe ko ráh dekháwe, to donon garhe men girenge. 15 Pathar ne unhen jawáb men kahá, Wuh tamsíl hamen samjhá. 16 Yisú ne kahá, kyá tum bhí abtak be samjh ho? 17 Abtak tum nahín samjhte, ki jo kuchh munh men játa, peṭ men partá hai, aur garhe men phenká játi? 18 Par we báten jo munh se nikaltín, dil se áti hain, wahí ádmí ko nápák kartí hain. 19 Kyúunki ki bure k̄hiyál, k̄hún, ziná, harám kárí, chorí, jhúṭhí, gawáhí, kufr dilhí se nikalte hain: 20 Yehí báten ádmí kí nápák karnewáli hain: par bin dhoe háth khána, ádmí ko nápák nahín kartá.

21 Tab Yisú wahán se rawána ho ke Súr o Saidá kí sarhaddon men gayá. 22 Aur dekho, ek Kanání aurat wahán kí sarhad se nikal ke káuprtí húi chali áí, ki Ai K̄hudáwand, Dáúd ke beṭe, Ham par rahm kar, ki mere beṭí saḡht diwání hai. 23 Usne kuchh jawáb na diyá; tab uske shágirdon ne pás ákar uskí minnat kí, ki use ruḡhsat kar, kyúnci wuh hamáre píchhe chillátí hai. 24 Usne jawáb men kahá Main Isráel ke ghar kí khoí húi bheríon ke siwá, aur kisí pás nahín bhejá gayá. 25 Par wuh áí, aur use sijda karke kahá, Ai K̄hudáwand, merí madad kar. 26 Usne jawáb diyá, Manásib nahín ki laḡkon kí roṭí lekar kutton ko phenk díje. 27 Usne kahá, Sach, ai K̄hudáwand : magar kutte bhí jo ṭukre unke K̄hudáwand kí mez se gírte, kháte hain. 28 Tab Yisú ne jawáb men use kahá, Ai aurat, terá iatiqád bará hai : jo cháhtí hai, tere liye ho. Aur usí dam uskí beṭí changí hogáí.

29 Phir Yisú wahán se rawána hoke Galíl ke daryá ke nazdík áyá; aur ek pahár par charḡ kar wahán baiṭhá. 30 Aur bahut jamáaten langron andhon gúngon aur ṭundon aur unke siwá bahuteron ko sáth lekar uspás áen, aur unhen Yisú ke páon par ḡalá; aur usne unhen changá kiyá. 32 Aisá ki jab un jamáaton dekhá, ki gúnge bolte, tunde tandurust hote, langre chalte, aur andhe dekhte hain, to tájub kiyá, aur Isráel ke K̄hudáwand kí tárif kí.

32 Tab Yisú ne apne shágirdon ko buláke kahá, ki mujhe is jamáat par raham átá hai, ki tén din mere sáth ra'í, aur unke pás kuchh kháne ko nahín: aur main cháhtá, ki unhen fáqe se ruḡhsat karún, aisá naho ki ráh men kahín náṭáqat hojáen. 33 Uske shágirdon ne usse kahá, ki is wairáne men ham etní roṭiyán kahán páwen, ki aisí jamáat ko ásúda karen? 34 Tab Yisú ne unhen kahá, ki tumháre pás ketní roṭiyán hain? We bole, Sát, aur hai ek chhoṭí machhlí. 35 Tab usne jamáaton ko hukm kiyá, ki zamín par baiṭh jáwen. 36 Phir un sát roṭion, aur machhlion ko lekar shukr kiyá, aur toṭ kar apne shágirdon ko diyá, aur shágirdon ne logon ko. 37 Aur sab kháke ásúda húe: aur ṭukron se jo bach rahe the, unhon ne sát ṭokrián bhar kar utháin. 38 Aur kháne wále, siwá aurat aur laḡkon ke, char hazár mard the. 39 Aur jamáaton ko ruḡhsat karke kishṭí par charḡ aur Mágdaliyá kí sarhadd men áyá.

## 16 BA' B.

1 Farusíon aur Zádúqíon ne áke ázmáish ke liye use cháhá, ki ek ásmání nishán hamen dekhá. 2 Usne jawáb men unse kahá, ki jab shám hotí, tum kahte ho, ki kál phirchhá hogá : kyúnci ásmán lál hai. 3 Aur subh ko kahte, ki áj ándhí chalegí, kyúnci ásmán lál aur dhumlá hai. Ai makkáro, tum ásmánkí súrát men imtíyáz karsakte ho; par waqton kí nisháníyán nahín daryáft karsakte? 4 Is zamáne ke bad aur harám kár log nishán dhundhte hain; par Yuná nabí ke nishán ke siwá koí nishán unhen dekháyá na jáegá. Aur wuh unhen chhor ke chalá gayá.

5 Aur uske shágird pár pahunche, aur roṭí sáth lene bhúl gae the. 6 Yisú ne unhen kahá, Farusíon aur Zádúqíon ke khamír se khabar-dár aur chaukas raho. 7 Aur we soch kar ápas men kahne lage, Uská yih sabab hai, ki ham roṭí na láye. 8 Lekin Yisú ne yih dary-áft kar ke kahá, ki Ai kam iatiqádo, tum apne dil men kyún sochte ho, ki yih roṭí na láne ke sabab se hai? 9 Ab tak nahín samjhte ho, un páñch hazár kí páñch roṭíyán nahín yád rakhte, aur ki ketní tok-ríán bharín uṭháín? 10 Aur na un chár hazár kí sáṭ roṭíán, aur ki tumne ketní tok-ríán bhar kar uṭháín? 11 Yih tum kyún nahín samajhte ho, ki main ne tumse roṭí kí bábat nahín kahá, ki tum Farusíon aur Zádúqíon ko khamír se chaukas raho? 12 Tab unhon ne malúm kiyá, ki usne roṭí ke khamír se nahín, balki Farusíon aur Zádúqíon kí tálím se chaukas rahne ko kahá thá.

13 Aur Yisú ne Qaisariyá Filipíkí sarhad men ákar, apne shágirdon se púchhá, ki Log kyá kahte hain, ki main jo Ibn i Adam hún, kaun hún? 14 Unhon ne kahá, ki báze kahte hain, ki tú Yohan bápísmá denewálá hai : báze Iliyá ; aur báze Yirmiah, yá ek nabíon men se. 15 Usne unhen kaha, Par tum kyá kahte ho, ki main kaun hún? 16 Simon Pathar ne jawáb men kahá, Tú Masíh zinda Kḥudá ká beṭá hai. 17 Yisú ne jawáb men use kahá, Ai Simon Bar Yona, mubáarak tú ; kyúnci jism aur kḥún ne nahín, balki mere Báp ne, jo ásmán par hai, tujh par yih záhir kiyá. 18 Main yih bhí tujh kahtá hún, ki tú Pathar hai, aur main is pathar par apná kalísiyá banáúngá ; aur dozaḥ ke darwáze uspar fatah napáenge. 19 Aur main ásmán kí bádsháhat kí kunjíyán tujhe dúngá : jo kuchh tú zamín par band

karegá, ásmán par band kiyá jáega; aur jo kuchh tú zamín par kholegá, ásmán par kholá jáega. 20 Tab usne apne shágirdon ko hukm kiyá, ki kisú se na kahná, ki main Masíh hún.

21 Uswaqt se Yisú apne shágirdon ko khabar dene lagá, ki zurúr hai, ki main Yirúshálam ko jáún, aur buzurgon, aur Sardár Káhinon aur Faqíhon se bahut dukhí uṭháún, aur mára jáún, tísre din jí uṭhon. 22 Tab Pathar use kináre lejá ke jhunjhlá kar kahne lagá, ki Ai Kḥudáwand, terí salámatí ho : yih tujh par kabhí na hogá. 23 Par usne phir ke Pathar se kahá, Ai shaitán, mere sámhne se dúr ho : tú mere liye ṭhokar khiláne wálá patthar hai : kyúnci tú Kḥudá kí báon ká nahín, balki ádmí kí báton ká kḥiyál kartá hai. 24 Tab Yisú ne apne shágirdon se kahá, Agar koí cháhe, ki mere píchhe áwe, to apná inkár kare, aur apní salíb uṭhá ke merí paioí kare. 25 Kyúnci jo koí apní ján bacháyá cháhe, use khowegá : par jo koí mere liye ján khowegá, use páwegá. 36 Kyúnci ádmí ko kyá fáida, agar tamám jahán hásil kare, aur apní ján khowe ? phir ádmí apní ján ke badle kyá de saktá hai ? 27 Kyúnci Ibn i Adam apne Báp ke jalál, aur apne firishton ke sáth áwegá ; tab harek ko uske ámál ke muwáfíq badlá degá. 28 Main tumse sach kahtá hún, ki un men se jo yahán khaṛe hain, báze hain, ki jab tak Ibn i Adam ko apní bádsháhat men áte na dekhlen, maut ká maza na chakhenge.

---

#### 17 BĀB.

1 Aur chhah din bád Yisú Pathar aur Yáqúb, aur uske bhái Yohan ko, alag ek unche pahár par legayá. 2 Aur un ke sámhne uskí súrát aur hí hogaí : aur uská chihra áftáb sá chamká, aur uskí poshák núr kí mánind safed hogaí. 3 Aur dekho, Musá aur Iliyá usse báten kárte, unhen dekháí diye. 4 Tab Pathar ne Yisú se kahá, Ai Kḥudáwand, hamáre liye yahán rahná achchhá hai : agar marzí ho, to ham yahán tén ḍera banáwen, ek tere, aur ek Musá, aur ek Iliyá ke liye. 5 Wuh yih kahtá hí thá, ki dekho, ek núrání badlí ne unpar sáya kiyá : aur dekho, us báda se ek áwáz áí, ki Yih merá piyár Beṭá hai, jis se main kḥúsh hún ; tum uskí suno. 6 Shágird yih sunke munh ke bal gire, aur niháyat ḍar gae. 7 Tab Yisú ne unhen áke chhúá,

aur kahá, ki uṭho, mat ḍaro. 8 Aur unhoṅ ne apní ánkḥ uṭhá ke Yisú ke siwá aur kisí ko na dekhá. 9 Tab we paháṛ se utarte the, Yisú ne unheṅ tákíd se farmáyá, ki jab tak Ibn i Ādam murdoṅ men se jí na uṭhe, yih royá kisu se na kaho. 10 Aur uske shágirdoṅ ne usse púchhá, phir faqíh kyúṅ kahte hain, pahile Iliyá ká áná zurúr hai? 11 Yisú ne unhen jawáb diyá, ki Iliyá albatta pahile áwegá, aur sab chízoṅ ká bandobast karegá. 12 Par main tum se kahtá hún, Iliyá to á chuká, lekin unhoṅ ne usko nahín pahcháná, balki jó cháhá, uske sáth kiyá. Isíṭarah Ibn i Ādam bhí unse dukh uṭháwegá. 13 Tab shágirdoṅ ne samjhá, ki usse unhoṅ ne Yohan bápísmá denewále kí bábat kahá.

14 Jab we jamáat ke pás pahunche, ek shaḥs uspás áyá, aur ghuṭne tak ke usse kahá: 15 Ai Ḳhudáwand, mere beṭe par rahm kar: kyúnci wuh sirí hai, aur bahut dukh uṭhátá hai: ki aksar ág meṅ girtá, aur aksar pání meṅ. 16 Aur main tere shágirdoṅ ke pás láyá thá, par we use changá na karsakte. 17 Yisú ne jawáb meṅ kahá, Ai beiatiqád aur terhí qaum main kabtak tumháre sáth rahúngá? kabtak tumhári bardást karúngá? Use yahán mere pás lí. 18 Tab Yisú ne deo ko dhamkáyá; wuh usse nikal gayá: aur wuh chhokrá usí gharí changá hogayá. 19 Tab shágirdoṅ ne alag Yisú pás áke kahá, Ham kyúṅ usko nikál nas ake? Yisú ne unhen kahá, Apní beímání ke sabab; kyúnci main tumse sach kahtá hún, ki agar tumheṅ ráí ke dáne ke barábar ímán hotá, to agar tum is paháṛ se kahte, ki yahán se waháṅ chalayá, to wuh chalá játá: aur kof bát tumhári an honí nahotí. 21 Magar isṭarah ke deo begaír namáz o roza ke nahín nikále játe.

22 Tab we Galíl meṅ phirá karte the, Yisú ne unhen kahá, ki Ibn i Ādam logoṅ ke háth meṅ sompá jáegá: 23 Aur we use qatl karenge, phir wuh tísre din uṭhegá. Tab we niháyat gangín húe.

24 Tab we Kaparnáhum meṅ áye, mahsullenewáloṅ ne pás áke Pathar se kahá, Tumhárá ustád mahsúl nahín detá? Usne kahá, Hain 25 Tab wuh ghar meṅ áyá, to Yisú ne uske bolne ke peshtar use kahá, ki Ai Simon, tú kyá samajhtá hai? dunyá ke bádsháh mahsúl kisse lete hain? apne larḱoṅ se? yá gairoṅ se? 26 Pathar ne use kahá, gairoṅ se. Yisú ne use kahá, pas to larḱe usse ázád hain. 27 Lekin táki ham unhen ṭhokar na khiláwen, tú já ke daryá meṅ bansí

ḍál, aur jo machhlí ki pahile nikle, use leke, us ká munh khol, to ek siká páwegá ; use leke, mere aur apne wáste unhen de.

---

18 BA'Ī.

1 Uswaqt shágirdon ne Yisú pás áke púchhá, ki ásmán kí bádsháhat men sabse bará kaun hai? 2 Yisú ne ek chhoṭá laṛká buláke unke bích khará kiyá, 3 Aur kahá, Main tum se sach kahtá hún, agar tum tauba na karo, aur chhoṭe laṛkon kí mánind na bano, to ásmán kí bádsháhat men hargiz dáḳhil na hoge. 4 Pas jo koí ap ko is bache kí mánind chhoṭá jáne, wahí ásmán kí bádsháhat men sabse bará hai. 5 Aur jo koí aise bache kí mere nám par ḳhátir dárí kare, merí ḳhátir dárí kartá hai. 6 Par jo koí un chhoṭon men se, jo mujh par ímán láte hain, ek ko ṭhokar khiláwe; to uske liye yih bihtar hai, ki ek chakí ká páṭ uske gale men bandhá, jáwe; aur wuh bích samundar men ḍúbáyá jáe. 7 ṭhokarkhilánewálí chizon ke sabab duniyá par afsos hai: ki ṭhokar khilánewálí chizon lá áná zurúr; par afsos us shaḳhs par, jiske sabab ṭhokar lage. 8 Agar terá háth yá terá pánw tujhe ṭhokar khiláwe, use káṭ ḍál, aur apne pás se phenk de: ki langrá yá ṭundí hokar zindagí men dáḳhil honá tere liye usse bihtar hai, ki do háth yá do pánw hote hamesha kí ág men ḍálá jáwe. 9 Aur agar terí áṅkh tujhe ṭhokar khiláwe, use nikál ḍál, aur phenk de: kyúnci káná hokar zindagí men dáḳhil honá tere liye usse bihtar hai, ki tere do áṅkh hon, aur tú jahannam kí ág men ḍálá jáwe. 10 Ḳhabardár, un chhoṭon men se kisu ko náchíz na jáno; kyúnci main tumse kahta hún, ki ásmán par unke frishte mere ásmání Báp ká munh hamesha dekhte hain. 11 Kyúnci Ibn i Ádam áyá hai, ki khoe húon ke ḍhunḍh ke bacháwe. 12 Tum kyá samajhte ho? Agar kisí shaḳhs ke pás sau bher hon, aur un men se ek khojáe, kyá wuh ninánave ko paháron par chhor ke us khoí húí khojá kar na ḍhunḍhegá. 13 Aur agar aisé ho, ki use páwe, main tumse sach kahtá hún, ki wuh uske sabab un ninánave se jo kho na gaí thí, ziyáda ḳhuh hogá. 14 Isítarah tumháre Báp kí jo ásmán par hai, marzí nahín, ki un chhoṭon men se koí halák howe.

15 Phir agar terá bhái terá gunáh kare, jí, aur use akele men samj-



há : agar wuh terí sune, tú ne apne bhái ko páyá. 16 Agar wuh na sune, to ek yá do shakhs apne sáth le, táki harek bát do yá tín gawá-hon ke munh se sábit ho. 17 Agar wuh unkí na máne, to kalisiyá se kah ; agar wuh Kalisiyá ko bhí na máne, to usko bedín gair qaum men se ek aur mahsullenewále kí mánind ján. 18 Main tum se sach kahtá hún, jo kuchh tum zamín par bándhoge, ásmán par bandhá jáegá : aur jo kuchh tum zamín par khologe, ásmán par kholá jáegá.

19 Phir main tumse kahtá hún, Agar tum men se do shakhs zamín par kisi bát ke liye mel kar duá mángen, wuh mere Báp kí taraf se, jo ásmán par hai, unke liye hogí. 20 Kyúнки jahán do yá tín mere nám par ekatthe hon, wahán main unke bích hún. 21 Tab Pathar ne uspás áke kahá, Ai K̄hudáwand, agar merá bhái merá gunáh kare, to main use kitne martaba muáf karún ? sát martabe tak ? 22 Yisú ne use kahá, Main tujhe sát martabe tak nahín kahtá, balki satar ke sát martabe tak. 23 Isliye ki ásmán kí bádsháhat ek bádsháh kí mánind hai, jisne apne logon se hisáb lená cháhá. 24 Jab hisáb lene lagá, ek ko us pás láye, jise usko das hazár toṛe páne the. 25 Par iswáste ki uspás kuchh adá karne na thá, uske K̄hudáwand ne hukm kiyá, ki wuh aur uskí jorú, aur uske bál bache, aur jo kuchh usk ho, bechá jáwe, aur qarz bhar liyá jáwe. 26 Tab us naukar ne girke use sijda karke kahá, Ai K̄hudáwand, sabr kar, ki main terá sárá qarz adá karúngá. 27 Us naukar ke sáhib ko rahm áyá, aur use chhor kar qarz use baḅsh diyá. 28 Us naukar ne nikal ke apne sáth kí naukaron men se ek ko páyá, jispar uske sau dínár áte the, usne usko pakar kar uská galá ghotá, aur kahá, jo merá cháhtá hai, mujhe de. 29 Tab uske sáth ká naukar uske pánw par girá, aur uskí minnat karke kahá, sabr kar, ki main sab adá karúngá. 30 Phir usne na máná, balki jáke use qaid kháne men dálá, ki jab tak qarz adá na kare, qaid rahe. 31 Uske sáth ke naukar yih májará dekhke niháyat gamgín húe, aur ákar apne kháwind se tamám ahwál bayán kiyá. 32 Tab us ke kháwind ne use bulákar use kahá, ki Ai sharír chákar, main ne wuh sab qarz baḅsh diyá, kyúнки túne merí minnat kí. 33 To kyá lázim na thá, ki jaisá main ne tujh par rahm kiyá, tú bhí apne ham khidmat par rahm kartá. 34 So uske kháwind ne gussá hoke usko dároga ke hawále kiyá, ki jab tak tamám qarz adá na kare, qaid rahe. 35 Usí-

tarah merá ásmání Báp bhí tumse karegá, agar harek tum men se apne bháion ke qusúr dil se muáf na karegá.

19 BA'Ī.

1 Aur yún húa, ki Yisú jab us kalám ko tamán kar chuká, Galíl se rawána húa, aur Yardan ke pár Yihúdiyá kí sarhadd men áyá. 2 Aur bahut jamáaten uske píchhe holín; aur usne unhen wahán changá kiyá.

3 Aur Farusí uskí ázmáish ke liye uspás áye, aur usse kahá, Kyá rawá hai, ki ádmí harek sabab se apní jorú ko chhor dewe. 4 Usne jawáb men unse kahá, Kyá tumne nahín parhá, ki unhen paidá karne wále ne shurú men ekhí mard aur ekhí aurat banáí. 5 Aur farmáyá, ki isliye mard apne má báp ko chhoregá, aur apní jorú milá rahegá : aur we dono ek tan honge ? 6 Isliye ab we do nahín, balki ek tan hain. Pas jise K̄hudá ne jorá, use admí na tore, 7 Unhon ne use kahá, Phir Musá ne kyún hukm diyá, ki taláq náma use deke use chhor de. 8 Usne unse kahá, Musá ne tumhári saḡht dilí ke sabab tum ko apní jorúon ko chhor dene kí parwángí dí, par shurú se aisá na'thá. 9 Aur main tumse kahtá hún, jo koí apní jorú ko siwá ziná ke aur sabab se chhor de, aur dúsrí se biyáh kare, ziná kartá hai: aur jo us chhoṛí gaí aurat ko biyáhe, ziná kartá hai. 10 Uske shágirdon ne use kahá, Agar ádmí ká hál jorú se yih hai, to jorú karná achchhá nahín. 11 Usne unse kahá, ki sab isbát par amal nahín kar sakte, magar we jinhen diyá gayá. 12 Kyúнки báze k̄hoje hain, jo má ke peṭhí se paidá húe; aur báze k̄hoje hain, jinhen logon ne k̄hoja banáyá; aur báze k̄hojá hain, jinhon ne ásmán kí bádsháhat kí liye ápko k̄hojá banáyá. Jo us par amal karsaktá hai, kare.

13 Tab log chhoṛe laḡkon ko uspás láye, ki wuh uspar háth rakhe, aur duá kare: par shágirdon ne unhen dántá. 14 Yisú ne unse kahá, ki laḡkon ko chhor do, aur unhen mere pás áne se mana na karo; kyúнки ásmán kí bádsháhat aisonhí kí hai. 15 Aur usne apná háth unpar rakhá, aur wahán se rawána húa.

16 Aur dekho, ek ne áke usse kahá, Ai achchhe ustád, main kaun sá achchhá kám karún, ki hamesha kí zindagí páún. 17 Usne use

kahá, Tú kyún mujhe achchhá kahtá hai, achchhá to koí nahín, magar ek, yáne K̄hudá ; par agar tú zindagí men dákhil húa cháhe, to hukmon par amal kar. 18 Usne use kahá, Kaun se hukm ? Yisú ne use kahá, Yih, ki tú k̄hun an kar, zaná na kar, chorí na kar, jhúth gawáhí na de. 19 Apne má báp kí izzat kar, aur apne paṛosí ko aisá piyár kar, jaisá áp ko. 20 Us júán ne use kahá, Yih sab main laṛak paṛ se mántá áyá : ab mujhe kyá báqí hai ? 21 Yisú ne kahá, Agar tú kámil húa cháhe, to já ke sab kuchh jo terá hai, bích dāl aur muhtájon ko de, ki tujhe ásmán par k̄hazána milegá : tab mere píchhe hole. 22 Wuh júán yih sunkar gamgín chalá gayá : kyúnki bará máldár thá. 23 Tab Yisú ne apne shágirdon se kahá, Main tum se sach kahtá hún, ki daulatmand ko ásmán kí bádsháhat men dákhil honá mushkíl hai. 24 Balki main tumse kahtá hún, ki únṭ ká súi ke náke se guzar jáná use ásán hai, ki ek daulatmand K̄hudá kí bádsháhat men dákhil ho. 25 Tab uske shágirdon ne yih suná, to niháyat hairán hoke bole, phír kaun naját pá saktá hai ? 26 Yisú ne unki ṭaraf dekh ke unse kahá, Yih ádmíon se nahín hosaktá : par K̄hudá se sab kuchh hosaktá hai. 27 Tab Pathar ne jawáb men use kahá, Dekh hamne sab kuchh chhoṛá, aur tere píchhe holiye ; pas ham ko kyá milegá ? 28 Yisú ne kahá, Main tumse sach kahtá hún, ki tum jo mere píchhe ho líye, jab naí paidáish men Ibn i Ádam apne jalál ke taḡht par baiṭhegá, tum bhí bárah taḡhton par baiṭhoge, aur Isráel ke bárah gharáne ke adálat karoge. 29 Aur jisne ghar, yá bhái, yá bahin, yá má báp, yá jorú, yá bálbachon, yá zamín ko, mere nám par chhoṛá, sau guná páwegá, aur hamesha kí zindagí ká wáris hogá. 30 Par bahut se jo pahile hain, píchhle hojáenge ; aur jo hain píchhle, pahile hongé.

---

 20 BA'B.

1 Isliye ki ásmán kí bádsháhat us lahar wále kí mánind hai, jo tar-ke báhar niklá, táki apne angúr ke bág men mazdúr lagáwe. 2 Aur usne ek ek dínár mazdúron ká roz muqarrar kar ke unhen apne angúr ke bág men bhejá. 3 Aur usne phir din charhe báhar jáke auron ko bázár men bekár khare dekhá. 4 Aur usne kahá, Tum bhí angúr ke bág men jáo, jo kuchh wájibí hai, tumhen dúnge. So we gaye.

5 Phir usne do pahar aur tísre pahar ko báhar jáke waisá hí kiyá. 6 Ek ghanṭá din rahte phir báhar jáke auron ko bekár khaṛe páyá, aur unse kahá, Tum kyúñ yahán tamám din bekár khaṛe rahte ho ? 7 Unhon ne usse kahá, Isliye ki kisí ne ham ko mazdúrí par nahín rakhá. Usne unhen kahá, Tum bhí angúr ke bág men jáo ; aur jo kuchh wájibí hai, páoge. 8 Jab shám húi, angúr ke bág ke málík ne apne kárande se kahá, Mazdúron ko bolá aur píchhlon se leke pahilon tak unkí mazdúrí de. 9 Jab we jinhon ne ghanṭe bhar kám kiyá thá, áye, to ek ek dínár páyá. 10 Jab agle áye, unhen yih gumán thá, ki ham ziyáda páwenge : par unhon ne bhí ek ek dínár páyá. 11 Jab unhon ne yih páyá, to ghar ke málík par kuṛkuṛáe, 12 Aur kahá, Píchhlon ne ekhí ghanṭe kám kiyá, aur tú ne unhen hamáre barábar kar diyá, jinhon ne tamám din kí mihnát aur dhúp sahí. 13 Usne unmen se ek ko jawáb men kahá, Ai miyán, main tujh par zulm nahín kartá : kyá tú ek dínár par mujh se rází na thá ? 14 Tú apná le, aur chalá já : par main jetná tujhe detá hún, píchhle ko bhí dúngá. 15 Kyá rawá nahín, ki apne málse jo cháhún, so karún ? kyá tú isliye burí nazar se dekhtá hai, ki main nek hún ? 16 Isí tarah píchhle pahile hongé, aur pahile píchhle : kyúñki bahutse buláye gaye, par chune húe thoṛe hain.

17 Aur jab Yisú Yirúshálam ko játá thá, ráh men bárah shágirdon ko alag lejáke unse kahá : 18 Dekho, ham Yirúshálam ko játe hain ; aur ádmí ká beṭá Sardár Káhin aur Faqíhon ke háth men sompá jáegá, aur we uspar qatl ká hukm denge. 19 Aur use gair qaumon ke hawále karenge, ki ṭhaṭhon men uráwen aur koṛe máren, aur salíb par khínchen : par wuh tísre din phir jí uṭhegá.

20 Tab Zabdí ke beṭon kí má apne beṭon ko leke uspás áyí, aur use sijda karke cháhá, ki usse kuchh arz kare. 21 Usne usse kahá, Tú kyá cháhtí hai ? Wuh bolí, farmá ki mere dono beṭe terí bádsháhat men ek tere dahine, aur dúsrá tere báin ṭaraf baiṭhe. 22 Yisú ne jawáb men kahá, Tum nahín jánte, ki kyá mángte ho. Kyá wuh piyála jo main píne par hún, písakte ho ? aur wuh bápísmá, jo main pátá hún, tum pásakte ? We bole, Ham sakte hain. 23 Usne unse kahá, Tum albatta merá piyála píoge, aur wuh bápísmá, jo main pátá hún, páoge ; lekin mere dahine, aur merí báin taraf baiṭhná mere

ikhtiyār men nahīn, ki kisī ko dūn, magar unko jinke liye mere Bāp ne muqarrar kiyā. 24 Aur jab un dason ne yih sunā, un dono bhāion par gusse hue. 25 Tab Yisū ne unhen bolā ke kahā, ki tum jānte ho, ki gair qaumon ke hākim uspar hukumat jatāte, aur ikhtiyār wāle unpar apnā ikhtiyār dekhāte hain. 26 Par tum aisā na hogā : balki jo tum men barā hūā chāhe, tumhārā khādīm ho : 27 Aur jo tum men sardār banā chāhe, tumhārā banda ho. 28 Chunānchi, Ibn i ādam bhī isliye nahīn āyā, ki khidmat le, balki khidmat kare aur apnī jān bahuteron ke liye fidiya men de.

29 Jab we Yiriho se rawāna hone lage, barī jamāat uske pīchhe holī. 30 Aur dekho, do andhe jo rāh ke kināre baiṭhe the, jab sunā, ki Yisū chālā jātā hai, pukārne lage, ki Ai Khudāwand, Dāūd ke beṭe, ham par rahm kar. 31 Par us jamāat ne unhen dāntā, ki chup rahen ; lekin we aur bhī chillāyā, ki Ai Khudāwand, Dāūd ke beṭe, ham par rahm kar. 32 Tab Yisū kharā rahā, aur unhen bulāke kahā, Tum kyā chāhte ho, ki main tumhāre liye karūn ? 33 Unhon ne use kahā, ki Ai Khudāwand, hamārī ānkhen khul jāin. 34 Yisū ko rahm āyā, aur usne unki ānkhon ko chhūā : aur we usīdam dekhne lage aur uske pīchhe holiye.

---

## 21 BĀB.

1 Aur jab we Yirūshālam ke nazdīk pahunch ke Baitfagā men zaitūn ke pahār pās āye, tab Yisū ne do shāgirdon ko yih kahte bhejā : 2 Ki sāmne kī bastī men jāo, aur wahīn ek gadhī bandhī aur uske sāth ek bachā pāoge : khol ke mere pās lāo. 3 Aur agar koī tum ko kuchh kahe, to kahio, ki Khudāwand ko yih darkār hain ; ki wuh usīdam unhen bhej degā. 4 Yih sab kuchh hūā, tāki jo nabī kī mārīfat kahā gayā purā ho : 5 Ki Sīhon kī beṭī se kaho, Dekh, terā bādshāh farotānī se gadhī par, balki lādū, gadhī ke bache par sawār hoke tujh pās ātā hai. 6 So shāgirdon ne jā ke jaisā Yisū ne unhen farmāyā thā, bajā lāī. 7 Aur us gadhī ko bache samet leāe, aur apne kapre uspar dāl ke use uspar baiṭhlāyā. 8 Aur ek barī jamāat ne apne kapre raste men bichhāye ; aur kitnon ne daraḥton kī dāliyān kāt ke rāh men chhitrīn. 9 Aur jamāaten jo us ke āge pīchhe chālī jātī, pukār ke kahtī thīn, Dāūd ke beṭe ko Hoshannā : mubārak wuh,

jo K̄hudáwand ke nám par átá hai; use ásmán par Hoshanná! 10 Aur jab wuh Yirúshálam men pahunchá, sáre shahr men gul machá, aur kahne lage, ki yih kaun hai? 11 Tab jamáaton ne kahá, ki yih Galíl ke Násira ká Yisú nabí hai.

. 12 Aur Yisú K̄hudá kí haikal men gayá, aur un sab ko jo haikal men K̄hudá farokht kar rahe the, nikál diyá, aur saráfon ke takhte, aur kabútar faroshon kí chaukiyan ult dín. 13 Aur unse kahá, Yih likhá hai, ki Merá ghar bandgí ká ghar kahláegá; par tumne use choron ká khoh banáyá. 14 Aur andhe langre haikal men us pás áye, usne unhen changá kiyá. 15 Jab Sardár Káhinon, aur Faqíhon ne karámáton ko, jo usne dikháin, aur larakon ko haikal men pukárte, aur Dáúd ke bete Hoshanná kahte dekhá, to gussa hue. 16 Aur usse kahá, Tú suntá hai, ki ye kyá kahte hain? Yisú ne unhen kahá, Hán! kyá tumne kabhí nahín parhá, ki bachon aur shír k̄hwáron ke munh se túne purí tárif karwái? 17 Phir wuh unhen chhor ek shahr ke báhar Baitaniyá men gayá; aur wahán rát bitáí.

18 Aur jab subh ko shahr men jáne lagá, use bhúkh lagí. 19 Tab anjír ká ek daraht ráh ke kináre dekhkar uspás gayá, aur jab paton ke siwá usmen kuchh na páyá, to kahá, Ab se tujh men kabhú phal na lagío. Wahín anjír ká daraht súkh gayá. 20 Aur shágirdon ne yih dekhkar tájjub kiyá, aur kahá, ki yih anjír ká daraht kyá hí jald súkh gayá! 21 Yisú ne jawáb men unhen kahá, Main tumse sach kahtá hún, ki agar tum yaqín karo, aur shakk na láo, to sirf yehí na karsakoge, jo anjír ke daraht par huá, balki agar us pahár se kahoge, tal kar daryá men já gir, to waisáhi hogá. 22 Aur jo kuchh duí men ímán se mángoge, so páoge.

23 Jab wuh haikal men tálím detá thá, Sardár Káhin aur qaum ke buzurgon ne uspás áke kahá, Tú kis ikhtiyár se yih kartá hai, aur kis ne tujhe yih ikhtiyár diyá? 24 Tab Yisú ne jawáb men unhen kahá, Main bhí tumse ek bát púchhún, agar batáo, to main bhí tumhen batáún, ki yih kis ikhtiyár se kartá hún. 25 Yohan ká bápísmá kahán se thá? ásmán, yá ádmíon se? We apne dil men sochne lage, ki agar ham kahen, ásmán se, to wuh hamse kahegá, phir tum ne use kyún na máná? 26 Aur agar ham kahen, ki ádmíon se, to jamáat se darte hain; kyúnci sab Yohan ko nabí jánte hain. 27 Tab unhen

ne jawáb men Yisú ko kahá, ham nahín jánte. Usne unse kahá, main bhí tumhen nahín batátá, ki kis ikhtiyár se yih kartá hún.

28 Kyún tum kyá samajhte ho, ek ádmí ke do beṭe the, usne bare pás já ke kahá, Beṭá já, áj mere angúr ke bág men kám kar. 29 Usne jawáb men kahá, main nahín jáúngá, magarpíchhe pachhtá kē gayá. 30 Phir chhoṭe pás jákar wahí kahá, usne jawáb men kahá, Sáhib main chalá : par na gayá. 31 Un donoṅ men se kaun apne báp kí marzí par bhalá ? Bole, bará. Yisú ne unse kahá, main tumse sach kahtá hún, ki mahsullenewále aur kasbiyán tum se pahile Kḥudá kí bádsháhat men dákhil hotí hain. 32 Kyúnki Yohan rástí kí ráh se tum pás áyá, aur tum ne uskí na mání, par mahsullenewále aur kasbiyón ne uskí mání ; tum yih dekh kar píchhe bhí na pachhtáye ki uskí mánte.

33 Ek aur tamsíl suno : Ek ghar ká málik thá, usne angúr ká bág lagáyá, uske cháro taraf rúndhá aur uske bích men khod ke kolhú gárá, aur burj banáyá, aur uske bágbanón ko somp ke áp safar ko gayá ; 34 Aur jab mewe ká mausim qaríb áyá, usne apne naukaron ko bágbanón pás bhejá, ki uská phal láwen. 35 Par un bágbanón uske naukaron ko pakar ke ek ko píṭá, aur ek ko márdálá, aur ek ko patthráo kiyá. 36 Phir usne aur naukaron ko, jo pahilon se barh kar the, bhejá ; unhon ne unke sáth bhí waisá hí kiyá. 37 Akḥir usn apne beṭe ko un pás yih kahkar bhejá, ki we mere beṭe se dabenge. 38 Lekin jab bágbanón ne uske beṭe ko dekhá, ápas men kahne láge, Wáris yihí hai ; áo ise márdálen, ki mírás hamárí hojáe. 39 Aur use pakar ke bág ke báhar lejá kar qatl kiyá. 40 Jab bág ká málik áwegá, to in bágbanón ke sáth kyá karegá ? 41 We bole, In badon ko, burí tarah márdálegá, aur angúr ká bág aur bágbanón ko sompegá, jo use mausim par mewe pahuncháwen.

42 Yisú ne unhen kahá, kyá tum ne kitáb men kabhí nahín parhá, ki jis patthar ko rájgíron ne ná pasand kiyá, wahí kone ká sirá húá ; yih Kḥudáwand kí taraf se hai, aur hamárí nazron men ajíb ? 43 Isliye main tum se kahtá hún, ki Kḥudá kí bádsháhat tumse lelí jáegí, aur ek qaum ko jo uske mewe láwe dí jáegí. 44 Jo is patthar par giregá, chúr hojáegá, aur jispar wuh giregá, use pís dálegá.

45 Jab Sardár Káhin aur Farusión ne uskí yih tamsíl suní, to sa-

majh gae, ki hamāre hī haqq meṅ kahtā hai. 46 Aur unhoṅ ne chāhā, ki use pakarṅ, par logoṅ se ḍare ; kyūnki we use nabī jānte the.

22 BĀB.

1 Yisú phir unheṅ tamsiloṅ meṅ kahne lagā : 2 Ki ásmān kí bādsháhāt us bādsháh kí mánind hai, jisne apne beṭe ká biyáh kiyá. 3 Aur usne apne naukaroṅ ko bhejá, ki mihmánōṅ ko biyáh meṅ bulāwen : par unhoṅ ne na chāhā, ki áwen. 4 Phir usne aur naukaroṅ ko yih kahke bhejá, ki mihmánōṅ se kaho, ki maine ne kháná taiyār kiyá : mere baíl aur moṭe moṭe jānwar zabh hūe, aur sab kuchh taiyār hai, biyáh meṅ áo. 4 Par we kuchh kḥiyál meṅ na lá kar chale gaye ; ek apne khet, aur dúsrá apní saudágarí ko : 6 Aur báqioṅ ne uske naukaroṅ ko pakaṛ ke beizzat kiyá, aur márdálá. 7 Tab bādsháh sunkar gussa hūá ; aur apní fauj bhej ke un kḥúnioṅ ko márdálá, aur unká shahr phúnk diyá. 8 Phir usne apne chákarōṅ se kahá, biyáh kí taiyárí ; to maujud hai, par we jinko buláyá ná láiq the. 9 Pas tum sarḱoṅ par jáo, aur jitne tumheṅ milē, biyáh meṅ buláo. 10 So un naukaroṅ ne rastoṅ par jáke, bhale bure jo unheṅ mile, sab ko jama kiyá, aur biyáh ká ghar mihmánōṅ se bhar gayá. 11 Jab bādsháh mihmánōṅ ko dekhne andaráyá, usne wahāṅ ek ádmí dekhá, jo shádí ká libás pahine na thá. 12 Aur use kahá, Ai miyán, tú shádí ke kapre pahine begair yahāṅ kyūn áyá ? Uskí zabán bandh hogá. 13 Tab bādsháh ne naukaroṅ ko kahá, uske háth pair bándh ke use lejáo, aur báhar andhere meṅ ḍál do, wahāṅ roná aur dānt písná hogá. 14 Kyūnki buláye gaye bahut haiṅ, par chune thoṛe,

15 Tab Farusioṅ ne já kar saláh kí, ki use kyūnkar uskí bátoṅ meṅ phansáwen. 16 So unhoṅ ne apne shágirdōṅ ko Hirodioṅ ke sáth uspás bhejá, ki use kahē, Ai ustád, ham jānte haiṅ, ki tú sachá hai, aur sachái se Kḥudá kí ráh batátá, aur kisí kí kuchh parwá nahīn rakhtá ; kyūnki tú ádmioṅ ke záhír hál par nazar nahīn kḥiyál kartá hai. 17 Pas ham se kah, tú kyá kḥiyál kartá hai : Qaisar ko jizya dená rawá hai, yá nahīn ? 18 Par Yisú ne unkí sharárat samajh ke kahá : Ai makkáro, mujhe kyūn ázmáte ho ? 19 Jizya ká sikka mujhe dikhláo. We ek dínár uspás láye. 20 Tab usne unse kahá :



Yih sūrat aur sikka kiská hai? Unhon ne kahá, Qaisar ká. 21 Phir usne káha, Pas jo chízen Qaisar kí hain, Qaisar ko, aur jo K̄hudá kí hain, K̄hudá ko do. 22 Unhone yih sun kar tájjub kiyá ; aur chhor kar chale gaye.

23 Usídin Zádúqí, jo qiyámat ke munkir hain, uspás áe, aur usse sawál kiyá. 24 Ki Ai ustád, Músá ne kahá hai, jab koí beauáld margáe, to uská bhái uskí jorú ko biyáh le, táki apne bhái ke liye nasal jári kare. 25 So hamáre darmiyán sát bhái the, pahilá biyáh karke margayá, aur is sabab ki uske aulád na thí, apní jorú apne bhái ke wáste chhor gayá. 26 Yon hí dúsrá, aur tísrá bhí, sátwán tak. 27 Sab ke bád wuh aurat bhí margái. 28 Pas wuh qiyámat ke din un sáton men se kiskí jorú hogí? kyúnki sabne usse biyáh kiyá thá. 29 Yisú jawáb men unse kahá, Tum kitábon, aur K̄hudá kí qudrat ko na samajh kar galaṭí karte ho. 30 Kyúnki qiyámat men log na biyáh karte, na biyáhe játe hain, balki ásmán par K̄hudá ke firishton kí mánind hain. 31 Aur murdon ke jí uṭhne kí bábat K̄hudá ne, jo tumhen farmáyá wuh tum ne nahín parhá? 32 Ki Main Abirahám ká K̄hudá, aur Isháq ká K̄hudá, aur Yáqúb ká K̄hudá hún? K̄hudá murdon ká nahín, balki zindon ká K̄hudá hai. 33 Jamáaten yih sunkar uskí tálím se dang hún.

34 Tab Farusíon ne suná, ki usne Zádúqíon ká munh bandh kiyá, we jama húe. 35 Aur unmen se ek shariyát sikhlánewále ne use ázmáne ke liye yih púchhá: 36 Ki Ai ustád, shara men bará hukm kaun hai? 37 Yisú ne use kahá, K̄hudáwand ko jo terá K̄hudá hai, apne sáre dil, aur apní sári ján, aur apní sári samajh se, piyár kar. 38 Pahilá aur bará hukm yihí hai; 39 Aur dúsrá uskí mánind hai, ki tú apne parsí ko aisá piyár kar jaisá ap ko. 40 Inhín hukmon se sári shara aur sáb nabí iláqa rakhte hain.

41 Jab Farúsí jama the, Yisú ne unse púchhá: 42 Ki Masíh ke haqq men tumhárá kyá gumán hai? Wuh kiskí beṭá hai? We bole, Dáúd ká. 43 Usne unse kahá, Phir Dáúd rúh ke batá ne se kyúnkar use K̄hudáwand kahtá hai: 44 Ki K̄hudáwand ne mere K̄hudáwand ko kahá, ki jab tak main tere dushmanon ko tere panw kí chaukí na karún, tú mere dahine baiṭh? 45 Pas jab Dáúd usko K̄hudáwand kahtá hai, to wuh uská beṭá kyúnkar ṭhahrá? 46 Par koí uske jawáb

men ek bāt na bolsakā, aur us din se kisī kā hiwāo na parā, ki usse phir kuchh sawāl kare.

23 BĀB.

1 Tab Yisú jamáaton aur apne shágirdon se kahne lagá ; 2 Ki Faqíh aur Farusí Músá kí gaddí par baiṭhte hain : 3 Is liye jo kuchh we tumhen mánne ko kahen, máno, aur amal men láo, lekin unke se kám na karo : kyúнки we kahte hain, par karte nahin. 4 Ki we bháří bojھ jiská uṭháná mushkil hai, bándhte, aur logon ke kándhon par rakhte hain ; par ap unhen apní ek unglí lagáná nahin jánते. 5 We apne sab kám logon ke dekháne ko karte hain : apne táwíz chaurē, aur apne jubbon ke dáman lambe banáte hain. 6 Aur mihmáníyon men sadr jagah, aur ibádat khánon men pahile kursí. 7 Aur bázaron men salám, aur yih ki log unhen Rabbí Rabbí kahen cháhte hain. 8 Par tum Rabbí na kahláo, kyúнки tumhára Hádí ek hai, yáne Masíh ; aur tum sab bhái ho. 9 Aur zamín par kisú ko apná báp mat kaho : kyúнки tumhára ek hí Báp hai, jo ásmán par hai. 10 Aur na tum Hádí kahláo, kyúнки tumhára Hádí ek hai, yáne Masíh. 11 Balki jo tummen bará hai, tumhára khádim hogá ; 12 Aur jo ap ko bará jánegá, chhotá kiyá jáegá, aur jo ap ko chhotá samjhegá, so bará kiyá jáegá.

13 Ai makkár Faqího aur Farusío, tum par afsos ! isliye ki ásmán kí bádsháhat ká darwáza logon ke munh par band karte ho : na tum ap usmen áte, aur na áne wálon ko áne dete. 14 Ai makkár Faqího aur Farusío, tum par afsos ! ki beon ke ghar nigal játe, aur makkár se lambí chaurí namáz parhte ho : issabab tum ziyádatar sazá páoge.

15 Ai makkár, Faqího aur Farusío, tum par afsos ! ki tum tarí aur khushkí ká daurah isliye karte ho, ki ek ko apne dín men láo, aur jab wuh áchuká, to apne dúná use jahannam ká farzand banáte ho.

16 Ai andhe ráh dekhánewálo, tum par afsos ! ki kahte ho, agar koí haikal kí qasam kháwe, to kuchh bhí nahin ; par agar haikal ke sone kí qasam kháwe, to usko púra karná zurúr hai ! 17 Ai nádáno, ai andho : kaun bará hai, soná yá haikal, jo sone ko pák kartá ? 18 Phir tum kahte ho, agar koí qurbángáh kí qasam kháwe, to kuchh bhí

nahín; par agar nazar kí jo uspar charhtí qasam kháwe, to usko púra karná zurúr hai. 19 Ai nádáno, ai andho : bará kaun hai, nazar, yá qurbángáh, jo nazar ko pák kartá? 20 Pas jo qurbángáh kí qasam khátá hai, uskí aur unsab chízon kí jo uspar charhín qasam khátá. 21 Aur jo haikal kí qasam khátá hai, uskí aur uske rahnewále kí qasam khátá hai. 22 Aur jo ásmán kí qasam khátá, K̄hudá ke taḡht aur uspar baiṡhnewále kí qasam khátá hai.

23 Ai makkár, Faqího aur Farusío, tum par afsos! kyúnki podína, aur soá, aur zíre kí dahekí dete ho, par shariyat ke bare hukm, yáne insáf, aur rahm, aur ímán ko chhoṛ diyá: lázim thá, ki tum unheñ iḡhtiyár karte, aur unheñ bhí na chhoṛte. 24 Ai andhe ráh dekhánewálo, jo machchhar chhán̄te aur únṡ ko nigal játe ho.

25 Ai makkár Faqího aur Farusío, tum par afsos! ki tum piyála aur rakábí úpar se sáf karte, par wuh andar luṡ aur burái se bhare haiñ. 26 Ai andhe Farusí, pahile piyála aur rakábí andar se sáf kartá, ki báhar se bhí sáf ho. 27 Ai makkár Faqího aur Farusío, tam par afsos! ki tam safedí bharí qabron kí mánind ho, jo báhar se bahut achchhí málúm hotí haiñ, par bhítar murdon kí haḡḡí, aur har tarah kí nápákí se bharí haiñ. 28 Isítarah tum bhí záhir meñ logon ko rástbáz dekháí dete, par bátin meñ makkár, aur sharárat se bhare ho.

29 Ai makkár, Faqího aur Farusío, tum par afsos! kyúnki nabíon kí qabreñ banáte, aur rástbázon kí goreñ sanwárte ho, 30 Aur kahte, Agar ham apne báp dádon ke dinon meñ hote, to nabíon ke ḡhún meñ, unke sharík na hote. 31 Isí tarah tum apne par gawáhí dete ho, ki tum nabíon ke qatl karnewálon ke farzand ho. 32 Pas apne báp dádon ká napuá bharo. 33 Ai sámpo, ai sámp ke bacho, tum jahan nam ke azáb se kyúnkar bhágoge?

34 Isliye dekho, main nabíon, aur dánáon, aur faqíhon ko, tumháre pás bhejtá hún, tum un meñ se bázon ko már dáloge, aur salíb par khenchoge, aur bázon ko apne ibádat ḡhánon meñ koṛe mároge, aur satá satá kar shahr shahr phiráoge. 35 Táki sab rástbázon ká ḡhún zamín par baháyá gayá, tum par áwe, Hábil rástbáz ke ḡhún se Barakhíyá ke beṡe Zakariyá ke ḡhún tak jise tum ne haikal, aur qurbángáh ke darmiyán qatl kiyá. 36 Main tumse sach kahtá hún, ki yih sab kuchh is zamáne logon par áwegá.

37 AiYirúshálam, ai Yirúshálam, jo nabíon ko márdáltá, aur unhen jo tujh pás bheje gaye patthráo kartá hai, main ne kitní bár cháhá, ki tere laḥkon ko jis tarah murgí apne bachon ko paron tale ekaḥ kartí jama karún, par tumne na cháhá ! 38 Dekho, tumhárá ghar tumbáre liye wairán chhorá játá hai. 39 Kyúнки main tumse kahtá hún, ki ab se tum mujhe phir na dekhoge, jab tak ki kahoge, mubáarak wuh, jo Ḳhudáwand ke nám par átá hai.

---

24 BĀ'ĪB.

1 Aur Yisú haikal se nikal ke chalá gayá : aur uske shágird us pás áye, ki usse haikal kí imárat dekháwen. 2 Yisú ne unse kahá, Tum ye sab chízen dekhte ho, main tum se sach kahtá hún, ki yahán ek patthar patthar par na chhuṭegá, jo na giráyá jáegá.

3 Aur jab wuh zaitún ke pahār par baiṭhá thá, uske shágirdon ne akele us pás áke kahá, Ham se kah, ki yih kab hogá? aur tere áne aur us zamáne ke áḳhir hone ká nishán kyá hai? 4 Tab Yisú ne jawáb meṅ unse kahá, Ḳhabardár, koí tumhen gumráh na kare. 5 Kyúнки bahutere mere nám par áwenge, aur harek kahegá, ki main Masíh hún ; aur bahuton ko gumráh karenge. 6 Aur tum laṭáíon aur laṭáíon kí ḳhabaren sunoge : ḳhabardár, mat ghabráío : kyúнки un sab báton ká honá zarúr hai, par abtak áḳhir nahín. 7 Ki qaum qaum par, aur bádsháhat bádsháhat par, chaṛháwegí : aur kál aur marí paṛegí, aur jagah jagah bhúnchál áwenge. 8 Yih sab kuchh musíbaton ká shurú hai. 9 Tab we tumhen dukh páne ke liye hawále karenge, aur tumhen márdálenge : aur mere nám ke sabab sab qaum tumse kína rakhegí. 10 Uswaqt bahutere ṭhokar kháenge, aur ek dúsre ko pakaṛwáegá, aur ek dúsre se kína rakhegá. 11 Aur bahut jhuṭhe nabí záhir hongé, jo bahuton ko gumráh karenge. 12 Aur badkárí ke baṛh jáne se bahuton kí mahabbat ghaṭ jáegí. 13 Par jo áḳhir tak sahegá, wahí naját páwegá. 14 Aur bádsháhat kí is ḳhush ḳhabarí kí munadí támám dunyá meṅ hogí, táki sab qaumon par gawáhi ho ; tab áḳhir hogá.

15 Pas jab tum us ujárnewále kí wuh gandí chíz jiskí ḳhabar Dániel nabí kí márifat dí gai, pák jagah meṅ khare dekhoge (jo paṛhe,

so k̄hiyál kare.) 16 Tab jo Yihúdiyá men ho, paháron par bhág jác. 17 Aur jo koṭhe par ho, na utre, ki apne ghar se kuchh nikále. 18 Aur jo khet men ho, píchhe na phire, ki apne kapre le. 19 Par un par afsos, jo undinon peṭwálí aur dúdh pilánewálí ho! 20 So tum duá mángo, ki tumhárá bhágná járe men yá sabt ke din naho: 21 Kyúнки us waqt aisí baṛí musíbat hogí, dunyá ke shurú se ab tak na kabhí húi, na hogí. 22 Aur agar wuh din ghaṭáe na játe, to ek tan naját na pátá, par chune húon kí k̄hátir, wuh ghaṭáe jáenge. 23 Tab agar koí tum se kahe, ki Dekho, Masíh wahán yá yahán hai, to na mánná. 24 Kyúнки jhúṭhe Masíh aur jhúṭhe nabí záhír hongé, aur aise baṛe nishán, aur karámáteṅ dekháwenge, ki agar ho saktá, to we chune húon ko bhí gumráh karte. 25 Dekho, main tumhen ágehí kah chuká. 26 Pas agar we tumhen karen, ki Dekho, wuh jangal men hai, to báhar na jáío; yá ki dekho, wuh koṭhrí men hai, to na mányo. 27 Kyúнки jaise bijlí púrab se kaund ke pachchhim tak chamakjátí waise hí Ibn i ádam ká áná bhí hogá. 28 Kyúकी jahán murdár ho, wahán gidh bhí jama hongé.

29 In dinon kí musíbat ke bád túrt súraj andherá hojáegá, aur chánd aṅ ní roshní na degá, aur sitáre ásmán se girjáenge, aur ásmán kí quwatēn hiljáenge. 30 Tab Ibn i Ádam ká nishán ásmán par záhír hogá: aur us waqt zamín ke sáre gharáne chhatí píṭenge, aur Ibn i Ádam ko baṛí qúwat, aur jalál ke sáth ásmán ke badlon par áte dekhenge. 31 Aur wuh narsinghe ke baṛe shor ke sáth apne firishte bhejegá, we uske chune húon ko cháro taraf se ásmán kí is hadd se, us hadd tak, jama karenge.

32 Ab anjír ke daraḳht se tamsíl daryáft karo, ki jab uskí ḍál naram hotí, aur patte nikle, tum jánte ho, ki garmí nazdík hai. 33 Isítarah jab yih sab dekho, to jáno, ki wuh nazdík, balki darwázehí par hai. 34 Main tum se sach kahtá hún, ki jab tak yih sab kuchh ho nale, iswaqt ke log guzar najáenge. 35 Ásmán, aur zamín ṭal jáenge, par merí báteṅ hargíz na ṭalengí. 36 Lekin us din aur us ghaṛí ko, mere Báp ke siwá, ásmán ke firishton tak koí nahín jántá.

37 Jaisá Núha ke waqt men húa, waisá hí Ibn i Ádam ká áná bhí hogá. 38 Kyúнки jistarrah log us waqt túfán ke áge kháte, píte, biyáh karte, biyáhe játe the, us din tak ki Núha kishtí par charhá. 39 Aur

na jānte the, jab tak ki túfān áyá, aur un sab ko legayá ; isítarah Ibn i Ādam ká áná bhí hogá. 40 Do ádmí khet men honge ; ek pakrá, dúsrá chhorá jáegá. 41 Do auraten chakkí pístí hogí ; ek pakrí, dusrí chhorjáegí. 42 Isliye jágte raho, kyúнки tumhen málúm nahí, ki kis gharí tumhárá K̄hudáwand áwegá. 43 Par yih tum jānte ho, ki agar ghar ká málík jāntá, ki chor kis gharí áwegá, to wuh jágta rahtá, aur apne ghar men sendh dene na detá. 44 Isliy tum bhí taiyár raho : kyúнки jis gharí tumhen gumán na hogá, Ibn i Ādam áwegá.

45 Pas kaun hai wuh diyánat dár aur hoshíyár naukar, jise uske k̄háwind ne apne ghar ke logon par muqarrar kiyá, ki waqt par unhen kháná de? 46 Mubáraq wuh naukar, jise uská k̄háwind ákar aisá hí karte páwe. 47 Main tumse sach kahtá hún, ki wuh use apne sab mál par mukhtár karen. 48 Par agar wuh bad naukar apne dil men kahe, ki merá k̄háwind áne men der kartá hai ; 39 Aur apne hám-k̄hidmaton ko márne, aur matwálon ke sáth kháne píne lage : 50 Us naukar ká k̄háwind usídin áwegá, ki wuh ráh na take, aur usí gharí ki wuh na jáne. 51 Aur use do tukre karke uská hissa makkáron ke sáth muqarrar karegá : wahán roná aur dánt písná hogá.

---

### 25 BĀB.

1 Uswaqt ásmán kí bádsháhat das kunwáron kí mánind hogí, jo apne chirág lekar dúlhá se milne niklín. 2 Unmen pánch hoshiyár, aur pánch nádán thín. 3 Jo nádán thín, unhon ne apní mashálen lín, magar tel sáth na liyá : 4 Par hoshiyáron ne apní mashálon ke sáth bartanon men tel liyá. 5 Jab dúlhá ne der kí, sab únghne lagín, aur so gaín. 6 Adhí rát ko dhúm machí, ki Dekho dúlhá átá hai ; use milne niklo. 7 Tab un sab kunwáron ne uṭh kar apní mashálen durast kí ; 8 Aur nádánon ne hoshiyáron se kahá, Apne tel men se hamen bhí do, ki hamáří mashálen bujhí játí hai. 9 Par hoshiyáron ne jawáb men kahá, Aisá na ho, ki hamáre aur tumháre wáste kifáyat na kare : bihtar hai, ki jo bechte hai, tum un pás jákar apne apne liye mollo. 10 Jab we k̄harídne gaín, dúlhá á pahunchá, aur we jo taiyár thín, uske sáth shádí ke ghar men gaín : aur darwáza bandh húa. 11 Pichhe we dúsrí kunwárián bhí áín, aur kahne lagín, Ai K̄hu-

dáwand, ai K̄hudáwand, hamáre liye darwáza khol. 12 Tab usne jawáb meñ kahá, Main tumse sach kahtá hūñ, ki tumhen nahīñ pah-chántá. 13 Isliye jágte raho, kyúñki tum nahīñ jánte, ki kaun se din, yá kaun sí gharí, Ibn i Adam áwegá.

14 Ki wuh us ádmí kí mánind hai, jisne safar karte waqt naukaron ko bolá kar unhen apná mál sapurd diyá. 15 Ek ko páñch tore, dú-sre ko do, tísre ko ek, harek ko uskí liyáqat ke muwáfiq diyá; aur turt safar kiyá. 16 Tab jisne páñch tore páe the, já kar len den kar-ke páñch tore aur paidá kiye. 17 Yonhí usne bhí jise do míle the, do aur kamáye. 18 Par jisne ek páyá, gayá aur zamín khod kar apne K̄hudáwand ke rupaye gáñ de. 19 Muddat bád un naukaron ká k̄há-wind áyá, aur unse hisáb lene lagá. 20 So jisne páñch tore páye the, páñch tore aur bhí lekar áyá, aur kahá, Ai K̄hudáwand, túne mujhe páñch tore saunpe, dekh mainne unke siwá páñch tore aur bhí kamá-ye. 21 Uske k̄háwind ne usse kahá, Ai achchhe diyánat dár naukar, shábásh, tú thore meñ diyánat dár niklá, main tujhe bahut chízon ká ikhtiyár dúngá, tú apne k̄háwind kí k̄hushí meñ dákhil ho. 22 Aur jisne do tore páye the, wuh bhí ákar kahne lagá, Ai K̄hudáwand, tú ne mujhe do tore saunpe, dekh, unke siwá main ne do aur bhí paidá kiye. 23 Uske k̄háwind ne usse kahá, Ai achchhe diyánat dár naukar, shábásh, tú thore meñ diyánat dár niklá, main tujhe bahut chízon par mukhtár karúñgá : apne k̄háwind kí k̄hushí meñ dákhil ho. 24 Tab wuh bhí jisne ek torá páyá thá, áke kahne lagá, Ai K̄hudáwand, main tujhe saht mizáj jántá thá, ki jahán nahīñ boyá, wahán tú káttá; aur jahán nahīñ chhítráyá, wahán jama kartá hai. 25 So main ne dar ke terá torá zamín meñ chhipáyá, dekh, terá jo hai, maujúd hai. 26 Uske málík ne jawáb meñ kahá, Ai bad aur sustnaukar, tú ne jáná, ki main wahán káttá hūñ, jahán nahīñ boyá, aur wahán jama kartá, jahán nahīñ chhítá. 27 Pas tujhe munásib thá, ki mere rupaye sarráfon ko detá, ki main áke usse súd samet pátá. 28 So isse yih torá chhín kar, jispás das tore haiñ, use do. 29 Kyúñki jispás kuchh hai, use diyá jáegá, aur uskí barhtí hogí; par jis pás kuchh nahīñ, usse wuh bhí jo rakhtá haiñ le liyá jáegá. 30 Aur is hikamme naukar ko báhar andhere meñ dál do; wahán roná aur dánt písná hogá.

31 Jab Ibn i Adam apne jalál ke sáth áwegá, aur sab pák firishte

uske sáth, tab wuh apne jalál ke takht par baiṭhegá : 32 Aur sab qaum uske áge házir kí jáegí : aur jis tarah gaṛeriyá bheron ko bakrion se judá kartá hai, wuh ek ko dúsre se judá karegá. 33 Aur bheron ko dahine aur bakrion ko báin khará karegá. 34 Tab jo uske dahine hain, bádsháh unhen kahegá, Ai mere Báp ke mubáarak logo, us bádsháhat ko jo dunyá kí paidáish se tumháre liye taiyár kí gai, mí-rás men lo. 35 Kyúunki main bhúkhá thá, tumne mujhe kháná khiláyá ; main piyásá thá, tum ne mujhe pání piláyá ; main pardesí thá, tum ne mere khatirdári kí : 36 Nangá thá, tum ne mujhe kapre pahináyá : bímár thá, tum ne merí khabar lí : qaid men thá, tum mere pás áye. 37 Uswaqt rástbáz use jawáb men kahenge, Ai Kḥudáwand, kab hamne tujhe bhúkhá dekhá, aur kháná khiláyá ? yá piyásá, aur pání piláyá ? 38 Kab hamne tujhe pardesí dekhá, aur khatirdári kí ? yá nangá, aur kaprá pahináyá ? 39 Ham kab tujhe bímár, yá qaid men dekh kar tujh pás áye ? 40 Tab bádsháh unse jawáb men kahegá, Main tum se sach kahtá hún, jab tum mere un sab se chhoṭe bháion men se ek ke sáth kiyá, to mere sáth kiyá.

41 Tab wuh báin taraf wálon se kahegá, Ai malúno, mere sámhne se is hamesha kí ág men jáo, jo shaitán aur uskí lashkar ke liye taiyár kí gai hai : 42 Kyúunki main bhúkhá thá, par tum ne mujhe kháne ko na diyá ; piyásá thá, tumne mujhe pání na piláyá ; 43 Pardes thá, tumne merí khatirdári na kí : nangá thá, tum ne mujhe kaprá na pahináyá ? bímár aur qaid men thá, tum ne merí khabar na lí. 44 Tab we bhí jawáb men kahenge, Ai Kḥudáwand, kab ham ne tujhe bhúkhá, yá piyásá, yá pardesí, yá nangá, yá qaidí dekhá, aur terí kḥidmat na kí. 45 Tab wuh unhen jawáb men kahegá, Main tumse sach kahtá hún, kí jab tum ne mere in sab se chhoṭe bháion men se ek ke sáth na kiyá, to mere sáth bhí na kiyá. 46 Aur we hamesha ke azáb men jáenge : par rástbáz hamesha kí zindgí men.

---

26 BĀB.

1 Aur yún húá, kí jab Yisú ye sab báten kar chuká, to usne apne shágirdon se kahá : 2 Tum jánte ho, kí do roz bád ídi fasah hogí, jab Ibn i Ádam hawála kiyá jáegá, salíb par khinchá jáwe.



3 Tab Sardár Káhin, aur Faqíh, aur qaum ke buzurg, Qayatá náme Sardár Káhin ke ghar men ekatthe húe, 4 Aur saláh kí Yisú ko fareb se pakar ke márdálen. 5 Tab unhon ne kahá, íd ko nahín, na ho ki logon men fasád mache.

6 Jiswaqt Yisú Baitaniyá men Shimon korhí ke ghar men thá. 7 Ek aurat sang marmar ke atrdár men qímatí atr us pás láí, aur jab wuh kháne baiṭhá, uske sir par dálá. 8 Uske shágird yih dekh kar kḥafá hoke kahne lage, Yih befáida kḥarch kyún húa. 9 Kyúnki yih atr bare dámon biktá, aur wuh muhtájon ko diyá játá. 10 Yisú ne yih ján kar unhen kahá, Kyún is aurat ko taklíf dete ho ? Usne to mere sáth nekí kí. 11 Kyúnki muhtáj to hamesha tumháre sáth raṭe hain; par main hamesha tumháre sáth na rahongá. 12 Ki usne jo mere badan par atr dálá, to yih mere kafan ke liye kiyá hai. 13 Main tum se sach kahtá hún, ki tamám dunyá men jahán kahín is Injíl kí munádí hogí, yih bhí jo usne kiyá, iskí yádgári ke liye kahá jáegá.

14 Tab un bárah men se ek ne jis ká nám Yihudá Iskariyatí thá, Sardár Káhinon pás já kar kahá: 15 Jo main use tumhen pakarwádún to mujhe kyá doge ? Tab unhon ne usse tís rupaye ká iqrár kiyá. 16 Aur wuh usídám se uske pakarwáneke liye qábú dhúndhtá thá.

17 So íd i fasah ke pahile din shágirdon ne Yisú pás ákar usse kahá, Tú kahán cháhtá hai, ki ham tere liye fasah taiyár karen ? 18 Usne kahá, Shahr men faláne shaḥhs pás já kar usse kaho, ki Ustád farmátá hai, merá waqt nazdík pahunchá main apne shágirdon samet tere yahán íd i fasah karúngá. 19 So jaisá Yisú ne shágirdon ko hukm kiyá thá, we bajá láye, aur fasah taiyár kiyá.

20 Jab shám húi, wuh un bárahon ke sáth kháne baiṭhá. 21 Jab we khá rahe the, usne kahá, Main tum se sach kahtá hún, tum men se ek mujhe pakar degá. 22 Tab we niháyat dilgír húe, aur harek unmen se púchhne lagá, Ai Kḥudáwand, main hún ? 23 Usne jawáb men kahá, jo mere sáth tabáq mere háth dáltá hai, wahí mujhe pakarwádegá. 24 Ibn i ádam jistarah uske haqq likhá hai, rawána hotá ; lekin us shaḥhs par afsos jiske háthon Ibn i ádam giriftár karwáyá játá hai ; agar wuh shaḥhs paidá na hotá, uske liye bihtar thá. 25 Tab Yihudá ne, jo uská pakarwáne wálá thá, jawáb men kahá, Ai Ustád kyá main hún ? Usne kahá, túne áphí kahá.

26 Unke kháte waqt Yisú ne rotí lí, aur shukr karke torí, phir shágirdon ko dekar kahá, Lo, kháo, merá badan hai. 27 Phir piyála lekar shukr kiyá, aur unhen dekar kahá, Tum sab is men se pío, kyúнки yih merá lahú hai. 28 Yáne nae qúl ká lahú, jo bahuton ke gunáhon kí muáfí ke liye baháyá játá. 29 Main tumse kahtá hún, ki angúr ká shíra usdin tak phir na píúngá, ki tumháre sáth apne Báp kí bádsháhat men nayá na píún. 30 Phir we gít gáke zaitún ke pahár ko gayá.

31 Tab Yisú ne unse kahá, Tum sab isí rát mere sabab thokar kháoge; kyúнки likhá hai, ki main gařaríe ko márúngá, aur galla kí bheřen chhítár bíthar hojáengí. 32 Lekin main apne jí uřhne bád tum se áge Galíl ko jáúngá. 33 Pathar ne jawáb men use kahá, Agar-chi sab tere bábat thokar kháen, par main kabhí thokar na kháúngá. 34 Yisú ne use kahá, Main tujh se sach kahtá hún, ki tú isí rát murg ke báng dene ke pahile tín bár merá inkár karegá. 35 Pathar ne usse kahá, agar tere sáth mujhe marná bhí zurúr ho, tau bhí terá inkár na karúngá. Aur sab shágirdon ne bhí yihí kahá.

36 Phir Yisú unke sáth Gatsamaní náme ek maqám men áyá, aur shágirdon se kahá, Yahán baiřho, jab tak wahán jákar duá mángún. 37 Tab usne Pathar aur Zabdí ke do beře sáth liye, aur gamgín o niháyat dilgír hone lagá. 38 Tab usne kahá, Merá dil niháyat gamgín, balki maut kí sí hálat hai: tum yahán thahro, aur mere sáth jágte raho. 39 Aur kuchh áge bařh kar munh ke bal girá, aur duá mángí, ki Ai Báp, agar ho sake, to yih piyála mujh se gurzar jáe, tau bhí merí khwáhish nahín, balki terí khwáhish ho. 40 Tab shágirdon pás áyá, aur unhen sotá pákar Pathar se kahá, Kyá tum mere sáth ek ghanřa nahín jágsakte? 41 Jágo, aur duá mángo, ki tum imtihán men na pařo. Rúh to mustaid, par jism sust hai. 42 Phir usne do bárah duá mángí, ki Ai mere Báp, agar mere píne begair yih piyála mujh ne nahín guzar saktá, to terí marzí ho. 43 Usne áke phir unhen sote páyá; kyúнки unki ánkhen nínd se bháří thí. 44 Aur unhen chhor kar phir gayá, aur wahí bát kahkar tísrí bár duá mángí. 45 Tab apne shágirdon pás ákar unse kahá, Ab sote raho, aur áram karo: dekho wuh gharí á pahunchí, ki Ibn i ádam gunáhgáron ke háth hawála kiyá játá hai. 46 Uřho, chale: dekho, jo mujhe pakar-wátá hai, ápahunchá.

47 Wuh yih kahí rahá thá, ki dekho, Yihúdá jo ek un bárah men se thá, áyá aur uske sáth ek baṛí jamáat talwáren aur láṭhiyán liye Sardár Káhin, aur qaum ke buzurgon kí tarah se ápahunchí. 48 Uske pakaṛwánewále ne unhen patá diyá thá, ki jise main chúmún, wahí hai : use pakaṛ lená. 49 Usne wahín Yisú pás ákar kahá, Ai Ustád salám ! aur chúm liyá. 50 Yisú ne use kahá, Miyán tú kyún áyá ? Tab unhon ne pahunch kar Yisú par háth dálá, aur use pakaṛ liyá. 51 Aur dekho, ek ne Yisú sáthion men se háth baṛhá kar apní talwár khínchí, aur Sardár Káhin ke naukar par chala kar uská kán urá diyá. 52 Tab Yisú ne use kaha, Apní talwár miyán men kar, kyúnkar jo talwár khínchte hain, talwárhí se máre jáenge. 53 Kyá tú nahín jántá, ki main abhí apne Báp se máng saktá hún, aur wuh Firishton kí bárah fauj se ziyáda mere liye maujud kardegá. 54 Par kitábon ká likhá ki yon hí honá zurúr hai, tab kyúnkar púrá hogá. 55 Us waqt Yisú un jamáaton se kahne lagá, ki tum talwár aur áṭhiyán lekar mere pakaṛne ko jaise chor ke liye nikle ho, main tol roz haikal men tumháre sáth baiṭh ke tálím detá thá, par tumne mujhe na pakrá. 56 Lekin yih sab isliye húa, táki nabíon kí kitábon ká likhá púrá ho. Tab sab shágird use chhoṛ bhág gaye.

57 So jinhon ne Yisú ko pakrá, use Qayáfá nám Sardár Káhin pás legaye, jahán faqíh aur buzurg jama the. 58 Pathar dūr dūr uske píchhe Sardár Káhin ke ghar tak chalágayá, aur andar jáke naukaron ke sáth baiṭhá, ki dekhe ákhir kyá hotá hai. 59 Tab Sardár Káhin aur buzurg aur sáre Majlis Yisú par jhúṭhí gawáhí dḥundhne lage, táki use márdálen. 60 Par na páí, aur agarchi bahut jhúṭhe gawáh áye, par koí bát na ṭhahrí. 61 Ákhir do jhúṭhe gawáhon ne ákar kahá, ki Isne kahá hai, ki main Kḥudá ke ghar ko dḥáh saktá, aur phir tén din men use baná saktá hún. 62 Tab Sardar Káhin ne uṭh kar usse kahá, Tú kuchh jawáb nahín detá, yih tujh par kyá gawáhí dete hain ? 63 Par Yisú chup rahá. Tab Sardár Káhin ne usse kahá, Main tujhe zinda Kḥudá kí qasam detá hún, ki agar tú Masíh, Kḥudá ká beṭá hai, to hamse kah. 64 Yisú ne usse kahá, Hán, wahí jo tú kahtá hai, balki main tum se kahtá hún, ki iske bád tum Ibn i ádam ko qádir mutlaq kí dahiní taraf aur ásmán ke bádalon par áte dekhoge. 65 Tab Sardár Káhin ne apne kapṛe pháṛkar kahá, ki Yih

kufr baktá hai : ab hamen aur gawáh kyá zurúr ? tumne áp uská kufr suná. 66 Ab tumhári kyá saláh ? Unhon ne jawáb men kahá, Wuh qatl ke láiq hai. 67 Tab unhon ne uske munh par thúká, aur use ghúnsa mára, aur दूसaron ne use tamánche márke kahá : 68 Ki Ai Masih, hamen nabuwat se batá, ki kisne tujhe mára ?

69 Jab Pathar báhar dálán men baiṭhá thá, ek laundí ne us pás áke kahá, Tú bhí Yisú Galílí ke sáth thá. 70 Par usne sab ke sámhne inkár kar ke kahá, Main nahín jántá, tú kyá kahtí hai. 71 Phir jab wuh darwáze kí taraf báhar chalá, ek दूसरी ne use dekh kar unse jo wahán the kahá, ki Yih bhí Yisú Násarí ke sáth thá. 72 Tab usne qasam kháke phir inkár kiyá, ki main us shaḡhs ko nahín jánta. 73 'Thorí der bád unhon ne jo wahán kháre the, Pathar pás áke kahá, Beshakk tú bhí un men se hai, ki terí bolí tujhe záhir kartí. 74 Tab usne lánat bhej kar kahá, Main is shaḡhs ko nahín jántá ; wahín murg ne bāng dí. 75 Tad Pathar ko Yisú kí bát yád áí, jo usne kahí thí, ki murg ke bāng dene se pahile tú tīn bár merá inkár karegá, aur wuh báhar jáke zár zár royá.

---

27 BĀB.

1 Jab subh húi, sab Sardár Káhin, aur qaum ke buzurgon ne Yisú kí bábat saláh kí, ki use kyúnkar qatl karen. 2 Phir use bāndh kar báhar le gaye, aur Pantiya Pilát hákim ke hawále kiyá. 3 Tab Yihúdá jisne use pakaṛwádiyá thá, dekh kar, ki uske qatl ká hukm húa, pachhtáyá, aur wuh tīs rupaye Sardár Káhin, aur buzurgon pás pher láyá, 4 Aur kahá, Main ne gunáh kiyá, jo begunáh ko pakaṛwáyá. We bole, hamen kyá ? tú ján. 5 Tad wuh rupaye haikal men phenk kar chalágayá, aur já ke áp ko phánsí dí. 6 Sardár Káhinon ne rupaye le kar kahá, Inhen ḡhazána men rakhná rawá nahín, ki yih ḡhún ká dām hai. 7 Tab unhon ne saláh karke un rupayon se kumhár ká khet paṛosion ke gārne ke liye ḡharídá. 8 Is sabab áj tak wuh khet ḡhún ká khet kahlátá hai. 9 Tab wuh jo Yirmiah nabí kí mārifat kahá gayá thá, púrá húa, ki Main ne wuh tīs rupaya liyá, uská dām jiskí qímat Isráelion men se bázon ne ṭhahráí. 10

Aur unhoṅ ne wuh rupayá kumhár ke khet ke wáste diyá jaisá Kḥudáwand ne mujhe farmáyá.

11 Phir jab Yisú hákim ke sámhne khará thá, hákim ne usse púchhá, Tú Yihúdíon ká bádsháh hai? Yisú ne usse kahá, Hán, tú thík kahtá hai. 12 Jiswaqt Sardár Káhin aur buzurg uspar fariyád kar rahe the, wuh kuchh jawáb na detá thá. 13 Tab Pilát ne usse kahá, Tú nahín suntá, ki ye tujh par kaisí kaisí gawáhí dete hain? 14 Par usne uskí ek bát ká bhí jawáb na diyá, chunánchi hákim ne ba'ut tájjub kiyá.

15 Hákim ká dastúr thá, ki har íd ko logon ke wáste ek bandhúá, jise we cháhate chhor detá thá. 16 Uswaqt Barabbá náme ek mashhúr bandhúá thá. 17 Jab we ekatṭhe húe, Pilát ne unse kahá, Tum kise cháhate ho, ki main tumháre liye, chhor dún? Barabbá, yá Yisú ko, jo Masíh kahlátá hai? 18 Kyúnki wuh samjh gayá, ki unhoṅ ne use dáh se pakaṛwáyá. 19 Aur jab wuh hukúmat kí masnad par baiṭhá, uskí jorú ne kahlá bhejá, ki Tú is rástbáz se kuchh kám na rakh, kyúnki main ne áj kḥwáb men uske sabab bahut tasdí páí. 20 Lekin Sardár Káhinon, aur buzurgon ne jamáat ko ubhárá, ki Barabbá ko máng leṅ, aur Yisú ko qatl karen. 21 Hákim ne phir unse kahá, Tum un donon men se kise cháhate ho, ki main tumháre liye chhor dún? We bole, Barabbá ko. 22 Pilát ne unse kahá, Phir Yisú ko jo Masíh kahlátá hai, main kyá karún? Un sab ne kahá, Use salíb de. 23 Hákim ne kahá, Kyún usne kyá badí kí? Par we aur bhí chil-láye, ki salíb de. 24 Jab Pilát ne dekhá, ki kuchh ban nahín partá, balki aur bhí hullaṛ hotá hai, to pání leke jamáat ke áge apne háth dhoe, aur kahá, Main is rástbáz ke kḥún se pák hún, tum jáno. 25 Tab logon ne jawáb men kahá, Uská kḥún hampar, aur hamárí aulád par! 26 Tab usne Barabbá ko unke liye chhor diyá, aur Yisú ko koṛe már kar hawále kiyá, ki salíb par khenchá jáwe.

27 Tab hákim ke sipáhíon ne Yisú ko diwán kḥána men lejá kar tamám palṭan uske gird jama kí. 28 Aur uske kapṛe utár kar use girmizí pairáhan pahináyá. 29 Aur kánṭon ká táj baná kar uske sir par rakhá, aur ek sarkandá uske háth men diyá, aur uske áge ghuṭhne thek kar uspar thaṭhá már ke kahá, Ai Yihúdíon ke bádsháh salám! 30 Aur uspar thúká, aur wuh sarkandá lekar uske sir par márá. 31

Aur jab we ṭhaṭhā karchuke, to us pairāhan ko utār kar phir usī ke kapre use pahināye, aur salīb par khenchne ko lechale.

32 Jab bāhar jāte the, unhon ne Simon nāme Qūrānī ko begār pakrā, ki uskī salīb lechale. 33 Aur ek maqām Galgatā nāme yāne khoprī kī jagah men pahunch ke, 34 Pit milā hūā sirkā use pīne ko diyā, usne chakh ke na chāhā ki piye. 35 Aur use salīb par khench kar uske kapron par chitṭhī ḍāl ke bānt liye, tāki jo nabī kī mārīfat kahā gayā thā, pūrā ho, ki Unhon ne mere kapre āpas men bānt liye, aur mere kurte par chitṭhī ḍālī. 36 Phir wahān baiṭh ke uskī nigahbānī karne lage. 37 Aur uske qatl kā sabab likh kar uske sir se únchā tāng diyā, ki YIH YISU' YIHU'DI'ON KA BADSHAH HAI. 38 Aur uske sāth do chor bhī salīb par khenche gaye, ek dahine háth, dūsrā bāin.

39 Aur jo idhar udhar se jāte, sir hilā kar uspar kufr bakte. 40 Aur kahte the, Wáh tú jo haikal kā ḍhāhnewálā, aur tīn din men bānānewálā hai, āpko bachā, agar tú Ḳhudā kā beṭā hai, salīb par se utar á. 41 Yohín Sardār Kāhin ne bhī faqīhon aur buzurgon ke sāth ṭhaṭhā mār ke kahā : 42 Isne auron ko bachāyā āp ko nahīn bachā saktā ; agar Isráel kā bādshāh hai, to ab salīb par se utar áwe, to hamus par ímán lāwenge. 43 Usne Ḳhudā par bharosā rakhā ; ki agar wuh uská piyará hai, to wuh ab usko chhoṛáwe ; kyúnci wuh kahtā thā, ki Main Ḳhudā kā beṭā hūn. 44 Isí tarah we chore bhī jo uske sāth salīb par khenche gaye, use burā kahte the.

45 Do pahar seleke tísre pahar tak us sārī zamín par andherā chhāgayā. 46 Tísre pahar ke qarīb Yisú ne bare shor se chillā kar kahā : Elí Elí lamá sabaqtānī : yāne Ai mere Ḳhudā, ai mere Ḳhudā, kyūnci mujhe akelā chhoṛā ! 47 Unmen se bāzon ne jo wahān khare the, sun kar kahā, ki Wuh Eliyā ko pukártā hai. 48 Wohīn unmen se ek ne daur kar bādil lekar sirke men bhigāyā, aur narkaṭ par rakh kar, use chusāyā. 49 Auron ne kahā, Rah, já, ham dekhen, Eliyā use chhoṛāne átā hai. 50 Aur Yisú ne phir bare shor se chillā kar ján dí.

51 Aur dekho haikal kā parda úpar se níche tak phaṭ gayā, aur zamín kámpī, aur patthar tarak gaye. 52 Aur qabren khul gaín, aur bahut lāshen pák logon kī, jo árām men the, uṭhín. 53 Aur uske uṭhne bād qabron se nikal kar muqaddas shahr men jákar bahuton ko

nazar áen. 54 Jab Súbadár, aur jo uske sáth Yisú kí nigáhbání karte the, unhon ne bhúnchál aur sárá májará dekhá, to niháyat ðar gayá, aur kahne lage, Yih beshakk K̄hudá ká betá thá.

55 Aur wahán bahutsí auraten jo Galíl se Yisú ke píchhe píchhe uskí k̄hidmat kartí átí thín, dūr se tak rahín. 56 Unmen Mariyam Magdaliná, aur Yáqúb Yose kí má Mariyam, aur Zabdí ke beton kí má thín.

57 Jab shám húi, Yúsaf náme Aramátíyá ká ek daulatmand jo Yisú ká shágird bhí thá, áyá. 58 Usne Pilát pás jáke Yisú kí lásh mángí. Tab Pilát ne hukm diyá, ki lásh use den. 59 Yúsaf ne lásh lekar sútí sáf chádar men lapetá. 60 Aur qabr men jo patthar men khodí thí, rakhá, aur ek bhárí patthar qabr ke munh par ðhalká ke chalá gayá. 61 Aur Mariyam Magdaliná, aur dúsrí Mariyam wahán qabr ke sámhne baiṭhí thín.

62 Dústre roz jo taiyárí ke din ke bád hai, Sardár Káhin, aur Farusón ne milkar Pilát pás jama hoke kahá : 63 Ki Ai k̄hudáwand, hamen yád hai, ki wuh dagábáz apne jíte jí kahtá thá, ki Main tín din bád jí uṭhúngá. 64 Isliye hukm kar, ki tín din tak qabr kí nigahbání karen, naho ki uske shágird rát ko ákar use chorá lejáen, aur logon se kahen, ki Wuh murdon men se jí uṭhá, to yih píchhlá fareb pahile se badtar hogá. 65 Pilát ne kahá, Tumháre pás pahrewále hain, jáke maqdúr bhar uskí nigahbání karo. 66 Unhon ne já kar us patthar par muhar kardí, aur pahre baiṭhá kar qabr kí nigahbání kí.

---

28 BA' B.

1 Sabt ke bád jab hafte ke pahile din phaṭne lagí, Mariyam Magdaliná aur dúsrí Mariyam qabr dekhne áín. 2 Aur dekho ek bará bhúmchál áyá, kyúnci K̄hudáwand ká firishte ásmán se utár ke us patthar ko qabr par se ðhalká ke use par baiṭh gayá. 3 Uská chihra bijlí sá aur uskí poshák safed barf sí thí. 4 Uske ðar se nigahbán kámp uṭhe, aur marde se ho gaye. 5 Par firishte ne mutawajan ho kar un auraton se kahá, Tum mat ðar, main jántá hún, ki tum Yisú ko jo salíb par khenchá gayá ðhúndhte ho. 6 Wuh yahán nahín hai ; kyúnci jaisá usne kahá thá, wuh uṭhá hai ; áo yih jagah jahán K̄hu-

dáwand rakhá gayá thá, dekho. 7 Aur jáke uske shágirdon se kaho ki wuh tumháre áge Galíl ko játá hai, wahán tum use dekhoge. Dekho main ne tumhen jatá diyá. 8 Wohín we qabr par se bore khauf aur barí khúshí ke sáth rawána ho kar uske shágirdon ko khabar dene daurín. 9 Jab we uske shágirdon ko khabar dene játe thín, dekho, Yisú unhen milá aur kahá, Salám! Unhon ne pás ákar uske qadam pakre, aur use sijda kiyá. 10 Tab Yisú ne unhen kahá, Mat daro, jáke mere bháíon se kaho, ki Galíl ko jáwen, wahán mujhe de khenge.

11 Jab we chalí játí thín, dekho, pahrewálon men se kitnon ne shahr men ákar jo kuchh húa thá, Sardár Káhinon se bayán kiyá. 12 Tab unhon ne buzurgon ke sáth ikaṭhe ho kar saláh kí, aur un pahrewálon ko bahut rupiye diye, 13 Aur kahne lage, tum kaho, ki rát ko jab ham sote the, uske shágird áke us chorá legaye. 14 Aur agar yih hákim ke kán tak pahunche, ham use samjhá kar tumhen khatre se bachá lenge. 15 Chunánchi unhon ne rupiye lekar sikhláneke muwáfiq kiyá, aur yih bát áj tak Yihúdíon men mashhúr hai.

16 Phir we gyárah shágird Galíl ke us pahár ko gaye jahán Yisú ne unhen farmáyá thá. 17 Aur we dekh kar sijda par báze dubdhe men rahe. 18 Yisú ne pás ákar un se kahá, ki Ásmán aur zamín ká sára ikhtiyár mujhe diyá gayá. 19 Isliye tum jákar sab qaumon ko Báp aur Beṭe aur Ruh i Quds ke nám se bápísmá deke shágird karo. 20 Aur unhen sikhláo, ki un sab báton par aml karen jinká main ne tum ko hukm kiyá hai; aur dekho, main zamáne ke tamám hone tak har roz tumháre sáth hún. Amin.

---

## MARQ KI INJIL.

---

### I. BAB.

1 Kḥudá ke beṭe Yisú Masíh kí Injíl ká shurú. 2 Jaisá nabíon kí kitábon men likhá hai, ki Dekh main apne rasúl ko tere áge bhejtá hún; wuh ráh ko tere sámhne durust karegá. 3 Bayábán men ek pukárnewále kí áwáz hai, ki Kḥudáwand kí ráh ko banáo, aur uske



raston ko sidhá karo. 4 Waisá Yohan bayábán men Bápísmá detá thá, aur gunáhon kí muáfi ke liye taube ke Bápísmá kí munádí kartá thá. 5 Aur sárí Yihúdiya mulk ke, aur Yirushálam ke rahnewále uspás nikal áte, aur sab apne gunáhon ká iqrár karke Yardan ke daryá men us se Bápísmá páte the. 6 Aur Yohan únṭ ke bálon kí poshák pahintá aur chamṛe ká kamrband uskí kamar men bandhá, aur ṭidḍí aur janglí shahd khátá thá. 7 Aur munádí kartá thá, ki Mere píchhe mujh se ek qudratwálá átá hai, main láiq nahín ki jhuk ke uskí jútíon ká tasma kholún. 8 Main ne to tumhen pání se Bápísmá diyá, par wuh tumhen Rúh i Quds se bápísmá degá.

9 Unhí dinon men aisá húa, ki Yisú ne Násirah Galíl se ákar Yardan men Yohan ke háth se bápísmá páyá. 10 Aur jonhí wuh pání se báhar áyá, usne ásmán ko khulá aur Rúh kabútar kí mánind apne úpar utarte dekhá. 11 Aur ásmán se áwáz áí, ki Tú merá azíz betá hai, tujhse main rází hún.

12 Aur Rúh use filfaur bayábán men legaí. 13 Aur wahán bayábán men chálís din tak Shaitán use ázmátá rahá, aur wuh jangal ke jánwaron ke sáth rahtá thá, aur firishte uskí k̄hidmat karte the.

14 Phir Yohan kí giriftári ke bád Yisú ne Galíl men áke K̄hudá kí bádsháhat kí k̄hushk̄habarí kí munádí kí, aur kahá : 15 Ki waqt púrá húa, aur K̄hudá kí bádsháhat nazdík hai ; tum tauba karo, aur Injil par ímán láo.

16 Aur Galíl ke daryá ke kináre phirte húe, usne Simon aur uske bhái Andriyá ko daryá men jál dálte dekhá, ki we machhue the. 17 Yisú ne unhen kahá, Tum mere píchhe áo, main tumhen ádmíon ká machhuá banáúngá. 18 We wahán apne jálon ko chhor kar uske píchhe holiye. 19 Aur wahán se thorí thorí dúr barhke usn Zabdí ke beṭe Yaqúb aur uske bhái Yohan ko bhí kistí par apne jálon kí marammat karte dekhá. 20 Aur filfaur unhen buláyá aur we apne báp Zabdí ko kishtí men mazdúron ke sáth chhor ke uske píchhe húe.

21 Tab we Kaparnáhum men dákhil húe aur wuh filfaur ibádat k̄háná men já ke tálím dene lagá. 22 Aur we uskí tálím se hairán húe, ki wuh unko ik̄htiyár wále ke tarah na kátibon kí mánind tálím detá thá. 23 Wahán unke ibádat k̄háne men ek shaḁhs ko nápák rúh ká sáyah thá, wuh yún kah ke chilláyá : 24 Ki Ai Yisú Názarí

chhor de, hamen tujh se kyá kám tú hamen halák karne áyá hai; main tujhe jántá hún, tú kaun hai, K̄hudá ká Quddús. 25 Yisú uspar jhunjhláke bolá, ki Chup aur uspar se játá rah. 26 Tab nápak rúh use maror ke barí áwáz se chilláe uspar se utargaí. 27 Aur we sab hairán hoke ápas men púchhte aur kahte the, ki Yih kyá hai, yih kaisí naítálím hai, ki wuh nápak rúhon ko bhí iqtidár se hukm kartá hai, aur we usko mánte hain? 28 Aur wohín uskí shuhrat Galíl kí cháron taraf phail gaí.

29 Aur we filfaur ibádat k̄háne se báhar nikal ke Yaqúb aur Yohan ke sáth Simon aur Andriyá ke ghar men gae. 30 Aur Simon ke sás tap se pare the, tab unhon ne use filfaur k̄habar dí. 31 Usne áke uská háth pakarke use uṭháyá; aur filfaur uskí tap játí rahí, aur usne unki k̄hidmat kí.

32 Shám ko jab súra j dub gayá, sáre bímáron aur díwánon ko uspás láe. 33 Aur sára shahr darwáze par jama húá thá. 34 Usne bahuton ko jo tarah tarah kí bímáron giriftár the changá kiyá, aur bahut se dewon ko nikálá, aur dewon ko bolne na diyá; kyúнки we use pahchánte the. 35 Aur bare tarke kuchh rát rahte, wuh uṭh ke niklá, aur ek wairán jagah men jáke wahán duá mánge. 36 Aur Simon aur uske sáthí uske píchhe chale. 37 Jab unhon ne use páyá, to kahá ki tujhe sab dhúnḍhte hain. 38 Usne unhen kahá, Aṅo nazdík ke shahron men jáwen, táki main wahán bhí munádí karún; kyúнки main isliye báhar niklá. 39 Aur wuh sári Galíl men unke ibádat k̄háne ke bích munádí kartá, aur dewon ko dúr kartá thá.

40 Tab ek koṛhí áke uskí minnat kí aur ghuṭne ṭek kar use bolá, ki agar tú cháhe, to mujhe pák karsaktá hai. 41 Yisú ne uspar rahm karke háth barháyá aur use chhúke kahá, ki main cháhtá hún, tú pák ho. 42 Yih bát kahtehí uská koṛh játá rahá, aur wuh pák húá. 43 Aur usne tákíd se use yih hukm karke jald ruḁhsat kiyá. 44 Ki dekh kisí se kuchh mat kah, balki já aur apne taín káhin ko dekhlá aur apne pák hone ke liye jin chízon ko Músá ne farmáyá hai, unki gawáhí ke wáste guzrán. 45 Par wuh báhar jáke usbát ko niháyat ishtihár aur mashhúr karne lagá, yiháun tak ki Yisú záhirá shahr men dákhil na honesaká; par báhar wairán jagahon men rahá, aur log cháron tarafse uspás áyá kiye.

## II. BAB.

1 Aur koí din ke bád wuh Kaparnáhum men phir áyá, aur záhír húa, ki wuh ghar men hai. 2 Tab filfaur wahán itne ádmí jama húe, ki darwáze kí dahlíz tak bhí unkí samáí na húi, aur usne unhen kálám kah sunáyá.

3 Aur ek ardhángí ko chár ádmíon se uṭhá ke uspás leáe. 4 Jab we bhír ke sabab uske nazdíq na ásake, to unhon ne us chhat ko jahán wuh thá kholdiyá, aur phár ke us khaṭole ko jispar ardhángí beṭá thá laṭká diyá. 5 Yisú ne unká iatiqád dekhkar us ardhángí ko kahá, Beṭá, tere gunáh muáf húe. 6 Par báze kátib jo wahán baiṭhe the, apne dilon men kḥiyál karne lage: 7 Ki yih kyún aisá kufr baktá hai, Kḥudá ke siwá kaun gunáh muáf kar saktá hai? 8 Aur filfaur Yisú ne apne rúh se málúm karke, ki apne dilon men aise kḥiyál karte hain, unhen kahá, ki Tum kyún apne dilon men aisá kḥiyál karte ho? 9 Us ardhángí ko kyá kahná ásántar hai, yih ki tere gunáh muáf húe, yá yih ki uṭh aur apná khaṭolá le chal? 10 Lekin táki tum jáno; ki Ibn i ádam zamín par gunáhon ke muáf karne ká ikḥtiyár rakhtá hai, usne us ardhángí ko kahá: 11 Main tujh kahtá hún, Uṭh aur apná khaṭolá uṭhá ke apne ghar ko já. 12 Aur khaṭolá uṭhá kar unsab ke sámhne nikal gayá aur sab dang hogae, aur Kḥudá kí táríf karke bole, ki Hamne istarah kabhí na dekhá thá.

13 Aur wuh phir daryá kí taraf gayá aur sárí bhír uspás áí, aur usne unhen nasíhat kí. 14 Aur játe húe Alfá ke beṭe Lewí ko mahsúl kí chaukí par baiṭhe dekhá, aur us se kahá, Mere píchhe ho le. Wuh uṭhke uske píchhe holiyá. 15 Aur jab Yisú uske ghar men kháne baiṭhá thá, yún húa, ki bahutse mahsúl lenewále aur gunáhgár uske aur uske shágirdon ke sáth baiṭhe; kyúinki we bahut the, aur uske píchhe chale áe the. 16 Aur jab Kátibon aur Farusíon ne use mahsúl lenewálon aur gunahgáron ke sáth kháte dekhá, tab uske shágirdon se kahá, Yih kyá hai, ki wuh mahsullenewálon aur gunahgáron ke sáth khá-tá pítá hai? 17 Yisú ne sunkar unhen kahá, Unke liye jo tandurust hain, hakím kuchh zarúr nahín, balki unke liye jo bímár hain. Main rástbázon ko nahín, balki gunahgáron ko taube ke liye buláne áyá hún.

18 Aur Yohan aur Farusíon ke shágird roza rakhá karte the; un-

hon ne áke use kahá, ki Yohan aur Farusíon ke shágird kyún roza rakhte hain, aur tere shágird roza nahín rakhte? 19 Yisú ne unhen kahá, ki kyá barátí jab tak ki dúlhá unke sáth hai, roza rakh sakte hain? we jab tak ki dúlhe ke sáth hain, roza rakh nahín sakte. 20 Lekin wuh din áwenge, jab dúlhá unse judá kiyá jáegá, aur tab unhnín dinon men we roza rakhenge. 21 Kore thán ke tukre se puráne poshák men koí paiwand nahín kartá; nahín to wuh nayá tukrá jo usmen lagáyá gayá hai, puráne ko phártá hai, aur wuh ziyáda phat játá hai. 22 Aur naí wain ko purání mashkon men koí nahín bhartá hai; nahín to mashken naí wain se phat játi hain, aur wain bah játi hai, aur mashken barbád hotí hain; balki naí wain ko naí mashkon men rakhá cháhiye.

23 Aur yún húa, ki wuh sabbt ke din kheton se játá thá, aur uske shágird ráh chalte bálen toṛne lage. 24 Aur Farusíon ne use kahá, Dekh kisliye tere shágird sabbt ke din wuh kám karte jo rawá nahín. 25 Usne unse kahá, Kyá tumne kabhí nahín paṛhá, jo Dáúd ne jab wuh aur uske sáthí muhtáj aur bhúkhe the, kyá kiyá? 26 Wuh kyúnkar Sardár Káhin Abiyásár ke waqt men Kḥudá ke ghar men gayá, aur nazar kí roṭián jin ká kháná káhinon ke siwá kisí ko rawá na thá, kháin aur apne sáthion ko bhí dín. 27 Usne unhen kahá, Sabbt ká din ádmí ke wáste hai, na ádmí sabbt ke din ke wáste. 28 Pas Ibn i ádam sabbt ke din ká bhí Kḥudáwand hai.

### III. BĀB.

1 Wuh ibádat kḥáne men phir dákhil húa, wahán ek shaḥhs thá, jis ká ek háth súkh gayá thá. 2 Aur we uskí ghát men lage, ki wuh use sabbt ke din changá kare; to uspar nálsh karen. 3 Usne us shaḥhs ko jiská háth súkh gayá thá kahá, ki bích men khaṛá ho. 4 Aur usne unhen kahá, ki sabbt kí din nekí karná rawá hai, yá badí karná; ján bacháná yá ján se marná? we chup ho rahe. 5 Tab usne unke saḥt dilí ke sabab gamgín hoke gusse se un sab kí taraf dekhá aur us shaḥhs ko kahá, ki Apná háth baṛhá. Usne baṛháya aur uská háth jaisá dúsrá thá, waisá changá hogayá. 6 Tab Farusíon ne filfaur báhar jáke Hirodíon ke sáth uske zidd par mashwart kí, ki use kyúnkar

qatl karen. 7 Aur Yisú apne shágirdon ke sáth daryá kí taraf phir-  
rá, aur ek barí jamáat Galíl aur Yihudiya, 8 Aur Yirúshálam aur  
Adum, aur Yardan ke pár se uske píchhe hole aur Súr aur Saidá ke  
áspás se bahutsí jamáat uske kámon kí khabar sun ke uspás áye. 9  
Usne apne shágirdon ko kahá ki ek chhoṭí sí kishṭí bhír ke sabab tayár  
rakhen, ki use dabá na dálen. 10 Kyúnki usne bahuton ko changá  
kiyá thá, yahán tak ki we jo bímáron men giriftár the uspar gire par-  
te the, ki use chhúlen. 11 Aur nápák rúhen jab use dekhtín, uske  
áge girpartí thín, aur pukár ke kahtín, ki tú Kḥudá ká beṭá hai. 12  
Tab usne unhen bahut dhamkáyá, ki use mashhúr na karen.

13 Phir ek pahár par gayá aur jinko áp pasand kiyá thá, unhen  
buláyá; aur we uspás áye. 14 Aur usne bárah ko muqarrar kiyá, ki  
uske sáth rahen, aur unko munáadí karne ko bheje, 15 Aur we sab  
bímáron ke changá karne aur dewon ke nikalne kí qudrat rakhen:  
16 Yáne Simon ko jiská nám Pathar rakhá, 17 Aur Zabdí ke beṭe  
Yaqúb ko aur Yaqúb ke bhái Yohan ko jinká Boanargis nám rakhá,  
yáne garajthe bádál ke se, 18 Aur Andriyá aur Filip aur Bártolmá  
aur Matí ko aur Tomá aur Halfá ke beṭe Yaqúb ko aur Taddí aur  
Kanání Simon ko, 19 Aur Yihudá Iskáriyatí ko jo uská pakarwá-  
newálá bhí thá.

20 Phir we ghar men áe aur itne log phir jama húe, ki we roṭí bhí  
ná khá sake. 21 Jab uske rishtadáron ne yih suná, we use pakarne  
chale; kyúnki unhon ne kahá, wuh beḥhúd hai. 22 Tab faqíhon ne  
jo Yirúshálam se áe the kahá, ki Bálzabúl us ke sáth hai, aur wuh  
deon ke Sardár kí madad se deon ko nikáltá hai. 23 Tab usne unhen  
bulákar tamsílon men kahá: Kyúnkar ho saktá hai, ki Shaitán Shaitán  
ko nikále. 24 Aur agar kisí bádsháhat men phúṭ pare, to wuh bád-  
sháhat qáim rah nahín saktí. 25 Aur agar kisí gharání men phúṭ pare,  
to wuh gharána qáim rah nahín saktá. 26 Aur agar Shaitán apná hí  
mukhálif hoke apne áp se phúṭ kare, to wuh qáim rah nahín saktá,  
balki ákhir hojáwegá. 27 Koí kisí zoráwar ke ghar men ghus ke uske  
asbáb ko lúṭ nahín saktá, bagair uske ki wuh pahile us zoráwar koí  
bándhe, tab uske ghar ko lúṭegá. 28 Main tumse sach kahtá hún, ki  
ádmíon ke sab gunáh aur jo jo kufr we bakte hai, muáf kiye jáenge.  
29 Lekin wuh jo Rúh i Quds ke haqq men kufr bake, uske muáfí har-

giz nahīn, balki wuh hamesha ke azāb kā sazāwār ho chukā. 30 Kyūnki unhoṅ ne kahā thā, ki uske sāth ek nāpāk rūh hai.

31 Uswaqt uske bhāī aur uskī mā āe, aur bāhar khare rahke, use bulwā bhejā. 32 Aur jamāat uske āspās baiṭhī, unhoṅ ne use kahā, ki dekh tere mā aur tere bhā bāhar tujhe ḍhunḍhte haiṅ. 33 Usne unheṅ jawāb diyā, Kaun hai merī mā, yā mere bhāī? 34 Aur unpar jo uske āspās baiṭhe the, nigāh karke kahā, dekho, mere mā aur mere bhāī. 35 Isliye ki jo koī Kḥudā kī marzī par chaltā hai, merā bhāī aur merī bahin aur mā wahī hai:

#### IV. BĀB.

1 Wuh phir daryā kināre par tālīm karne lagā, aur baṛī bhīṛ uspās jama hūī, aisā ki wuh daryā meṅ ek kishtī par chaṛh baiṭhā, aur sārī bhīṛ kḥushkī meṅ daryā ke kināre par jā rahī. 2 Tab usne unheṅ tamsilon meṅ bahut kuchh sikhlāyā, aur apnī tālīm meṅ unse kahā : 3 Suno ki ek kisān bone ko gayā. 4 Aur uske bote waqt yūn hūā, ki bāze rāh ke kināre gire, aur hawā ke parinde āke use chug gae. 5 Aur bāze sangīn zamīn par gire, jahān unheṅ bahut mittī na milī, aur we jald uge; kyūnki unheṅ ne daldār zamīn na paī. 6 Aur jab sūraj niklā, we jal gae aur jaṛ na rakhne ke sabab sūkh gae. 7 Aur bāze kānton meṅ gire, aur kānton ne baṛh ke unheṅ dabā diyā, aur we phal na lāe. 8 Aur bāze achchhī zamīn meṅ gire, wuh uge aur baṛh ke phale, bāze tīs gune bāze sāth aur bāze saugune. 9 Phir usne unheṅ kahā, ki jis ko sunne ke kán hoṅ, sune.

10 Aur jab wuh akelā hūā, unhoṅ ne jo uske sāth the, unbārah se mil ke use us tamsil ke māne pūchhe. 11 Usne unheṅ kahā, ki Kḥudā kī bādshāhat ke bhed kā jānnā tumheṅ diyā gayā hai, par unke liye jo bāhar haiṅ sab bāteṅ tamsilon meṅ hotī haiṅ. 12 Tāki we hne meṅ dekheṅ, magar bujheṅ nahīn; aur kán se sunēṅ, par samjheṅ nahīn; na howe ki we kabhī phireṅ aur unke gunāh baḳhshe jāēṅ. 13 Phir usne unheṅ kahā, kyā tum yih tamsil nahīn samajhte? to sab tamsilon ko kyūnkar samjhoge? 14 Kisān kalām botā hai. 15 Aur we jo rāh ke kināre paṛe, jahān kalām boyā jātā hai, we haiṅ ki jab unhoṅ ne sunā, to Shaitān filfaur āke us kalām ko, jo unke dilon meṅ

boyá gayá thá, lejátá hai. 16 Aur usítarah jo sangín zamín men boyá gayá, we hain jo kalám ko sun ke filfaur  $\text{\textcircled{K}}$ hushí se qabul kar lete hain. 17 Aur ápmen jar nahín rakhte, balki thoří muddat ke hain, ákhir jab us kalám ke wáste taklíf páte yá satáe játe, to jald thokar kháte hain. 18 Aur jo kánton ke darmiyán boe gae, we hain jo kalám sunte hain, 19 Aur dunyá kí fikren aur daulat kí dagábází aur aur chízon ká lálach dákhil hoke kalám ko dabá dete hain, aur wuh bephal hotá hai. 20 Aur jo achchhí zamín men boe gae, we hain jo kalám ko sunte hai, aur qabul karke phal láte hain, báze tís guné báze sáth aur báze sau guné.

21 Aur usne unhen kahá, kyá chirág isliye hai, ki paimáne yá palang ke tale rakhen, aur chirágdán par na rakhen? 22 Koí chiz poshída nahín, jo záhir na ho, aur na chhipí, magar isliye ki záhir howe. 23 Jis ko sunne ke kán hon, sune.

24 Phir usne unhen kahá, ki Dhyán rakho, tum kyá sunte ho, jis paimáne se tum nápte ho, usi se tum háre liye ná pá jáegá; aur tumhenjo sunte ho, ziyáda diyá jáegá. 25 Isliye ki jis ke pás kuchh hai, use diyá jáegá, aur jis ke pás kuchh nahín, usse wuh bhí jo uske pás hai liyá jáegá.

26 Aur usne kahá,  $\text{\textcircled{K}}$ hudá kí bádsháhat aisí hai, jaise ek shaḥs jo zamín men bíj bowe, 27 Aur rát din wuh sowe úthe, aur wuh bíj istarah uge aur barhe, ki wuh na jáne. 28 Isliye ki zamín áp se áp phal nikalwátí hai, pahile sabzí phir bál bád uske bál men taiyár dáne. 29 Aur jab dána pakchuká, to wuh filfaur hansuá bhejwátá hai, kyunki kátne ká waqt pahunchá hai.

30 Phir usne kahá, ki ham  $\text{\textcircled{K}}$ hudá kí bádsháhat ko kisse nisbat karen, aur uská liye kaun sí shál láwen? 31 Wuh ráí ke dáne kí má-nind hai, ki jab zamín men boyá játá hai, zamín ke sab bíjon se chhotá hai. 32 Par jab boyá gayá, to ugátá hai aur sab tarkáron se barh játá aur bari dálián nikaltín, yahán tak ki hawá ke parinde uske sáyá men baserá karsakte hain.

33 Aur wuh unhen aisí bahuterí tamsilon men unkí samajh ke muwáfiq kalám kahtá thá. 34 Aur be tamsíl unse kahá na kartá, lekin  $\text{\textcircled{K}}$ hilwat men apne shágirdon ko sab báton ke máne batlátá thá. 35 Usí din jab shám húí, usne unhen kahá, ki pár jáwen. 36 Aur we us jamáat

ko ruḵhsat karke use, jistarāh se ki kishtī par thā, lechale aur chhoṭī kishtīān bhī uske sāth thīn. 37 Tab baṛī andhī chalī lahreṅ, kishtī par yahān tak lagīn, ki wuh pānī se bhar chalī thī. 38 Aur wuh pat-wār kī taraf sir tale takiya rakh ke so rahā thā, tab unhoṅ ne use jagā ke kahā, Ai ustād, tujhe fikr nahīn, ki ham sab halāk hote hain? 39 Tab wuh uṭh ke hawā par jhunjhlāyā aur daryā ko kahā, Ṭhahar aur tham jā; to hawā ṭhahargaī aur ḵhub newā ho gayā. 40 Phir unheṅ kahā, Tum kyūn aise ḍarte ho aur kāhe ko be iatiqād hote ho? 41 Tab we nihāyat ḍare aur āpas meṅ kahne lage, Yih kistarāh kā hai, ki hawā aur daryā bhī uske farmān bardār hain?

### V. BĀB.

1 Aur we daryā ke pār Gadarinīon ko mulk meṅ pahunche. 2 Aur jon wuh kishtī se utrā, wohīn ek ādmī jispar nāpāk rūh kā sāya thā, qabristān se nikalte hūe use milā. 3 Wuh qabron ke darmiyān rahā thā, aur koī use zanjīron se bhī jakṛā na saktā thā. 4 Ki wuh bāhar beṛion aur zanjīron se jakṛā gayā thā, aur usne zanjīron ko torā aur beṛion ko ṭukṛe ṭukṛe kiye, aur koī use basmeṅ lā na sakā. 5 Wuh hamesha rāt din pahāron aur qabron ke bīch chillāyā kartā, aur apne taīn pathron se kaṭwata thā. 6 Par jon usne Yisú ko dūr se dekhā, daurā aur use sijda kiyā. 7 Aur baṛī āwāz se chillāke kahā, Ai Ḵhudā Tálā ke beṭe Yisú, mujhe tujhse kyā kām? tujhe Ḵhudā kī qasam detā hūn, mujhe na satā. 8 Kyūnki usne use kahā thā, ki Ai nāpāk rūh, us shakhs par se dūr ho. 9 Phir usne usse pūchhā, Terā kyā nám hai? Usne jawāb diyā, ki merā nám Legion hai, isliye ki ham bahut hai. 10 Tab usne uskī bahut minnat kī, ki hamen is sarzamīn se mat nikāl. 11 Aur wahān pahāron ke nazdīk sūaron kā ek baṛā gol chartā thā. 12 So sab deon ne uskī minnat karke kahā, ki ham ko un sūaron par bhej, táki ham unmeṅ paiṭhen. 13 Yisú filfaur unheṅ ijāzat dī, aur wuh nāpāk rūheṅ nikal áke sūaron meṅ paiṭh gaīn, aur wuh gol kaṛāre par se daryā meṅ kúdā; aur we qarīb do hazār ke the, ki daryā meṅ ḍūb ke margae. 14 Aur we jo sūaron ko charāte the bhāge, aur shahr aur dihāt meṅ ḵhabar pahunchāī, tab we us májarā ke dekhne ko nikle. 15 Aur Yisú pás áe, aur us diwāne ko



jis par Legion ká sáya thá baiṭhe, aur kapre pahne aur hoshyár dekhá aur ḍargae. 16 Aur jinhon ne yih dekhá thá, dewáne ká sára ahwál aur síaron ká tamám májará unse bayán kiyá. 17 Tab we uskí minnat karne lage, ki unkí sarhadd se nikal jáe. 18 Jon wuh kishṭí par áyá, usne jo díwána thá, usse minnat kí, ki uske sáth rahe. 19 Lekin Yisú ne use ijázat na dí, balki use kahá, ki Apne doston ke pás ghar já, aur unhen khabar de, ki Kḥudáwand ne mujh par rahm karke mujh se kyá kám kiyá. 20 Tab wuh gayá aur Dekápalí ke mulk men un kámon ko, jo Yisú ne uske liye kiye the, munádí karne lagá; aur sabhon ne tájjub kiyá.

21 Aur jab Yisú kishṭí par phir pár áyá, baṛí bhír uspás jama húi, aur wuh daryá ke nazdík thá. 22 Aur dekho ki ibádat kḥánon ke sardáron men se ek shaḥs jiská nám Yáir áyá, aur use dekh kar uske qadmon par girá. 23 Aur uskí bahut minnat karke kahá, ki merí chhoṭí beṭí marne par hai; áye aur use changá karne ke liye apná háth uspar rakhye, to wuh jégí. 24 Tab wuh uske sáth gayá, aur baṛí bhír uske píchhe chalí, aur use dabá liyá.

25 Aur ek aurat jiská bárah baras se lahú járí thá, 26 Jisne bahut se hakímon kí dawáen kháí thín, aur apná sab mál kḥarch karke kuchh paidá na páyá thá, balki uskí bímárí aur bhí baṛhgaí thí: 27 Yisú kí khabar snke us bhír men uske píchhe se áí, aur uske kapre ko chhúliyá. 28 Kyúnki usne kahá, ki agar main sirf uske kapron ko chhúlún, to changí hojáún. 29 Aur filfaur uske lahú ká sotá band húa, aur usne apne badan ke ahwál se jáná, ki us waqt se changí húi. 30 Tab Yisú ne filfaur apne men jáná, ki mujh men se quwat niklí; us bhír kí taraf mutawajjih ho kar kahá, ki merekapre ko kisne chhúá? 31 Usko shágirdon ne use kahá, Tú dekhtá hai, ki log tujh par gire parte hain, phir tú kahtá hai, mujhe kisne chhúá. 32 Tab usne cháron taraf nigáh kí, táki use jisne yih kám kiyá thá dekhe. 33 Aur wuh aurat jo uspar wáqá húa ján kar ḍartí aur kámptí áí, aur uské áge girparí aur sach sach usse kahá. 34 Tab usne use kahá, ki beṭí tere ímán ne tujhe bacháyá; salámat já, aur apní áfat se bachí rah.

35 Jab wuh yahí kahtá thá, ibádat kḥánon ke Sardár ke yahán se logon ne áke kahá, ki Terí beṭí margaí, ab kyún ustád ko ziyáda taklíf detá hai? 36 Yisú ne us bát ko, jo we kah rahe the, suntehí,

ibádat k̄hānon ke Sardár ko kahá, Mat dar, faqat iatiqád rakh. 37 Aur usne siwá Pathar aur Yaqúb aur Yaqúb ke bhái Yohan ke kisí ko apne sáth jáne na diyá. 38 Aur ibádat k̄hānon ke Sardár ke ghar men áke shor o gol aur log aur logon ko bahut rote píṭte dekhá. 39 Aur bhítar já ke unhen kahá, Tum káhe ko gol karte aur rote ho? Laṛkí mar nahín gaí, balki sotí hai. 40 We uspar hanse; lekin wuh sab ko báhar kar ke laṛkí ke má báp ko aur apne sáthion ko leke jahán wuh laṛkí paṛí thí, andar áyá. 41 Aur us laṛkí ká háth pakaṛ kar use kahá, Talitá qumí, jis ká tarjumá yih hai, ki Ai laṛke, main tujhe kahtá hún, uṭh. 42 Wohín wuh laṛkí uṭh ke chalne lagí; kyúnki wuh bárah baras kí thí; tab we bahut hairán húe. 43 Phir usne unhen bahut tákíd se hukm kiyá, ki use koí na jáne; aur farmáyá, ki use kuchh kháne ko deṅ.

## VI. BĀB.

1 Phir wahán se rawána húa, aur apne watan men ayá, aur uske shágird uske píchhe holiye. 2 Jab sabt ká din húa, wuh ibádat k̄háne men wáz karne lagá, aur bahuton ne sunke hairán ho kar kahá, ki Ye báten usne kahán se páin? aur yih kyá hikmat hai, jo use milí hai, ki aisí qudraten uske háth se záhir hotí hain? 3 Kyá yih Mariyam ká beṭá baṛhí nahín? aur Yaqúb aur Yose aur Yihudá o Simon ká bhái nahín? kyá uskí bahinen hamáre pás yahán nahín hai? Aur unhon ne use ṭhokar khái. 4 Tab Yisú ne unhen kahá, nabí beizzat nahín hai, magar apne watan men aur apne kumbe aur apne ghar men. 5 Aur wuh koí muajizah wahán na dekhlá saká, siwá uske ki thore se bímáron par háth rakhke changá kiyá. 6 Aur usne unkí beímání se tájjub kiyá, aur áspás ke gánon men wáz kartá phirá.

7 Aur unbárah ko buláyá, aur unko do do kar ke bhejná shurú kiyá, aur unhen nápák rúhon par iḱhtiyár diyá. 8 Aur hukm kiyá, ki Safar ke liye siwáe láṭhíke kuchh na lo, na jholí, na roṭí, na apne kamar men paisá: 9 Magar jutían pahinon par do kurtí mat pahinon. 10 Aur unhen kahá, jahán tum kisí ghar men dáḱhil ho, to jab tak tum us jagah se jáo, wahín raho. 11 Aur jo koí tumhen qabul na kare, aur tumhári na sune, to jab tum wahán se niklo, apne pánw kí

gard jhār denā, ki unpar gawāhī ho; main tumse sach kahtā hūn, ki adālat ke din Sadum aur Amurā kī sazá is shahr kī sazá se kam hogī. 12 Aur unhon ne já ke munādī kī, ki tauba karo. 13 Aur bahut se deon ko dūr kiyā, aur bahuton ko jo bímār the, tel mal ke changā kiyā.

14 Jab Hirod bādsháh ne sunā (kyúнки uská nám mashhúr húa thá) to usne kahá, Yohan Bápťismá denewálá murdon men se jí uṭhá, isliye muajize usse záhir hote hain. 15 Auron ne kahá, wuh Iliyá hai; phir auron ne kahá, yih ek nabí hai, yá kīsí nabí kī mánind hai. 16 Par Hirod ne sunkar kahá, yih to Yohan hai jis ká sir main ne kaṭwáyá hai, murdon men se jí uṭhá hai. 17 Ki Hirod ne apne Herodiyá ke wáste, jo uske bhái Filip kī jorú thí, log bhej kar Yohan ko pakarwáke qaid kḥáne men band kiyá; kyúнки usne use byáh kiyá thá, 18 Aur Yohan ne Hirod ko kahá thá, ki Apne bhái kī jorú rakhná tujh par rawá nahín. 19 Isliye Hirodiyá uská kína rakhtí aur cháhtí thí, ki use ján se máre; par uská háth na partá thá. 20 Iswáste ki Hirod Yohan ko mard i rástbáz aur muqaddas ján kar ḍartá, aur uskí pásdáří kartá, aur uskí nasíhat sunkar bahut sí bāton par amal kartá, aur uskí báten kḥushí se suntá thá. 21 Akḥir qábú ká din áyá, ki Hirod ne apní sálgirah men apne buzurgon, anr rasálahdaron aur Galíl ke ámiron kī kiyáfat kī. 22 Tab Hirodiyá kī beṭí áí, aur nách ke Hirod aur uske mihmánon ko kḥúsh kiyá, tab bádsháh ne us laṛkí ko kahá, jo cháhe, so máng, main tujhe dúngá. 23 Aur use qasam khái, ki tú merí ádhí bádsháhat tak jo kuchh mujh se mánge, main tujhe dúngá. 24 Wuh chalí gaí, aur apní má se púchhá, ki main kyá mángún, Wuh bolí, ki Yohan bápťismá denewále ká sir. 25 Tab wuh filfaur bádsháh ke pás chálákí se áí, aur usse arz karke kahá, Main cháhtí hūn, ki tú Yohan bápťismá denewále ká sir ek básan men abhí mujhe de. 26 Bádsháh bahut gamgín húa, par apní qasam aur sáth baiṭhnewálon ke sabab na cháhá, ki us se inkár kare. 27 Tab bádsháh ne filfaur jalláu ko hukm karke bhejá, ki uská sir láwe. Usne jáke uská si qaidkḥáne men kaṭá. 28 Aur ek básan men rakh ke láyá, aur us laṛkí ko diyá, aur us laṛkí ne apní má ko diyá. 29 Tab uske shágird sunkar áe, aur uskí lásh ko uṭhá ke qabr men rakhá.

30 Aur rasúl Yisú ke pás jama húe, aur jo kuchh unhon ne kiyá aur jo kuchh sikhláyá thá, sab usse bayán kiyá. 31 Tab usne unhen kahá, Alag wairáne men chalo, aur zará sustái, isliye ki wahán bahut log áte játe the, aur unhen kháná kháne kí bhí fursat na thí. 32 Tab we alag kishtí par baiṭh ke ek wairáne men gaye. 33 Par logon ne unhen játe dekhá, aur bahuton ne use pahcháná aur sáre shahron se ḳhush kí ḳhush kí udhar daure, aur unse áge já pahunche aur ekaṭhe ho ke uspás áe. 34 Aur Yisú ne nikal ke barí bhír ko dekhá, use unpar rahm áyá; kyúnci we un bheron kí mánind the, ki jinká gararíá nahín; aur wuh unhen bahut sí bāten sikhláne lagá.

35 Jab din bahut ḍhalá, uske shágirdon ne uspás áke kahá, Yih jagah wairán hai, aur bahut der húi. 36 Unhen ruḳhsat kar, táki we cháron tarafke gáñwon aur bastíon men jáke roṭí mol len, ki kháne ko unpás nahín. 37 Usne unhen jawáb men kahá, tum unhen kháne ko do; tab we bole, kyá ham jáke do sau dinár kí roṭián mol len aur unhen khiláwen? 38 Usne unhen kahá? tumháre kitní roṭí hain, já ke dekh. Unhon ne daryáft kar ke kahá, páñch roṭí aur do machhlíán. 39 Tab usne unhen hukm kiyá, ki unsab ko harí ghás par pánt karke baiṭhláo. 40 We sau sau aur pachás pachás pánt men baiṭhe. 41 Tab usne wuh páñchroṭián aur do machhlíán le ke ásmán kí taraf dekh ke barakat cháhí, aur roṭián torín, aur apne shágirdon ko dín, ki unke áge rakhen; aur usne wuh do machhlíán un sab ke bāṭín. 42 We sab kháke ser húe. 43 Aur unhon ne ṭukron kí bárah ṭokrián bharín, aur kuchh machhlión se bhí uṭháín. 44 Aur we jinhon ne roṭián kháín, páñch hazár mard ke qaríb the.

45 Aur filfaur usne apne shágirdon ko tákíd se hukm kiyá, ki jab tak main logon ko ruḳhsat karún, tum kishtí par charḥ ke pár Bait-saidá men áge jáo. 46 Aur áp unhen ruḳhsat karke ek pahár par duá mánge gayá. 47 Aur jab shám húi, kishtí bích daryá men thí, aur wuh akelá ḳhushhí par thá. 48 Usne dekhá, ki we khene men bahut mihnát karte hain, kyúnci hawá unke mukhálif hai; tab píchhle pahar rát ko Yisú daryá par chalá átá thá aur cháhá, ki unse áge barhe. 49 Jab unhon ne use daryá par chalte dekhá ḳhiyál kiyá, ki kuchh dhokhá hai, aur chillá uṭhe. 50 Kyúnci sabne use dekhá, aur ghabráe par wuh filfaur únse bolá aur unhen kahá, Ḳhátir jama rakho,

main hún, mat daro. 51 Phir wuh kishtí par un pás charhá aur hawá tham gaí; tab unhon ne dilon meñ niháyat hairán hoke tájjub kiyá. 52 Isliye ki we roṭián ke muajize ko na samjh the; kyúnki unká dil saḡht thá.

53 Aur we pár guzar ke Ganisarat ke mulk meñ áe, aur ghát par lagáyá; 54 Jab we kishtí par se utre, filfaur logon ne use pahchán ke mulk kí har taraf daure, aur bímáron ko chárpayon par rakh ke jahán unhon ne suná thá, ki wuh hai, lejáne lage. 55 Aur wuh jahán kahín bastí yá shahr yá gánon meñ gayá, unhon ne bímáron ko bázáron meñ rakhá; aur uskí minnat kí, ki sirf uskí poshák ke dáman ko chhúlen; aur jitnon ne use chhúá, achchhe hogae.

---

## VII. B.AB.

1 Tab Farúsí aur báze kátib Yirúshálam se áke us pás jama hue. 2 Jab unhon ne uske báze shágirdon ko násáf yáne bindhoe háthon se roṭí kháte dekhá, to aib lagáyá. 3 Isliye ki Farúsí aur sa Yihúdí buzurgon ke rawáyat par aml karke, jab tak ki donon háth na dhowen, na kháte. 4 Aur bázár se áke jab tak na dhowen, nahín kháte; aur bahut sí báten hain, jinko we mánte hain, jaise piyálon aur thálíon aur támbe ke bartonon aur chárpácon ká dhoná. 5 Tab Farúsíon, aur kátibon ne use púchhá, ki tere shágird buzurgon ke hukmon par kyún nahín chalte, aur roṭí bin dhoe háth se kháte hain? 6 Usne unhen jawáb meñ kahá, ki Ishayá ne tum makkáron ke haqq meñ kyá kḡhub peshín gaí kí hai, ki Ye log honthon se merí buzurgí karte hain, par unke dil mujh se dúr hain. 7 Aur we befáida merí parastish karte hain, kyúnki jo tálím we sikhláte hain, ádmí ke hukm hain. 8 Isliye tum Kḡhudá ke hukm ko tark karke ádmí kí rawáyat jaise piyálon aur thálíon ká dhoná mánte ho; aur aise bahutere kám hain, jo tum karte ho. 9 Aur usne unhen kahá, Tum Kḡhudá ke hukm ko achchhe zor se báṭil karte ho, táki apne dastúron ko sábit rakho. 10 Kyúnki Músá ne kahá, ki apne má báp kí tázím kar, aur jo koí má báp ko burí bát kahe, wuh ján se mára jae. 11 Par tum kahte ho, agar koí apne báp yá má ko kahe, ki tujhe mujh se fáida honá thá, so qurbán yáne hadya hai. 12 Aur tum use uske báp yá uskí má kí kuchh

madad karne nahīn dete. 13 Pas tum Ḳhudá ke kalám ko apní rawáyat se, jo tum ne járí kí hai, báṭil karte ho, aur aisá bahut kuchh karte ho.

14 Phir usne sárí jamáat ko pás buláke kahá, ki tum sab ke sab merí suno, aur samjho. 15 Aisí koí chíz ádmí ke báhar nahīn, jo usmen dáḳhil ho ke use nápák karsake; par we chízen jo usmen se nikaltí hai, wahí ádmí ko nápák kartí hai. 16 Agar kisí ke kán ne ke hon, to sunle 17 Jab wuh bhír ke pás se ghar men gayá, uske shágirdon ne use us tamsíl ke máne púchhe. 18 Tab usne unhen kahá, kyá tumbhí aise nádán jánte hai, ki jo chíz báhar se ádmí men játí hai, use nápák nahīn karsaktí. 19 Isliye ki wuh uske dil men nahīn, balki peṭ men játí hai. Aur wahán se ḳhorák kí sab nápákí páḳháne men kartí hai, aur us ráh se nikaltí jidhar se sab kháí húí, chízen ḳhálí hotí hai. 20 Phir usne unhen kahá, jo ádmí se nikaltá hai, wahí ádmí ko nápák kartá hai. 21 Kyúнки andar, yáne ádmí ke dil hí, se bure andeshe, zinákárián, harám kárián, qatl karná, 22 Chorián, lálach, badí, makr, mastí badnazarí, kufr, sheḳhí nádání, nikaltí hai. 23 Ye sab burí chízen andar se nikaltí hai aur ádmí ko nápák kartí hai.

24 Phir wahán se uṭh ke Súr aur Saidá kí sarhadd men gayá, aur ek men dáḳhil hoke cháhá, ki koí na jáne, lekin poshída na rah saká. 25 Kyúнки ek aurat jiskí beṭí par nápák rúh thí, uskí ḳhabar sunke áye, aur uske pánw par gire. 26 Yih aurat Yunaní aur qaum Surafainíkí thí, usne minnat kí, ki wuh us deo ko uskí beṭí par se utare. 27 Par Yisú ne use kahá, ki pahile farzandon ko ser hone de; kyúнки farzandon kí roṭí leke, kutton ke áge ḍálná láiq nahīn. 28 Usne jawáb men kahá, Hán, ai Ḳhudáwand, lekin kutte mez ke tale farzandon kí roṭí ke ṭukron men se kháte hai. 29 Tab usne use kahá, Us bát ke sabab se chalí já, wuh deo terí beṭí par se utar gayá. 30 Jab wuh ghar men pahunchí, dekhá ki deo dúr ho gayá, aur beṭí bichhaune par paṭí hai.

31 Aur wuh Súr aur Saidá kí sarhadd se nikal kar Galíl ke daryá ke pás Dekápali kí sarhadd men áyá. 32 Aur unhon ne ek bahre gunge ko uspás láke uskí minnat kí, ki apná háth uspar rákhe. 33 Wuh bhír men se use kináre legayá, aur apní unglián uske kánon

men dālīn, aur apnā thūk leke uskī zabān men lagāyā 34 Aur āsmān par nazar kar ke ek āh kī, aur use kahā, Effatah, yāne khuljā. 35 Wohīn uske kān khulgaye, aur uskī zabān kī girah khulgaī, aur wuh achchhā bolne lagā. 36 Aur usne unhen mánā kiyā, ki kisī se na kahen, lekin jitnā usne mánā kiyā thā, we itnā ziyāda mashhūr karte the. 27 Aur unhon ne nihāyat hairān hoke kahā, Usne sab jagah achchhā kiyā, bahron ko sunne kī, aur gungon ko bolne kī ṭāqat dī.

### VIII. BAB.

1 Un dinon men jab barī bhīr jama thī, aur un pās kuchh khāne ko na thā, Yisū ne apne shāgirdon ko bulāke kahā: 2 Mujhe un logon par rahm ātā hai, ki ab tīn din guzare ki yih mere sāth hai, aur unke pās kuchh khāne ko nahīn. 3 Agar main unhen bhūkhe ghar jāne ko rukhsat karūn, to we rāh men kamzor jāenge, kyūnki bāze un men se dūr se āe hai. 4 Uske shāgirdon ne use jawāb diyā, ki koi shaḡhs in logon ko is wairāne men roṭī se kyūnkar ser karsake? 5 Tab usne unse pūchhā, ki tumhāre pās kitnī roṭiān hai? We bole, sāt. 6 Phir usne bhīr ko hukm kiyā, ki zamīn baiṭh jāen, aur usne wahī sāt roṭiān līn, aur shukr kar ke ṭorīn, aur apne shāgirdon ko dīn, ki unke āge rakhen, aur unhon ne logon ke āge rakh dīn. 7 Aur un pās koī ek chhoṭī machhliān thīn, so usne barakat chāh ke hukm kiyā, ki unhen bhī āge dharen. 8 Chunānchi unhon ne khāyā aur ser hūe, aur un ṭukron job ach rahe the, sāt ṭokriān uṭhāin. 9 Aur khānewāle chār hazār ke qarīb the; phir usne unhen rukhsat kī. 10 Aur uswaqt wuh apne shāgirdon ke sāth kishtī par charḥ ke Dalmanutā ke mulk men āyā. 11 Tab Farīsī nikle, aur us se hujjat kar ke uske imtīhān ke liye koī āsmān nishān chāhā. 12 Usne apne dil se āh khīnch ke kahā, Is zamāne ke log kyūn nishān chāte hai? Main tum se sach kahtā hūn, ki is zamāne ke logon ko koī nishān diyā na jāegā. 13 Aur wuh unse judā hoke phir kishtī par charḥke pār gayā.

14 Aur we roṭī lene bhūl gae the, aur kistī par siwā ek roṭī ke un pās kuchh na thā. 15 Aur usne unhen yūn farmāyā, ḡhabardār, Faru-sion ke ḡhamīr aur Hīrodion ki ḡhamīr se parhez karo. 16 We āpas men guftgū kar ke kahane lage, Yih isliye hai, hamāre sāth roṭī nahīn.

17 Yisú ne yih daryáft kar ke unhen farmáyá, Tum kyún k̄hiyál karte ho, yih isliye hai, ki hamáre sáth roṭí nahín? kyá tum ab tak nahín jánte aur nahín samjhte? kyá tumhárá dil ab tak saḁht hai? 18 Ankhen hote húe, tum nahín dekhte? aur kán hote, nahín sunte? aur kyá tumhen yád nahín? 19 Jiswaqt main ne páñch roṭíán páñch hazár ke liye toṭín, tumne ṭukron se kitní tokṙíán bharí uṭháín? We bole, bárah. 20 Aur jiswaqt sát chár hazár ke liye toṭín, tumne ukron se kitní tokṙíán bharí uṭháín? We bole, sát. 21 Tab usne unhen kahá, phir tum kyún nahín samajhte?

22 Phir wuh Baitsaidá men áyá, aur we ek andhe ko uspás láe, aur uskí minnat kí, ki wuh use chhúwe. 23 Wuh us andhe ká háth pakarke bastí se báhar legayá, aur uskí ánkhen men thúk ke apne háth rakh kar us se púchhá, Tú kuchh dekhtá hai? 24 Usne nazar úpar uṭhá ke kahá, Main darakhton sá ádmíon ko chalte dekhtá hún. 25 Tab usne phir uskí ánkhen par háth rakhá, aur phir úpar dekhne ko farmáyá; aur wuh changá húá, ki sab ko achchhí tarah dekhá. 26 Aur usne use yih kah ke ghar bhejá, ki bastí men na já, aur bastí men kisé se mat kah.

27 Tab Yisú aur uske shágird Kaisariya Filipí kí bastien men gae, aur ráh men usne apne shágirdon se púchhá, ki log kyá kahtá hain, ki main kaun hún? 28 Unhon ne jawáb diyá, ki Yohan Báptismá denewálá, aur báze Iliyá, aur báze nabíon men se ek. 29 Phir usne unhen kahá, Tum kyá kahte ho, main kaun hún? Pathar ne jawáb diyá, Tú Masíh hai. 30 Tab usne unhen tákíd kí, ki Yih kisé se mat kaho.

31 Phir wuh unhen sikhláne lagá, ki zarúr hai, ki Ibn i ádam bahut se ranj uṭháwe, aur wuh masháikh aur Sardár Káhinon aur faqíhon se rad kiyá jáe, aur mára jáe, aur tén roz ke píchhe jí uṭhe. 32 Aur usne yih bát sáf kahí, tab Pathar use alag le jáke jhunjh láne lagá. 33 Par usne phir aur apne shágirdon par nigáh kar ke Pathar par jhunhláke kahá, Ai muḁhálif, mere sámhne se dúr ho; kyúñkí tú K̄hudá kí chízon kí nahín, balki ádmíon kí chízon kí fikr kartá hai.

34 Tab usne un logon ko apne shágirdon ke sáth buláke unse kahá, Jo koí mere píchhe áyá cháhe, cháhiye ki wuh apne se inkár kare, aur salíb ko uṭhá ke mere píchhe hole. 35 Isliye ki jo koí apní ján



ko bachāwe, use ganwāegā, par jo koī mere aur Injīl ke liye apnī jān ko ganwāegā, wahī use bachāwegā. 36 Kyūnki agar ādmī sārī dunyā ko hāsīl kare, aur apnī jān kā nuqsān uṭhāe, to use kyā fāida hogā? 37 Aur ādmī apnī jān ke badle men kyā degā? 38 Kyūnki jo koī us zamāne ke zanākār aur gunahgār logon men mujh se aur mere bāton se sharmāw egā, Ibn i ādam bhī jab apnī bāp kī hashmat se pāk firishton ke sāth āwegā, use sharmāegā. 39 Usne unhen kahā, Main tum se sach kahtā hūn, ki un men se jo yahān hāzir hain, bāze hain, ki jab ṭak Kḥudā kī bādshāhat qudrat se āte na dekhen, maut kā maza na chakhenge.

### IX. BĀB.

1 Aur chhah dīn bād Yisū ne Pathar aur Yaqūb aur Yohan ko sāth liyā, aur unhen ek ūnche pahār alag legayā. 2 Aur unke āge uskī sūrat badal gayā. 3 Aur uskī poshāk chamaktī aur bahut safed, baraf kī tarah hogaī, ki waisī dunyā men koī dhobī safed na karsake. 4 Tab Iliyā Mūsā ke sāth unhen dekhlāī diyā, aur we Yisū se bāten karte the. 5 Pathar ne mutawajjih ho kar Yisū se kahā, ki Ai ustād, hamāre liye bihtar hai, ki yahān rahen, aur tīn ḍere banāwen, ek tere ke, aur ek Musā ke, aur ek Iliyā ke liye. 6 Kyūnki wuh na jāntā thā, ki kyā kahtā, isliye ki we bahut ḍargae the. 7 Tab ek bādāl ne unpar sāya kiyā, aur us bādāl se āwāz āī, ki Yih merā piyārā beṭā hai, uskī suno. 8 Phir unhon ne ekāek nazar karke Yisū ke siwā kisīko apne sāth na dekhā.

9 Jab we pahār se utarte the, usne unhen hukm kiyā, ki jo kuchh tumne dekhā hai, jab tak ki Ibn i ādam mar ke jī na ṭhe, kisī se na kahnā. 10 Aur we us kalām ko āpas hī men rakh ke charchā karte the, ki murdon men se jī uṭhne ke kyā māne hain. 11 Phir unhon ne use pūchhā, ki Faqīh kyūn kahte hain, ki pahile Iliyā kā ānā zarūr hai? 12 Aur unhen jo ab main kahā, ki Iliyā to pahile ātā hai, aur sab kuchh durust kartā hai, aur jaisā Ibn i ādam ke haqq men likhā hai, wuh bahut sā ranj uṭhāwegā, aur haqīr kiyā jāegā. 13 Lekin main tumse kahtā hūn, ki Iliyā jaisā uske haqq men likhā gayā thā, āchukā hai, aur unhon ne jo kuchh ki chāhā uske sāth kiyā.

14 Aur wuh jab apne shāgirdon ke pās áyá, unkí chāron taraf barī bhī aur kátibon ko unse bahas karte dekhá. 15 Aur filfaur sārī jamāat use dekhkar hairán hūí, aur uspās daur ke use salám kiyá. 16 Tab usne Faqíhon se púchhá, Tum unse kyá bahas karte ho? 17 Ek us jamāat men se bol uṭhá, Ai ustád, main apne bete ko tere pās láyá hún, use gúnge deo ká sáya hai. 18 Wuh jahán kahín use pátá hai, paṭak detá hai, aur wuh kaf bhar látá hai, aur dánt pístá hai, aur súkh játá hai; main ne tere shāgirdon se kahá thá, ki we use dūr kar den; par we na karsake. 19 Usne uske jawáb men kahá, Ai beímán qaum, main kab tak tumháre sáth rahún? main kab tak tumhári bardásht karún? use mere pās láo. 20 We use uspās lée, aur use dekhkar filfaur deo ne use aīṭháyá, aur wuh zamín par girá, aur kaf láke loṭne lagá. 21 Tab usne uske báp se púchhá, ki yih kitní muddat se ispar wáqí hotá hai? Wuh bolá, bachpan se. 22 Aur bahutbár use ág men aur pání men ḍáltá thá, táki use ján se máre; par agar tú kuchh karsaktá hai, to ham par rahm kar ke hamári madad kar. 23 Yisú ne use kahá, agar tú ímán lásake, to ímándár ke liye sab kuchh ho saktá hai. 24 Tab filfaur us larke ká báp chilláyá, aur roke kahá, Ai Kḥudáwand, main ímán látá hún, tú mere beímání ká chára kar. 25 Jab Yisú ne dekhá, ki log daur ke jama hote hai, to us nápák rúh ko malámat kar ke kahá, Ai gúngí bahrí rúh, main tujhe hukm kartá hún, is se báhar nikal, aur is men phir kabhí mat dáḳhil ho. 26 Wuh chillákar aur use bahut aīṭh kar us se nikal gáí, aur wuh murda sá ho gayá, aisá ki bahuton ne kahá, wuh mar gayá. 27 Tab Yisú ne uská háth pakaṛ ke use uṭháyá, aur wuh uṭh kar khará húa. 28 Aur jab wuh ghar men áyá, uske shāgirdon ne ḳhiltwat men use púchhá, ki ham use kyún dūr na kar sake? 29 Usne unhen kahá, ki yih jíns siwáe duá aur roze ke kisí tarah se dūr ho nahín saktí.

30 Phir we wahán se rawána hue, aur Galíl men ho ke nikal gae, aur usne cháhá, ki koí najáne. 31 Isliye ki usne apne shāgirdon ko batáyá, aur unhen kahá, ki Ibn i ádam logon ke háth men giriftár karwáyá játá hai, we use qatl karenge; aur wuh mára jáke tísre din phir jí uṭhegá. 32 Lekin unhon ne yih bát na samjhí aur use púchhne men ḍare.

33 Phir wuh Kaparnáhum áyá, aur ghar men pahunch ke unse púchhá, Tum raste men ápas men kyá guftgú karte the? 34 Par we chup rahe, isliye ki we ráh men ápas men guftgú karte the, ki sab se bará kaun hai. 35 Phir usne baiṭh ke un bárah ko buláyá, aur unhen kahá, Agar koí cháhe, ki sabse bará ho, wuh sabse chhoṭá, aur sab ká kḥádim hogá. 36 Aur ek chhoṭe laṛke ko leke unke bích men khará kiyá, aur use godí men leke unse kahá: 37 Jo koí mere nám ke liye aise laṛkon men se ek ko máne, mujhe mántá hai; aur jo koí mujhe mántá hai, na mujhe, balki use jisne mujhe bhejá hai mántá hai.

38 Tab Yohan use kahne lagá, Ai ustád, ham ne ek ko tere nám se dewon ko nikálte dekhá, aur wuh hamará pairau nahín, aur hamne use mana kiyá; kyúнки wuh hamarí pairawí nahín kartá. 39 Tab Yisú ne kahá, use mana na karo, kyúнки aisá koí nahín jo merá nám leke muajiza dikhá ke mujhe filfaur burá kah sake. 40 Wuh jo hamará mukḥálif nahín, hamarí taraf hai. 41 Isliye ki jo koí mere nám par ek piyála pání tumhen, iswáste ki tum Masíh ke ho, píne ko de, main tumse sach kahtá hún, ki wuh apná awaz kabhí na khowegá. 42 Aur joí un chhoṭon men se jo mujh ímán láte hain, ek ko ṭhokar khiláwe, uske liye yih bihtar thá, ki chakkí ká pát uske gale men bándhá jáwe, aur wuh daryá men ḍubáyá jáwe. 43 Aur agar terá háth tujhe ṭhokar khiláwe, to use kát dál; ki zindagí men ṭundá dáḳhil honá tere liye usse bihtar hai, ki do háth rakh ke jahannam ke bích us ág men, jo kabhí nahín bujhtí hai, ḍálájáe, 44 Jahán unká kírá nahín martá, aur ág nahín bujhtí. 45 Aur agar terá pánw tujhe ṭhokar khiláwe, use kát dál; kyúнки zindagí men langrá dáḳhil honá tere liye usse bihtar hai, ki do pánw rakh ke jahannam ke bích us ág men, jo kabhí nahín bujhtí, ḍálájáwe; 46 Jahán unká kírá nahín martá, aur ág nahín bujhtí. 47 Aur agar terí ánkḥ tujhe ṭhokar khiláwe, use nikál dál; ki Kḥudá kí bádsháhat men káná dáḳhil honá tere liye usse bihtar hai, ki do ánkhen rakh ke jahannam kí ág men ḍálá jáwe, 48 Jahán unká kírá nahín martá, aur ág nahín bujhtí. 49 Kyúнки harek shaḳhs ág se namkín kiyá jáegá, aur har qurbání namak se namkín kí jáwegá. 50 Namak achchhí chíz hai; lekin agar namak bigarjáwe, to tum

kisse use mazedār karoge? Pas āp men namak rakho, aur āpas men milāp karo.

### X. BĀB.

1 Phir wuh wahān se uṭh kar Yardan ke pār Yihūdiya kī sarhadd men āyā, aur log uspās phir jama hūe, aur wuh apne dastūr ke mu-wāfiq phir unhen tālīm karne lagā. 2 Aur Farusīon ne uspās āke imtihān kī rāh se usse pūchhā, Kyā rawā hai, ki mard jorū ko ṭalāq de? 3 Usne unhen jawāb men kahā, ki Mūsā ne tumhen kyā hukm diyā? 4 We bole, Mūsā ne to ijāzat dī hai, ki ṭalāq nāma likh ke ṭalāq den. 5 Tab Yisū ne jawāb diyā aur unhen kahā, Usne tumhārī saḡht dilī ke sabad se tumhāre liye yih hukm likhā. 6 Lekin ḡhilqat kī ibtidā se to Ḳhudā ne unhen nar aur māda banāyā. 7 Is sabab se ādmī apne mā bāp ko chhoregā, aur apnī jorū se milā rahegā; 8 Aur we donon ek tan honge; so we ab do tan nahīn, balki ek tan hain. 9 Pas jise Ḳhudā ne jorā kiyā hai, ādmī judā na kare. 10 Aur ghar men phirā, uske shāgirdon ne use is bāt kī bābat pūchhā. 11 Usne unhen kahā, jo koī apnī jorū ko chhore aur dūsre se byāh kare, to uskī nisbat zinā kartā hai. 12 Aur agar jorū apne shauhar ko chhor de, aur dūsre se byāh kare, to wuh bhī zinā kartī hai.

13 Phir we laṛkon ko uspās lāe, tāki wuh unhen chhūe; par shāgirdon ne un lānewālon ko dāntā. 14 Yisū yih dekh ke nāḡhūsh hūā, aur unhen kahā, Laṛkon ko mere pās āne do, aur unhen mana na karo; kyūnki Ḳhudā kī bādshāhat aison kī hai. 15 Main tumse sach kahtā hūn, jo koī Ḳhudā kī bādshāhat kā chhote laṛke kī tarah qabūl na kare, wuh usmen dāḡhil na hogā. 16 Phir usne unhen apnī god men leke unpar hāth rakhke unhen barakat dī.

17 Aur jab wuh rāh men chalā jātā thā, ek shaḡhs dauṛtā uspās āyā, aur uske āge ghuṭne ṭekke usse pūchhā, Ai achchhe ustād, main kyā karūn, tāki hamesha kī zindagī wāris hūn? 18 Yisū ne use kahā, tū mujhe achchhā kyūn kahtā hai? ki achchhā koī nahīn, magar ek, yāne Ḳhudā. 19 Tū hukmon ko jāntā hai: Zinā na kar, ḡhūn na kar, chorī na kar, jhūṭhī gawāhī na de, fareb na de, apne mā bāp kī izzat kar. 20 Usne jawāb men kahā, Ai ustād, main ne bachpan se

un sab ko máná hai. 21 Tab Yisú ne uspar piyār kī nigāh kar ke use kahá, Ek chíz tujh men bāqí hai, já, aur jo kuchh terá ho, bech dāl, aur garíbon ko de; to tú ásmán par k̄hazána páwegá, aur idhar á, aur salíb uṭhá ke mere píchhe hole. 22 Wuh us bāt se udás hoke gamgín chalá gayá, kyúнки bará máldár thá. 23 Tab Yisú ne cháron taraf nazar karke apne shágirdon se kahá, K̄hudá kī bádsháhat men daulatmand ká dákhil honá kyá hí mushkil hai! Shágird uskí báton se hairán húe. 24 Tab Yisú ne phir jawáb men unhen kahá, Ai laṛko, jo daulat par bharosá rakhte hain, unko K̄hudá kī bádsháhat men dákhil honá kyá hí mushkil hai? 25 Ki súí ke náke se úṅṅ ká jáná, K̄hudá kī bádsháhat men daulatmand ke dákhil honá se ásán hai. 26 We bahuthí hairán hoke ápas men kahne lage, Phir kaun naját pásaktá hai? 27 Yisú unkí taraf nigāh karke kahá, kī ádmí ke nazdík anhoná hai, par K̄hudá ke nazdík nahín; kyúнки K̄hudá ke nazdík sab kuchh hosaktá hai.

28 Tab Pathar use kahne lagá, Dekh, ham ne sab chhoṛá, aur tere píchhe holiye. 29 Yisú ne jawáb men kahá, Main tum se sach kahtá hún, aisá koí nahín, jisne ghar, yá bháíon, yá bahinon, yá má báp, yá jorú, yá laṛke bálon, yá kheton ko mere aur Injíl ke liye chhoṛ diyá hai; 30 Magar wuh sau guná, ab is zamáne men ghar, aur bháí, aur bahin, aur má, aur laṛke, aur khet dukh ke sáth aur ákhirat men hamemsha kī zindagí páwegá. 31 Aur lekin bahutere jo agle hain, píchhle, aur jo píchhle áge honge.

32 Aur jab we ráh men hoke Yirúshálam ko játe the, Yisú unse ágé barhá, tab we hairán húe, aur darte darte uske píchhe lage gae; aur phir bárahon ko leke jo kuchh uspar honewálá thá, unse kahne lagá: 33 Ki dekho, ham Yirúshálam ko játe hain, aur Ibn i ádam Sardár Káhin, aur Faqíhon ke hawále kiyá jáegá, aur we uske qatl ká hukm denge, aur use gair qaumon ke sapurd karenge. 34 Aur we us se hansí karke koṛe márenge, aur uspar thukke qatl karenge; aur wuh tísre din jí uṭhegá.

35 Tab Zabdí ke beṭe Yaqúb aur Yohan ne uspás áke kahá, Ai us-tád, ham cháhte hain, ki jo kuchh ham mángen, tú hamáre liye kare. 36 Usne unse kahá, Tum kyá cháhte ho, ki main tumháre liye karúñ? 37 Unhon ne use kahá, ham ko baṛsh, kī tere jalál men ham ek

tere dahine háth, aur dúsrá tere báin háth baiṭhen. 38 Tab Yisú ne unhen kahá, Tum nahín jánte, kyá mangte ho ; kyá wuh piyála jo main píne par hún, tum písakte ho ; aur wuh bápísmá jo main páne par hún, tum pásakte ho ? 39 Unhon ne use kahá, ki Ham sakte haiñ. Yisú ne unhen kahá, tum to wuh piyála jo main pítá hún, píoge, aur we bápísmá jo main páne par hún, páoge. 40 Lekin mere dahine aur báyen háth baiṭhná mere dene men nahín, magar unko jinke liye yih tayár kiyá gayá hai. 41 Jab un dason ne suná, to we Yaqúb aur Yohan par kḥafá hone lage. 42 Tab Yisú ne unhen apne pás bulákar kahá, Tum jánte ho, ki we jo gair qaumon ke Sardár kahláte haiñ, unpar kḥáwindí karte haiñ, aur unke buzurg unpar hukúmat karte haiñ. 43 Par tum men aisá na hogá, balki jo tum men bará húá cháhe, tumhárá kḥádim hogá. 44 Aur tum men se jo koí sardár húá cháhe, wuh sab ká banda hogá. 45 Kyúнки Ibn i ádam bhí nahín áyá, ki uskí kḥidmat kijáwe, balki ap kḥidmat kare, aur apní ján bahuton ke badle men dewe.

46 Phir we Yiriho men áe, aur jab wuh aur uske shágird aur ek barí bhír Yiriho se nikalte the, Timí ká beṭá andhá Bartimí ráh ke kináre baiṭhá bhíkh mángtá thá. 47 Aur yih sunkar, ki wuh Yisú Násarí hai, chilláne aur kahne lagá, Ai Daúd ke beṭe Yisú, mujh par rahm kar. 48 Aur harchand bahuton ne use dántá, ki chup rahe, par wuh aur bhí ziyáda chhilláyá, ki Ai Daúd ke beṭe, mujh par rahm kar. 49 Tab Yisú ne khare rahke hukm kiyá, ki use buláo. Unhon ne us andhe ko yih kahke buláyá, ki kḥátir jama rakh, uṭh, wuh tujhe bulátá hai. 50 Wuh apná kaṙrá phenk ke uṭhá, aur Yisú pás áyá. 51 Yisú ne use púchhá, tú kyá cháhtá hai, ki main tere liye karún ? Us andhe ne use kahá, Ai rabbí, yih, ki main apní ánkhen páon. 52 Yisú ne use kahá, já, tere ímán ne tujhe bacháyá. Wohín usne ánkhen páín, aur ráh men Yisú ke píchhe chalá.

## XI. BAB.

1 Jab we Yirúshálam ke nazdík Zaitún ke pahár ke pás Baitfagá aur Baitaniyá men áe, usne apne shágirdon men se do ko bhejá, aur unse kahá: 2 Ki is bastí men jo tumháre sámhne hai, jáo, aur jab

tum usmen dákhil hoge, ek gadhí ke bandhe húe bachhere ko páoge, jis par koí sawár nahín húa, use kholke leáo. 3 Aur agar shakhs tumhen kahe, ki tum yih kyún karte ho, tum kahío, K̄hudáwand ko uskí darkár hai, to wuh filfaur use yahán bhej degá. 4 We gae, aur us bachhere ko darwáze ke nazdík báhar, jahán do ráhá thá, páyá, aur use kholá. 5 Bázon ne un men se jo wahán khare the, unhen kahá, yih kyá karte ho, ki bachche ko kholte ho? 6 Unhon ne jaisá Yisú ne farmáyá thá kahá, tab unhon ne unko jáne diyá. 7 We us bachhere ko Yisú pás ále, aur apne kapre uspar dál diye, aur wuh uspar sawár húa. 8 Aur bahuton ne apní poshák ko ráhmen bichháyá, aur auron ne darakhton kí dálián kat ke ráh men bichháín. 9 Aur we jo áge pichhe játe the, pukár ke kahte the, ki Hoshiánná mubáarak, wuh jo K̄hudáwand ke nám par átá hai, mubáarak! 10 Hamáre báp Daúd kí bádsháhat jo K̄hudáwand ke nám se átí hai, álam i bálá men Hoshiánná! 11 Yisú Yirúshálam ke bích haikal men dákhil húa, aur cháron taraf sab par nazar karke un bárahon ke sáth Baitaniyá ko gayá; kyúnki shám ká waqt thá.

12 Subh ko jab we Baitaniyá se báhar áe, usko bhúkh lagí. 13 Aur dúr se anjír ká ek darakht patton se ladá húa dekh ke áyá, ki sháyad usmen kuchh páwe; jab wuh us pás áyá, to patton ke siwá kuchh na páyá; kyúnki anjír ká mausim na thá. 14 Tab Yisú ne kahá, koí terá phal kabhí na kháwe; aur uske shágirdon ne yih suná.

15 We Yirúshálam men áe, aur Yisú haikal men dákhil hoke unhen jo haikal men bechte aur mollete the, báhar nikalne lagá, aur sarráfon ke takhte, aur kabútar bechnewálon kí chaukián, ulaṭ dín. 16 Aur kisí ko na chhorá, ki haikal men ho ke bartan lejáwe. 17 Aur unhen yih kah ke samjháyá, kyá yih nahín likhá hai, ki merá ghar sab ke liye ibádat k̄hána kahláegá? lekin tumne use choron ká ghár banáyá hai. 18 Faqíhon aur Sardár Káhinon ne yih suná, aur fikr men the, ki use kisí tarah ján se máren; kyúnki usse darte the, isliye kí sab log uskí tálím se dang hogae the. 19 Aur jab shám húi, wuh shahr se báhar gayá.

20 Aur subh ko jab we udhar se guzare, to dekhá, ki wuh anjír ká darakht jar se súkh gayá. 21 Tab Pathar ne yád karke use kahá, Ai rabbí, dekh, anjír ká yih darakht, jaise túne badduá kí thí, súkh

gayá hai. 22 Yisú ne jawáb men unhen kahá, Kḥudá par iatiqád rakho. 23 Ki main tum se sach kahtá hún, jo koí us pahár ko kahe, úṭh aur daryá men girpar, aur apne dil men shakk na láwe, balki yaqín láwe, ki ye báten jo wuh kahtá hai, ho jáengí, to jo kuchh wuh kahegá, hogá. 24 Isliye main tum se kahtá hún, ki duá men jo kuchh tum mángte ho, yaqín láo, ki milegá, to tum páoge. 25 Aur jab ki tum duá ke liye khare hote ho, agar koí tumhárá muḥálif ho, to use muáf karo, táki tumhára Báp bhí, jo ásmán par hai, tumháre qasúron ko muáf kare. 26 Aur agar tum muáf na karoge, to tumhárá Báp, jo ásmán par hai, tumháre qasúr bhí muáf na karegá.

27 We phir Yirúshálam men áe, jab wuh haikal men phirtá thá, Sardár Káhin aur Faqíh, aur buzurg uske pás áe, 28 Aur use kahá, ki tú kis iḥtiyár se ye kám kartá hai, aur tujhe unkámon ká kisne iḥtiyár diyá? 29 Tab Yisú ne unhen jawáb men kahá, ki main bhí tumse ek sawál kartá hún, tum jawáb do, to main tumhen batáúngá, ki main kis iḥtiyár se ye kám kartá hún. 30 Yohan ká bápísmá ásmán se thá, yá ádmí se? mujhe jawáb do. 31 Tab we ápas men sochne lage, ki agar ham kahen, ásmán se, to wuh kahegá, phir tum uspar ímán kyúñ nahín láe. 32 Aur agar ham kahen, ádmí se, to logon se ḍarte, isliye ki sab Yohan ko nabí barhaqq jánte the. 33 Tab unhon ne Yisú se jawáb men kahá, ham nahín jánte; Yisú ne jawáb men unhen kahá, main bhí tumse nahín kahtá, ki main kiske iḥ- tiyár se ye kám kartá hún.

## XII. BAB.

1 Phir wuh unhen tamsílon men kahne lagá, ki ek shaḥhs ne angúr ká bág lagáyá, aur uskí cháron taraf gherá, aur khod ke kolhú gárá, aur ek burj banáyá, aur use bágbanon ke sapurd karke pardes gayá. 2 Phir usne mausim men ek naukar ko bágbanon pás bhejá, táki wuh bágbanon se angúr ká phal le. 3 Unhon ne use pakaḥ ke mára, aur ḥhálí háth bhejá. 4 Usne do bára ek aur naukar ko unpás bhejá; unhon ne use patharáo karke uská sir phoḥá, aur behurmat karke phir bhejá. 5 Phir usne ek aur ko bhejá, unhon ne use qatl kiyá, aur un men se bahuteron ko, aur bázon ko mára, aur bázon ko



márdálá. 6 Ab uská ekhí beṭá thá, jo uská piyará thá, ákhir ko usne bhí unpás yih kahke bhejá, ki we mere beṭe se dabenge. 7 Lekin un bágbanon ne dilon men kahá, Yih wáris hai, áo, use márdálen, to mírás hamári hogí. 8 Aur unhon ne use pakrá, aur qatl karke angúr ke bág ke báhar phenk diyá. 9 Pas bág ká málik kyá karegá? wuh áwegá, aur un bágbanon ko halák karke angúr ká bág auron ko degá. 10 Kyá tumne yih lekhá nahín parhá, ki wuh pathar jise mímáron ne na pasand kiyá, wahí kone ká sirá húa. 11 Yih Kḥudáwand kí taraf se húa, aur hamári nazon men ajíb hai. 12 Tab unhon ne cháhá, ki use pakarlen; par logon se ḍarte the, kyúнки we samjh gae the, ki usne yih tamsíl unpar kahí; aur we use chhor ke chale gae.

13 Phir unhon ne bázé Farusíon aur Hirodíon ko uspás bhejá, ki use uskí báton se phande men ḍálen. 14 Jab we áe, to usse kahá, Ai ustád, ham jánte hain, ki tú sachá hai, aur tujh ko kisí kí parwá nahín, kyúнки tú logon kí tarafdári nahín kartá balki Kḥudá kí ráh rástí se batátá hai; Qaisar ko mahsúl dená rawá hai, yá nahín? 15 Ham dewen, yá na dewen? Usne unká makr samjhke unhen kahá, Tum mujhe kyún ázmáte ho? ek dínár mujh pás láo, ki main dekhún. 16 We láe; tab usne unhen púchhá, ki yih kiskí súrát, aur kiská siká hai? Unhon ne kahá, Qaisar ká. 17 Yisú ne jawáb men unhen kahá, jo chízen Qaisar kí hain, Qaisar ko, aur jo chízen Kḥudá kí hain, Kḥudá ko do. Tab we usse hairán hue.

18 Phir Zádúqí jo qiyámat ká inkár karte hain, uspás áe, aur usse sawál kiyá: 19 Ai ustád, hamáre liye Músá ne likhá hai, ki agar kisí ká bhái mar jáe, aur uskí jorú rahí, aur farzand na ho, to uská bhái unkí jorú ko lewe; táki apne bhái ke liye aulád paidá kare. 20 Ab sát bhái the, pahile ne jorú kí, aur beaulád mar gayá. 21 Tab dúsre ne use liyá, aur margayá, uská bhí koí farzand na rahá. 22 Aur usítarah se tísre ne, yohín sáton ne use liyá, aur beaulád margae; sab ke píchhe wuh aurat bhí margái. 23 Qiyámat men jab we uṭhenge, wuh unmen se kiskí jorú hogí? kyúнки wuh sáton kí jorú húi thí. 24 Yisú ne jawáb men unhen kahá, ki kyá tum is sabab se bhúl men nahín paṛe ho, ki tum na kitábon ko, na Kḥudá kí qudrat ko jánte ho? 25 Kyúнки, jab murde uṭhenge, to we na byáh karenge, na byáhe jáenge, balki firishton kí mánind, jo ásmán par hain, hongé. 26 Aur

murdoṅ ke uthne kí bábat kyá tum ne Músá kí kitáb meṅ nahín paṛhá, ki Ḳhudá ne jhárí meṅ se use kyúnkar kahá, ki Main Abirahám ká Ḳhudá, aur Isháq ká Ḳhudá, aur Yaqúb ká Ḳhudá hún? 27 Wuh murdoṅ ká Ḳhudá nahín, balki zindoṅ ká Ḳhudá hai; pas tum baṛí galtí karte ho.

28 Tab Faqíhoṅ meṅ se ek ne unká sawál o jawáb sunke samjhá, ki usne unheṅ ḳhúb jawáb diyá, pás ákar usse púchhá, ki sab hukmoṅ meṅ auwal kaun hai? 29 Yisú ne use jawáb meṅ kahá, ki sab hukmoṅ meṅ auwal yih hai, ki Ai Isráel sun; wuh ḲHUDA'WAND, jo hamará Ḳhudá hai, ek hí ḲHUDA'WAND hai; 30 Aur tú ḲHUDA'WAND ko, jo terá Ḳhudá hai, apne sáre dil se, aur apní sárí ján se, aur apní sárí aql se, aur apne sáre zor se piyár kar, auwal hukm yehí hai. 31 Aur दूस-  
 rá jo uskí mánind hai, yih hai, ki Tú apne parosí ko apne barábar piyár kar. In se baṛá aur koí hukm nahín hai. 32 Tab us Faqíh ne use kahá, Kyá ḳhúb hai ustád, túne sach kahá, kyúnki Ḳhudá ek hai; us ke siwá aur koí nahín; 33 Aur usko sáre dil se, aur sárí aql se, aur sárí ján se, aur sáre zor se piyár karná, aur apne parosí ko apne barábar mahabbat karná, tamám soḳhtaní qurbání aur qurbáníoṅ se bihtar hai. 34 Jab Yisú ne dekhá, ki usne dánái se jawáb diyá, to use kahá, Tú Ḳhudá kí bádsháhat se dúr nahín. Aur bád uske kisí ne jurát na kí, ki usse sawál kare.

35 Phir Yisú haikal meṅ wáz karte húe kahne lagá, ki Faqíh kyúnkar kahte haiṅ, ki Masíh Daúd ká beṭá hai? 36 Kyúnki Daúd áphí Rúh i Quds ke bátáne se kahtá hai, ki Ḳhudáwand ne mere Ḳhudáwand ko kahá, tú mere dahine háth baith, jab tak main tere dushmanoṅ ko tere pánw rakhne kí chaukí karúṅ. 37 Daúd to use Ḳhudáwand kahtá hai, phir wuh uská beṭá kyúnkar hai? Aur áwám ḳhúshí se uskí sunte the.

38 Usne apní tálím meṅ unheṅ kahá, Faqíhoṅ se hoshyár raho, jo lambe jáme pahin ke phirne, aur bázároṅ meṅ salámoṅ ko. 39 Aur ibádat ḳhánóṅ meṅ sadar kursí ko, aur ziyáfatóṅ meṅ únchí jagahoṅ ko, cháhte haiṅ. 40 We bewoṅ ke gharoṅ ko nigalte haiṅ, aur makr se namáz ko túl dete haiṅ: unheṅ ziyáda sazá hogí.

41 Phir Yisú bait ul mál ke sámhne baiṭh kar dekh rahá thá, ki log bait ul mál meṅ paise kistarah ḍálte haiṅ, aur bahut daulatmandoṅ

ne bahut kuchh dālā. 42 Aur garīb bewa ne áke do chhadám, yáne adhelá usmen dālā. 43 Tab usne apne shágirdon ko buláke unhen kahá, Main tum se sach kahtá hún, ki kangál bewane unsab se, jinhon ne bait ul mál men dālā, ziyáda diyá hai. 44 Kyúнки sabhon ne apne bahut mál se kuchh diyá, par usne apní garíbí se jo kuchh kí uská thá, apní sárí púnjí dí.

### XIII. BĀB.

1 Jab wuh haikal se báhar játá thá, ek ne uske shágirdon men se use kahá, Ai ustád dekh, yih kistarah ká pathar, aur kaisí imárateñ haiñ! 2 Yisú ne jawáb men use kahá, ki Tú un baṛí imárateñ ko dekhtá hai, yahán pathar par pathar nachhuṭegá, jo giráyá na jáegá. 3 Jab wuh Zaitún ke pahār par haikal ke sámhne baiṭhá thá, Pathar, aur Yaqúb aur Yohan, aur Andriyá ne nirále men usse púchhá : 4 Ham se kah, ki yih kab hogá, aur uswaqt ká jab púrá howegá, kyá nishán hai. 5 Yisú ne jawáb men unhen kahná shurú kiyá, hoshyár raho, ki tumhen koí fareb na de. 6 Ki bahutere mere nám se áke kahenge, wuh main hún, aur bahuton ko gumráh karenge. 7 Aur jab laráíon kí báten, aur laráíon kí khabaren suno, mat ghabráo, kyúнки un chízon ká wáqí honá zarúr hai, lekin ákhir abhí nahín. 8 Kyúнки qaum qaum par, aur bádsháhat bádsháhat par charhegí, aur kitní jagahon men bhunchál áwenge, aur kál parenge, aur fasád hongé, yih musíbat ká shurú hai. 9 Par ab tum hoshyár raho, kyúнки tumhen majlison aur ibádat kḥánon men hawále karenge, aur tum par márpāregí, aur tum hákimon aur bádsháhon ke áge mere wáste házir kiye jáoge, táki unpar gawáhí ho. 10 Lekin zarúr hai, ki pahile sab gair qaumon ke áge Injíl kí munádí kí jáwe. 11 Par jab tumhen le-jáke hawále karen, áge se fikr na karo, ki ham kyá kahenge, aur na socho, balki jo kuchh us ghaṛí tumhen batáyá jáwe, wahí kaho ; kyúнки kahnewále tum nahín ho, balki Rúh i Quds hai. 12 Bhái bhái ko, aur báp beṭe ko qatl ke wáste pakráwe ; aur larke má báp ká sámhná karke unhen marwádá lenge. 13 Aur mere nám ke sabab se sab tumháre dushman hongé, par jo koí ákhir tak sabr karegá, wahí naját páwegá.

14 Jis waqt tum kharāb karnewālī makroh chīz ko jiskā bayān Dāniel nabī ne kiyā jahān uskā kharā honā rawā nahīn, dekho, jo parhtā hai, samjhe, tab we jo Yihudiyā men honge, pahāron par bhāge. 15 Aur wuh jo kothe par ho, ghar men na utre, aur apne ghar se koī chīz nikālne ke liye najāe. 16 Aur jo khet men hai, apnī poshāk uṭhāne ke liye pīchhe na phire. 17 Aur unpar jo un dinon men hāmīlah hon, aur unpar jo dūdh pīlātīān hon, āfsos hai! 18 Aur duā māngo, ki tumhārā bhāgnā jāre men na ho. 19 Kyūnki undinon men aisī taklīf hogī, ki kḥilqat kī ibtidā se, jo Kḥudā ne paidā kī, abtak na hūī, aur na hogī. 20 Aur agar Kḥudāwand un dinon ko na ghaṭātā, to ek ādmī na bachtā, par un barguzīdon ke wāste, jinko usne chunā hai, undinon ko ghaṭāwegā.

21 Is waqt agar koī tumhen kahe, dekho, Masīh yahān, yā dekho wahān hai, yaqīn nalāio. 22 Kyūnki jhuṭhe Masīh, aur jhuṭhe nabī zāhir honge; aur nishān aur karāmaten dikhlāenge, ki agar hosaktā, to barguzīdon ko bhī gumrah karte. 23 Par tum khabardār raho, dekho, main ne tumhen sab kuchh pahilehī kah diyā hai.

24 Aur un dinon men us taklīf ke bād sūraj andherā hogā, aur chānd apnī roshnī na degā. 25 Aur āsmān se sitāre girenge, aur āsmān kī quwaten hil jāengī. 26 Aur us waqt log Ibn i ādam ko bādāl par barī qudrāt aur jalāl se āte dekhenge. 27 Aur us waqt wuh apne firishton ko bhejega, aur apne barguzīdon ko zamīn kī hadd se āsmān kī hadd tak, chāron taraf se ekathe karegā.

28 Ab anjīr ke daraḥt se tamsīl sīkho, jab uskī narm ḍālī hotī aur patte nikalte hain, tum jānte ho, ki garmī nazdīk hai. 29 Usītarah, jab tum bhī dekho, ki ye ahwāl hone lage, to jāno, ki wuh nazdīk, balki darwāze par hai. 30 Main tum se sach kahtā hūn, ki us zamāne ke log jabtak yih sab kuchh wāqī nahowe, guzar na jāenge. 31 Āsmān aur zamīn ṭal jāenge, par merī bāten na ṭalengī.

32 Magar us din, aur us gharī kī bābat, siwā Bāp ke, na to firishte jo āsmān par hain, aur na beṭā, koī nahīn jāntā hai. 33 Tum hoshyārī karo, jāgte raho, aur duā māngo, kyūnki tum nahīn jānte, ki waqt kab hai. 34 Yih aisā hai, jaise ek shaḥs ne apnā ghar chhoṛ ke pades gayā, aur apne naukaron ko ikhtiyār de kar harek ko uskā kām diyā, aur darbān ko hukm diyā, ki jāgte rahio. 35 Isliye jāgte raho,

kyúinki tum nahín jánte, ki ghar ká málik kab áegá, shám ko, yá ádhí ráat ko, yá múrg ke bāngdete waqt, yá subh ko. 36 Tá aisá naho, ki achának áke wuh tum ko sote páwe. 37 Aur jo kuchh main tum-se kahtá hún, sab se kahtá hún, jágte raho.

#### XIV. BAB.

1 Do din ke bád Párjáná aur Fatírí roṭí kí íd thí, aur Sardár Káhin aur Faqíh tadbír ka rrahe the, ki use kistarah makr se pakar ke ján se máren. 2 Phir unhon ne kahá, ki íd ke din nahín, aisá naho, ki logon men fasád howe.

3 Aur jab wuh Baitaniyá men korhí Simon ke ghar kháne baiṭhá, ek aurat besh qímat achchhá atr marmar kí shíshí men wahán láí, aur us shíshí ko toṛ ke uske sir par ḍál diyá. 4 Tab báze báze apne dil men ázurda hoke kahne lage, atr kí yih kharábí kisliye húi? 5 Kyúnki yih atr tñ sau dínár ko bik saktá, aur garíbon ko diyá játá, aur we use malámat karne lage. 6 Tab Yisú ne kahá, use chhor do, kyún use satáte ho, usne mere sáth achchhá sulúk kiyá hai. 7 Iswáste ki garíb log hamesha tumháre sáth hain, aur jab tum cháho unse nekí karsakte ho; par main hamesha tumháre sáth na hongá. 8 Wuh jo kuchh karsakí karchukí, usne áge se mere badan ko dafan ke liye muatar kiyá. 9 Main tum se sach kahtá hún, ki tamám dunyá men jahán kahín yih Injíl munádí kí jáegí, yih bhí jo usne kiyá hai, iskí yádgárí ke liye bayán kiyá jáegá. 10 Tab Yihúdá Iskariyatí jo ek an bárah men se thá, Sardár Káhinon pás gayá, táki use unke háth. pakarwá dewe. 11 We yih sunke kḥúsh húe, aur usko rúpaye dene ká iqrár kiyá, tab wuh fikr men lagá, ki kistarah qábú páke use pakarwáde.

12 Aur íd i fatír ke pahile din jab we fasah ke liye qurbání karte the, uske shágirdon ne use kahá, Tú kahán cháhtá hai, ki ham jáke fasah ká kháná tere liye tayár karen? 13 Usne apne shágirdon men e do ko bhejá, aur unhen kahá, Shahr men jáo, wahán ek shaḥs pání ká ghará. uṭháo húe tumhen milegá, uske píchhe holo. 14 Jab wuh kisí ghar men dáḥhil howe, tum us ghar ke málik se kaho, Us-tád kahtá hai, wuh jagah jahán main apne shágirdon ke sáth fasah.

kháun, kahán hai? 15 Wuh ek bará bálákhána farsh bichhá aur árásta tumhen dekháwegá, wahán hamáre liye tayári karo. 16 Tab uske shágird chale gae, aur shahr men áke jaisá usne unhen kahá thá, waisáhi páyá, aur fasah tayár kiyá.

17 Jab shám húi, wuh un bárahon ke sáth áyá. 18 Jab we baith ke kháne lage, Yisú ne kahá, Main tumse sach kahtá hún, ki ek tum men se jo mere sáth khátá hai, mujhe pakarwáegá. 19 Tab we gamgín hone lage, aur unmen se ek ek use kahne lage, Kyá main hún? 20 Usne jawáb men kahá, Bárahon men se ek jo mere sáth báson men háth dáltá hai, wahí hai. 21 Ibn i ádam to jaisá uske haqq men likhá hai, játá hai, lekin áfsos, us shaḡhs par, jiskí háth se Ibn i ádam pakarwáyá játá hai; uske liye bihtar thá, ki wuh paidá na hotá.

22 Jab we kháte the, Yisú ne rotí uṭháí, aur shukr karke torí, aur unhen de kar kahá, Lo, kháo, yih merá badan hai. 23 Phir usne piyála lekar shukr karke unhen diyá, aur un sabhon ne use piyá. 24 Aur usne kahá, ki Yih merá nae ahd ká lahú hai, jo bahuton ke liye baháyá játá hai. 25 Main tumse sach kahtá hún, ki main angúr ká ras jis din tak Kḡudá kí bádsháhat men use nayá na piún, na piúngá. 26 Tab we zabúr gáke Zaitún ke pahār par gae.

27 Aur Yisú ne unse kahá, Tum sab áj kí rát mere haqq men ṭhokar kháoge, isliye ki yih likhá hai, Main gararie ko márúngá, aur bheren pará ganda ho jáengí. 28 Par main apne uṭhne ke bád tum se áge Galíl ko jáúngá. 29 Tab Pathar ne use kahá, Agarchi sab ṭhokar kháwen, par main na kháúngá. 30 Yisú ne use kahá, Main tujh se sach kahtá hún, ki ájhí kí rát murg do bár báng dene ke áge tú tén bár merá inkár karegá. 31 Tab usne bárbar kahá, Agar tere sáth merá marná zarúr ho, tau bhí hargiz terá inkár na karúngá; aur un sabhon ne bhí waisáhi kahá.

32 Phir we ek jagah men jiská nám Getsaman thá áe, aur usne apne shágirdon ko kahá, jab tak main duá mángún, tum yahán baitho. 33 Aur Pathar aur Yaqúb aur Yohan ko apne sáth liyá, aur ghabráne aur bahuṭ dilgír hone lagá. 34 Aur unse kahá, Merí ján par marne ká ságam hai, tum yahán ṭhahro, aur jágte raho. 35 Aur wuh thorá áge já kar zamín par girá, aur duá mángí, ki Agar hosake, to yih gharí mujh se ṭal jáe. 36 Aur kahá, Ai Abá, ai Báp, sab

kuchh tujhse hosaktá hai, us piyále ko mujh se tál de, lekin na wuh jo main cháhtá hún, balki jo tú cháhtá hai. 37 Phir wuh áyá, aur unhen sote páyá, aur Pathar ko kahá, Ai Simon, tú sotá hai, kyá tú ek gharí jág na saká? 38 Jágte raho, aur duá mángo, tá aisá na ho, ki tum imtihán men paṛo: rúh to mustáid hai, par jism kamzor hai. 39 Wuh phir gayá, aur wahí bát duá men mángí. 40 Aur phir áke unhen sotá páyá, kyúнки unkí ánkhen nínd se bharí thín, aur we nahín jánte the, ki use kyá jawáb dewen. 41 Phir tísrí bár áke unhen kahá, ki Ab sote raho, aur árám karo; pas waqt ápahunchá, dekho, Ibn i ádam gunahgáron ke háthon men giriftár kiyá játá hai. 42 Uṭho, ham jáen; dekho, wuh jo mujhe pakaṛwátá hai, nazdík hai.

43 Wuh yih kahtá hí thá, ki filfaur un bárah men se ek Yihudá nám apne sáth Sardár Káhinon, aur Faqíhon, aur buzurgon kí taraf se ek baṛí jamáat talwáren, aur láthián leke ápahunche. 44 Aur pakaṛwánewále ne unhen yih patá diyá thá, ki jiská main búsa lún, wahí hai, use tum pakaṛke hifázat se lejáo. 45 Wuh áke filfaur uspás gayá, aur kahá, Ai rabbí, ai rabbí, aur use chúmá. 46 Aur unhon ne unpar háth dál ke use pakaṛ liyá. 47 Ek ne unmen se jo wahán házir the, talwár khench kar Sardár Káhin ke naukar ko lagáí aur uská kán uṛá diyá. 48 Tab Yisú unhen kahne lagá, Kyá tum talwáren aur láthián leke mujhe chor kí mánind pakaṛne ác ho? 49 Main to har roz tumháre pás haikal men waz kartá thá, aur tum ne mujhe nahín pakaṛá, lekin kitábon ká púrá honá zarúr hai. 50 Tab we sab use chhoṛ ke bhág gae. 51 Magar ek jawán sútí chádar apne badan par oṛhe thá, uske píchhe ho liyá, aur jawánon ne use pakaṛá. 52 Par wuh sútí chádar unke háthon men chhoṛ kar nangá bhágá.

53 Tab we Yisú ko Sardár Káhin kane jis pás sab sardár káhin, aur buzurg, aur faqíh jama húe the, legae. 54 Aur Pathar dúr se uske píchhe sardár káhin ke dálán tak ho liyá, aur naukaron ke sáth baiṭh kar ág tápne lagá. 55 Tab Sardár káhinon aur sáre Majlis ne Yisú par gawáhí ḍhúndhí, ki use ján se máre, par na páí. 56 Agarchi bahuton ne uspar jhuṭhí gawáhí dí, par unkí gawáhián muwáfiq na thín. 57 Tab bázon ne uṭh ke uspar yih jhuṭhí gawáhí dí: 58 Ki hamne use kahte suná hai, ki Main is haikal ko, jo háth se baní hai, ḍhá dún-gá, aur tín din men ek dúsri ko, jo háth se na bane, banáúngá. 59 Tis

par bhī unkī gawāhī muwāfiq na thī. 60 Tab Sardār Kāhin ne bīch men khare ho, Yisú ne pūchhā, Kyā tú kuchh jawāb nahīn detā, ye tujh par kyā gawāhī dete hain? 61 Par wuh chup rahā, aur kuchh jawāb na diyā. Phir Sardār Kāhin ne usse pūchhā aur kahe, Kyā tú Masīh us Mubārak kā Betā hai? 62 Yisú ne use kahā, Main wahī hūn, aur tum Ibn i ādam ko qādir ke dahine háth baiṭhe, aur ásmán ke bādloṅ par áte, dekhoge. 63 Tab Sardār Kāhin ne apne kapre phar ke kahā, Ab hamen aur gawāh kyā darkār hai? 64 Tum ne yih kufr sunā, tum ko kyā málúm hotā hai? Un sabhoṅ ne fatwā diyā, ki wuh qatl ke láiq hai. 65 Tab kitne uspar thūkne, aur uská munh dhámpne, aur use ghúnse márne aur kahne lagá, Nabūwat se khabar de. Aur naukaroṅ ne háth se use thapeṛe máre.

66 Tab Pathar níche dālán men thá, Sardār Kāhin kí laundíoṅ men se ek wahán áí. 67 Aur Pathar ko ág tápte dekhkar uskí taraf nazar karke kahne lagí: Tú bhī Yisú Násarī ke sáth thá. 68 Usne inkār kiyā, ki Main nahīn jántā, aur nahīn samjhtā, tú kyā kahtí hai; aur báhar dar dālán men gayá, aur murg ne bāng dí. 69 Wuh laundí use phir dekh kar, unse wahán khare the, kahne lagí, Yih unhīn men se ek hai. 70 Usne phir inkār kiyā, aur thoṛí der píchhe phir unhoṅ ne, jo wahán khare the, Pathar ko kahā, Sach tú unhīn men se hai, kyúinki tú Galílí, aur terí bolí waisíhí hai. 71 Par wuh lánat karne, aur qasm kháne lagá, ki Main us shaḵhs ko jiská tum zikr karte ho, nahīn jántā. 72 Dúsrí bár murg ne bāng dí, tab Pathar ko wahí, jo Yisú ne use kahí thí, yád áí, ki peshtar use ke murg do bár bāng de, tú tūn bár merá inkār karegá. Tab wuh zār zār rone lagá.

### XV. BĀB.

1 Joṅ subh hūí, Sardār Kāhin ne buzurgoṅ, aur Faqíhoṅ, aur sáre Majlis ke sáth mashwirat kar ke Yisú ko bāndhā, aur lekar Pilát ke hawále kiyā. 2 Pilát ne use pūchhā, Kyā tú Yihúdíon kā bādsháh hai? Usne jawāb men use kahā, Tú sach kahtā hai. 3 Aur sardār káhinon ne uspar bahut sí faryáden kíñ. 4 Tab Pilát ne usse phir pūchhā, Kyúñ tú kuchh jawāb nahīn detā? Dekh, we tujh par kyā kyā gawāhíāṅ dete hain. 5 Tau bhī Yisú ne kuchh jawāb na diyā, yahán tak ki Pilát ne tájjub kiyā.



6 Aur wuh us íd men ek qaidí ko, jise we cháhte the, unkí k̄hátir chhor detá thá. 7 Aur ek shaḡhs Barabbá náme un fasádíon ke sáth, kí jinhon ne fasád men khún kiyá thá, qaid thá. 8 Tab wuh jamáat chilláke usse arz karne lagi, kí jaisá terá dastúr hai, waisá hí hamáre wáste kar. 9 Pilát ne unhen jawáb diyá, kyá tum cháhte ho, kí main tumháre liye Yihúdíon ke bádsháh ko chhor dún? 10 Kyúнки wuh jántá thá, kí Sardár Káhinon ne hasad se usko hawála kiyá thá. 11 Par Sardár Káhinon ne us jamáat ko ubhárá, kí wuh unke liye Barabbá ko chhor de. 12 Tab Pilát ne phir use kahá, Ab tum kyá cháhte ho, main use, jise tum Yihúdíon ká bádsháh kahte ho, kyá karún? 13 We phir chilláe, kí Ise salíb de. 14 Pilát ne phir use kahá, Kyún isne kyá buráí kí hai? Tab we aur bhí ziyáda chilláye, kí Ise salíb de. 15 Tab Pilát ne jamáat kí razá mandí cháh kar unke liye Barabbá ko chhor diyá, aur Yisú ko koṛe márke hawála kiyá, kí salíb par khenchá jáe.

16 Aur sipáhí usko dálán men, jo Pretoríon kahlátá hai, legae, aur sáre risále ko ikathá kiyá. 17 Unhon ne use bainjaní kapṛe pahináe, aur kánṭon ká táj sajke uske sir par rakhá. 18 Aur use salám karne lage, kí Ai Yihúdíon ke bádsháh, salám! 19 Aur we uske sir par narkaṭ se márte the, aur uspar thúkte, aur ghuṭne ṭek ke use sijda karte the. 20 Aur jab usse haṅsí karchúke, to uske badan se bainjaní kapṛe utáre, aur uská kapṛá use pahiná ke salíb dene lechale.

21 Aur ek shaḡhs Qúríní Simon nám, jo Iskandar aur Bufa ká báp thá, dahát se áte húe, udhar se guzrá, unhon ne use begár pakṛá, kí uskí salíb uṭhá lechale. 22 Aur we use muqám Golgatá men, jiská tarjama khoprí kí jagah hai, láe. 23 Aur wain men murr milá ke use píne ko diyá, par usne na píyá. 24 Aur unhon ne use salíb par khench ke uske kapṛe bánte qura dálá, kí harek shaḡhs kyá kyá le. 25 Aur tísrá ghanṭá thá, jab unhon ne usko salíb diyá. 26 Aur uská tuhmat náma yún likhá thá, kí YIH YIHU'DI'ON KA BĀD-SHĀH HAI. 27 Aur unhon ne uske sáth do choron ko ek ko dahine háth, aur dúsre ko báen salíb par khenchá. 28 Tab wuh jo likhá húa, kí wuh badkáron men giná gayá, púra húa.

29 Aur we jo udhar se játe the, sir hiláke yih kahke use malámat karte the, kí Wáh, tú jo haikal ko dhátá, aur tín din men banátá

thá! 30 Apne tain bachá, aur salíb par se utar á! 31 Isítarah Sardár Káhinon ne bhí ápas men Faqíhon ke sáth thathe karte húe kahá, Usne auron ko bacháyá, apne tain bacháne nahín saktá. 32 Baní Isráel ká oádasháh Masíh, ab salíb par se utar áwe, ki ham dekhen aur ímán láwen ; aur we jo uske sáth salíb par khenche gae, use malámat karte the.

33 Aur jab chhatá ghanṭá púrá húa, us sári zamín par andherá chhágayá, aur nawín ghante tak rahá. 34 Aur nawín ghante Yisú barí áwáz chilláke bolá, Elí, Elí, lámá sabaqtání, jiská tarjama yih hai: Ai mere Kḥudá, mere Kḥudá, túne mujhe kyún chhorá? 35 Báze unmen jo wahán khare the, yih sun ke bole, dekho, wuh Iliyá ko bulátá hai. 36 Aur ek ne daur ke spanj ko sirke se tar karke ek narkaṭ par rakh ke use chusáyá, aur kahá, Bhalá, ham dekhen to, ki Iliyá use áke utáregá. 37 Tab Yisú ne barí áwáz se chillákar ján dí.

38 Aur haikal ká parda úpar se níche tak phat gayá. 39 Aur us súbádár ne jo uske sámhne khará thá, use yún chilláte aur ján dete dekhke kahá, ki Yih shaḥs sachmach Kḥudá ká Beṭá thá.

40 Wahán kaí auraten dúr se dekh rahí thín, unmen Mariyam Magdaliná, aur chhoṭe Yaqúb, aur Yose kí má Mariyam aur Salamí thín, 41 Unhon ne bhí jab wuh Galíl men thá, uskí pairawí aur kḥidmat kí thí; aur bhí bahutsí auraten jo uske sáth Yirúshálam men áí thín.

42 Aur shám ko jo tayári ká waqt, aur sabbt ke pahile thá, 43 Yusaf Arimatiyá, jo námwar mushír aur Kḥudá kí bádsháhat ká muntazir thá, áyá, aur dilerí se Pilát pás jáke Yisú kí lách mánge. 44 Aur Pilát ne tájjub kiyá, ki wuh aisá jald margayá, aur súbádár ko bulá ke púchhá, Kyá der húi, wuh margayá? 45 Aur súbádár se daryáft karke lách Yúsaf ko dilá dí. 46 Aur usne mahín kaprá molliyá, aur use utárke us kapre se kafnáyá, aur ek qabr men jo pathar ke bích khodí gaí thí, use rakhá, aur us qabr ke darwáze par ek pathar dhalká diyá. 47 Mariyam Magdaliná, aur Yose kí má Mariyam us agah ko, jahán wuh gárá gayá, dekh rahí thí.

## XVI. BĀB.

1 Jab sabt ká din guzar gayá, Mariyam Magdaliná, aur Yaqúb kí má Mariyam, aur Salamí ne k̄húshbú chízen mollín, táki wahán jáke uspar malen. 2 Aur hafte ke pahile din bahut sawere súraḡ nikalte húe qabr par áín. 3 Aur ápas men kahne lagín, ki hamáre liye is pathar ko qabr ke darwáze par se kaun dhalkáegá. 4 Jab unhon ne nigáh kí, to us pathar ko dhalkáyá húa dekhá, aur wuh bahut bhárí thá. 5 Qabr men jákar unhon ne ek jawán ko sufed poshák pahine dahiní taraf baiṭhe húe dekhá, aur hairán húín. 6 Usne unhen kahá, Mat ghabráío, tum Yisú Násarí ko, jo salíb par khenchá gayá, dhúndhte ho, wuh jí úṭhá hai, yahán nahín, dekho yih jagah, jismen unhon ne use rakhá thá. 7 Ab tum jáo, aur uske shágirdon aur Pathar ko kaho, ki wuh tum se áge Galíl ko játá hai, aur jaisá usne tumhen kahá thá, tum use wahán dekhoge. 8 We jald nikal ke qabr ne bhágín, aur kámpṭí aur ghabráṭí máre ḡar ke kisí se kuchh na bolín.

9 Hafte ke pahile roz wuh sawere uṭh kar pahile Mariyam Magdaliná ko, jispar se usne sáṭ deo nikále the, dikháí diyá. 10 Usne jáke uske sáthíon ko jo uske liye gamgín aur roṭe the, k̄habar dí. 11 Unhon ne yih sunke, ki wuh jítá hai, aur use dikháí diyá, yaqín na láyá.

12 Uske bád wuh dúsrí súrát men un men se do ko, jiswaqt ki we chalte the, aur dahát kí taraf játe the, dikháí diyá. 13 Unhon ne jáke báqí logon ko k̄habar dí, aur unhon ne bhí unkí báton yaqín na láyá.

14 Ak̄hir usne un gyárahon ko, jab we kháne baiṭhe the, dikháí diyá, aur unkí beímání aur saḡht dilí par malámat kí, kyúnki unhon ne unkí báton ká, jinhon ne uskí jí uṭhne ke bád use dekhá, yaqín na láyá thá. 15 Aur usne unhen kahá, ki Tum tamám dunyá men já ke harek maḡhlúq ke sámhne Injíl kí munádí karo. 16 Jo ki ímán látá aur báptismá pátá hai, naját páegá; aur jo ímán nahín látá, uspar sazá ká hukm kiyá jáegá. 17 Aur we jo ímán láenge, un ke sáth ye alámaten hongí, ki we mere nám se deon ko nikálenge, aur naí zubán bolenge. 18 Sánpon ko uṭhá lenge, aur agar koí halák karnewálí chíz píenge, unhen kuchh nuqsán na hogá; we bímáron par háth rakhenge, aur wó chenge ho jáenge.

19 K̄hudáwand unhen yih farmá ke ásmán par játá rahá, aur K̄hudá ke dahine háth baithá. 20 Phir unhon ne har jagah jákar munádi kí, aur K̄hudáwand unkí madad kartá thá, aur kalám ko májizon se, jo uske sáth the, sábit kartá thá. Amin.

---

## LUKA KI INJIL.

---

### I. BAB.

1 Ai buzurg Tíofil, isliye ki bahuton ne ikhtiyár kiyá, ki is ahwál ko, jo haqíqat men hamáre darmiyán guzrá, bayán karen, 2 Jaisá unhon ne, jo shurú se k̄hud dekhnewále, aur kalám kí k̄hidmat karnewále the, sompá; 3 Main ne bhí munásib jáná, ki sab ko sire se sachchí tarah daryáft karke, tere liye durustí se likhún, 4 Táki tú in báton kí sachái ko, jin kí tú ne tálím pái jáne.

5 Yihúdiya ke bádsháh Hirod ke dinon men, Abiyá ke páridáron men se Zakariyá námí ek káhin thá: us kí jorú Hárún kí beṭion men se thí, aur us ká nám Ilisabá thá. 6 We donon K̄hudá ke huzúr rástbáz, aur K̄hudáwand ke sáre hukmon aur qánúnon par be aib chalne-wále the. 7 Aur un ke larhá na thá, kyúnki Ilisabá bánjh thí, aur donon búrhe the.

8 Aur aisá húa, ki jad wuh K̄hudá ke huzúr, apne firqe kí bári par, Káhin ká károbár kartá thá, 9 Káhiní ke dastúr par kí chitṭhí niklí, ki K̄hudáwand ke haikal men jáke k̄hushbúí jaláwe. 10 Aur logon kí sári jamáat k̄hushbúí jaláte waqt báhar duá máng rahí thí. 11 Tab us ko K̄hudáwand ká firishta k̄hushbúí jaláne ke muqám kí dahní taraf khará húa dikhái diyá. 12 Zakariyá dekhkar ghabráyá, aur bahut dará. 13 Par firishte ne use kahá, ki Ai Zakariyá, mat dar: ki terí duá suní gaí, aur terí jorú Ilisabá tere liye ek beṭá janegí; tú us ká nám Yohan rakhná. 14 Aur tujhe k̄hushí o k̄hurramí hogí; aur bahutere us kí paidáish se k̄hush honge. 15 Kyúnki wuh K̄hudáwand ke huzúr buzurg hogá, aur na sharáb, aur na koí nashá piégá; aur apní má ke beṭ hí se Rúh i Quds se bharjáegá. 16 Aur baní Isráel men se bahuton ko un ke K̄HUDA'WAND K̄hudá kí taraf phere-gá. 17 Aur wuh us ke áge, Iliyá kí rúh aur qúwat ke sáth chalegá, ki

áp ke dil ko larke kí taraf, náfarmánbardáron ko rástbázon kí samajh kí taraf pherke, K̄hudáwand ke liye ek mustaid qaum durust kare. 18 Tab Zakariyá ne firishte ko kahá, Main us ko kyúnkar sach jánún ? kyúnki main buhá hún, aur merí jorú kí barí umr húi. 19 Firishte ne jawáb men use kahá, Main Gabriel hún, jo K̄hudá ke huzúr házir rahtá hai ; aur bhejá gayá ki tujhe kahún, aur yih k̄hushk̄hábarí tujhe dún. 20 Aur dekh, tú gúngá hojáegá, aur jis din tak ki yih na ho, bol nasakegá, isliye ki tú ne merí báton ko, jo apne waqt par púrí hongí, yaqín na kiyá. 21 Aur log Zakariyá ki ráh dekhte the, aur haikal men us ke der karne se tájjub karte the.

22 Jab wuh báhar áke un se bol na saká : tab unhon ne daryáft kiyá, ki use haikal men kuchh nazar áyá : aur wuh un se isháre kartá thá, aur gúngá rahgayá. 23 Aur aisá húa, ki jab us kí k̄hidmat ke din púre húe, wuh apne ghar gayá. 24 Aur un dinon ke bád, us kí jorú Ilisabá peṭ se húi, aur us ne páñch mahíne tak, apne tain yih kahke chhipáyá. 25 Ki Jin dinon men K̄hudáwand ne mujh par nazar kí, mere sáth aisá kiyá, táki logon men se merí sharmandagí dúr kare.

26 Aur chhathe mahíne Gabriel firishta K̄hudá kí taraf se Galíl ke ek shahr men, jis ká nám Násara thá, bhejá gayá, 27 Ek kuṇwárí ke pás, jis kí Yúsaf námí ek mard se, jo Dáúd ke gharáne se thá, mangní húi thí; aur us kuṇwárí ká nám Mariyam thá. 28 Us firishte ne us pás áke kahá, ki Ai pasandída salám, K̄hudáwand tere sáth : tú auraton men mubáarak hai. 29 Par wuh use dekhkar, us kí bát se ghabráí, aur sochne lagí, ki yih kaisá salám hai. 30 Tab firiste ne use kahá, ki Ai Mariyam, mat ḍar ; ki tujh par K̄hudá ká fazl húa. 31 Aur dekh, tú peṭ se hogí, aur beṭá janegí, aur us ká nám Yisú rakhná. 32 Wuh buzurg hogá, aur K̄hudá tálá ká Beṭá kahláegá : aur K̄HUDA'WAND K̄hudá us ke báp Dáúd ká takht use degá : 33 Aur wuh sadá Yaqúb ke gharáne bádsháhat karegá ; aur us kí bádsháhat ákhir na hogí. 34 Tab Mariyam ne firishte se kahá, Yih kyúnkar hogá, jis hál men main mard ko nahín jántí ? 35 Firishte ne jawáb men use kahá, ki Rúh i Quds tujh par utregá, aur K̄hudá tálá kí qudrat ká tujh par sáya hogá : is sabab se wuh pák larhá K̄hudá ká Beṭá kahláegá. 36 Aur dekh, terí rishtadár Ilisabá ko bhí buhápe

men beṭá honewálá hai; aur yih us ká, jo bánjh kahlátí thí, chhaṭhá mahíná hai. 37 Kyúinki Kḥudá ke áge koí bát anhoní nahín. 38 Aur Mariyam ne kahá, Dekh, Kḥudáwand kí bándí; mujh par tere kahne kí muwáfiq howe. Tab firishta us ke pás se chalá gayá.

39 Aur unhín dinon men Mariyam uṭhkar jaldí se paháron par Yihúdiyá ke ek shahr ko gaí; 40 Aur Zakariyá ke ghar pahunchke Ilisabá ko salám kiyá. 41 Aur aisá húa, ki johín Ilisabá ne Mariyam ká salám suná, laṛká us ke peṭ men uchhal paṛá; aur Ilisabá Rúh i Quds ne bhargaí: 42 Aur zor se pukárke kahá, ki Tú auraton men mubáarak hai, aur tere peṭ ká phal mubáarak hai. 43 Mere liye yih kyúinkar húa, ki mere Kḥudáwand kí má mujh pás áí? 44 Ki dekh, tere salám kí áwáz johín mere kán tak pahunchí, laṛká mere peṭ men kḥushí se uchhal paṛá. 45 Aur mubáarak hai, jo ímán láí: ki ye báten, jo Kḥudáwand kí taraf se kahí gaí, púrí hongí. 46 Mariyam ne kahá, ki Merí ján Kḥudáwand kí baṛáí kartí hai. 47 Aur merí rúh merí naját denewále Kḥudá se kḥush húi. 48 Ki us ne apní bándí kí garíbí par nazar kí: isliye dekh, ab se har zamáne ke log mujh ko mubáarak kahenge. 49 Kyúinki us ne, jo qudratwálá hai, mujh pár ihsán kiyá hai; aur us ká nám pák hai. 50 Aur us ká rahm un par, jo us se ḍarte hain, pusht dar pusht hai. 51 Us ne apne bázú ká zor dikháya; aur un ko, jo apne dil ke kḥiyál men apne tain baṛá samajhte hain, pareshán kiyá. 52 Qudratwálon ko taḳht se girá diyá, aur garíbon ko buland kiyá. 53 Us ne bhúkhon ko achchhí chízon se ásúda kiyá; aur daulatmandon ko kḥhálí-háth bhejá. 54 Us ne apne bande Isráel ko sambhál liyá, un rahmaton ko yád karke, 55 Jo Abirahám aur us kí aulád par sadá ko thí.

56 Aur Mariyam tín mahíne ke qaríb us ke sáth rahke apne ghar ko phirí. 57 Ab Ilisabá ke janne ká waqt pahunchá; aur beṭá janí. 58 Aur us ke parosíon aur rishtadáron ne suná, ki Kḥudáwand ne us par baṛí rahmat kí; aur unhon ne us ke sáth kḥushí kí.

59 Aur yún húa, ki we áṭhwen din laṛke ká kḥatna karne áe; aur us ká nám Zakariyá, jo us ke báp ká thá, rakhne lage. 60 Par us kí máu ne jawáb men kahá, kí Nahín; balki us ká nám Yohan rakhá jáwe. 61 Unhon ne use kahá, ki Tere gharáne men kisú ká yih nám nahín. 62 Tab unhon ne us ke báp kí taraf ishára kiyá, ki wuh us

ká kyá nám rakhá cháhtá hai. 63 Us ne taḡhtí mangáke likhá, ki Yohan us ká nám hai. Aur sabhon ne tájjub kiyá. 64 Aur usí dam us ká munh aur zabán khul gaí, aur bolne lagá, aur Ḳhudá kí táríf kí. 65 Tab sáre áspás ke rahnewále ḡargae: aur Yihúdiyá ke tamám pahár ke mulk men in sab báton ká charchá phailá. 66 Aur sabhon ne, jo sunte the, apne dil men sochar kahá, ki Yih kaisá larḡá hogá! Aur Ḳhudáwand ká háth us par thá.

67 Aur us ká báp Zakariyá Rúh i Quds se bhargayá, aur nabúwat kí ráh se kahne lagá, 68 Ki Táríf Ḳhudáwand Isráel ke Ḳhudá ko; kyúnki us ne apne logon par nazar kí, aur unhen chhuṡhára diyá, 69 Aur hamáre liye naját ká síng apne bande Dáúđ ke ghar men nikálá; 70 Jaisá us ne apne pák nabíon kí márifat, jo dunyá ke shurú se hote áe, kahá: 71 Ham ko apne dushmanon se, aur un ke háth se jo ham se kína rakhte hai, naját baḡhshí; 72 Táki wuh rahm, jis ká hamáre báp Dáúđ se qarár kiyá, kare, aur apne pák qaul ko yád rakhe; 73 Us qasam ko, jo us ne hamáre báp Abirahám se kí, 74 Ki wuh hamen yih degá, ki apne dushmanon ke háth se chhuṡkára páke, 75 Umr bhar us ke áge pákí aur sachái se us kí beḡhauf bandagí karen. 76 Aur ai larḡe, tú Ḳhudá tálá ká nabí kahláegá: kyúnki tú Ḳhudáwand ke áge us ke ráhon ko durust kartá jáegá; 77 Ki us ke logon ko naját kí ráh batáwe, jis men un ke gunáh kí muáfí howe, 78 Jo hamáre Ḳhudá kí ḡháss rahmat se hai; jis ke sabab subh kí roshní úpar sé ham par pahunchí, 79 Táki unko, jo andhere aur maut ke sáye men baiṡhe hai, roshní baḡhshe, aur hamen salámatí kí ráh par lechale. 80 Aur wuh larḡá barṡtá, aur rúh men qúwat pátá gayá, aur apne tain Isráel par záhir karne ke din tak jangal men rahá.

## II. BAB.

1 Aur un dinon men yún húá, ki Qaisar Augustus ká hukm niklá, ki har bastí ke logon ke nám likhe jáen. 2 (Aur yih pahlí ismnawísí thí, jo Suriyá ke hákim Quriní ke waqt men húí.) 3 Tab harek apne apne shahr ko nám likháne chalá. 4 Aur Yúsaf bhí Galíl ke shahr Násare se, Yihúdiya men, Dáúđ ke shahr ko, jo Baitlaham kahlátá hai, gayá; isliye ki wuh Dáúđ ke gharáne aur aulád se thá: 5 Ki apní mangetar Mariyam ke sáth, jo peṡ se thí, nám likháwe.

6 Aur aisá húa, ki jad we wahán the, us ke janne ke din púre húe.  
7 Aur apná pahlautá beṭá janí, aur us ko kapre men lapetke charnī men rakhá ; kyúntki un ko sará men jagah na milí.

8 Us mulk men gaṛarie the, jo maidán men rahte, aur rát ko bárí bárí apní jhund kí chaukí karte the. 9 Aur dekho, kí Ḳhudáwand ká firishta un par záhír húa, aur Ḳhudáwand ká núr un ke chaugird chamká : aur we niháyat ḍargae. 10 Tab firishte ne unhen kahá, Mat ḍaro : kyúntki dekho, main tumhen barí ḳhushḳhabarí sunátá hún, jo sab logon ke wáste hai. 11 Ki Dáúid ke shahr men, áj tumháre liye ek Naját-denewálá paidá húa ; wuh Masíh Ḳhudáwand hai. 12 Aur tumháre liye yihí patá hai ki tum us laṛke ko kapre men liptá charnī men rakhá húa páoge. 13 Aur ek bárgí us firishte ke sáth ásmání lashkar kí ek jamáat Ḳhudá kí táríf kartí, aur kahtí húi záhír húi : 14 Ḳhudá ko ásmán par táríf, aur zamín par salámatí, aur ádmion se razámandí howe ! 15 Aur aisá húa, ki jab firishte un ke pás se ásmán par gae, gaṛarion ne ápas men kahá, ki No, Baitlaham ko jáen, aur is bát ko, jo húi hai, jis kí Ḳhudáwand ne ḳhabar dí hai, dekhén. 16 Tab unhon ne jaldí jáke, Mariyam, aur Yúsaf ko, aur us laṛke ko charnī men rakhá páyá. 17 Aur dekhke, us bát ko, jo is laṛke ke haqq men un se kahí gaí thí, phailáyá. 18 Aur sab sunewálon ne in báton se, jo gaṛarion ne unhen kahín, tájjub kiyá. 19 Par Mariyam ne in sab báton ko apne dil men dhyán karke yád rakhá. 20 Aur gaṛarie in sab báton ko sunke aur jaisí un se kahí gaín thí, dekhke, Ḳhudá kí táríf aur baráí karte húe phire.

21 Aur jab áṭh din púre húe, ki laṛke ká ḳhatna ho, us ká nám Yisú rakhá gayá, jo us ke peṭ men parne ke áge firishte ne rakhá thá.

22 Aur jab Músá kí shariyat ke muwáfiq us ke pák hone ke din púre húe, we us laṛke ko Yirúshálam men lée, táki Ḳhudáwand ke áge házir karen ; 23 (Jaisá kí Ḳhudáwand kí shariyat men likhá hai, ki Har ek pahlautá laṛká Ḳhudáwand kí nazar kiyá jáegá ; ) 24 Aur Ḳhudáwand kí shariyat ke hukm ke muwáfiq, pinḍukí ká ek jorá, yá kabútar ke do bachche qurbán karen.

25 Aur, dekho, ki Yirúshálam men Simon nám ek shaḳhs thá, jo rástbáz aur dándár ; aur Isráel kí tásallí ki ráh dekhtá thá : aur Rúh i Quds us par thá. 26 Us ko Rúh i Quds ne ḳhabar dí thí, ki wuh jab.



tak K̄hudáwand ke Masíh ko na dekhle, na maregá. 27 Wuh Rúh ke batáne se haikal men̄ áyá : aur jis waqt mán báp us larke Yisú ko andar láte the, táki us ke liye shara ke dastúr par amal karen, 28 Us ne use apne háthon par uṭhá liyá, aur K̄hudá kī tárif karke kahá : 29 Ki Aī K̄hudáwand, ab tú apne bande ko apne kalám ke muwáfiq salámatí se ruḵsat detá hai : 30 Kyúнки merí ánkhoṅ ne terí naját dekhí, 31 Jo tú ne sab logoṅ ke áge tayár kī hai ; 32 Qaumoṅ kī roshní ke liye ek núr, aur apne log Isráel ke liye jalál. 33 Tab Yúsaf aur Yisú kī mán ne un bátoṅ se, jo us ke haqq men̄ kahí gaín, tájjub kiyá. 34 Aur Símon ne unhen̄ duá dī, aur us kī mán Mariyam ko kahá, Dekh, yih Isráel men̄ bahutoṅ ke girne, aur uṭhne ke liye, aur ḵhiláf kahne ke nisháne ke wáste rakhá húa hai ; 35 Aur talwár terí ján ke bhítar guzar jáegí, táki bahuteron̄ ke dilon̄ ke ḵhiyál khul̄ jáen.

36 Asír ke gharáne se, Haná nám Fánúel kī beṭí jo bahut búrhí thí, aur us ne apne kuṅwáří apne se sát baras ek ḵhasam ke sáth nibáh kiyá thá, 37 Aur wuh bewa qaríb chaurásí baras kī thí, ki haikal se judá na hoke roza rakhtí, aur duá mángne men̄ rát din bandagí kartí rahí, 38 Us ne usí gharí ákar, K̄hudáwand ká shukr kiyá, aur un sab ko, jo Yirúshálam men̄ chhuṭkáre kī ráh dekhte the, us kī bábat kahá:

39 Aur jab we K̄hudáwand kī shariyat ke muwáfiq sab kuchh kar chuke, to Galíl men̄ apne shahr Násare ko phir gae. 40 Aur lar̄ká barhtá, aur hikmat se bharke rúh men̄ qúwat pátá rahá : aur K̄hudáwand ká fazl us par thá.

41 Us ke mán báp har baras íd i Fasah men̄ Yirúshálam ko játe the. 42 Aur jab wuh bárah baras ká húa, we íd ke dastúr par Yirúshálam ko gae. 43 Aur un dinon̄ ko púra karke, jad phirne lage, wuh lar̄ká Yisú Yirúshálam men̄ rahgayá ; par Yúsaf aur us kī mán ne na jáná. 44 Balki yih samajhke, ki wuh qáfile men̄ hai, ek manzil gae ; aur use rishtadáron̄ aur jánpahchánon̄ men̄ dhúndhá ; 45 Aur na pákar us kī talásh men̄ Yirúshálam ko phire. 46 Aur aisá húa, ki unhoṅ ne tén roz píchhe use haikal men̄ ustádon̄ ke bích baithe húa, un ke sunte, aur un se púchhte páyá. 47 Aur sab, jo us kī sunte the, us kī samajh aur us ke jawábon̄ se dang the. 48 Tab we use dekhkar hairán húa : aur us kī mán ne use kahá, Beṭá, kis liye tú ne

ham se aisá kiyá? dekh, terá báp aur ham kuṛhte hūe tujhe ḍhúnḍhte the. 49 Us ne unhen kahá, Kyún tum mujhe ḍhúnḍhte the? kyá tum ne na jáná, ki mujhe apne kahán kahán rahná zarúr hai? 50 Par we is bát ko, jo us ne unhen kahí, na samjhe. 51 Aur un ke sáth rawána hokar, Násare men áyá, aur un ke tábi rahá : aur us kí máñ ne yih sab báten apne dil men rakhín. 52 Aur Yisú hikmat, aur qadd, aur Ḳhudá ke aur ádmí ke piyár men barhá.

### III. BĀB.

1 Ab Tiberius Qaisar kí bádsháhat ke pandrahwen baras, jab Pantiya Pilát Yihúdiya ká hákim, aur Hirod Galíl ke chauthái ká, aur us ká bhái Fílip Itúriya kí chauthái, aur Trákhonís ke mulk ká, aur Lisániya Abilíní kí chauthái ká hákim thá, 2 Aur Haná aur Qayafá sardár káhin the, Ḳhudá ká kalám jangal men Zakariyá ke beṭe Yohan ko pahunchá. 3 Aur wuh Yardan ke sáre áspás ke mulk men áke, gunáhon kí muáfí ke liye tauba ke bápísmá kí munádí kartá rahá; 4 Chunánchi Ishayá nabí kí kitáb men likhá hai, ki Jangal men ek pukárnewále kí áwáz hai, ki Tum Ḳhudáwand kí ráh ko durust karo, aur us ke ráston ko sídhá karo. 5 Har ek garhá bhará jáegá, aur sab pahár aur paháří níchi kí jáegí; aur terhí jagahen sídhí, aur behar ráhen barábar banengí; 6 Aur har shaḳhs Ḳhudá kí naját dekhegá. 7 Tab us ne logon ko, jo us se bápísmá páne nikle the, kahá, ki Ai sánpon kí nasl, tumhen kis ne batáyá, ki ánewále gazab se bhágo? 8 Pas tauba ke láiq mewe láo, aur apne dilon men kḥiyál na karo, ki Abirahám hamará báp hai : kyunki main tumhen kahtá hún, ki Ḳhudá Abirahám ke liye in patharon se larke paidá kar saktá hai. 9 Aur daraḳhton kí jar par kulháří rakhí hai : so jo daraḳht achche phal nahín látá, káṭá aur ág men ḍálá játá hai.

10 Tab logon ne us se púchhá, ki Phir ham kyá karen? 11 Us ne un se jawáb men kahá, ki Jis ko do kurte hon, us ko, jis ke pás nahín hai, bánṭ de; aur jis ke pás kháne ko ho, wuh bhí aisáhi kare. 12 Tab mahsúl-lenewále bhí bápísmá páne áe, aur use kahá, ki Ai Ustád, ham kyá karen? 13 Us ne un se kahá, ki Tumbáre liye jo muqarrar hai, us se ziyáda na lo. 14 Sipáhion ne bhí us se púchhá,

ki Ham kyá karen? Us ne unhen kahá, ki Na kisí par zulm karo, na tuhmat lagáo ; aur apne rozíne par rází raho.

15 Aur jab log sochte, aur sab apne dil men Yohan kí bábat k̄hiyál karte the, ki kyá wuh Masíh hai ; 16 Yohan ne un sab ke jawáb men kahá, ki Main to tumhen pání se báp̄tismá detá hún ; par mujh se ek barí qudratwálá átá hai, jis kí jútí ká band kholne láiq nahín : wuh tumhen Rúh i Quds aur ág se báp̄tismá degá : 17 Us ke háth men súp hai ; wuh apne khaliyán ko k̄húb sáf karegá, aur gehún ko apní kothí men jama karegá ; phir bhúsí ko us ág men, jo nahín bujhtí, jaláwegá. 18 Aur wuh logon ko aur bahut bát men nasíhat kartá, aur k̄hushk̄habarí detá rahá.

19 Par Hirod chauthái ke hákim ne, apne bhái Fílip kí jorú Hirodiyá ke sabab, aur aur sab badíon ke liye, jo us ne kíñ, Yohan se malámat uṭháke, 20 Sab par yih ziyáda kiyá, ki us ko qaid rakhá.

21 Aur aisá húa, ki jab sab log báp̄tismá pá rahe the, aur Yisú bhí báp̄tismá pákar duá máng rahá thá, ásmán khul gayá, 22 Aur Rúh i Quds, jism kí súrāt men kabútar kí tarah, us par utrá, aur ásmán se áwáz áí, ki Tú merá piyará Beṭá hai ; tujh se main rází hún.

23 Aur Yisú baras tísek ká hone lagá, (aur jaisá ki samjhá játá thá) wuh Yúsaf ká beṭá thá, Yúsaf Helí ká. 24 Helí Mathát ká, Mathát Lewí ká, Lewí Milkí ká, Milkí Yáná ká, Yáná Yúsaf ká, 25 Yúsaf Matátiyá ká, Matátiyá Amus ká, Amus Náúm ká, Náúm Islí ká, Islí Nigái ká, 26 Nigái Máat ká Máat Matátiyá ká, Matátiyá Simái ká, Simái Yúsaf ká, Yúsaf Yihúdá ká, 27 Yihúdá Yoná ká, Yoná Resá ká, Resá Zoribábil ká, Zoribábil Sálátíel ká, Sálátíel Nerí ká, 28 Nerí Milkí ká, Milkí Addí ká, Addí Kosám ká, Kosám Elmodám ká, Elmodám Air ká, 29 Air Yose ká, Yose Eliazar ká, Eliazar Yorím ká, Yorím Matát ká, Matát Lewí ká, 30 Lewí Simon ká, Simon Yihúdá ká, Yihúdá Yúsaf ká, Yúsaf Yonán ká, Yonán Eliyáqím ká, 31 Eliyáqím Meliyá ká, Meliyá Mainán ká, Mainán Matát ká, Matát Nátán ká, Nátán Dáúid ká, 32 Dáúid Yissí ká, Yissí Obed ká, Obed Boz ká, Boz Salmún ká, Salmún Náson ká, 33 Náson Aminadáb ká, Aminadáb Arám ká, Arám Isron ká, Isron Fáriz ká, Fáriz Yihúdá ká, 34 Yihúdá Yaqúb ká, Yaqúb Isháq ká, Isháq Abirahám ká, Abirahám Tára Náhor ká, 35 Náhor Sárúkh ká, Sárúkh

Rágú ká, Rágú Fálík ká, Fálík Ebar ká, Ebar Sálá ká, 36 Sálá Qainán ká, Qainán Arfaksad ká, Arfaksad Sem ká, Sem Núha ká, Núha Lamek ká, 37 Lamek Matúsálá ká, Matúsálá Hanúk ká, Hanúk Yárad ká, Yárad Mahalel ká, Mahalel Qainán ká, 38 Qainán Inosh ká, Inosh Set ká, Set Adam ká, Adam K̄hudá ká.

#### IV. BAB.

1 Aur Yisú Rúh i Quds se bhará húá, Yardan se phirá, aur Rúh kí rahnumáí se jangal men gayá, 2 Aur chálís din tak Shaitán se ázmáyá gayá. Aur un dinon men kuchh na kháyá : jab we din púre húe, ákhir ko bhúkhá húá. 3 Tab Shaitán ne use kahá, ki Agar tú K̄hudá ká Beṭá hai, to is pathar ko kah, ki roṭí ho jáe. 4 Yisú ne jawáb men use kahá, Likhá hai, ki Admí sirf roṭí se nahín, balki K̄hudá kí har ek bát se jítá hai. 5 Aur Shaitán ne use ek únche pahár par lejáke dunyá kí sárí bádsháhateñ ek dam men dikháín. 6 Aur Shaitán ne use kahá, ki Main yih sára ikhtiyár, aur un kí shán shaukat tujhe dúngá : kyúnki yih mujh ko sompá gayá hai ; jis ko cháhtá hún, detá hún. 7 Pas agar tú mujhe sijda kare, sab terá hogá. 8 Yisú ne use jawáb men kahá, ki Ai Shaitán, mere sámhne se já : kyúnki likhá hai, ki Tú K̄HUDA'WAND ko, jo terá K̄hudá hai, sijda kar, aur sirf usí kí bandagí kar. 9 Wuh use Yirúshálam men láyá, aur haikal ke munḍer par khará karke, use kahá, Agar tú K̄hudá ká Beṭá hai, to apne taín yahán se giráde : 10 Kyúnki likhá hai, ki Wuh tere liye apne firishton ko farmáwegá, ki terí k̄habardárí karen : 11 Aur tujhe háthon par uṭhálen, tá na ho ki tere páon ko pathar se thes lage. 12 Yisú ne jawáb men use farmáyá, ki Kahá gayá hai, Tú K̄HUDA'WAND ko, jo terá K̄hudá hai, mat ázmá. 13 Aur Shaitán jab tamám ázmáish kar chuká, muddat tak us se dúr rahá.

14 Aur Yisú Rúh kí qíwat se Galíl ko phirá : aur sáre ás pás ke mulk men us kí shuhrat húí. 15 Aur wuh un ke ibádat-k̄hánon men tálim detá rahá, aur sab us kí tárif karte the.

16 Phir wuh Násare ko, jahán parwarish páí thí, áyá : aur apne dastúr par sabt ke din ibádat-k̄háne men gayá, aur parhne ko khará húá. 17 Aur Ishayá Nabí kí kitáb us ko dí gaí. Aur kitáb k̄holkar,

wuh maqám páyá, jahán yih likhá thá: 18 Ki K̄hudá kí Rúh mujh men hai; us ne is liye mujhe Masíh kiyá, ki garíbon ko k̄hush-k̄habarí dún; mujh ko bhejá, ki t̄t̄te dilon ko durust karún, qaidíon ko chhúṭne, aur andhon ko dekhne kí k̄habar sunáún, jo beríon se ghá-yal hain, unhen chhúráún. 19 Aur K̄hudáwand ke pasand kiye sál kí manadí karún. 20 Aur kitáb band karke, k̄hidmat karnewále ko deke, baiṭh gayá. Aur sabhon kí ánkhen jo ibádat-k̄háne men the, us par lagí thín. 21 Tab wuh unhen kahne lagá, ki Aḡ yih likhá, jo tum ne suná, púra húa. 22 Aur sab ne us par gawáhí dí, aur un umda báton se, jo us ke munh se nikaltí thín, tájjub karke kahá, Yih Yúsaf ká beṭá nahín? 23 Us ne unhen kahá, ki Tum beshakk yih mujh par masal kaho ge, ki Ai hakím, apne taín changá kar: jo jo ham ne suná, ki tujh se Kaparnáhum men húa, yahán apne mulk men bhí kar. 24 Par us ne kahá, Main tum se sach kahtá hún, ki Koí nabí apne mulk men qabúl nahín kiyá játá. 25 Lekin main tum se sach kahtá hún, ki Iliyá ke dinon men jab sárhe tís baras ásmán band rahá, yahán tak kí sárf zamín men bará kál pará, bahutse bewáen Isráel men thín. 26 Par Iliyá un men se kisí ke pás na bhejá gayá, magar Saidá ke Saraptá men ek bewa ke pás. 27 Aur Ilísha nabí ke waqt men Isráel men bahutsí koṛhí thí; par un men se koí Námán Súriyání ke siwá changá na húa.

28 Tab se jo ibádat-k̄háne men the, un báton ke suntehí, gusse se bhar gae, 29 Aur uṭhe, aur use shahr ke báhar nikál ke, us pahar kí choṭí par, jis par un ká shahr baná thá, le chale, ki use dhakel den. 30 Lekin wuh un ke bích se nikálke, rawána húa.

31 Wuh Kaparnáhum men, jo Galíl ká ek shahr hai, áyá, aur sabt ke din unhen tálím detá thá. 32 Aur we us kí tálím se dang hue: kyúнки us ká kalám qudrat ke sáth thá. 33 Aur ibádat-k̄háne men ek shaḡhs thá, jis par shaitán kí nápák ruh thí; wuh barí áwáz se yih kahkar chilláyá, 34 Ki Ai Yisú Násarí, hamen tujh se kyá kám tú hamen halák karne áyá hai? main jántá hún, ki tú kaun hai K̄hudá ká quddús. 35 Yisú ne use dhamkáke kahá, Chup rah, aur us men se nikal já. Aur shaitán use bích men paṭakke, be nuqsán pahuncháne ke us se nikal gayá. 36 Aur sab niháyat hairán hue, aur ápas men kahne lage, ki Yih kaisá kalám hai! ki wuh ikhtiyár aur

qudrat se nāpāk rūhon par hukm kartā hai, aur we nikal jāti hain  
37 Aur us pās ke mulk kī har jagah us kī shuhtrat phailī.

38 Phir wuh ibādat-ḳhāne se uṭhkar Simon ke ghar gayā. Simon kī sās ko baṛī tap chaṛhtī thī; aur unhon ne us ke liye us se arz kī. 39 Tab us ne us ke pās kharā hoke, tap ko dhamkāyā; to utar gaī : aur us ne jhaṭ uṭhke un kī ḳhidmat kī.

40 Aur jab sūraj dūbā, we sab, jin ke log tarah tarah kī bīmārion men giriftār the, un ko us pās lāe; us ne un men se har ek par hāth rakhkar unhen changā kiyā. 41 Aur bahuton men se shaitān chil-lākar yih kahke nikal gae, ki Tū Masīh Ḳhudā kā Beṭā hai. Par us ne dhamkākar un ko bolne na diyā : ki unhon ne use jānā, ki wuh Masīh hai. 42 Aur jab din hūā, wuh nikalkar ek warāne men gayā : aur log use ḍhūṇḍhte hūe us pās āe, aur use rokā, ki un ke pās se na jāe. 43 Par us ne unhen kahā, Mujhe zarūr hai, ki aur shahron men bhī Ḳhudā kī bādshāhat kī ḳhushḳhabarī dūn : kyūnki main is liye bhejā gayā hūn. 44 Aur wuh Galīl ke ibādat-ḳhānon men manādī kartā rahā.

## V. BĀB.

1 Aisā hūā, ki jab Ḳhudā kā kalām sunne ko uspar gire paṛte the, wuh Ginīsarit kī jhīl ke kināre kharā thā. 2 Aur us ne jhīl ke kināre do kishtī lagī dekhī : par machhue un par se utarke, apne jāl dhorahe the. 3 Us ne un kishtion men se ek par, jo Simon kī thī, chaṛhke, use darḳhwāst kī, ki kināre se thoṛā haṭā le chalen. Aur wuh baiṭhke, logon ko kishtī par se tālīm dene lagā.

4 Aur jab kalām kar chukā, to Simon se kahā, ki Gahre men le chal, aur tum shikār ke liye apne jāl ḍālo. 5 Simon ne jawāb men use kahā, ki Ai Sāhib, ham ne sārī rāt mihnāt kī, par kuchh na pakarī : magar tere kahne se jāl ḍāltā hūn. 6 Aur jab unhon ne yih kiyā, to machhlion kā baṛā gol gher āyā : aisā ki un kā jāl phaṭh-ne lagā. 7 Tab unhon ne sāthion ko, jo dūsri kishtī par the, ishārā kiyā ki āke madad karen. We āe, aur donon kishtian aisī bhar diān ki ḍūbne lagin. 8 Simon Pathar ne yih dekhkar, Yisū ke pāon par girke kahā, ki Ai Ḳhudā, mere pās se jā; ki main gunahgār hūn.

9 Kyúnki un machhlíon ke háth lagne se Simon, aur us ke sab sáth hairán the : 10 Aur us ke sharík Zabdí ke beṭe Yaqúb aur Yohan bhí hairán the. Tab Yisú ne Simon ko kahá, Mat ḍar ; is dam se ádmíon ká shikár karegá. 11 We kishtíon ko<sup>2</sup>kináre par khench láe, aur sab chhorke us ke píchhe chale.

12 Aur aisá húá, ki wuh ek shahr men thá, aur dekho, ki ek mard ne, je korh se bhará thá, Yisú ko dekhá, aur munh ke bal girke, us kí minnat karke kahá, ki Ai Kḥudáwand, agar tú cháhe, mujhe changá kar saktá hai. 13 Us ne háth barháyá aur yih kahkar use chhúá : Main cháhtá hún, tú changá ho. Aur wohín us ká korh játá rahá. 14 Aur us ne use tákíd kí, ki Kisú se mat kah : balki jákar apne taín káhin ko dikhlá, aur un kí gawáhí ke liye, jaisá Músá ne hukm kiyá hai, apne change hone kí qurbání kar. 15 Lekin us ká ziyáda charchá phailá ; aur bahutse log jama húe, ki us kí sunen, aur us ke háth se apní bímáríon se change hon. 16 Aur wuh jangal men alag jáke, duá mángtá thá.

17 Ek din aisá húá, ki jab wuh tálím de rahe thá, kaí Farúsí aur shariyat sikhlánewále Galíl kí harek bastí aur Yihúdiya aur Yirúshálam se áke baiṭhe the : aur Kḥudáwand kí qúwat changá karne ko maujúd thí. 18 Aur, dekho, ki kaí mard ek shaḥs ko, jise jholá márgayá thá, chárpái par láe : aur cháhte the, ki use andar láke, us ke áge rakhen. 19 Par bhír ke sabab se andar lejáne kí ráh na páí, tab koṭhe par charhgae, aur khaprail káṭke use chárpái samet bích men Yisú ke áge laṭká diyá. 20 Us ne un ká ímán dekhkar, use kahá, ki Ai mard, tere gunáh muáf húe. 21 Tab faqíh aur Farúsí sochne lage, ki Yih kaun hai, jo kufr boltá hai ? Kḥudá ke siwá kaun gunáhon ko muáf kar saktá hai ? 22 Tab Yisú ne un ke kḥiyál daryáft karke, jawáb men un se kahá, ki Tum apne dilon men kyá sochte ho ? 23 Kaun ziyáda ásán hai, yih kahná, ki Tere gunáh muáf howe ; yá yih kahná, ki Uṭh, aur chal ? 24 Lekin táki jánon, ki ádmí ke Beṭe ko zamín par guná muáf karne ká iḥtiyár hai, (us ne us jhole máre húe ko kahá,) Main tujhe kahtá hún, Uṭh, aur apní chárpái lekar apne ghar já. 25 Aur wuh jhaṭ unke áge uṭhá, aur jis par pará thá, use lekar, Kḥudá kí táríf kartá húá apne ghar chalá gayá. 26 Tab un sab ke hosh játe rahe, aur Kḥudá ká táríf karne lage, aur bahut ḍarke bole, Aḯ ham ne bará achambhá dekhá.

27 Aur us ke bád wuh báhar gayá, aur Lewí nám ek mahsúllene-wáale ko chaukí par baiṭhá dekhá: aur use kahá, Mere píchhe á.  
 28 Wuh sab kuchh chhorakar, uṭhke us ke píchhe chalá. 29 Aur Lewí ne apne ghar men us ke baṛí ziyáfat kí: aur waháñ mahsúllene-wáalon aur auron kí, jo us ke sáth kháne baiṭhe the, baṛí bhír thí.  
 30 Tab waháñ ke faqíhon aur Farúsíon ne us ke shágirdon se takrár karke kahá, ki Tum kyúñ mahsúllene-wáalon, aur gunáhgáron ke sáth píto ho? 31 Yisú ne jawáb men unhen kahá, Bhale changon ko hakím darkár nahín; balki bímáron ko. 32 Main rástbázon ko tauba ke liye buláne nahín áyá, balki gunáhgáron ko.

33 Aur unhon ne use kahá, ki Yohan ke shágird kyúñ aksar roza rakhte hain, aur duá mángte hain, aur isí tarah Farúsíon ke bhí; par tere kháte píte hain? 34 Us ne un se kahá, Kyá tum barátíon ko, jab tak dúlhá un ke sáth hai, roza rakhwá sakte ho? 35 Par we din áwenge, ki dúlhá un se judá kiyá jáege; un dinon men we albat-ta roza rakhenge.

36 Aur us ne un se ek masal bhí kahí; ki Koí puráne kapre par nae kapre ká paiwand nahín lagátá; nahín to, nayá us ko bhí phártá hai, aur nae kapre ká paiwand puráne se mel bhí nahín khátá. 37 Aur naí sharáb purání mashkon men koí nahín bhartá; nahín to, naí sharáb mashkon ko pháṛke bah jáegí, aur mashken bhí barbád hongí. 38 Balki naí mashkon men rakhá cháhiye, ki donon bache rahenge. 39 Aur purání píke, koíusí dam naí nahín cháhtá: kyúñki kahtá hai ki Purání bihtar hai.

## VI. BAB.

1 Aur dúsre bare sabb ko yúñ húá, ki jad wuh kheton ke bích se játá thá, us ke shágird bálen toṛkar, háthon se malkar, kháne lage. 2 Tab báze Farúsíon ne unhen kahá, Tum kyúñ wuh karte ho, jo sabb ko karná rawá nahín? 3 Yisú ne unhen jawáb men kahá, Kyá tum ne yih nahín paṛhá, jo Dáúd ne kiyá, jab wuh aur us ke sáthí bhúke the; 4 Wuh kyúñkar Kḥudá ke ghar men gayá, aur nazar kí roṭián, jo káhinon ke siwá dúsre ko khání rawá na thí, lekar kháin, aur pne sáthíon ko bhí dín? 5 Phir us ne unhen kahá, ki ádmí ká Beṭá sabb ká bhí Kḥudáwand hai.



6 Aur दूसरे सब्त को भी यून हुआ, कि वह ibadat-ḡhāne में जाके तालिम देने लगा : aur wahān ek ādmī thā, jis kā dahnā hāth sūkh gayā thā. 7 Tab faqīh o Farūsī us kī tāk में Lage, ki shāyad वह सब्त के दिन चंगा करे, to is par faryād karen. 8 Par us ne un ke ḡhi-yālon ko jānkar, us ādmī se, jis kā hāth sūkhā thā, kahā, ki Uṡh, aur bīch में kharā ho. Wuh uṡh kharā hūā. 9 Tab Yisū ne unhen kahā, Main tum se ek bāt pūchhhtā hūn ; ki sabt के दिन क्या करना rawā hai, bhalā karnā, ki burā ? jān bachānā ki jān mārānā ? 10 Aur un sab kī taraf dekhke us ādmī se kahā, Apnā hāth phailā. Us ne aisā kiyā : aur us kā hāth दूसरे की मानिन्द चंगा होगया. 11 Tab we sab dīwānon kī mānind hoke, āpas में kahne Lage, ki Ham Yisū के साथ क्या karen.

12 Aur un dinon में aisā hūā, ki वह पहार पर दुआ मंगने गया, aur ḡhudā se duā māngne में rāt bitāī. 13 Aur jab दिन हुआ, us ne apne shāgirdon ko bulāke, un में से बाराह को चुना, aur un kā nām rusūl rakhā ; 14 Yāne Simon (jis kā nām Pathar bhī rakhā) aur us के भाई Andriyā, Yaqūb aur Yohan, Filip o Bartolmā, 15 Matī o Tomā Halfā के बेटे, Yaqūb aur Simon jo Zilotis kahlātā thā, 16 Yaqūb के भाई Yihūdā, aur Yihūdā Iskariyātī ko, jo us kā pakarwānewālā hūā.

17 Aur un के साथ उतर के maidān में kharā hūā ; wahān us के shāgirdon kī jamāat thī, aur logon kī baṡī bhī, jo sāre Yihūdiya aur Yirūshālam, aur Sūr o Saidī के samundar के kināre से us pās āe the, ki us kī sunen aur apnī bīmārion से change hon ; 18 Aur we bhī, jo nāpāk rūhon से dukh pāte the, āe, aur change hūe. 19 Aur sab og chāhte the, ki use chhūwen ; kyūnki qūwat us से nikaltī, aur sab ko change kartī thī.

20 Phir us ne apne shāgirdon par nazar karke kahā, ki Mubāarak ho tum, jo garīb ho ! kyūnki ḡhudā kī bādshāhat tumhārī hai. 21 Mubāarak ho tum, jo ab bhūke ho ! kyūnki āsūda hoge. Mubāarak ho tum, jo ab rote ho ! kyūnki hansoge. 22 Mubāarak ho tum, jab ādmī के Bete के liye log tum से kīna rakhen, aur tumhen nikāl den, aur ruswā karen, aur tumhārā nām badī में nikālen ! 23 Us दिन ḡhush raho, aur ḡhushī से uchhalo : is liye ki dekho, āsmān par tumhārā baṡā badlā hai : kyūnki un के bāp dādon ne nabion के साथ aisāhī kiyā.

24 Magar afsos tum par jo daulatmand ho ! kyunki tum apní tasallí páchuke. 25 Afsos tum par, jo ásúda ho ! kyunki bhúke hoge. Afsos tum par, jo ab hanste ho ! kyunki gam karoge, aur rooge. 26 Afsos tum par, jab log tumhen bhalá kahen ! kyunki un ke báp dáde jhúthe nabíon se aisábhí sulúk karte the.

27 Par tumhen, jo sunte ho, main kahtá hún, ki apne dushmanon ko piyár karo ; jo tum se kína rakhen, un ká bhalá karo ; 28 Jo tumhen lánat karen, un ke liye barakat cháho ; jo tumhen satáwen, un ke liye duá mángo. 29 Jo tere ek gál par máre, dúsrá bhí pher de ; aur jo koí terí qabá lewe, kurta lene se bhí mana na kar. 30 Jo koí tujh se kuchh mánge, use de ; jo terá mál le, phir mat máng. 31 Aur jaisá tum cháhte ho, ki log tum se karen, tum bhí un se waisábhí karo. 32 Aur agar tum unhen, jo tumhen piyár karte hain, piyár karo, to tumhárá kyá ihsán hai ? kyunki gunahgár bhí apne piyár karnewálon ko piyár karte hain. 33 Aur agar tum un ká, jo tumhárá bhalá karen, bhalá karo, to tumhárá kyá ihsán hai ? ki gunahgár bhí yih karte hain. 34 Aur agar tum unhen, jin se phir páne kí umed hai, qarz do, to tumhárá kyá ihsán hai ? kyunki gunahgár bhí gunahgáron ko qarz dete hain, táki us ká badlá páwen. 35 Pas apne dushmanon ko piyár karo, aur bhalá karo, aur phir páne kí umed na rakhke qarz do, to tumhárá badlá bará hogá, aur tum K̄hudá tálá ke farzand hoge : kyunki wuh náshukron aur sharíron par bhí mihrbán hai. 36 Pas jaisá tumhárá Báp rahím hai, rahím ho. 37 Aib na lagáo, to tum par bhí aib lagáyá na jáegá : aur gunáh sábit na karo, to tumhárá bhí gunáh sábit kiye na jáenge : baḡsho, ki tum bhí baḡshe jáoge. 38 Do, ki tumhen bhí diyá jáegá ; achchhá napwá, dáb dáb, aur hilá hiláke, munhámunh girtá húa bharke tumháří god men denge. Kyunki jis paimáne se tum nápte ho, usí se tumháre liye bhí ná pá jáegá.

39 Phir us ne un se ek masal kahí, ki Andhá andhe ko ráh dikhá saktá hai ? kyá we donon garhe men na girenge ? 40 Shágird apne ustád se bará nahín : balki jab taiyár húa apne ustád sá hogá. 41 Aur us tinke ko, jo tere bhái kí ánkھ men hai, kyúñ dekhtá hai, par us kánṭe par, jo terí ánkھ men hai, nahín k̄hiyál kartá ? 42 Yá tú kyúñkar apne bhái ko kah saktá, ki Ai bhái, rah, yih tinká, jo terí

ánkh men hai, nikál dún, par us kánṭe ko, jo terí ánkḥ men hai, nahín dekhtá? Ai makkár! pahle us kánṭe ko apní ánkḥ men se nikál, tab tú us tinke ko, jo tere bháí kí ánkḥ men hai, achchhí tarah nikál sakegá. 43 Kyúnki achchhe daraḡht men burá phal nahín lagtá; aur na bure daraḡht men achchhá phal lagtá. 44 Pas harek daraḡht apne phal se pahcháná játá hai: is liye ki log kánṭon se anjír nahín torṭe, aur na bhaṭaktiyá se angúr. 45 Achchhá ádmí apne dil ke achchhe ḡhazáne se achchhí chízeṅ nikáltá hai: aur burá ádmí apne dil ke bure ḡhazáne se burí chízeṅ báhar látá: kyúnki jo dil men bhalá hai, so hí munḥ par átá hai.

46 Aur tum kyún mujhe Ḳhudáwand Ḳhudáwand kahte ho, aur jo main kahtá hún, nahín karte? 47 Jo koí mere pás átá hai, aur merí báten sunkar, un par amal kartá hai, main tumhen batátá hún, ki wuh kis kí mánind hai: 48 Wuh us shaḡhs kí mánind hai, jis ne ghar banáte húe garhá khodke pathar par neo ḡálí: jab bárḥ áí, to dhár us ghar par zor se girí, par use hilá na sakí: kyúnki us kí neo pathar par thí. 49 Aur wuh, jo sunkar amal men nahín látá, us shaḡhs kí mánind hai, jis ne zamín par beneo ghar banáyá; aur dhár us par zor se girí, aur jhaṭ gir paṛá; us ghar kí baṛí ḡharábí húi.

## VII. BĀB.

1 Aur jab wuh logon ko apní sárí báten suná chuká, to Kaparná-hum men áyá. 2 Aur ek hawáldár ká gulám, jo us ká bahut piyará thá, bímárí se marne par thá. 3 Us ne Yisú kí ḡhabar sunke, Yihú-díon ke koí ek buzurgon ko us pás bhejkar, us kí minnat kí, ki ákar us ke gulám ko changá kare. 4 Aur unhon ne Yisú ke pás áḡe, us kí baṛí minnat karke kahá, ḡi Wuh is láiq hai, ḡi tú us par yih ihsán kare: 5 Kyúnki wuh hamárí qaum ko piyár kartá hai, aur hamáre liye ek ibádat-ḡhána banáyá hai. 6 Tab Yisú un ke sáth chalá. Aur jab wuh us ke ghar se dúr na thá, hawáldár ne doston se ás pás kahlá bhejá, ki Ḳhudáwand, taklíf na kar: kyúnki main is láiq nahín, ki tú merí chhat tale áwe. 7 Isí sabab main ne apne taín bhí is láiq na jáná, ki tere pás áún: sirf kah de, to merá chhokrá changá hogá. 8 Kyúnki main bhí dúsre ke iḡhtiyár men hún, aur sipáḡí mere

hukm men haiñ : jab ek ko kahtá hún, Já, wuh játá hai ; aur dúsre ko, *N*, wuh átá hai ; aur apne gulám ko, ki Yih kar, wuh kartá hai. 9 Yisú ne yih sunkar, tájjub kiyá, aur phirke un logon se, jo us ke píchhe áte the, kahá, Main tum se kahtá hún, ki aisá bará ímán Isráel men bhí na páyá. 10 Aur jad we, jo bheje gae the, ghar men phir áe, to us bímár gulám ko changá páyá:

11. Aur dúsre din aisá húa, ki wuh Náin nám shahr ko rawána húa ; aur us ke bahutse shágird aur barí bhí us ke sáth the. 12 Jab wuh us shahr ke phiáak ke nazdik pahunchá, to dekho, ki ek murde ko báhar lejáte the, jo apní má ká, ki bewa thí, iklautá thá : aur shahr ke bahutse log us ke sáth the. 13 Aur us ko dekhke, *K*hudáwand ko us par rahm áyá, aur use kahá, Mat ro. 14 Aur pás áke, tábút ko chhúa : aur uṭhánewále ṭhahar gae. Tab us ne kahá, Ai jawán, main tujh se kahtá hún, Uṭh. 15 Aur wuh murda uṭh baiṭhá, aur bolne lagá. Aur us ne use us kímán ko sompá. 16 Aur sab dar gae : aur *K*hudá kí táríf karke bole, ki Bará nabí ham men uṭhá ; aur *K*hudá ne apne logon par nazar kí. 17 Aur us kí yih bát sáre Yihúdiya, aur tamám áspás ke mulk men phailí.

18 Aur Yohan ke shágirdon ne use in sab báton kí khabar dí. 19 Aur Yohan ne apne shágirdon men se do ko bulákar, Yisú ke pás kahlá bhejá, ki Kyá jo ánewálá thá, tú hí hai ? yá ham dúsre kí ráh taken ? 20 Un mardon ne us pás jáke kahá, ki Yohan bápísmádenewále ne ham se tere pás kahlá bhejá, ki Wuh, jo ánewálá thá, tú hí hai ? yá ham dúsre kí ráh taken ? 21 Us ne usí gharí bahuton ko bímárfon, aur baláon, aur bad rúhon se changá kiyá ; aur bahut se andhon ko ánkhi dí. 22 Aur Yisú ne jawáb men un se kahá, ki Jáke, jo tum ne dekhá, aur suná, Yohan se kaho : ki andhe dekhte haiñ, langre chalte haiñ, koṭhí change hote haiñ, bahre sunte haiñ, murde jiláe játe haiñ, garíbon ko kṭhushkhabarí sunárfátí hai. 23 Aur *m*ubá-rak wuh hai, jo mujh se ṭhokar nakháe.

24 Jab we, jinhen Yohan ne bhejá thá, gae, tab Yisú Yohan kí bábat logon se kahne lagá, ki Tum jangal men kyá dekhne gae ? Kyá ek sarkandá, jo hawá se hiltá hai ? 25 Phir tum kyá dekhne gae ? Kyá ek mard, jo muláim kapre pahne hai ? Dekho, we, jo umda poshák pahinte, aur aish men guzarte, bádsháhon ke mahall men haiñ.

26 Phir tum kyá dekhne gae ? kyá ek nabí ? Main tum se kahtá hún, balki nabí se bará. 27 Yih wahí hai, jis kí bábat likhá hai, ki Dekh main apne rusúl ko tere áge bhejtá hún, jo terí ráh ko tere áge durust karegá. 28 Kyúнки main tum se kahtá hún, ki Un men se, jo auraton se paidá húe, Yohan bápísmádenewále se koí nabí bará nahín : lekin jo K̄hudá kí bádsháhat men chhoṭá hai, us se bará hai. 29 Aur sab logon ne, jo sune, aur mahsúllenenewálon ne K̄hudá ko sach mánke, Yohan se bápísmá liyá. 30 Par Farúsíon, aur shariyat-sikh-lánewálon ne apní nisbat K̄hudá ke iráde ko náchíz jánke, us se bápísmá na liyá.

31 Aur K̄hudáwand ne bolá, Pas is zamáne ke logon ko kis se nisbat dún, aur kis kí mánind kahún ? 32 We un larcon kí mánind hain, jo bázár men baiṭhke, दूसरे ko pukárkar kahte, ki Ham ne tumháre liye bánslí bajáí, aur tum na náche ; aur ham ne tumháre liye mátam kiyá, par tum na roe. 33 Kyúнки Yohan bápísmá-denewálá áyá, jo na roṭí khátá, aur na sharáb pítá thá ; aur tum kahte ho, Us par shai-tán hai. 34 Admí ká Beṭá áyá, jo khátá pítá hai ; aur tum kahte ho, ki Dekho, ek bará kháú aur sharábí, aur mahsúllenenewálon aur gunah-gáron ká dost ! 35 Par hikmat apne sab larcon se sach ṭhaharí.

36 Phir ek Farúsí ne us se arz kí, ki Mere sáth khá. Aur wuh Farúsí ke ghar jáke, kháne baiṭhá. 37 Aur dekho, us shahr men ek aurat ne, jo gunahgár thí, jab jáná ki wuh Farúsí ke ghar kháne baiṭhá hai, sang i marmar ke atrdán men atr láí, 38 Aur us ke páon ke píchhe kharí hoke, ro roke, ánsú se us ke páon dhone lag aur apne sir ke bálon se ponchhke, us ke páon ko chúmá, atr malá. 39 Aur usí Farúsí ne, jis ne us kí ziyáfat kí thí, yih dekhkar dil men kahá, ki Yih agar nabí hotá, to jántá, ki yih randí, jo use chhúti hai, kaun hai, aur kaisí hai : kyúнки gunahgár hai. 40 Yisú ne use jawáb men kahá, ki Ai Simon, main tujh se kuchh kahá cháhtá hún. Us ne kahá, Ai Ustád kah. 41 Ek shakhs ke do qarzdár the : ek pánsau dínár ká, दूसrá pachás ká. 42 Par jab un ko adá karne ká maqdúr na thá, donon ko baṭhsh diyá. So kah, kaun un men se us ko ziyáda piyár karegá ? 43 Simon ne jawáb men kahá, Merí dánist men wuh, jise us ne ziyáda baṭhshá. Tab us ne use kahá, Tú ne ṭhík kahá. 44 Aur us aurat kí taraf mutawajjih hoke, Simon se kahá, Tú is aurat ko

dekhtá hai? Main tere ghar áyá, tú ne mujhe páon dhone ko pání na diyá : par is ne mere páon ánsúon se dhoe, aur apne sir ke bálon se ponchhá. 45 Tú ne mujh ko na chúmá : par is ne, jab se main áyá, mere páon chúmná na chhorá. 46 Tú ne mere sir par tel na malá : par is ne mere páon par atr malá. 47 Is liye main kahtá hún, ki Us ke gunáh, jo bahut hain, muáf húe ; kyúнки us ne bahut piyár kiyá : par jis ke thore muáf húe, wuh thora piyár kartá. 48 Aur us aurat se kahá, Tere gunáh muáf húe. 49 Tad we, jo us ke sáth kháne baithe the, dil men kahne lage, ki Yih kaun hai, jo gunáh bhí muáf kartá hai? 50 Par us ne aurat ko kahá, Tere ímán ne tujhe bachá-yá ; salámat chalíjá.

### VIII. BĀB.

1 Aur us ke bád yún húa, ki wuh shahr shahr aur gánw gánw jáke, manádí kartá, aur K̄hudá kí bádsháhat kí khushkhabarí detá thá : aur we bárah us ke sáth the, 2 Aur kitní auraten thín, jo bad rúhon aur bímáron se changí húin thín, Mariyam, jo Magdalení kahlátí thí, jis se sát deo nikal gae the. 3 Aur Yuhanná Hirod ke díwán Khozá kí jorú, aur Susaná, aur bahuterí aur, jo apne mál se us kí khidmat kartí thín.

4 Aur jab barí bhír húi, aur har shahr ke log us ke pás áte the, us ne tamsíl men kahá : 5 Ki ek kisán bíj bone gayá : aur bote waqt kuchh ráh ke kináre girá ; aur raund gayá, aur chiríon ne use chug liyá. 6 Aur kuchh pathar par girá ; aur ugke súkh gayá, kyúнки use tarí na pahúnc hí. 7 Aur kuchh kánṭon men girá ; kánṭonne sáth barhke, use dabá liyá. 8 Aur kuchh achchhí zamín men girá, aur ugke sauguná phalá. Yih kahke, us ne pukará, ki Jise sunne ká kán ho, sune. 9 Us ke shágirdon ne use púchhá, ki Yih tamsíl kyá hai? 10 Us ne kahá, ki K̄hudáwand kí bádsháhat ká bhed samajhná, tumhen diyá gayá hai : par auron ko tamsíl men ; ki dekhte húe na dekhen, aur sunte húe na samjhen. 11 Tamsíl yih hai : ki bíj K̄hudá ká kalám hai. 12 Jo ráh ke kináre hain, we hain ki sunte hain ; tab shaitán áke, is kalám ko un ke dil se nikál lejátá hai, ki aisá na ho, ki ímán láke, naját páwen. 13 Aur pathar pár ke we hain, ki jab

kalám ko sunte haiñ, to k̄hushí se qabúl karte haiñ, lekin jaṛ nahíñ rakhte; kuchh din ímá nláke, ázmáish ke waqt phir játe. 14 Aur jo kánton men gire, we haiñ, ki sunte, aur jáke fikr, aur daulat, aur zindagání kí aish men dab játe, aur phal ke pakne kí naubat nahíñ pahunchtí. 15 Par jo achchhí zamín par gire we haiñ, jo achchhe aur nek dil se kalám ko sunke, yád rakhte, aur sabr karke phalte.

16 Koí chirág jaláke, bartan se nahíñ chhipátá, na palang tale rakhtá; balki chirágdán par rakhtá hai, táki andar ánewále unjálá dekhen. 17 Kyúñki kuchh poshída nahíñ, jo záhír na hogá; aur na koí chhipá, jo málúm na hogá, aur khul na jáegá. 18 Pas dekho; ki tum kis tarah sunte ho: kyúñki jo rakhtá hai, use diyá jáegá; aur jo nahíñ rakhtá, us se jo apní dánist men rakhtá hai, liyá jáegá.

19 Tab us kí máñ aur us ke bháí us pás áe, aur bhíṛ ke sabab us ke pás na já sake. 20 Aur use k̄habar húi, ki Terí má, aur tere bháí báhar khare, tujhe dekhá cháte haiñ. 21 Us ne jawáb men unhen kahá, ki Merí má, aur mere bháí we haiñ, k̄ K̄hudá ká kalám sunen, aur us par amal karte haiñ.

22 Aur ek din aisá húá, ki wuh aur us ke shágird náo par charhe: aur us ne un se kahá, Aṛo jhíl ke pár chaleñ. Tab we lechale. 23 Par jab náo chalí játí thí, wuh sogayá: aur jhíl par baṛí ándhí áí; aur náo pání se bharne lagí, aur we k̄hatre men pare. 24 Tab we ás pás áe, aur use jagáke kahá, ki Sáhib, ai sáhib, hammare. Tab us ne uṭhke, hawá aur pání kí lahron ko dhamkáyá: to tham gaíñ, aur chain húá. 25 Aur un se kahá, Tumhárá ímán kaháñ hai? We dar gae, aur tájjub karke ápas men kahnege, ki Yih kaun hai! kí hawá aur pání par hukm kartá hai, aur we us kí mánte haiñ.

26 Aur we Gadaríon ke mulk men, jo us par Galíl ke sámhne hai pahunche. 27 Aur jab wuh kináre par utará, to us shahr ká ek mard, jis par muddat se shaitán the, aur na kapre pahintá, aur na ghar men, balki qabristán men rahtá thá, use milá. 28 Jab us ne Yisú ko dekhá, chilláke us ke páon par girá, aur áwáz se kahá, ki Ai Yisú, K̄hudá tálá ke Beṛe, mujh ko tujh se kyá kám? terí minnat kartá hún, ki mujhe dukh na de. 29 (Isliye ki us nápák rúh se hukm kiyá thá, ki Is ádmí se nikal já. Kyúñki aksar use pakartí thí, aur harchand use zanjíron aur beṛíon se jakarke k̄habardáṛí karte the,

par wuh zanjiron ko tortá thá, aur shaitán use jangal men daur átá thá.) 30 Tab Yisú ne use púchhá, ki terá kyá nám hai? Wuh bolá, Legion : kyúnci bahut shaitán us par the. 31 Unhon ne us kí minnat kí, Hamen gahre men jáne ká hukm na kar.

32 Wahán súaron ká bará gol pahár par chartá thá : unhon ne us kí minnat kí, ki hamen un men jáne de. Us ne jáne diyá. 33 Aur shaitán us ádmí se nikalke, súaron par charhe : aur gol karáre par se jhíl men kúdkar dúb gayá. 34 Charáncwále us hál ko dekhke, bháge, aur jáke shahr aur gánw men khabar dí. 35 Tab we us hál dekhne nikle ; aur Yisú ke pás áe, aur us ádmí ko, jis se deo nikal gae the, kapre pahne, aur hoshyár Yisú ke páon ke pás baiṭhá páyá : aur dar gae. 36 Tab dekhnewálon ne un ko khabar dí, ki wuh díwána kis tarah changá húá. 37 Aur Gadarion ke ás pás ke mulk ke sab logon ne use darkhwást kí, ki hamáre pás se chalá já ; kyúnci unhen bará dar paiṭh gayá thá : aur wuh náo charhke phirá. 38 Aur us mard ne, jis par se shaitán utar gae the, us kí minnat kí, ki mujhe apne sáth rahne de : par Yisú ne use ruḥsat karke, kahá, 39 Ki Apne ghar ko phir, aur jo kuchh Kḥudá ne tere sáth kiyá hai, bayán kar. Wuh gayá, aur jo kuchh Yisú ne us ke sáth kiyá thá, tamám shahr men sunáyá.

40 Aur aisá húá, ki jab Yisú phirá, logon ne use áge se liyá : kyúnci us kí ráh takte the. 41 Aur dekho, ki Yáir nám ek shaḥs, jo ibá datkháne ká sardár thá : aur Yisú ke qadamon par girke, us kí minnat kí, ki mere ghar chal : 42 Kyúnci us kí iklautí beṭí, jo bárah barasek kí thí, marne par thí. Aur jab wuh jáne lagá, log us par gire parte the.

43 Aur ek aurat ne, jis ko bárah baras se lahú járí thá, aur apná sára mál hakímon par kḥarch kiyá, par kisú se changí na ho saktí, 44 Us ke píchhe áke, us kí poshák ká dáman chhúá ; aur usí dam us ká lahú bahná band ho gayá. 45 Tab Yisú ne kahá, Kis ne mujhe chhúá ? Jab sab inkár karne lage, Pathar aur us ke sáthion ne kahá, ki Ai Sáhib, log tujh par gire parte hain, aur dabáe lete, aur tú kahrtá hai, ki Kis ne mujhe chhúá ? 46 Magar Yisú ne kahá, ki Kisú ne mujhe chhúá : kyúnci main jántá hún, ki qúwat mujh men se niklí. 47 Jab us aurat ne dekhá, ki chhiptí nahín, kámptí húí áí, aur us ke



páon par girke, sab logon ke sámhne use bayán kiyá, ki kis liye chhúá, aur kis tarah se usí dam changí hogaí. 48 Tab us ne use kahá, ki Ai beṭí, k̄hátir jama rakh : ki tere ímán ne tujhe bacháiyá ; salámat chalí já.

49 Aur wuh yih kah rahá thá, ki ibádatk̄háne ke sardár ke ghar se ek ne ákar, use kaká, ki Terí beṭí margai ; Ustád ko taklíf na de. 50 Yisú ne sunke, jawáb men use kahá, ki Mat dar ; sirf ímán lá, wuh bach jáegí. 51 Aur jab wuh us ke ghar áyá, to Pathar aur Yaqúb aur Yohan, aur us larí kí má báp ke siwá kisí ko andar jáne na diyá. 52 Aur sab us ke liye rote píṭe the : par us ne kahá, Mat ro ; wuh mar nahín gai, balki sotí hai. 53 We us par hanse, kyúnti jánte the, ki margai hai. 54 Magar us ne sab ko nikálke, us ká háth pakaṛá, aur pukárke kahá, ki Ai larí uṭh. 55 Aur us kí rúh phir áí, aur wuh usí dam uṭhí : aur Yisú ne hukm kiyá, ki use kháne ko do. 56 Tab us ke mán báp hairán hue : par us ne unhen farmáiyá, ki Yih jo húá, kisí se na kaho.

### IX. BAB.

1 Us ne apne bárah shágirdon ko ekathá karke, unhen sab shaitánon aur bímáron se changá karne par qudrat o ikhtiyár baq̄shhá. 2 Aur unhen bhejá, ki K̄hudá kí bádsháhat kí manadí karen, aur bímáron ko changá karen. 3 Aur un se kahá, ki ráh ke liye kuchh na lo, na chharíán, na jholí, na roṭí, na rupae ; na ádmí píchhe do kurte. 4 Aur jab kisí ghar men dákhil ho, wahín raho, aur wahín se rawána ho. 5 Aur jo log tumhen qabúl na karen, to us shahr se báhar jáke apne páon kí k̄hák un par gawáhi ke liye jháro. 6 We rawána hoke, bastí men guzarte, aur har jagah k̄hushk̄habarí sunáte, aur changá karte the.

7 Aur chauthái ke hákim Hirod ne, jo kuchh Yisú ne kiyá thá, suná : aur ghabráiyá, isliye ki báze kahte the, ki Yohan murdon men uṭhá hai ; 8 Aur báze, ki Iliyá záhir húá hai ; aur dúsre, ki ek agle nabíon men se uṭhá hai. 9 Par Hirod ne kahá, ki Main ne Yohan ká sir kátá : magar yih, jis kí bábat aisí báten suntá hún, kaun hai ? Aur cháhá ki use dekhe.

10 Aur rasúlon ne phirke, jo kuchh kiyá thá, us se bayán kiyá. Aur wuh un ko leke alag Baitsaidá námí shahr ke ek wairáne men gayá. 11 Aur log jánke, us ke píchhe chale : wuh un se K̄hudá kí bádsháhat kí báten karne lagá, aur jo change hone ke muhtáj the, unhen changá kiyá.

12 Aur jab din ákhir hone lagá, un bárahon ne áke, use kahá, ki Logon ko rukhsat de, ki ás pás kí bastíon aur gánon men jáke tiken, aur kháne kí tadbír karen : kyúнки ham yahán wairáne men hain. 13 Us ne un se kahá, ki Tumhí un ko khána do. Unhon ne kahá, ki Hamáre pás siwá pánch roṭí aur do machhlí ke kuchh nahín hai ; magar hán, jáke in sab logon ke liye khána mol len. 14 Kyúнки we pánch hazár mard ke qaríb the. Tab us ne apne shágirdon se kahá, ki Un ko pachás pachás kí bánt karke biṭháo. 15 Unhon ne usí tarah kiyá, aur sab ko biṭháyá. 16 Tab us ne un pánch roṭíon aur machhlíon ko leke ásmán kí taraf dekhke, un ko barakat dí, aur torke apne shágirdon ko diyá, ki logon ke áge rakhen. 17 Aur unhon ne kháyá, aur sab ásúda húe : aur un ṭukron kí, jo un se bachrahe, bárah ṭokríán uṭháin.

18 Aur yún húa, ki jab wuh nirále men duá mángtá thá, shágird us ke sáth the : us ne un se púchhá, ki Log mujh ko kyá kahte hain, ki main kaun hún? 19 Unhon ne jawáb men kahá, ki Yohan báp-tis-mádenewálá, aur báze Iliyá ; aur dúsre, ki ek agle nabíon se phir uṭhá hai. 20 Tab us ne un se kahá, Tum kyá kahte ho, main kaun hún? Pathar ne jawáb men kahá, ki K̄hudá ká Masíh. 21 Us ne un se tákíd kí, aur farmáyá, ki us ko kisú se na kahío ; 22 Aur kahá, ki Zarúr hai, ki ádmí ká Beṭá bahut dukh sahe, aur buzurgon aur sardár káhinon aur faqíhon se radd kiyá fáe, aur mára jáe, aur tísre din jí uṭhe.

23 Aur us ne sab se kahá, ki Agar koí cháhe, ki mere píchhe áwe, to apná inkár kare, aur apní salíb nit uṭháke, merí pairawí kare. 24 Is liye jo koí cháhe, ki apní ján bacháwe, use khoegá : par jo koí mere liye apní ján khoegá, wahí use bacháwegá. 25 Kyúнки ádmí ko kyá fáida, agar tamám dunyá hásil kare, par apní ján kho de, yá barbád howe? 26 Kyúнки jo mujh se aur merí báton se sharmáegá, ádmí ká Beṭá bhí jab apne aur apne Báp, aur pák firishton ke jalál

ke sáth áwegá, us se sharmáegá. 27 Aur main tum se sach kahtá hún, ki báze un men se yahán khare hain, jo na marengé, jab tak K̄hudá kí bádsháhat na dekhen.

28 Aur in báton ke, roz áthek bád aisá húá, ki wuh Pathar, aur Yohan, aur Yaqúb ko leke, ek pahar par duá mángne gayá. 29 Aur duá mángte húe aisá húá, ki us ke munh ká rúp badal gayá, aur us kí poshák sufed barráq hogai. 30 Aur dekho, do mard Músá aur Iliyá : 31 Jalál men dikhái deke, us se báten karte, aur us ke marne ká, jo Yirúshálam men púra hone par thá, zikr karte the. 32 Aur Pathar aur us ke sáthí nínd se bhare the : jab jáge, to us ke jalál ko, aur un do mardon ko, jo us ke sáth khare the, dekhá. 33 Aur aisá húá, jad we us se judá hone lage, Pathar ne Yisú se kahá, ki Ai Sáhíb, hamará yahán rahná achchhá hai : tén ñerá banáwen ; ek tere, aur ek Músá, aur ek Iliyá ke liye : aur nahín jántá thá, ki kyá kahtá hai. 34 Wuh yih kahtáhi thá ki bádál áyá, aur un par sáya kiyá : aur un ke bádál men jáne se, we ñar gaye. 35 Aur bádál se ek áwáz niklí, ki Yih merá piyará Beṭá hai, us kí suno. 36 Aur áwáz áte hí, Yisú ko akelá páyá. Aur we chup rahe, aur unhon ne, jo kuchh dekhá thá, un dinon men kisú se na kahá.

37 Aur aisá húá, ki jab we dúsre din pahar se utare, ek barí jamáat use á milí. 38 Aur dekho, ki ek mard ne jamáat men se chil-láke kahá, ki Ai Ustád, main terí minnat kartá hún, ki mere beṭe par nazar karo : ki wuh merá iklautá hai. 39 Aur dekh, ek rúh use pakartí thí, aur ekbárgí chillátá hai ; aur us ko aisá ainṭhtí, ki kaf bharlátá hai, aur us ko píske us par se mushkil se utartí hai. 40 Aur main ne tere shágirdon kí minnat kí, ki use nikalen ; lekin we na sake. 41 Tab Yisú ne jawáb men kahá, ki Ai beímán o terhí qaum, main kab tak tumháre sáth rahúngá, aur tumhári bardásht karúngá ? Apne beṭe ko lá. 42 Jab wuh átá thá, shaitán ne use paṭakke ainṭhá, par Yisú ne us nápak rúh ko dhamkáyá, aur larke ko changá kiyá, aur us ko us ke má báp ka sompá. 43 Aur sab K̄hudá kí buzurgí dekhke, hairán húe. Jab sab un chízon ke sabab, jo Yisú ne kiyá, tájjub karte the, us ne apne shágirdon se kahá, 44 Ki tum in báton ko apne kán men rakho ; kyúнки admí ká Beṭá logon ke háth men sompá jáegá. 45 Par we is bát ko na samjhe, aur un se chhipí rahí

aisí ki samájh men na áí : aur is bát ke púchhne men use darte the.

46 Phir un ko yih k̄hiyál áyá, ki ham men sab se bará kaun hai.

47 Yisú ne un ke dilon ká k̄hiyál jánke, ek larke ko liyá, aur apne pás khará kiyá, 48 Aur un se kahá, ki Jo is larke ko mere nám par qabúl kare, mujhe qabúl kartá hai : aur jo mujhe qabúl kare, us ko, jis ne mujhe bhejá, qabúl kartá hai : kyúнки jo tum men sab se chhotá hai, wahí bará hai.

49 Yohan ne jawáb men kahá, Ai sáhib, ham ne ek shaḡhs ko tere nám se shaitán nikálte dekhá ; aur us ko mana kiyá, kyúнки wuh hamáre sáth terí pairawí nahín kartá. 50 Yisú ne use kahá, ki Mana na karo, kyúнки jo hamáre barḡhiláf nahín, hamáří taraf hai.

51 Aur aisá húá, ki jab us ke uṡh jáne ke din nazdík áe, mazbút iráda kiyá, ki Yirúshálam jáe, 52 Aur apne áge rusúl bheje ; we jáke Samariya kí ek bastí men dáḡhil húe, ki us ke liye tayáří karen. 53 Lekin unhon ne us ko qabúl na kiyá, kyúнки wuh Yirúshálam jáne ko thá. 54 Us ke shágird Yaqúb aur Yohan ne yih dekhke kahá, ki Ai Ḳhudáwand, kyá tú cháhtá hai ki jaisá Iliyá ne kiyá, ham hukm karen, ki ásmán se ág barse aur unhen jaláwe ? 55 Tab us ne phirke unhen dhamkáyá aur kahá, Tum nahín jánte, ki tum men kaisí rúh hai. 56 Kyúнки ádmí ká Beṡá logon kí ján barbád karne nahín, balki bacháne áyá. To we dúsrí bastí ko chale.

57 Aur aisá húá, ki jad we ráh men chale játe the, kisú ne use kahá, Ai Ḳhudáwand, jahán tú játá hai, main tere píchhe chalúngá. 58 Yisú ne use kahá, ki Lomrion ke liye mánden hain, aur chirion ke liye basere ; par ádmí ke Beṡe ko itní jagah nahín, ki apná sir rakhe. 59 Phir us ne dúsre se kahá, Mere píchhe chal. Us ne kahá, Ai Ḳhudáwand, mujhe ruḡhsat de, ki pahle jáke apne báp ko gáru. 60 Yisú ne use kahá, Jáne de, ki murde apne murdon ko gáren : par tú jáke, Ḳhudá kí bádsháhat kí k̄habar de. 61 Dúsre ne bhí kahá, ki Ai Ḳhudáwand, main tere píchhe chalúngá ; lekin pahle mujhe jáne de, ki apne ghar ke logon se ruḡhsat ho áún. 62 Yisú ne use kahá, ki Jo apná háth hal par rakhke píchhe dekhtá hai, wuh Ḳhudá kí bádsháhat ke láiq nahín.

## X. B.AB.

1 Us ke bád K̄hudáwand ne sattar aur muqarrar kie, aur apne sámh-  
ne har shahr aur har jagah men, jahán ap jáyá cháhtá thá, do do bheje.  
2 Aur un se kahá, ki Pakká khet bahut hai, par mazdúr thore : is liye  
khet ke málik kí minnat karo, ki mazdúr apne khet men bheje. 3 Jáo :  
dekho, main tumhen bheron kí mánind bherion men bhejtá hún. 4  
Na batná le jáo, na jholí, no júti : aur ráh men kisé ko salám na kíjiyo.  
5 Aur jis ghar men dákhil hoo, pahle kaho, ki Is ghar ko salám. 6  
Agar salámatí ká beṭá wahán hogá, tumhárá salám us par ṭhahregá :  
nahín to tumhári taraf phir áwegá. 7 Aur usí ghar men raho ; jo  
kuchh un ke pás ho, kháo pío kyúinki mazdúri mazdúr ká haqq hai.  
Ghar ghar na phiro. 8 Aur jis shahr men dákhil ho, aur we tumhen  
qabúl karen, jo kuchh tumháre sámhne rakhá jáe, kháo : 9 Wahán  
ke bímáron ko changá karo, aur un se kaho, ki K̄hudá kí bádsháhat  
tumháre nazdík áí. 10 Aur jis shahr men ki dákhil ho, aur we tum-  
hen qabúl na karen, wahán kí sarakon par jáke kaho, 11 Ki is gard  
tak, jo tumháre shahr se ham par parí, jhár dete hain : magar yih já-  
no, ki K̄hudá kí bádsháhat tumháre nazdík áí hai. 12 Main tum se  
kahtá hún, ki Us din Sodom par is shahr se ziyáda ásání hogí. 13  
Hái Korazín, tujh par afsos ! hái Baitsaidá, tujh par afsos ! kyúinki  
yih karámaten, jo tum par dikhái gaín, agar Súr o Saidá men dikhái  
játín, to unhon ne ṭaṭ urhke aur khák men baiṭhke kab ká tauba kiyá  
hotá. 14 Magar Súr o Saidá ke liye, adálat ke din tum se ásání hogí.  
15 Aur Ai Kaparnáhum, tú jo ásmán tak pahuncháyá gayá hai, do-  
zakḥ men giráyá jáegá. 16 Jo tumhári suntá, merí suntá hai ; aur jo  
tumhen náchíz jántá hai, mujhe náchíz jántá hai ; aur jo mujhe ná-  
chíz jántá hai, use, jis ne mujh ko bhejá hai, náchíz jántá hai.

17 We sattar khushí se phir áke kahne lage, Ai K̄hudáwand, tere  
nám se shaitán bhí hamára hukm mánte hain. 18 Tab us ne un se  
kahá, Main ne Shaitán ko bijlí kí mánind ásmán se girte dekhá. 19  
Dekho, main tum ko sámp aur bichchhú ke raundne par, aur dushman  
kí sári qudrat par ikhtiyár detá hún : aur koí kisé taráh tumhen nuq-  
sán pahuncháwegá. 20 Magar isí par khush na ho, ki rúhen tumháre  
hukm men hain ; balki is liye khushí karo, ki tumháre nám ásmán

par likhe hai. 21 Un waqt Yisú ne jí men̄ khush hoke kahá, Ai Báp, ásmán aur zamín ke K̄hudáwand, main̄ terí tárif kartá hún, ki tú ne chízon ko dánáon aur aqlmandon se chhipáyá, par bachon par zahir kiyá : hán ai Báp ; ki yúnhi tujhe pasand áyá. 22 Aur mere Báp ne sab kuchh mujhe sompá hai : aur koí nahín jántá, ki Betá kaun hai, magar Báp ; aur Báp kaun hai, magar Betá, aur wuh, jis par Betá zahir kiyá cháhe. 23 Aur shágirdon kí taraf mutawajjih hoke, un se nirále men̄ kahá, Mubáarak we ánkhen, jo ye chízen dekhtí, ki tum dekhte ho : 24 Kyúнки main̄ tum se kahtá hún, ki bahutse nabíon aur bádsháhon ne cháhá, ki jo tum dekhte ho, dekhén, par na dekhá ; aur jo kuchh sunte ho, sunén, par na suná.

25 Aur dekho ek shariyat-sikhlánewálá uṭhá, aur yih kahke us kí ázmáish kí, ki Ai Ustád, main̄ kyá karún, ki hamesha kí zindagí ká wáris hún ? 26 Us ne use kahá, ki shariyat men̄ kyá likhá hai ? tú kis tarah parhtá hai ? 27 Us ne jawáb men̄ kahá, Tú K̄hudáwandko, jo terá K̄hudá hai, apne sáre dil, aur apní sárí ján, aur apne sáre zor, aur apní sárí samajh se piyár kar ; aur jaisá ap ko, waisá hí apne parosí ko. 28 Us ne use kahá, Tú ne thík jawáb diyá : yihí kar, to jégá. 29 Par us ne yih cháhke, ki apne taín rástbáz thahráwe, Yisú se kahá, ki Merá parosí kaun hai ?

30 Yisú ne jawáb men̄ kahá, ki Ek shaḡhs Yirúshálam se Yiriho ko játá thá, aur dákúon men̄ já pará ; we use nangá aur gháyal karke ádhmúá chhoṛ gae. 31 Ittifáqan ek káhin us ráh se já niklá : aur us ko dekhke kináre se chalá gayá. 32 Isí tarah ek Lewí bhí us jagah áke, use dekhkar kináre se chalá gayá. 33 Par ek musáfir Sámari wahán áyá : aur us ko dekhke rahm kiyá, 34 Aur us ke pás áke, us ke zaḡhmon ko tel aur sharáb dálke bándhá, aur apne jánwar par dálke sará men̄ legayá, aur us kí khabardáří kí. 35 Aur dúsre din jab jáne lagá, do dínár nikálkar bhaṭhiyáre ko diyá, aur kahá, ki Is kí khabardáří kar ; aur jo kuchh is se ziyáda kharch hogá, main̄ phir áke tujhe dúngá. 36 Ab in tínon men̄ se, us ká, jo dá kúon men̄ já pará thá, tú kis ko parosí jántá hai ? 37 Us ne kahá, Us ko, jis ne us par rahm kiyá. Tab Yisú ne use kahá, Já, tú bhí aisá hí kar.

38 Aur aisá húá, ki jab játe the, wuh ek bastí men̄ pahunchá : aur Martá námí ek aurat ne use apne ghar men̄ utará. 39 Aur Mariyam

námí us kí ek bahin thí, jo Yisú ke páon pás baiṭhke, us ká kalám suntí thí. 40 Par Martá ne bahut ḡhidmat se ghabráí húi us ke pás áke kahá, ki Ai Ḳhudáwand, tú ḡhabar nahín letá, ki merí bahin ne mujhe akelí ḡhidmat men chhorá hai? ab use kah, ki merí madad kare. 41 Tab Yisú ne jawáb men use kahá, Martá, ai Martá, tú bahut chízon ke wáste fikr o ghabráhaṭ men hai: 42 Par ek chíz zarúr hai: so Mariyam ne achchhá hissa chuná hai, jo us se pher liyá na jáegá.

### XI. BĀB.

1 Aur aisá húa, ki wuh ek jagah duá mángtá thá, jad máng chuká, ek ne us ke shágirdon men se usko kahá, Ai Ḳhudáwand, ham ko duá mángne sikhá, jaisá Yohan ne apne shágirdon ko sikháyá. 2 Us ne un se kahá, Jab tum duá mángo, to kaho, Ai hamáre Báp, jo ásmán par hai, Tere nám kí taqdís ho. Terí bádsháhat áwe. Terí murád jaisí ásmán par, zamín par bhí baráwe. 3 Hamáří roz kí roṭí har roz hamen de. 4 Aur hamáre ḡnáhon ko baḡsh; kyúнки ham bhí harek ko, jo hamará qarzdár hai, baḡshste hain. Aur hamen ázmáish men na dál; balki ham ko bure se chhurá 5 Us ne un se kahá, Tum men se kaun hai, jis ká ek dost ho, aur ádhí rát ko us ke pás áke kahe, ki Ai dost, mujhe tén roṭí udhár de; 6 Kyúнки merá dost safar se mere pás áyá hai, aur mere pás kuchh nahín, ki us ke áge rakhún? 7 Aur wuh andar se jawáb men kahe, ki Mujhe taklíf na de: ki ab darwáza band hai, aur mere larke mere sáth bichhaune par hain; main uṭhkar tujhe de nahín saktá. 8 Main tum se sahtá hún, Agarchi wuh is sabab, ki wuh us ká dost hai, uṭhkar use na degá, magurka kí behayá i ke sabab uṭhegá, aur jitní darkár hai, use degá. 9 So main bhí tujhe kahtá hún, Mángo, to tumhen diyá jáegá; dhúndho, to páoge; khaṭ-khaṭáo, to tumháre liye kholá jáegá. 10 Kyúнки har ek, jo mángtá hai, letá hai; aur jo dhúndhtá hai, pátá hai; aur jo khaṭkhaṭátá hai, us ke liye kholá jáegá. 11 Tum men se kaun aisá báp hai, ki jab us ká beṭá roṭí mánge, use pathar de? yá machhlí mánge, use sámp de? 12 Yá agar andá mánge, us ko bichchhú de? 13 Pas jab tum bure hokar, apne larakon ko achchhí chízen de jánte ho, to wuh Báp,

jo ásmán par hai, kitná ziyáda un ko, jo us se mángte hain, Rúh i Quds degá?

14 Aur wuh ek deo ko, jo gúngá thá, nikáltá thá. Aur aisá húa, ki jab deo nikal gayá, wuh gúngá bolá; aur logon ne tájjub kiyá. 15 Par bázon ne un men se kahá, ki Wuh dewon ke sardár Balzabúl kí madad se dewon ko nikáltá hai. 16 Auron ne ázmáish ke liye us se ek ásmání nishán mángá. 17 Par us ne un ke k̄hiyalon ko jánke, un se kahá, ki Jo jo bádsháhat ápas men bar̄khiláf hotí, wíran ho játí hai; aur aisá harek ghar bhí ujar játá hai. 18 Pas agar Shaitán apne se k̄hiláf ho jáe, to us kí bádsháhat kyúnkar qáim rahegí? kyúnki tum kahte ho, Main dewon ko Balzabúl kí madad se nikáltá hún. 19 Bhalá, agar main dewon ko Balzabúl kí madad se nikáltá hún, to tumháre beṭe kis kí madad se nikálte hain? is liye wahí tumhárá insáf karenge. 20 Par agar main K̄hudá kí qudrat se dewon ko nikáltá hún, to beshakk K̄hudá kí bádsháhat tumháre pás á pahunchí. 21 Jab zoráwar ádmí hathyár bándhke apne ghar kí chaukí de, us ká mál bachá rahtá hai: 22 Par agar koí us se zoráwar áke use jíte, to sab hathyár, jis par us ká bharosá hai, chhín letá hai, aur us ke mál ko bant̄ detá hai. 23 Jo mere sáth nahín, merá muḁhálif hai: aur jo mere sáth jama nahín kartá, so bithrátá hai. 24 Jab nápák rúh ádmí se báhar nikáltí, to súkhí jagahon men áram dhúndhtí phirtí; aur jab nahín pátí, kahtí hai, ki Main apne ghar ko, jis se niklí hún, phir jáúngí. 25 Aur áke, use jhára aur lais pátí hai. 26 Tab jáke aur sát rúhen, jo us se badtar hain, apne sáth látí hai; aur áke us men bastí hai: aur us ádmí ká pichhlá hál pahle se burá hotá hai.

27 Aur aisá húa, ki jab wuh yih kahtá thá, ek aurat ne us jamáat men se pukárke use kahá, Mubáarak hai wuh peṭ, jis men tú rahá, aur wuh chhátíán jo tú ne píñ. 28 Us ne kahá, Hán, mubáarak we hain, jo K̄hudá ká kalám sunte, aur mánte hain.

29 Aur jab barí bhíṛ hone lagí, us ne kahná shurú kiyá, ki Is zamáne ke log bure hain: we nishán dhúndhte hain; par koí nishán un ko diyá na jáegá, magar Yúna nabí ká nishán. 30 Kyúnki jaisá Yúna Niniwion ke liye nishán húa, usí tarah ádmí ká Beṭá bhí is zamáne ke logon ke liye hogá. 31 Adálat ke din dakhin kí shahzádí is zamáne ke logon ke sáth uṭhegí, aur unhen gunahgár thahráwegí: kyúnki



wuh zamín ke kináre se Sulaimán kí hikmat sunne áí ; aur dekho, yahán Sulaimán se bará hai. 32 Niniwíon ke log adálat ke din is zamáne ke logon ke sáth uṭhenge, aur unhen gunahgár ṭhahráwenge : kyúнки unhon ne Yúna kí manáadí se tauba kí ; aur dekho, yahán Yúna se bará hai. 33 Koí chirág jaláke chhipe makán men yá napwá tale nahín rakhtá, balki chirágdán par, táki andar jánewále roshní dekhen. 34 Badan ká chirág ánkhi hai : is liye jab terí ánkhi sáf hai, to terá sára badan roshan hai ; aur jab sáf nahín hai, to terá badan andherá hai. 35 Pas khabardár, aisá na ho, ki wuh núr jo tujh men hai, andherá ho jáe. 36 So agar terá badan tamám roshan ho, ki koí áng andherá na rahe, to tamám roshan hogá, aisá ki jaise chirág apní chamak se tujhe roshan kare.

37 Aur jab wuh bát kartá thá, ek Farúsí ne use darḳhwást kí, ki us ke sáth kháná kháe ; tad wuh áke kháne baiṭhá. 38 Aur Farúsí ne yih dekh ke, ki us ne kháne ke áge háth na dhoyá, tájjub kiyá. 39 Kḥudáwand ne us ko kahá, ki Ai Farúsí, tum piyále aur rikábí ko úpar se sáf karte ho ; par tumhárá andar lúṭ aur buráí se bhará hai. 40 Ai nádán, kyá jis ne báhar ko banáyá, andar ko bhí na banáyá ? 41 Pas jo us men hai kḥairát karo ; aur dekho, sab kuchh tumháre liye pák hogá. 42 Par ai Farúsí, tum par afsos ! ki tum podína, aur sadáb, aur har ek tarkárá kí dahekí dete ho, aur insáf aur Kḥudá kí mahabbat se kinára karte : cháhiye thá, ki in ko karte, aur un ko bhí na chhoṛte. 43 Ai Farúsí, tum par afsos ! ki tum ibádatkhánon men úpar kí jagah, aur bázár men salám ko cháhte ho. 44 Ai makkár Faqího, aur Farúsí, tum par afsos ! ki tum chhipí goron kí mánind ho, ki ádmí jo andar chalte hain, nahín jánte.

45 Tab shariyat-sikhlánewálon men se ek ne us ke jawáb men kahá, ki Ai Ustád, in báton ke kahne se hamen bhí malámat kartá hai. 46 Us ne kahá, Ai shariyatsikhlánewálo, tum par bhí afsos ! ki tum bojhe, jin ká uṭháná kaṭhin hai, ádmíon par ládte ho, aur ap ek unglí se un bojhon ko nahín chhúte. 47 Tum par afsos ! ki tum nabíon ke qabron ko banáte ho, aur tumháre báp dádon ne un ko qatl kiyá. 48 Pas tum apne báp dádon ke kám par gawáhi dete, aur rází rahte : kyúнки unhon ne un ko qatl kiyá, aur tum un kí qabren banáte ho. 49 Is liye Kḥudá kí hikmat ne bhí kahá hai, ki Main nabíon aur

rusúlon ko un ke pás bhejúngá, we un men se bázon ko qatl karenge, aur satáwenge : 50 Táki sab nabíon ká k̄hún, jo dunyá ke shurú se baháyá gayá, is zamáne ke logon se liyá jáe ; 51 Hábil ke k̄hún se Zakariyá ke k̄hún tak, jo qurbángáh aur K̄hudá ke ghar ke bích men mārā gayá : hán main tum se kahtá hún, ki Isí zamáne ke logon se liyá jáegá. 52 Ai shariyat-sikhlánewálo, tum par afsos ! ki tum ne pahchán kí kunjí lelí : tum áp dákhil na húe ; aur dákhil honewálon ko bhí rok rakhá. 53 Jad wuh ye báten un se kah rahá thá, Faqíh aur Farúsí use betarah chimate aur chherne lage, ki bahut báten kare : 54 Aur ghát lagáke, talásh men the, ki us munh se koí bát paka páwe, táki us par faryád karen.

## XII. BĀB.

1 Itne men hazáron ádmí jama húe, is tarah ki ek ek par girá partá thá, us ne apne shágirdon se kahná shurú kiyá, ki Sab se pahile Farúsíon ke k̄hamír se, jo makr hai, parhez karo. 2 Kyúнки koí chíz dham-pí nahín, jo khul na jáe ; aur na chhipí, jo jání na jáe. 3 Is liye ki jo kuchh tum andhere men kahte, únjále men sunáyá jáegá ; aur jo kuchh tum ne koṭhríon men kánon kán kahá, koṭhon par manádí kiyá jáegá. 4 Magar main tum se, jomere dost ho, kahtá hún, ki Un se, jo badan ko qatl karte hain, aur bád us ke kuchh aur kar nahín sakte, mat ḍaro. 5 Lekin main tumhen batátá hún, ki kise ḍaro : Use ḍaro, jis ko márne ke bád ikhtiyár hai, ki jahannam men ḍále ; hán, main tumhen kahtá hún, ki Use ḍaro. 6 Kyá do paise kí pánch chiráen nahín biktí, par kisí ko un men se K̄hudá bhúlá nahín ? 7 Balki tumháre sir ke sab bál bhí gine hain. Pas mat ḍaro : tum bahut chiríon se bihtar ho. 8 Aur main tumhen kahtá hún, ki Jo ádmíon ke áge merá iqrár kare, ádmí ká Beṭá bhí K̄hudá ke firishton ke áge us ká iqrár karegá : 9 Par jo ádmíon ke áge merá inkár kare, K̄hudá ke firishton ke áge us ká inkár hogá. 10 Aur jo koí ádmí ke Beṭe ke haqq men burí bát kahe, us ko muáf hogá : par jo Rúh i Quds ke haqq men kufr kahe, us ko muáf na hogá. 11 Aur jab we tum ko ibádatk̄hánon men, aur hákimon, aur ikhtiyárwálon ke pás lejáen, to fikr na karo,

ki kaisá yá kyá jawáb doge, aur kyá kahoge : 12 Kyúunki Rúh i Quds usí dam tumhen sikháwegá, ki kyá kahá cháhíye.

13 Aur jamáat men se ek ne use kahá, ki Ai Ustád, mere bhái se kah, ki mujhe mírás bánt de. 14 Par us ne use kahá, ki Admí, kis ne mujhe tum par qází yá bántnewálá muqarrar kiyá ? 15 Aur us ne un se kahá, ki Khabardár raho, aur lálach se kinára karo : kyúunki kisú kí zindagí us ke mál kí ziyádatí se nahín.

16 Aur us ne un se ek tamsíl kahí, ki Ek daulatmand kí khetí bahut lagí: 17 Wuh apne dil men sochne lagá, ki Main kyá karún, ki mere yahán jagah nahín, ki apná hásil jama karún ? 18 Tab us ne kahá, Main yih karúngá : ki apní koṭhíán dháúngá, aur barí banáúngá ; aur wahán apná tamám hásil aur mál jama karúngá. 19 Aur apní ján se kahúngá, ki Ai ján, tere pás bahut sá mál barason ke liye jama hai ; chain kar, khá, pí, khush rah. 20 Magar Kḥudá ne use kahá, Ai ná-dán, isí rát terí ján tujh se mángenge : pas jo tú ne taiyár kiyá, kis ká hogá ? 21 Aisáhí wuh hai, jo apne liye khazána jama kartá hai, aur Kḥudá ke pás daulat nahín jama kartá.

22 Phir us ne apne shágirdon se kahá, Isliye main tum se kahtá hún, ki Apní ján ke wáste fikr na karo, ki ham kyá kháenge ; aur na badan ke liye, ki kyá pahinenge. 23 Ki ján khurák se barí hai, aur badan poshák se. 24 Kawon ko dekho : ki na bote, na kátte hain ; aur na un ke khattá na koṭhí hai ; tau bhí Kḥudá unhen khilátá hai : tum to chiríon se kahín bihtar ho ? 25 Tum men se kaun hai, ki fikr karke apne qadd ek háth barhá sake ? 26 Pas jab itní bát nahín kar sakte, to kis liye báqí chíz kí fikr karte ho ? 27 Sosan ko dekho, ki kaisí barhtí hain : we na mihnát kartí, na káṭtí hain ; par main tumhen kahtá hún, ki Sulaimán ne apní sárí shán shaukat men un men se ek kí mánind na pahná. 28 Jab Kḥudá ghás ko, jo áj maidán men hai, aur kal tanúr men chhonkí játí, aisá pahináyá ; to ai kamiatiqádo, kitná ziyáda wuh tumhen pahnáwegá ?

29 Aur tum fikr na karo, ki ham kyá kháenge, kyá píenge, aur na ghabráo. 30 Kyúunki in sab chízon kí dunyá ke log fikr karte hain : par tumhárá Báp jántá hai, ki tum un ke muhtáj ho. 31 Balki Kḥudá kí bádsháhat dhúndho ; ki tumhen ye sab chízen milengí. 32 Ai chhoṭe jhund mat dar ; kyúunki tumháre Báp ko pasand áyá, ki bád-

sháhat tumhen de. 33 Jo kuchh tumhárá hai, becho, aur k̄hairát karo ; apne liye thailíán jo purání nahín hotín, k̄hazána jo nahín ghattá, ásmán par jahán chor nahín átá, aur kírá nahín khátá, jama karo. 34 Kyúнки jahán tumhárá k̄hazána hai, wahín tumhárá dil bhí rahegá.

35 Cháhiye ki tumhári kamar bandí rahe, aur tumhárá diyá jaltá rahe ; 36 Aur tum un ádmíon kí mánind ho, ki apne k̄hudáwand kí ráh dekhte hain, ki kab wuh shádí men se áwe ; táki jab áwe, aur khatkhatáwe, jhat us ke wáste darwáza khol den. 37 Mubáarak hain we naukar, jin ko k̄háwind áke, jágtá páwe : main tumhensach kahtá hún, ki wuh áp kamar bándhke unhen kháne biṭhāwegá, aur áke un kí k̄hidmat karegá. 38 Aur agar wuh dúsre pahar, yá tísre pahar áwe, aur aisá páwe, to mubáarak hain we naukar. 39 Yih jánte ho, ki agar ghar ká málik jántá, ki chor kis gharí áwegá, to jágtá rahtá, aur apne ghar men sendh na dene detá. 40 Pas tum bhí taiyár raho : ki jis gharí tum k̄hiyál nahín karte, ádmí ká Beṭá áwegá.

41 Tab Pathar ne use kahá, ki Ai K̄hudáwand, tú yih tamsíl ham se kahtá hai, yá sab se ? 42 K̄hudáwand ne kahá, Kaun hai wuh diyánatdár aur dáná k̄hansámán, jis ko k̄hudáwand apne naukaron par muqarrar kare, ki un ke hisse kí rotíán waqt par diyá kare ? 43 Mubáarak hai wuh naukar, jise us ká k̄háwind áke aisáhi karte páwe. 44 Main tum se sach kahtá hún, ki use apne sáre mál par muḳhtár karegá. 45 Par agar wuh naukar apne dil men kahe, ki Merá k̄háwind áne men der kartá hai ; aur gulám laundíon ko márná, aur kháná píná, mast honá shurú kare ; 46 To us naukar ká k̄háwind aise din, ki wuh ráh na take, aur aisí gharí, ki wuh na jáne, áwegá, aur us ko do ṭukre karke, us ká hissa beímánon ke sáth muqarrar karegá. 47 Par wuh naukar, jis ne apne k̄háwind kí murád jání, par apne taín taiyár na rakhá, aur us kí murád kí muwáfiq na kiyá, bahut már kháegá. 48 Par jis ne na jáná, aur már kháne ká kám kiyá, thorí már kháegá. So jise bahut diyá gayá, us se bahut lekhá lenge : aur jise bahut ziyáda sompá gayá, us se ziyáda mángenge.

49 Main zamín par ág lagáne áyá hún ; aur main kyá cháhtá hún, ki lag chuke hotí ? 50 Par mujhe ek bápísmá páná hai ; aur main kaisá tang hún, jab tak púrá na ho ! 51 Kyá tum k̄hiyál karte ho, ki

main zamín par mel karwáne áyá hún? Nahín, main tumhen kahtá hún; balki judái: 52 Kyúnki ab se ek ghar ke páñch ádmí, tén do ke barkhiláf honge, aur do tén ke. 53 Aur báp beṭe se, aur beṭá báp se; aur mán beṭí se, aur beṭí mán se; aur sás bahú se, aur bahú sás se barkhiláf hogí.

54 Us ne logon se yihí kahá, ki Jab tum bádli pachchhim se uṭhte dekhte, to jhaṭ kahte, ki Menh átá hai; aur aisá hí hotá. 55 Aur jab daḡhanyá chaltí hai, tum kahte ho, ki Garmí hogí; aur aisá hí hotá. 56 Ai makkáro, tum zamín aur ásmán kí súrath pahchán sakte ho; is zamáne ko kyún nahín ázmáte? 57 Aur tum áp hí kyún insáf nahín karte, ki sach kyá hai? 58 Aur jab apne muddái ke sáth hákim kane játá hai, ráh men koshish kar, ki us se muámala ho jáe; aisá na ho, ki wuh tujh ko hákim pás khench lejáe, aur hákim tujh ko piyáde ko sompe, aur piyáda tujh ko qaid men ḡale. 59 Main tujh se kahtá hún, ki Jab tak kaurí adá na kare, wahán se na niklegá.

### XIII. BAB.

1 Us waqt báze házir the, jo use un Galílíon kí ḡhabar dete the, jin ká ḡhún Pilát ne un kí qurbání ke sáth miláyá. 2 Yisú ne unhen jáwab men kahá, Kyá tum samajhte ho, ki ye Galílí sab Galílíon se ziyáda gunahgár the, ki aisá dukh páyá? 3 Main tum se kahtá hún, Nahín: par agar tum sab tauba na karo, isí tarah halák hoge. 4 Yá we aṭháraḡ, jin par Sílohá men burj girá, aur dab mare, kyá samajhte ho, ki we Yirúshálam ke sab rahnewálon se ziyáda gunahgár the? 5 Main tum se kahtá hún, Nahín: par agar tauba na karo, to sab isí tarah halák hoge.

6 Aur us ne yih tamsíl kahí; ki Kisí ke angúr ke bág men ek anjír ká daraḡht lagá thá; us ne áke us ká mewa ḡhúnḡhá, par na páyá. 7 Tab us ne bágbán se kahá, Dekh, tén baras se main áke, is anjír ká phal ḡhúnḡhtá hún, par nahín pátá: use káṭ ḡál; káheko zamín roká hai? 8 Us ne jáwab men use kahá, Ai ḡhudáwand, is sál aur ise rahne de, ki us ke gird thálá khodún, aur khád ḡálún: 9 Sháyad ki phale: nahín to bád us ke káṭ ḡálío.

10 Aur sabb ke din wuh ek ibádatḡháne men tálím detá thá. 11 Aur

dekho, ek aurat thí, jo aṭháraḥ baras se sáye ke sabab kamzor aur kubrí ho gaí thí, aur apne taín bilkull sídhí na kar saktí thí. 12 Yisú ne use dehhke, buláyá, aur kahá, Ai aurat, tú apní kamzorí se chhúṭí. 13 Aur us ne apne háth us par rakhe : wohín sídhí hogáí, aur Ḳhudá kí táríf karne lagí. 14 Tab ibádatḱháne ká sardár is liye, ki Yisú ne sabbt ke din changá kiyá, ḱhafá hoke jamáat ko kahne lagá, Chhah din hain, jin men kám karná rawá hai : pas un men áke change ho, na ki sabbt ke din. 15 Tab Ḳhudáwand ne use jawáb men kahá, ki Ai makkár, kyá har ek tum men se sabbt ke din apne bail aur gadhe ko thán se nahín kholtá, aur pání piláne nahín lejátá? 16 Pas kyá rawá na thá, ki yih Abirahám kí beṭí hai, jis ko Shaitán ne, dekho, aṭháraḥ baras se bándh rakhá thá, sabbt ke din us band se chhuráí jae? 17 Aur jad wuh ye báten kah chuká, us ke sabab muḱhálif sharminda húe : aur sárí jamáat un bare kámon se, jo us se húe, ḱhush húí.

18 Phir us ne kahá, Ḳhudá kí bádsháhat kis kí mánind hai, use kis se nisbat dúñ? 19 Rái ke dáne kí mánind hai ; jis ko ek ádmí ne leke, apne bág men boyá ; wuh ugá, aur barí per huá ; aur chiríon ne us kí dálíon par baserá kiyá.

20 Aur phir us ne kahá, Main Ḳhudá kí bádsháhat ko kis se nisbat dúñ? 21 Wuh ḱhamír kí mánind hai, jise ek aurat ne leke, tén pai-máne áṭe men miláyá, yahán tak wuh sab ḱhamírí hogayá.

22 Aur wuh Yirúshálam ko játe húe shahr shahr, gánw gánw phir-ke tálím detá thá. 23 Ek ne use kahá, Ai Ḳhudáwand, kyá thore hain, jo naját páte? Us ne un se kahá, 24 Ki ján se koshish karo, ki tum tang darwáze se dáḱhil ho : kyúnki main tum se kahtá hún, ki bahutere cháḱhenge ki us se dáḱhil hon, par na sakenge. 25 Jab ghar ke málík ne uṭhke darwáza band kiyá ho, aur tum báhar khare hoke, darwáza khaṭkhaṭáná aur kahná shurú karo, ki Ai Ḳhudáwand, ai Ḳhudáwand, hamáre liye khol ; wuh andar se jawáb men tum se kahe, ki Main tum ko nahín pahchántá, ki kahán ke ho : 26 Tab tum kahne lage, ki Ham ne tere huzúr kháyá piyá hai, aur tú ne hamáre bá-záron men tálím dí hai. 27 Par wuh jawáb diyá, Main tum se kahtá hún, ki tum ko nahín pahchántá, ki kahán ke ho ; ai badkáro, tum sab mujh se dúr ho. 28 Wahán roná aur dánt písná hogá, jab Abirahám,

aur Isháq, aur Yaqúb, aur sab nabíon ko K̄hudá kī bádsháhat men, aur áp ko báhar nikálá dekhoge. 29 Aur log púrab, pachchhim, uttar, dakhin se áwenge, aur K̄hudá kī bádsháhat men kháne baiṭhenge. 30 Aur dekho, jo pichhle hain, so pahle honge, aur jo pahle hain, so pichhle honge.

31 Usí din báze Farúsíon ne áke, use kahá, ki Nikal já, aur yahán se rawána ho : kyúnki Hirod tujhe qatl kiyá, cháhtá hai. 32 Us ne un se kahá, ki Jáke us lomṛí se kaho, ki Dekh, main shaitánon ko nikáltá hún, aur áj o kal changá kar rahá hún, aur parson apná kám púrá karúngá. 33 Pas mujhe zarúr hai, ki áj, o kal, aur parson phi-ún : kyúnki nahín ho saktá, ki nabí Yirúshálam ke báhar halák ho. 34 Ai Yirúshálam, ai Yirúshálam, jo nabíon ko qatl kartá hai, aur un ko, jo tere pás bheje gae, pathráo kartá hai ; kaí bár maiṅ ne cháhá, ki tere larcon ko jama karúṅ, jis tarah murgí apne bachchon ko apne paron tale jama kartí, par tum ne na cháhá ! 35 Dekho, tumhárá ghar tumháre liye ujár chhoṛá játá hai : aur main tumhen sach kahtá hún, ki Mujh ko na dekhoge us waqt tak, ki tum kahoge, Mubáarak hai wuh, jo K̄hudáwand ke nám par átá hai.

#### XIV. BAB.

1 Aisá húa, ki wuh sabt ke din buzurg Farúsíon men se ek ke ghar kháne gayá, aur we us kī ták men baiṭhe. 2 Aur dekho, ki ek shaḅhs us ke sámhne thá, jise jalandhar thá. 3 Yisú ne jawáb men shariyat-sikhlanewálon aur Farúsíon se kahá, ki sabt ke din changá karná rawá hai yá nahín ? 4 We chup rahe. Tab us ne use pakarke changá karke chhoṛdiyá ; 5 Aur jawáb men un se kahá, ki Tum men se kaun hai, ki agar us ká gadhá, yá bail sabt ke din kúe men gire, wuh turat us ko na nikále ? 6 We us kī in báton ká jawáb na de sake.

7 Aur mihmánon ko jab dekhá, ki we únchí jagah pasand karte hain ; áke un se ek tamsíl kahí, 8 Ki jab koí tujhe shádí men buláwe, sab se únche mat baiṭh ; ki sháyad tujh se bhí kisí bare ko buláyá ho ; 9 Aur jis ne terí aur us kī mihmání kī hai, áke tujh se kahe, ki Yih us ko de ; aur sharminda hoke tujh ko níche baiṭhná pare. 10 Balki

jab terí mihmání ho, sab se níhí jagah baiṭho ; táki jad wuh, jis ne tujh ko buláyá hai, áwe, tujh ko kahe, ki Ai dost, áo, únchí jagah baiṭh : tab un ke sámhne, jo tere sáth kháne baiṭhe hain, terí izzat hogí. 11 Kyúнки jo koí áp ko bará jántá hai, chhotá kiyá jáegá ; aur jo apne taín choṭá jántá hai, bará kiyá jáegá.

12 Aur us ne apne mihmání karnewále se kahá, ki Jab tú din yá ráť ká khána taiyár kare, to apne doston, aur bháíon, rishtadáron ko, jo daulatmand hain, mat bulá ; tá na ho ki we bhí tujhe buláwen, aur terá badlá hojáe. 13 Balki tú ziyáfat kiyá cháhe to garíbon, lúnjon, langron, andhon ko bulá : 14 Tab tú mubáarak hogá ; kyúнки un ke pás kuchh nahín, ki terá badlá den : par tujhe rástbázon kí qiyámat men badlá hogá.

15 Ek ne un men se, jo kháne baiṭhe the, yih sunke us se kahá ; Mubáarak wuh, jo Kḥudá kí bádsháhat men roṭí kháegá. 16 Us ne use kahá, ki Ek shaḥhs ne bará khána karke bahuton ko buláyá. 17 Aur kháne ke waqt naukar ko bhejá, ki mihmánon ko kahe, ki Aḥo : ab sab kuchh taiyár hai. 18 Us par sabhon ne milkar uzr karná shurú kiyá. Pahle ne use kahá, ki Main ne khet ḥharídá hai ; zarúr hai, ki jáke use dekhún : main terí minnat kartá hún, ki merí taraf se uzr kar. 19 Dústre ne kahá, Main ne páńch jorí bail ḥharídá hai ; já-tá hún, ki un ko ázmáún : main terí minnat kartá hún, ki mere liye uzr kar. 20 Tísre ne kahá, Main ne byáh kiyá hai, is sabab se nahín á saktá. 21 Pas us naukar ne áke apne ḥhudáwand ko un báton kí ḥhabar dí. Tab ghar ke málik ne gussa hoke, apne naukar se kahá, Jald shahr ke bázáron, aur jagahon men já, aur garíbon, aur lúnjon, langron aur andhon ko yahán lá. 22 Naukar ne kahá, ki Ai ḥhudá-wand, jaisá tú ne farmáyá, húa ; tau bhí jagah hai. 23 Kḥhudáwand ne naukar se kahá, Ráhon aur bázáron kí taraf já, aur jis tarah bane, logon ko lá, ki merá ghar bhar jáe. 24 Kyúнки main tum se kahtá hún, ki koí shaḥhs un men se, jo buláe gae, merá khána na chahkegá.

25 Aur bahut log us ke sáth chale : us ne phirke un se kahá. 26 Ki agar koí mere pás áwe, aur apne má báp, aur jorú laṛke, aur bhái bahin, balki apní ján kí dushmaní na kare, merá shágird ho nahín saktá. 27 Aur jo apní salíb uṭháke mere píchhe nahín áta, merá shágird nahín. 28 Kyúнки tum men kaun hai, ḥi jad ek burj banáyá



cháhe, pahle baiṭhke ḳharch ká hisáb na kare, ki main use taiyár kar sakúngá? 29 Aisá na ho, ki jad neo ḳálí, aur taiyár kar na saká, to jo log dekhen, use hansenge, 30 Aur kahen, ki Us shaḳhs ne banána shurú kiyá, par tayár kar na saká. 31 Yá kaun bádsháh dúsre se laṛáí karne jáe, jo baiṭhke pahle saláh na kare, ki main das hazár ádmí ke sáth, use, ki bís hazár ádmí leke atá hai, muqábala kar sakúngá? 32 Nahín to, jad wuh dúr hai, paigím bhejke sulh ke liye minnat karegá. 33 So isí tarah jo koí tum men se apne sáre mál se kinára na kare, merá shágird nahín ho saktá. 34 Namak achchhá hai : lekin agar namak bigar jáe, to kis chíz se durust hogá? 35 Na zamín ke, na khád ke kám ká hai ; balki báhar phenk dete hain. Jis ko kán sunne ke hon, sune.

---

### XV. BAB.

1 Tab sab mahsúllenevále aur gunahgár us ke nazdík áte the, ki us kí sunen. 2 Aur Farúsí aur faqíh kuḳuráke kahte the, ki Yih shaḳhs gunahgáron ko qabúl kartá hai, aur un ke sáth khátá hai. 3 Tab us ne un se yih tamsíl kahí, 4 Ki tum men se kaun hai, jis ke pás sau bheṛ hon, agar un men ek khojáe, un ninánawe ko jangal men na chhoṛe, aur us khoí húi ko jab tak na páwe, dhúnḍhá na kare? 5 Aur páke ḳhushí se apne kándhe par uṭhá na le? 6 Aur ghar men jáke, doston aur parosíon ko buláke na kahe, ki Mere sáth ḳhushí karo ; kyúnki main ne apní khoí húi bheṛ páí. 7 Main tum se kahtá hún, ki is taur ásmán men ek gunahgár ke wáste, jo tauba kartá hai, ninánawe rástbáz se; jo tauba kí hájat nahín rakhte, ziyáda ḳhushí hogí.

8 Yá kaun aurat, jis pás das diram hon, agar ek khojáe, chirág bálke ghar ko na jháre, aur jab tak na páwe, koshish se dhúnḍhá na kare. 9 Aur jab páwe, doston aur parosíon ko buláke na kahe, ki Mere sáth ḳhushí karo ; ki main ne apná khoyá diram páyá. 10 Main tumhen kahtá hún, ki Ḳhudá ke firishton ke áge ek gunahgár ke liye, jo tauba kartá hai, aisí hí ḳhushí hogí.

11 Phir us ne kahá, Ek shaḳhs ke do beṭe the. 12 Un men se chhoṛe ne báp se kahá, ki Ai báp, mál ká hissa jo mujhe pahunchtá

hai, mujhe de. Us ne mál unhen bánt diyá. 13 Aur thore din bád chhote beṭe ne sab kuchh jama karke, ek dūr ke mulk ká safar kiyá, aur wahán apná mál badchálí men uráyá. 14 Aur jab sab kharch kar chuká, us mulk men bará kál pará ; aur wuh muhtáj hone lagá. 15 Tab us mulk ke ek rahnewále ke yahán já lagá ; us ne use apne kheton men sár charáne bhejá. 16 Aur use árzú thí, ki un chhilkon se, jo sár kháte hain, apná peṭ bhare : par koí na detá thá. 17 Tad hosh men áke kahá, Mere báp ke kitne mazdúron ko bahut roṭí hai, aur main bhúkon martá hún ! 18 Main uṭhke apne báp pás jáúngá, aur use kahúngá, ki Ai báp, main ne ásmán ká, aur terá gunáh kiyá hai, 19 Aur ab is láiq nahín ki phir terá beṭá kahláún : mujhe apne mazdúron men se ek kí mánind baná. 20 Tab uṭhke apne báp pás chalá. Aur wuh abhí dūr thá, ki us ko dekhke us ke báp ko bará rahm áyá, aur dauṛke us ko gale lagá liyá, aur chúmá. 21 Beṭe ne us ko kahá, ki Ai báp, main ne ásmán ká aur terá gunáh kiyá, aur ab is qábil nahín, ki phir terá beṭá kahláún. 22 Báp ne apne naukaron ko kahá, ki Achchhí se achchhí poshák láke, use pahináo ; aur us ke háth men angúṭhí aur páon men jútí : 23 Aur pale húe bachhre ko láke zabh karo ; ki kháen, aur khushí karen : 24 Kyúnci yih merá beṭá múá thá, ab jiyá hai ; khogayá thá, ab milá hai. Tab we khushí karne lage. 25 Aur us ká bará beṭá khet men thá : jab ghar ke nazdík áyá, gáne aur náchne kí áwáz suní. 26 Tab ek naukar ko buláke, púchhá, ki Yih kyá hai ? 27 Us ne use kahá, ki terá bhái áyá hai ; aur tere báp ne palá bachhrá zabh kiyá hai, is liye ki use bhalá changá páyá. 28 Us ne khafá hoke, na cháhá ki andar jáe : tab us ke báp ne báhar áke use manáyá. 29 Us ne báp se jawáb men kahá, Dekh, itne baras se main terí khidmat kartá hún, aur kabhí tere hukm ke baráhiláf na chalá : par tú ne kabhú ek bakrí ká bachcha mujhe na diyá, ki apne doston ke sáth khushí manáún : 30 Aur jab terá yih beṭá áyá, jis ne terá mál kasbion men uráyá, tú ne us ke liye moṭá bachhrá zabh kiyá. 31 Us ne us ko kahá, Ai beṭá, tú sadá mere pás hai, aur jo kuchh merá hai, so terá hai. 32 Par khushí manána, aur khush honá, lázim thá : kyúnci terá yih bhái múá thá, jiyá hai ; aur khogayá thá, ab milá hai.

## XVI. BAB.

1 Aur us ne apne shágirdon se bhí kahá, ki kisú daulatmand ká ek muḡhtár thá; jis ká logon ne us se gila kiyá, ki yih terá mál urátá hai. 2 Tab us ne us ko buláke púchhá, ki Yih kyá hai, jo tere haqq men suntá hún? apní muḡhtári ká hisáb de; ki ab se tú muḡhtár nahín rah saktá. 3 Us muḡhtár ne apne jí men kahá, ki Kyá karún? kyúinki merá málík muḡhtári mujh se letá hai: main khod nahín saktá, aur bhík mángne se sharm átí hai. 4 Ab ján gayá, ki kyá karún, táki jad muḡhtári se chhút jáún, mujhe log apne gharon men rakhen. 5 Tab apne ḡhudáwand ke har ek qarzdár ko buláke, pahle se púchhá, ki Tú kitná mere málík ká dharátá hai? 6 Us ne kahá, Sau paimáne tel. Tab us ko kahá, ki Apní dastáwez le, aur baiṭhke jald pachás likh de. 7 Phir dúsre se kahá, Tú kitná dharátá hai? Us ne kahá, Sau paimáne gehún. Use kahá, ki Apní dastáwez le, aur assí likh de. 8 Tab málík ne beímán muḡhtár kí táríf kí, is liye ki us ne hoshyári kí: isí tarah dunyá ke log apne waqt men núr ke logon se hoshyár hain. 9 So main tum se kahtá hún, ki Chhoṭí daulat se apne liye dost paidá karo; ki jad tum játe. raho, hamesha ke makánon men jagah den. 10 Jo thoṛe men ímándár hai, so bahut men bhí ímándár hai: aur jo thoṛe men beímán hai, so bahut men bhí beímán hai. 11 Jab tum chhoṭí daulat men ímándár na rahe, to sachhí tumhen kaun supurd karegá? 12 Aur jab tum begáne mál men ímándár na rahe, to kaun kuchh degá ki tumhen púnjí ho. 13 Koí naukár do ḡháwind kí ḡhidmat nahín kar saktá: is liye ki ek kí dushmaní karegá, aur dúsre kí dostí; yá ek ko mánegá, dúsre ko náchíz jánegá. Tum ḡhudá aur daulat donon kí ḡhidmat nahín kar sakte.

14 Aur Farúsí, jo daulat ko piyár karte the, in sab báton ko sunke, ṭhaṭhe men uráne lage. 15 Tab us ne un ko kahá, ki Tum we ho, jo ádmíon ke ágeáp ko rástbáz záhir karte hain; lekin ḡhudá tumháre dil kí jántá hai: kyúinki jis kí ádmí ke nazdík baráí hotí, us se ḡhudá nafrat rakhtá hai. 16 Shariyat dení Yohan tak thí: tab se ḡhudá kí bádsháhat kí ḡhushḡhabarí díjátí hai, aur har ek zor márke us men dáḡhil hotá hai. 17 Par ásmán aur zamín ká ṭal jáná, shariyat

ke ek nuqte ke miṭ jāne se bahut āsān hai. 18 Jo shaḵhs apnī jorū ko chhoṛ de, aur dūsri se byāh kare, zinā kartā hai : aur jo us aurat ko, ki chhoṛ dī gaī, byāhe, zinā kartā hai.

19 Ek daulatmand thā, jo lāl aur mihīn kapre pahintā, aur roz roz shān shaukat se aish kartā thā : 20 Aur Lāzar nāmī ek garīb ādmī, jo nāsūr se bharā thā, jise us kī dewṛhī par ḍāl jāte the, 21 Wuh ārzū rakhtā thā, ki un ṭukroṇ se, jo daulatmand kī mez se paṛte the, apnā peṭ bhare : balki kutte āke us ke ghāo chāṭte the. 22 Aur aisā hūā, ki wuh garīb margayā, aur firishton ne use Abirahām kī god meṇ rakhā : aur daulatmand bhī mūā, aur gāṛā gayā ; 23 Us ne do-zaḵh meṇ apnī ānkh uṭhāke azāb meṇ hoke Abirahām ko dūr se dekhā aur us kī god meṇ Lāzar ko. 24 Aur us ne pukārke kahā, ki Ai bāp Abirahām, mujh par rahm kar, aur Lāzar ko bhej, ki apnī unglī kā sirā pānī se bhigāke, merī zabān ṭhandhī kare ; kyūnki main is lau meṇ taraptā hūn. 25 Tab Abirahām ne kahā, ki Ai beṭā, yād kar, ki tū apnī zindagī meṇ achchhī chīzen lechukā, aur Lāzar burī chīzen : so ab wuh tasallī pātā hai, aur tū taraptā hai. 26 Aur in sab ke siwā, hamāre tumhāre darmiyān ek barā garhā hai : aisā ki jo yahān se tumhāre pās jāyā chāhe, na sake ; aur na jo log wahān haiṇ, is pār hamāre pās ā sakte. 27 Tab us ne kahā, Pas ai bāp, terī minnat kartā hūn, ki tū is ko mere bāp ke ghar bhej : 28 Kyūnki mere pānch bhāī haiṇ ; un ko chitāwe, aisā na ho, ki we bhī is dukh kī jagah meṇ āwen. 29 Abirahām ne use kahā, ki Un ke pās Mūsā aur Nabī haiṇ ; chāhiye ki we un kī sunen. 30 Us ne kahā, Nahīn, ai bāp Abirahām : par agar koī murdoṇ meṇ se un ke pās jāe, we tauba karenge. 31 Us ne use kahā, ki Jab we Mūsā aur Nabīoṇ kī na sūnenge, to agar murdoṇ meṇ se koī uṭhe, us kī na mānenge.

---

### XVII. BĀB.

1 Phir us ne shāgirdoṇ se kahā, Yih nahīn ho saktā, ki ṭhokar khi-lānewālī chīzen na āwen : par afsos us par, jis ke sabab āwen ! 2 Agar chakkī kā pāṭ us ke gale meṇ bāndhke daryā meṇ phenkte, yih us ke liye us se bihtar hotā, ki wuh ek ko in chhoṭoṇ meṇ se ṭhokar khilāwe. 3 Khabardār raho : Agar terā bhāī terā gunāh kare, use

jatā de; agar tauba kare, use muáf kar. 4 Aur agar ek din men sāt bār terā gunāh kare, aur ek din men sāt bār áke kahe, ki Tauba kartā hūn; use muáf kar. 5 Tab Rusūlon ne Ḳhudāwand se kahā, Hamārā ímán ziyāda kar. 6 Ḳhudāwand ne kahā, ki Agar tum men rái ke barābar ímán ho, to jab tum is gúlar ko kaho, ki Jar se ukharke daryá men lagjá; to tumhári mánegá. 7 Aur tum men se kaun hai, jiská ek naukar hal jote, yá charwāhí kare, jab khet se áwe, use kahe, ki A, ab khāne baith? 8 Aur use na kahe, ki Merá shám ká kháná taiyār kar, aur jabtak kháúñ píúñ, kamar bándhke merí ḳhidmat kar; bád us ke tú áp khá pí? 9 Kyá wuh us naukar ká ihsán mántá hai, ki jo kám us ne farmāe the, kiye? main jántá nahín. 10 Isí tarah tum bhí, jab sab kuchh, jo tumhāre liye farmáyá gayá, kar chuke, to kaho, ki Ham nálaiq bande hain: kyúñki jo ham par karná wájib thá, wahí kiyá.

11 Aur aisá húa, ki jab Yirúshálam ko jatá thá, Samariya aur Galíl ke bích se guzrá. 12 Aur ek bastí men játe húe das korhí use mile, jo dūr khare the: 13 Unhon ne chiláke kahá, ki Ai Yisú, Ai sáhib, ham par rahm kar. 14 Us ne dekhke, unhen kahá, ki Jáke apne taín káhinon ko dikháo. Aur aisá húa, ki we játe húe change hogaye. 15 Aur ek ne un men se jab dekhá, ki changá húa, barí áwáz se Ḳhudá kí táríf kartá húa phirá, 16 Aur munh ke bal Yisú ke páon par girke, us ká shukr kiyá: aur wuh Sámari thá. 17 Tab Yisú ne jawáb men kahá, ki Kyá dason sáf na húe? phir we nau kahán hain? 18 Kyá siwá is padesí ke koí na milá, ki phirke Ḳhudá kí táríf kare. 19 Aur use kahá, Uṭhke rawána ho: tere ímán ne tujhe bacháyá.

20 Aur jab Farúsiyon ne us se púchhá, ki Ḳhudá kí bádsháhat kab áwegí, us ne jawáb men un se kahá, ki Ḳhudá kí bádsháhat namúd ke sáth nahín átí: 21 Aur na kahenge, ki Dekho yahán yá dekho wahán hai! kyúñki dekho, Ḳhudá kí bádshahát tum men hai. 22 Aur shágirdon se kahá, We din áwenge, jab árzú karoge, ki ádmí ke Beṭe ke dinon men se ek ko dekho, aur na dekhoge. 23 Aur tum se kahenge, ki Dekho yahán, yá dekho wahán hai: tú mat nikliyo, aur píchhe na jáiyo. 24 Kyúñki jaisí bijlí, jo ásmán kí ek taraf se kaundhke दूसरी taraf chamaktí hai; aisí hí ádmí ká Beṭá bhí apne dinon men

hogá. 25 Lekin pahle zarúr hai, ki wuh bahut dukh uṭháwe, aur is zamáne ke logon se radd kiyá jáwe. 26 Aur jaisá ki Núha ke dinon men húá, isí tarah ádmí ke Beṭe ke dinon men bhí hogá. 27 Ki log kháte, píte, byáh karte, byáhe játe the, us din tak, ki Núha náo par charhá, aur túfán ne áke sab ko barbád kiyá. 28 Aur jaisá ki Lút ke dinon men húá; ki log kháte, píte, aur ḵharíd faroḵht karte, aur bote o banáte the; 29 Par jis din ki Lút Sadúm ne niklá, ág aur gandhak ne ásmán se baraske sab ko barbád kiyá. 30 So isí tarah hogá, jis din ki ádmí ká Beṭá záhir hogá. 31 Us din, jo koṭhe par ho, aur us ká asbáb ghar men, us ke lene ke wáste níche na áwe: aur jo khet men ho, waisá hí píchhe na phire. 32 Lút kí jorú ko yád karo. 33 Jo shaḵhs cháhe, ki apní ján bacháwe, use khoegá; aur jo shaḵhs apní ján khoe, use bacháwegá. 34 Aur main tum se kahtá hún, ki us rát do ádmí, jo ek palang par honge, ek pakará, dúsrá choṛá jáegá. 35 Aur do aurateṃ, jo ek sáth chakkí pístí hongí, ek pakarí, dúsrí chhoṛí jáegí. 36 Aur do ádmí, jo khet men honge, ek pakará, dúsrá chhoṛá jáegá. 37 Unhon ne jawáb men use kahá, ki Ai Ḵhudáwandka hán? Us ne un se kahá, Jaháun ki murda hai, gidh wahín jama honge.

### XVIII. BĀB.

1 Phir us ne is liye, ki un ko hamesha duá men lage rahná aur sustí na karná zarúr hai, ek tamsíl kahí; 2 Ki kisú shahr men ek qází thá, jo na Ḵh udá se ḍartá, aur na ádmí kí kuchh parwá rakhtá: 3 Aur usí shahr men ek bewa thí; jo us ke pás átí aur use yih kahtí thí, ki Mere dushman ke háth se merá insáf kar. 4 Us ne kuchh din na cháhá: lekin píchhe apne jí men kahá, ki Harchand main na Ḵhudá se ḍartá, aur na kuchh ádmí kí parwá rakhtá; 5 Lekin isliye ki yih bewa mujhe bahut satátí hai, us ká insáf karúngá; aisá na ho, ki wuh bahut áne se áḵhir ko merá damág ḵhálí kare. 6 Ḵhudáwand ne farmáyá, ki Suno, jo kuchh is beṭnsáf qází ne kahá. 7 Pas kyá Ḵhudá apne chune logon ká, jo rát din us se faryád karte, insáf na karegá, kyá un ke wáste der karegá? 8 Main tum se kahtá hún, ki wuh jald un ká insáf karegá; magar kyá ádmí ká Beṭá áke zamín par imán páwegá?

9 Phir we un se, jo apne par bharosá rakhte the, ki rástbáz haiñ, lekin auron ko náchíz jánte the, yih tamsíl kahí : 10 Ki do shaḡhs haikal men duá mángne gaye ; ek Farúsí, dúsrá mahsúllene-wálá. 11 Farúsí akelá khaḡá hoke yún duá mángtá thá, ki Ai Ḡhudá, main terá shukr kartá, ki auron kí mánind luṡerá, zálím, zinákár, yá jaisá yih mahsúllene-wálá hai, nahín hún. 12 Main hafte men do bár roza rakh-tá, main apne sáre mál kí dahekí detá hún. 13 Par us mahsúllene-wále ne dúr se khaḡe hoke itná bhí na cháhá, ki ásmán kí taraf ánkḡ tháwe, balki chhátí píṡtá aur kahtá, ki Ai Ḡhudáwand, mujh gunahgár par rahm kar. 14 Main tum se kahtá hún, yih shaḡhs dústre se rást-báz ṡhaharke apne ghar gayá : kyúnki jo áp ko baḡá jántá hai, chhoṡá kiyá jáegá ; aur jo apne taín chhoṡá jántá hai, baḡá kiyá jáegá.

15 Phir log bachchon ko us ke pás láye, ki un ko chhúe : par shá-girdon ne dekhke un ko ḡántá. 16 Magar Yisú ne bachchon ko buláke shágirdon se kahá, ki Laḡkon ko mere pás áne do, aur mana na karo : kyúnki Ḡhudá kí bádsháhat aisonhí kí hai. 17 Main tum se sach kah-tá hún, ki Jo Ḡhudá kí bádsháhat ko laḡke kí mánind qabúl nahín kartá, us men kabhú dáḡhil na hogá.

18 Aur ek sardár ne us se púchhá, Ai ustád, main kyá karún, ki hamesha kí zindagí ká wáris hún ? 19 Yisú ne us ko kahá, Tú kyún mujh ko achchhá kahtá hai ? koí achchhá nahín, magar ek, yáne Ḡhudá. 20 Tú hukmon ko jántá hai, Ziná na kar, Qatl na kar, Jhúṡhí gawáhi na de, Apne má báp kí izzat kar. 21 Us ne kahá, Yih sab laḡakpan se main mántá áyá. 22 Yisú ne yih sunkar, use kahá, Tau bhí tujh ko ek chíz báqí hai : sab kuchh, jo terá hai, bech, aur garíbon ko bánṡde, to ásmán men tere liye ḡhazána hogá : aur á, merí pairawí kar. 23 Wuh yih sunke, bahut gamgín húa, kyúnki wuh baḡá daulatmand thá. 24 Yisú ne us ko bahut gamgín dekhkar, kahá, ki Un ko, jo mál rakhte haiñ, Ḡhudá kí bádsháhat men dáḡhil honá kaisá mushkil hai ! 25 Kyúnki únṡ ká súí ke náke men jáná us se ásán hai, ki koí daulatmand Ḡhudá kí bádsháhat men dáḡhil ho. 26 Aur jinhon ne suná, kahá, Pas kaun naját pásaktá hai ? 27 Us ne kahá, Jo ádmí se nahín ho saktá, Ḡhudá se ho saktá hai.

28 Tab Pathar ne kahá, Dekh, ham ne sab kuchh chhoṡá, aur terí pairawí kí. 29 Us ne un se kahá, Main tum se sach kahtá hún,

ki Koī nahīn, jis ne ghar, yā mā bāp, yā bhāion, yā jorū, yā larkon ko Kḥudā kī bādshāhat ke wāste chhor diyā, 30 Ki is jahān men is se kahīn ziyāda na pāwe, aur us jahān men hamesha kī zindagī.

31 Aur us ne bārahon ko sāth leke, un se kahā, ki Dekho, ham Yirūshālam ko jāte hai, aur sab, jo nabion kī mārifat ādmī ke Bete ke haqq men likhā hai, pūrā hogā. 32 Kyūnki wuh qaumon ke hawāla kiyā jāegā, we us ko ṭhaṭhe men urādenge, aur beizzatī karenge, aur us ke munh par ṭhūkenge : 33 Aur us ko kore mārke qatl karenge ; aur wuh tīsre din jī uṭhegā. 34 Lekin unhon ne un men se koī bāt na samjhī : aur yih kalām un par chhipā rahā, aur in bāton kā matlab zarā un kī samajh men na āyā.

35 Phir aisā hūā, ki jab wuh Yirīho ke nazdīk āyā, ek andhā rāh par baiṭhā bhīk māngtā thā : 36 Us ne jānewālon kā shor sune pūchhā, ki kyā hai. 37 Tab unhon ne use kahā, ki Yisú Nāsarī jātā hai. 38 Us ne pukārke kahā, Ai Yisú Dáúd ke bete, mujh par rahm kar. 39 Unhon ne, jo áge jāte the, us ko dāntā, ki Chuprah : par wuh aur bhī chilláyā, ki Ai Dáúd ke bete, mujh par rahm kar. 40 Tab Yisú ne ṭhaharke farmáyā, ki Us ko mere pás lāo : jab nazdīk āyā, us ne use pūchhā, 41 Tú kyā cháhtā hai ki main tere wāste karūn ? Us ne kahā, Ai Kḥudāwand, yih ki mujhe ānkhen milen. 42 Yisú ne use kahā, ki Milīn : terī ímán ne tujhe changā kiyā. 43 Wuh usī dam dekhne lagā, aur Kḥudā kī tárif kartā hūā, us ke pīchhe chalā : aur sab logon ne dekhke Kḥudā kī tárif kī.

### XIX. BĀB.

1 Aur wuh Yirho men hoke jātā thā. 2 Dekho, Zakī námī ek mard ne, jo mahsúllene-wālon kā sardār aur daulatmand thā, 3 Chāhā ki Yisú ko dekhe, ki kaun hai ; lekin bhīr ke sabab dekh na sakā, kyūnki nāṭā thā. 4 Tab áge daurke ke gūlar kī peṛ par charḥ gayā, ki use dekhe : kyūnki wuh usī rāh se jāne ko thā. 5 Jab Yisú us jagah pahunchā, úpar nigāh kī, aur use dekhke us se kahā, Ai Zakī, jald utará ; kyūnki áj mujhe tere ghar rahnā zarūr hai. 6 Tab wuh jald utarke kḥushī se us ko apne ghar legayā. 7 Jab sabhon ne yih dekhā, kuṛkuṛāke kahā, ki Wuh ek gunahgār ke ghar já utrá hai. 8 Zakī



ne khare hoke K̄hudāwand se kahā, Dekh, ai K̄hudāwand, main apnā ādhā māl garībon ko detā hūn; aur agar kisī kā māl dagābāzī se liyā hai, us kā chaugunā detā hūn. 9 Tab Yisū ne us ke haqq men kahā, ki, Aj is ghar men najāt āī, isliye ki yihī Abirahām kā betā hai. 10 Kyūnki ādmī kā Betā āyā hai, ki khoe hūe ko dhūndhe, aur bachāwe.

11 Aur jad we ye sun rahe the, us ne, is liye ki Yirúshālam ke nazdik thā, aur we k̄hiyāl karte the, ki K̄hudā kī bādshāhat abhī zā-hir hūā chāhtī hai, 12 Ek tamsīl bhī kahī, ki Ek amīr dūr ke mulk ko chalā thā, ki apne liye bādshāhī leke phir āwe. 13 Us ne apne naukaron men se das ko bulāke, das thailiān un ko dīn aur un se kahā, ki Mere phir āne tak byohār karo. 14 Lekin us ke shahr ke ādmī, us se dushmanī rakhte the; us ke pīchhe paiyām bhejke kahā, ki Ham nahīn chāhte, ki yih ham par bādshāhat kare. 15 Aur yūn hūā, ki jad wuh bādshāhī leke phir āyā, in naukaron ko, jinhen rupae sompe the, bulā bhejā, ki jāne, ki harek ne kaisā byohār kiyā. 16 Tab pahle ne āke kaha, Ai k̄hudāwand, terī thailī ne das thailiān paidā kīn. 17 Us ne use kahā, Shābāsh, Ai achche naukar: is liye ki bahut thore men tū imāndār niklā, ab tū das shahr par iḡhtiyār rakh. 18 Aur dūsre ne āke kahā, Ai k̄hudāwand, terī thailī ne pānch thailiān paidā kīn. 19 Us ne use bhī kahā, Tū pānch shahr kā sardār ho. 20 Tīsre ne āke kahā, Ai k̄hudāwand, dekh apnī thailī, jis ko main ne rúmāl men bāndh rakhā hai: 21 Kyūnki main tujh se darta thā, ki tū saḡht ādmī hai: ki tū letā hai, jo nahīn rakhā, aur kāttā hai, jo nahīn boyā. 22 Us ne use kahā, Ai namakharām, main tujh ko tere hī munh se qāil kartā hūn. Jab tū ne jānī, ki main saḡht ādmī hūn, aur jo nahīn rakhā, letā, aur jo nahīn boyā, kāttā hūn: 23 To mere rupaion ko sarrāf kī koṭhī men kyūn na rakhā, ki main āke sūd samet letā? Tab us ne un se, jo hāzir the, kahā, ki Thailī us se lo, aur das thailiwāle ko do. 25 (Tad unhon ne use kahā, Ai K̄hudāwand, us ke pās das thailī to hai.) 26 Isliye main tum se kahtā hūn, ki Jis ke pās hai, us ko diyā jāegā; aur jis ke nahīn, us se wuh bhī, jo us ke pās hai, liyā āegā. 27 Pas mere un dushmanon ko, jinhon ne na chāhā, ki main un par bādshāhī karūn, yahān lāo, aur mere

sámhne qatl karo. 28 Aur yih kahke logon ke áge barhke Yirúshá-lam ko chalá.

29 Aur aisá húá, ki jab Baitfagá aur Baitaniyá ke nazdík us pahár ke pás, jo Zaitún kahlátá hai, áyá, apne shágirdon men se do ko yih kahke bhejá, 30 Ki sámhne kí bastí men jáo ; aur us men játe húe ek gadhe ká bachcha bándhá páoge, jis par kabhí koí sawár nahín húá : use khol láo. 31 Aur agar koí tum se púchhe, ki kyún kholte ho ? use yún kaho, ki Yih K̄hudáwand ko darkár hai. 32 Bheje hún ne jáke, jaisá us ne kahá, waisá hí páyá. 33 Aur jab gadhe ká bachcha kholne lage, us ke málikon ne unse kahá, ki Is bachche ko kyún kholte ho ? 34 Unhon ne kahá, ki K̄hudáwand ko darkár hai. 35 Aur we us ko Yisú ke pás lée : aur apne kapre us bachche par bichháke, Yisú ko sawár kiyá. 36 Jab játá thá, logon ne apne kapre ráh men bichháe. 37 Aur jab wuh Zaitún ke pahár kí utár par pahunchá, us ke shágirdon kí sárí jamáat sab karámaton ke sabab, jo dekhín thín, k̄hush hoke, buland áwáz se K̄hudá kí táríf karne lage ; 38 Ki Mubáarak hai wuh Bádsháh, jo K̄hudáwand ke nám par átá hai : ásmán par salámatí, aur álam i bálá men jalál. 39 Aur us bhír men se báze Farúsiyon ne use kahá, ki Ai ustád, apne shágirdon ko dánt. 40 Us ne jawáb men un se kahá, Main tum se kahtá hún, ki agar ye chup rahen, to pathar chilláenge.

41 Aur jab nazdík áke shahr ko dekhá, us par royá, 42 Aur kahá, Káshke tú apne usí din un báton ko, jo terí salámatí kí hain, jántá ! par ab we terí ánkhon se chhipí hain. 43 Kyúnki we din tujh par áwenge, ki tere dushman tere gird morcha bándhke, cháron or gherke, tujhe sab taraf se tang karenge, 44 Aur tujh ko, aur tere larakon ko, jo tujh men hain, k̄hák men miláwenge ; aur we tujh men pathar na chhorenge ; isliye ki tú ne us waqt, ki jab tujh par nigáh thí, na pahcháná.

45 Tab haikal men jáke, unhen jo us men bechte, aur k̄harídte the, nikálne lagá ; 46 Aur un se kahá, Likhá hai, ki merá ghar bandagí ká ghar hai ; par tum ne us ko choron ká khoh banáyá. 47 Aur har roz haikal men tálím detá thá. Aur sardár káhin aur faqíh, aur qau-mon ke sardár cháhte the, ki us ko qatl karen, 48 Par yih karne kí koí tadbír na páte the ; kyúnki sab log dhyán lagáke us kí sunte the.

## XX. BAB.

1 Aur unhn̄ dinon̄ men̄ ek din, jab wuh haikal men̄ logon̄ ko tálím aur k̄hushk̄habarí detá thá, aisá húá, ki sardár káhin aur faqíh buzurgon̄ ke sáth us ke pás áe, 2 Aur kahne lage, ki Ham se kah, tú kis ikhtiyár se yih kartá hai ? aur kaun hai, jis ne tujh ko yih ikhtiyár diyá ? 3 Us ne unhen̄ jawáb men̄ kahá, ki Main̄ bhí tum se ek bát púchhtá hún ; mujh se kaho : 4 Ki Yohan ká bápísmá ásmán se thá, yá ádmíon̄ se ? 5 Unhon̄ ne ápas men̄ saláh kí, ki Agar ham kahen̄, Ásmán se ; to wuh kahegá, Phir tum ne use kyúñ na máná ? 6 Aur agar ham kahen̄, ki Admíon̄ se ; to sab log ham par pathráo karenge : kyúñki unhen̄ yaqín hai, ki Yohan nabí thá. 7 Tab unhon̄ ne jawáb diyá, ki Ham nahín jānte, ki kahán se thá. 8 Yisú ne un ko kahá, Main̄ bhí tum se nahín kahtá, ki yih kis ikhtiyár se kartá hún.

9 Phir wuh logon̄ se yih tamsíl kahne lagá ; ki Kisí shakhs ne ek angúr ká bág lagáke, use bágbanon̄ ke supurd kiyá, aur muddat tak pardes men̄ rahá. 10 Aur fasal men̄ ek naukar ko bágbanon̄ ke pás bhejá, táki us augúr ke bág ká phal us ko den̄ : lekin bágbanon̄ ne us ko píṭke k̄hálí háth pherá. 11 Phir us ne dúsre naukar ko bhejá ; unhon̄ ne us ko bhí píṭke, aur beizzat karke, k̄hálí háth pherá. 12 Phir us ne tísre ko bhejá : unhon̄ ne gháyal karke us ko bhí nikál diyá. 13 Tab us bág ke málik ne kahá, ki Kyá karún ! Main̄ apne piyáre beṭe ko bhejúngá : sháyad use dekhkar, us se ḍar jáen̄. 14 Jab bágbanon̄ ne use dekhá, ápas men̄ saláh kí, ki Yih wáris hai : áo, us ko márdálen̄, ki mírás hamarí ho jáe. 15 Tab us ko bág ke báhar nikálke, márdálá. Ab bág ká málik un ke sáth kyá karegá ? 16 Wuh áwegá, aur in bágbanon̄ ko qatl karegá, aur bag auron̄ ko sompegá. Unhon̄ ne yih sunke kahá, Aisá na howe. 17 Tab us ne un kí taraf dekhke kahá, Phir wuh kyá hai, jo likhá hai, ki Wuh pathar, jise rájgíron̄ ne radd kiyá, wahí kone ká sirá húá ? 18 Harek jo us pathar par gire, chúr hogá ; aur jis par wuh gire, use pís ḍálegá.

19 Tab sardár káhin aur faqíh ne cháhá, hi usí dam us par háth ḍálen̄ ; kyúñki jáná, ki yih tamsíl unhn̄ ke haqq men̄ kahí ; par logon̄ se ḍare. 20 Aur unhon̄ ne qábú ḍhúñḍhke kaí jásúson̄ ko bhejá, ki áp ko rástbáz záhir karen̄, ki us kí koí bát pakar páwen̄, táki us ko

hákim kí qudrat o iḡhtiyár men sompen. 21 Tab unhon ne use púchhá, ki Ai ustád, ham jánte hain ki tú durust kahtá aur sikhátá hai, aur záhir par nazar nah ín kartá, balki sacháí se Ḳhudákí ráh batátá hai : 22 Hamen Qaisar ko mahsúl dená rawá hai, ki nahín? 23 Par us ne un kí dagábází daryáft karke un se kahá, ki Mujh ko kyúñ ázmáte ho? 24 Ek dínár mujhe dikháo. Us par kis kí súrat aur sikka hai? Unhon ne us ke jawáb men kahá, Qaisar ká. 25 Tab us ne un se kahá, Pas jo Qaisar ká hai, Qaisar ko do, aur jo Ḳhudá ká hai, Ḳhudá ko. 26 Aur we logon ke áge us kí bát pakar na sake : aur us ke jawáb se tájjub karke, chup ho rahe.

27 Tab Zádúqion ne, jo qiyámat ká inkár karte, pás áke us se púchhá, 28 Ki Ai ustád, Músá ne hamáre liye likhá hai, ki Agar kisú ká bháí jorú chhorke beaulád marjáe, to us ká bháí us kí jorú se byáh kare, aur apne bháí ke liye nasl járí kare. 29 Ab sát bháí the : pahlá byáh karke beaulád margayá. 30 Tab dúsre ne us aurat ko byáhá, wuh bhí beaulád múá. 31 Tísre ne usko byáhá ; isí tarah un sáton ne ; aur sab beaulád múe. 32 Aur sab ke bád wuh aurat bhí múí. 33 Pas qiyámat men un men se, wuh kis kí jorú hogí ? kyúñki wuh sáton kí jorú thí. 34 Yisú ne jawáb men un se kahá, ki Is jahán ke log byáh karte, aur byáhe játe hain : 35 Lekin jo log us jahán ke aur qiyámat ke sharík hone ke láiq thaharte, na byáh karte hain, aur na byáhe játe : 36 Phir nahín marne ke : kyúñki we frishton kí má-nind hain ; aur qiyámat ke beṭe hoke, Ḳhudá ke beṭe hain. 37 Aur murdon ke uṭhne par Músá ne bhí jhárí ke zikr men ishára kiyá ; chunánchi Ḳhudáwand ko Abirahám ká Ḳhudá, aur Ishák ká Ḳhudá, aur Yaqúb ká Ḳhudá kahtá hai. 38 Ḳhudá murdon ke Ḳhudá nahín, balki zindon ká hai : ki sab us ke nazdík zinde hain. 39 Tab báze faqíhon ne jawáb men use kahá, ki Ai ustád, tú ne ḡhúb farmáyá. 40 Bád us ke kisú ká hiwáo na pará, ki us se kuchh púchhe.

41 Aur us ne un se kahá, Kis tarah kahte hain, ki Masíh Dáúd ká beṭá hai? 42 Aur Dáúd Zabúr kí kitáb men áp kahtá hai, ki Ḳhudáwand ne mere Ḳhudáwand se kahá, ki Mere dahne háth par baiṭh, 43 Jab tak main tere dushmanon ko tere páon kí chaukí karún. 44 Pas Dáúd to use Ḳhudá kahtá hai, phir wuh us ká beṭá kis tarah húá?

45 Jab sab log sun rahe the, us ne apne shágirdon se kahá, 46 Ki faqíhon se khabardár raho, jo lambí poshák men phirná cháhte, aur bázaron men salám ko, aur majlison men únchí jagahon ko, aur mihmánion men úpar kí jagahon ke mushtáq hain; 47 We bewon ke gharon ko khájáte, aur dikháne ke liye lambí chaurí namáz karte hain : pas unhnín ko ziyáda sazá milegí.

---

### XXI. B.AB.

1 Us ne ánkھ utháke daulatmandon ko apní nazar haikal ke kha-záne men dálte dekhá. 2 Aur ek kangál bewa ko do damrí dálte dekhá. 3 Tab us ne kahá, Main tum se sach kahtá hún, ki is kangál bewa ne sab se ziyáda dálá: 4 Kyúнки un sabhon ne apne ziyáda mál se KHUDÁ kí nazr men dálá: par us ne apní garíbí kí sárí púnjí dálí.

5 Aur jab báze haikal ke haqq men kahte the, ki achchhe pattharon aur nazr kí chizon se sawánrá hai, us ne kahá, 6 We din áwenge ki un men se, jo dekhte ho, pathar par pathar na chhútegá ki giráyá na jáe. 7 Tab unhon ne use púchhá, ki Ai ustád, yih kab hogá? aur us ke hone ká kyá nishán hai? 8 Us ne kahá, Dekho, koí tum ko gumráh na kare: kyúнки bahutere mere nám par áwenge, aur kahenge, ki main; aur waqt nazdík hai: par un ke píchhe na jáiyo. 9 Aur jab laráion aur fasádon kí khabar suno, to na ghabráiyo: kyúнки pahle un ká honá zarúr hai; par abtak ákhir nahín. 10 Phir us ne un se kahá, ki Qaum qaum par, aur bádsháhi bádsháhi par, charh áwegí. 11 Aur bahut jagahon men bare bare bhúnchál áwenge, aur marí aur kál paregá; aur bhayának chízen aur bare bare nishán ásmán se záhir honge. 12 Lekin sab se pahle mere nám ke sabab tum par háth dálenge, aur satáwenge, aur ibádatkhanon aur qaid men sompenge, aur bádshahon aur hákimon ke pás khenchege. 13 Aur yih tumháre liye gawáhi thahregí. 14 Pas apne dil men thahrá rakho, ki ham pahle se fikr na karen, ki kyá jawáb denge: 15 Is liye ki main tumhen aisí zabán aur hikmat dúngá, ki tumháre sab muddái kahne aur sámhná karne ká maqdaúr na rakhenge. 16 Má báp, aur bhái, aur rishtedár, aur dost bhí tum ko giriftár karwáenge; aur tum men se bázon ko qatl karenge. 17 Aur mere nám ke sabab, sab log tum

se kína rakhenge. 18 Lekin tumháre sir ká ek bál na bíkegá. 19 Tum sabar se apní ján bacháe rakho. 20 Aur jab tum Yirúshálam ko faujon se gherá dekho, to jániyo ki us ká ujár honá nazdík hai. 21 Tab we, jo Yihúdiya men hon, paháron men bhág jáen, aur we, jo shahr men hon, báhar nikal jáen; aur we, jo us ke báhar hon, bhítar na áwen. 22 Kyúнки we din badlá lene ke din hain, ki sab, jo likhá hai, púrá hogá. 23 Par un dinon peṭwálíon aur dúdhpiláne-wálíon par afsos! kyúнки is mulk men baṛí tangí, aur is qaum par gazab hogá. 24 Aur we talwár se girjáenge, aur log unhen bandhwá-ke sab qaumon men lejáenge: aur jab tak qaumon ká waqt púrá na ho, Yirúshálam qaumon se raundí jáegí.

25 Aur súraḡ o chánd, aur táron men nishán hongé; aur zamín par qaumon kí musíbat, ghabráhat ke sáth, hogí; aur samundar aur us kí laharon ká shor hogá; 26 Aur logon ke, ḡar ke máre, aur un chízon kí, jo zamín par átí hain, ráh dekhne se ján men ján na rahegí; is liye ki ásmán kí qúwaten hil jáengí. 27 Aur tab log ádmí ke Beṭe ko badlí men baṛí qudrat aur jalál ke sáth áte dekhenge. 28 Aur jab ye chízen hone lagín, sídhe hoke sir úpar uṭháó; is liye ki tumhárá chhuṭkára nazdík hai.

29 Aur us ne un se ek tamsíl kahí; ki Anjír ke daraḡht aur sab daraḡhton ko dekho; 30 Jab un men kopalen nikaltí hain, tum áphí jánte ho, ki garmí nazdík áí. 31 So isí tarah tum bhí jab in chízon ko hote dekho, to jáno ki Ḳhudá kí bádsháhat nazdík áí. 32 Main tum se sach kahtá hún, ki Jab tak yih sab ho na lewe, yih piṛhí kabhí na guzregí. 33 Ásmán o zamín ṭal jáenge: par merí báten kabhí na ṭalengí. 34 Ḳhabarbár, aisá na ho, ki tumhárá dil bahut kháne, aur matwálá hone, aur zindagí ke fikron se bháří ho, aur achának wuh din tum par á pare. 35 Isliye ki wuh jál kí tarah zamín ke sab rahnewálon ko gher legá. 36 Pas har waqt jágte raho, aur duá mángo, táki tum in sab chízon se, jo honewálí hain bacho, aur ádmí ke Beṭe ke sámhne khare hone ke láiq ṭaharo. 37 Aur wuh din ko haikal men tálím detá, aur rát ko báhar jáke Zaitún námí pahár par rahtá thá. 38 Aur subh sab log us kí báten sunne ko haikal men áte the.

## XXII. BAB.

1 Ab I'd fatír, jis ko I'd Párjáná kahte haiñ, nazdík áí. 2 Aur sardár káhin aur faqíh tadbír men the, ki us ko kis tarah már dáleñ; kyúnki logon se darte the.

3 Tab Shaitán Yihúdá men, jo Iskariyatí kahlátá, aur bárahon kí gintí men thá, samáyá. 4 Us ne jáke sardár káhin aur sipáhíon ke sardár se saláh kí, ki us ko kis tarah un ke hawále kare. 5 We khush húe, aur use rupae dene ká iqrár kiyá. 6 Us ne qabúl kiyá, aur qábú dhúndhtá thá, ki jab log na rahen, use un ke hawále kare.

7 Tab fatír ká din, jis men fisah zabh kiyá cháhiye, áyá. 8 Yisú ne Pathar aur Yohan ko bhejá, ki Pahle jáo, hamáre liye fisah taiyár karo, táki kháen. 9 Unhon ne use kahá, Tú kahán cháhtá hai, ki ham taiyár karen? 10 Us ne un se kahá, Dekho, jab shahr men dákhil hoge, ek ádmí pání ká ghará liye tumhen milegá; jis ghar men wuh jáe, us ke píchhe chale jáo. 11 Aur ghar ke málik se kaho, ki Ustád kahtá hai, ki Wuh makán kahán hai, jis men apne shágirdon ke sáth fisah kháún? 12 Wuh tumhen ek bará koṭhá farsh bichhá dikháwegá: wahín taiyár karo. 13 Unhon ne jáke, jaisá un se kahá thá, páyá: aur fisah taiyár kiyá.

14 Aur jab waqt áyá, wuh apne bárah rusúlon ke sáth kháne baitá. 15 Aur un se kahá, Mujhe barí khwáhish thí, ki dukh sahne ke áge yih fisah tumháre sáth kháún: 16 Kyúnki main tum se kahtá hún, ki Phir kabhú use na kháungá, jab tab Kḥudá kí bádsháhat men púrá na ho. 17 Aur piyále ko leke shukr kiyá, aur kahá, ki Is ko leke ápas men bánt lo: 18 Kyúnki main tum se kahtá hún, ki Angúr ká ras phir na píungá, jab tak Kḥudá kí bádsháhat na áwe. 19 Phir roṭí lí, aur shukr karke torí aur yih kahke un ko dí, ki Yih merá badan hai, jo tumháre wáste diyá játá hai: yih merí yádgári ke wáste kiyá karo. 20 Aur isí tarah kháne ke bád us piyále ko lekar kahá, ki Yih piyála nayá qaul hai, jo mere lahú se, ki tumháre wáste baháyá játá hai, bandhá.

21 Par ab dekho, us ká háth, jo mujhe giriftár karwátá hai, mere sáth mez par hai. 22 So ádmí ká Betá to, jaisá us ke wáste muqarrar hai, játá hai: magar us shaḥs par afsos, jo use giriftár karwátá hai!

23 Tab we ápas men púchhne lage, ki wuh kaun hai, jo yih kám karegá.

24 Aur un men yih takrár thí, ki dekhiye ham men se kaun bará thahartá hai. 25 Us ne un se kahá, ki Qaumon ke bádsháh un par hukúmat karte hain; aur jo log un men ikhtiyárwále hain, khudá-wand i niamat kahláte. 26 Par tum aise naho; balki jo tum men bará hai, chhoṭe kí, aur kháwind khidmatkarnewále kí mánind ho. 27 Kyúнки kaun bará hai, jo kháne baiṭhá, yá wuh jo khidmat kartá hai? kyá wuh nahín, jo kháne baiṭhá hai? lekin main tumháre darmiyán khidmat karnewále kí mánind hún. 28 Tum we hí ho, jo merí ázmáishon men sadá mere sáth rahe. 29 Aur jab se mere Báp ne mere liye ek bádsháhat muqarrar kí, main bhí tumháre liye muqarrar kartá hún. 30 Táki merí bádsháhat men merí mez par kháo, pío, aur takhton par baiṭhkar Isráel ke bárah gharáne kí adálat karo.

31 Phir Khudáwand ne kahá, Simon, ai Simon, dekh, Shaitán ne cháhá, ki tumhen gehún kí tarah phatke; 32 Lekin main ne tere liye duá mángí, ki terá ímán játá na rahe: aur jab tú báz áwe, to apne bháíon ko mazbút kar. 33 Tab us ne use kahá, ki Ai Khudá-wand, main tere sáth qaid hone, balki marne ko taiyár hún. 34 Tad us ne kahá, Ai Pathar, main tujh se kahtá hún, ki áj murg báng na degá, jab tak tú tén martaba merá inkár na kare, ki main use nahín pahchántá.

35 Aur us ne un se kahá, ki Jab main ne tumhen be baṭúe, aur be jholí, aur be júton ke bhejá, kyá kisú chíz kí kamí húi? Unhon ne kahá, Kisú kí nahín. 36 Us ne unhen kahá, Par ab jis ke pás baṭúá ho, lewe, aur isí tarah jholí bhí: aur jis pás nahín, apne kapre bechke talwár kharíde. 37 Kyúнки main tum se kahtá hún, ki yih likhá, ki Wuh badon men giná gayá, zarúr hai, ki mere haqq men púrá ho: is liye ki yih, jo mere haqq men likhá hai, tamám hotá hai. 38 Unhon ne kahá, ki Dekh, ai Khudáwand, yahán do talwár hai. Us ne un se kahá, Báhut hai.

39 Aur wuh nikalke, apne dastúr par, Zaitún ke pahár kí taraf chalá: aur us ke shágird us ke píchhe ho liye. 40 Aur us jagah pahunchke, us ne un se kahá, Duá mángo, táki ázmáish men na paro. 41 Aur us ne un se tír ke ṭappe ek par barhke, ghuṭne tek-



kar duá mángí, 42 Ki Ai Báp, agar tú cháhe, to yih piyála mujh se dúr kare : lekin merí marzí ke muwáfíq na ho, balki terí. 43 Aur ásmán se ek firishta us ko dikháí diyá, jo use qúwat detá thá. 44 Aur wuh jánkaní men phanske aur bahut giṛgiṛáke duá mángtá thá ; aur us ká pasíná lahú ke thake kí mánind hokar zamín par girtá thá. 45 Aur duá se uṭhkar apne shágirdon ke pás áyá, aur unhen gam se sotá páyá, 46 Aur us se kahá, ki Tum kyúñ sote ho ? uṭhkar duá mángo, táki ázmáish men na paro.

47 Wuh yih kah rahá thá, ki dekho, ek jamáat dikháí dí, aur ek un bárahon men se jo Yihúdá kahlátá thá, unke áge áge hokar Yisú pás áyá, ki us ko chúme. 48 Tab Yisú ne use kahá, ki Ai Yihúdá, tú ádmí ke Bete ko chúmke pakarwátá hai ? 49 Pas unhon ne jo us ke sáth the, wuh jo honí thí málúm karke, use kahá, Ai Kḥudáwand, kyá ham talwár chaláwen ? 50 Un men ek ne sardár káhin ke naukar ko lagáí, aur us ká dahná kán urádiyá. 51 Tab Yisú ne jawáb men kahá, Itne hí par rahne do. Aur us ke kán ko chhúkar us ko changá kiyá. 52 Phir Yisú ne sardár káhin, aur haikal ke sardár, aur buzurgon se, jo us ke pás áe the, kahá, ki Tum jaise chor pakarne ko talwáren aur láthián lekar nikle ho ? 53 Main har roz haikal men tumháre sáth thá, tum ne mujh par háth na dálá : lekin yih tumhári gharí aur táríkí ká ikhtiyár hai.

54 Tab we use pakar lechale, aur sardár káhin ke ghar legae. Aur Pathar dúr ke píchhe chalá játá thá. 55 Aur we angan ke bích men ág jaláke, milkar baiṭhe the, Pathar un ke bích men baiṭhá. 56 Ek laundí ne use ág ke pás baiṭhá dekhkar, us men kḥúb nigáh karke kahá, Yih bhí us ke sáth thá. 57 Us ne us ká inkár karke kahá, Ai aurat, main use nahín jántá. 58 Thorí der bád ek aur kisí ne use dekhkar kahá, ki Tú bhí un men se hai. Pathar ne kahá, ki Ai shaḥs, main nahín hún. 59 Ghanṭe ek bád aur kisú ne tákíd se kahá, ki yih ádmí beshakk us ke sáth thá : kyúñki Galílí hai. 60 Pathar ne kahá, Ai shaḥs, main nahín samajhtá, ki tú kyá kahtá hai. Yih kah rahá thá, ki jhaṭ murg ne báng dí. 61 Tab Kḥudáwand ne phirke, Pathar kí taraf dekhá. Aur Pathar ko Kḥudáwand kí bát, jo use kahí, ki Murg ke báng dene ko áge tú merá tín bár inkár karegá, yád áí. 62 Aur Pathar báhar jáke, zár zár royá.

63 Aur we log, jin kí hawálát men Yisú thá, us ko koṛe márke thaṭhe men uráne lage. 64 Aur us kí ánkḥ mundke us ko tamánche máre, aur use púchhá, kí Nabúat kar, kí kis ne tujh ko mára ? 65 Aur us ke haqq men aur bhí bahut kufr baká.

66 Aur jab din húá, logon ke buzurg, aur sardár káhin, aur faqíh jama húe, aur use apní sabhá men láe, aur kahá, 67 Agar tú Masíh hai, ham se kah. Us ne un se kahá, Agar main tum se kahún, to tum yaqín na karoge : 68 Aur agar púchhún bhí, to jawáb na doge, aur mujhe na chhoroḡe. 69 Ab se ádmí ká Beṭá Kḥudá kí qudrat ke dahne háth baiṭhá rahegá. 70 Sabhon ne kahá, Pas kyá tú Kḥudá ká Beṭá hai ? Us ne un se kahá, Tum ṭhík kahte ho, main hún. 71 Tab unhon ne kahá, Ab hamen aur gawáhí kyá darkár ? kyúnki ham ne khud us ke munh se suná.

### XXIII. BAB.

1 Aur sárí jamáat uṭhke use Pilát pás legaí. 2 Aur us par tuhmat lagání shurú kí, kí Ise ham ne qaum ko bahkáte, aur Qaisar ko mahsúl dene se mana karte, aur apne taín Masíh Bádsháh kahte páyá. 3 Tab Pilát ne us se púchhá, Kyá tú Yihúdíon ká Bádsháh hai ? Us ne us ke jawáb men kahá, Hán, tú ṭhík kahtá hai. 4 Tab Pilát ne sardár káhin aur logon se kahá, kí Main is shaḡhs ká kuchh qusúr nahín pátá. 5 Par unhon ne aur bhí chilláke kahá, kí Yih Galíl se lekar, sáre Yihúdiya men 'yahán tak tálím dete logon ko ubháṛtá hai. 6 Pilát ne Galíl ká nám sunkar púchhá, kí Kyá yih ádmí Galílí hai. 7 Jad jáná kí Hirod ke amal ká hai, use Hirod pás, jo un dinon Yirúshálam men thá, bhejá.

8 Aur Hirod Yisú ko dekhke bahut kḥush húá : kyúnki muddat se cháhtá thá kí use dekhe, isliye kí us kí bahut báten sunín thín, aur us kí koí karámat dekhne kí umed thí. 9 Aur us ne us se bahu-terí báten púchhín, par us ne use kuchh jawáb na diyá. 10 Aur sardár káhin aur faqíhon ne uṭhke us par baṛí tuhmaten lagáín. 11 Tab Hirod ne apne fauj samet us kí beizzatí aur hansí kí, aur use cham-chamátí poshák pahináke phir Pilát kane bhejá. 12 Aur use din

Pilāt aur Hirod āpas men dost hūen ; kyūnki āge un donoṅ men dushmanī thī.

13 Aur Pilāt ne sardār kāhin, aur sardāron, aur logon ko ikatṛhe karke un se kahā, 14 Ki tum is shaḅhs ko mere pās yih kahte lāe, ki Yih logon ko bahkātā hai : dekho, main ne tumhāre āge is kī āz-māish kī, par un qusūron men se, jis kī tum us par tuhmat rakhte ho, main ne is shaḅhs men kuchh na pāyā : 15 Aur na Hirod ne : kyūnki main ne tumhen us ke pās bhejā ; pas, dekho, us se koī aisā kām na hūā, jo qatl ke lāiq ho. 16 Isliye us ko tambīh karke chhoṛdūngā. 17 (Use har Id men zarūr thā, ki kisū ko un ke wāste chhoṛde.) 18 Tab sab milke chillāe, ki Use lejā, aur Barabbā ko hamāre liye chhoṛde : 19 (Wuh kisū fasād ke sabab, jo shahr men hūā thā, o ḅhūn kī bābat qaid thā.) 20 Pilāt ne yih chāhke ki Yisū ko chhoṛde, phir unhen samjhāyā. 21 Phir unhon ne chillāke kahā, ki Us ko salīb de, salīb de. 22 Tīsrī bār us ne un se kahā, Kyūn, us ne kyā badī kī hai ? main ne us men qatl ke lāiq koī qusūr na pāyā : is liye main use tambīh karke chhoṛdūngā. 23 Unhon ne shor machāke, use tang kiyā, aur chāhā, ki wuh salīb diyā jāe. Aur un ke, aur sardār kāhin ke shor ne use dabā liyā. 24 Tab Pilāt ne hukm kiyā, ki Un kī ḅhwāhish ke muwāfiq ho. 25 Aur un ke wāste us shaḅhs ko, jo fasād aur ḅhūn ke sabab qaid thā, jise unhon ne chāhā thā, chhoṛ diyā ; aur Yisū ko un kī marzī par somp diyā.

26 Aur jab us ko lejāte the, Simon nām Kūrīnī ko, jo shahr ke bāhar se ātā thā pakarke, salīb us par rakhdī, ki Yisū ke pīchhe pīchhe lechale. 27 Aur logon kī baṛī bhīr, aur we auraten, jo us ke wāste chhātī pīt aur rorahī thīn, us ke pīchhe pīchhe chālīn. 28 Yisū ne phirke, un se kahā, ki Ai Yirūshālam kī beṛō, mujh par na roo, balki āp par, aur apne laḅkon par roo. 29 Kyūnki dekho, din āte hain, ki log kahenge, Mubārak hain bānjhen, aur wuh peṛ, jo nā jane, aur we chhātīān, jinhon ne dūdh na pilāyā. 30 Tab pahāron se kahnā shurū karenge, ki Ham par gir paṛo ; aur pahāron se, ki Hamen chhipāo. 31 Kyūnki jad sabz daraḅht ke sāth aisā karte hain, to sūkhe ke sāth kyā nā kiyā jāegā ?

32 Aur we do ādmī ko bhī, jo badkār the, lechale, ki us ke sāth māre jāen. 33 Aur jad we wahān, jis ko khoprī kī jagah kahte pa-

hunche, us ko wahān salīb dī, aur badkāron ko bhī, ek dahne aur dūs-rā bāen. 34 Aur Yisú ne kahá, ki Ai Báp, unko muáf kar ; kyúnki nahīn jānte, ki kyá karte hai. Aur unhon ne us ke kapron ko hissa karke chitṭī dāli. 35 Aur log khare dekh rahe the. Aur sardár un ke sáth thaṭhá karke kahte the, ki Auron ko bacháyá; agar yih Masih Kḥudá ká chuná húa hai, to ap ko bacháwe. 36 Aur sipáhi bhī use hanste the, aur áke use sirká deke kahá, 37 Agar tú Yihúdíon ká Bádsháh hai, to apne taín bachá. 38 Aur us ke úpar Yúnání, Rúmí, aur I'brí men yih nawishta likhá thá, ki YIH YIHUDI'YON KA BĀDSHĀH HAI.

39 Aur ek un badkāron men se, jo salīb par laṭakte the, use tána márke kahtá thá, ki Agar tú Masíh hai, ap ko aur ham ko bachá : 40 Dústre ne use malámat karke jawáb diyá, kyá tú bhī Kḥudá se nahīn dartá, ki aisí sazá men giriftár hai. 41 Aur ham to wájibí, kyúnki apne kiye ká phal páte hai : par us ne to koí bejá kám na kiya. 42 Aur us ne Yisú se kahá, Ai Kḥudáwand jab tú apní bádsháhat men áwe, mujhe yád kíjiyo. 43 Yisú ne use kahá, Main tujh se sach kahtá hūn, ki Aḡ tú mere sáth bihisht men hogá.

44 Aur chhatwen ghanṭe ke qaríb thá, ki sári zamín par andherá chhágayá, aur nawen ghanṭe tak rahá. 45 Aur súraḡ tárík hogayá, aur haikal ká parda bích se phat gayá : 46 Aur Yisú ne zor se pukárke kahá, Ai Báp, main apní rúh tere háth men somptá hūn : yih kahke ján dī.

47 Aur súbadár ne yih hál dekhke, Kḥudá kí táríf kí, aur kahá, Beshakk yih ádmí rástbáz thá. 48 Aur sab log, jo yih tamásha dekhne áe the, jad yih hál bekhá, chhátí píṭte phire. 49 Aur us ke sab jánpahchán, aur auraten jo Galíl se us ke píchhe áín thín, dúr kharí hoke yih hál dekh rahín thín.

50 Aur dekho, Yúsaf nám Yihúdíon ke shahr Arimatiyá ká ek shaḡhs, jo saláhkár aur nek o rástbáz thá ; 51 Aur un kí saláh aur kám ká sharík na thá ; aur ap bhī Kḥudá kí bádsháhat kí ráh dekh-tá thá : 52 Us ne Pilát ke pás áke Yisú kí lách mángí. 53 Aur us ko utárke kapre men lapetá, aur qabr men, jo patthar men khodí thí, jahán koí kabhú rakhá na gayá thá, rakhá. 54 Aur wuh taiyári ká din thá, aur sabt shurú hone lagá.

55 Aur we auraten bhī, jo us ke sáth Galíl se áin thín, píchhe píchhe gaín, aur qabr ko aur us ke lách ko, ki kis tarah rakhí hai, dekhtí thín. 56 Aur phirke k̄húshbúían, aur atr tayár kiyá; lekin hukm ke muwáfiq sabb ke din árám kiyá.

#### XXIV. BĀB.

1 Aur we itwár ke din bare tarke, un k̄húshbúíon ko, jo taiyar kí thín, leke qabr par áin, aur un ke sáth koí aur bhí thín. 2 Aur unhon ne pathar ko qabr par se dhalká páyá. 3 Aur andar jáke K̄hudáwand Yisú kí lách na páí. 4 Aur aisá húá, ki jab we us bát se hairán thín, dekho, do shaḡhs, chamchamátí poshák pahne un ke pás khare the: 5 Jab we dartín, aur apne sir jhukátí thín, firishton ne un se kahá, Tum kyún zinde ko murdon men dhúndhrahí ho? 6 Wuh yahán nahín hai, balki uṭhá hai; yád karo, ki jab Galíl men thá, tum se kyá kahá thá? 7 Ki zarúr hai, ki ibni ádam gunahgáron ke háth men sompá jáe, aur salíb diyá jáe, aur tísre din uṭhe.

8 Tab unhen us kí báten yád áin, 9 Aur qabr par se phirke un gyárahon aur báqí logon ko, in sab báton kí k̄habar dí. 10 Aur Mariyam Magdalíná, aur Yohan aur Mariyam Yaqúb kí má, aur dúsre auraten, jo sáth thín, unhonhí ne Rusúlon se yih báten kahín. 11 Par unhen un kí báten kahání sí samajh pařín, aur un ká iatibár na kiyá. 12 Tab Pathar uṭh ke qabr kí taraf daurá; aur jhukkar dekhá, ki sirf kafan pařá hai; is májare se apne jí men tájjub kartá chalágayá.

13 Aur dekho, usí din un men se do ádmí us bastí kí taraf jis ká nám Immáu Yirúshálam se sāt astádiyus par thá játe the: 14 Aur un sab májaron kí bábat ápas men bát chít karte the: 15 Aur aisá húá ki jab we bát chít aur púchh páchh kar rahe the; Yisú áp nazdík áke un ke sáth chalá: 16 Lekin un kí ánkhen band ho gaín thín, ki us ko na pahcháná. 17 Us ne un se kahá, Yih kyá báten hain, jo tum ráh men ápas men karte jíte ho, aur tumhárá chihra udás hai? 18 Tab ek ne jis ká nám Klíopá thá, jawáb men use kahá; ki Kyá akelá tú kí Yirúshálam men padesí hai, jo kuchh in dinon men húá hai, nahín jántá? 19 Us ne un se kahá, Kyá? Unhon ne use kahá, kyá Yisú Násarí ká májará, jo nabí thá, aur K̄hudá k̄halq ke sámhne kám

aur kalám men qudratwálá. 20 Chunánchi sardár káhin, aur hamáre sardáron ne us ko qatl ke liye sompá, aur salíb diyá. 21 Par ham ummedwár the, ki yihí Isráel ko muḡhlasí degá : aur sab ke siwá, áj tísrá roz hai, ki yih májará húá. 22 Aur ham men se koí auraten ne bhí ham ko ghabrá rakhá hai, ki tarke us kí qabr par gai : 23 Aur us kí lách ko na páyá, unhon ne áke kahá, ki Ham ne firishte dekhe, jinhon ne kahá, ki wuh zinda hai. 24 Aur bázon ne hamáre sáthion men se qabr par jáke, jaisá ki un auraton ne kahá páyá, par us ko na dekhá. 25 Tab us ne use kahá, ki Ai nádánon, aur nabíon kí sárí báton ke mánne men sustmizájo : 26 Kyá zarúr na thá, ki Masíh dukh uṭháwe aur apne jalál men dákhil ho ? 27 Aur Músá aur sab nabíon kí we báten, jo sab kitábon men us ke haqq men hain, shurú se un ke liye bayán kíñ. 28 Aur we us bastí ke, jis kí taraf játe the, nazdík pahunche : aur aisá málúm pará, ki wuh áge jáyá cháhtá hai. 29 Tab unhon ne us ko rokke kahá, ki Hamáre sáth rah : kyúinki shám húá cháhtí hai, aur din áḡhir. Tab wuh bhítar áke un ke sáth rahá. 30 Aur aisá húá, ki jab wuh nnke sáth kháne baiṭhá thá, roṭí lekar shukr kiyá, aur torḡe un ko dí. 31 Tab un kí ánkhen khul gáñ, aur us ko pahcháná, aur wuh un ke pás se gáib hogayá. 32 Tab unhon ne ápas men kahá, Jab ráh men ham se báten kartá, aur hamáre liye kitábon ke matlab kholtá thá, to kyá hamáre dil men baṛí ḡhushí na thí ?

33 Aur usí dam uṭhkar, we Yirúshálam ko phire ; aur un gyárahon aur un ke sáthion ko ekaṭhe páyá, 34 Ki kahte the, Ḳhudáwand sach mach uṭhá aur Simon ko dikhái diyá. 35 Tad unhon ne ráh ká hál bayán kiyá, aur yih ki kyúnkar unhon ne roṭí torne par use pahcháná. 36 Aur we ye báten kar rahe the, ki Yisú ne áp un ke bích menk hare hoke un se kahá, Tumhen salám. 37 Par unhon ne ghabráke, aur ḡarke ḡhiyál kiyá, ki rúh ko dekhte hain. 38 Magar us ne un se kahá, ki Tum kyún ghabráhat men ho ? aur káheko tumháre dil men shakk átá hai ? 39 Mere háth páon ko dekho, ki main hí hún, aur mujhe ṭaṭolo, aur dekho, kyúinki rúh ko jism aur haḡḡí nahín, jaisá mujh men dekhte ho. 40 Aur yih kahke unhen apne háth aur páon dikháe. 41 Aur jab we máre ḡhushí ke iatibár na karte, aur tájjub karte the : us ne un se kahá, ki Yahán tumháre pás kuchh

kháná hai? 42 Tab unhoṅ ne bhúní machhlí ká ṭukrá aur shahd ká chhatá us ko diyá. 43 Us ne leke un ke sámhne kháyá.

44 Aur un se kahá, ki Ye wahí bāten haiṅ, ki jab main tumháre sáth thá, tum se kahíṅ, ki zarúr hai, ki sab kuchh jo Músá kí tauret, aur nabíṅ kí kitáb aur zabúr meṅ merí bábat likhá hai, púrá ho. 45 Tab un kí samajh khol dí, ki kitáboṅ ko samjheṅ. 46 Aur un se kahá, ki Yún likhá hai aur yúnhi zarúr thá, ki Masíh dukh uṭháwe, aur tísre din murdoṅ men se jí uṭhe : 47 O Yirúshálam se leke sárí qaumon meṅ tauba aur gunáhoṅ kí muáfi kí us ke nám par manádí kí jáe. 48 Aur tum in bátoṅ ke gawáh ho. 49 Aur, dekho, apne Báp ke wáde ko main tum par bhejtá hún : lekin tum jab tak ásmán se qúwat na páo ; Yirúshálam ke shahr meṅ ṭhaharo.

50 Tab we unheṅ waháṅ se báhar Baitaniyá tak legayá ; aur apne háth uṭháke unheṅ barakat dí. 51 Aur aisá húá, ki jab wuh unheṅ barakat de rahá thá, un se judá húí, aur ásmán par gayá. 52 Aur we us ko sijda karke, baṛí kḥushí se Yirúshálam ko phire : 53 Aur hamesha haikal meṅ Kḥudá kí táríf aur shukr karte rahe. *Āmín.*

---

## YOHAN KI INJIL.

---

### I BĀB.

1 Ibtidá meṅ Kalám thá, aur Kalám Kḥudá ke sáth thá, aur Kalám Kḥudá thá. 2 Yihí ibtidá meṅ Kḥudá ke sáth thá. 3 Sab chízen us se maujúd hún ; aur maujudát meṅ bagair us ke koí chíz maujúd nahíṅ húi. 4 Zindagí us meṅ thí ; aur wuh zindagí insán ká núr thí. 5 Aur wuh núr táríkí meṅ chamaktá hai ; aur táríkí ne use daryáft na kiyá.

6 Ek shaḥs Kḥudá taraf se bhejá gayá thá, uská nám Yohan thá. 7 Yih gawáhí ke liye áyá, ki núr par gawáhí de, táki sabus ke sabab se ímán láweṅ. 8 Wuh núr na thá, par núr par gawáhí dene áyá thá.

9 Sachhá Núr wuh thá, jo dunyá meṅ áke har ek ádmí ko roshan kartá hai 10 Wuh jahán meṅ thá, aur jahán use se maujúd húá, aur jahán ne usse na jáná. 11 Wuh apnoṅ pás áyá, aur apnoṅ ne use

qabúl na kiyá. 12 Lekin jitnon ne use qabúl kiyá, usse unhen iqtidár baḡshhá, ki Ḳhudá ke farzand hún, yáne unhen jo us ke nám par ímán láte hai. 13 We na lahú se, na jism kí ḡhwáhish se, na ádmí ek qassad se, balki Ḳhudá se paidá húe hai. 14 Aur Kalám mujasm húa, aur wuh fazal aur rástí se bhar púr hoke hamáre darmiyán rahá, aur ham ne uská aisá jalál dekhá, jaise Báp ke iklaute ká jalál.

15 Yohan ne uskí bábat gawáhí dí, aur pukár ke kahá, Yih wahí hai, jiská zikr main kartá thá, ki Wuh mere píchhe ánewálá thá, mujh se muqaddam húa hai; kyúnki wuh mujh se pahile thá. 16 Aur uskí bhar púrí se ham sab ne páyá, aur fazl par fazl páyá. 17 Isliye shariyat Músá kí márifat se dí gae, magar fazl aur rástí Yisú Masíh se pahunchí. 18 Ḳhudá ko kisí ne kabhí na dekhá, eklaute Beṭe ne, jo Báp kí god men hai, usí ne batlá diyá.

19 Yohan kí gawáhí yih thí, jab ki Yihúdíon ne Yirúshálam se káhinon, aur Lewíon ko bhejá, ki usse púchhen, ki Tú kaun hai? 20 Aur us ne iqrár kiyá, aur inkár na kiyá; balki iqrár kiyá, ki Main Masíh nahín. 21 Aur unhon ne us se púchhá, Pas tú kaun hai? Kyá tú Iliyá hai? Aur usne kahá, Main nahín hún. Pas, áyá tú wuh nabí hai? Usne jawáb diyá, Nahín. 22 Tab unhon ne use kahá, ki tú kaun hai? táki ham unhen jinhon ne ham ko bhejá kuchh jawáb den, ki apne haqq men kyá kahtá hai? 23 Us ne kahá, ki Jaisá Ishaiyá nabí ne kahá, Main bayábán men ek pukárnewále kí áwáz hún, ki Ḳhudá kí ráh ko durust karo. 24 Aur ye jo bhej gae the, Farúsíon men se the. 25 Aur unhon ne usse sawál kiyá, aur kahá, ki Agar tú na Masíh hai, na Iliyá, aur na wuh nabí, phir kyún báp-tismá detá hai? 26 Yohan ne jawáb men unhen kahá, ki Main pání se báp-tismá detá hún; par tumháre darmiyán ek khará hai, jise tum nahín jánte: 27 Yih wahí hai, jo mere píchhe átá hai, jo mujh se muqaddam húa hai, jiskí jutí ká tasma kholneke main láiq nahín hún. 28 Baitábrá men Yardan ke pár jahán Yohan báp-tismá detá thá, ye báten wáqá hún.

29 Dústre din Yohan ne Yisú ko apne pás áte dekhá, aur kahá, Dekho, Ḳhudá ká bara jo jahán ká gunáh uṭhá lejátá hai! 30 Yih wuhí hai, jis ke haqq men main ne kahá, ki Ek mard mere píchhe átá hai, jo mujh se muqaddam húa, kyúnki wuh mujh se pahile thá.



31 Aur main to use na jántá thá : par is liye main pání se bápísmá detá áyá, táki wuh baní Isráel par záhir howe. 32 Aur Yohan ne yih kahke gawáhi dí, ki Main ne Rúh ko kabútar kí tarah ásmán se utarte dekhá, aur wuh us par thahrí: 33 Aur main use na jántá thá : par jis ne mujhe bhejá, kí pání se bápísmá dún, us ne mujhe kahá, ki Jis par tú Rúh ká utarte, aur us par thaharte dekhe, wuh wahí hai, jo Rúh i Quds se bápísmá detá hai. 34 So main ne dekhá aur gawáhi dí, ki Yihí Kḥudá ká Beṭá hai.

35 Phir dúsre din Yohan aur do uske shágirdon men se khare the; 36 Tab Yohan Yisú ko chalte dekhkar kahá, Dekho Kḥudá ká Bara! 37 Aur un do shágirdon ne us ká kalám suná, aur Yisú ke píchhe ho liye. 38 Tab Yisú ne munh phirke unhen píchhe áte dekhkar unko kahá, Tum kyá dhúndhte ho? Unhon ne use kahá, Ai Rabbí, yáne ai Ustád, tú kahán rahtá hai? Usne unhen kahá, Chalo, dekho. 39 Pas we áe, aur jahán wuh rahtá thá dekhá, aur us roz us ke sáth rahe; aur yih daswen sáyat ke qaríb thá. 40 Ek un donon men se jinhon ne Yohan kí suní, unki píchhe holiye, Simon Pathar ká bhái Andriyá thá. 41 Usne pahile apne bhái Simon ko páyá; aur use kahá, ki hamne Masíh ko, jiská tarjuma Kristus hai páyá. 42 Tab wuh use Yisú pás láyá, aur Yisú ne us par nigáh karke kahá, ki Tú Yoná ká beṭá Simon hai: tú Kefá kahláwegá; jiská tarjuma Pathar hai.

43 Dúsre din Yisú ne cháhá, ki Galíl men jáwe, phir Fílip ko páke kahá, Mere píchhe chal. 44 Fílip Baitsaida ká, jo Andriyá aur Pathar ká shahr hai, báshinda thá. 45 Fílip ne Natánael ko páyá, aur kahá, ki jiská zikr Músá ne tauret men, aur nabíon ne kiyá hai, ham ne use páyá, wuh Yúsaf ká beṭá Yisú Násarí hai. 46 Natánael ne use kahá, Kyá koí achchhí chíz Násara se nikal saktíhai? Fílip ne use kahá, N, dekh. 47 Yisú ne Natánael ko apní taraf áte dekhkar us ke haqq men kahá, Dekho sachchá Isráelí, jis men makar nahín hai! 48 Natánael ne use kahá, Tú mujhe kahán se jántá hai? Yisú ne jawáb diyá, aur use kahá, Us se pahile Fílip ne tujhe buláyá, jab tú anjír ke daraḳht tale thá, main ne tujhe dekhá. 49 Natánael ne jawáb men use kahá, Rabbí, tú Kḥudá ká Beṭá, tú Isráel ká bádsháh hai! 50 Yisú ne jawáb diyá, kyá tú isliye ímán látá hai, ki

main ne tujhe kahá, ki main ne tujhe anjír ke daraḡht tale dekhá ? Tú unse baṛí báten dekhegá. 51 Phir us ne kahá, Main tum se sach sach kahtá hún, ki tum ab se ásmán ko khulá aur Ḳhudá ke firishton ko úpar játe aur ibn i Ādam par názil hote dekhoge.

## II. BĀB.

1 Aur tísre din Kánáe Galíl men kisé ká byáh húá ; aur Yisú kí má wahán thí. 2 Aur Yisú, aur us ke shágird bhí, us byáh men buláye gae the. 3 Aur jab waín ghaṡ gaí, Yisú kí má ne use kahá, ki Unke pás waín na rahí. 4 Yisú ne use kahá, ki Ai aurat mujh se tujh se kyá kám ? merá waqt hanoz nahí. 5 Uskí má ne ḡhádimon ko kahá, jo kuchh wuh tumhen kahe, tum uspar amal karo. 6 Aur wahán pathar ke chha maṡke tahárat ke liye Yihúdíon ke dastúr ke muwáfíq dhare the, ki harek men do tín man kí samáí thí. 7 Yisú ne unhen kahá, Maṡkon men pání bharo. So unhon ne unko labálab bhará. 8 Phir us ne unhen kahá, ki Ab nikálon aur majlis ke sardár pás lejáo. Aur we legae. 9 Jab sardár majlis ne wuh pání jo waín bangayá thá chakhá, aur málúm na kiyá, ki yih kahán se thá, magar chákar ki jinhon ne wuh pání nikálá thá jánte the, to dúlhá se ḡhitáb kiyá, aur kahá, 10 Ki har shaḡhs pahile achchhí waín ko ḡharach kartá hai, aur náḡis us dam, ki jab pí chukte hain : par tú ne achchhí waín ab tak rakh chhoṛí hai. 11 Yih pahilá muajiza Yisú ne Kánáe Galíl men dikháyá, aur apná jalál záhír kiyá, aur us ke shágird us par ímán láe. 12 Bád uske wuh, aur uskí má, aur bhái, aur shágird Kafarnáhúm men gayá ; par wahán bahut dinon tak muḡám na kiyá.

13 Tab Yihúdíon kí íd i fasah nazdík thí, aur Yisú Yirúshálam ko gayá, 14 Aur haikal men unko jo bail, aur bher, aur kabútar bechte the, aur sarráfon ko baiṡhe húe páyá : 15 Tab us ne rasí ká koṛá banáke un sab ko bheron, aur bailon samet haikal se nikál diyá, aur sarráfon ke takte bikhrá diye, aur taḡhte ulaṡ diye ; 16 Aur kabútar farúshon ko kahá, Un chízon ko yahán se lejá : mere Báp ke ghar byopár ká ghar mat banáo. 17 Aur uske shágirdon ke yád áyá, ki yún likhá hai, ki Tere ghar kí gairat mujhe nigal gaí.

18 Tab Yihúdíon ne jawáb men use kahá, Kaun se nishán tú ha-

men dikhátá hai, jo ye kám kartá hai? 19 Yisú ne jawáb dekar unhen kahá, ki Is haikal ko dhá do, ki main use tín din men khará karúngá. 20 Yihúdión ne kahá, Chhiyális baras se yih haikal ban rahá hai, aur tú use tín din men khará karegá? 21 Aur us ne apne badan kí haikal kí bát kahí thí. 22 Is liye jab wuh murdon men se jí uṭhá, to uske shágirdon ko yád áyá, ki us ne unhen yih kahá thá : aur we kitáb aur Yisú ke kalma par ímán lée.

23 Aur jab ki wuh Yirúshálam ke bích íd i fasah men thá, to bahutere un muajizon ko jo us ne dikháye, dekhke us ke nám par ímán lée. 24 Lekin Yisú ne apne taín un par na chhorá, is liye ki wuh sab ko pahchántá thá, 25 Aur muhtáj na thá, ki koí ádmion ke haqq men gawáhí de : kyúнки wuh áp jo kuchh ki ádmí men thá, jántá thá.

### III. BĀB.

1 Farúsion men se ek shaḡhs Niqodím nám Yihúdión ká ek sardár thá : 2 Us ne rát ko Yisú pás ákar kahá, ki Rabbí, ham jánte hain, ki tú Ḳhudá kí taraf se ustád hoke áyá : kyúнки koí shaḡhs ye muajize jo tú dikhátá hai, jab tak ki Ḳhudá uske sáth naho, nahín dikhá saktá. 3 Yisú ne jawáb dekar use kahá, Main tujh se sach sach kahtá hún, Agar koí sir nau paidá naho, to wuh Ḳhudá kí bádsháhat ko dekh nahín saktá. 4 Niqodím ne use kahá, Ádmí jab búrhá hogayá, to kyúncar paidá ho saktá hai? kyá use yih qudrat hai, ki do bárá apní má ke peṭ men dar áe, aur paidá howe? 5 Yisú ne jawáb diyá, ki Main tujhe sach sach kahtá hún, Agar ádmí pání aur Rúh se paidá nahowe, to wuh Ḳhudá kí bádsháhat men dáḡhil ho nahín saktá. 6 Jo jism se paidá húa, jism hai, aur jo Rúh se paidá húa hai, Rúh hai. 7 Tájjub na kar, ki main ne tujhe kahá, ki tumhen sir nau paidá honá zarúr hai. 8 Hawá jidhar cháhtí hai, chaltí hai, aur tú uskí áwáz suntá hai, par nahín jántá, ki wuh kahán se áttí, aur kahán ko játtí hai : harek jo Rúh se paidá húa, aisáhhí hai. 9 Niqodím jawáb men use kahá, Ye báten kyúncar ho saktá hain? 10 Yisú ne jawáb diyá, Kyá tú baní Isráel ká ustád hai, aur ye báten nahín jántá? 11 Main tujhe sach sach kahtá hún, ki jo ham jántá hain,

kahte haiñ, aur jaise ham ne dekhá hai, uspar gawáhí dete haiñ ; aur tum hamáří gawáhí qabúl nahín karte. 12 Jab main ne tumheñ zamín kí báteñ kahín, aur tum yaqín nahín karte, phir agar main tumheñ ásmán kí báteñ kahún, to tum kyúnkar yaqín karoge ? 13 Aur siwá us shaḡhs ke, jo ásmán par se utrá : yáne ibn i Ādam jo ásmán par hai, koí ásmán par nahín gayá. 14 Aur jis tarah Músá ne sánp ko bayábán meñ bulandí par rakhá, usí tarah se zarúr hai, ki ibn i Ādam bhí uṡháyá jáe ; 15 Táki jo koí uspar ímán láwe, halák na howe, balki hamesh kí zindagí páwe.

16 Is liye ki Ḳhudá ne jahán ko aisá piyár kiyá, ki us ne apná eklauṡá Beṡá baḡhshá, táki jo koí uspar ímán láwe, halák na ho, balki hamesha kí zindagí páwe. 17 Kyúnki Ḳhudá ne apne Beṡe ko jahán meñ is liye nahín bhejá, ki jahán par sazá ká hukm kare, balki is liye, ki jahán us ke sabab naját páwe. 18 Jo uspar ímán látá, uske liye sazá ká hukm nahín : lekin jo uspar ímán nahín látá, uske wáste sazá ká hukm ho chuká ; kyúnki wuh Ḳhudá ke iklaute Beṡe ke nám par ímán na láyá. 19 Aur sazá ke hukm ke sabab yih hai, ki núr jahán meñ áyá, aur ádmíon ne táríkí ko núr se ziyáda piyár kiyá ; kyúnki unkí kám bure the. 20 Isliye ki jo koí burá kartá hai, wuh núr se dushmaní rakhá hai, aur núr ke pás nahín átá, tá aisá na ho ki us ke kám záhir howeñ. 21 Par wuh jo haqq kartá hai, núr ke pás átá hai, táki uske kám záhir howeñ, ki we Ḳhudá ke pasand haiñ.

22 Bád un báton ke Yisú aur unke shágird Yihúdáh kí sarzamín meñ áe, wuh wahán chande unke sáth rahá, aur báptismá detá thá. 23 Aur Yohan bhí Sálím ke qaríb Ainon meñ báptismá detá thá, kyúnki wahán pání bahut thá, aur log áke báptismá páyá gae. 24 Ki Yohan hanoz qaid ḡháne meñ ḡalá na gayá thá.

25 Tab Yohan ke shágirdon, aur Yihúdíon ke darmiyán ṡahárat kí bábat bahash húi. 26 We Yohan pás áe, aur use kahá, ki Rabbí, wuh jo Yardan ke pár tere sáth thá, jis par tú ne gawáhí dí, dekh ki wuh báptismá detá hai, aur sab us pás áte haiñ. 27 Yohan ne jawáb diyá, ki Ādmí koí chíz siwá uske wuh use ásmán se dí jáwe, pá nahín saktá. 28 Tum ḡhod mere gawáh ho, ki main ne kahá, ki main Masíh nahín, magar usse áge bhejá gayá hún. 29 Jis kí dulhan hai, wuh dúlhá hai ; par dúlhá ká dost jo khará hai, aur uská suntá hai, dúlhá

kí áwáz se bahut ḡhush hotá hai : merí yih ḡhushí púrí húi. 30 Zarúr hai ki wuh barhe, aur main ghaṭún. 31 Wuh jo úpar se átá hai, sab ke úpar hai : wuh jo zamín ká hai, zamíní hai, aur zamín kí kahtá hai : wuh jo ásmán se átá hai, sab ke úpar hai. 32 Aur jo kuchh usne dekhá, aur suná hai, uskí gawáhí detá hai, aur koí shaḡhs uskí gawáhí qabúl nahín kartá. 33 Jis ne uskí gawáhí qabúl kí hai, muhr kí hai, ki Ḳhudá bar haqq hai. 34 Isliye ki jise Ḳhudá ne bhejá hai, wuh Ḳhudá kí bāten kahtá hai, kyúnci Ḳhudá nāp karke Rúh nahín detá. 35 Bāp Beṭe ko piyār kartá hai, aur sab chízen us ke háth men dí hai, 36 Jo ke Beṭe par ímán látá hai, hamesha kí zindagí uskí hai : aur jo Beṭe par ímán nahín látá, hayát ko na dek-hegá, balki Ḳhudá ká qahr us par rahtá hai.

#### IV BĀB.

1 Aur jab Ḳhudáwand ne jáná, ki Farúsíon ne suná, ki Yisú Yohan se ziyáda shágird kartá hai, aur bāptismá detá hai, 2 Aur hál unke Yisú ab nahín, balki uske shágird bāptismá dete the, 3 Tab wuh Yihúdáh ko chhorke Galíl ko phir gayá. 4 Aur zarúr thá, ki wuh Sámariyá se hoke jáwe. 5 Tab wuh Sámariyá kí ek bastí men jo Síkhār kahlátí hai, us zamín ke nazdík, jo Yaqúb ne apne beṭe Yúsaf ko dí thí áyá. 6 Aur Yaqúb ká kúá wahín thá, chunānci Yisú safar se mánda ho ke us kúe par yúnhí baiṭhá ; yih chhaṭhí sāt ke qaríb thá.

7 Tab Sámariyá kí ek aurat pání bharne áí : Yisú ne use kahá, Mujhe píne ko de. 8 Kyúnci uske shágird bastí men gae the, ki kuchh kháne ko mol len. 9 Sámariyá kí us aurat ne use kahá, ki Tú Yihúdí ho ke kyúnci mujh se, jo Sámariyá kí aurat hún, pání píne ko mángtá hai ? Kyúnci Yihúdí Sámarión se mel nahín rakhte the. 10 Yisú ne jawáb men use kahá, Agar tú Ḳhudá kí baḡshish ko, aur us ko jo tujh se kahtá hai, Mujhe páníe, pahchántí, ki wuh kaun hai, to tú usse mángtí, aur wuh tujhe jítá pání detá. 11 Aurat ne usse kahá, Ai ḡhudáwand, tujh pás pání khenchne ko kuchh nahín, aur kúá gahrá hai : phir tú ne wuh jítá pání kahán páyá ? 12 Kyá tú hamáre bāp Yaqúb se jis ne ham ko yih kúá diyá, aur

khod us ne, aur uske lar̄kon ne, aur uske chārpāeṅ ne usse piyā  
 barā hai ? 13 Yisú ne jawāb diyā aur use kahā, Jo koī yih pānī  
 pītā hai, phir pyāsā hogā : 14 Par jo koī wuh pānī jo main use dūngā,  
 us men pānī kā sotā ho jāegā, jo hamesha kī zindagī tak jāri rahegā.  
 15 Aurat ne use kahā, ki K̄hudāwand yih pānī mujh ko de, ki main  
 pyāsī na hūn, aur na bharne ko yahān āūn. 16 Yisú ne use kahā,  
 Jáke apne shauhar ko bulā, aur yahān á. 17 Aurat ne jawāb diyā,  
 ki main beshauhar hūn. Yisú ne use kahā, Ki tú ne durast kahā, ki  
 main beshauhar hūn : 18 Kyúnci tú pānc̄ khasam kar chukī hai, aur  
 wuh jo ab tú rakhtī hai, terā shauhar nahīn; tú ne us men sach kahā.  
 19 Aurat ne use kahā, ki K̄hudāwandmujhe mālūm hotā hai, ki tú  
 nabī hai. 20 Hamāre bāp dādṅ ne us pahār men parastish kī ; aur  
 tum kahte ho, ki wuh jagah jahān parastish kī chāhiye Yirúshālam  
 men hai. 21 Yisú ne use kahā, ki Ai aurat merī bāt kā yaqīn rakh,  
 ki wuh waqt átā hai, ki tum na to is pahār men, aur na Yirúshālam  
 men Bāp kī parastish karoge. 22 Tum uskī jise nahīn jānte ho,  
 parastish karte ho : ham uskī jise jānte haiṅ, parastish karte haiṅ ;  
 kyúnci najāt Yihúdfṅ men se hai. 23 Par waqt átā hai, balki abhī  
 hai, ki sachche parastish karnewāle rúh aur rástī se Bāp kī parastish  
 karenge, kyúnci Bāp aise parastish karnewālon ko chāhtā hai.  
 24 K̄hudā Rúh hai ; aur we jo uskī parastish karte haiṅ, zarúr hai,  
 ki rúh aur rástī se parastish karen. 25 Aurat ne use kahā, Main jāntī  
 hūn, ki Masīh jiskā tarjuma Kristus hai átā hai ; jab wuh áwegā, to  
 hamen sab chízon kī k̄habar degā. 26 Yisú ne use kahā, Main, jo  
 tujh se boltā hūn, wahī hūn.

27 Us men us ke shāgird áe aur tájjub kiyā, ki wuh aurat se  
 bāten kartā thā ; par kisī ne na kahā, ki tú kyā chāhtā hai, yā usse  
 kis liye bāten kartā hai ? 28 Aurat ne tab apnā gharā chhorā, aur  
 shahr men jā ke logṅ se kahā, 29 Idhar áo, ek mard ko jis ne sab  
 chízen jo main ne kiyān, mujhe kahīn : kyā yih Masīh nahīn ? 30  
 Phir we shahr se nikle, aur us pás áe.

31 Itne men us ke shāgirdṅ ne us se dar̄khwāst karke kahā, ki  
 Rabbī, kuch khāye. 32 Lekin us ne kahā, Khāne ke liye wuh  
 k̄hurāk jise tum nahīn jānte, mujh pás hai. 33 Isliye shāgirdṅ  
 ne ápas men kahā, ki Kyā koī us ke liye khānā lāyā hai ? 34 Yisú

ne unhen kahá, Merá kháná yih hai, ki apne bhejnewále kí marzī par chalún, aur uske kám púre karún. 35 Kyá tum nahín kahte, ki chár mahíne ke bád káṭne ká waqt áegá? dekho main tum se kahtá hún, apní ánkhen úpar karo, aur kheton ko dekho; ki we káṭne ke liye pak chuke hai. 36 Aur wuh jo káṭtá hai, mazdúrí pátá hai, aur hamesha kí zindagí ke liye mewa jama kartá hai, táki wuh jo botá hai, aur wuh jo káṭtá hai, donon báham ḡhúsh howen. 37 Aur us par yih masl ṡhík átí hai, ki ek botá hai, aur dúsrá káṭtá hai. 38 Main ne tumhen bhejá hai, táki use jis men tum ne mihnát nahín kí, káṭo: mihnát aur logon ne kí aur tum unki mihnát men daḡhil húe.

39 Aur us shahr ke bahut se Sámari us aurat ke kahe se, jisne gawáhí dí, ki us ne sab jo main ne kiyá hai, mujhe kahá, us par ímán láe. 40 Aur un Sámariyon ne us pás áke uskí minnat kí, ki hamáre sáth rah: chunánchi wuh do roz wahán rahá. 41 Aur unke siwá aur bahutere us ke kalám ke sabab ímán láe. 42 Aur us aurat ko kahá, Ab ham faqat tere kahe se ímán nahín láte: kyúnci ham ne ḡhod suná, aur jánte hai, ki yih fialhaqíqat jahán ká naját denewála Masíh hai.

43 Aur wuh do roz ke bád wahán se rawána hokar Galíl ko gayá. 44 Ki Yisú ne ḡhod gawáhí dí, ki nabí apne watan men izzat nahín pátá. 45 Aur jab wuh Galíl men áyá, to Galílion ne us kí ḡhátirdári kí, ki sab kámon ko jo us ne Yirúshálam ke bích íd men kie the, dekhá thá; kyúnci we bhí íd men gae the. 46 Aur Yisú phir Kánáe Galíl men, jahán usne pání ko waín banáyá thá, áyá.

47 Aur bádsháh ká ek mulázim jis ká beṡá Kafarnáhúm men bímár thá, sunkar, ki Yisú Yihúdiya se Galíl men áyá, us pás gayá, aur uskí minnat kí, ki áwe, aur uske beṡe ko changá kare: ki wuh marne par thá. 48 Tab Yisú ne use kahá, Agar tum nisháníáun aur karámaten na dekhoge, to ímán na láoge. 49 Bádsháh ke mulázim ne use kahá, ḡhudáwand, peshtar us se, ki merá beṡá mar jáwe utar á. 50 Yisú ne use kahá, Já, terá beṡá jítá hai. Aur us mard ne us bát ká, jo Yisú ne use kahí, iatiqád kiyá, aur chalá gayá. 51 Aur wuh ráhhí men thá, ki uske naukar use mile, aur ḡhabar pahunchái ki terá beṡá jítá hai. 52 Tab usne un se púchhá, ki use kis waqt se

árám hone lagá? Unhon ne kahá, ki kal sátwín sáyat us kí tap játi rahí. 53 Tab báp ne jáná, ki wahí gharí thí, jab Yisú ne use kahá thá, ki Terá beṭá jítá hai, 54 Aur wuh khod, aur uská sára ghar ímán láyá. 55 Yih dúsrá muajiza hai, jo Yisú ne Yihúdiya se Galíl men áke dikhláyá.

### V. BAB.

1 Bád uske Yihúdiya kí ek íd áí, aur Yisú Yirúshálam ko gayá. 2 Aur Yirúshálam men bher darwáze ke pás ek hauz hai, jo Ibrání men Baithisda kahlátá hai, us ke pánch usáre hai. 3 Un men nátawánon, aur andhon, aur langron, aur pazhmurdon kí ek barí jamáat parí thí, jo pání ke hilne ke muntazir thí. 4 Is liye ki ek firishta báze waqt us hauz men utarke pání ko hilátá thá, aur pání ke hilne ke bád jo koí ki pahile us men utartá, kisíhí bímári use kyún na ho, changá ho játá thá. 5 Aur wahán ek shaḥs thá, jo aṭhtís baras se bímár thá. 6 Yisú ne, jo use pare hue dekhá, aur jáná, ki wuh barí muddat se us hálal men hai, to use kahá, ki Kyá tú changá honá cháhtá hai? 7 Bímár ne use jawáb diyá, ki Ai Kḥudáwand, mujh pás ádmí nahín, ki jab yih pání hile, to mujhe hauz men dál de: aur jab tak main ap se áún, dúsrá mujh se pahile utar partá hai. 8 Yisú ne use kahá, Uṭh, aur apná khaṭolá uṭhá kar chalá já. 9 Wohín wuh shaḥs changá ho gayá, aur apná khaṭolá uṭhá liyá, aur chal niklá: aur wuh sabt ká din thá.

10 Is liye Yihúdíon ne use, jo changá húa thá, kahá, ki Yih sábt ká roz hai, tujhe rawá nahín, ki khaṭole ko uṭhá lejáwe. 11 Usne unhen jawáb diyá, Jis ne mujhe changá kiyá, usí ne mujhe farmáyá, ki apná khaṭolá uṭhá ke chalá já. 12 Tab unhon ne us se púchhá, ki wuh jis ne tujhe kahá, apná khaṭolá uṭhá ke chalá já, kaun shaḥs hai? 13 Usne jo changá húa thá, na jáná, ki wuh kaun thá, is liye ki Yisú wahán se ṭal gayá thá, kyúnki us jagah men bhír thí. 14 Bád uske Yisú ne use haikal men páyá, aur use kahá, ki Dekh tú ne sihhat páí, phir gunáh ne karná, na howe ki tú us se bad tar balá men pare. 15 Wuh shaḥs rawána húa, aur Yihúdíon ko ittilá dí, ki jis ne mujhe changá kiyá, Yisú thá. 16 Is liye sab Yihúdíon ne



Yisú ko satáne, aur us ke qatl kí ghát men lage; kyúнки usne ye kám sabt ke roz kiye.

17 Lekin Yisú ne unhen jawáb diyá, ki Merá Báp abtak kám kartá hai, aur main bhí kám kartá hún. 18 Tab Yihúdíon ne aur bhí ziyáda uská qatl karná cháhá; kyúнки usne faqat sabt hí ko na máná, balki Kḥudá ko apná Báp kahke apne taín Kḥudá ke barábar kiyá. 19 Tab Yisú ne jawáb men kahá, Main tum se sach sach kahtá hún, ki Beṭá áp se kuchh nahín kar sáktá, magar jo kuchh ki wuh Báp ko karte dekhtá hai: kyúнки jo kám ki wuh kartá hai, Beṭá bhí usí tarah wahí kartá kai. 20 Is liye ki Báp Beṭá ko piyár kartá hai, aur jo kám ki Kḥod kartá hai, use dekhátá hai: aur wuh un se bare kám use dikháegá, ki tum tájjub karoge. 21 Is liye jis tarah Báp murdon ko uṭhátá hai, aur jilátá hai, Beṭá bhí jinhen chátá hai, jilátá hai. 22 Ki Báp kisí shaḥs kí adálat nahín kartá, balki us ne sárf adálat Beṭe ko somp dí. 23 Táki sab jis tarah se ki Báp kí izzat karte hain, Beṭe kí izzat karen. Wuh jo Beṭe kí izzat nahín kartá, Báp kí, jis ne bhejá hai, izzat nahín kartá. 24 Main tum se sach sach kahtá hún, wuh jo merá kalám suntá hai, aur us par jis ne mujhe bhejá hai, ímán látá hai, hamesha kí zindagí us kí hai, aur us par sazá ká hukm nahín, balki maut se guzar ke wuh zindagí men pahunchá hai. 25 Main tum se sach sach kahtá hún, wuh waqt átá hai, aur ab hai, ki murde Kḥudá ke Beṭe kí áwáz sunke jiyenge. 26 Is liye ki jis tarah Báp áp men zindagí rakhtá hai, usí tarah us ne Beṭe ko dí hai, ki áp men zindagí rakhe. 27 Aur use iḥtiyár diyá hai, ki adálat kare, is liye ki wuh Ibn i Ádam hai. 28 Is se tájjub na karo, kyúнки wuh waqt átá hai, jis men we sab je qabron men hain, us kí áwáz sunenge, 29 Aur jinhon ne nekí kí hai, zindagí kí qiyámat ke wáste niklenge; aur jinhon ne badí kí hai, sazá kí qiyámat ke liye niklenge. 30 Main áp se kuchh kar nahín saktá: jaisá main suntá hún, hukm kartá hún: aur merí adálat durast hai; kyúнки na apní marzí ko, par Báp kí marzí ko, jis ne mujhe bhejá, cháhtá hún. 31 Agar main apne liye gawáhí dún, to merí gawáhí íatibár kí nahín. 32 Dúsrá hai jo mere liye gawáhí detá hai, aur main jántá hún, ki yih gawáhí, jo mere liye detá hai, mustahaq hai.

33 Tum ne Yohan pás payám bhejá, aur us ne mustahaq gawáhí

dí. 34 Lekin main insán kī gawáhí nahīn cháhtá, par main ye báten kahtá hūn, táki tum naját páo. 35 Wuh jaltá aur chamaktá chirág thá, aur tum thorí der cháhte the, ki uske nūr meṅ ḡhúsh ho. 36 Lekin mujh pás Yohan kī gawáhí se ek baṛí gawáhí hai : is liye ki ye kám jo Báp ne mujhe sompe hain, táki pūre karūn, yāne ye kám jo main kartá hūn, mere liye gawáhí dete hain, ki Báp ne mujhe bhejá hai. 37 Aur Báp ne jis ne mujhe bhejá hai, mere liye áp gawáhí dí hai. Tum ne kabhí uskí áwáz nahīn suní, aur na uskí sūrat dekhí. 38 Aur uská kalám tum meṅ qáim nahīn hai, is liye tum us par jaise usne bhejá ímán nahīn láte. 39 Kitábon meṅ ḡhúndho : kyúinki tum gumán karte ho, ki un meṅ tumháre liye hamesha kī zindagí ; aur ye wahí hain, jo mere liye gawáhí dete hain. 40 Aur tum nahīn cháhte, ki mujh pás áo, táki zindagí páo. 41 Main admí se buzurgí nahīn cháhtá. 42 Main tumheṅ jántá hūn, ki tum meṅ Ḳhudá kī mahabbat nahīn. 43 Main apne Báp ke nám se áyá hūn, aur tum mujhe qabúl nahīn karte, agar dúsrá apne nám se áwe, to tum use qabúl karoge. 44 Tum jo ápas meṅ ek ek kī izzat cháhte ho, aur wuh izzat jo sirf Ḳhudá se hai nahīn ḡhúndhte ; kyúinkar ímán lá sakte ho ? 45 Gumán na karo, ki main Báp pás tumhári faryád karúngá : ek hai jo tumhári faryád karnewálá hai, yāne Músá jispar tumhárá bharosá hai. 46 Kyúinki agar tum Músá par ímán láte, to mujh par bhí ímán láte, is liye ki usne mere haqq meṅ likhá hai. 47 Lekin jab tum uske likhe hūe par ímán nahīn láte, to merí báton ko kyúinkar yaqín karoge ?

## VI. BAB.

1 Yisú un báton ke bád daryáe Galíl ke pár jo daryáe Tiberiyá hai gayá. 2 Aur ek baṛí bbír uske píchhe holí, kyúinki unhoṅ ne uske muajize jo us ne bímáron par dikháe dekhe the. 3 Phir Yisú ek pahár par gayá, aur wahān apne shágirdon ke sáth baiṭhá. 4 Aur fisah, jo Yihúdíon kī ek íd hai, nazdík thí.

5 Phir jab Yisú ne ánkheṅ úpar kíñ, aur dekhá ki baṛí bhír us pás átí hai, to Fílip se kahá, ki Ham kahān se unke kháne ke liye rotíān ḡharíden ? 6 Par usne yih imtihán kī ráh se kahá thá, kyúinki wuh

áp jántá thá, jo kyá cháhtá thá. 7 Fílíp ne use jawáb diyá, ki Agar un men se harek ko ek ek tukrá diyá jáe, to do sau dínár kí roṭián unke liye bas na hongí. 8 Ek ne us ke shágirdon men se, jo Simon Pathar ká bhái Andriyá thá, use kahá, 9 Yahán ek chhokre ke pás jau kí pánch roṭián, aur do chhoṭí machhlían hai: par ye itne logon men kyá hain? 10 Tab Yisú ne kahá, ki Tú logon ko baiṭháo. Aur us jagah bahut ghás thí, chunánchi we log jo gintí men qaríb pánch hazár ke the, baiṭhe. 11 Aur Yisú ne roṭián uṭhá lín; aur shukr karke shágirdon ko dín, aur shágirdon ne unhen jo baiṭhe the báṭián; aur isí tarah machhlíon men se jis qadar ki we cháhte the. 12 Aur jab we ser ho chuke, to us ne apne shágirdon se kahá, ki Un tukron ko jo bach rahe hain jama karo, táki kuchh kharáb na howe. 13 Chunánchi unhon ne jama kiye, aur jau kí pánch roṭion ke tukron se, jo un khánewálon se bach rahe the, bárah ṭokrián bharín.

14 Tab un logon ne yih muajiza jo Yisú ne dikháyá dekh kar kaho, Fialhaqíqat wuh nabí, jo jahán men ánewále thá, yihí hai. 15 Pas Yisú málúm karke ki we cháhte hain, ki áwen aur use zabardastí pakaṛke bádsháh karen, áp akelá pahár ko phir gayá.

16 Aur jab shám húi, to uske shágird daryá par gae. 17 Aur kishtí par charḥ ke daryá pár Kafarnáhúm ko chale. Us waqt andherá ho chalá thá, aur Yisú un pás na áyá thá. 18 Aur ándhí ke sabab daryá laharáne lagá. 19 Aur jab we qaríb pachís yá tís tír partáb ke nikal gae, unhon ne Yisú ko daryá par chalte, aur kishtí ke qaríb áte dekhá: aur ḍar gae. 20 Tab usne unhen kahá, ki Main hún, ḍaro mat. 21 Phir unhon ne kḥúshí se use kishtí par le liyá, aur kishtí filfaur us zamín par, jahán we játe the, já pahunchí.

22 Dústre dín us bhír ne jo daryá ke us pár kharí thí, yih dekhá, ki wahán siwá us ek ke, jis par us ke shágird charḥ baiṭhe, koí dúsrí kishtí na thí, aur yih ki Yisú apne shágirdon ke sáth us kishtí par na gayá thá, balki sirf uske shágird hí gae the. 23 Aur kishtíán Tiberiyá se us jagah ké nazdík, jahán unhon ne Kḥudáwand ke shukr ke bád roṭí khátí thí, áyán. 24 Pas jab us bhír ne yih dekh ke, ki wahán na Yisú, aur na uske shágird hain, to we kishtí par charḥe, aur Yisú kí tallásh men Kafarnáhúm ko áe. 25 Aur unhon ne use daryá pár páke usse kahá, ki Rabbí, tú yahán kab áyá?

26 Yisú ne unhen jawáb diyá, ki Main tum se sach sach kahtá hún, tum mujhe na is liye dhúndhte ho, ki tum ne muajize de khe, balki is liye ki tum roṭiáñ kháke ser húc. 27 Nit honewálí khorák ke liye mihnat men na paro, balki us kháne kí tallásh karo, jo hamesha kí zindagí tak thahartá hai, ki Ibn i ádam wuh tumhen degá ; kyúнки Báp ne jo Kḥudá hai, us par muhr kar dí hai. 28 Tab unhon ne use kahá, ki Ham kyá karen, táki Kḥudá ke kám bajá láweñ ? 29 Yisú na jawáb men unhen kahá, Kḥudá ká kám yih hai, ki tum us par jise us ne bhejá, ímán láo. 30 Tab unhon ne use kahá, Pas tú kaun sá muajiza dekhátá hai, táki tum dekhke tujh par ímán láweñ ? Tú kyá kám kartá hai ? 31 Hamáre báp dádon bayábán men manna kháyá ; chunánchi likhá hai, ki usne unhen ásmán se roṭi kháne dí.

32 Tab Yisú ne unhen kahá, Main tum se sach sach kahtá hún, Músá ne tumhen ásmání roṭi nahín dí, balki merá Báp tumhen sachchí ásmání roṭi detá hai. 33 Is liye ki Kḥudá ke roṭi wuh hai, jo ásmán se utartí aur jahán ko zindagí baḥshatí hai. 34 Tab unhon ne use kahá, Ai Kḥudáwand, ham ko hamesha yih roṭi diyá kar. 35 Yisú ne unhen kahá, Main zindagí kí roṭi hún : jo mujh pás átá hai, hargiz bhúkhá nahogá : aur jo mujh par ímán látá hai, kabhí pyásá nahogá. 36 Lekin main ne tumhen kahá hai, ki tum ne to mujhe dekhá par ímán nahín lác. 37 Harek jise Báp ne mujhe diyá hai, mujh pás áwegá, aur use jo mujh pás átá hai, main hargiz nikal na dúngá. 38 Kyúнки main ásmán par se nahín utrá, ki apní marzí par, balki uskí marzí par chalín, jisne mujhe bhejá hai. 39 Aur Báp jis ne mujhe bhejá hai, yih cháhtá hai, ki main un men se jo us ne mujhe diyá hai, kisí ko na khoún, balki use ákhirí din phir uṭháún. 40 Aur jis ne mujhe bhejá hai, uskí marzí yih hai, ki harek jo beṭe ko dekhe, aur uspar ímán láwe, hamesha kí zindagí páwe, aur main use ákhirí din men uṭháúngá.

41 Tab Yihúdí us par kurkuráe, is liye ki us ne kahá, Wuh roṭi jo ásmán se utrí, main hún, 42 Aur kahá, Kyá yih Yisú Yúsaf ká beṭá nahín, jiske má báp ko ham jánte hain, phir wuh kyúncar kahtá hai, ki main ásmán se utrá hún. 43 Tab Yisú ne jawáb men unhen kahá ki Apas men mat kurkuráo. 44 Koí shaḥs mujh pás á nahín saktá, magar yih ki Báp jis ne mujhe bhejá hai, use khench láwe, aur main

use ákhirí din uṭháúngá. 45 Nabíon kí kitábon men yih likhá hai, ki We sab Kḥudá se tálím páwenge, is liye har shaḥs jis ne Báp se suná, aur síkhá hai, mujh pás átá hai. 49 Yih nahín hai, kikisí shaḥs ne Báp ko dekhá hai, magar wuh jo Kḥudá kí taraf se hai, usí ne Báp ko dekhá hai. 47 Main tum se sach sach kahtá hún, jo mujh par ímán látá hai, hamesha kí zindagí usíkí hai. 48 Zindagí kí roṭí main hí hún. 36 Tumháre báp dádá ne bayábán men manna kháyá, aur mar gae. 50 Roṭí jo ásmán se utartí hai, wuh hai ki ádmí use kháke na mare. 51 Main hún wuh jítí roṭí, jo ásmán se utrí: agar koí shaḥs us roṭí kháwe, to abad tak jítá rahegá; aur roṭí jo main dúngá, merá gosht hai, jo main jahán kí zindagí ke liye dúngá.

52 Tab Yihúdí ápas men jhagarne lage, ki Yih mard apná gosht kyúnkar hamen de saktá hai, ki kháen. 53 Yisú ne unhen kahá, Main tum se sach sach kahtá hún, Agar tum Ibn i ádam ká gosht na kháo, aur uská lahú na pío, to tummen zindagí nahín. 54 Jo koí merá gosht khátá hai, aur merá lahú pítá hai, hamesha kí zindagí pátá hai, aur main use ákhirí din uṭháúngá. 55 Kyúnki merá gosht fialhaqíqat kháne, aur merá lahú fialhaqíqat píne kí chíz hai. 56 Wuh jo merá gosht khátá, aur merá lahú pítá hai, mujh men rahtá hai, aur main us men. 57 Jis tarah se ki Báp ne mujhe bhejá, aur main Báp se jítá hún, isí tarah wuh bhí jo mujhe khátá hai, mujh se jiyegá. 58 Wuh roṭí jo ásmán se utrí yih hai, na jaisá ki tumháre báp dáde manna kháke mar gae; wuh jo yih roṭí khátá hai, abad tak jítá rahegá. 59 Us ne Kafarnáhúm men tálím dete húc ibádat kháne men ye báten kahín.

60 Tab us ke shágirdon men se bahuton ne sunke kahá, ki Yih saḥt mushkil kalám hai, use kaun sun saktá hai? 61 Yisú ne khod ján kar ki us ke shágird ápas men us bát par kurkuráte hain, unhen kahá, Kyá yih tum ko ṭhokar khilátá hai? 62 Pas agar tum Ibn i ádam ko úpar játe, jahán wuh áge thá, dekhoge, to kyá hogá? 63 Rúh hai wuh, jo jilátí hai; jism se kuchh fáida nahín: ye báten jo main tumhen kahtá hún, rúh hai, aur zindagí hai. 64 Par tum men báze hain, jo ímán nahín láte. Kyúnki Yisú ibtidá se jántá thá, ki we ímán na lówenge, kaun hain, aur kaun use pakráwegá. 65 Phir us ne kahá, Is liye main ne tumhen kahá, ki koí shaḥs siwá uske jise merí

Bāp kī taraf se ināyat na hūá, mujh pás nahīn á saktá. 66 Us dam us ke shágirdon men se bahut ulṭe phir gae, aur bād uske sáth na chale. 67 Tab Yisú ne un bárah ko kahá, Kyá tum bhí cháhte ho, ki chale jáo? 68 Simon Pathar ne use<sup>e</sup> jawáb diyá, ki Ai Kḥudáwand, ham kis pás jáenge? hamesha kī zindagí kī bāten to tere pás hain. 69 Aur ham to ímán láte hain, aur jánte hain, ki tú jíte Kḥudá ká Beṭá Masíh hai. 70 Yisú ne unhen kahá, Kyá main ne tum bárahon ko nahīn chuná, aur ek tum men shaitán hai? 71 Us ne Simon ke bete Yihúdáe Iskariyatí par ishára kiyá : kyúinki wuh uská pakaṛwánewálá aur un bárahon men se thá.

## VII. BĀB.

1 Bād us ke Yisú Galíl men já bajá phirá kiyá, aur is liye ki Yihúdí us ke qatl kī fiqr men the, us ne Yihúdiya men phirne ká iráda na kiyá. 2 Aur Yihúdíon kī íd i kḥaima nazdík hūí. 3 Tab us ke bháíon ne use kahá, Yohan se rawána ho, aur Yihúdiya men jáke un kámon ko jo tú kartá hai, tere shágird bhí dekhen. 4 Kyúinki aisá koí nahīn jo kuchh chhipke kare, aur cháhe ki áp mashúr ho. Agar tú ye kám kartá hai, to apne taín jahán ko dekhá. 5 Yih is liye thá, ki uske bhái bhí us par ímán na láe. 6 Tab Yisú ne unhen farmáyá, ki Merá waqt abhí nahīn áyá : par tumhára waqt har waqt baná hai. 7 Dunyá tumhári dushman nahīn ho saktí; par merí dushman hai, kyúinki main us par gawáhi detá hún, ki uske kám bure hain. 8 Tum is íd men jáo : main hanoz is íd men nahīn játá, ki merá waqt abhí púra nahīn hūá. 9 So wuh ye bāten unhen kahke Galíl men rahá. 10 Lekin apne bháíon kī rawángí ke bād wuh bhí us íd men na záhir, balki chhipke gayá.

11 Tab Yihúdí íd men use ḍhúnḍhne aur kahne lage, ki wuh kahán hai? 12 Aur jamáaton men uskí bábat baṛí takrár thí : báze kahte the, ki wuh bhalá ádmí hai : aur kitne kahte hai, ki nahīn, balki wuh logon ko fareb detá hai. 13 Lekin Yihúdíon ke ḍare koí shaḥhs záhirá uskí bát na kahtá thá.

14 Aur íd ke dinon ke bích men Yisú ne haikal men jáke tálím dí. 15 Tab Yihúdí tájjub se bole, ki Us mard ko bagair paṛhe kyún-

kar kitábon ká ilm hai ? 16 Yisú ne unhen jawáb men kahá, ki Merí tálím merí nahín, balki uskí hai jis ne mujhe bhejá. 17 Wuh shaḡhs jo uskí marzí par chalá cháhe, jánegá, ki yih tálím Ḳhudá kí hai, yá ki main áp se detá hún. 18 Wuh jo apní taraf se kuchh kahtá hai, apní buzurgí cháhtá hai : lekin wuh jo uskí buzurgí cháhtá hai, ki jis ne use bhejá, so wahí sachchá hai, aur us men dagá nahín. 19 Kyá Músá ne tumhen shariyat na sompí, lekin koí tum men se shara par aml nahín kartá, tum kyún mere qatl kí fiqr men ho ? 20 Logon ne jawáb diyá, aur kahá, Tú díwána hai, kaun tujhe qatl kiyá cháhtá hai ? 21 Yisú ne jawáb men unhen kahá, Main ne ek kám kiyá, aur tum sab tájjub karte ho. 22 Músá ne jo tumhen ḡhatne ká hukm kiyá, hálánke wuh Músá se nahín, balke báp dádon se hai, so tum sabt ke din ádmí ká ḡhatna karte ho. 23 Aur sabt ke roz ádmí ká ḡhatna kiyá játá hai, táki Músá kí shara se adúl naho, to kyá tum is liye, ki main ne sabt ke din ek mard ko bilkull changá kiyá, mujh par gussa ho ? 24 Záhír ke muwáfíq adálat na karo, balki wájibí adálat karo.

25 Tab báze Yirúshálamíon ne kahá, Kyá yih wuh nahín, ki jise halák kiyá cháhte hai ? 26 Lekin dekho, wuh to bedhaḡak boltá hai, aur we use kuchh nahín kahte, kyá sardáron ne bhí yaqín kiyá, ki fialhaqíqat yihí Masíh hai. 27 Lekin hamen málúm hai, ki yih kahán ká hai, par jab Masíh áwegá, to koí na jánegá, ki wuh kahán ká hai. 28 Tab Yisú haikal men tálím dete húe, yún pukára, ki Tum mujhe pahchánte, aur jánte ho, ki main kahán ká hún : aur main áp se nahín áyá hún, magar merá bhejne wálá sachchá, jis se tum wáqif nahín. 29 Main use pahchántá hún ; is liye ki main uske taraf se hún, aur us ne mujhe bhejá hai. 30 Tab unhon ne cháhá, ki use pakar len : par is liye ki uská waqt hanoz na pahunchá thá, kisí ne us par háth na dálá. 31 Aur bahutere us jamáat se us par ímán lée, aur bole, ki Jab Masíh áwegá, to un se jo usne dikháe hai, kyá ziyáda muajize dikháwegá.

32 Aur Farúsíon ne jamáat kí takrár jo uskí bábat ho rahí thí suní, phir Farúsíon aur sardár kahínon ne piyáde bheje, ki use pakar len. 33 Tab Yisú ne unhen kahá, Ab thoḡí der men tumháre sáth hún, aur us pás, jisne mujhe bhejá, játá hún. 34 Tum mujhe ḡhún-

dhoge, aur na páoge, aur jahán main hún, tum na á sakoge. 35 Us waqt Yihúdíon ne ápas men kahá, ki Wuh kahán jáegá, jo kaun use na páwenge ? kyá wuh un logon ke pás jo Yúnáníon men paráganda húe jáegá, aur Yúnáníon ko tálím degá ? 36 Yih kyá bát hai, jo us ne kahí, ki Tum mujhe dhúndhoge, aur na páoge : aur jahán main hún, tum na á sakoge ?

37 Phir íd ke pichhle din jo bará din hai, Yisú khará húa, aur pukará, Agar koí pyásá ho, mujh pás áwe, aur piye. 38 Uske peṭ se, jo mujh par ímán látá hai, jaisá kitáb kahtí hai, jíte pání kí nadíán járí hongín. 39 Us ne yih Rúh kí bábat kahí, jise we jo uspar ímán láte páne par the; kyúnci Rúh i Quds ab tak utrá na thá, is liye kí Yisú hanoz apne jalál ko na pahunchá thá. 40 Tab un logon men se bahuteron ne yih sunkar kahá, Fialhaqíqat yihí wuh Nabí hai. 41 Auron ne kahá, Yih Masíh hai; bázon ne kahá, Kyá Masíh Galíl se átá hai ? 42 Kyá kitábon ne nahín kahá, ki Masíh Dáúd kí nasl se, aur Baitlaham kí bastí se jahán Dáúd thá, átá hai ? 43 So logon men uskí bábat ikhtiláf húa. 44 Bázon ne cháhá thá, ki use pakaṛ leu par kisí ne uspar háth na dálá.

45 Tab piyáde sardár káhinon, aur Farúsíon pás áe, aur unhon ne unhen kahá, Tum use kyún na láe ? 36 Piyádon ne jawáb diyá, ki Hargiz kisí shaḡhs us shaḡhs kí mánind kalám nahín kahá. 47 Tab Farúsíon ne unhen jawáb diyá, Kyá tum ne bhí dagá kháí ? 48 Kyá koí sardáron, yá Farúsíon men se uspar ímán láyá ? 49 Phir yih jamáat jo shariyat se wáqif nahín lánatí hai. 50 Níqodím ne jo rát ko Yisú pás áyá thá, aur ek un men se thá, unhen kahá, 51 Kyá hamáří shariyat kisí par peshtar use kí uskí sunen, aur jánen, ki wuh kyá kartá hai, gunahgár thahrátí hai ? 52 Unhon ne uske jawáb men kahá, Kyá tú bhí Galílí hai ? Dhúndh, aur dekh : kí Galíl se nabí zahir nahín húa. 53 Phir harek apne ghar ko gayá.

### VIII. BĀB.

1 Tab Yisú koh i Zaitán ko gayá : 2 Aur subh sawere haikal men phir áyá, aur sab log us pás áe ; us ne dekh kar unhen tálím dí. 3 Tab Farúsí ek aurat ko jo ziná men pakrí gaí thí, us pás láye, aur use



bích men khará karke use kahá, 4 Ki Ai ustád, yih aurat ziná men áin fiál ke waqt pakrī gaí. 5 Músá ne to Tauret men ham ko hukm kiyá hai, ki aisí ko sangsár karen, par tú kyá kahtá hai ? 6 Unhon ne ázmáish ke liye yih kahá, táki us par nálish kí waja páwen. Par Yisú nícche jhukke anglí se zamín par likhne lagá. 7 Aur jab we usne sawál karne lage, to us ne sídhe hokar unhen kahá, Jo ki tum men begunáh hai, pahile wuhí use patthar máre. 8 Aur phir jhuk ke zamín par lagá. 9 Aur we sunke dil hí dil men ápko gunahgár samjh ke baron se leke chhote tak ek ek kar ke chale gae : aur Yisú akelá rah gayá, aur aurat bích men kharí rahí. 10 Tab Yisú ne sídhe hokar aurat ke siwá kisí ko na dekhá, aur use kahá, Ai aurat, we tere nálish karnewále kahán hain ? kyá kisí ne tujh hukm na kiyá ? 11 Wuh bolí, Ai Khudáwand, kisí ne nahín. Yisú ne use kahá, Main bhí tujh par hukm nahín kartá ; já, aur phir gunáh na kar.

12 Yisú ne phir unhen kahá, Jahán ká núr main hún ; jo merí pairawí kartá hai, andhere men na chalegá, balki zindagí ká núr páwegá. 13 Tab Farúsion ne use kahá, Tú apne haqq men gawáhi detá hai, terí gawáhi iatibár kí nahín. 14 Yisú ne jawáb diyá, aur unhen kahá, Agarchi main apne haqq men gawáhi detá hún, par merí gawáhi iatibár kí hai : kyúнки main jántá hún, ki main kahán se áyá hún, aur main kahán játá hún ; par tum nahín jánte, ki main kahán se áyá hún, aur kahán játá hún. 15 Tum jism ke mutábiq hukm karte ho, main kisí shakhs par hukm nahín kartá. 16 Aur agar main hukm karún, to merá hukm haqq hai, kyúнки main akelá nahín, par main aur Báp jis ne mujhe bhejá. 17 Tumhári shariyat men yih bhí likhá hai, ki do shakhs kí gawáhi iatibár kí hai. 18 Ek to main hún, jo apne haqq men gawáhi detá hún ; aur ek Báp jis ne mujhe bhejá hai, mere haqq men gawáhi detá hai. 19 Tab unhon ne use kahá, Terá Báp kahán hai ? Yisú ne jawáb diyá, Tum mujhe nahín jánte, aur na mere Báp ko : agar tum mujhe jánte, to mere Báp ko bhí jánte. 20 Yisú ne ye báten haikal ke bích baitulmál men tálím dete hue kahín, aur kisí ne us par háth na dálá, ki us ká waqt hanoz na áyá thá.

21 Yisú ne phir unhen kahá, Main to jántá hún, aur tum mujhe dhúndhoge, aur apne gunáhon men maroge ; jahán main hún, tum á

nahīn sakte. 22 Tab Yihūdīon ne kahā, Kyā wuh apne taīn mār dālegā? jo kahtā hai, jahān main jātā hūn, tum ā nahīn sakte. 23 Us ne unhen kahā, Tum pastī se ho, main is jahān kī nahīn. 24 Is liye main ne tumhen kahā, Tum apne gunāhon men maroge : kyūnki agar tum imān nahīn lāte, ki main hūn, to tum apne gunāhon men maroge. 25 Tab unhon ne use kahā, Tū kaun hai? Yisū ne unhen kahā, Wuhī jo main ne tumhen pahilehī se kahā. 26 Mujh pās bahut bāten hain, ki tumhāre haqq men kahūn, aur hukm karūn : par jis ne mujhe bhejā hai, sachchā hai : so main jahān ko we bāten, jo main ne us se sunī hain, kahtā hūn. 27 We na samjhe, ki wuh un se Bāp kī kahtā thā. 28 Phir Yisū ne unhen kahā, Jab tum Ibn i ādam ko uṭhāoge, tab tum jānoge, ki main hūn, aur main āp se kuchh nahīn kartā ; magar jo mere Bāp ne mujhe sikhlātā, main wuh bāten kahtā hūn. 29 Aur jis ne mujhe bhejā hai, mere sāth hai; Bāp ne mujhe akelā nahīn chhorā, kyūnki main hamesha aise kām kartā hūn, jo use khūsh āte hain.

30 Jab wuh ye bāten kahtā thā, tab bahutere us par imān lāe. 31 Tab Yisū ne un Yihūdīon ko jo us par imān lāe the kahā, Agar tum merī bāt par sābit rahoge, to tum tahqīq mere shāgird ho, 32 Aur sachchāī ko jānoge, aur sachchāī tum ko āzād karegī. 33 Unhon ne use jawāb diyā, Ham Abirahām kī nasl hain, aur kisī kī gulāmī men kabhū na the, tū kyūnkar kahtā hai, ki Tum āzād kiye jāoge? 34 Yisū ne unhen jawāb diyā, Main tum se sach sach kahtā hūn, jo koī gunāh kartā hai, gunāh kā gulām hai, 35 Aur gulām abad tak ghar men nahīn rahtā, Beṭā abad tak rahtā hai. 36 Is liye agar Beṭā tum ko āzād karegā, to tum tahqīq āzād hoge. 37 Main jāntā hūn, ki tum Abirahām kī nasl ho ; lekin tum mere qatl kī fikr men ho, kyūnki tum men mere kalām kī jagah nahīn. 38 Main ne jo apne Bāp ke sāth dekhā hai, wuhī kahtā hūn : aur tum wuh jo ne apne bāp ke sāth dekhā hai, karte ho. 39 Unhon ne jawāb men use kahā, Hamārā bāp Abirahām hai. Yisū ne unhen kahā, Agar tum Abirahām ke laṅke hote, to tum Abirahām ke kām karte. 40 Par tum mujhe qatl kiyā chāhte ho, aur main ek shaḅhs hūn, ki haqq bāt jo main ne Khudā se sunī tumhen kahīn; yih Abirahām ne nahīn kiyā. 41 Tum apne bāp ke kām karte ho. Tab unhon ne use kahā, Ham

harām se paidā nahīn hūe ; hamārā bāp ek hai, yāne K̄hudā. 42 Yisú ne unhen kahā, Agar K̄hudā tumhārā bāp hotā, to tum mujhe azíz jánte : kyūnki main K̄hudā se niklá, aur áyá hūn ; main āp se nahīn áyá, par us ne mujhe bhejā. 43 Tum merí bolí kyūn nahīn samajhte' kī merí báten sun nahīn sakte ? 44 Tum apne bāp Shaitán se ho, aur cháhte ho, kī apne bāp kí k̄hwáhish ke muwáfīq karo : wuh to shurú se qátal thá, aur sachcháí par sábit na rahá ; kyūnki unmen sachcháí nahīn ; jab wuh jhúṭh kahtá hai, tab apníhí sí kahtá hai : kyūnki wuh jhúṭhá hai, aur jhúṭh ká bāp hai. 45 Par is sabab se kī main sach kahtá hūn, tum mujh par ímán nahīn láte. 46 Kaun tum men se mujh par gunáh sábit kartá hai ? par main jo sach kahtá hūn, tum mujh par ímán kyūn nahīn láte ? 47 Jo K̄hudā ká hai, K̄hudā kí báten suntá hai : tum is liye nahīn sunte ho, kī tum K̄hudā ke nahīn ho.

48 Tab Yihúdíon ne jawáb men use kahá, Kyá ham achchhá nahīn kahte, kī tú Sámari hai, aur tere sáth deo hai ? 49 Yisú ne jawáb diyá, Mere sáth deo nahīn, par main apne Bāp kí izzat kart ghūn, aur tum merí beizzati karte ho. 50 Aur main apní buzurgí nahīn dhúndhtá : ek hai jo dhúndhtá hai, aur hukm kartá hai. 51 Main tum se sach sach kahtá hūn, Agar koí shaḡhs mere kalám par amal karen, to wuh maut ká hargiz kabhí na dekhegá. 52 Yihúdíon ne use kahá, Ab ham ne jáná, kī tere sáth deo hai. Abirahám aur nabí mar gae, aur tú kahtá hai, Agar koí shaḡhs mere kalám par amal karen, to maut ká máza kabhí na chakhegá. 53 Kyá tú hamāre bāp Abirahám se, jo mar gayá, buzurg hai ? Sab nabí mar gae : tú apne taín kyá ṭhahráta hai ? 54 Yisú ne jawáb diyá, Agar main apní buzur kartá hūn, to merí buzurgí kuchh nahīn : par merá Bāp hí, jise tum kahte ho, Hamārā K̄hudā hai, wuh merí buzurgí kartá hai. 55 Tum ne use nahīn jáná ; lekin main use jántá hūn : aur agar main kahūn, kī main use nahīn jántá, to main tumhári tarah jhúṭhá hūngá : par main use jántá hūn, aur uske kalám par amal kartá hūn. 56 Tumhārā bāp Abirahám bahut mushtáq thá, kī mere dīn dekhe : chunānchī us ne dekh ke k̄húsh húa. 57 Tab Yihúdíon ne use kahá, Terí abhí pachás baras kī nahīn, aur tú ne Abirahám ko dekhá hai ? 58 Yisú ne unhen kahá, Main tum se sach sach kahtá

hūn, Peshtar us se ki Abirahám ho, main hūn. 59 Tab unhon ne pathar uṭhāe, ki use máren : par Yisú ne apne tañ poshída kiyá, aur unke bích men ho ke haikal se niklá, aur yūn chalá gayá.

### IX. BĀB.

1 Phir usne játe hūe ek shaḡhs ko, jo janam ká andhá thá, dekhá. 2 Aur uske shágirdon ne us se púchhá, ki Ai Rabbí, gunáh kis ne kiyá, is shaḡhs ne, yá us ke má báp ne, ki yih andhá paidá húa? 3 Yisú ne jawáb diyá, Na to is shaḡhs ne gunáh kiyá, na us ke má báp ne : lekin tá ki Ḳhudá ke kám us men záhir howen, yūn húa. 4 Zarúr hai, ki jis ne mujhe bhejá, main us ke kámon ko, jab tak ki din hai, karún : rát átí hai, aur 'koí us waqt kám nahín kar saktá. 5 Jab tak main jahán men hūn, jahán ká nūr hūn. 6 Yih kahke sn ne zamín par thúká, aur thúk se miṭṭí gúndhí, aur wuh miṭṭíus andhe kí ánkhon par malí. 7 Aur use kahá, Já, aur Sílohám ke hauz men, jiská tarjuma Bhejá húa hai, nahá. Tab wuh jáke naháyá, aur dekhtá áyá.

8 Phir hamsáion ne, aur jinhon ne áge use andhá dekhá thá, kahá, Kyá yih wuh nahín, jo baiṭhá bhíkh mángtá thá? 9 Bázon ne kahá, Yih wuhí hai : auron ne kahá, Yih us kí mánind hai : us ne kahá, Main wuhí hūn. 10 Phir unhone use kahá, Terí ánkhen kyúnkar khul gáin? 11 Us ne jawáb diyá, aur kahá, Ek mard ne jis ká nám Yisú hai, miṭṭí gúndhí, aur merí ánkhon par lagáí, aur mujhe kahá, ki Sílohám ke hauz men já, aur nahá. So main já ke naháyá, aur bíná húa. 12 Tab unhon ne use kahá, ki Wuh kahán hai? Unes kahá, Main nahín jántá.

13 We use, jo pahile andhá thá, Farúsion pás le gayá. 14 Aur jab ki Yisú ne miṭṭí gúndh ke us kí ánkhen kholín thín, sabb ká din thá. 15 Phir Farúsion ne bhí us se púchhá, ki Tú ne apní ánkhen kyúnkar páin? Us ne unhen kahá, ki Us ne merí ánkhon par gilí miṭṭí lagáí, aur main naháyá, aur dekhtá hūn. 16 Tab Farúsion men se bázon ne kahá, Yih mard Ḳhudá kí taraf se nahín, kyúnki sabb ke din ko nahín mántá. Auron ne kahá, Kyúnkar ho saktá hai, ki gunahgár insán aise muajize dikháe? So un men iḡhtiláf thá. 17 Un-

hon ne us andhe shaḵhs ko phir kahá, Tú us ke haqq men, jis ne terí ánkhen kholín, kyá kahtá hai? Wuh bolá, ki Wuh nabí hai. 18 Phir Yihúdíon ne yih bát yaqín na kí, ki wuh andhá thá, aur bíná húa, jab tak ki unhon ne us shaḵhs ke má báp ko, jo bíná húa thá, buláyá. 19 Aur unse púchhá, ki Kyá yih tumbhárá betá hai, jise tum kahte ho, andhá paidá húa thá? Phir wuh ab kyúnkar dekhtá hai? 20 Us ke má báp ne jawáb men unhen káhá, Ham jánte hain, ki yih hamárá betá hai, aur yih, ki wuh andhá paidá húa thá. 21 Lekin yih ham nahín jánte, ki wuh ab kis sabab se dekhtá hai; aur uskí ánkhen ko kis ne kholá, ham nahín jánte; wuh jawán hai, us se púchhá, to wuh apní áp kahegá. 22 Us ke má báp Yihúdíon se darte the; is liye unhon ne yih kahá: kyúnki Yihúdíon ne eká kiyá thá, ki agar koí iqrár kare, ki wuh Masih hai, to ibádatḵhána se niklá jáwe. 23 So us ke má báp ne kahá, ki Wuh jawán hai, us se púchhá. 24 Tab unhon ne us shaḵhs ko, jo andhá thá, phir bulá kar kahá, ki Ḳhudá hí ká shukr kar: ham jánte hain, ki yih mard gunahgár hai. 25 Us ne jawáb diyá, ki Main nahín jántá, ki wuh gunahgár hai: main ek bát jántá hún, ki main andhá thá, ab dekhtá hún. 26 Tab unhon ne us se phir púchhá, ki Us ne tujh se kyá kiyá? kyúnkar us ne terí ánkhen kholín? 27 Us ne jawáb diyá, Main ne to tumhen abhí kahá, tum ne na suná: kyá tum phir suná cháhte ho? kyá tum bhí uske shágird hoge? 28 Tab unhon ne use gáliyán dín, aur kahá, Tú uská shágird hai, ham Músá ke shágird hain. 29 Ham jánte hain, ki Ḳhudá ne Músá se báten kiyán, par ham nahín jánte, ki yih kahán ká hai. 30 Us shaḵhs ne jawáb men unhen kahá, Kyá yih tájjub hai, ki tum nahín jánte, ki yih kahán ká hai, aur us ne merí ánkhen kholí hain. 31 Ham jánte hain, ki Ḳhudá gunahgáron kí nahín suntá, par agar ádmí Ḳhudá-parast, aur uskí marzí par cháhtá ho, to uskí wuh suntá hai. 32 Dunyá ke shurú se sunne men nahín áyá, ki kisí ne ek kí ánkhen, jo andhá paidá húa, kholí hún. 33 Agar yih mard Ḳhudá kí taraf se na hotá, to kuchh na kar saktá. 34 Unhon ne jawáb men use kahá, Tú to bilkull gunáhon men paidá húa, aur tú ham ko sikh-látá hai? tab unhon ne use báhar nikal diyá. 35 Yisú ne suná, ki unhon ne use báhar nikal diyá, tab us ne use pákar kahá, Kyá tú Ḳhudá ke Beṭe par ímán lítá hai? 36 Us ne jawáb men kahá, Ai

Khudáwand, wuh kaun hai, ki main uspar ímán láún? 37 Yisú ne use kahá, Tú ne use dekhá hai, aur wuh jo tujh se boltá hai, wuhí hai. 38 Us ne kahá, Ai Khudáwand, main ímán látá hún. Aur us ne use sijda kiyá. 39 Tab Yisú ne kahá, ki Main adálat ke liye is dunyá men áyá hún, táki we jo nahín dekhtá hain, dekhen, aur dekhnewále andhe howen. 40 Farúsíon ne jo us ke sáth the, ye báten sun ke use kahá, Kyá ham bhí andhe hain? 41 Yisú ne unhen kahá, Agar tum andhe hote, to gunahgár na hote : par ab tum to kahte ho, ham dekhte hain ; is liye tumhárá gunáh báqí hai.

### X. BAB.

1 Main tum se sach sach kahtá hún, Jo ki darwáze se bher kḥáne men dákhil nahín hotá ; balki aur taraf se úpar chaḥtá hai, wuh chor aur baṭmár hai. 2 Lekin wuh jo darwáze se dákhil hotá hai, bheron ká gaḥariyá hai. 3 Darbán us ke liye kholtá hai ; aur bheren us kí áwáz suntí hain : aur wuh apní bheron ko nám leke bulátá hai, aur unhen báhar'lejátá hai. 4 Aur jab wuh apní bheron ko báhar nikáltá hai, to unke áge áge chaltá hai, aur bheron us ke píchhe ho letí hain ; kyúнки we us kí áwáz pahchántí hain. 5 Aur we begáne ke píchhe nahín játín, balki us se bhágtí hain : is liye ki begánon kí áwáz nahín pahchántín. 6 Yisú ne yih tamsíl unhen kahí ; lekin we na samjhe, ki yih kyá báten thín, jo wuh un se kahtá thá.

7 Tab Yisú ne unhen phir kahá, Main tum se sach sach kahtá hún, ki bheron ká darwáza main hún. 8 Sab jitne mujh se áge áe, chor aur baṭmár hain : aur bheron ne unkí na suní. 9 Wuh darwáza main hún : agar koí shaḥhs mujh se dákhil ho, to naját páwegá, aur andar báhar áe jáegá, aur charágáh páegá. 10 Chor nahín átá, magar charáne, aur qatl karne, aur halák karne ko : main áy hún, táki we zindagí páwen, aur ziyáda hásil karen. 11 Achchhá gaḥariyá main hún : achchhá gaḥariyá bheron ke liye apní ján detá hai. 12 Par mazdúr, aur wuh jo gaḥariyá nahín, aur bheron ká málik nahín, bheriyá áte dekh kar bheron ko chhor detá hai, aur bhág nikaltá hai, aur bheriyá unhen pakartá hai, aur bheron ko paráganda kartá hai. 13 Mazdúr bhágtá hai, kyúнки wuh mazdúr hai, aur bheron ke liye

kuchh fikr nahīn kartā. 14 Achchhá gaṛariyā main hūn, aur apnī pahchānta hūn, aur merī mujhe jāntī hain. 15 Jis tarah se Bāp mujhe jāntā hai, us tarah main Bāp ko jāntā hūn : aur main bheron ke liye apnī jān detā hūn. 16 Aur merī aur bhī bheron hain, jo is galle kī nahīn : zarūr hai, ki main unhen bhī lāūn, aur we merī āwzā sunegī, aur galla ek, aur gaṛariyā ek hogā. 17 Bāp mujhe is liye piyār kartā hai, ki main apnī jān detā hūn, tāki main use phir lūn. 18 Koī shaḡhs use mujh se nahīn le saktā, par main use āp se detā hūn ; mujh men qudrat hai, ki use dūn, aur mujh men qudrat hai, ki use phir lūn. Yih hukm main ne apne Bāp se pāyā.

19 Tab Yihūdion ke bīch un bāton ke sabab phir iḡhtilāf hūā. 20 Aur bahuton ne un men se kahā, ki Uske sāth deo hai, aur sirī, tum uskī kyūn sunte ho ? 21 Auron ne kahā, Ye bāten dīwāne kī nahīn. Kyā deo andhe kī ānkhen khol saktā hai ?

22 Yirúshālam men id i Taquddas hūī, aur jāre kā mausim thā. 23 Tab Yisū haikal ke bīch Sulaimānī usāre men phirtā thā. 24 Us waqt Yihūdion ne uske ās pās āke use kahā, Tú kab tak hamāre dil ko andherī men rakhegā ? agar tú Masīh hai, to ham ko sáf kah de. 25 Yisū ne unhen jawāb diyā, ki Main ne to tumhen kahā, aur tum ne yaqīn na kiyā : jo kām main apne Bāp ke nám se kartā hūn, ye mere gawāh hain. 26 Lekin tum ímán nahīn lāte, kyūnki jaisā main ne tumhen kahā, tum merī bheron se nahīn. 27 Merī bheron merī āwāz suntī hain, aur main unhen jāntā hūn, aur we mere pīchhe chalte hain. 28 Aur main unhen hamesha kī zīndagī baḡhshāta hūn, aur we kabhī halāk na hongīn ; koī unhen mere háth se chhīn na legā. 29 Merā Bāp, jis ne unhen mujhe diyā hain, sab se baṛā hai ; aur koī unhen mere Bāp ke háth se chhīn nahīn le saktā. 30 Main aur Bāp ek hain. 31 Tab Yihūdion ne phir pathar uṭhāe, ki us par pathrāo karen. 32 Yisū ne unhen jawāb diyā, ki Main ne apne Bāp ke bahut se achche kām tumhen dikhāe hain, un men se kis kām ke liye tum mujhe pathrāo karte ho ? 33 Yihūdion ne use jawāb diyā, ki Ham tujhe achche kām ke liye nahīn, balki is liye tujhe pathrāo karte hain, ki tú kufr kahtā hai, aur admī hoke apne taīn Ḳhudā banātā hai. 34 Yisū ne unhen jawāb diyā, Kyā tumhārī shara men yih nahīn likhā hai, ki Main ne kahā, Tum Ḳhudā ho ? 35 Usne to

unhen jinke pás K̄hudá ká kalám áyá, K̄hudá kahá, aur mumkin nahí n, ki kitáb kí bát tale : 36 Tum use jise K̄hudá ne muquddas kiyá, aur jahán men bhejá kahte ho, ki tú kufr baktá hai, ki main ne kahá, Main K̄hudá ká Beṭá hún. 37 Agar main apne Báp ke kám nahín kartá, to mujh par ímán mat láo. 38 Lekin agar main kartá hún, tú agarchi mujh par ímán na láo, tau bhí kámon par ímán láo, táki tum jáno, aur yaqín karo, ki Báp mujh men, aur main us men hún. 39 Tab unhon ne phir cháhá, ki use pakaṛ len ; par wuh unke háthon se nikal gayá, 40 Aur Yardan ke pár us jagah, jahán Yohan pahile bápísmá diyá kartá thá, phir gayá ; aur wahán rahá. 41 Bahuton ne us pás jáke kahá, ki Yohan ne to koí muajiza nahín dikháya, par sab báten jo Yohan ne us ke haqq men kahín, sachchí thín. 42 Aur wahán bahutse uspar ímán lée.

## XI. BĀB.

1 Aur Lázar nám ek shaḅhs Baitaniyá ká rahnewálá, jo Mariyam aur uskí bahin Martá ke gánw ká thá, bímár thá. 2 Wuhí Mariyam jis ne ki K̄hudáwand ko atr malá, aur apne bálon se uske páon ko ponchhá thá, usíká bhái Lázar bímár thá. 3 Is liye uskí bahinon ne usko kahlá bhejá, ki K̄hudáwand, dekh, jise tú piyár kartá hai, bímár hai. 4 Yisú ne sunke kahá, Yih maut kí bímárí nahín, lekin K̄hudá kí buzurgí ke liye hai, táki us sabab se K̄hudá ke Beṭe kí buzurgí kí jáwe. 5 Aur Yisú Martá ko, aur uskí bahin, aur Lázar ko piyár kartá thá. 6 So jab us ne suná, ki wuh bímár hai, to aur roz us jagah, jahán wuh thá, rahá.

7 Phir bád us ne uske shágirdon se kahá, Aḅo, ham phir Yiyúdiyá men jáwen. 8 Shágirdon ne use kahá, Ai Rabbí, abhí Yihúdíon ne cháhá thá, ki tujhe pathráo karen, aur tú wahán phir játá hai ? 9 Yisú ne jawáb diyá, ki Kyá din ke bárah ghante nahín ? agar koí shaḅhs din ko chale, to wuh ṭhokar nahín khátá, kyúnki wuh is jahán kí roshní dekhtá hai. 10 Par agar koí shaḅhs rát ko chale, to wuh ṭhokar khátá hai, par us ko roshní nahín. 11 Us ne ye báten kahín : phir un se kahá, ki Hamará dost Lázar so gayá hai, par main piyár kartá thá ! 37 Bázon ne un men se kahá, Kyá yih mard jin se



jātá hún, ki use jagáúñ. 12 Tab us ke shágirdon ne kahá, Ai K̄hudá-wand, agar wuh sotá hai, to changá hogá. 13 Yisú ne to us kí maut kí kahí, par unhon ne k̄hiyál kiyá, ki us ne nínd ke árám kí farmái. 14 Tab Yisú ne unhen sáf kahá, ki Lázar mar gayá. 15 Aur main tumháre liye k̄húsh hún, ki wahán na thá, táki tum ímán láo ; áo, us pás jáíñ. 16 Tab Tomá ne jise Didumas kahte hain, apne ham-shágirdon se kahá, Aó, ham bhí jáen táki uske sáth maren.

17 Aur Yisú ne áke daryáft kiyá, ki chár din húe, ki us qabr men gár chuke, 18 Aur Baitaniyá Yirúshálam se nazdík qaríb pandrah tír partáb ke thá. 19 Aur bahut se Yihúdí Martá, aur Mariyam ke pás áe the, ki unke bhái kí unhen tasallí den. 20 So Martá ne jo suná ki Yisú átá hai, us kí istaqbál kiyá, par Mariyam ghar men baiṭhe rahí. 21 Tab Martá ne Yisú ko kahá, Ai K̄hudáwand, agar tú yahán hotá, to merá bhái na martá. 22 Lekin main jántí hún, ki ab bhí, jo kuchh tú K̄hudá se mánge, K̄hudá tujhe degá. 23 Yisú ne use kahá, Terá bhái phir uṭhegá. 24 Martá ne kahá, Main jántá hún, Qiyámat men pichhle din phir uṭhegá. 25 Yisú ne use kahá, Qiyámat aur zindagí main hún, jo mujh par ímán láwe, agarchi wuh mar jáe jíegá. 26 Aur jo koí jítá hai, aur mujh par ímán látá hai, kabhí na maregá. Kyá tú yih yaqín rakhtí hai? 27 Us ne use kahá, Hán, ai K̄hudáwand, mujhe yaqín hai, ki K̄hudá ká Beṭá Masíh jo dunyá men ánewéla thá, tú hí hai.

28 Wuh yih kahke chalí gaí, aur chupke apní bahin Mariyam ko buláke kahá, ki Ustád áyá hai, aur bulátá hai. 29 Wuh yih bát sunte hí uṭhí, aur us pás áí. 30 Tab Yisú hanoz bastí men na pahunchá thá, balki usí jagah thá, jahán Martá use milí thí. 31 Tab Yihúdí jo uske sáth ghar men the, aur use tasallí dete the, yih dekh ke, ki Mariyam jald uṭhí, aur báhar gaí, yún kahte húe uske píchhe ho liye, ki wuh qabr par roní játí hai. 32 Aur jab Mariyam wahán, jahán Yisú thá, áí, aur use dekhá, to uske qadmon par girke kahá, Ai K̄hudáwand, agar tú yahán hotá, tau merá bhái mar najátá. 33 Jab Yisú ne usko dekhá, ki rotí hai, aur Yihúdíon ko bhí jo us ke sáth áe the, ki rotí hain, to dil se áh mára, aur afsos kiyá. 34 Aur kahá, Tum ne use kahán rakhá? Unhon ne kahá, K̄hudáwand á, aur dekh. 35 Yisú royá. 36 Tab Yihúdí bole, ki Dekho, use kitná

andhe kí ánkhen kholín, na kar saká, ki yih shaḡhs bhí na martá. 38 Tab Yisú apne dil se phir áh kartá húá qabr par áyá; wuh ek gár thá, aur us par ek patthar dhará thá. 39 Yisú ne kahá, ki Patthar ko uṡháó ? Us murde kí bahin Martá ne use kahá, Ai Ḳhudá-wand, use to ab badbú átí hai, kyúнки use chár din húe. 40 Yisú ne use kahá, Kyá main ne tujhe nahín kahá, ki Agar tú ímán láwe, to Ḳhudá ká buzurgí dekhegí? 41 Tab unhoṅ ne sung wahán se jahán wuh murda gaṡá thá uṡháyá, Yisú ne ánkhen upar karke kahá, Ai Báp main terá shukr kartá hún, ki tú ne merí suní hai : 42 Aur main ne jáná, ki tú merí minnat suntá hai : par un logoṅ ke báis, joás pás khaṡe hain, main ne yih kahá, táki we ímán láwen, ki tú ne mujhe bhejá hai. 43 Aur yih kahke buland áwáz se chilláyá, ki Ai Lázar, báhar nikal á. 44 Tab wuh jo mar gayá thá, kafan se háth o pánw bandhe húe báhar nikal áyá : aur uská chihra girdágird rumál se lapetá húá thá. Yisú ne unhen kahá, Use khol do, aur jáne do. 45 Tab Yihúdíon men se bahutere jo Mariyam kane áe the, aur Yisú ke ye kám dekhe the, us par ímán láe. 46 Par bázon ne un men se Farúsíon ke pás jáke un kámon ká, jo Yisú ne kiye the, zikr kiyá.

47 Tab Sardár Káhinon, aur Farúsíon ne ek majlis jama kiyá, aur kahá, ki Ham kyá karte hain? ki yih mard bahut muajize dikhátá hai. 48 Agar ham use yún nahín chhorín, to sab uspar ímán láwenge. aur Rúmí áke hamárí wiláyat aur quam ko bhí le lenge. 49 Aur Qayafá nám ek ne un men se jo us sál Sardár Káhin thá un se kahá, Tum kuchh nahín jánte. 50 Aur na andesha karte ho, ki hamáre liye yih bihtar hai, ki ek mard qaum ke badle mare, na ke sárí qaum halák howe. 51 Usne yih apní taraf se na kahá ; lekin us sabab se, ki us baras Sardár Káhin thá, pesh ḡhabarí kí, ki Yisú us qaum ke wáste maregá. 52 Aur na sirf us qaum ke wáste, balki us wáste bhí, ki wuh Ḳhudá ke farzandon ko jo parágandí húe báham jama kare. 53 Unhoṅ ne usí roz se ápas men mashwarat kí, ki us ko ján se máren. 54 Isliye Yisú ne Yihúdíon men záhír phir ná chhorá, par wahán se ek mulk men bayábán ke nazdík Ifráim nám ek shahr men gayá, aur apne shágirdon ke sáth wahán guzrán gayá.

55 Yihúdíon kí íd i fasah nazdík thí, aur bahutere íd ke pahile us mulk se Yirúshálam ko gae, táki apne taín pák karen. 56 Aur

Yisú kí talásh kí, aur haikal men khare hoke ápas men kahá, ki Tum kyá gumán karte ho, kyá wuh íd men na áwegá. 57 Aur sardár káhinon aur Farúsion ne bhí hukm kiyá thá, ki agar koí jántá ho, ki wuh kahán hai, to dikhláwe, táki use pakaṛ len.

## XII. BĀB.

1 Phir Yisú Baitaniyá men jáhán Lázár thá, jise us ne murdon men se uṭháyá thá, fasah se chhah roz áge áyá. 2 Wahán unhon ne us ke liye kháná tayár kiyá, aur Martá ḡhidmat kartí thí, aur ek un men se jo uske sáth kháne baithe the Lázár thá. 3 Tab Mariyam ne jaṭámásí ká ádh ser khálas, aur qímatí atr lekar Yisú ke páon par malá, aur apne bálon se us ke pánw ponchhe; aur ghar atr kí bue se bhar gayá thá. 4 Tab Yihúdáe Iskariyatí ne, jo Simon ká beṭá, aur ek uske shágirdon men se, jo use pakaṛwayá cháhtá thá, kahá: 5 Ki yih atr tén sau dínár ko kyún na bechá gayá, aur muhtájon ko na diyá gayá? 6 Us ne yih na is liye kahá, ki muhtájon kí kuchh fikr kartá thá, par is liye, ki wuh chorthá, aur thílí sáth rakhtá thá, aur jo kuchh us men partá thá, uṭhá letá thá. 7 Tab Yisú ne kahá, ki Use chhoṛ de, ki us ne yih mere roz dafan ke liye rakhá thá. 8 Kyúnki muhtáj hamesha tumháre sáth hongé, par main hamesha tumháre sáth nahín.

9 Aur Yihúdíon kí baṛí jamáat ne jáná, ki wuh wahán hai, aur we áe, na sirf Yisú ke sabab, balki is liye bhí, ki Lázár ko jise us ne jiláyá thá, deken. 10 Tab sardár káhinon ne mashwarat kí, ki Lázár ko bhí ján se máren. 11 Kyúnki us ke sabab se bahut Yihúdí phir gae, aur Yisú par ímán láe.

12 Dústre roz baṛí jamáat ne, jo íd men áí thí, yih sunke, ki Yisú Yirúshálam men ájá hai. 13 Khajúr ke darakhton kí ḡalían liyán, aur nikle ki us se muláqát karen, aur pukáre Hoshánná mubáarak Isráel ká Bádsháh, jo ḡhudáwand ke nám se átá hai. 14 Aur Yisú ek gadhe ká bachchá pákar uspar sawár húá, chunánchi likhá hai, ki. 15 Ai Síhon kí beṭí, mat dar, dekh, terá Bádsháh gadhe ke bachche par sawár átá hai. 16 Us ke shágird pahile ye báten na samjhe, lekin

jab Yisú apne jalál ko pahunchá, tab unhon ne yád kiyá, ki ye báten us ke haqq men likhí thín, aur yih ki unhon ne usí se yih sulúk kiyá.

17 Tab un logon ne jo us ke sáth the, jab us ne Lázar ko qabr se báhar buláyá, aur jiláyá thá, gawáhí dí. 18 Is sabab se jamáat bhí uskí muláqát ko niklí, kyúnci unhon ne suná, ki us ne yih muajiza dikhlátá. 19 Farúsiyon ne ápas men kahá. Tum dekhte ho, ki tumhen kuchh fáida nahín? Dekho, ki jahán us ká pairau ho chalá.

20 Aur unke darmiyán jo íd men parastish karne áe the, báze Yúnání the 21 We Fílip ke pás, jo Baitsaidá Galíl ká thá, aur us se arz kiyá, ki Ai sáhib, ham cháhte hai, ki Yisú ko dekhen. 22 Fílip ne áke Andriyá se kahá: aur phir Andriyá aur Fílip ne Yisú ko khabar dí. 23 Yisú ne unhen yih jawáb diyá, ki Waqt áyá, jo Ibn i ádam jalál páwe. 24 Main tum se sach sach kahtá hún, ki gehún ká dána agar zamín men girke mar na jáwe, to akelá rahtá hai; par agar wuh mare, to bahut sá phal látá hai. 25 Jo apní ján ko azíz rakhtá hai, use khowegá; aur wuh jo is jahán men apní ján ká dushman hai, use hamesha kí zindagí tak hifázat karegá. 26 Agar koí merí khidmat kare, to cháhiye ki wuh merí pairawí kare; aur jis jagah main hún, merá khadim bhí wahín hogá; agar koí merí khidmat kartá hai, to Báp us kí izzat karegá.

27 Ab merí ján ghabráti hai; aur kyá main kahún? Ai Báp, mujhe us gharí se bachá: lekin main to isí gharí ke liye áyá hún. 28 Ai Báp, apne nám ko jalál bakhsho. Wahín ásmán se áwáz áí, ki Main ne jalál bakhshá hai, aur phir jalál bakhshúngá. 29 Tab logon ne jo házir the, yih sunke kahá, ki Yih Bádál garjá. Auron ne kahá, ki Firishta us se bolá. 30 Yisú ne jawáb diyá, aur kahá, ki Yih áwáz mere wáste nahín, balki tumháre liye áí. 31 Ab is jahán par hukm hotá hai: ab is jahán ká sardár nikál diyá jáegá. 32 Aur main jo hún, agar zamín se upar uṭháyá jáún, to sab ko apne pás khenchúngá. 33 Us ne yih kahke patá diyá, ki wuh kis maut se marne par hún. 34 Logon ne jawáb men kahá, Ham ne shariyat men suná hai, ki Masíh abad tak rahegá, phir tú kyúncar kahtá hai, ki Ibn i ádam zarúr hai, ki uṭháyá jáe? yih Ibn i ádam kaun hai? 35 Yisú ne unhen kahá, ki Núr abhí thoṛí der tumháre sáth hai. Jab tak ki núr tumháre sáth hai, chalo, naho ki tárikí tumhen já pakre, aur wuh

jo andhere men chaltá hai, nahín jántá, kí kidhar játá hai. 36 Jab tak núr tumháre sáth hai, núr par ímán láo, táki tum núr ke farzand ho. Yisú ne ye báten kahín; aur jáke apne taín un se chhipáyá.

37 Aur agarchi us ne rúbarú itne muajize dikháe, par we ímán na láe. 38 Táki Ishaiyá nabí ká kalám jo us ne kahá, púrá howe, ki Ai K̄hudáwand, hamári k̄habar ko kis ne yaqín kiyá hai; aur K̄hudáwand ká háth kis par záhir húá hai! 39 Is liye we ímán na lá sake, ki Ishaiyá ne phir kahá: 40 Us ne unkí ánkhen andhe kiyán, aur unke dil saḡht kiye hain, tá naho ki we ánkhen se dekhen, aur dil se samjhen, aur phiren, aur main unhen changá karún. 41 Ishaiyá ne sab us ke jalál ko dekhá, usne to báten kahín, aur us kí bábat kahá. 42 Lekin báujúd us ke sardáron men se bhí bahut us par ímán láe, magar Farúsion ke báis unhon ne iqrár na kiyá, ki naho ibádat k̄háne se nikále jáwen. 43 Kyúнки we ádmion kí táríf ko K̄hudá kí taraf kí táríf se ziyáda azíz jánte the.

44 Yisú ne pukár ke kahá, Wuh jo mujh par nahín, balki uspar jis ne mujhe bhejá, ímán látá hai. 45 Aur wuh jo mujhe dekhtá hai, mere bhejnewále ko dekhtá hai. 46 Main jahán men núr áyá hún, táki jo koí mujh par ímán láwe, andhere men na rahe. 47 Aur agar koí shakhs merí báten sune, aur ímán na láwen, to main uspar hukm nahín kartá; kyúнки main isliye nahín áyá, ki jahán par hukm karún, balki isliye ki jahán ko bacháún. 48 Isliye jo mujhe haqír jántá, aur merí báton ko qabúl nahín kartá, ek hukm karnewálá hai: kalám jo main ne kahá hai, wahí uspar pichhle din hukm karegá. 49 Kyúнки main ne to úp se nahín kahá, balki Báp ne jis ne mujhe bhejá, mujhe farmán diyá, ki main kyá bolún, aur main kyá kahún. 50 Aur main jántá hún, ki uská farmán hamesha kí zindagí hai. 51 Pas jo kuchh ki maín kahtá hún, jis tarah Báp ne mujhe kahá, main usí tarah kahtá hún.

### XIII. BAB.

1 I'd i fasah se pahile Yisú ne jáná, ki merá waqt á pahunchá hai, ki is jahán se Báp pás jáún; so jaisá wuh áge apne k̄hason ko jo dunyá men the piyár kartá thá, waise hí ákhir tak piyár kartá rahá.

2 Aur jab rāt kā khānā khā chuke, Shaitān ne Simon ke betē Yihūdāe Iskariyatī ke dil men ḍālā, ki use pakarwāwe. 3 Yisū yih jān kar, ki Bāp ne sab chīzeṅ mere hāth men dīṅ, aur main̄ K̄hudā ke pās se āyā thā, aur K̄hudā ke pās jātā hūṅ; 4 Khāne se uṭhā, aur apne kapre utār rakhe, aur ek rūmāl lekar apnī kamarīṅ bāndhā. 5 Bād uske ek bāson̄ men̄ pānī ḍālā, aur hāgirdon̄ ke pāon̄ dhone us rūmāl se jo kamar men̄ bandhā thā, ponchhne lagā. 6 Phir wuh Simon Pathar tak āyā : tab usne use kahā, Ai K̄hudāwand, tū mere pāon̄ dhotā hai? 7 Yisū ne jawāb men̄ use kahā, Jo kī main̄ kartā hūṅ, ab tū jāntā nahīṅ, par bād uske jānegā. 8 Pathar ne use kahā, ki Tū mere pāon̄ kabhī na dhonā. Yisū ne use jawāb diyā, Agar main̄ tujhe na dhoūṅ, to merā sāth terā hissa na hogā. 9 Simon Pathar ne use kahā, ki Ai K̄hudāwand, sirf mere pāon̄ nahīṅ, balki hāth aur sir bhī. 10 Yisū ne use kahā, Wuh jo dhoyā gayā hai, siwā pāon̄ dhone ke muhtāj nahīṅ, balki sarāsar pāk hai; aur tum pāk ho, lekin sab nahīṅ. 11 Aur wuh to apne pakarwānewāle ko jāntā thā, is liye us ne kahā ‘Tum sab pāk nahīṅ ho.

12 Jab wuh unke pāon̄ dho chukā, to apne kapre liye phir baiṭh kar unhen̄ kahā, Āyā tum jānte ho, main̄ ne tum se kyā kiyā. 13 Tum mujhe Ustād, aur K̄hudāwand kahā karte ho : tum k̄hūb kahte ho; kyūnki main̄ hūṅ. 14 Pas jab ki mujhe K̄hudāwand, aur Ustād ne tumhāre pāon̄ dhoye, to tumhen̄ bhī lāzam hai, ki ek dūsre ke pāon̄ dhoo. 15 Isliye main̄ ne tumhen̄ ek namūna diyā hai, tā jaisā main̄ ne tum se kiyā, tum bhī karo. 16 Main̄ tum se sach sach kahtā hūṅ, ki K̄hidmatgār apne āqā se buzurg nahīṅ, aur na wuh jo bhejā gayā hai, apne bhejne wāle se buzurg hai. 17 Agar tum ye bāten̄ samajhte, aur unhen̄ karte ho, to mubārak ho. 18 Main̄ tum sab kā nahīṅ kahtā; main̄ jāntā hūṅ, jinhen̄ main̄ ne chunā hai : lekin tāki kitāb pūrī howe, Us ne jo mere sāth roṭī khātā hai, mujh par lāt uṭhāī hai. 19 Ab main̄ tumse uske hone se pahile kahtā hūṅ, ki jab ho, jāwe, to tum ímán lāío, ki main̄ hī hūṅ. 20 Main̄ tum se sach sach kahtā hūṅ, Jo use jise main̄ bhejtā hūṅ, qabūl kartā hai, mujhe qabūl kartā hai; aur wuh jo mujhe qabūl kartā hai, use jisne mujhe bhejā qabūl kartā hai.

21 Yisū yūṅ kahke dil men̄ ghabrāyā aur gawāhī deke bolā, Main̄

tum se sach sach kahtá hún, ki ek tum men se mujhe pakarwáegá. 22 Tab shágird shabha men, ki us ne kiskí bát kahí, ek dúsre ko dekhne lage. 23 Ab us ke shágirdon men se ek jise Yisú piyár kartá thá, Yisú kí chhátí par takiya kiyá thá. 24 Tab Simon Pathar ne use ishára kiyá, ki daryáft kare, ki wuh jiskí usne kahí, kaun hai. 25 Tab usne Yisú ke síne par girke kahá, Ai Kḥudáwand, wuh kaun hai? 26 Yisú ne jawáb diyá, Jise main nawále ko tar karke detá hún, wuhí hai. Phir usne nawále tar karke Simon ke beṭe Yihúdáe Iskariyatí ko diyá. 27 Aur bád us ke nawále ke Shaitán us men samáyá; tab Yisú ne use kahá, Jo kuchh ki tú kartá hai, jald kar. 28 Aur kisi shaḥhs ne unmen se, jo kháne baiṭhe the, na jáná, ki us ne yih use kis iráde se kahá. 29 Bázon ne isliye ki Yihúdá ke pás thílí thí, ki Yisú use kahtá thá, ki jo ham ko íd ke liye darkár mol le; yá yih ki muhtájon ko kuchh de. 30 Tab wuh nawála pákar filfaur niklá: aur rát thí.

31 Jab wuh chalá gayá, Yisú ne use kahá, ki Ab Ibn i ádam ne jalál páyá aur Kḥudá ne uske báis jalál páyá. 32 Agar Kḥudá us se jalál pátá hai, to Kḥudá use bhí áp se jalál degá, aur use filfaur jalál degá. 33 Ai bachcho, ab thoṛí der men tumháre sáth hún, tum mujhe dhúndhoge, aur jaisá ki main ne Yihúdíon se kahá, Jahán main játá hún, tum nahín á sakte, waisá ab main tumhen bhí kahtá hún. 34 Main tumhen nayá hukm detá hún, ki Ek dúsre se mahabbat karo; jaise main ne tum se mahabbat kí, aise hí tum bhí ek dúsre se mahabbat karo. 35 Usse sab jánenge, ki tum mere shágird ho, agar tum ápas men mahabbat rakho.

36 Simon Pathar ne use kahá, Kḥudáwand, tú kahán játá hai? Yisú ne jawáb diyá, Jahán main játá hún, tú ab mere píchhe á nahín saktá; par áge ko mere píchhe áwegá. 37 Pathar ne use kahá, Kḥudáwand, main tere píchhe ab kyún nahín á saktá? Main tere liye apní ján dúngá. 38 Yisú ne use jawáb diyá, Tú mere liye apní ján degá? Main tum se sach sach kahtá hún, ki murg báng na degá, jab tak ki tú tén martaba merá inkár na kare.

## XIV. BĀB.

1 Dilgír mat ho, tum K̄hudá par ímán láte ho, mujh par bhí ímán láo. 2 Mere Báp ke ghar men̄ bahut makán hai, nahin̄ to main̄ tumhen̄ kahtá : Main̄ játá hún, táki tumháre liye jagah taiyár karún. 3 Aur main̄ jáke, aur jagah taiyár karke, phir áungá, aur tumhen̄ apne sáth lúngá, táki jahán main̄ hoún, tum bhí hoo. 4 Aur jahán main̄ játá hún, tum jánte ho, aur ráh jánte ho. 5 Tomá ne use kahá, Ai K̄hudáwand, ham nahín jánte, tú kahán játá hai, aur ham kyúnkar us ráh ko ján saken? 6 Yisú ne use kahá, Ráh, aur Sachcháí, aur Zindagí main̄ hún, koí bagair mere wasíle Báp ke pás á nahín saktá hai. 7 Agar tum mujhe jánte, to tum mere Báp ko bhí jánte; aur ab tum use jánte ho, aur use dekhá hai. 8 Fílip ne use kahá, Ai K̄hudáwand, Bap ko hamen̄ dikhlá, ki hamárá k̄hátir jamaí ho. 9 Yisú ne use kahá, ki Ai Fílip, main̄ itní muddat se tumháre sáth hún, aur tú ne hanoz mujhe na jáná? jis ne mujhe dekhá hai, Báp ko dekhá hai; aur tú kyúnkar kahtá hai, ki Báp ko hamen̄ dikhlá. 10 Kyá tú yaqín nahín kartá, ki main̄ Báp men̄, aur Báp mujh men̄ hai; ye báten̄ jo main̄ tumhen̄ kahtá hún, main̄ áp se nahín kahtá; lekin Báp jo mujh men̄ rahtá hai, wuh yih kám kartá hai. 11 Merí bát yaqín karo, ki main̄ Báp men̄ hún, aur Báp mujh men̄; aur nahín to un kámon̄ ke sabab mujhe sachchá jáno. 12 Main̄ tum se sach sach kahtá hún, jo mujh par ímán látá hai, ye kám jo main̄ kartá hún, wuh bhí karegá, aur un se bhí bare kám karegá; kyúnki main̄ apne Báp pás játá hún. 13 Aur tum mere nám se jo kuchh mángoge, main̄ wahí karúngá, táki Báp Beṭe men̄ jalál páwe. 14 Agar tum mere nám se kuchh mángoge, to main̄ karúngá. 15 Agar tum mujhe piyár karte ho, to mere hukmon̄ par amal karo: 16 Aur main̄ apne Báp se dar̄khwást karúngá, aur wuh tumhen̄ dúsrá tasallí denewálá baḅshegá, ki hamesha tumháre sáth rahe; 17 Yáne Rúh i Haqq jise dúngá, qabúl nahín kar saktí, kyúnkar use na dekhtí hai, aur na use jántí hai; lekin tum use jánte ho, kyúnki wuh tumháre sáth rahtá hai, aur tum men̄ howegá. 18 Main̄ tumhen̄ yatím na chhorúngá, main̄ tum pás áungá. 19 Ab thoṛí der hai, ki duniyá mujhe phir na dekhegí; par tum mujhe dekhte ho, aur is liye, ki main̄ jítá hún,



tum bhí jōge. 20 Us roz tum jānoge, ki main Bāp men, aur tum mujh men, aur main tum men hūn. 21 Jis pās mere hukm hain, aur wuh unpar amal kartā hai, wuhī mujh se mahabbat kartā hai; aur wuh jo mujh se mahabbat kartā hai, mere Bāp kā piyārā hogā; aur main us se mahabbat karūngā, aur apne taīn us par zāhir karūngā.

22 Yihūdā ne (na wuh jo Iskariyatī thā) use kahā, ki Ai Kḥudā-wand, kyūnkar hai, ki tū āp ko ham par zāhir karegā, aur duniyā par nahīn. 23 Yisū ne jawāb men use kahā, Agar koī tum se mahabbat kartā hai, wuh mere kalām par amal karegā, aur merā Bāp use mahabbat karegā, aur ham us pās āwenge, aur us ke sāth rahenge. 24 Jo mujh se mahabbat nahīn kartā, mere kalām amal nahīn kartā, aur yih kalām jo tum sunte ho, merā nahīn, balki Bāp kā hai, jis ne mujhe bhejā hai. 25 Main ne ye bāten tumhāre sāth hote hūe, tum se kahīn. 26 Lekin wuh tasallī denewālā Rūh i Quds jise Bāp mere nām se bhejegā, wuhī tum men sab chīzen sikhlāwegā, aur sab bāten jo kuchh ki main ne tumhen kahī hain, tumhen yād dilāwegā. 27 Arām tumhen diyā jātā hūn; apnā arām main tumhen detā hūn; na jis tarah se ki duniyā detī hai, main tumhen detā hūn. Dilgīr mat ho, aur mat ḍaro. 28 Tum sun, chuke ho, ki main ne tum ko kahā, Main jātā hūn, aur tum pās phir ātā hūn. Agar tum mujhe piyār karte, to tum mere is kahne se, ki main Bāp pās jātā hūn, kḥūsh hote; kyūnki merā Bāp barā hai. 29 Aur ab main ne tumhen uske hone se peshtar kahā, ki jab ho jāwe, to tum imān lāiyo. 30 Bād us ke main tum se bahut kalām na karūngā: is liye ki is jahān kā sardār ātā hai, aur mujh men uskī koī chīz nahīn. 31 Lekin tāki duniyā jāne, ki main Bāp se mahabbat rakhtā hūn, jis tarah Bāp ne mujhe farmā diyā, main waisā hī kartā hūn. Uṭho, yahān se jāwen.

## XV. BAB.

1 Main sachche angūr kā darakht hūn, aur merā Bāp bāgbān. 2 Jo ḍālī muh j men mewa nahīn lātī, wuh use tor ḍaltā hai; aur harek jo mewa lātī, wuh use sáf kartā hai, tāki wuh mewa ziyāda lāwe. 3 Ab tum kalām ke sabab jo main ne tumhen kahā, pāk ho. 4 Mujh men qāim ho, aur main tum men jis tarah ki ḍālī āp se mewa

nahin lá saktí, magar jab ki wuh daraḡht men qáim ho, usí tarah tum bhí nahin, magar jab ki mujhmen qáim ho. 5 Angúr ká daraḡht main hún, tum dálían; wuh jo mujh men qáim hotá hai, aur main us men, wahí bahut mewa látí hai, isliye ki mujh se judá tum kuchh nahin kar sakte. 6 Agar koí mujh men men qáim naho, to wuh dáli kí tarah phenk diyá játál aur súkh játá hai, log unhen baṡorte hain, aur ág men jhonkte hain, aur wuh jaláí játí hain. 7 Agar tum mujh men qáim, aur merí báten tum men qáim howen, to jo cháhoge, mángoge, aur tumháre liye wuh hogá. 8 Mere Báp ká jalál usí se hai, ki tum bahut mewa láo; aur tum mere shágird hoge. 9 Jaise mere Báp ne mujhe mahabbat kí, waise hí main ne tum se mahabbat kí; tum merí mahabbat men sábit raho. 10 Agar tum mere hukmon par amal karo, to tum merí mahabbat men qáim hoge; chunánchi main ne apne Báp ke hukmon par amal kiyá, aur uskí mahabbat men qáim hún.

11 Main ne ye báten tumhen kahin, táki merí ḡhúshí tum men baní rahe, aur tumhári ḡhúshí kámil ho. 12 Merá hukm yih hai, ki jise main ne tum se mahabbat kí hai, tum bhí ek dúsre se mahabbat karo. 13 Koí shaḡhs us se ziyáda dostí nahin kartá, ki apní ján apne doston ke liye de. 14 Jo kuchh ki main ne tumhen farmáyá, agar tum karo, to mere dost ho. 15 Bád us ke main tumhen banda na kahúngá, kyúnki banda nahin jántá, ki uská ḡhudáwand kyá kartá hai; balki main ne tumhen dost kahá hai, ki sab chízen jo main ne apne Báp se suní hain, main ne tumhen batláin. 16 Tum ne mujhe iḡhtiyár na kiyá, balki main ne tumhen iḡhtiyár kiyá hai, aur tumhen muqarrar kiyá, táki tum jáo, aur mewa láo, aur tumhárá mewa báqí rahe, táki tum merá nám leke jo kuchh Báp se mángo, wuh tumhen dewe. 17 Main tumhen ye báten farmátá hún, ki tum ek dúsre se mahabbat karo.

18 Agar dunyá tum se dushmaní kartí hai, to tum jánte ho, ki us ne tum se áge mujh se dushmaní kí. 19 Agar tum dunyá ke hote, to dunyá apnon se mahabbat kartí hai: lekin isliye, ki tum dunyá ke nahin, balki main ne tumhen dunyá se iḡhtiyár kiyá hai, is wáste dunyá tum se dushmaní kartí hai. 20 Us bát ko jo main ne tum se kahin, yád karo, ki banda apne ḡhudáwand se baṡá nahin. Jab unhon ne mujhe satáyá, to we tumhen bhí satáwenge; agar unhon ne

mere kalám ko máná hai, to we tumhárá bhí mánenge. 21 Lekin we ye sulúk mere nám ke sabab tum se karenge, kyúнки we mere bhejnewále ko nahín jánte. 22 Agar main na átá hotá, to unheñ na kahtá, to unká gunáh na hotá: lekin ab unpás un ke gunáh ká uzr nahín. 23 Wuh jo mujh se adáwat kartá hai, mereBáp se bhí dushmaní kartá hai. 24 Agar main ne unke bích men ye kám, jo kisí dúsre ne nahín kiye, na kiye hote, to unká kuchh gunáh na hotá; par ab to unhon se mujhe aur mere Báp ko dekhá, aur dushmaní kí. 25 Lekin yih huá, táki wuh kalám jo unkí shariyat men likhá hai, ki unhon ne mujh se náhaqq dushmaní kí, púrá ho. 26 Par jab ki wuh tasallí denewálá, jise main tumháre liye Báp kí taraf se bhejúngá, yáne Rúh i Haqq jo Báp se nikaltá hai, áwe, to wuh mere liye gawáhí degá. 27 Aur tum bhí gawáhí doge, kyúнки tum shurú se mere sáth ho.

#### XVI. BAB.

1 Main ne ye báten tumhen kahín, táki tum thokar na kháo. 2 We tum ko ibádat khána se nikal denge: balki wuh gharí átí hai, ki jo koí tumhen qatl karegá, gumán karegá, ki Kḥudá kí bandagí bajá látá hai. 3 Aur tum se aise sulúk karenge, isliye ki unhon ne na Báp ko jáná, aur na mujhe. 4 Aur main ne ye báten tum ko kahín, táki jab wuh waqt áwe, to tum yád karo, ki main ne unkí tumhen kahín; aur main ne shurú men ye báten tumhen na kahín, kyúнки main tumháre sáth thá. 5 Lekin ab main us pás, jis ne mujhe bhejá, játá hún, aur tum men se koí mujh se nahín púchhtá, ki tú kahán játá hai. 6 Aur isliye ki main ne ye báten tum se kahín, tumhárá dil gam se bhar gayá. 7 Lekin main tumhen sach kahtá hún, ki tumháre liye merá jáná hí fáida hai; kyúнки agar main na jáúñ, to tasallí denewálá tum pás na áwegá; par agar main jáúñ, to main use tum pás bhej dúngá. 8 Aur wuh jab áwegá, to jahán ko gunáh se, aur rástí se, aur adálat se taqsírwár, thahráunga. 9 Gunáh se is liye, ki we mujh par ímán nahín lée. 10 Rástí se is liye, ki main apne Báp pás játá hún, aur tum mujhe phir na dekhoge. 11 Adálat se is liye, ki is jahán ke sardár par hukm kiyá gayá hai. 12 Hanoz bahut sí báten hain, ki main tumhen kahún, par ab tum unheñ bardásht nahín kar sakte. 13

Lekin jab wuh, yāne Rūh i Haqq áwe, to wuh tumhen sārī sachchái kī rāh batāwegá; is liye ki wuh apní na kahegá, lekin jo kuchh wuh sunegá, so kahegá, aur tumhen áyinda kī khabar degá. 14 Merí bandagí karegá, is liye ki wuh merí chizon se páwegá, aur tumhen dikháwegá. 15 Sab chízen jo Báp kī hai, merí hai; is liye main ne kahá, ki Wuh merí chizon se legá, aur tum men dikháwegá. 16 Thorí der aur mujhe na dekhoge; aur phir thorí der aur mujhe dekhoge; kyúнки main Báp ke pás jātá hún.

17 Tab us ke báze shágirdon ne ápas men kahá, Yih kyá hai, jo hamen kahtá hai, ki thorí der aur tum mujhe na dekhoge; aur yih is liye ki main Báp pás jātá hún? 18 Phir unhon ne kahá, Yih kyá hai, jo wuh kahtá hai: ki Thorí der? ham nahín jānte, wuh kyá kahtá hai. 19 So Yisú ne jáná, ki we cháhte hai, ki us se sawál karen, tab unhen kahá, Tum ápas men uskí bábat púchhte ho, jo main ne kahá, ki thorí der aur tum mujhe na dekhoge. 20 Main tum se sach sach kahtá hún, ki tum rooge, aur nála karoge, aur dunyá khus hogí, aur tum gamgín hoge, lekin tumháre gam ká anjám khus hogí. 21 Jab aurat janne lagtí hai, to gamgín hotí hai, is liye ki uskí gharí pahunchí: lekin yihí ki larhá janí phir us khus se, ki dunyá men ek ádmí paidá húa, us dard ko yád nahín kartí. 22 Aur tum ab gamgín ho, par main tumhen phir dekhungá, aur tumhárá dil khus hogá, aur tumhárá khus tum se koí chhín na legá. 23 Aur tum us din mujh se kuchh sawál na karoge. Main tum se sach sach kahtá hún, Tum merá nám leke, jo kuchh Báp se mángoge, wuh tum ko degá. 24 Ab tak tum ne mere nám se kuchh nahín mángá; mángo ki tum páoge, táki tumhárá khus kámil ho.

25 Main ne ye bāten tamsilon men tumhen kahín; par wuh waqt átá hai, jo main tumhen tamsilon men phir na kahungá, balki sáf bát kī khabar tumhen dungá: 26 Us din tum mere nám se mángoge, aur main tumhen nahín kahtá, ki main Báp se tumháre liye dar-khwást karungá. 27 Is liye ki Báp to áphí tum se mahabbat kartá hai, kyúнки tum ne mujh se mahabbat kī, aur ímán lāe ho, ki main Khudá se niklá hún. 28 Main Báp se niklá hún, aur dunyá men áyá hún, phir dunyá se rukhsat hotá hún, aur Báp pás jātá hún. 29 Us ke shágirdon ne use kahá, Dekh, ab tú sáf kahtá hai, aur kisí

tamsíl meṅ nahín kahtá. 30 Ab ham jánte hain, ki tú sab chízen ántá hai, aur muhtáj nahín, ki mujh se koí sawál kare; so us se ham ko yaqín húa, ki tú Ḳhudá se niklá hai. 31 Yisú ne unheṅ jawáb diyá, Kyá ab tum ímán lée ho? 32 Dekho, gharí átí hai, balki á chukí, ki tum meṅ harek paráganda ho ke apní ráh legá, aur mujhe akelá chhor doge: aur tau bhí main akelá nahín, kyúнки Báp mere sáth hai. 33 Main ne tumheṅ ye báten kahín, táki mujh meṅ árám páo. Tum dunyá meṅ musíbat uṭháoge; lekin ḳhátir jama rakho, ki main ne dunyá ko jítá hai.

### XVII. BĀB.

1 Yisú ne ye báten kahín, aur ásmán par nigáh karke kahá, Ai Báp, waqt pahunchá hai, apne Beṭe ko jalál baḳshsh, táki terá Beṭá bhí jalál baḳshshe. 2 Chunánchi tú ne use sab jismon par iḳhtiyár diyá hai, táki wuh un sab ko, jinheṅ tú ne use baḳshshá, hamesha kí zindagí baḳshshe. 3 Aur hamesha kí zindagí yih hai, ki we tujh ko akelá sachchá Ḳhudá aur Yisú Masíh ko, jise tú ne bhejá hai, jáneṅ. 4 Main ne zamín par terá jalál záhir kiyá hai, main un kám ko, jo tú ne mujhe karne ko diyá hai, tamám kar chuká. 5 Aur ai Báp, ab tú mujhe apne sáth us jalál se, jo main dunyá kí paidáish se peshtar tere sáth rakhtá thá, buzugí de. 6 Main ne tere nám ko ádmíon par jinheṅ tú ne dunyá meṅ se mujhe diyá, záhir kiyá hai: we tere the, aur tú ne unheṅ mujhe diyá hai, aur unheṅ ne tere kalám par amal kiyá hai. 7 Ab unheṅ ne jáná hai, ki sab chízen jo tú ne mujhe diyá, terí taraf se hain. 8 Is liye ki main ne we hukm, jo tú ne mujhe diye, main ne unheṅ diye hain; aur unheṅ ne unheṅ qabúl kiyá, aur yaqín jáná, ki main tujh se niklá, aur we ímán lée hain, ki tú ne mujhe bhejá. 9 Main un ke liye sawál kartá hún, main dunyá ke liye nahín, magar unke liye, jinheṅ tú ne mujhe diyá hai, sawál kartá hún; ki we tere hain. 10 Aur sab mere tere hain, aur tere mere hain; aur main un se buzugí pátá hún. 11 Main dunyá meṅ áge na rahúngá, par ye dunyá meṅ hain, aur main tujh pás átá hún. Ai Muqaddas Báp, apne hí nám se unheṅ, jinheṅ tú ne mujhe baḳshshá, hifázat se rakh, táki we hamárá tarah ek ho jáweṅ.

12 Jab tak ki main un ke sáth dunyá men thá, tab tak main ne tere nám se unkí hifázat kí, aur un sab logon kí, jo tú ne mujhe baḡhshe, main ne nigahbání bhí kí; koí un men se siwá, halákat ke halák nahín húa, táki kitáb púrí. 13 Aur ab main tujh pás átá hún, aur main ye báten dunyá men kahtá hún, táki merí ḡhúshí un men kámil ho rahe. 14 Main ne terá kalám unhen diyá, aur dunyá ne un se dushmaní kí, is liye ki jaisá main dunyá ká nahín hún, we bhí dunyá ke nahín. 15 Main yih sawál nahín kartá, ki tú unhen dunyá men se utháe, par yih ki tú unhen bure se bacháe. 16 Jaisá ki main dunyá ká nahín hún, we bhí dunyá ke nahín. 17 Unhen apní sachchái se pák karke terá kalám sachchái hai. 18 Jis tarah tú ne mujhe dunyá men bhejá, main ne bhí unhen dunyá men bhejá hai. 19 Aur un ke wáste main apní taqdís kartá hún, táki we bhí sachchái se muqaddas hún. 20 Main sirf unhen ke liye nahín, balki un ke liye bhí, jo un ke kám se mujh par ímán lāwenge, sawál kartá hún. 21 Táki we sab ek howen, jaisá ki tú, ai Báp, mujh men, aur main tujh men, táki we bhí ham men ek hún; táki dunyá ímán lāwe, ki tú ne mujhe bhejá hai. 22 Aur wuh jalál jo tú ne mujhe diyá hai, main ne unhen diyá hai; táki we jis tarah se ki ham ek hain, ek hún. 23 Main un men, aur tú mujh men, táki we bhí ek hoke kámil howen; táki dunyá jáne, ki tú ne mujhe bhejá hai, aur jis tarah ki mujhe piyár kiyá, unhen bhí piyár kiyá hai. 24 Ai Báp, main cháhtá hún, ki we bhí jinhen tú ne mujhe baḡhshá hai, jahán main hún, mere sáth howen; táki we mere jalál ko, jo tú ne mujhe baḡhshá hai, dekhen: kyúнки tú ne mujhe dunyá kí paidáish se áge piyár kiyá hai. 25 Ai ádil Báp, dunyá ne tujhe nahín jáná, magar main ne tujhe jáná hai, ur unhon ne jáná hai, ki tú ne mujhe bhejá. 26 Aur main ne tere nám un par záhir kiyá, aur záhir karúngá; táki jis mahabbat se tú ne mere sáth mahabbat kí hai, wuh un men ho, aur main un men hún.

---

### XVIII. BĀB.

1 Yisú ne ye báten kahke apne shágirdon ke sáth Kidron ke nále ke pár gayá, wahán ek bágcha thá, us men wuh, aur us ke shágird dáḡhil húe. 2 Aur Yihúdá bhí ki jis ne use pakarwáyá diyá, wuh

jagah jāntā thā, ki Yisú aksar apne shágirdon ke sáth wahān jāyā kartā thā. 3 Tab Yihúdā sipáhíon kí ek jamāat aur sardár káhinon, aur Farúsíon se piyáde leke mashálon, aur chirágon, aur hatyáron ke sáth wahān áyā. 4 Aur Yisú ne sab kuchh, jo uspar honewálā thā, jānā, aur áge barh kar un se kahá, ki Tum kise dhúndhte ho? 5 We uske jawáb men bole, Yisú Názari ko. Yisú ne unhen kahá, ki Main hún. Us waqt Yihúdā bhí jisne use pakaṛwá diyá, unke sáth khará thā. 6 Aur johín usne unhen kahá, ki Main hún, we píchhe hatē, aur zamín par gir paṛe. 7 Tab us ne un se phir púchhá, ki Tum kise dhúndhte ho? We bole, Yisú Názari ko. 8 Yisú ne jawáb diyá, Main ne tumhen kahá, ki main hún. Pas agar tum mujhe dhúndhte ho, to unhen jāne do : 9 Yih is liye húa, ki kalám jo usne kahá, púrá ho, ki Jihen tú ne mujhe diyá, main ne ek ko bhí un men se gam na gayá. 10 Tab Simon Pathar talwár jo uspás thí khenchí, aur sardár káhin ke naukar par chaláí, aur uská dahiná kán urá diyá. Us naukar ká nám Malkús thā. 11 Tab Yisú ne Pathar se kahá, ki Apní talwár miyán men kar; kyá wuh piyála jo mere Báp ne mujh ko diyá, main na píún? 12 Tab sipáhí aur unke sardár, aur Yihúdíon ke piyádon ne milke Yisú ko pakṛá, aur bándhá. 13 Aur pahile use Hanán pás le gae, aur wuh Qayafá nám us baras ke sardár káhin ká sasurá thā. 14 Yih wahí Qayafá thā, jisne Yihúdíon ko saláh dí, ki tum ke liye ek ká marná bihtar hai.

15 Aur Simon Pathar dúsre shágird ke sáth hoke Yisú ke píchhe ho liyá, ki us shágird, aur sardár káhin men kuchh ján pahchán thí, aur wuh Yisú ke sáth sardár káhin ke dálán men gayá. 16 Lekin Pathar darwáze par báhar khará rahá, aur phir dúsra shágird, jo sardár káhin se kuchh ján pahchán rakhtá thā, báhar niklá, aur darbání se kahke Pathar ko andar le áyā. 17 Tab us chhokrí ne jo darbán thí, Pathar se kahá, Kyá tú bhí us shaḅhs ke shágirdon men se nahín? Wuh bolá, ki Main nahín hún. 18 Aur naukar aur piyáde kolon kí ág sulgá kar jāre ke sabab se khare húe tápte the, aur Pathar unke sáth khará táp rahá thā.

19 Tab Sardár Káhin ne Yisú se uske shágirdon aur uskí tálím kí bábat sawál kiyá. 20 Yisú ne use jawáb diyá, ki Main ne álam se záhir kar ke kahá, main ne hamesha ibádat khánon, aur haikal men,

jahán Yihúdí hamesha jama hote hain, tálím dí, aur main ne poshída kuchh nahín kahá. 21 Tú mujh se kyún púchhtá hai, un se púchh, jinhon ne mujh se suná, ki main ne unhen kyá kahá ; dekh ki we jánte hain, jo main ne kahá. 22 Jab usne yún kahá, to piyádon men se ek ne jo pás khará thá, Yisú ko tamáncha márke kahá, ki Kyún tú Sardár Káhin ko yún jawáb detá hai ? 23 Yisú ne use jawáb diyá, Agar main ne burá kahá, to buráyí kí gawáhi de ; par agar achchhá kahá, to tú mujhe kyún mártá hai. 24 Aur Hanán ne use bándh ke Qayafá Sardár Káhin ke pás bhejá.

25 Aur Simon Pathar khará huá táp rahá thá, so unhon ne use kahá, Kyá tú bhí uske shágirdon men se hai ? Us ne inkár kiyá, aur kahá, ki Main nahín hún. 26 Phir Sardár Káhin ke naukar men se ek ne jo uská, ki jis ká Pathar ne kán kátá rishtadár thá, kahá, Kyá main ne tujhe uske sáth bágche men nahín dekhá ? 27 Tab Pathar ne phir inkár kiyá, aur wohín murg ne báng dí.

28 Tab Yisú ko Qayafá pás se díwán kháne men láye, aur yih subh ká waqt thá, aur we khod díwán kháne men na gae, táki ná pák na hún, aur fasah kháwen. 29 Tab Pilát un pás nikal le áyá, aur kahá, Tum us mard par kyá faryád karte ho ? 30 Unhon ne jawáb men kahá, ki Agar yih badkardár na hotá, to ham use tere hawále ne karte. 31 Pilát ne unhen kahá, Tum use le jáo, aur apní shariyat ke mutábíq uskí adálat karo. Yihúdíon ne use kahá, Ham ko rawá nahín, ki kisí ko ján se máren. 32 Yih is liye huá, táki Yisú kí bát jo use apní maut kí tarah batáne ko kahí thí púrí howe.

33 Tab Pilát phir díwán men dákhil huá, aur Yisú ko buláke kahá, Kyá tú Yihúdíon ká bádsháh hai ? 34 Yisú ne use jawáb diyá, Tú yih bát áp se kahtá hai, yá ki auron mere haqq men tujh se kahí hai ? 35 Pilát ne jawáb diyá, Kyá main Yihúdí hún ? Terí hí qaum ne, aur sardár káhinon ne tujh ko mere hawále kiyá, tú ne kyá kiyá hai ? 36 Yisú ne jawáb diyá, ki Merí bádsháhat is jahán kí hotí, to mere naukar larái karte, táki main Yihúdíon ke hawále na kiyá játá ; par ab merí bádsháhat yahán kí nahín. 37 Tab Pilát ne use kahá, So kyá tú bádsháh hai ? Yisú ne jawáb diyá, ki Tú durust kahtá hai, main bádsháh hún. Main is liye paidá huá, aur is wáste dunyá men áyá, ki rástí par gawáhi dún. So jo koí, ki rástí se hai, merí áwáz suntá



hai. 38 Pilát ne use kahá, ki Ráístí kyá hai? aur wuh yih kahke phir Yihúdíon pás gayá, aur unhen kahá, Main us ká kuchh qasúr nahín páyá. 39 Aur tumhárá dastúr hai, ki main tumháre liye Pár-jáne ke parab men ek ko chhor dún; kyá tum cháhte ho, ki main tumháre liye Yihúdíon ke bádsháh ko chhor dún? 40 Tab un sabhon ne phir chilláke kahá, ki Us ko nahín, balki Barabbá ko. Aur Barabbá batmár thá.

### XIX. BĀB.

1 Tab Pilát ne Yisú ko pakarke koṛe máre. 2 Aur sipáhíon ne kánton ká táj saj ke us ke sir par rakhá, aur use baiganí poshák pahínáke kahá, 3 Ki Yihúdíon ke bádsháh salám! aur unhon ne use tamáncha máre. 4 Tab Pilát ne do bárah báhar jáke unhen kahá, ki Dekho main use tum pás báhar le áyá hún, táki tum jáno, ki main us ká kuchh qasúr nahín páyá. 5 Tab Yisú kánton ká táj rakhe, aur baiganí poshák pahine húe báhar áyá. Aur Pilát ne use kahá, Dekh us shakhs ko! 6 So jab sardár káhin, aur piyádon ne use dekhá, to chilláe, ki Salíb de, salíb de. Pilát ne unhen kahá, Tumhen use lo, aur salíb do, kyúinki main us ká kuchh qasúr nahín páyá. 7 Yihúdíon ne use jawáb diyá, ki ham shariyat wále hain, aur hamári shariyat ke mutábiq wuh qatl ke láiq hai, is liye ki us ne apne taín Kḥudá ká Betá thahráyá.

8 Jab Pilát ne yih kalám suná, aur ziyáda ḍará; 9 Aur díwán kḥáne men phir andar á ke Yisú se kahá, Tú kahán ká hai? Par Yisú ne use kuchh jawáb na diyá. 10 Tab Pilát ne use kahá, ki Tú mujh se nahín boltá? kyá tú nahín jántá, ki mujhe ikhtiyár hai, cháhún to tujhe salíb dún? aur cháhún to tujhe chhor dún? 11 Yisú ne jawáb diyá, ki Agar yih tujhe úpar se diyá najátá, to mujh par terá kuchh ikhtiyár na hotá: so jis ne mujhe tere hawále kiyá, us ká gunáh bará hai. 12 Us waqt Pilát ne iráda kiyá, ki use chhor de: par Yihúdíon ne chilláke kahá ki, Agar tú is mard ko chhor detá hai, to tú Qaisar ká dost nahín; jo koí ki apne taín bádsháh muqarrar kartá hai, wuh Qaisar ká mukhálif hai.

13 Pilát yih bát sunkar Yisú ko báhar láyá, aur us muqám par jo chabútara aur Ibrání men Gabátá kahlátá hai, adálat kí gaddí par baithá. 14 Aur yih fasah kí taiyári ká waqt thá, aur chhaṭhe ghante ke qarib thá; phir us ne Yihúdíon ko kahá, ki Dekho apná Bádsháh! 15 Tab we chilláye, ki Lejá, use salíb de! Pilát ne unhen kahá, ki Main tumháre Bádsháh ko salíb jawáb diyá dún? Sardar káhinon ne ki, Hamará Bádsháh siwá Qaisar ke koí nahín hai. 16 Tab us ne use un ke hawále kiyá, ki use salíb dí jáwe, aur we Yisú ko pakar ke le gae.

17 So wuh apní salíb uṭháe húe, us jagah ko jo Khoprí kí jagah kahlátí hai : jis ká tarjumá Ibrání men Galgatá hai, gayá. 18 Wahán unhon ne use, aur us ke sáth aur do ko salíb par khenchá, harek taraf ek, aur Yisú ko bích men. 19 Aur Pilát ne ek kuttába likhá, aur salíb par lagá diyá. Wuh likhá yih thá, ki YISU' NAZARI' YIHU'DION KA BADSHAH. 20 Us kuttába ko bahut se Yihúdíon ne parhá, is liye, ki wuh muqám jahán Yisú salíb par khenchá gayá thá, shahar ke nazdík thá, aur wuh Ibrání, aur Yúnání, aur Latiní men likhá thá. 21 Tab Yihúdíon ke sardár káhinon ne Pilát ko kahá, ki Yihúdíon ká Bádsháh mat likh : balki yih likh, ki us ne kahá, ki main Yihúdíon ká bádsháh hún. 22 Pilát ne jawáb diyá, ki main ne jo likhá, so likhá.

23 Phir sipáhíon ne jab Yisú ko salíb par khench chuke, to uske kapron ko liyá, aur chár hisse kiye, har sipáhí ko ek, aur us ke kurte ko bhí liyá : aur kurtá bin siyá sarásar buná húa thá. 24 Is liye unhon ne ápas men kahá, ki Ham use na pháren, balki us par chitṭhí dálín, ki yih kise pahunchtá hai : yih is liye húa, ki kitáb jo kahtí hai, ki Unhon ne merí poshák bánṭ lí, aur mere kurtí ke liye chitṭhí dálín, púrá howe. So sipáhíon ne aise hí kiyá.

25 Tab Yisú kí salíb pás us kí má, aur uskí má kí bahin Mariyam Klíopá kí jorú, aur Mariyam Magdalína kharí thín. 26 Yisú ne apní má ko, aur us shágird ko, jis se wuh mahabbat kartá thá, pás kharé húe, dekh kar apní má ko kahá, ki Ai aurat, dekh, yih terá beṭá. 27 Phir us ne us shágird ko kahá, Dekh, yih terí má. Aur usí gharí se us shágird ne use apne ghar men rakhá.

28 Bád us ke Yisú ne ján ke, ki ab sab báten púrí ho chukín, jis

men kitáb púrí howe, kahá, ki Main pyásá hún. 29 Wahán ek lotá sirke se bhará húa dhará thá : unhon ne isfanj ko sirke men tarkar ke zúfá men lapet ke, nal par rakhá, aur us ke munh men diyá. 30 Phir Yisú ne jab sirke chakhá, to kahá, Púra húa, aur sir jhukáke ján dí.

31 Phir is liye ki wuh waqt taiyári ká thá, Yihúdíon ne Pilát se arz kí, ki unkí tängen toren, aur uthá lejáwen, táki láshen sabbt ke din salíb par na rah jáen ; kyúнки wuh bará sabbt thá. 32 Tab sipáhíon ne áke pahile aur dúsre kí tängen, jo us ke sáth salíb par khenche gae the, torín. 33 Lekin jab unhon ne Yisú kí taraf áke dekhá, ki wuh mar chuká hai, to us kí tängen na torín. 34 Par sipáhíon men se ek ne bhále se uskí paslí chhedí, aur filfaur us se lahú aur pání niklá. 35 Aur jis ne yih dekhá, gawáhí dí, aur us kí gawáhí sachchí hai, aur wuh jántá hai, ki sach kahtá hai : táki tum ímán láo. 36 Is liye ye baten hún, ki kitáb púrí howe, ki uskí koí haddí torí na jáegí. 37 Aur phir dusrí kitáb kahtí hai, ki We us par, jise unhon ne chhedá, nazar karenge.

38 Aur bád us ke Yúsaf Arimatiyá ne, jo Yisú ká shágird tká, aur Yihúdíon ke dar se záhir na kartá thá, Pilát se ijázat cháhí, ki Yisú kí lásh ko lejáwe, aur Pilát ne ruḡhsat dí, so us ne áke Yisú kí lásh lí. 39 Aur Níqodím bhí jo pahile Yisú pás rát ko gayá thá, áyá, aur pachás ser kí atkal murr, aur úd miláke láyá. 40 Phir unhon ne Yisú kí lásh leke, sútí kapre men ḡhúshbúíon ke sáth, jis tarah se ki dafan karne men Yihúdíon ká dastúr hai, kafnýá. 41 Aur wahán, jis jagah ki use salíb dí gaí thí, ek bág thá, aur us bág men ek naí qabr thí, jis men kabhú koí na dhará gayá thá. 42 So unhon ne Yisú ko Yihúdíon kí taiyári ke báis wahín rakhá, kyúнки yih qabr nazdík thí.

---

## XX. BĀB.

1 Hafte ke pahile din Mariyam Magdalína tar ke aisá ki hanoz andherá thá qabr par áí, aur pathar ko qabr se tálá húa dekhá. 2 Tab wuh Simon Pathar, aur un dúsre shágird pás, jise Yisú piyár kartá thá, daurí áí, aur unhen kahá, ki Ḳhudáwand ko qabr se niḡál le liye,

aur ham nahīn jānte, ki unhoṅ ne use kahān rakhā. 3 Phir Pathar dūsre shāgird ke sāth ho ke niklā. 4 Aur qabr kī taraf āne lagā, chunānchī we donoṅ ikathe daure, par dūsra shāgird Pathar se barh gayā, aur qabr par pahile pahunchā. 5 Us ne jhukke sūtī kapre pare dekhe, par wuh andar na gayā. 6 Phir Simon Pathar us ke bād pahunchā, aur qabr ke andar gayā, aur sūtī kapre pare hūe dekhe. 7 Aur wuh rúmāl, jis se us kā sir bandhā thā, na un kaproṅ ke sāth sūtī, par judā lapetā hūā ek jagah parā dekhā. 8 Tab dūsra shāgird bhī, jo qabr par pahileāyā thā, andar gayā, aur dekhke yaqīn kiyā. 9 Kyūnki we hanoz kitāb ko na jānte the, ki wuh zarūr murdoṅ men se bhī uṭhegā. 10 Tab we shāgird apne doston pās phir gae.

11 Lekin Mariyam bāhar qabr par rotī kharī rahī, aur rote hūe jo qabr men nazar kī, 12 To do firishte sūfed poshāk men ek sirhāne, aur dūsra pāentī, jahān Yisū kī lāsh rakhī thī, baithe dekhe. 13 Unhoṅ ne use kahā, Ai aurat, tū kyūn rotīhai? Us ne kahā, Is liye, ki use mere Ḳhudāwand ko le gae, aur main jāntī nahīn, ki unhoṅ ne use kahān rakhā. 14 Jab wuh yūn kah chukī, to pīchhe phirī, aur Yisū ko khare dekhā, aur na pahunchā, ki wuh Yisū hai. 15 Yisū ne use kahā, Ai aurat, tū kyūn rotī hai? kise dhūndhtī hai? Us ne use bāgbān jān ke kahā, ki Sāhib agar us ko yahān se uṭhāyā ho, to mujh se kah, ki use kahān rakhā hai, ki main use le jāūngī. 16 Yisū ne use kahā, Ai Mariyam! Wuh mutawajjih hūī, aur use kahā, Rabonī; yāne ai Ustād, 17 Yisū ne kahā, Mujh ko mat chho : kyūnki main hanoz apne Bāp ke pās ūpar nahīn gayā; par mere bhāioṅ pās jā, aur unheṅ kah, ki main ūpar apne Bāp, aur tumhāre Bāp pās, aur apne Ḳhudā aur tumhāre Ḳhudā pās jātā hūn. 18 Mariyam Magdalīna āī, aur shāgirdoṅ se kahā, ki Main Ḳhudāwand ko dekhā, aur us ne mujhe ye bāteṅ kahīn.

19 Phir usī din jo hafte kā pahilā thā, shām ke waqt jab us jagah ke darwāze jahān sab shāgird jama hūe the, Yihūdīoṅ ke dare band the, Yisū āyā aur bīch men kharā hūā, aur unheṅ kahā, Tum par salām! 20 Aur yūn kah ke apṛe hāthoṅ, aur paslī ko unheṅ dikhāyā; tab shāgird Ḳhudāwand ko dekh ke ḳhūsh hūe. 21 Aur Yisū ne phir unheṅ kahā, Tum par salām, jis tarah Bāp ne mujhe bhejā hai, main bhī usī tarah tumhen bhejā hūn. 22 Usne yih kahke un par phūnkā,

aur kahá, ki Tum Rúh i Quds leo. 23 Jinke guṇáhoṅ ko tum baḅsho, un ke baḅshe játe haiṅ ; jinheṅ tum na baḅshoge, na baḅshe jáenge.

24 Aur Tomá un bárah meṅ se, jis ká laqab Didimas thá, Yisú ke áte waqt un ke sáth na thá. 25 Tab aur shágirdoṅ ne use kahá, ki Ham ne Ḳhudáwand ko dekhá hai, par us ne unhoṅ kahá, Bagair us ke ki main us ke háthoṅ meṅ meḅhoṅ ke nishán dekhúṅ, aur meḅhoṅ ke nishánoṅ meṅ apní unglí ḍálúṅ, aur apne háth ko uskí paslí par rakhúṅ, kabhú yaqín na karúṅ. 26 Aṅh roz ke bád jab uske shágird andar the, aur Tomá uske sáth thá, to darwáze band hote húe Yisú áyá, aur bích meṅ khará ho ke bolá, Tum par salám ! 27 Phir us ne Tomá ko kahá, ki Apní unglí pás lá, aur mere háthoṅ ko dekh, aur apná háth pás lá, aur use merí paslí ṭuṭol, aur be ímán mat ho, balki ímán lá. 28 Tomá ne jawáb meṅ use kahá, Ai mere Ḳhudáwand, aur ai mere Ḳhudá ! 29 Yisú ne use kahá, Tomá, is liye ki tú ne mujhe dekhá hai, to ímán láyá : mubáarak we haiṅ, jinhoṅ ne nahíṅ dekhá, aur ímán láe. 30 Aur bahut se aur muajize Yisú ne, jo us kitáb meṅ likhe nahíṅ gae, apne shágirdoṅ ke sámhne dikháe. 31 Lekin ye likhe gae, táki tum ímán láo, ki Ḳhudá ká Beṭá Yisú Masíh hai, aur táki tum ímán láke us ke nám se zindagí páo.

## XXI. BAB.

1 Aur bád us ke Yisú ne phir apne taín daryáe Tíberiyá par shágirdoṅ ko dikháyá, aur is tarah záhir húa. 2 Ki Simon Pathar aur Tomá jo Didimas kahlátá hai, aur Nátánael jo Qánáe Galíl ká hai, aur Zabdí ke beṭe, aur us ke shágirdoṅ meṅ se aur do ikathe the. 3 Simon Pathar ne unheṅ kahá, ki Main machhlí ke shikár ko játá húṅ. Unhoṅ ne kahá, Ham bhí tere sáth chalenge, aur nikal ke filfaur kishtí par chaṛhe, par us rát kuchh na pakrá. 4 Aur jab subh húi, to Yisú kináre par khará thá; lekin shágirdoṅ ne na jáná, ki wuh Yisú hai. 5 Tab Yisú ne unheṅ kahá, Laṛko, kyá tum pás kuchh kháne ko hai? Unhoṅ ne jawáb diyá, Nahíṅ. 6 Us ne kahá, Kishtí ke dahine taraf jál ḍálo, ki tum páoge. Unhoṅ ne ḍála, tab machhlioṅ kí bahutáyat se khench na sake. 7 Is liye us shágird ne jise Yisú pi-

yār kartá thá, Pathar se kahá, ki Yih K̄hudáwand. Ab Simon Pathar ne sunke, ki wuh K̄hudáwand hai, kurtá kamar se bándhá, kyúнки wuh nangá thá, aur apne taín daryá men dāl diyá. 8 Aur báqí shágird machhlíon ká jál khenchte húe kishṭí par áe, kyúнки we kináre se dūr na the, magar do sau háth ke aṭkal. 9 Kináre áte hí wahán unhon ne koilon kí ág, aur us par machhlí rakhí húi, aur roṭí dekhí. 10 Yisú ne unhen kahá, Un machhlíon men se, jo tum ne pakrín, láo. 11 Simon Pathar ne jáke jál ek sau tirpan baṛí machhlíon se bhará húa khenchá : agarchi machhlíon us bahutáyat se thín, par jál na phatá. 12 Yisú ne unhen kahá, Aṅo, kháná kháo. Aur shágirdon men se kisí ko jurát na húi, ki us se púchhe, tú kaun hai, kyúнки we jánte the, ki wuh K̄hudáwand hai. 13 Tab Yisú ne áke roṭí lí, aur unhen dí, aur usí tarah se machhlí dí. 14 Yih tísra martaba thá, ki Yisú jí uṭh kar apne taín shágirdon ko dikhláyá.

15 Aur jab we kháná khá chuke, to Yisú ne Simon Pathar ko kaho, Ai Yúná ke beṭe Simon, kyá tú mujhe un se ziyáda piyár kartá hai ? Us ne use kahá, Hán ai K̄hudáwand ; tú k̄hod jántá hai, ki main tujhe piyár kartá hún. Us ne use kahá, ki Mere barre chará. 16 Us ne do bárah use phir kahá, ki Ai Simon Yúná, áyá, tú mujhe piyár kartá hai ? Wuh bolá, ki Hán, ai K̄hudáwand, tú to jántá hai, ki main tujh ko piyár kartá hún. Us ne use kahá, ki Mere bheren chará. 17 Us ne use tísre martabe kahá, ki Ai Simon Yúná, áyá, tú mujhe piyár kartá hai ? Tab Pathar is liye, ki us ne tísrí bár us se kahá, ki Áyá, tú mujhe piyár kartá hai, dilgír húa, aur use kahá, Ai K̄hudáwand, tú to sab kuchh jántá hai ; aur tujhe málúm hai, ki main tujhe piyár kartá hún. Yisú ne use kahá, Tú mere bheren chará. 18 Main tujh se sach sach kahtá hún, jab tak ki tú jawán thá, tú apní kamar bandhtá thá, aur jahán kahín cháhtá thá, játá thá : par jab tú búrhá hogá, to apne háthon ko phailáegá, aur dúsrá terí kamar bándhegá, aur wahán jahán tú na cháhe, tujhe le jáegá. 19 Us ne un báton se patá diyá, ki wuh kaun sí maut se K̄hudá ká jalál záhir karegá ; aur yih kahke use phir kahá, ki Mere píchhe ho le.

20 Tab Pathar phir ke us shágird ko, jise Yisú piyár kartá thá, jis ne rát ko us ke síne par gir ke púchhá, ki Ai K̄hudáwand, wuh jo tujhe pakrátá hai, kaun hai ? píchhe áte dekhá. 21 Pathar ne

use dekhke Yisú ko kahá, Ai K̄hudáwand, us shaḡhs ká kyá hogá ?  
 22 Yisú ne use kahá , Agar main cháhún, ki jab tak main áún, wuh yahín ṭhahre, to tujh ko kyá? tú mere píchhe ho le. 23 Tab bháion men yih bát mashhúr húi, ki wuh shágird na maregá ; lekin Yisú ne use nahín kahá, ki wnh na maregá, magar yih kahá, ki Agar main cháhún, ki mere áne tak wuh ṭhahre, to tujh ko kyá ?

24 Yih wuh shágird hai, jis ne un kámon kí gawáhi dí, aur un báton ko likhá, aur ham ko yaqín hai, ki uske gawáhi sach hai. 25 Aur bhí bahut se kám hain, jo Yisú ne kiye, ki agar we judá judá likhe játe, to main gumán kartá hún, ki kitábon jo likhí játín, dunyá men na samá saktín. *Amín.*

---

## RASU'LOŃ KE IAMĀL KI' KITĀB.

---

### I. BĀB.

1 Ai Theophil, jo kuchh ki Yisú shurú se kartá, aur sikhátá rahá,  
 2 Us din tak, ki wuh Rúh i Quds se apne rasúlon ko, jinhen us ne chuná, hukm dekar úpar uṭháya gayá, main wuh sab pahlí kitáb men bayán karchuká : 3 Un par us ne apne marne ke píchhe, ap ko bahut sí zahir dalílon se zinda sábit kiyá, ki wuh chálís din tak unhen nazar átá, aur K̄hudá kí bádsháhat kí báten kahtá rahá : 4 Aur unhen ekaṭhá karke, hukm diyá, ki Yirúshálam se báhar na jáo, balki Báp ke us wade kí, jis ká zikr tum mujh se sun chuke ho, ráh dekho. 5 Ki Yohan ne to pání se bápísmá diyá ; par tum thore dinon ke bád Rúh i Quds se bápísmá páoge. 6 Tab unhon ne, jo ekaṭhe the, us se púchhá, ki Ai K̄hudáwand, kyá tú isí waqt Isráel kí bádsháhat phir bahál kiyá cháhtá hai ? 7 Us ne unhen kahá, Tumhára kám nahín, ki un waqton aur mausimon ko, jinhen Báp ne apne hí iḡhtiyár men rakhá hai, jáno. 8 Lekin tum Rúh i Quds se quwat páoge, jab wuh tum par áwegá : o Yirúshálam aur sáre Yihúdiya o Sámariya men, balki zamín kí hadd tak mere gawáh hoge. 9 Aur wuh kahke, un ke dekhte húe, úpar uṭháya gayá ; aur badlí ne use un kí nazar se chhipá liyá. 10 Aur us ke játe húe,

jab we ásmán kí taraf tak rahe the, dekho, do mard sufed poshák men un ke pás khare the ; 11 Aur kahne lage, Ai Galíli logo, tum kyún khare ásmán kí taraf dekhte ho ? Yihí Yisú, jo tumháre pás se ásmán par utháyá gayá, jis tarah tum ne use ásmán ko játe dekhá, isí tarah áwegá.

12 Tab we us pahár se, jo Zaitúní kahlátá o Yirúshálam ke nazdik ek Sabt kí ráh par hai, Yirúshálam ko phire. 13 Aur jab pahunchhe, to ek kothe par gae ; wahán Pathar aur Yaqúb, Yohan, aur Andriyá, Fílip aur Tomá, o Bárthalmí, aur Matí, Halfá ká beṭá Yaqúb, aur Simon Zelotes, aur Yaqúb ká bháí Yihúdá rahte the. 14 Ye sab, auraton, aur Yisú kí má Mariyam aur us ke bháíon ke sáth ekdil hoke, duá aur minnat kar rahe the.

15 Unhín dinon Pathar shágirdon ke darmiyán, (jo sab milke ek sau bís ke qaríb the,) khará hoke bolá, 16 Ai bháío zarúr thá, ki wuh likhá púrá howe, jo Rúh i Quds ne, Dáúd kí zabání Yihúdá ke haqq men Yisú ke pakaṛwánewálon ká ráhbatlánewálá thá, áge se kahá. 17 Kyúnki wuh ham men giná gayá, aur us ne is khidmat ká hissa páyá thá. 18 So us ne badí kí mazdúrí se ek zamín mol lí ; aur aundhe munh girá, aur us ká peṭ phañ gayá, aur us kí tamám anṭrián nikal paṛín ; 19 Aur yih Yirúshálam ke sab rahnewálon ko málúm húa ; yahán tak, ki us zamín ká nám un kí zabán men Haqaldámá húa, yáne khún kí zamín. 20 Is liye ki, zabúr kí kitáb men likhá hai, ki Us ká makán ujáṛ jae, aur us ká kám dúsrá le. 21 Pas cháhiye, ki in logon men se, jo harwaqt hamáre sáth rahe, jab Khudáwand Yisú ham men áyá jáyá kartá thá, 22 Yohan ke bápísmá se leke, us din tak, ki wuh hamáre pás se úpar utháyá gayá, un men se ek hamáre sáth us ke jí uthne ká gawáh howe. 23 Tab unhon ne do ko khará kiyá, ek Yúsaf jo Bársábá kahlátá, jis ká laqab Justus thá, dúsrá Matiyá. 24 Aur duá mángí, ki Ai Khudáwand, sab ke dil ke jánnewále, dekhá, ki in donon men se tú ne kis ko chuná hai, 25 Ki wuh is khidmat o risálat ká hissa le, jis se Yihúdá khárij hoke, apní kháss jagah gayá. 26 Aur unhon ne chitthián dálín ; aur chitthí Matiyá ke nám par niklí ; tab wuh un gyárah rasúlon men shámil húa.



## II. BAB.

1 Aur jab Pentekost ká din áyá, we sab ek dil hoke ekathe húe. 2 Ekbárgí ásmán se ek áwáz áí, jaisí barí ándhí chale, aur us se sárá ghar, jahán we baiṭhe the, bhar gayá. 3 Aur unhen judáág kí sí zabáneṅ dikháí dín, aur un men se har ek par baiṭhín. 4 Tab we sab Rúh i Quds se bhar gae, aur tarah tarah kí zabáneṅ, jaise Rúh ne unhen bolne kí qudrat bakḥshí, bolne lage.

5 Aur Kḥudátaras Yihúdí har ek qaum se, jo ásmán ke tale hai, Yirúshaláw men á rahe the. 6 So jab yih áwáz áí, to bhíṛ lag gaí, aur sab dang húe, kyúñki har ek ne unhen apní bolí bolte suná. 7 Aur sab hairán hoke, aur tájjub karke, ápas men kahne lage, Dekho, kyá yih sab, jo bolte hain, Galílí nahín? 8 Phir kyúñkar har ek ham men se apne mulk kí bolí suntá hai? 9 Ham Párthí, aur Medí, o Ilámí, aur rahnewále Mesopotamia, Yihúdiyá, aur Káppadokiá, Pontus, o Asia, 10 Frugia, o Pamphulia, Misr, aur Libyá ke us hisse ke, jo Qurení ke aláqe men hai, aur Rúmí musáfir, Yihúdí aur jo Yihúdí ho gae, 11 Kretí, aur Arab hoke ham apní zabánon men unhen Kḥudá kí barí báten bolte sunte hain. 12 Aur sab hairán húe, aur ghabráke, ek dúsre se kahne lagá, ki Yih kyá huá cháhtá hai? 13 Auroṅ ne ṭhaṭhe se kahá, ki Ye sharáb ke nashe men hain.

14 Tab Pathar un gyárahon ke sáth khare hoke, pukárke kahne lagá, Ai Yahúdío Yirúshálam ke sab rahnewálo, yih jáno, aur kán lagáke merí báten suno: 15 Ki ye, aisá tum samajhte, nashe men nahín, kyúñki abhí pahar din áyá hai. 16 Balki yih wuh hai, jo Yoel nabí kí márifat farmáyá gayá: 17 Ki Kḥudá kahtá hai, Akḥirí zamáne men aisá hogá, ki main apní Rúh men se sab ádmí par dálúngá: aur tumháre beṭe, aur tumhári beṭián, nabúwat karenge, aur tumháre jawán rúyá dekhenge, aur tumháre buddhe khwáb: 18 Aur main un dinon men apne bande aur bándion par apní Rúh men se dálúngá; aur we nabúwat karenge: 19 Aur main úpar ásmán men achambhe, aur niche zamín par nishánián, lahú, aur ág, o dhúwen ke bádal kí dikháungá: 20 Súraj andherá, aur chánd lahú ho jáegá, peshtar us ke, ki Kḥudáwand ká buzurg aur bare kḥauf ká din áwe:

21 Aur yún hogá, ki har ek, jo K̄hudáwand ká nam legá, naját páwegá. 22 Ai Isráelío, ye látē suno ; ki Yisú Násarí ek mard thá, jis ká K̄hudá kī taraf se honá tum par sábit húa, un karámaton aur achambhon aur nisháníon se, jo K̄hudá ne us kī mārifat tumháre bích men dikháe, jaisá tum ap jánthe ho : 23 Usí ko, jab K̄hudá ke thahráe iráde aur peshdání se sompá gayá, tum ne pakará, aur bedínon ke háth se mekhen garwáke, qatl kiyá : 24 Usí ko K̄hudá ne, maut ke band kholke, uṭháya : kyúnci mumkin na thá, ki wuh us ke changal men rahe. 25 Is liye ki Dáúd us ke haqq men kahtá hai, ki Main ne K̄hudáwand par, jo sadá mere sámhne hai, nazar kī, ki wuh merí dahní taraf hai, táki main na haṭn : 26 Isí sabab merá dil k̄hush hai, aur merí zabán nihál hai ; balki merá badan bhí ummed men chain karegá : 27 Ki tú merí ján ko álam i gaib men na chhoregá, na apne quddús ko sarne degá. 28 Tú ne mujhe zindagí kī ráhen batáín ; tú ne mujhe apnedídár se k̄hushí se bhar diyá. 29 Ai bháío, qaum ke raís, Dáúd ke haqq men bedharak kahne do, ki wuh múá, aur gárá gayá, aur áj tak us kī qabr bhí hamáre darmiyán maujúd hai. 30 So is sabab se, ki nabí thá, aur jántá thá, ki K̄hudá ne us se qasam khái hai, ki us kī nasl se, Masíh ko, jism ke rú se, záhir karegá, ki us ke takht par baiṭhe ; 31 Us ne yih pahle se jánkar, Masíh ke jí uṭhne ká zikr kiyá, ki us kī ján álam i gaib men chhorí na gai, na us ká badan sar gayá. 32 Usí Yisú ko K̄hudá ne uṭháya ; us ke ham sab gawáh hain. 33 Pas K̄hudá ke dahne háth buland hoke, aur Báp se Rúh i Quds ká wada páke, is ko, ki tum ab dekhte aur sunte ho, dálá. 34 Kyúnci Dáúd ásmán par na gayá, lekin wuh kahtá hai, ki K̄hudáwand ne mere K̄hudáwand se kahá, ki Mere dahne háth baiṭh, 35 Jabtak main tere dushmanon ko tere páon kī chaukí karún. 36 Pas Isráel ká sárá gharáná yaqín jáne, ki K̄hudá ne usí Yisú ko, jise tum ne salib diyá, K̄hudáwand aur Masíh kiyá.

37 Jab unhon ne yih suná, to un ke dil chhid gae, aur Pathar aur báqí rasúlon se kahá, ki Ai bháío, ham kyá karen ? 38 Tab Pathar ne un se kahá, Tauba karo, aur tum men se har ek, gunáhon kī muáfí ke liye, Yisú Masíh ke nám par bápísmá le, to Rúh i Quds ká inám páoge. 39 Is liye ki yih wada tum se aur tumháre larcon se hai, aur un sab se, jo dúr hain, jitnon ko hamará K̄hudáwand

Ḳhudá buláwe. 40 Aur wuh bahut aur báton kí gawáhíān láyá, aur nasíhat kí, ki Apne ko is terhí qaum se bacháo.

41 So jinhon ne us kí bát ḡhushí se suní, aur qabúl kí, bápísmá páyá : aur usí roz tīn hazár ádmí ke qaríb shámil hue. 42 Aur Rasú lon se tálím páne, aur suhbat rakhne, aur roṭí torne, aur duá máng-ne men lage rahe. 43 Aur sab log ḡar gae : aur bahut se achambhe aur nisháníān rasúlon se záhír hūīn. 44 Aur sab, jo ímán lāe the, ekaṭhe rahe, aur sárí chizon men sharík the ; 45 Aur apní milkiyat aur asbáb bechke, har ek kí zarúrat ke muwáfíq sab ko bánt dete the. 46 Aur har roz ekdil hoke, haikal men rahe, aur ghar ghar roṭí torṭe, ḡhushí aur sídhe dil se kháná kháthe the, 47 Aur Ḳhudá kí táríf karte the, aur sab logon ke nazdík azíz the. Aur Ḳhudá-wand har roz un ko, jinhon ne naját páí, majlise men milátá thá.

### III. BĀB.

1 Ab Pathar aur Yohan ek sáth duá ke waqt tísre pahar haikal ko chale. 2 Log janam ká ek langrá lejáte the, jise láke har roz haikal ke us darwáze par, jo Ḳhúbsúrat kahlátá hai, rakhte the, ki haikal men jánewálon se bhík mánge ; 3 Jab us ne Pathar aur Yohan ko kaikal men játe dekhá, un se bhík mángí. 4 Pathar ne Yohan ke sáth us par nazar karke, kahá, ki Hamárí taraf dekh. 5 Wuh us ummed par, ki un se kuchh páwe, un ko tak rahá. 6 Tab Pathar ne kahá, Soná rúpá mere pás nahín ; par jo mere pás hai, tujhe detá hūn ; ki Yisú Masíh Násarí ke nám par uṭh, aur chal. 7 Aur us ká dahná háth pakaṛke, uṭháyá : usí dam us ke páñw aur ṭaḡhne maz-bút hue. 8 Wuh kúdkе khará húa, aur chalne lagá, aur kúdtá phándtá, Ḳhudá kí táríf kartá, un ke sáth haikal men gayá. 9 Aur sab logon ne use chalte phirte, aur Ḳhudá kí táríf karte dekhá : 10 Aur us ko pahcháná, ki yih wahí hai, jo haikal ke Ḳhúbsúrat darwáze par bhík mángne baithá thá : aur us se, jo us ke sáth húa thá, dang aur hairán hue.

11 Aur jis waqt wuh langrá, jo changá húa, Pathar aur Yohan ko lapṭá játá thá, log niháyat hairán hoke, us barámade kí taraf jo Sulaimán ká kahlátá hai, un ke pás daur áe. 12 Pathar ne yih de-

khkar logon se kahá, ki Ai Isráelío, is par tum kyún tájjub karte? aur kyún hamen aisá dekh rahe ho, ki jaise ham ne apní qudrat yá dándarí se us ko chalne kí táqat dí? 13 Abirahám, aur Isháq aur Yaqúb ke K̄hudá ne, hamáre báp dáde ke K̄hudá ne, apne Beṭe Yisú ko jalál diyá; jise tum ne Pilát ke hawála kiyá, aur us ke huzúr, jab us ne chhoṛ dená insáfjáná, inkár kiyá. 14 Par tum ne us Quddús aur Rástkár ká inkár kiyá, aur mángá, ki ek k̄húní tumháre liye chhoṛá jáe; 15 Par zindagí ke Málík ko qatl kiyá, jise K̄hudá ne murdon men se uṭháyá; aur ham us ke gawáh haiṅ. 16 Aur us ke nám ne, us ímán ke wasíle, jo us ke nám par hai, is shaḳhs ko, jise tum dekhte aur jánte ho, mazbút kiyá: hán, usí ímán ne, jo us kí taraf se hai, yih púrí tandurustí tum sab ke sámhne use dí. 17 Ab, ai bháío, main jántá hún, ki tum ne yih nádání se kiyá, jaise tumháre sardáron ne bhí. 18 Par jin báton kí K̄hudá ne apne sab nabíon kí zabání áge se k̄habar dí thí, ki Masíh dukh uṭháwegá, so púrí kíṅ. 19 Pas tauba karo, aur phiro, ki tumháre gunáh miṭáe jáen táki K̄hudáwand ke huzúr se tázagí ká din áwe: 20 Aur Yisú Masíh ko phir bhejá, jis kí tumháre liye áge se manádí húi: 21 Zarúr hai, ki ásmán use liye rahe, us waqt tak, ki sab chízen, jin ká zikr K̄hudá ne apne sab pák nabíon kí zabání shurú se kiyá, apní hálát par áwen. 22 Kyúnci Músá ne báp dádon se kahá, ki K̄hudáwand, jo tumhárá K̄hudá hai, tumháre bháíon men se tumhárá liye ek nabí merí mánind záhir karegá; jo kuchh wuh tumhen kahe, us kí sab suno. 23 Aur aisá hogá, ki har ek, jo us nabí kí na sune, wuh qaum men se miṭáyá jáegá. 24 Balki, sab nabíon ne Samuel se picchlón tak, jítñon ne kuchh kahá, in dinon kí k̄habar dí hai. 25 Tum nabíon kí aulád, aur us ahd ke ho, jo K̄hudá ne báp dádon se bándhá thá, jab Abirahám se kahá, ki Terí aulád se dunyá ke sáre gharáne barakat páwenge. 26 K̄hudá ne apne Beṭe Yisú ko záhir karke, pahle tumháre pás bhejá, ki har ek ko tum men se us kí badíon se phirne kí barakat de.

## IV. BÆB.

1 Jab we logon se yih kah rahe the, Káhin, aur haikal ká Sardár, aur Zádúqí us se, ki we logon ko sikháte, 2 Aur Yisú ke sabab murdon ke jí uṭhne kí khabar dete the, náráz hoke un par charḥ áe. 3 Aur un par háth dálá, aur dúsre din tak qaid rakhá : kyúnci shám hogaí thí. 4 Par bahutere un men se, jinhon ne kalám suná, ímán láe ; aur gintí men páncḥ hazár ke qaríb ho gae the. 5 Aur dúsre din yún húá, ki un ke sardár, aur buzurg, aur faqíh : 6 Aur Sardár Káhin Haná o Qayáfá, aur Yohan, aur Iskandar, aur jitne sardár káhin ke gharáne ke the, Yirúshálam men jama húe. 7 Aur un ko bích men khará karke púchhá, ki Tum ne kis qudrat, aur kis ke nám par, yih kiyá ? 8 Tab Pathar ne Rúh i Quds se bhar jáke, un se kahá, Ai qaum ke sardár, aur ai Isráel ke buzurgo, 9 Agar áj ham se is íhsán kí bábat, jo is kamzor ádmí par húá, púchhá játá hai, ki wuh kyúnkar changá húá ; 10 To tum sab, aur sáre baní Isráel ko málúm ho, ki Yisú Masíh Násarí ke nám se, jis ko tum ne salíb diyá, aur jise Kḥudá ne murdon men se phir uṭháyá, usí se yih mard tumháre sámhne bhalá changá khará hai. 11 Yih wahí pathar hai, jise tum rájlogon ne náchíz jáná, jo kone ká sirá húá. 12 Aur kisé dúsre se naját nahín : kyúnci ásmán ke tale ádmíon ko koí dúsrá nám nahín baḥshá gayá, jis se ham naját pá saken.

13 Jab unhon ne Pathar aur Yohan kí beparwái dekhí, aur daryáft kiyá, ki we beilm aur awámm men se hain, to tájjub kiyá ; phir pah-cháná, ki we Yisú ke sáth the. 14 Aur us shaḥs ko, jo changá húá thá, un ke sáth khará dekhke, kuchh jawáb na de sake. 15 Aur unhen hukm karke, ki majlis se báhar jáo, ápas men saláh karne lage, 16 Ki Ham in ádmíon se kyá karen ? kyúnci ek barí karámat un se húí, jo Yirúshálam ke sab rahnewálon par záhir hai ; aur ham is ká inkár nahín kar sakte. 17 Lekin táki yih logon men ziyáda mashhúr na ho, unhen ham kḥúb dahkáwen, ki phir is nám ká kisú se zikr na karen. 18 Tab unhen buláke tákíd kí, ki hargiz Yisú ke nám par ham na máriyo, aur tálím na díjiyo. 19 Pathar, aur Yohan ne jawáb men unhen kahá, Tumhín insáf karo, ki Kḥudá ke nazdík durust hai, ki ham Kḥudá kí bát se tumhári bát ziyáda sunen :

20 Kyúнки nahín ho saktá, ki un chízon ko, jo ham ne dekhín, aur nín, na kaheñ. 21 Tab unhoñ ne aur un ko dhamkáke chhoṛ diyá, kyúńkí logoñ ke sabab un ke sazá dene kí koí ráh na pái: isliye ki sab log us ke sabab, jo húá thá, K̄hudá kí tárif karte the; 22 Ki wuh shaḡhs, jis ke changá karne meñ yih karámat záhir húí, chálís baras ke úpar thá.

23 Tab we chhúṭke apne logoñ ke pás gae, aur jo kuchh sardár káhinon aur buzurgoñ ne un se kahá thá, bayán kiyá. 24 Jab unhoñ ne yih suná, to ekdil hoke K̄hudá ko pukára aur kahá, ki Ai K̄hudáwand Tálá, tú wuh K̄hudá hai, jis ne ásmán aur zamín, aur samundar, aur sab kuchh, jo un meñ haiñ, paidá kiyá: 25 Tú ne apne bande Dáúd kí zabání kahá, ki Gair qaumoñ ne kyún dhúm macháí, aur logoñ ne jhúṭe k̄hiyál kiye? 26 K̄hudáwand aur us ke Masíh ke barḡhiláf hoke, zamín ke bádsháh uṭhe, aur sardár báham jama húe. 27 Sach ki is shahr meñ tere quddús Beṭe Yisú ke, jise tú ne Masíh kiyá, barḡhiláf hoke Hirod aur Pontiya Pilát gair qaumoñ aur Isráelion ke sáth jama húe, 28 Táki jis ká honá tere háth aur iráde ne áge se ṭhahará rakhá kareñ. 29 Ab ai K̄hudáwand, un kí dhamkíon ko dekh: aur apne bandon ko yih baḡshsh, ki kamál dilerí se terá kalám sunáweñ, 30 Jis waqt tú apná háth changá karne ko phailá de; aur tere quddús Beṭe Yisú ke nám se nisháníán aur achambhe záhir hoñ. 31 Aur jab we duá máng chuke, wuh makán, jahán we jama the, hil gayá; aur sab Rúh i Quds se bhar gae, aur K̄hudá ká kalám dilerí se sunáne lage.

32 Aur ímándáron kí jamáat ek dil aur ek ján thí: aur kisú ne apne mál ko apná na kahá; balki sárí chízon meñ sharík the. 33 Aur rasúlon ne K̄hudáwand Yisú ke jí uṭhne par baṛí qúwat se gawáhi dí: aur un sab par baṛá fazl thá. 34 Koí un meñ muhtáj na thá: kyúńki jo log zamín o makán ke málik the, un ko bechke un kí qímat láke, 35 Rasúlon ke páoñ par rakhte the: aur har ek ko, us kí zarúr ke muwáfíq bánṭte the. 36 Aur Yose, jis ká rasúlon ne Barnabá, (yáne nasíhat ká beṭá) nám rakhá, jo qaum ká Lewí aur janam ká Kuprí thá, 37 Ek khet rakhtá thá, use bechke, aur us kí qímat láke, rasúlon ke páoñ par rakhí.

## V. BAB.

1 Aur Hananiáh námí ek mard, aur us kí jorú Safírá ne apní milkiyat bechí, 2 Aur qímat men se kuchh rakh chhorá, so us kí jorú bhí jántí thí, aur kuchh láke rasúlon ke páon par rakhá. 3 Tab Pathar ne kahá, Ai Hananiáh, kyún Shaitán tere dil men samáyá, ki Rúh i Quds se jhúth bole, aur zamín kí qímat men se kuchh rakh chhore? 4 Kyá yih jabtak tere pás thí, terí na thí? aur jab bechí gai, tere iḡhtiyár men na thí? tú ne kyún is bát ko apne dil men jagah dí? tú ádmíon se nahín, balki Ḳhudá se jhúth bolá. 5 Yih bát suntehí, Hananiáh gir pará, aur us ká dam nikal gayá: aur sab log in báton ko sunke niháyat ḍar gae. 6 Aur jawánon ne uṡhke use kafnáyá, aur báhar lejáke gárá. 7 Jab ghanṡe tín ek guzre, us kí jorú is májare se beḡhabar áí. 8 Pathar ne us se kahá, Muhj se kah, kyá zamín itnehí par bechí? Us ne kahá, Hán, itne par. 9 Phir Pathar ne un se kahá, Tum ne kyún aisá kiyá, ki Ḳhudáwand kí Rúh ko ázmáo? dekh, tere ḡhasam ke gírnewálon ne darwáze par páon rakhá, ki tujhe bhí báhar le jáen. 10 Tab wahín us ke páon pás girke margái: aur jawánon ne bhítar áke, use murda páyá, aur báhar lejáke us kí ḡhasam pás gárá. 11 Aur tamám majlis sab jinhon ne yih suná, bahut dar gae.

12 Aur rasúlon ke háth se logon ke darmiyán bahut sí nisháníán aur karámaten záhir húín; (aur we sab Sulaimán ke barámade men ekdil the. 13 Par auron men se kisí ká hiwáo na pará, ki un men já mile: magar log un kí táríf karte the. 14 Aur bhí aurat o mard garoh ke garoh Ḳhudáwand par ímán láke, un men shámil hone játe the.) 15 Yahán tak, ki log bímáron ko láke, sarakon men chárpái aur kháton par rakhte the, táki jab Pathar áwe, un men se kisú par us ká sáya hí parjáwe. 16 Aur cháron taraf ke shahron ke log Yirúshálam men jama húe, jo bímáron ko aur un ko, jo nápák rúhon ke satáe the, láe; so sab change húe.

17 Tab sardár káhin aur us ke sab sáthí, (jo Zádúqí ke firqe ke the,) ḍáh bharke uṡhke, 18 Rasúlon par háth ḍálá, aur qaidḡhána i ámm men band kiyá. 19 Par rát ko Ḳhudáwand ke firishte ne qaidḡháne ke darwáze khole, aur unhen báhar láke kahá, 20 Jáo, aur

haikal men̄ khare hoke, is zindagi kī bāten̄ logon̄ se kaho. 21 Yih sunke, we tar̄ke haikal men̄ gae, aur sikhāne lage. Jab sardār kāhin aur us ke sāthī āe, to majlis ko aur banī Isrāel ke buzurgon̄ ko ekathe kiyā, aur qaidkhāne men̄ kahlā bhejā, ki unhen̄ lāwen̄. 22 Magar piyādon̄ ne, qaidkhāne men̄ pahunchke, unhen̄ na pāyā, aur phir āke khabar dī, 23 Ki ham ne to qaidkhāne ko barī khabardārī se band, aur chunkīdāron̄ ko darwāzon̄ par bāhar kharā pāyā: par ab kholā, kisū ko andar na pāyā. 24 Jab bare kāhin, aur haikal ke sardār, aur sardār kāhinon̄ ne yih bāt sunī, ghabrā gae, ki kyā hogā. 25 Tab ek shaḡhs ne āke unhen̄ khabar dī, ki Dekho, we mard jinhen̄ tum ne qaidkhāne men̄ ḡalā thā, haikal men̄ khare logon̄ ko sikhlāte hain̄.

26 Tab haikal kā sardār piyādon̄ ke sāth jāke, unhen̄ lāyā, lekin zabardastī nahīn̄: kyūnki logon̄ se ḡarte the, ki aisā na ho, ki ham par pathrāo karen̄. 27 Aur unhen̄ lāke majlis ke bīch men̄ kharā kiyā: tab sardār kāhin ne un se pūchhā, 28 Ki Kyā, ham ne tum se barī tākīd na kī, ki is nām par tālīm na denā? par, dekho, tum ne Yirūshālam ko apnī tālīm se bhar diyā, aur chāhte ho, ki is shaḡhs kā khūn ham par sābit karo.

29 Pathar aur rasūlon̄ ne jawāb men̄ kahā, Zarūr hai, ki ham Ḳhudā kā hukm ādmīon̄ ke hukm se ziyāda mānen̄. 30 Hamāre bāp dādon̄ ke Ḳhudā ne Yisū ko uṭhāyā, jise tum ne salīb par laṭkāke mār ḡalā. 31 Usī ko Ḳhudā ne mālīk aur najātdenewālā ṭhahrāke, apne dahne hāth buland kiyā, tāki Isrāel ko tauba aur gunāhon̄ kī muāfī baḡhshe. 32 Aur ham us kī in bāton̄ ke gawāh hain̄; aur Rūh i Quds bhī, jise Ḳhudā ne unhen̄ baḡhshā, jo us kī tābidārī karte hain̄.

33 We yih sunke kaṭ gae, aur salāh kī, ki unhen̄ qatl karen̄. 34 Tab Gamaliel nāmī ek Farūsī ne, jo shariyat sikhlānewālā, aur sab logon̄ men̄ izzatdār thā, majlise men̄ uṭhke hukm kiyā, ki rasūlon̄ ko zarā bāhar lejāo; 35 Aur unhen̄ kahā, ki Ai Isrāel, khabardār, tum in ādmīon̄ ke sāth kyā chāhtē ho. 36 Ki in dinon̄ ke āge Thudās ne uṭhke kahā, ki Main̄ kuchh hūn̄; aur sau chārek ādmī us se mil gae; wuh mārā gayā, aur sab, jitne us ke tābī the, pareshān o tabāh hūe. 37 Bād us ke Yihūdā Galīlī ismnewālā ke dinon̄ men̄ uṭhā, aur bahuton̄ ko apnī taraf khenchā: wuh bhī halāk huā; aur sab,



jitne us ke tábí the, chhitar bitar ho gae. 38 Aur ab main tumhen kahtá hún, ki In ádmíon se kinára karo, aur jáne do : kyúinki agar yih tadbír yá kám insán se hai, to tabáh ho jáegá : 39 Par agar K̄hudá se hai, to tum use radd nahín karsakte ; aisá na ho, ki tum K̄hudá se laṛnewále ṭhaharo. 40 Unhon ne use máná : aur rasúlon ko buláke koṛe máre, aur hukm kiyá, ki Yisú ke nám par bát na kariyo, aur unhen chhoṛ diyá. 41 Tab we majlis ke huzúr se chale gae, aur k̄hush húe, ki ham is láiq to ṭhahare, ki us ke nám ke liye behurmat hon. 42 Aur we harroz, haikal men, aur ghar ghar sikhláne, aur Yisú Masíh kí k̄hushk̄habarí dene se báz na rahe.

## VI. BAB.

1 Un dinon man, jab shágird bahut húe, Helenistí Ibráníon se kuṛkuráne lage, kyúinki un kí bewaon ke roz kí k̄habargírí men gaflat hotí thí. 2 Tab un bárahon ne shágirdon kí jamáat ko buláke kahá, Munásib nahín, ki ham K̄hudá ke kalám ko chhoṛke, mez kí k̄hidmat karen. 3 Pas, ai bháío, apne men se sát muatibar shaḵhs ko, jo Rúh i Quds aur hikmat se bhare hon, chuno, ki ham un ko is kám par muqarrar karen. 4 Aur ham ap duá aur kalám kí k̄hidmat men lage rahenge. 5 Yih bát sárí jamáat ko pasand áí : aur Stephan námí ek mard ko, jo ímán aur Rúh i Quds se bhará thá, aur Fílip, aur Prokhoros, aur Nikánor, aur Timon, aur Parmenas, aur Nikolas Antiokíko, jo Yihúdá ho gayá thá, chuní : 6 In ko rasúlon ke áge khará kiyá : unhon ne duá mángke, apne háth úpar rakhe.

7 Aur K̄hudá ká kalám phail gayá ; aur shágirdon kí jamáat Yirúshálam men bahut hí baḥh gai : aur káhinon ká baḥh garoh ímán ke tábí húa. 8 Aur Stephan ímán aur qúwat se bhar jáke, baṛí baṛí karámaten aur nisháníán logon ek bích men záhir kartá rahá. 9 Tab báze us ibádatk̄háne se, jo Libertíní kahlátá hai, aur báze Kuríníon, aur Iskandaríon, aur un men se jo Kilikia aur Asia se áe, uṭkhe Stephan se bahs karne lage. 10 Par we us hikmat aur rúh ká, jis se wuh kalám kartá thá, sámhná na karsake. 11 Tab unhon ne bázon ko gínṭhá, ki kahín ham ne us ko Músá aur K̄hudá kí nisbat kufr bakte suná. 12 Tad unhon ne logon, aur buzurgon, aur

faqíhōṅ ko ubhárá, aur us par charḥ áe, aur pakarke majlis men jegae, 13 Aur jhúṭe gawáhoṅ ko khará kiyá ; unhoṅ ne kahá, ki Yih shaḥs is pák makán aur shariyat kí nisbat kufr bakne se báz nahín átá : 14 Kyúnkí ham ne use yih kahte suná, ki Wahí Yisú Násarí is makán ko dháegá, aur un rasmoṅ ko, jo Músá kí márifat hameṅ pahunchín, bah dal dálegá. 15 Tab sabhoṅ ne, jo majlis men baiṭhe the, us par dhiyán karke dekhá ; unheṅ us ká chihra firishte ká sá nazar áyá.

## VII. BAB.

1 Tab sardár káhin ne púchhá, Kyá ye báteṅ yúṅhín haiṅ ? 2 Wuh bolá, Ai bháío, aur ai ábá, suno ; ki hamáre báp Abirahám ar, jis waqt Mesopotamia men thá, peshtar us ke ki wuh Hárán men já basá, Kḥudáe zúljulál záhir húa, 3 Aur use kahá, ki Apne mulk aur rishtadároṅ men se nikal, aur us mulk men, ki tujhedikháúngá, chal. 4 Tab Kaldíon ke mulk se báhar jáke, Hárán men á rahá : aur wahán se, us ke báp ke marne ke bád, us ko is mulk men, ki ab tum rahte ho, pahuncháyá. 5 Aur us men kuchh mírás, balki qadam rakhne kí jagah na dí : par us ne wada kiyá, ki Main yih zamín tujhe, aur tere bád terí nasl ko dúngá, ki milkiyat ho jáe, agarchi us ká koí larhá na thá. 6 Aur Kḥudá ne yún farmáyá, ki Terí nasl begáne mulk men já rahegi : we un ko char sau baras tak gulámí men rakhenge, aur badsulúki karenge. 7 Phir Kḥudá ne kahá, ki Main us qaum ko, jis kí we gulámí men rahenge, sazá dúngá : aur isí bád us ke we báhar áwenge, aur isí jagah merí bandagi karenge. 8 Aur us ne us se khatne ká ahd kiyá : so is tarah Isháq paidá húa, aur áṭhwen din us ká khatna kiyá ; aur Isháq se Yaqúb ; aur Yaqúb se bárah gharáne ke sardár paidá húe. 9 Aur sardároṅ ne dáḥ se Yúsaf ko bechá, ki Misr men lejaen : par Kḥudá us ke sáth thá. 10 Aur use us kí musíbaton se nikálá, aur use Misr ke Badsháh Firaún ke sámhne maqbúliyat aur hikmat baḥshí ; aur us ne use Misr aur apne sáre ghar ká muḥtár kiyá. 11 Ab Misr ke sáre mulk, aur Kanán menkál pará, aur barí musíbat áí : aurhamáre báp dádon ko khána muyassar nahín átá thá. 12 Jab Yaqúb ne suná,

ki Misr men anáj hai, to pahle hamáre báp dádon ko bhejá. 13 Aur dúsri báp Yúsaf apne bháion par zahir húa; aur Yúsaf ká gharaná Firaún ko málum húa. 14 Tab Yúsaf ne apne báp Yaqúb aur us ke sáre kuṭumbe ko, jo pachhattar shaḅhs the, bulá bhejá. 15 Aur Yaqúb Misr men gayá; wahán wuh aur hamáre báp dáde margae, 16 Aur un ko Shikem men legae, aur us maqbare men, jis ko Abirahám ne Baní Amúr Shikem ke báp se rupae deke mol liyá thá, gárá. 17 Jab us wade ká waqt, jis kí Ḳhudá ne Abirahám se qasam khái thí, nazdík áyá, log Misr men barhne, aur bahut hone lage, 18 Us waqt tak, ki dúsra bádsháh húa, jo Yúsaf ko na jántá thá. 19 Us ne hamári qaum se fitrat karke, hamáre báp dádon se badsulúki kí, yahán tak, ki us ne un ke larḅon ko philwá diyá, táki jíte na rahen. 20 Us waqt Músá paidá húa, jo niháyat ḅhúbsúrat thá; us ne tm mahíne tak apne báp ke ghar men parwarish pái: 21 Jab wuh phenká gayá, Firaún kí beṭi ne use uṭhá liyá, aur us ko apná beṭá karke pálá. 22 Aur Músá ne Misrion kí tamám hikmat kí tálím pái, aur kalám o kám men zabardast thá. 23 Aur jab wuh púre chális baras ká húa, us ke jí men áyá, ki jáke apne bhái Isráelon kí ḅhabar le. 24 Tab ek ko zulm uṭháte dekhkar, us kí himáyat kí, aur Misrí ko ján se márke, us ká, jis par zulm húa thá, badlá liyá: 25 Kyúnci us ne ḅhiyál kiyá, ki mere bhái samjhenge, ki Ḳhudá mere háthon unhen chhuṭkára degá: par we na samjhe. 26 Phir dúsre din, jab we larṭe the, unhen dikhái diyá, aur un ko yún kahke miládene cháhá, ki Tum bhái ho; kyúnci ek dúsre par zulm karte ho? 27 Lekin us ne, jo apne parosí par zulm kartá thá, use haṭáke kahá, ki Tujhe kis ne ham par hákim, anr qází ṭahráyá hai? 28 Kyá jis tarah kal us Misrí ko qatl kiyá, mujhe qatl kiyá cháhtá hai? 29 Músá is bát par bhágá, aur Madián ke mulk men já rahá; wahán us ko do beṭe paidá hñe. 30 Aur jab chális baras guzre, to Ḳhudáwand ká firishta, Síná ke pahár ke jangal men, ág kí lau men, jhári ke bích, dikhái diyá. 31 Músá ne yih súrat dekhke, tájjub kiyá: aur jab daryáft karne ko nazdík chalá, Ḳhudáwand kí áwáz use pahunchí, 32 Ki Main tere báp dádon ká Ḳhudá, Abirahám ká Ḳhudá, aur Isháq ká Ḳhudá, aur Yaqúb ká Ḳhudá hún. Tab Músá kámp gayá, aur use daryáft karne kí jurát na húi. 33 Tab Ḳhudáwand ne use kahá, ki Apne

páon kí jútíán utár: kyúнки yih jagah, jahán tú khará hai, pák zamín hai. 34 Main nigáh karke, apne logon kí, jo Misr men hai, musíbat dekh rahá hún, aur main ne un kí áh mární suní, aur unhen chhuṛáne utrá. A, main tujhe Misr men bhejúngá. 35 Usí Músá ko, jis ká unhen ne inkár karke kahá, ki Kis ne tujhe hákim aur qází banáyá ? usí ko Kḥudá ne, us firishte kí márifat, jo use jhár men nazar áyá, bhejá, ki hákim aur chhuṭkárá denewálá ho. 36 Wahí unhen nikál láyá, aur Misr ke mulk, aur Lál samundar, aur chálís baras jangal men, karámaten aur nisháníán dekhátá rahá. 37 Yih wahí Músá hai, jis ne Isráelion se kahá, ki Kḥudá wand, jo tumhárá Kḥudá hai, tumháre bháion men se, tumháre liye, mujhsá ek nabí záhir karegá; tum us kí suno. 38 Yih wahí hai, jo jangal men majlise ke darmiyán us firishte ke, jo use Síná ke pahár par bolá, aur hamáre báp dádon ká sáth thá: usí ko zindagí ká kalám milá, ki ham ko pahunchá de; 39 Hamáre báp dádon ne us ká tábídar honá na cháhá, balki us ko radd kiyá, aur un ká dil Misr kí taraf pherá, 40 Aur Hárún se kahá, ki Hamáre liye aise Kḥudá baná, jo hamáre áge áge chale: kyúнки us Músá ko, jo hamen Misr ke mulk se nikál láyá, ham nahín jánte, ki use kyá húa. 41 Aur un dinon unhon ne ek bachhṛá banáyá, aur us but ko qurbání charháí, aur apne háthon ke kám par kḥushí manáí. 42 Tab Kḥudá un se phir gayá, aur chhor diyá, ki taron kí fauj ko pújen; jaisá nabion kí kitáb men likhá hai, ki Ai Isráel ke gharáne, tum ne mujh ko jangal men chálís baras qurbáníán aur nazren charháín! 43 Tum ne Molek ke kḥaime aur apne Kḥudá Remfan ke táre ko, yáne un súraton, jinhen tum ne sijda karne ko banáyá, khará kiyá: pas main tumhen nikálke Bábil ke udhar basáúngá. 44 Gawáhí ká kḥaime, jaisá Músá se báten karnewále ne farmáyá thá, ki Us namúne ke muwáfíq, jo tú ne dekhá thá, baná, jangal men hamáre báp dádon ke darmiyán thá. 45 Use hamáre báp dáda aglon se páke, Yasúa ke sáth, un qaumon ke mulk men, jin ko Kḥudá ne hamáre báp dádon ke sámhne se nikál diyá, láe, aur Dáúd ke dinon tak rahá; 46 Jis par Kḥudá ke huzúr se fazl húa, aur us ne arzú kí, ki Yaqúb ke Kḥudá ke wáste makán banáwe. 47 Par Sulaimán ne us ke liye makán banáyá. 48 Lekin Kḥudí Tálá un haikalon men, jo háth se bane hai, nahín rahtá; chunánchi nabí

kahtá hai, 49 Ki K̄hudáwand farmátá hai, Ásmán merá takht, aur zamín mere páon rakhne kí chaukí hai: tum mere liye kaunsá ghar banáoge? yá kaunsí jagah mere áram kí hai? 50 Kyá mere háth ne ye sab chízen nahín banáín? 51 Aí sarkasho, aur dil aur kán ke námaḡhtúno, tum harwaqt Rúh i Quds ká sámhná karte ho: jaise tumháre báp dáde the, waise hí tum bhí ho. 52 Nabíon men se kis ko tumháre báp dádon ne na satáyá? balki unhon ne Us Rástabáz ke áne ke k̄habardenewálon ko qatl kiyá; jis ke ab tum pakaḡwáne-wále aur k̄húní húe: 53 Tum ne firishton kí jamáat ke sámhne shariyat páí, par amal men na láe.

54 We ye báten sunte hí, jí men kaḡ gae, aur us par dánt písne lage. 55 Par wuh Rúh i Quds se bhará, ásmán kí taraf dekh rahá thá, ki K̄hudá ká jalál, aur Yisú ko K̄hudá ke dahne háth khará dekhá, 56 Aur kahá, Dekho, main ásmán ko khulá, aur ádmí ke Beḡe ko K̄hudá ke dahne háth khará dekhtá hún. 57 Tab unhon ne baḡe zor se chilláke, apne kán band kiye, aur ek dil hoke us par lapke, 58 Aur shahr ke báhar nikálke, us par pathráo kiyá: aur gawáhon ne apne kapḡe Saul námí ek jawán ke páon pás rakh diye. 59 Aur jab we Stephan par pathráo karte the, us ne duá mángke kahá, Ai K̄hudáwand Yisú, merí rúh ko qabúl kar. 60 Phir wuh ghuḡne ṡekkar, zor se puḡará, ki Ai K̄hudáwand, yih gunáh un par sábit na kar; aur yih kahke sogayá.

---

### VIII. BAB.

1 Aur Saul us ke qatl se muttafiḡ húa. Aur us waqt Majlise par Yirúshálam men baḡá zulm húa aur rasúlon ke siwá, Yihúdiya, aur Sámariya kí har jagah men sab tithar bithar hogae. 2 Aur K̄hudá-paraston ne Stephan ká kafan kiyá, aur us par baḡá mátam kiyá. 3 Aur Saul Majlise ko tabáh kartá, ki ghar ghar ghuske mardon aur auraton ko ghasíḡkar, qaid men dáltá thá. 4 Pas we, jo chhitar bithar húe the, har jagah jáke kalám kí k̄husḡhabarí dete the.

5 Aur Fílip Sámariyá ke ek shahr men jáke un ke áge Masíh kí manádí kartá thá. 6 Aur logon ne un karámaton ko, jo Fílip kartá thá, sunke aur dekhke, ekdil hokar us kí báton par jí lagáyá. 7 Kyún-

ki ná pák rúben bahuton se, jin par charhí thín, barí áwáz se chilláke utar gaín : aur bahut jholá máre húe, aur langre change húe. 8 Aur us shahr men barí khushí húi.

9 Us ke áge us shahr men Simon námí ek shaḡhs jádúgarí kartá aur Sámariya ke logon ko dang rakhtá, aur yih kahtá thá, ki Main kuchh hún : 10 Aur chhoṭe se bare tak, sab us kí taraf rujú láek, kahte the, ki Yih Ḳhudá kí barí qudrat hai. 11 So is sabab us kí taraf rujú láe, ki us ne ek muddat se apní jádúgarí se unhen dang kar rakhá thá. 12 Fílip ke báton ká yaqín kiyá, jo Ḳhudá kí bád-sháhat, aur Yisú Masíh ke nám kí khush khabarí detá thá, to kyá aurat, kyá mard bápísmá páne lage. 13 Tab Simon bhí ímán láyá : aur bápísmá páke hamesha Fílip ke sáth rahá, aur barí barí nishánían, aur karámaten, jo záhir hotí thín, dekhke dang húa.

14 Jab rasúlon ne, jo Yirúshálam men the, suná ki Simon ne Ḳhudá ke kalám qabúl kiyá hai, tab unhon ne Pathar aur Yohan ko un ke pás bhejá : 15 Unhon ne jáke, un ke liye duá mángí, ki Rúh i Quds páwen : 16 (Kyúнки abtak un men se wuh kisú par názil na húa thá : unhon ne sirf Ḳhudáwand Yisú ke nám par bápísmá páyá thá.) 17 Tab unhon ne un par háth rakhe, aur unhon ne Rúh i Quds páyá.

18 Jab Simon ne dekhá, ki rasúlon ke háth rakhne se Rúh i Quds miltá hai, to un ke pás rúpiya láke, 19 Kahá, ki Yih ikhtiyár mujhe bhí de, ki jis par main háth rakhún, wuh Rúh i Quds páwe. 20 Pathar ne use kahá, Terá rúpiya tere sáth barbád ho, isliye ki tú ne khiyál kiyá, ki Ḳhudá kí baḡshish rúpiya se hásil hotí hai. 21 Terí is bát men na hissa hai, na baḡhrá : kyúнки terá dil Ḳhudá ke áge sídhá nahín. 22 Pas apní is sharárat se tauba kar, aur Ḳhudá se máng ; sháyad tere dil ká yih khiyál muáf ho. 23 Isliye ki main dekhtá hún, ki tú pit kí karwáhaṭ, aur badí ke band men giriftár hai. 24 Simon jawáb men kahá, Tum mere liye Ḳhudáwand se duá mángo, ki jo báteṅ tum se kahín, un men se koí mujh par na áwe. 25 Phir we gawáhi deke, Ḳhudáwand ká kalám sunáke, Yirúshálamko phire, aur Simon kí bahut sí bastíon men khushkhabarí dí.

26 Tab Ḳhudáwand ke firishte ne Fílip se kahá, ki Uṭh, aur dakhin taraf us ráh par já, jo Yirúshálam se Gázá ko, jo jangal hai, játi. 27 Wuh uṭhke rawána húa : aur dekho, ek Habshí kḡojá, Habsh kí

Begam Kandákí ká wazír, jo us ke sáre khazáne ká muḡhtár thá, aur Yirúshálam men bandagí ko áyá thá, 28 Phirá játá thá, aur apne rath par baiṭhá, Ishaiyá Nabí parḥ rahá thá. 29 Rúh ne Fílip se kahá ; Nazdík já, aur us rath ke sáth ho le. 30 Tab Fílip ne us taraf daurke, use Ishaiyá Nabí ko kuchh tú parṭá hai, samajhtá hai ? 31 Us ne kahá, Yih kis tarah ho sake, jab tak koí mujhe ráh na batáwe ? Tab us ne Fílip se darḡhwást kí, ki mere sáth sawár ho le. 32 Us kitáb kí ibárat, jo wuh parṭá thá, yih hai, ki Wuh jaise bher zabh karne ko lejáte hai, aur jaise bara, jo apne bál katarnewáleke sámhne bezabán hai, usí tarah wuh apná munh nahín kholtá : 33 Us kí garíbí men beinsáfí se us kí sazá húi : aur kaun us ke zamáne ko bayán kar sake ? kyúnki zamín par se us kí ján uṭháí játí hai. 34 Ḳhoje ne Fílip ke jawáb men kahá, ki Main terí minnat kartá hún, ki Nabí yih kis ke haqq men kahtá hai ? apne yá kisí dúsre ke haqq men ? 35 Tab Fílip ne apní zabán kholke, usí maqám se shurú karke, Yisú kí ḡhushḡhabarí use dí. 36 Aur játe játe, ráh ke darmiyán ek pání par pahunche : tab Ḳhoje ne kahá, ki Dekh, pání ; ab mujhe bápísmá páne men kaun chíz roktí hai ? 37 Fílip ne kahá, Agar tú apne tamám dil se ímán látá hai, to rawá hai. Us ne jawáb men kahá, Main ímán látá hún, ki Yisú Masíh Ḳhudá ká Beṭá hai. 38 Tab us ne hukm kiyá, ki rath kharí karen : aur Filip aur Ḳhojá donoṅ pání men utre ; aur us ne us ko bápísmá diyá. 39 Jab we pání se nikle, Ḳhudáwand kí Rúh Fílip ko legaí, aur Ḳhoje ne us ko phir na dekhá : aur ḡhush hoke apní ráh lí. 40 Aur Fílip Azotus men dikháí diyá : aur jab tak Kaisariya men áyá, guzarte húe, sab sharon men ḡhushḡhabarí dí.

---

### IX. BĀB.

1 Aur abtak Saul Ḳhudáwand ke shágirdon ke dhamkáne aur qatl karne men dam mártá, sardár káhin ke yaháu gayá, 2 Aur us ne Dimishq ke ibádatḡháne ke liye is mazmún ke ḡhatt má nge, ki agar main kisú ko is mazhab men páúu, kyá aurat kyá mard, use bándhke Yirúshálam men láúu. 3 Aur játe játe, aisá húa, ki jab Dimishq ke nazdík pahunchá, to ekbárgíásmán se ek núr us ke chauigrd

chamká : 4 Tab wuh zamín par gir pará, aur us ne ek áwáz suní, jo use kahtí thí, Ai Saul, ai Saul, tú mujhe kyún satátá hai? 5 Us ne púchhá, ki Ai K̄hudáwand, tú kyún hai? K̄hudáwand ne kahá, Main Yisú hún, jise tú satátá hai : paine ke kíl par lát márná tere liye burá hai. 6 Us ne kámpke, aur hairán hokar kahá, K̄hudáwand, tú kyá cháhtá hai, ki main karún? K̄hudáwand ne use kahá, Uṭh, aur shahr men já, ki jo tujhe karná zarúr hai, tujh se kahá jáegá. 7 Us ke sáthwále hairán khare rah gae, ki áwáz to sunte, par kisú ko na dekhte the. 8 Aur Saul zamín se uṭhá ; aur ánk̄h kholke kisú ko na dekhá : tab we us ká háth pakarke Dimishq men láe. 9 Aur wuh t̄in din andhá aur na khátá, na tápí thá.

10 Aur Dimishq men Hananiáh námí ek shágird thá ; use K̄hudáwand ne royá men káhá, Ai Hananiáh. Us ne jawáb diyá, K̄hudáwandá, házir hún. 11 Tab K̄hudáwand ne use kahá, Uṭhkar us sarak par, jo Sídhí kahlátí hai, já, aur Yihúdá ke ghar men Saul námí Tarsusí ko dhúnḍh : ki dekh, wuh duá mángtá hai, 12 Aur us ne royá men Hananiyáh námí ek shaḅhs ko dekhá, ki andar áke us par háth rakhá, táki phir dekhne lage. 13 Tab Hananiáh ne jawáb diyá, ki Ai K̄hudáwand, main ne bahuton se is shaḅhs ke haqq men suná, ki is ne Yirúshálam men tere muqaddason ke sáth kaisí badí kí hai : 14 Aur yahán bhí, us ne sardár káhinon kí taraf se ikhtiyár páyá, ki sab ko, jo terá nám lete hain, bándhe. 15 K̄hudáwand ne use kahá, Tú já : kyúnki wuh qaumon aur bádsháhon aur baní Isráel ke áge merá nám záhir karne ká ek k̄háss wasílá hai : 16 Aur main use dekháúngá, ki use mere nám ke liye kaisá dukh uṭháná zarúr hai. 17 Tab Hananiáh gayá, aur us ghar men dáḅhil húa ; aur apná háth us par rakhkar kahá, Ai bhái Saul, K̄hudáwand, yáne Yisú ne, jo tujhe is ráh men jis se tú áyá, záhir húa, mujhe bhejá hai, ki tú phir dekhe, aur Rúh i Quds se bhar jáe. 18 Aur wohín kuchh chhilke se us kí ánk̄hon se gir paré : aur wuh usí dam dekhne lagá, aur uṭhke báptismá páyá. 19 Aur kuchh kháke, táqat páí. Aur Saul kaí din Dimishq men shágirdon ke sáth rahá.

20 Wohín ibádatk̄hánon men Masíh kí manádí kí, ki wuh K̄hudá ká Betá hai. 21 Aur sab sunewále dang ho gae, aur kahne lage, Kyá yih wuh nahín hai, jo Yirúshálam men is námlenewálon ko tabáh



kartá thá, aur yahán bhí isí iráde par áyá, ki un ko bándhke sardár káhinon ke pás lejáe? 22 Lekin Saul ne aur bhí mazbút hoke, dalílon se sábit karke, ki yih wahí Masíh hai, Yihúdíon ko, jo Dimishq men rahte the, ghabrá diyá. 23 Aur jab kaí din guzre, Yihúdíon ne us ke qatl kí saláh kí: 24 Aur un kí ghát Saul ko málúm ho gaí. Aur we rát din phátacon par lage rahe, ki use márdálen. 25 Tab shágirdon ne rát ko use ek tokre men baithákar, díwár par se laṭká diyá.

26 Aur Saul ne Yirúshálam men pahunchke koshish kí, ki shágirdon men mil jáe: par sab us se dare, kyúnci yaqín na kiyá, ki wuh shágird hai. 27 Magar Barnabá use apne sáth rasúlon pás legayá, aur un se bayán kiyá, ki us ne ráh men Kḥudáwand ko yún dekhá, aur wuh use bolá, aur wuh Dimishq men yún bedharak Yisú ke nám par kalám kartá thá. 28 Aur wuh Yirúshálam men un ke sáth áyá jáyá kartá thá, 29 Aur Yisú ke nám par bedharak kalám kartá thá, aur Helenistíon ke sáth bhí guftgú aur bahs kartá thá: aur we us ke márdálne kí tadbír men the. 30 Tab bhái yih málúm karke, use Kaisariya men legae, aur wahán se us ko Tarsus kí taraf rawána kiyá. 31 Tab sáre Yihúdíya, aur Galíl, aur Sámariya ke majlison ne árám páyá, aur barhte gae; aur Kḥudáwand ke khauf men chalte the, aur Rúh i Quds kí tasallí se bhar gae.

32 Aur aisá húá, ki Pathar sab jagah phirtá, un muqaddason ke pás bhí, jo Ludda men rahte the, pahunchá. 33 Aur wahán Aineas námí ek shaḥs ko páyá, jo jhole ká mára áṭh baras se chárpái par pará thá. 34 Pathar ne use kahá, Ai Aineas, Yisú Masíh tujhe changá kartá hai: uṭh, aur apná bichhauná kar. Wuh usí dam uṭhá. 35 Tab Ludda aur Saron ke sab rahnewále use dekhkar Kḥudáwand kí taraf phire.

36 Aur Yáfe men ek shágird Tabitha nám thí, jis ká tarjuma Harní hai; wuh nek kámon se bharí aur bahut kḥairát kartí thí. 37 Aur aisá húá, ki un dinon wuh bímár hoke margaí: use nahlákar koṭhe par rakhá. 38 Aur isliye ki Ludda Yáfe ke nazdík thá, jab shágirdon ne suná, ki Pathar wahín hai, us pás do shaḥs bhejke darḥwást kí, ki hamáre pás áne men der na kar. 39 Tab Pathar uṭhke un ke sáth chalá. Jab pahunchá, use koṭhe par legae: aur sab bewaen rotí húin us ke pás áin, aur kurte aur kapre, jo Tabitha ne jíte jí

banāe the, dikhāti thī. 40 Pathar ne sab ko bāhar karke, ghuṭne ṭekke duā māngī ; phir lāsh kī taraf mutawajjih hoke kahā, Ai Tabitha, uṭh. Us ne ānkhen khol dī : aur Pathar ko dekhke uṭh baiṭhī. 41 Us ne hāth pakarke, use uṭhāyā, aur muqaddason aur bewon kobulāke, use zinda un ke supurd kiyā. 42 Yih sāre Yāfe men mashhūr ho gayā ; aur bahutere Ḳhudāwand par imān lāe. 43 Aur yūn hūā, ki wuh kaī din Yāfe men Simon nām dabbāg ke yahān rahā.

### X. BĀB.

1 Kaisariya men Kornelius nāmī ek shaḡhs thā, jo us palṭan kā, ki Itāliyānī kahlātī, sūbadār thā. 2 Wuh apne sāre gharāne samet dīndār aur Ḳhudā se ḍarnewālā thā, aur logon ko bahut ḡhairāt detā, aur nit Ḳhudā se duā māngtā thā : 3 Us ne ek roz tīsre pahar ke qarīb royā men sáf dekhā, ki Ḳhudā ke firishte ne us ke pās āke, use kahā, Ai Kornelius. 4 Us ne us ko gaur se dekhā, aur ḍarke kahā, ki Ai Ḳhudāwand, kyā hai ? Us ne use kahā, Terī duāen, aur ḡhairāt yādgārī ke liye Ḳhudā ke huzūr pahunchī. 5 Ab Yāfe men ādmī bhej, ki Simon ko, jo Pathar kahlātā hai, bulā lāwe : 6 Wuh dūsre Simon ke yahān, jis kā ghar samundar kināre hai, mihmān hai : jo kuchh tujhe kiyā chāhiye, wuh tujh ko batāwegā. 7 Aur jab firishta, jis ne Kornelius se bāten kī, chālā gayā, us ne apne naukaron men se do, aur un men se jo sadā us ko sāth rahte the, ek dīndār sipāhī ko bulāke, 8 Aur sab bāten un se bayān karke, unhen Yāfe men bhejā.

9 Dūsre din, jab we rāh men the aur shahr ke nazdīk pahunche, Pathar do pahar ke qarīb koṭhe par duā māngne gayā : 10 Use bhūk lagī, aur chāhā, ki kuchh khāe : par jab we taiyār karte the, wuh beḡhud ho gayā, 11 Aur dekhā, ki āsmān ḡhul gayā, aur ek chīz baṛī chaddar kī mánind, jis ke chāron kone bandhe the, zamīn kī taraf lataktī us ke pās āī : 12 Us men zamīn ke har tarah ke chārpāe aur janglī jānwar, aur kīre makore, aur chiriyān thī. 13 Aur use ek āwāz āī, ki Ai Pathar, uṭh ; zabh kar aur khā jā. 14 Pathar ne kahā, Ai Ḳhudāwand, hargiz nahīn ; kyūnki main ne kabhī koī harām yā nāpāk chīz nahīn khāī. 15 Dūsarī bār phir use āwāz āī, ki Jis ko

Ḳhudá ne pák kiyá hai, tú harám mat kah. 16 Yih t́n bár húá : phir wuh chíz ásmán par khenchí gaí.

17 Jab Pathar apne dil men hairán thá, ki yih royá, jo main ne dekhá, kyá hai, to dekho, we mard, jinhen Kornelius ne bhejá, Simon ká ghar púchhte darwáze par áe. 18 Unhon ne pukárke púchhá, ki Simon, jo Pathar kahlátá, yahín mihmán hai? 19 Jab Pathar us royá ke ḳhiyál men thá, Rúh ne use kahá, Dekh t́n mard tujhe ḳhúndhte hain. 20 Pas uṭhke, níche já, aur be khatke un ke sáth rawána ho : kyúнки main ne un ko bhejá hai. 21 Tab Pathar ne utarke, un mardon se, jin ko Kornelius ne us pás bhejá thá, kahá, Dekho, jis ko tum ḳhúndhte ho, main hí hún : tum kis liye áe ho? 22 Unhon ne kahá, Kornelius súbadár ko, jo rástbáz aur Ḳhudá se ḳarnewálá, aur Yihúdíon kí sárí qaum men neknám hai, pák firishte ne hukm diyá, ki tujhe apne ghar buláwe, aur tujh se báten sune. Tab us ne unhen bhítar buláke, un kí mihmání kí.

23 Aur dúsre din Pathar un ke sáth chalá, aur kaí bhái Yáfe se us ke sáth ho liye. 24 Aur dúzre roz we Kaisariya men dáḳhil h́e. Aur Kornelius apne rishtadáron, aur dilí doston ko ekaṭhe karke, un kí ráh dekhtá thá. 25 Aur aisá húá, ki jab Pathar dáḳhil hone lagá, Kornelius us se já milá, aur us ke qadamon par girke, sijda kiyá. 26 Lekin Pathar ne use uṭháke kahá, Uṭh ; main bhí to ádmí hún. 27 Aur us se báten kartá andar gayá, aur bahut se ádmí ekaṭhe páe. 28 Tab us ne un se kahá, Tum jánte ho, ki Yihúdí ko kisú begáne se suhbat rakhní, yá us ke yahán jáná rawá nahín ; magar Ḳhudá ne mujh par záhír kiyá, ki main kisí ádmí ko kamína yá nápák na kahún. 29 Is liye main tumháre buláne par beuzr chalá áyá : ab main púchhtá hún, ki mujhe kis bát ke liye buláyá? 30 Kornelius ne kahá, Chár roz h́e, ki main ne is waqt tak roza rakhá : aur tísre pahar ko apne ghar men duá mángtá thá, aur kyá dekhtá hún, ki ek mard sufed barráq poshák men sámhne khará hai. 31 Us ne kahá, Ai Kornelius, terí duá suní gaí, terí ḳhairát kí Ḳhudá ke huzúr yád h́í. 32 Ab kisí ko Yáfe men bhej, aur Simon ko, jo Pathar kahlátá hai, yahán bulá ; wuh dúsre Simon ke yahán, jis ká ghar samundar ke kináre hai, mihmán hai : wuh áke tujhe kahegá. 33 Usí dam main ne tere pás log bheje ; tú

ne khúb kiyá, jo áyá. Ab ham sab K̄hudá ke áge házir hain, táki jo kuchh K̄hudá ne tujhe farmáyá hai, sunen.

34 Tab Pathar ne zabán kholí, aur kahá, Ab mujhe yaqín húa, ki K̄hudá záhir par nazar nahín kartá : 35 Balki har qaum men, jo us se dartá aur rástbází kartá, us ko pasand átá hai. 36 Yih wahí kalám hai, jo us ne baní Isráel ke pás bhejá, jab Yisú Masíh kí mārifat (jo sab ká K̄hudáwand hai :) sulh kí khushkhabarí detá thá. 37 Tum is májare ko jánte ho, jo is bápísmá ke bád, jis kí manádí Yohan ne kí, Galíl se shurú hoke, tamám Yihúdiya men phail gayá ; 38 Yáne Yisú Násarí kí bát, ki kis tarah K̄hudá ne use Rúh i Quds aur qudrat se Masíh kiyá : aur wuh bhaláí kartá, aur un sab ko, jo Shaitán ke háth se zulm uṭháte the, changá kartá phirá ; kyúnci K̄hudá us ke sáth thá. 39 Aur un sab kámon ke, jo us ne Yihúdiya ke mulk o Yirúshálam men kiye, ham gawáh hain ; us ko unhon ne salíb par latkáke márdálá : 40 Us ko K̄hudá ne tísre din uṭháyá, aur záhir kar dikháyá ; 41 Sári qaum par nahín, balki un gawáhon par, jo áge se K̄hudá ke chune the, yáne ham par, ki us ke murdon men se jí uṭhne ke bád, us ke sáth kháyá piyá. 42 Aur us ne hameñ hukm diyá, ki Logon men manádí karo, aur gawáhí do, ki Yih wahí hai, jo K̄hudá kí taraf se muqarrar húa, ki zindon aur murdon ká insáf karne-wálá ho. 43 Sab nabí us par gawáhí dete hain, ki jo koí us par ímán láwe, us ke nám se us ke gunáh muáf honge.

44 Pathar ye báten kahí rahá thá, ki Rúh i Quds sabhon par, jo wuh kalám sunte the, názil húa. 45 Aur maḡhtúñ ímándár, jo Pathar ke sáth áe the, hairán húe, ki gairqaumon par bhí Rúh i Quds kí baḡshish járí húi. 46 Kyúnci unhen tarah tarah kí bolí bolte, aur K̄hudá kí baḡáí karte suná. Tab Pathar ne phir kahá, 47 Koí pání rok saktá hai, ki ye jinhon ne hamárí tarah Rúh i Quds páyá, bápísmá na páwen ? 48 Tab us ne hukm diyá, ki we K̄hudáwand ke nám par bápísmá páwen. Tab unhon ne us se darkhwást kí, ki kuchh din yahán rahe.

## XI. BĀB,

1 Rasūlon, aur bhāfon ne, jo Yihūdiya men the, sunā, ki Gairqau-  
mon ne bhī K̄hudā kā kalām qabūl kiyā. 2 Aur jab Pathar Yirū-  
shālam men āyā, to maḡhtūn us se bahs karne lage, 3 Ki tú ná-  
maḡhtūnon ke pás gayā, aur un ke sáth kháyā 4 Tab Pathar shurú  
se barábar un se bayán karne lagá, 5 Ki jab main Yáfe ke shahr  
men duá máng rahá thá, behoshí men áke ek royá dekhá, ki Ek chíz  
jaise barí chádar, jis ke chāron kone ásmán se laṭakte the, utarke  
mujh tak áí. 6 Jab main ne gaur se us par ḡhiyál kiyā, to zamín  
ke chārpáe, aur janglí jánwar, aur kíre makore, aur chiriyāen us  
men dekhín. 7 Aur ek áwáz suní, ki mujhe kahtí hai, Ai Pathar,  
uṭh; zabh kar aur khá. 8 Pathar ne kahá, Ai K̄hudáwand, hargiz  
nahíu; kyúnci kabhí koí harám yá nápák chíz mere munh men na  
gaí. 9 Tab jawáb men dísrí bár ásmán se mujhe áwáz áí, ki Jíse  
K̄hudá ne pák kiyā, tú harám mat kah. 10 Yih tín bár húa : phir sab  
kuchh ásmán kí taraf khenchá gayá. 11 Aur dekho, usí dam tín ádmí,  
jo Kaisariya se mere pás bheje gae, us ghar ke pás, jis men main thá,  
khare the. 12 Aur Rúh ne mujh se kahá, ki Tú be khatke un ke  
sáth já. Tab ye chhah bhái mere sáth chale, aur ham is shaḡhs ke  
ghar men dáḡhil húa : 13 Tab us ne ham se bayán kiyá, ki kis tarah  
ek firishte ko apne ghar men khará dekhá, jis ne use kahá, ki Yáfe  
men ádmí bhej, aur Simon ko, jo Pathar kahlátá hai, bulwá; 14 Wuh  
tujhe wuh báten kahegá, jin se tú aur terá sárá ghar naját páwe.  
15 Jab main un se bayán karne lagá, Rúh i Quds un par názil húa,  
jaise pahle ham par. 16 Tab mujhe K̄hudáwand kí bát yád áí, ki us  
ne kahá, Yohan ne to pání se bápísmá diyá; par tum Rúh i Quds se  
bápísmá páoge. 17 Pas jab K̄hudá ne un ko wahí niamat dí, jo ham  
ko, jab ki ham K̄hudáwand Yisú Masíh par ímán lée, to main kaun  
thá, ki K̄hudá ko rok saktá? 18 We yih sunkar chup rahe, aur K̄hu-  
dáwand kí táríf karke kahá, Beshakk K̄hudí ne Gairqaumon ko  
bhí zindagí ke liye tauba baḡshí.

19 We, jo us waqt jab Stephan par musíbat parí chhitar bitar  
hogae the, phirte phirte Phoiníkí o Kuprus o Antákia men pahun-  
che, magar Yihúdíon ke siwá kisí ko kalām na sunáte the. 20 Un

men se, jo Antákia men ae, kai ek Kuprusí aur Kurení the, jinhon ne Yúnánion se báten karke K̄hudáwand Yisú kí k̄hushk̄habarí sunáí. 21 Aur un par K̄hudáwand ká háth thá : aur bahut se log ímán láke K̄hudáwand kí taraf phire.

22 Aur un kí k̄habar Yirúshálam ke majlis ke kán men pahunchí ; tab unhon ne Barnabá ko bhejá, ki Antákia tak jáe. 23 Wuh pahunch-ke, aur K̄hudá ká fazl dekhke, k̄hush húa, aur un sab ko nasíhat kí, ki dil kí mazbútfí se K̄hudáwand se lage raho. 24 Kyúнки wuh nek mard thá, aur Rúh i Quds aur ímán se bhará : aur ek barí jamáat K̄hudáwand kí taraf rujú láí. 25 Tab Barnabá Saul kí talásh men Tarsus ko chalá : 26 Aur use páke Antákia men láyá. Aur aisá húa, ki we sál bhar majlise ke sáth ekathá húa karte, aur bahut logon ko sikháyá karte the. Aur pahle Antákia men shágird K̄hristian kahláe.

27 Unhín dinon kai ek nabí Yirúshálam se Antákiya men ae. 28 Ek ne un men se, jis ká nám Agabus thá, ut̄hke rúh ke batáne se záhir kiyá, ki tamám mulk men bará kál pařegá, jo Klaudius Kaisar ke waqt men húa. 29 Tab shágirdon men se har ek ne tháná, ki apne maqdúr ke muwáfiq un bháion kí k̄hidmat men, jo Yihúdiya men rahte the, kuchh bhejen. 30 So unhon ne yih kiyá, aur Barnabá aur Saul ke háth buzurgon ke pás bhejá.

## XII. BAB.

1 Un dinon Herod bádsháh ne majlise men se bázon par háth dálá, ki unhen satáwe. 2 Aur Yohan ke bhái Yaqúb ko talwár se már dálá. 3 Aur jab dekhá, ki Yihúdion ko yih pasand áyá, to aur bhí ziyádatí kí, ki Pathar ko bhí pakař liyá (Aur yih íd i Fasah ke dinon men húa.) 4 Aur us ko pakařke qaid men dálá, aur chár chár sipáhion ke pahre men sompá, ki us kí k̄habardáři karen, aur cháhá, ki Fasah ke bád use logon ke sámhne lejáe. 5 Pas qaid men Pathar kí k̄habardáři hotí thí : par majlis dil se us ke liye nit K̄hudá se duá mángá karte. 6 Aur jab Herod ne cháhá, ki use báhar nikále, us rát Pathar do zanjiron se bandhá, do sipáhion ke bích men sotá thá : aur chaukíwále darwáze par qaidk̄háne ke chaukí kar rahe the. 7 De-kho, ki K̄hudáwand ká ek firishta áyá, aur us makán men núr cham-

ká : aur us ne Pathar kí paslí par márke jagáyá, aur kahá, ki Jald uṭh. Aur zanjíreṅ us ke háthon se girgáin. 8 Aur us firishte ne use kahá, ki Kamar bándh, aur apní jútí pahin. Us ne aisá hí kiyá. Phir us ne use kahá, Apná kurtá pahin, aur mere píchhe á. 9 Wuh nikalke us ke píchhe holiyá ; par na jáná, ki jo yih firishte se húa, sach hai ; balki samjhá, ki royá dekhtá hún. 10 Tab pahle aur दूसरे pahar se nikalke, we lohe ke pháṭak tak, jo shahr kí taraf hai, pahunché ; wuh áp se áp un ke liye khul gayá : we nikalke, ek galí se guzar gae ; to usí dam firishta us ke pás se chalá gayá. 11 Tab Pathar ne hosh meṅ áke kahá, Ab main ne yaqín jáná, ki Ḳhudá-wand ne apná firishta bhejá, aur mujhe Herod ke háth, aur Yihú-díon kí sárí qaum kí ták se bachá liyá. 12 Phir sochke, us Yohan kí má Mariyam ke ghar áyá, jo Márk kahlátá hai ; waháṅ bahut log jama hoke, duá máng rahe the. 13 Jab Pathar pháṭak kí khirkí khaṭkhaṭá tá thá, Roda námí ek chhokrí áí, ki chupke sune. 14 Aur Pathar kí áwáz pahchánke, máre Ḳhushí ke pháṭak na kholá, aur daurke andar Ḳhabar dí, ki Pathar pháṭak par khará hai. 15 Unhon ne use kahá, Tú díwání húi hai. Wuh apní bát par rahí, ki yúnhi hai. Unhon ne kahá, Us ká firishta hogá. 16 Magar Pathar khaṭkhaṭá rahá : tab unhon ne darwáza kholke, us ko dekhá, aur dang hogae. 17 Us ne unhon háth se ishára kiyá, ki Ḳhudáwand ne kis tarah use qaidḲháne se nikálá. Aur kahá, ki Yaqúb aur bháíon ko is bát kí Ḳhabar do. Aur wuh áp báhar jáke, दूसरी jagah chalá gayá.

18 Jad subh húi, sipáhi bahut ghabráe, ki Pathar kyá húa. 19 Jab Herod ne us kí talásh karke na páyá, to chaukídáron kí tahqíqát karke hukm kiyá, ki lejáke unheṅ sazá do. Aur áp Yihúdiya se Kaisariya meṅ já rahá.

20 Aur Herod Súr o Saidá ke logon se bigrí thá : tab we ekdil hoke, us ke pás áe, aur Blastus ko, jo bádsháh kí Ḳhwábgáh ká názir thá miláke, sulh cháhí ; kyúñki un ke mulk ko bádsháh ke mulk se kháná muyassar áti thá. 21 Tab Herod ek din ṭhahrá ke bádsháhí poshák pahinke, taḲht par baiṭhá, aur un se bolné lagá. 22 Tab log chilláne lage, ki Yih Ḳhudá kí áwáz hai, ádmí kí nahíñ. 23 Usí dam Ḳhudá ke firishte ne use mára, kyúñki us ne Ḳhudá kí buzurgí na kí : aur kíre parke margayá. 24 Par Ḳhudá ká kalám barhá, aur

phailá. 25 Aur Barnabá, aur Saul apní k̄hidmat p̄urí karke, aur Yohan ko, jo Márk kahlátá hai, sáth leke Yirúshálam se phire.

### XIII. BĀB.

1 Aur Antákia ke majlise men kaí nabí aur tálímdenewále the ; Barnabá, aur Simon jo Niger kahlátá hai, aur Lukius Kurení, aur Manaen, jo chautháí ke hákim Herod ke sáth palá, aur Saul. 2 Jab we K̄hudáwand kí bandagí karte, aur roza rakhte the, Rúh i Quds ne kahá : Mere liye Barnabá, aur Saul ko alag karo, us kám kí k̄hátir, jis ke wáste main ne unhen buláyá. 3 Tab unhon ne roza rakhke, aur duá mángke, un par háth rakhá, aur unhen rukhsat kiyá.

4 Pas we Rúh i Quds ke bheje Seleukia men áe ; aur wahán se jaház par Kuprus ko gae. 5 Aur unhon ne Salamis men pahunchke Yihúdíon ke ibádatk̄hánon men K̄hudá ká kalám sunáyá : aur Yohan un kí k̄hidmat men thá. 6 Aur us tamám tápú men Pafos tak phirke, unhon ek jádúgar aur jhúthe nabí Yihúdí ko, jis ká nám Bar-jesus thá, páyá : 7 Wuh Sergiya Paul hákim ke sáth thá, jo samajhdár shakhs thá ; us ne Barnabá, aur Saul ko buláke cháhá, ki K̄hudá ká kalám sune. 8 Par Elumas jádúgar ne, (ki yahí us ke nám ká tar-juma hai,) un kí bar-khiláfi kí, aur cháhá, ki hákim ko ímán se phirde. 9 Tab Saul (yáne Paul ne) Rúh i Quds se bhar jáke, use ghúrke, 10 Kahá, Ai shaitán ke bachche, tú jo tamám makkári aur aiyári se bhará, aur sab tarah kí rástí ká dushman hai, kyá K̄hudáwand kí sídhi ráhon ko terhí karná na chhoregá ? 11 Ab, dekh, K̄hudáwand ká háth tujh par uṭhá, aur tú andhá ho jáegá, aur kuchh din súraaj ko na dekhegá. Wohín us par siyáhi, aur andherá chhágayá ; aur dhúnḍhtá phirá, ki kóí us ká háth pakarke le chale. 12 Tab hákim yih májara dekh ke K̄hudáwand kí tálím se dang hokar, ímán láyá. 13 Ab Paul, aur us ke sáthí Pafos se jaház kholke, Pamfulia ke Perga men áyá : aur Yohan un se judá hokar Yirúshálam ko phirá.

14 Aur we Perga se guzarke, Pisidia ke Antákiya men pahunche, aur sabt ke din ibádatk̄háne men á baiṭhe. 15 Aur Tauret, aur Nabíon kí kitáb parhne ke bád ibádatk̄háne ke sardáron ne unhen kahlá bhejá, ki Ai bháío, agar kuchh nasíhat kí bát rakhte ho, to logon ke



liye bayán karo. 16 Tab Paul khará húá, aur háth se ishára karke kahá, Ai Isráelío, aur ai K̄hudá se ḍarnewálo, suno. 17 Isráel ke qaum ke K̄hudá ne hamáre báp dádon ko chuná, aur is qaum ko, jab Misr ke mulk menṁ pardesí the, baṛháyá, aur zabardast háth se unhen wahán se nikál láyá. 18 Aur baras chálísek us ne jangal menṁ un kí bardásht kí. 19 Aur Kanán kí zamín menṁ sát qaumon ko halák kiyá, aur un ká mulk hissa karke, unhen bánt diyá. 20 Aur bád us ke, sáṛhe chársau baras ke qaríb, Samuel nabí tak, un menṁ qází muqarrar kiye. 21 Us waqt se unhon ne bádsháh cháhá : tab K̄hudá ne Binyámín ke gharáne se, Qísh ke beṭe Saul ko, chálís baras tak, un par muqarrar kiyá. 22 Phir use uṭháke, Dáúd ko khará kiyá, ki un ká bádsháh ho; aur us ke liye yih gawáhi dí, ki Mainṁ ne ek mard apne dil ke muwáfiq páyá, yáne Yishai ke beṭe Dáúd ko; wahí merí sab k̄hwáhish púri karegá. 23 Usí kí nasl se K̄hudá ne, apne wáde ke muwáfiq, Isráel ke liye naját denewále Yisú ko záhir kiyá: 24 Jis ke áne ke áge, Yohan ne Isráel kí tamám qaum par tauba kí bápísmá kí manádí kí. 25 Aur jab Yohan apne kám púrá karne par thá, us ne kahá, Tum mujhe kaun samajhte ho? Mainṁ wuh nahín hún; balki, dekho, wuh mere bád átá hai, jis kí mainṁ jútí ká tasma kholne ke láiq nahín hún. 26 Ai bháío, Abirahám kí aulád, aur tum menṁ se jitne K̄hudá se ḍarte ho, tumháre liye naját kí k̄habar bhejí gaí. 27 Kyúinki Yirúshálam ke rahnewále aur un ke sardáron ne, use aur nabíon kí báten jo har sabt ko paṛhí játí hainṁ, na jánke, us ke qatl ká hukm karne se, un ko púrá kiyá. 28 Agarchi us ke qatl kí koí wajah na páí, tau bhí Pilát se darḁh-wást kí, ki use már ḍále. 29 Aur jab sab kuchh, jo us ke haqq menṁ likhá thá, púrá kar chuke, to use salíb par se utárke, qabr menṁ rakhá. 30 Lekin K̄hudá ne use murdon menṁ se uṭháyá: 31 Aur wuh bahut din un ko, jo us ke sáth Galíl se Yirúshálam ko áe the, dikhái diyá; we logon ke áge us ke gawáh hainṁ. 32 Aur ham tum ko k̄hush k̄habarí dete hainṁ, ki us wáde ko, jo hamáre báp dádon se húá thá, 33 K̄hudá ne hamáre liye, jo un kí aulád hainṁ, púrá kiyá, ki Yisú ko phir jiláyá; chunan̄chi dúsri Zabúr menṁ likhá hai, ki Tú merá Beṭá hai, áj mujh se paidá húá. 34 Aur yih bát, ki us ne us ko murdon menṁ se uṭháyá, táki bád us ke na saṛe, yún kahí, ki Mainṁ Dáúd kí

sachhí niamateñ tumhen dúngá. 35 Isliye wuh दूसरी jagah bhí kahtá hai, ki Tú apne Quddús ko sarne na degá. 36 Dáúd to apne waqt men K̄hudá kí marzí bajá láke, so gayá, aur apne báp dádon se já milá, aur sar gayá : 37 Par yih, jaise K̄hudá ne uṭháyá, na sará. 38 Pas ai bháío, yih jáno, ki usí ke wasíle, tum ko gunáhoñ kí muáfí kí k̄habar dí játí hai : 39 Aur un sab bátoñ se, jin se tum Músá kí shariát ke rú se begunáh na ṭhahar sakte the, harek, jo ímán látá hai, us ke wasíle begunáh ṭhahartá. 40 Pas k̄habardár raho, aisá na ho, ki jo nabíoñ kí kitáb men likhá hai, tum par áwe ; 41 Ki ai náchíz-jánewálo, dekho, aur tájjub karo, aur nest hojáo : kyünki main tum-háre zamáne men ek kám kartá hún ; aisá kám, ki koí tum se kaisáhi bayán karegá, tum kabhí yaqín na karoge.

42 Jab Yihúdí ibádatk̄háne ke báhar gae, Gairqaumoñ ne un se darṭhwást kí, ki ye báteñ hafte ke bích un se kahen. 43 Jab majlis uṭhgaí, bahut Yihúdí aur naye Yihúdí, jo díndár the, Paul aur Barnabá ke píchhe chale : unhoñ ne un se báteñ karke, is par qáim rahen. 44 Dústre sabt ko qaríb sáre shahr ke log ekaṭhe húe, ki K̄hudá ká kalám sunen. 45 Magar itní bhír dekhke, Yihúdí dáh se bhar gae, aur Paul kí báteñ radd karke, us ke barṭhiláf bolne aur kufr bakne lage. 46 Tab Paul aur Barnabá bedharak bole, ki Zarúr thá, ki K̄hudá ká kalám pahle tumhen sunáyá jáe : lekin jab tum ne us ko radd kiyá, aur ap ko hamesha kí zindagí ke láiq na samjhá, to dekho ham gairqaumoñ kí taraf mutawajjih hote hain. 47 Kyünki K̄hudá-wand ne yúnhín hamen hukm diyá, ki Main ne tujh ko gairqaumoñ ká núr muqarrar kiyá, táki dunyá ke ákhir tak naját ká báis ho.

48 Tab gairqaumen in bátoñ ko sunke k̄hush hún, aur K̄hudá ke kalám kí tárif karne lagín : aur jitne hamesha kí zindagí ke liye tai-yár the, ímán láe. 49 Aur tamám us mulk men K̄hudá ká kalám phailá. 50 Par Yihúdíoñ ne bandagí karnewálí, aur izzatwálí auratoñ, aur shahr ke bare ádmíoñ ko ubhárá, aur Paul aur Barnabá par fasád uṭháyá, aur unhen apní sarhaddoñ se nikál diyá. 51 Tab we apne páoñ kí k̄hák un par jhárke, Ikonium men áe. 52 Aur shágird k̄hushí, aur Rúh i Quds se bhar gae.

## XIV. BĀB.

1 Aur Ikonium men yūn hūá, ki we ek sáth Yihúdíon ke ibádat-  
kháne men gae, aur is taur par kalám kiyá, ki Yihúdíon, aur Yúná-  
nion kí ek baṛí jamáat ímán láí. 2 Par un Yihúdíon ne, jo ímán na  
láe the, gairqaumon ko ubhárá, aur un ká dil bháíon kí taraf se bad  
kardiyá. 3 Is liye we bahut din wahán rahe, aur Kḥudá kí bábat  
bedharak kalám karte the, jo apne fazl kí bábat par gawáhí detá, aur  
un ke háthon se nisháníán aur achambhe dikhátá rahá, 4 Aur shahr  
ke logon men phúṭ parí : báze Yihúdíon ke, aur báze rasúlon kí taraf  
hogae. 5 Par jab gairqaum aur Yihúdíon ne apne sardáron samet  
fasád uṭháyá, ki unhen beízzat aur un par pathráo karen, 6 We yih  
málúm karke, Lukaonia ke shahr Lustra aur Derbe aur un ke ás pás  
ke mulk men bháge : 7 Aur wahán Injíl sunáte rahe.

8 Aur Lustra men ek shakhs, jis ke páon men táqat na thí, baiṭhá  
thá ; wuh janam ká lunjá thá, aur kabhí na chalá : 9 Us ne Paul ko  
báten kartá suná : is ne us kí taraf gaur se dekhke, aur daryáft karke  
ki us men ímán hai, ki changá howe, 10 Baṛí áwáz se kahá, ki Apne  
páon par sídhá khará ho. Aur wuh uchhalke chalne lagá. 11 Jo  
Paul ne kiyá, logon ne yih dekhke, buland áwáz se Lukaonia kí bolí  
men kahá, ki Dewte ádmí ke bhes men utre hai. 12 Aur unhon ne  
Barnabá ko Zeus kahá ; aur Paul ko Hermes, isliye ki wuh pahle bolá  
kartá thá. 13 Aur Zeus, jo un ke shahr ke sámhne thá, us ke káhin  
ne bail aur phúlon ke hár pháṭakon par láke, logon ke sáth cháhá,  
ki qurbán karen. 14 Jab donon rasúl Barnabá, aur Paul ne yih  
suná, to apne kapre pháre, aur logon ke bích men kúdke chilláe, 15  
Ki Ai mardo, tum yih kyún karte ho? Ham bhí ádmí hai, aur  
tumhári tarah hawáss rakhte, aur tumhen Injíl sunáte hai, táki in  
jhúthon se kinára karke, zinda Kḥudá kí taraf phiro, jis ne ásmán,  
aur zamín, aur samundar, aur jo kuchh un men hai, paidá kiyá : 16 Us  
ne agle zamáne men sab qaumon ko chhor diyá, ki apní apní ráh par  
chalen. 17 Tis par bhí us ne ihsán karne, aur ásmán se hamáre liye  
pání barsáne, aur mewa kí faslen paidá karne, aur hamáre dilon ko  
kḥurák aur kḥushí se bhar dene se áp ko be gawáh na chhorá

18 Aur ye báteṅ kahke, logon ko baṛi mushkil se báz rakhá, ki un ko qurbání na chaṛháweṅ.

19 Aur Yihúdíon ne Antákia o Ikonium se áke, logon ko apní taraf, aur Paul par pathráo kiyá, aur yih samajhke ki wuh margayá, use shahr ke táhar ghasít legae. 20 Par jab shágird us ke cháron taraf ekaṭhe húe, wuh uṭhke shahr meṅ áyá: aur dúsre din Barnabá ke sáth Derbe ko chalá gayá.

21 Aur us shahr meṅ Injíl sunáke, aur bahut se shágird karke, Lustra aur Ikonium aur Antákia ko phire, 22 Aur shágirdon ke dilon ko mazbúti dete, aur nasíhat karte the, ki ímán par qáim raho, aur kahá, Zarúr hai, ki ham bahut musíbaten sahke Kḥudá kí bádsháhat meṅ dáḳhil hon. 23 Aur harek majlise meṅ un ke liye buzurg muqarrar karke roza ke sáth duá mángke, unheṅ us Kḥudá ko, jis par ímánláe the, sompá. 24 Aur Pisidia se guzarke, Pamfulia meṅ pahunche. 25 Aur Perga meṅ kalám suná ke, Attalia ko gae: 26 Aur wahán se jaház par Antákia meṅ áe, jahán se us kalám ke liye, jo unhon ne ab púrá kiyá, Kḥudá ke fazl par sompe gae the. 27 Aur pahunchke unhon ne majlise ko ekaṭhe kiyá, aur sab kuchh, jo Kḥudá ne un ke sáth kiyá, aur yih ki gairqaumon ke liye ímán ká darwáza khulá, bayán kiyá. 28 Aur we shágirdon ke sáth wahán bahut din rahe.

## XV. BĀB.

1 Aur báze Yihúdiya se áke bháíon ko tálím dene lage, ki Agar Músá ke dastúr ke muwáfiq tumhárá ḳhatna na ho, tum naját nahín pá sakte. 2 Pas jab Paul aur Barnabá ke aur un ke darmiyán bahut takrár bahs húi, to ṭhahráyá, ki Paul aur Barnabá, aur un meṅ se kaí shaḳhs is kí tahqíq ke liye rasúlon aur buzurgon ke pás Yirúshálam meṅ jáeṅ. 3 Tab majlis ne un ko pahuncháyá, aur we gairqaumon ke rujú láne ká bayán karte Foiníkí aur Sámariya se guzre: aur sab bháíon ko bahut ḳhush kiyá. 4 Aur jab Yirúshálam meṅ pahunche, majlis aur rasúlon aur buzurgon ne un kí ḳhátirdári kí, aur unhon ne, jo kuchh Kḥudá ne un ke sáth kiyá thá, bayán kiyá.

5 Tab bázon ne Farúsíon ke firqe meṅ se, jo ímán láe the, uṭhke

kahá, ki Un ká khatna karná, aur Músá kí shariat par chalne ká hukm dená zarúr hai. 6 Tab Rasúl aur Buzurg jama húe, ki is bát ko sochen. 7 Aur jab baří bahs húi, Pathar ne uťhke un se kahá, Ai bháío, tum jánte ho, ki agle dinon men K̄hudá ne ham men se mujhe chuná, ki gairqaumen merí zabán se injíl kí bát sunen, aur ímán láwen. 8 Aur K̄hudá ne, jo dil kí jántá hai, un par gawáhí dí, ki un ko bhí hamáří tarah Rúh i Quds diyá ; 9 Aur ímán ke báis un ká dil pák karke, ham men un men kuchh faraq na rakhá. 10 Pas ab tum kyún K̄hudá ko ázmáte ho, ki shágirdon kí gardan par júá rakho, jis ko na hamáre báp dáde, na ham uťhá sakte ? 11 Aur ham ko yaqín hai, ki ham K̄hudáwand Yisú Masíh ke fazl se un kí tarah naját páwenge. 12 Tab sáří jamáat chup rahí, aur Barnabá aur Paul se yih bayán sunne lage, ki K̄hudá ne kaisí nisháníáñ, aur karámaten un ke wasíle gairqaumon men záhir kíñ.

13 Jab we chup húe, Yaqúb kahne lagá, Ai bháío, mujh se suno : 14 Ki Simon bayán kiyá, ki kis tarah K̄hudá ne pahle mihrbání kí, ki gairqaumon men se ek garoh apne nám ká chune. 15 Aur nabíon kí báten is se miltí haiñ ; jaisá likhá hai, ki K̄hudáwand, jo yih sab kartá hai, yún farmátá hai, 16 Ki Bád is ke main phir áúngá, aur Dáúđ ke gire húe dere ko banáúngá ; aur us ke túťe phúťe kí marammat karke, use phir khará karúngá : 17 Ki báqí ádmí aur sab gairqaumen, jo mere nám kí kahláte haiñ, K̄hudáwand ko dhúndhen. 18 K̄hudá ko shurú se apne sab kám málúm haiñ. 19 So merí saláh yih hai, ki un par, jo gairqaumon men se K̄hudá kí taraf phire haiñ, bojh na dálen : 20 Par un ko likh bhejen, ki buton kí bandagí, aur harámkárí aur galághonťe, aur lahú se kináre rahen ; 21 Kyúnki agle zamáne se har shahr men Músá kí manádíkarnewále hote áe haiñ, aur har sabbt ke din ibádatkhanon men usí kí kitáb pařhí játí.

22 Tab rasúlon aur buzurgon ne, sáre majlis samet, bihtar jáná, ki apne men se kaí shaķhs chunke, Paul aur Barnabá ke sáth Antákia men bhejen ; yáne Yihúdá ko, jo Barnabá kahlátá, aur Sílá ko, jo bháíon men buzurg the : 23 Aur un ke háth yih likh bhejá ; ki Un bháíon ko, jo gairqaumon men se haiñ, aur Antákia, aur Suriya, aur Kilikia men rahte, rasúlon aur buzurgon, aur bháíon ká salám ! 24 Jab ki ham ne suná, ki bázon ne ham men se, jin ko ham ne hukm

nahín kiyá, jáke tumhen kitní báton se ghabrá diyá, aur tumháre dilon men dubdhá dālá, ki khatna karo, aur sharíat par chalo : 25 So ham ne ekdil hoke bihtar jáná, ki kaí shaḡhs chunke apne bháí Barnabá aur Paul ke sáth tumháre pás bhejen. 26 Aise ádmí hai, ki apní ján tak, hamáre Ḳhudáwand Yisú Masíh ke nám par, khatre men dālá. 27 Pas ham ne Yihúdá aur Silá ko bhejá, ki we ye báten zabání bhí bayán karenge. 28 Kyúнки Rúh i Quds ne aur ham ne bihtar jáná, ki in zarúrí báton ke siwá, tum par aur kuchh boj na dālen ; 29 Ki tum buton ke charháe jánwar, aur lahú, aur galághonṭ kí mārí chízon, aur harámkārí se parhez karo : agar tum in chízon se áp ko bacháe rakhoge, to khúb karoge. Salámat raho !

30 Tab we ruḡhsat hoke, Antákia men áe : aur jamáat ko ekaṭhá karke, khatt diyá : 31 We use parhke is tasallí kí bát se khush húe. 32 Aur Yihúdá aur Silá ne, ki we bhí nabí the, bháíon ko bahutsí báton men nasíhat karke mazbút kiyá. 33 Aur we kuchh din rahke, sahíh salámat bháíon se ruḡhsat hoke, rasúlon ke pás gae. 34 Magar Silá ne wahán rahná bihtar jáná. 35 Aur Paul aur Barnabá Antákia men rahke, aur bahuton ke sáth, Ḳhudáwand ká kalám sikh-láte, aur injil sunáte the.

36 Aur kaí roz bád Paul ne Barnabá se kahá, *Áo*, harek shahr men, jahán Ḳhudá ká kalám sunáyá, phir jáke apne bháíon kí khabar len, ki kaise hai. 37 Aur Barnabá kí saláh thí, ki Yohan ko, jo Márk kahlátá hai, apne sáth lejáe. 38 Magar Paul ne munásib na jáná, ki is shaḡhs ko, jo Pamfulia men un se judá húa, aur is kám ke liye un ke sang na gayá, síth le jáe. 39 Tab un men aisí nákhushí húi, ki ek dúsre se judá hogayá . aur Barnabá Márk ko leke jaház par Kuprus ko rawána húa. 40 Aur Paul ne Silá ko pasand kiyá, aur bháíon ne unhen Ḳhudá kí mihrbání ke hawále kiyá, tab wuh rawána húa. 41 Aur Suriya aur Kilikiya ke majlison ko mazbút kartá phirá.

## XVI. BAB.

1 Wuh Derbe aur Lustra men pahunchá : aur dekho, wahán Timotheus námí ek shágird thá, jis kí má Yihúdin thí, jo ímán láí ; par

us ká báp Yúnání thá : 2 Aur wuh Lustra aur Ikonium men bháíon ke nazdík neknám thá. 3 Paul ne cháhá, ki use apne sáth lechale ; to us ko lejáke un Yihúdíon ke sabab, jo in nawáhon men the, us ká khatna kiyá, kyúnki we sab jánte the, ki is ká báp Yúnání thá. 4 Aur jab we shahron men guzarte the, to un hukmon ko, jo rasúlon aur buzurgon ne Yirúshálam men thahráyá thá, unhen pahuncháyá, ki un par amal karen. 5 Pas majlison ká ímán mazbút húá, aur gintí men roz ba roz barhte gae.

6 Jab we Frugia aur Galatia ke mulk se guzre, to Rúh i Quds ne unhen mana kiyá, ki Asia men kalám na sunáwen. 7 Tab we Musia men áke, Bithunia kí tadbír men lage : par Rúh ne unhen jáne na diyá. 8 So we Musia se guzarkar, Troas ke shahr men utar áe. 9 Paul ne rát ko royá dekhá ; ki ek Makedoní ádmí khará húá, us kí minnat karke kahtá hai, ki Pár utar, aur Makedonia men áke hamá-rí madad kar. 10 Jab us ne royá dekhá, usí dam ham ne cháhá, ki Makedonia jáen, yih yaqín karke, K̄hudáwand ne hamen buláyá, ki unhen injíl sunáwen.

11 Pas Troas se kishítí kholke, ham sídhe Samothrakia men, aur dúsre din Neapolis men áe ; 12 Aur wahán se, Filippí men, jo Makedonia ke us taraf ká bará shahr, aur Rúmíon kí bastí thí : ham kuchh din usí shahr men rahe. 13 Aur sabbt ke din shahr ke báhar nadí kináre gae, jahán duá mánge ká dastúr thá ; aur baiṭhke un auraton se, jo ekathí thí, báten karne lage. 14 Aur Thuatéira shahr kí ek K̄hudáparast aurat Ludia nám qirmiz bechnewálí, suntí thí : us ká dil K̄hudáwand ne kholá, ki Paul kí báton par jí lagáyá. 15 Aur jab us ne apne gharáne samet bápísmá páyá, to minnat karke kahá, Agar tumhen yaqín hai, ki main K̄hudáwand par ímán láí, to chalke mere ghar men raho. Aur hamen zabardastí legáí.

16 Aur aisá húá, ki jab ham duá mángne játe the, ek chhokrí, jis men peshon kí rúh samáí thí, hamen milí, jo abhawáke apne málikon ke liye bahut kuchh paidá kartí thí : 17 Wuh Paul ke, aur hamáre píchhe áke chilláí, ki Ye log K̄hudá Tálá ke bande hai, jo ham ko naját kí ráh batáte hai. 18 Aur us ne yih bahut dinon tak kiyá. Ak̄hir Paul diqq húá, aur phirke us rúh se kahá, ki Main tujhe Yisú

Masíh ke nám par hukm kartá hūn, ki is se nikal já. Wuh usí dam nikal gaí.

19 Jab us ke málikon ne dekhá, ki un kí kamáí kí ummed játí rahí, to Paul o Silá ko pakarke, bázár men hákimon ke pás khench lechale, 20 Phir unhen sardáron ke áge lejáke kahá, ki Ye log, jo Yihúdí hain, hamáre shahr ko bahut satáte hain, 21 Aur ham ko aisí rasmen batáte, jin ko hamen ki Rómí hain mánná aur amal karná rawá nahín. 22 Tab sab milke un ke muḡhálif hūe : aur sardár ne un ke kapre pharke, un ko bet márne ká hukm diyá. 22 Aur unhen bahut márke, qaid men ḡalá, aur qaidḡháne ke dároga se tákíd kí, ki barí hoshyáí se un kí ḡhabardáí kar. 24 Us ne aisá hukm páke unhen andar ke qaidḡháne men ḡalá, aur un ke páon káth men die.

25 Adhí rát ko Paul aur Silá duá mángte, aur Ḳhudá kí táríf men gít gáthe the : aur bandhúe unhen sunte. 26 Ekbárgí bará bhúmchál áyá, aisá ki qaidḡháne kí neo tak hil gaí : aur jhaḡ sab darwáze khul gae, aur sab kí berían gir gaín. 27 Aur qaidḡháne ká dároga jág uḡhá, aur jab qaidḡháne ke darwáze khule dekhe, to yih samajhke ki bandhúe bhág gae, talwár khenchke cháhá, ki áp ko márdále. 28 Tab Paul ne zor se pukárke kahá, Ap ko nuqsán mat pahunchá : kyúnci ham sab yahán maujúd hain. 29 Tab wuh chirág mangwáke bhítar daurá, aur kámptá húa Paul aur Silá ke páon par girá, 30 Aur unhen báhar láke kahá, Sáhibo, main kyá karún, ki naját páún ? 31 Unhon ne kahá, ki Ḳhudáwand Yisú Masíh par ímán lá, ki tú aur terá gharáná naját páwegá. 32 Tab unhon ne us ko, aur sab ko, jo us ke ghar men the, Ḳhudáwand ká kalám sunáyá. 33 Aur us ne usí dam rát ko unhen leke, un ke zaḡhm dhoe : aur us ne, aur sab ne, jo us ke the, usí waqt báptismá páyá. 34 Aur unhen apne ghar láke unke sámhne dastarḡhwán bíchháyá, aur us ne apne tamám ghar samet Ḳhudá par ímán láke, ḡhushí kí.

35 Jab din húa, sardáron ne piyádon se kahá bhejá, ki Un ádmíon ko chhoḡ de. 36 Tab qaidḡháne ke dároga ne Paul ko is bát kí ḡhabar dí, ki sardáron ne kahlá bhejá, ki tumhen chhoḡden : pas ab nikalke salámat chale jáo. 37 Paul ne un se kahá, ki Unhon ne hamen, jo Rómí hain, begunáh sábit kiye, logon ke sámhne bet márke



qaid men dālā ; aur ab ham ko chupke nikálte haiñ ? aisá na hogá ; balki we ap áke hamen nikál lechalen. 38 Tab piyádon ne ye báten sardáron ko sunáin : jab unhon ne suná, ki Rómí haiñ, dargae. 39 Aur áke unhen manáyá, aur báhar láke, darḡhwást kí, ki shahr se chale jáen. 40 Tab we qaid se nikalke Ludia ke yahán gae : aur bháion ko dekhke unhen dilásá diyá, aur rawána húe.

## XVII. BAB.

1 Tab we Amfipolis o Apollonia se guzarke, Thessalonika men, jahán Yihúdíon ká ek ibádatḡhána thá, áe : 2 Aur Paul apne dastúr par un ke bích gayá, aur tñ sabb un se kholke aur sábit karke kitábon se bayán kiyá, 3 Ki zarúr thá, ki Masíh dukh uḡháwe, aur murdon men se jí uthe ; aur yih Yisú, jis kí main manádi kartá hñ, wahí Masíh hai. 4 Tab un men se bázon ne mán liyá, aur Paul aur Silá ke sharík húe ; aur Ḳhudáparast Yúnánion kí barí jamáat, aur bahuterí ashraf auraten bhí.

5 Par jin Yihúdíon ne na máná, dáh ke sabab, bázár ke kaí ek luchchon ko apne sáth leke, bhír lagáke shahr men hangáma kiyá, aur Jason ká ghar gherke unhen dhúndhá, ki logon ke sámhne khench láwen. 6 Aur jab unhon na páyá, to Jason aur kaí bháion ko shahr ke sardáron pás yñ chilláte húe, khench láe, ki Ye shaḡhs, jinhon ne jahán ko ulaḡ diyá, yahán bhí áe haiñ ; 7 Un kí mihmán Jason ne kí ; aur we sab Kaisar ke hukmon kí barḡhiláfi karke, kahte haiñ, ki Ek dúsrá bádsháh hai, yáne Yisú. 8 So unhon ne logon, aur shahr ke sardáron koí, jau unhon ne yih suná, ghabrá diyá. 9 Tab unhon ne Jason aur bíqion se zámín leke chhor diyá.

10 Lekin bháion ne usí dam rátonrát Paul aur Silá ko Berea shahr men bhej diyá : we wahán pahunchke, Yihúdíon ke ibádatḡháne men gae. 11 Yahán ke log Thessalonikiou se nekzát the ; unhon ne bare shauḡ se kalám ko qabúl kiyá, aur roz roz kitábon men dhúndhte rahe, ki ye báten yñhñ haiñ, yá, nahñ. 12 Is wáste bahutere un men se ímán láe, aur bahut se Yúnání sharíf auraten aur mard bhí. 13 Jab Thessalonika ke Yihúdíon ne jáná, ki Paul Ḳhudáwand ká kalám Berea men bhí sunátá hai, to wahán bhí áe, ki logon ko ubhá-

reण. 14 Tab bháion ne usí dam Paul ko rukhsat kiyá, ki samundar kí taraf jáe : lekin Silá aur Timotheus rahe. 15 Aur we, jo Paul ko ráh dikháthe the, use Athene tak lie : aur Silá aur Timotheus ke liye hukm leke, ki jis tarah ho sake, jald us ke pás áwen, rawána húe.

16 Aur jis waqt Paul Athene men un kí ráh taktá thá, jab us ne dekhá, ki yih shahr buton se bhará hai, to us ká jí jal gayá. 17 Is liye wuh ibádatkháne men Yihúdíon aur K̄hudáparaston se, aur bázár men un se, jo roz use milte the, guftgú kartá thá. 18 Tab kaí Epikurí aur Stoikí álim us se bahsne lage, aur bázon ne kahá, Yih bakwásí kyá kahá cháhtá hai? auron ne kahá, Yih naye dewton kí k̄habar denewálá málúm partá hai : is liye ki wuh unhen Yisú aur qiyámat kí k̄hushk̄habarí detá thá. 19 Tab we pakarke Areopagus par legae, aur kahá, Hamen málúm ho saktá hai, ki yih naí tálím, jo detá hai, kyá? 20 Kyúнки hamáre kán men anokhí báten pahunchátá hai : so ham jáná cháhte hai, kyá ki unse garaz hai. 21 (Is wáste ki sáre Athení, aur musáfir, jo wahán já rahe the, apní fursat ká waqt, siwá naí bát kahne aur sunne ke, nahín gañwáthe the.)

22 Tab Paul Areopagus ke bích men khará hoke bo'á, Ai Athení, main tum ko har súrát se dewton ke bare pújnewále dekhtá hún. 23 Kyúнки main ne phirte, aur un par, jinhen tum pújte ho, nazar karte húe, ek bedí páí, jis par yih likhá thá, ki NAMALU'M K̄HUDA KE LIYE. Pas jis ko tum be málúm kiye pújte ho, main tum ko isí kí k̄habar detá hún. 24 Wuh K̄hudá, jis ne dunyá aur sab kuchh jo us men hai, paidá kiyá, wuh ásmán aur zamín ká málík hoke, na háth ke banáe haikalon men rahtá; 25 Na kisú chíz ká muhtáj hoke, ádmíon ke háth se k̄hidmat letá; wuh to áp sab ko zindagí aur sáns, aur sab kuchh bakhshtá hai; 26 Aur ek hí lahú se ádmí kí sab qaum tamám zamín par basne ke liye paidá kí, aur muqarrar waqt aur un ke rahne kí hadden thahráin; 27 Táki K̄hudá-wand ko dhúnḍhen, sháyad use daryáft karen aur páwen, agarchi wuh ham men kisí se dúr nahín : 28 Kyúнки usí se ham jíte, aur chalte phirte, aur maujúd hai; jaise tumháre sháiron men se bhí kitnon ne kahá hai, ki Ham to us kí nasl hai. 29 Pas K̄hudá kí nasl hoke hamen lázim nahín, ki yih k̄hiyál karen, ki K̄hudái sone, rúpe, yá pathar kí mánind hai, jo ádmí kí hazár tadbír se bane.

30 Garaz ki K̄hudá jahálat ke waq̄ton se tarah deke, ab sab ádmíon ko har jagah hukm detá hai, ki tauba karen: 31 Kyúnki us ne ek din thahráyá hai, jis men wuh rástí se dunyá kí adálat karegá, us shaḡhs kí márifat, jise us ne muqarrar kiyá; aur use murdon men se uṡháke yih bát sab par sábit kí.

32 Aur jab unhon ne murdon ke jí uṡhne kí suní, to báze thathá márne lage: o bázon ne kahá, Yih bát ham tujh se phir sunenge. 33 Tab Paul un ke darmiyán se chalágayá. 34 Par kitne ádmí us se milke, ímán láe: un men Dionusius Areopagus ká ek saláhkár, aur Damaris námí ek aurat aur kaí aur un ke sáth the.

### XVIII. RAB.

1 Bád us ke Paul Athene se nikalke Korinth men áyá. 2 Aur wahán Aquila námí ek Yihúdá ko páyá, jis kí paidáish Pontus kí thí, aur unhn̄ dinon apní jorú Priskilla ke sáth Italia se áyá thá; (kyúnki Klaudius ne hukm diyá thá, ki sab Yihúdí Róm se nikal jáen: ) so wuh un ke pás gayá. 3 Aur isliye ki wuh un ká hampesha thá, un ke sáth rahá, aur kám karne lagá: kyúnki un ká bhí pesha ḡhaima banáná thá. 4 Aur wuh har sabb ko ibádatḡháne men kalám kartá aur Yihúdíon aur Yúnáníon ko qáil kartá thá. 5 Aur jab Silá aur Timotheus Makedonia se áe, Paul kalám sunáne men dil o ján se lagá, aur Yihúdíon ke áge gawáhí dí, ki Yisú wahí Masíh hai. 6 Jab we muqábalá karne, aur kufr bakne lage, us ne apne kapre jhárke, un se kahá, Tumhárá ḡhún tumháre gardan par; main pák hún: ab se gairqaumon kí taraf jáúngá. 7 Wahán se wuh chalá, aur Justus námí K̄hudáparast ke ghar, jo ibádatḡháne se milá thá, gayá. 8 Aur ibádatḡháne ká sardár Krispus, apne tamám ghar samet K̄hudáwand par ímán láyá; aur bahut se Korinthí, jo sunte the, ímán láe aur báp̄tismá páe. 9 Tab K̄hudáwand ne rát ko royá men Paul se kahá, Matḡdar, kahtá já, chup na ho. 10 Isliye ki main tere sáth hún, aur koí tujh se badsulúkí karne na páwegá, kyúnki is shahr men mere bahut log hai. 11 So wuh deḡh baras wahán thaharke, un ke darmiyán K̄hudá ká kalám síkhátá rahá.

12 Aur jab Gallio Akhaia ká sūba thá, tab Yihúdí ekí karke Paul

par chaṛh áe, aur use adálat meṅ legae, 13 Aur kahá, Yih shaḅhs logoṅ ko bahkatá, ki shariát ke barḅhiláf Ḳhudá ko pújen. 14 Aur jab Paul ne cháhá, ki zabán khole, Gallio ne Yihúdiõ se kahá, Ai Yihúdiõ, agar kuchh zulm yá sharárat hotí, to wájib thá, ki main sabr karke tumhári suntá : 15 Par agar yih sawál tumhári tálím, aur námoṅ, aur shariát ke haqq meṅ hai, to tumhíṅ dekho ; kyúñki main nahíṅ cháhtá, ki aisí bátoṅ ká munsif hoṅ. 16 Tab us ne unseṅ adálat se nikál diyá. 17 Aur sab Yúnániõ ne ibádatḅháne ke sardár Sosthenes ko pakarke, adálat ke sámhne mára. Par Gallio ne us ká kuchh ḅhiyál na kiyá.

18 Aur Paul aur bhí bahut dín waháṅ rahá ; phir bháioṅ se ruḅhsat hoke, aur Kenkhrea meṅ sir munḅáke, kyúñki us ne mannat máñi thí, jaház par Suria ko rawána húá, aur Priskilla aur Aquila us ke sáth the. 19 Aur Ephesus meṅ pahunchke unheṅ wahíṅ chhoṛá : aur áp ibádatḅháne meṅ jáke, Yihúdiõ se kalám kiyá. 20 Tab unhoṅ ne us se darḅhwást kí, ki aur kuchh dín un ke sáth rahe, par us ne na máná ; 21 Aur un se yih kahke ruḅhsat húá, ki Har hál meṅ mujhe zarúr hai, ki Yirúshálam meṅ ánewálí íd karúṅ : par agar Ḳhudá cháhe, to tumháre pás phir áungá. Aur Ephesus se jaház kholá. 22 Aur Kaisariya meṅ utarke, Yirúshálam meṅ áyá, aur majlis se muláqát karke Antákia ko gayá. 23 Aur kuchh dín rahke, waháṅ se rawána húá, aur Galatia aur Frugia ke mulk meṅ barábar guzartá, aur sab shágirdoṅ ko mazbút kartá gayá.

24 Aur Apollos námí ek Yihúdí, jis kí paidáish Iskandaria kí thí, jo fasíh aur pák kitáboṅ meṅ zabardast thá, Ephesus meṅ pahunchá. 25 Is shaḅhs ne Ḳhudáwand kí ráh kí tarbiyat pái thí ; aur jí lagáke kalám kartá, aur durustí se Ḳhudáwand kí báteṅ sikhátí thá, par sirf Yohan ká bápísmá jántá thá. 26 Wuh ibádatḅháne meṅ bedharaḅ bolne lagá : aur Aquila, aur Priskilla ne us kí sunke, use apne sáth liyá, aur us ko Ḳhudá kí ráh aur bhí durustí se batái. 27 Jab us ne Akhaia utar jáne ká iráda kiyá, to bháioṅ ne shágirdoṅ ko likhke darḅhwáste kí, ki us kí mihmání karen : us ne waháṅ pahunchke, un kí, jo fazl ke sabab ímán láe the, baṛí ḅhátirdári kí : 28 Kyúñki us ne baṛí tezí se logoṅ ke áge Yihúdiõ ko qáil, aur pák kitáboṅ se sábit kiyá, ki yih Yisú Masíh hai.

## XIX. BAB.

1 Aur aisá húá, ki jab Apollos Korinth men thá, Paul úpar ke mulkon se guzarke Ephesus men áyá : aur kaí shágirdon ko páke, 2 Un se kahá, Tum ne ímán láke Rúh i Quds páyá? Unhon ne use kahá, Ham ne to suná bhí nahín, ki Rúh i Quds hai. 3 Us ne un se kahá, Pas tum ne kis ká bápísmá páyá? We bole, ki Yohan ká bápísmá. 4 Paul ne kahá, Yohan ne tauba ká bápísmá diyá, logon se yih kahte húe, ki Us par, jo mere píchhe átá hai, yáne Masíh Yisú par ímán láo. 5 Unhon ne yih sunkar, Kḥudáwand Yisú ke nám par bápísmá páyá. 6 Aur jab Paul ne un par háth rakhá, un par Rúh i Quds áyá, aur we tarah tarah kí zabáneḥ bolne aur nabúwat karne lage. 7 We sab ádmí bárahek the.

8 Aur wuh ibádatkḥáne men jáke, bedharak boltá, aur tín mahíne Kḥudá kí bát kahtá, aur unheḥ samjhátá rahá; 9 Lekin jab bázon ke dil saḥt ho gae, aur ímán na láe, balki logon ke sámhne is ráh ko burá kahne lage, us ne un se kináre hoke, shágirdon ko alag kiyá, aur har roz Turannus námí ek shaḥs ke madrase men guftgú kartá thá. 10 Yih do baras tak hotá rahá; aisá ki sab Asia ke rahnewálon ne, kyá Yihúdí, kyá Yúnání, Kḥudáwand Yisú ká kalám suná. 11 Aur Kḥudá Paul ke háth se baḥí baḥí karámat dikhátá thá: 21 Yahan tak ki rúmál aur paṭke, jo us ke badam se chhú játe the, bímárí játi rahtí, aur burí rúheḥ un se nikal játi thín.

13 Tab báze phirne aur jhárne phúknewále Yihúdíon ne ikhtiyár kiyá, ki un par, jin men burí rúheḥ samái thín, Kḥudáwand Yisú ká nám phúken, ki Ham tum ko us Yisú kí qasam dete hain, jis kí Paul manádi kartá hai. 14 Aur un men Skeva Yihúdí sardár káhin ke sát beṭe the, jo yih karte the. 15 Tab burí rúh ne jawáb men kahá, ki Yisú ko main jántá, aur Paul ko pahchántá hún; par tum kaun ho? 16 Aur wuh shaḥs, jis par burí rúh thí, un par lapká, aur gálib áke, un par aisí ziyádatí kí, ki we nange aur gháyal us ghar se bháge. 17 Aur yih bát sab Yihúdíon aur Yúnáníon ko, jo Ephesus men rahte the, málúm húi; to sab ḍargae, aur Kḥudáwand Yisú ke nám kí buzurgí húi. 18 Aur bahuteron ne un men se, jo ímán láe the, áke apne kámon ko qabúl diyá, aur záhir kiyá. 19 Aur bahuton ne,

jo jádú karte the, apní kitáben ekathí karke, logon ke áge jaládín : aur jab un kí qímat ká hisáb kiyá, to pachás hazár rúpiye ṭhahre. 20 Isí tarah Ḳhudáwand ká kalám bahut baṛh gayá, aur mazbút húa.

21 Jab yih ho chuká, Paul ne jí men ṭhahráyá, ki Makedonia aur Akhaia hoke, Yirúshálam men jáún, aur kahá, Wahán pahunchne ke bád, zarúr Rúm ko dekhúngá ; 22 So un men se, jo us kí ḳhidmat karte the, do shaḳhs Timotheus aur Erastus ko Makedonia men bhejke, áp kuchh din Asia men rahá. 23 Aur un dinon is ráh kí bábat wahán baṛá fasád húa. 24 Kyúnki Demetrius nám ek sonár Artemis ke mandir ki mánindchándí ke mandir banátá thá, aur is peshawálon ko bahut kamwá detá ; 25 Us ne un ko aur dúsron ko, jo aisá kám karte the, jama karke kahá, ki Ai mardo, tum jánte ho, ki hamárá faráгат isí kám kí badaulat hai. 26 Aur tum dekhte aur sunte ho, ki sirf Ephesus ke nahín, balki qaríb tamám Asia ke, yih Paul logon ko samjháke, pher detá hai, ki kahtá hai, Yih jo háth ke banáe hain, Ḳhudá nahín hain. 27 So sirf yahí dahshat nahín, ki hamárá pesha beqadr ho jáe ; balki baṛí deí Artemis ká mandir náchíz ho jáe, aur us kí buzurgí, jise tamám Asia aur sárá dunyá pújtí hai, játí rahe. 28 Jab unhou ne yih suná, to gusse se bhargae, aur chilláke kahá, ki Ephesíon kí Artemis baṛí hai. 29 Aur tamám shahr men balwá húa : aur sab milke Gaius aur Aristarkhus ko, jo Makedonia ke rahnewále, aur Paul ke hamsafar the, pakaṛke tamáshágáh ko daure. 30 Aur jab Paul ne cháhá, ki logon ke bích men jáe, to shágirdon ne use jáne na diyá. 31 Aur Asia ke buzurgon men se bázon ne, jo us ke dost the, us ke pás ádmí bhejke minnat kí, ki tamáshágáh men mat já. 32 Aur bázon ne kuchh chilláke kahá, bázon ne kuchh : kyúnki jamáat ghabráí thí, aur aksaron ne na jáná, ki kis liye ekathe húe hain. 33 Tab Sikandar ko, jise Yihúdí dhakiyáte the, logon ke bích se áge ḳar liyá. Aur Sikandar ne háth se ishára karke cháhá, ki logon ke sámhne uzr kare. 34 Jab unhou ne jáná, ki wuh Yihúdí hai, to sab do ghanṭe ke qaríb ekdam chilláte rahe, ki Ephesíon kí Artemis baṛí hai.

35 Aur jab shahr ke kotwál ne logon ko ṭhandhá kiyá, to kahá, Ai Ephesí, kaun ádmí hai, jo nahín jántá, ki Ephesíon ká shahr baṛí

devī Artemis kā mandir, aur us múrat kā, jo Zeus se girí, pujairí hai? 36 Pas jab koí in báton kí k̄hiláf nahín kah saktá, to wájib hai, ki tum chup raho, aur be soche kuchh na karo. 37 Kyúнки yahí, jin ko tum láe, na mandir ke chor, na tumhári deví ke burá kahnewále hain. 38 Par agar Demetrius aur us ke hampeshe kisú par dawá rakhte hon, to adálat khulí hai, aur hákim baiṭhe hain : ek ek par nálish karen. 39 Aur jis súrāt men kuchh par cháhte hain, to sharai majlis men faisal hogá. 40 Kyúнки hameñ k̄hatra hai, ki áj ke fasád ke wáste ham par nálish ho, is liye ki koí sabab nahín, ki is hangáme kā jawáb de saken. 41 Aur yih kahke majlis uṭhá dí.

## XX. BĀB.

1 Jab hullar mauqúf húa, Paul shágirdon ko buláke gale lagáke wahán se rawána húa, ki Makedonia ko jáe. 2 Aur un mulkon se guzarke aur unhen bahut nasíhat karke Yúnán men áyá, 3 Aur tín mahíne wahán rahá. Jab jaház par Surya men jáne ko thá, Yihúdí us kí ghát men lage ; tab us kí yih saláh ṭhahrí, ki Makedonia kí ráh se phire. 4 Aur Sopater Bareí, aur Aristarkhus, aur Sakundus, jo Thessalonika ke the, Gaius Derbeí aur Timotheus, aur Tukhikus, aur Trophimus, jo Asia ke the, Asia tak us ke sáth gae. 5 We áge jáke, hamáre liye Troas men ṭhahre. 6 Aur Fatír ke dinon ke bád ham Filippí se jaház par rawána hoke, pánchwen din Troas men un ke pás pahunche ; aur sát din wahán ṭhahre.

7 Aur hafte ke pahle din, jab shágird roṭí torne ko ekaṭhe húe, Paul dúsre din jáne par thá ; aur ádhí rát tak báten kartá rahá. 8 Aur us koṭhe par, jahán we ekaṭhe the, bahut chirág jalte the. 9 Aur Eutukhus nám ek jawán khirkí par baiṭhá thá, us ko baṭí nínd áí ; aur jab Paul der tak báten kartá rahá, wuh máre nínd chhak paṛá ; aur tísre darje se niche girpaṛá, aur jab uṭháyá, to murda páyá. 10 Tab Paul utarke use lipaṭ gayá, aur gale lagáke logon se kahá, mat ghabráo : kyúнки us kí ján us men hai. 11 Aur úpar jáke roṭí torke khái, aur baṭí der tak un se báten kartá rahá, yahán tak, ki bhor ho gaí, wuh usí hálāt men chalá gayá. 12 Aur us larke ko jítá láe, aur niháyat k̄hátir jama húe.

13 Aur ham kishtí par sawár hoke áge Assos ko gae, is iráde par, ki wahán Paul ko apne sáth charhálen : kyúнки wuh wahán paidal jáne ká iráda karke yún farmá gayá thá. 14 Jab wuh Assos men hamen milá, use charháke Mitulene men áe. 15 Aur wahán se kishtí kholke, dúsre din Khios ke sámhne áe ; aur tísre din Samos men pahunche ; aur Trogullium men rahke, ek din ke bád Miletus men áe. 16 Kyúнки Paul ne tháná thá : ki Ephesus se guzar jáe, aisá na ho ki us ko Asia men rahne se der lage : is liye jaldí kartá thá, ki agar ho sake, to Pentekost ke din Yirúshálam men rahe.

17 Aur us ne Miletus se Ephesus men kahlá bhejke, majlis ke buzurgoṅ ko buláyá. 18 Aur jab we us ke pás áe, to unhen kahá, Tum jánte ho, ki jab se main Asia men áyá, pahle hí din se har waqt kis tarah tumháre sáth rahá : 19 Kamál ájizí se bahut ánsú baháke, un ázmáishon men, jin men Yihúdíon ke ghát lagáne se main phansá thá, Kḥudáwand kí kḥidmat kartá rahá : 20 Main kaisí koí chíz, jo tumháre fáide kí thí, na chhoṛí ; balki tumhen kḥabar dí, aur tum ko jamáat men aur ghar sikháí. 21 Yihúdíon aur Yúnáníon ke símhne gawáhí dí, ki Kḥudá ke áke tauba karo, aur hamáre Kḥudáwand Yisú Masíh par ímán láo. 22 Aur ab, dekho, main rúh ká bándhá Yirúshálam ko játá hún, aur nahín jántá, ki wahán mujh par kyá guzregá : 23 Magar itná, ki Rúh i Quds har shahr men yih kahke gawáhí detá hai, ki qaid o musíbat mere liye taiyár haiṅ. 24 Lekin main use kuchh nahín samajhtá, na apní ján ko azíz rakhtá, ki apná kám kḥushí se púra karún, aur wuh kḥidmat bhí, jo main ne Kḥudáwand Yisú se páí, ki Kḥudá ke fazl kí injíl par gawáhí dúṅ. 25 Aur ab, dekho, main jántá hún, ki tum sab, jin men ki main Kḥudá kí bádsháhat kí manádí kartá phirá, merá munh phir na dekhoge. 26 Pas main áj ke din tumhen gawáh rakhtá hún, ki main sab ke kḥún se pák hún. 27 Kyúнки main Kḥudá kí sárí marzí tumhen sunáne se báz na rahá. 28 Pas apní aur us sáre galle kí kḥabardáří karo, jis par Rúh i Quds ne tumhen nigáhbán thahráyá, ki Kḥudá ke majlis ko, jise us ne apne hí lahú se mol liyá, charáo. 29 Kyúнки main yih jántá hún, ki mere jáne bád phárnewále bheṛiye tumháre darmiyán men áwenge, jinhen galle par kuchh tars na áwegá. 30 Aur kḥud tum men se ádmí uṭhenge, jo ultí báten



kahenge, ki shágirdon ko apní taraf khench len. 31 Is liye jágte raho, yih yád rakhke, ki main tîn baras tak rát din ro roke harek ko chitáne se báz na áyá. 32 Ai bháío, ab main tumhen K̄hudá aur us ke fazl ke kalám ko somptá hún, jo saktá hai, ki tumhen kámil kare, aur muqaddason men mírás de. 33 Main ne kisí ke rúpe, yá sone, yá kapre ká lálach na kiyá. 34 Tum ab jánte ho, ki inhín háthon ne merí aur mere sáthion kí zarúraten nikálín. 35 Main ne sab chízen batáín, ki tum ko cháhiye, ki yúnhi mihnát karke, kamzoron kí madad karo, aur K̄hudáwand Yisú kí báten yád rakho, jo us ne k̄hud farmáyá, ki Dená lene se bahut mubáarak hai.

36 Ye báten kahke, us ne ghuṭne ṭekke, un sab ke sáth duá mángí. 37 We bahut roe, aur Paul ke gale lagke use chúmá. 38 Aur k̄hásskar is bát ke liye gamgín húe, jo us ne kahá thá, ki Tum merá munh phir na dekhoge. Aur jaház tak use pahuncháyá.

## XXI. BĀB.

1 Aur aisá húa, ki jab ham ne un se judá hoke langar uṭháyá, to sídhí ráh Koos men áe, aur dúsre din Rhodus men, phir Patara men. 2 Aur ek jaház Foiníqí ko játe páke, us par chaṛhe, aur rawána húe. 3 Aur jab Kuprus nazar áyá, use báyen háth chhoṛkar Surya ko chale, aur Súr men lagáyá : kyúnki wahán jaház ká bojh utárná thá. 4 Aur shágirdon ko páke ham sát roz wahán rahe : unhon ne Rúh ke batáne se Paul ko kahá, ki Yirúshálam men mat já. 5 Par ham un dinon ko púrá karke nikle, aur apní ráh lí ; aur un sabhon ne jorú larke samet shahr ke báhar tak ham ko pahuncháyá : aur ham ne samundar ke kináre par ghuṭne ṭekke duá mángí. 6 Aur ek dúsre se widá hoke, ham jaház par chaṛhe ; aur we apne apne ghar ko phire.

7 Aur jab ham Súr se jaház ká safar kar chuke, Ptolemais men pahunche, aur bháion ko salám karke, ek din un ke sáth rahe. 8 Dúsre din Paul aur us ke sáthí rawána hoke Kaisariya men áe : aur Fílip ke yahán, jo injíl ká sunánewálá, aur un sáton men se thá, utarke, us ke sáth rahe. 9 Aur us kí chár kunwári beṭián thín, nabúwat kartí thín. 10 Aur jab ham wahán bahut din rahe, Agabus

námí ek nabí Yihúdiya se áyá. 11 Us ne hamáre pás áke Paul ká kamarband uthá liyá, aur use háth páon bándhke kahá, ki Rúh i Quds yún kahtá hai, isí mard ko, jis ká yih kamarband hai, Yihúdí Yirúshálam men yúnhín bándhenge, aur gairqaumon ke háth men sompenge. 12 Jab yih suná, to ham ne aur wahán ke logon ne us kí minnat kí, ki Yirúshálam ko na jáe. 13 Tab us ne jawáb diyá, Tum kyá karte ho, ki rote aur merá dil toṛte ho? kyúнки main na sirf bándhe jáne ko, balki Yirúshálam men Kḥudáwand Yisú Masíh ke nám par marne ko bhí taiyár hún. 14 Par jab us ne na máná, to ham yih kahke chup ho rahe, ki jo Kḥudá kí marzí ho. 15 Aur un dinon ke bád ham apní taiyári karke Yirúshálam ko chale. 16 Aur Kaisariya se kaí ek shágird hamáre sáth chale, jo hamen Mnason Kuprusí ek qadím shágird ke pás láe, ki ham us ke yahán mihmán hon.

17 Aur jab ham Yirúshálam men pahunche, bháíon ne kḥushí se hamári kḥátirdári kí. 18 Aur dúsre din Paul hamáre sáth Yaqúb ke yahán gayá; aur sab Buzurgí wahán ekaṭhe the. 19 Aur unhen salám karke, us ne jo kuchh Kḥudá ne us kí kḥidmat ke wasíle gairqaumon men kiyá thá, barábar bayán kiyá. 20 Aur unhon ne yih sunke Kḥudá kí tárif kí, aur use kahá, Bhái tú dekhtá hai, ki kaí hazár Yihúdí hain, jo ímán láe; aur sab shariát par bahut garm hain: 21 Aur unhon ne tere haqq men suná hai, ki tú gairqaumon men sab Yihúdíon ko sikhátá hai, ki Músá se phir jáen, ki kahtá hai, apne larakon ká khatna na karo, shariát ke dastúron par na chalo. 22 Ab kyá kyá chahiye? log harhál men jama honge: kyúнки sunenge, ki tú áyá hai. 23 So yih, jo ham tujh se kahte hain, kar: Hamáre sáth chár shaḥhs hain, jinhon ne mannat mání hai. 24 Unhen sáth leke ap ko un ke sáth pák kar, aur unke liye kuchh kḥarch kar, ki apná sir mundáwen: to sab jánenge, ki jo tere haqq men suná, kuchh nahín; balki tú ab durust chaltá aur shariát ke mántá hai. 25 Par jo gairqaumon men se ímán láe, un ke haqq men ham ne thahráke likhá, ki we aisí aisí báten na mánen, magar itná ki buton ke charháe aur lahú galá ghonṭe jánwar ke kháne, aur harámkári se bache rahen.

26 Tab Paul ne un shaḥson ko sáth liyá, aur dúsre din ap ko

un ke sáth pák karke, haikal men dákhil húá, aur khabar dí, ki jab tak un men har ek kí nazar na charháí jáe, pák hone ke din ákhir karúngá. 27 Aur jab sát din púre hone par the, Asia ke Yihúdíon ne use haikal men dekhke, sab logon ko ubhárá, aur us par háth dálke, 28 Chilláyá, ki Ai Isráelío, madad karo : ki yih wahí shaḡhs hai, jo sab ko har jagah, qaum, aur sharíat aur is muqám ke barḡhiláf sikhátá hai : aur us ke siwá Yúnáníon ko bhí haikal men láyá, aur is pák muqám ko nápák kiyá. 29 (Kyúnki unhon ne use áge Trofimus Ephesí ko us ke sáth shahr men dekhá thá, aur kḡhiyál kiyá, ki Paul us ko haikal men láyá.) 30 Tab tamám shahr men hangáma húá, aur sab log dauḡke jama húe : aur Paul ko pakarke haikal ke báhar ghasítá : aur jhaḡ darwáze band hogae.

31 Aur jad unhon ne cháhá, ki use márdálen, to fauj ke sardár ko khabar pahunchí, ki tamám Yirúshálam men fasád uḡhá. 32 Wuh usí dam sipáhí aur súbadáron ko leke, un par dauḡá : jab unhon ne fauj ke sardár aur sipáhíon ko dekhá, to Paul ko márne se háth kenchá. 33 Tab fauj ke sardár ne nazdík áke use pakará, aur hukm kiyá, ki use do zanjír se bandwá ; aur púchhá, ki Yih kaun hai, aur us ne kyá kiyá? 34 Aur bhír men se bázon ne kuchh chilláke kahá, aur bázon ne kuchh : jab gul ke sabab kuchh haqíqat daryáft na kar saká, to hukm diyá, ki use qile men lejáen. 35 Aur jab sírhí par charne lagá, to logon kí ziyádatí ke sabab sipáhíon ko use uḡháná pará. 36 Kyúnki dangal chillátá us ke píchhe pará, ki Use márdál.

37 Aur jab Paul ko qile men lejáne lage, to us ne fauj ke sardár se kahá, ki Mujhe parwánagí hai, ki tujh se kuchh kahún? Us ne kahá, ki tú Yúnání jántá hai? 38 Kyá tú wuh Misrí nahín, jis ne in dinon se áge fasád uḡháyá, aur chár hazár dákú jangal men legayá? 39 Paul ne kahá, Main Yihúdí Kilikia ke námí shahr Tarsus ká rahne-wálá hún : aur terí minnat kartá, ki mujhe logon se bolne kí parwánagí de. 40 Jab parwánagí páí, Paul ne sírhí par khaḡe hoke logon ko háth se ishára kiyá. Jab sab chup húe, wuh Ibrání zabán men kahne lagá:

## XXII. BAB.

1 Ai bháío, ai ábá, yih uzr, jo ab main tum se kahtá hún, suno.  
 2 (Jab unhoñ ne suná, ki wuh Ibrání zabán meñ un se báten kartá hai, to aur bhí chup ho gae : wuh kahne lagá,) 3 Main Yihúdí hún, Kilikia ke shahr Tarsus meñ paidá húa, lekin parwarish isí shahr meñ pái, aur báp dádon kí sharíat meñ Gamalael ke qadamon tale khúb dañhl páyá, aur K̄hudá kí ráh meñ aisá sargarm rahá, jaise áj ke din tum sab ho. 4 Main ne is ráh kí yahán tak dushmaní kí, ki mard o aurat ko bándhke qaidkháne meñ dálke cháhá, ki márdálún. 5 Chunánchi sardár káhin aur buzurgon kí sári majlis bhí mere liye gawáhi detí thí : main un se bháíon ke liye khatt leke Dimishq ko rawána húa, ki jitne wahán ho, unhen bhí bándhke Yirúshálam meñ khench láún, táki we sazá páwen. 6 Aur jab main chalá játá thá, aur Dimishq ke nazdík pahunchá, aisá húa, ki do pahar ke qaríb ekáek mere gird bará núr ásmán se chamká. 7 Main zamín par gir pará, aur ek áwáz suní, ki mujhe kahtí hai, ki Ai Saul, Ai Saul, tú mujh ko kyún satátá hai ? 8 Tab main ne jawáb meñ kahá, Ai K̄hudá-wand, tú kaun hai ? Us ne mujhe kahá, Main Yisú Násari hún, jise tú satátá hai. 9 Aur mere sáthwálon ne us núr ko dekhá, aur dargae ; lekin jo mujh se boltá thá, us kí bát na samjhí. 10 Tab main ne kahá, Ai K̄hudáwand, main kyá karún ? K̄hudáwand ne mujh se farmáyá, Uñ aur Dimishq ko já ; ki jo kuchh thahrá hai, ki tú kare, sab wahán tujh se kahá jáegá. 11 Aur jab main us núr ke chamak ke sabab na dekh saká, tab sáthwále háth pakarke lechale, aur main Dimishq meñ áyá. 12 Aur Hananiyá sharíat ke muwáfiq dindár shañhs, jo wahán ke sab rahnewále Yihúdíon ke nazdík neknám thá, 13 Mere pás áyá, aur khará hoke mujh se kahá, ki Ai bhái Saul, phir dekhne lag. Usí dam main ne use dekhá. 14 Us ne kahá, Hamáre báp dádon ke K̄hudá ne tujh ko áge se thahrá rakhá, ki tú us kí marzí jáne, aur us Adil ko dekhe, aur us ke munh se báten sune. 15 Isliye ki tú un báton ká, jo tú ne dekhíñ, aur suníñ, sab ádmíon ke áge us ká gawáh hogá. 16 Aur ab kyún der kartá hai ? uñke bápísmá le, aur K̄hudáwand ká nám leke apne gunáhoñ ko dhodál. 17 Jab main Yirúshálam meñ phir áyá, aur haikal meñ mángtá thá,

aisá hūí, ki main beḡhud ho gayá; 18 Aur us ko dekhá, jo mujhe kahtá thá, ki Der na kar, aur jald Yirúshálam se nikal já: kyúнки mere haqq men terí gawáhí qabúl na karenge. 19 Main ne kahá, Ai Ḳhudáwand, we jánte hai, ki main unhen, jo tujh par ímán láte, qaid kartá, aur harek ibádatḡháne men ḡore mártá thá: 20 Aur jis waqt tere shahíd Stephan ká ḡhún baháyá játá thá, main bhí wahán khará thá, aur us ke qatl par rází, aur us ke márdálnewálon kí ḡhabardári kartá thá. 21 Par us ne mujhe kahá, Já: main wahín tujhe gairqaumon ke pás bhejúngá.

22 Unhon ne isí bát tak us kí suní, tab zor se chilláke kahá, ki Aise shaḡhs ko zamín par se uṡhá ḡál, ki us ká jítá rahná munásib nahín. 23 Aur jab we chilláte, aur apne kapre phenkte, aur ḡhák uráte the, 24 Fauj ke sardár ne hukm diyá, ki ise qile men lechalo, aur kahá, ki ise ḡore márke tahqíq karo; táki málúm ho, ki we kis sabab is par aisá shor karte hai. 25 Jab we use tasmon se jakarte the, Paul ne súbadár se, jo nazdík khará thá, kahá, Tumhen rawá hai, ki ek shaḡhs ko, jo Rúmí hai, jis par gunáh sábit na ho, ḡore máro? 26 Súbadár ne yih sunke, sardár ke pás jákar kahá, Ḳhabardár, tú kyá kiyá cháhtá hai: kyúнки yih ádmí Rúmí hai. 27 Sardár ne us ke pás áke kahá, Mujhe batá, kyá tú Rúmí hai? Us ne kahá, Jí. 28 Sardár ne jawáb diyá, ki Main ne bahut rupiye deke yih rutba páyá. Paul ne kahá, Main to aisá hí paidá húa. 29 Tab usí dam, jo use tahqíq karne par the, us se báz rahe: aur sardár, is sabab se, ki jáná, ki wuh Rúmí hai, aur use bándhá thá, ḡargayá. 30 Subh ko is iráde se, ki haqíqat ko jánen, ki Yihúdíon ne kyún us par faryád kí, us kí zanjíren kholín, aur hukm kiyá, ki sardár káhin aur un ke sáre majlis jama ho; phir Paul ko níche láke, un ke bích men khará kiyá.

### XXIII. BĀB.

1 Tab Paul ne majlis kí taraf dekhke, kahá, Ai bháío, main áj tak kamál nekniyatí se Ḳhudá ke hukmon par chaltá rahá. 2 Us waqt sardár káhin Hananiyá ne un ko, jo us ke pás kharé the, hukm kiyá, ki us ke munh par tamáncha máren. 3 Tab Paul ne use kahá, Ai sufedí pherí díwár, tujh par Ḳhudá kí már paregí: tú baiṡhá hai, ki

sharíat ke muwáfiq merá insáf kare, aur sharíat ke bar̄khiláf hukm detá hai, ki mujhe máren ? 4 Unhon ne, jo pás khare the, kahá, Tú K̄hudá ke sardár káhin ko burá kahtá hai ? 5 Paul ne kahá, Ai bháío, main ne na jáná, ki yih sardár káhin hai : kyúunki likhá hai, ki Tú apní qaum ke sardár ko burá na kah.

6 Jab Paul ne málúm kiyá, ki báze Zádúqí aur báze Farúsí hain, tab majlis men pukará, ki Ai bháío, main Farúsí aur Farúsí ká betá hún : aur ummedwár murdon ke jí ut̄hne ke liye adálat men khench áyá. 7 Jab wuh yih kah rahá thá, Farúsí aur Zádúqíon men jhagrá pará : aur majlis ká do hissa ho gayá. 8 Kyúunki Zádúqí kahte hain, ki na qiyámat, na firishta, na rúh hai : par Farúsí donon ke qáil hain. 9 Phir bará shor húa : aur faqíh, jo Farúsíon ke firqe ke the, ut̄hke jhagarne lage, ki Ham is admí men kuchh burái nahín páte : par agar kisú rúh yá firishte ne is se kalám kiyá ho, to ham K̄hudá se na la-ren. 10 Aur jab bará jhagrá hone lagá, lashkar ke sardár ne, is k̄hauf se, ki we Paul kahín tukre na kardálen, hukm kiyá, ki fauj utre, aur use un ke bích se zabardastí nikálke qile men lejáe. 11 Usí rát K̄hudáwand ne us ke pás áke kahá, Ai Paul, k̄hátir jama rakh : ki jaise tú ne mere haqq men Yirúshálam men gawáhí dí, waisá hí zarúr hai, ki tú Róm men bhí gawáhí de.

12 Aur jab din húa, kaí Yihúdíon ne eká karke kahá, ki jab tak Paul ko ham már na dálen, agar kuchh kháen yá píen, to ham par lánat hai. 13 Aur jinhon ne ápas men qasam kí thí, chálís admí se ziyáda the. 14 Unhon ne sardár káhin aur buzurgon ke pás jáke kahá, Ham ne áp par lánat kí, ki jab tak Paul ko már na len, kuchh na kháenge. 15 Isliye ab tum majlis se milke, fauj ke sardár ko k̄habar do, ki kal use tumháre pás láwe, goyá tum us kí haqíqat aur bhí ziyáda daryáft kiyá cháhte ho : aur ham taiyár hain, ki wuh áne hí na páwe, ki use már dálen. 16 Aur Paul ká bhánjá un kí ghát kí k̄habar sunke chalá, aur qile men jáke Paul ko k̄habar dí. 17 Tab Paul ne súbadáron men se ek ko buláke kahá, Is jawán ko fauj ke sardár lejá : ki wuh use kuchh kahá cháhntá hai. 18 Pas wuh use fauj ke sardár pás legayá, aur kahá, ki Paul qaidí ne mujhe buláke dar̄khwást kí, ki is jawán ko tere pás láún, ki tujh se kuchh kahá cháhntá hai. 19 Tab fauj ke sardár ne us ká háth pakaará, aur use alag lejáke pú-

chhá, ki Wuh kyá hai, jo mujh se kahá chátá hai? 20 Us ne kahá, Yihúdíon ne ekí kiyá hai, ki tujh se darḡhwást karen, ki kal Paul ko majlis men láwe, goyá we us ká hál aur bhí ziyáda daryáft kiyá cháhte hai. 21 Par tú un kí ná mániyo : kyúнки un men chálís shaḡhs se ziyáda us kí ghát men lage hai, jinhon ne qasam kí hai, ki jab tak use már na len, agar we kháwen yá píen, to un par lánat hai : aur ab we taiyár hai, aur sirf tere wáde kí ráh takte hai. 22 Tab fauj ke sardár ne usjawán ko ruḡhsat kiyá, aur tákíd kí, ki Kisí se na kahiyo, ki tú ne mujh par yih bát záhir kí. 23 Aur do súbadár ko buláke kahá, ki Kaisariya jáne ke liye do sau sipáhí, aur sattar sawár, aur do sau bhálebardár pahar rát gae taiyár rakho ; 24 Aur jánwar bhí házir karo, ki Paul ko sawár karke Felix hákim ke pás sahíh salámat pahuncháwen. 25 Aur is mazmún ká ek ḡhatt likhá : 26 Ki Klaudius Lusias ká hákim Felix bahádur ko salám. 27 Is mard ko Yihúdíon ne pakaḡke cháhá, ki már dálen : main fauj samet chaḡh gayá, aur use chhurá láyá, aur málúm kiyá, ki Rúmí hai. 28 Aur jab cháhá ki daryáft karún, ki unhon ne us par kis sabab faryád kí, to use un kí majlis men legayá : 29 Aur páyá, ki we apní shariyat ke masla ke haqq men us par faryad karte hai, par koí wajah na thí, ki qatl yá qaid ke láiq ho. 30 Aur jad mujhe ḡhabar milí, ki Yihúdí is mard kí ghát men lage hai, main ne use jhaḡ tere pás bhej diyá, aur us ke muddaíon ko bhí hukm kiyá, ki tere pás us par dáwá karen. Ziyáda salám.

31 Pas sipáhíon ne, hukm ke muwáfiq, Paul ko leke ráton rát Antipatris men pahuncháyá. 32 Aur subh sawáron ko chhorke, ki us ke sáth jáen, we qile ko phire : 33 Unhon ne Kaisariya men pahunchke hákim ko ḡhatt diyá, aur Paul ko bhí us ke áge házir kiyá. 34 Hákim ne paḡhke púchhá, ki wuh kis mulk ká hai? Aur málúm karke ki Kilikia ká hai ; 35 Kahá, Jab tere muddaí házir honge, main terí sunúngá. Aur hukm kiyá, ki use Herod ke mahall men qaid rakhen.

## XXIV. BAB.

1 Páñch din bád Hananiyá sardár káhin ne buzurgon aur Tertullus námí wakíl ke sáth wahán jáke, hákim ke pás Paul par nálísh kí. 2 Jab wuh buláyá gayá, Tertullus us par faryád karne lagá, ki Ai Felix bahádur, 3 Ham kalám shukrguzárí se hamesha har jagah iqrár karte haiñ, ki ham meñ tere sabab bahut árám miltá, aur terí dúrandeshí se is qaum ká ñhúb bandobast hotá hai. 4 Par is liye ki tujhe ziyáda taklíf na ho, main terí minnat kartá hún, ki tú mihrbání karke hamárí do báteñ sun. 5 Ki ham ne páyá, ki yih shañhs barí balá, aur dunyá ke sab Yihúdíon meñ bará fasád uñhánewálá, aur Násaríon ke firqe ká ek sardár hai: 6 Us ne koshish kí, ki haikal ko bhí nápák kare; us ko ham ne pakarke cháhá, ki apní shariát ke muwáfíq us par hukm karen: 7 Par Lusias sardár fauj samet áke use hamáre háth se chhín legayá, 8 Aur us par faryád karnewálon ko hukm kiyá, ki tere pás jáen: so ab tú ñhud use tahqíq karke in sab chizon ko, jin ke ham us par dáwá karté, daryáft kar saktá hai. 9 Aur Yihúdíon ne bhí us ká sáth deke kahá, ki ye báteñ yúnñhín hai.

10 Paul ne hákim se ishára páke jawáb diyá, Isliye ki main jántá hún, ki tú barason se is qaum ká hákim hai, main barí ñhátirjamaí se apná uzr bayán kartá hún: 11 Kyúnki tú daryáft kar saktá hai, ki bárah din se ziyáda nahín, jab main Yirúshálam meñ bandagí karne gayá. 12 Aur unhon ne haikal meñ mujhe na kisú ke sáth bahs karte páyá, na logon meñ fasád uñháte, na ibádatñhánon meñ, na shahr meñ: 13 Aur na un chizon ko, jin kí we mujh par ab tuhmat karte, sábit karsakte haiñ. 14 Lekin tere sámhne yih iqrár kartá hún ki jis ráh ko we bidát kahte haiñ, usí par apne báp dádon ke Ñhudá kí bandagí kartá hún, aur sab ko, jo shariát aur nabíon kí kitáb meñ likhá hai, mántá: 15 Aur Ñhudá se yih ummed rakhtá hún, jis ke we bhí muntazir haiñ, ki murde jí uñhenge, kyá rástbáz, kyá nárást. 16 Aur main isí se koshish kartá hún, ki hamesha Ñhudá ke aur logon kí bábat merá dil mujhe malámat na kare. 17 Ab kaí baras bád main nazar chañháne aur apní qaum ko ñhairát pahuncháne áyá hún. 18 Is meñ Asia ke báze Yihúdíon ne mujhe haikal meñ pák páyá, na hangáma aur fasád uñháte: 19 Unheñ cháhiye thá, ki tere



sámhne házir hote, aur agar mujh par kuchh dáwá rakhte, nálísh karte. 20 Yá yihí k̄hud kahen, jab main majlis ke sámhne khará thá, mujh men kuchh badí páí; 21 Magar hán, isí ek bát ke liye, jo main ne un ke bích khará hoke pukará, ki Murdon ke jí uṭhne ke sabab main áj adálat men khench áyá.

22 Jab Felix ne, jo is ráh kí báten k̄húb jántá thá, yih suná, dhíl men dálke kahá, Jab Lusias fauj ká sardár áwegá, main tumhárá muqaddama faisal karúngá. 23 Aur ek súbadár ko hukm kiyá, ki Paul kí k̄habardárá kar, aur árám men rakh, aur us ke logon ko us kí k̄hidmat aur muláqát karne se mana na kar.

24 Aur kaí din ke bád Felix ne apní jorú Drúsilla ke sáth, jo Yihúdin thí, áke, Paul ko bulá bhejá, aur us se Masíh ke dín kí bát suní. 25 Jab wuh rástbází, aur parhegzárá, aur ánewálí adálat kí báten kah rahá thá, Felix ne kámpke jawáb diyá, Ab tú já; fursat páke, main tujhe phir buláúngá. 26 Use yih bhí ummed thí, ki Paul rupai degá, ki us ko chhorde : is liye use aksar bulá bhejtá, aur us ke sáth guftgú kartá thá. 27 Jab do baras guzre, Porkius Festus qáimmuqám húá : tab Felix ne yih cháhke, ki Yihúdíon ko k̄hush kare, Paul ko qaid chhor gayá.

---

## XXV. BXB.

1 Aur Festus is súbé men dákhil hoke, tén din bád Kaisariya se Yirúshálam men gayá. 2 Tab sardár káhin, aur Yihúdíon ke raíson ne us ke áge Paul kí faryád karke, us se dar̄khwást kí, 3 Aur us ke muqaddame men yih mihrbání cháhí, ki use Yirúshálam men bulá bheje ; aur ghát men the, ki us ko ráh men már dálen. 4 Par Festus ne jawáb diyá, ki Paul to Kaisariya men band hai, aur main ap bhí wahán jald jáne ká iráda rakhtá hún. 5 Aur kahá, Pas tum men se jinhen maqdúr ho sáth chá len, agar is shaḳhs men kuchh badí ho, to us par nálísh karen.

6 Un ke darmiyán das din se ziyáda na rahá, aur Kaisariya ko gayá; aur dúsre din adálat ke taḳht par baiṭhke, hukm kiyá, ki Paul ko láwen. 7 Jab wuh házir húá, we Yihúdí, jo Yirúshálam se áe the, us ke ás pás khare hoke, baṛí baṛí tuhmaten, jo sábit na kar sake,

Paul par karne lage. 8 Us ne apne uzr men kahá, ki Main ne na Yihúdíon kí shariát ká, aur na haikal ká, aur na Kaisar ká kuchh gunáh kiyá hai. 9 Tab Festus ne yih cháhke, ki Yihúdíon ko khush kare, Paul ke jawáb men kahá, Tú rází hai, ki Yirúshálam ko jáe, aur in báton kí tahqíqát wahán mere sámhne ho? 10 Paul ne kahá, Main Kaisar kí adálat men khará hún, cháhiye ki yahín merá insáf ho : aur main ne kuchh qusúr na kiyá, chunánchi tú ba khúbí jantá hai. 11 Pas agar main ne kuchh qusúr, yá koí bát qatl ke láiq kiyá ho, to máre jáne se inkár nahín kartá : par agar in chizon kí, jin kí we tuhmat mujh par karte, kuchh asl na ho, to koí, un kí khushí ke liye, mujhe un ke hawále nahín karsaktá. Main Kaisar kí duháí detá hún. 12 Tab Festus ne saláhkáron se maslahat karke jawáb diyá, ki Tú ne Kaisar kí duháí dí? to Kaisar hí ke pás jáegá.

13 Aur kuchh din bíte Agrippa bádsháh aur Bernike Kaisariya men áe, ki Festus ko salám karen. 14 Aur jab we bahut din wahán rahe, Festus ne Paul ká hál bádsháh se bayán kiyá, ki Ek shaḡhs hai, jise Felix qaid men chhor gayá : 15 Jab main Yirúshálam men thá, sardár káhin aur Yihúdíon ke buzurgon ne, us kí faryád karke, cháhá, ki us kí sazá howe. 16 Unhen main ne jawáb diyá, ki Rúmíon ká dastúr nahín, ki jab tak muddá alaihi apne muddaíon ke rúbarú na ho, aur dáwá ká jawáb na dene páwe, use qatl ke liye hawála karen. 17 Phir jab we jama hoke yahán áe, main ne kuchh der na karke, dúsrehí din adálat ke taḡht par baiḡhkar hukm kiyá, ki us shaḡs ko láo. 18 Par jab us ke muddaí khare húe, to unhon ne us par dáwá ká koí sabab na batáyá, jin ká mujhe khíyál thá : 19 Balki we apne dín aur Yisú kí bábat, jo margayá, jise Paul kahtá thá, ki zinda hai, us se bahs karte the. 20 Jab main is muqaddame kí tahqíq men hairán thá, us se púchhá, Kyá tú rází hai, ki Yirúshálam ko jáe, aur wahán in báton kí tahqíq ho? 21 Par jab Paul ne duháí dí, ki Merá insáf Janáb i álí hí kí tahqíq par mauqúf rahe, main ne hukm kiyá, ki us kí khabardári karen, jab tak main use Kaisar ke pás bhej dún. 22 Tab Agrippa ne Festus se kahá, Main bhí khud cháh-tá, ki is shaḡhs kí sunún. Wuh bolá, ki Kal tú us kí sunegá.

23 Aur dúsre din jab Agrippa aur Bernike dhúm dhám se, fauj ke sardár aur shahr ke raíson ke sáth, kachahrí men dákhil húe, aur

Festus ke hukm se Paul ko lîe, 24 Tab Festus ne kahá, Ai Agrippa bádsháh, aur ai sab sáhibo, jo hamáre sáth ho, tum us ko, ki dekhte ho, wahí hai, jis par Yihúdíon kí tamám guroh kyá Yirúshálam men, kyá yahán faryád karte, mujhe ghere hain, ki na cháhiye ki áge ko jítá rahe. 25 Par jab main ne daryáft kiyá, ki us ne qatl ke láiq koí kám na kiyá, aur us ne k̄hud Janáb i áli kí duháí dí, to main ne thá-ná, ki use bhej dúñ. 26 Aur mujhe us ke haqq men koí bát ká ya-qín nahíñ, ki apne K̄hudáwand ko likhúñ. Is wáste main ne use tum-háre áge, aur Agrippa bádsháh, k̄háss tere áge házir kiyá thá, ki tahqíqát ke bád kuchh likh sakúñ. 27 Kyúñki mujhe námunásib málúm hotá hai, ki bandhúe ko bhejúñ, aur us par jo tuhmaten kí hain, na bataúñ.

---

## XXVI. BAB.

1 Agrippa ne Paul se kahá, Tujhe parwánagí hai, ki apná uzr bayán kare. Tab Paul háth uṭhákar, apná uzr bayán karne lagí : 2 Ki Ai bádsháh Agrippa, main apní nekbakhtí jántá húñ, ki un sab báton ká, jin ká Yihúdí mujh par dáwá karte hain, áj tere sámhne uzr bayán karúñ. 3 K̄háss is liye ki tú Yihúdíon ke tamám dastúr aur maslon se wáqif hai : so main terí minnat kartá húñ, ki thaharke merí sun. 4 Ki merí chál jawání se sab Yihúdí jánte hain, ki kis tarah shurú se apne qaum ke darmiyán Yirúshálam men nibáhtá rahá : 5 So we, jo mujhe shurú se jánte, agar cháhen, to gawáhi den, ki main un ke mazhab ke sab ye parhezgár, firqe ke muwáfiq zindagí kartá rahá, yáne Farúsí thá. 6 Aur ab us wádekí ummed ke sabab, jo K̄hudá ne hamáre báp dádon se kiyá thá, main yahán khará húñ, aur mujh par nálîsh karke yahán khará kiyá : 7 Jis ke páne kí ummed par hamáre bárah firqe dil o ján se rát din bandagí kiyá karte. Ai bádsháh Agrippa, isí ummed ke liye Yihúdí mujh par faryád karte hain. 8 Yih bát tum kyúñ beiatbár thahráte ho, ki K̄hudá murdon ko jilátá hai ? 9 Hán, main ne bhí apne dil men samjhá, ki zarúr hai, ki Yisú Násarí ke nám kí bahut bark̄hiláfi karúñ. 10 So bhí main ne Yirúshálam men kiyá : aur sardár káhinon se ikhtiyár páke bahut se muqaddason ko qaidk̄háne men band kiyá ; aur jab we qatl hote the, main hámí

bhartá thá. 11 Aur main ne aksar harek ibádatkḥáne men már márke zabardastí un se kufr kahwáyá ; aur un par niháyat junún karke begáne shahron tak jáke satátá thá. 12 Is hál men jab sardár káhinon se iḥtiyár aur parwánagí leke, main Dimishq ko játá thá, 13 Do pahar ko, ai bádsháh, main ne ráh men dekhá, ki ásmán se ek núr, jo súraḥ kí chamak se ziyáda thá, mere aur mere sáthion ke gird chamká. 14 Jab ham sab zamín par gir pare, main ne kisí kí áwáz suní, jo Ibrí zabán men mujh se kahtá thá, Ai Saul, Saul, tú mujhe kyún satátá hai? paine kí kí par lát márná tere liye burá hai. 15 Tab main ne kahá, Kḥudáwand, tú kaun hai? Wuh bolá, Main Yisú hún, jise tú satátá hai. 16 Ab uṭh, aur khará ho : kyúnki main isliye tujh par záhir húa, ki tujhe in chizon ká kḥidmatkarnewálá, aur gawáh thahráún, jinhen tú ne dekhá, aur jo main tujh par záhir kar-úngá ; 17 Main tujhe is qaum aur gairqaumon se bacháúngá, jin ke pás ab main tujhe bhejtá hún, 18 Ki tú un kí ánkhen khol de, táki we andhere se unjiyále, aur Shaitán ke iḥtiyár se Kḥudá kí taraf phiren, aur gunáhon kí muáfi aur muqaddason men mírás páwen, is ímán ke sabab, jo mujh par hai. 19 Ai bádsháh Agrippa, main us ásmání royá ká náfar mánbardár nahúa. 20 Balki pahle unhen chitáyá, jo Dimishq o Yirúshálam aur sáre Yihúdiya ke mulk men hain, aur gairqaumon ko bhí, ki tauba karen, aur Kḥudá kí taraf phiren aur tauba ke muwáfiq amal karen. 21 Inhín báton ke sabab Yihúdiyon ne mujhe haikal men pakarke, mere qatl kí tadbír kí. 22 Par Kḥudá kí madad páke, áj tak khará hún, aur chhoṭe bare par gawáhí detá, aur kuchh nahín kahtá, siwá is ke, jo nabíon aur Músá ne kahá ki hogá ; 23 Ki Masíh dukh uṭháwegá, aur murdon ke jí uṭhne ká pahlá hoke, is qaum aur gairqaumon ko núr pahuncháwegá.

24 Jab wuh apne uzr kí ye báten kahtá thá, Festus ne pukárke kahá, ki Ai Paul, tú díwána hai ; bahut ilm ne tujhe díwána kiyá. 25 Us ne kahá, Ai Festus bahádur, main díwána nahín hún ; balki sachái aur hoshyári kí báten kahtá ; 26 Ki bádsháh, jis ke sámhne ab main bedharak boltá hún, yih jántá hai : aur mujhe yaqín hai, ki koí bát un men se us par chhipí nahín ; kyúnki yih májara to kone men nahín húa. 27 Ai bádsháh Agrippa, kyá tú nabíon ko mántá ? Main jántá hún, ki mántá hai. 28 Agrippa ne Paul se kahá, Nazdík

hai, ki tere samjháne se Kristian ho jáúy. 29 Paul bolá, K̄hudá kare, ki sirf tú hí nahín, balki jitne áj merí sunte hain, faqat nazdik nahín, lekin bilkull aisehí hon, jaisá main hún, magar bagair in zanjiron ke.

30 Jab us ne yih kahá, bádsháh uṭhá, aur hákim, o Bernike, aur jo un ke sáth baiṭhe the: 31 Aur nirále men jáke ápas men kahne lage, ki Yih shaḡhs to koí aisí bāt nahín kahtá, jo qaid yá qatl ke láiq ho. 32 Agrippa ne Festus se kahá, Agar Kaisar kí duháí na detá, to ho saktá thá, ki yih shaḡhs chhúṭ jáe.

## XXVII. BAB.

1 Aur jab muqarrar húa, ki ham jaház par Italia ko láen, unhon ne Paul, aur kitne aur qaidion ko Julius námí ek Augustusí palṭan ke súbádár ke hawále kiyá. 2 Aur Adramutta ke ek jaház par, ja Asia ke kináre kináre jáne par thá, chaḡhke, ham ne langar uṭháyá; aur Aristarkhus Makedoní shahr Thessolonika se hamáre sáth thá. 3 Dústre din ham Saidá men pahunche. Aur Julius ne, Paul se ḡhush sulúki karke, parwánagí dí, ki apne doston ke pás jáke, áram páwe. 4 Phir wahán se langar uṭháke Quprus ke níche se guzre, is liye ki hawá sámhne kí thí. 5 Aur jab ham Kilikia aur Pamfulia ke samundar se guzre, to Murra námí Lukia ke shahr men áe.

6 Súbádár ne wahán Iskandariya ká ek jaház páke, jo Italia ko játá thá, hamen us par biṭháyá. 7 Aur jab ham bahut din áhista áhista chale, aur mushkil se Knidus ke sámhne áe, to is liye ki hawá hamen áge baḡhne na detí thí, Krete kí taraf jáke Salmone ke sámhne áe. 8 Aur wahán se mushkil se guzarke, us jagah, jo Husan bandar kahlátá hai, pahunche; Alassa shahr us ke nazdik thá. 9 Jab bahut din guzre, aur ab jaház ke chalne men ḡhatra thá, is liye ki roze ke din bhí guzar gae the, Paul ne unhen chitáke kahá, 10 Ai sáhibo, main dekhtá hún, ki is safar men nuqsán aur baḡí tabáhí pahunchegí, na sirf bojhe aur jaház par, balki hamári jánon par bhí. 11 Par súbádár ne mánjhí aur jaház ke málik kí báton ko, Paul kí báton se ziyáda máná. 12 Aur is liye ki wuh bandar achchhá na thá, ki wahán járá káṭen, aksaron ne saláh kí, ki wahán se rawána hon, ki agar ho sake, to Foiníkí men pahunchke járá káṭen; ki

wuh Krete ká ek bandar thá, jo dakhin pachchhim aur uttar pachchhim ke rukh thá.

13 Jab kuchh kuchh dakhaniyá chalne lagí, to unhon ne yih samajhke, ki apne matlab ko pahunche, langar utháyá, aur Krete ká kinára pakre, rawána hue. 14 Lekin thoří der bád ek barí túfání hawá ká jo Eurakulon kahlátí hai, us ko tamáncha lagá. 15 Aur jab jaház iḡhtiyár men na rahá, aur hawá ko sambhál na saká, to ham ne chhor diyá, ki chalá jae. 16 Aur ek ṭápú ke tale, jis ká nám Klauda hai, bah gae, aur barí mushkil se chhoṭí náo ko qábú men láe. 17 Aur use utháke unhon ne tadbíren karke jaház ko niche se bándhá; aur Surtis námí chorbálí men dhas jáne ke dar se, ham ne jaház ká pál wál girádiyá, aur yúnhi chale. 18 Jab ándhí ne hamen niháyat satáyá, to dúsre din unhon ne jaház ká bojh phenk diyá. 19 Aur tísre din ham ne apne háthon se jaház ká asbáb bhí phenká. 20 Aur jab bahut dinon tak súraur aur táre nazar na áe, aur barí ándhí chaltí rahí, áḡhir ko bachne kí ummed hamen bilkull játí rahí.

21 Aur bahut fáqon ke bád Paul ne un ke bích men khare hoke kahá, ki Ai Sáhibo, lázim thá, ki tum hamáří bát mánke Krete se na chalte, aur yih nuqsán aur tabáhi na utháte. 22 Aur ab main tumháří minnat kartá hún, ki ḡhátirjama rakho : kyúnci tum men kisi kí ján barbád na hogí, magar jaház. 23 Kyúnci ḡhudá ke ḡrishte ne, jis ká main hún, aur jis kí bandagí kartá, usí rát ko mere pás áke kahá: 24 Ai Paul, mat dar; kyúnci zarúr hai, ki tú Kaisar ke áge házir ho : aur, dekh, ḡhudá ne in sab ko, jo tere sáth jaház men hain, baḡhsh diyá. 25 Pas, ai sáhibo, ḡhátirjama raho, kyúnci main ḡhudá par iatiqád rakhtá hún, ki jaisá mujh se kahá gayá, waisáhi hogá. 26 Lekin zarúr hai, ki ham ṭápú men já pařen. 27 Jab chaudahwín rát áí, aur ham Adria ke samundar kí lahton men ṭakrá rahe the, ádhí rát ko malláhon ne aṭkal kiyá, ki kisi mulk ke nazdík pahunche; 28 Tab pání kí tháh lí, aur bís pursá payá : aur thoří dúr baḡhke phir tháh lí, aur pandarah pursá páyá. 29 Aur is dar se, ki aisá na ho, ki chaṭanon par já pařen, jaház ke píchhe se char langar dálá, aur cháhte the ki din ho. 30 Aur jab malláhon ne cháhá, ki jaház par se bhág jáen, aur is baháne se chhoṭí náo ko samundar

men laṭkāne lage, ki goyā galahī par se langar ḍālā chāhte hai, 31 Paul ne sūbadār aur sipāhīon se kahā, ki Agar ye kishtī par na rahe, to tum bach nahīn sakte. 32 Tab sipāhīon ne chhoṭī kishtī kī rassī kāṭke use bahā diyā. 33 Aur din hone na pāyā, ki Paul ne sab kī minnat kī, ki kuchh khāo, aur kahā, ki Aḡj chaudah din hūe, ki tum rāh dekhte ho, aur fāqa kiyā, aur kuchh na khāyā. 34 Ab main tumhārī minnat kartā hūn, ki kuchh khāo; ki is men tumhārī salāmatī hai: kyūnki tum men se kisī kā ek bāl na bīkegā. 35 Aur yih kahke, us ne roṭī lī, aur un sab ke sāmhnē Kḥudā kā shukr kiyā aur toṛke khāne lagā. 36 Tab we sab kḥátirjama hūe, aur khāne lage. 37 Aur sabmilāke us jahāz men do sau chhihattar the. 38 Aur jab khāke āsūda hūe, unhon ne ānāj ko samundar men phenkke jahāz halkā kiyā. 39 Aur jab din hūā, unhon ne us zamīn ko na pahchānā: par ek kol dekhā, jis ke kināre par unhon ne chāhā, ki agar ho sakte, to jahāz ko charhā le jāen. 40 Tab langar kāṭke daryā men chhor diye, aur ādhī patwār kī rassī kholī, aur hawā ke ruḡh par pāl charhāke, kināre kī taraf chale. 41 Aur ek jagah, jahān do daryā mile the, pahunchke, jahāz ko zamīn par daurādiyā; tab galahī dhaḡkā khāke phans gāī, aur lahrōn ke zor se pīchhā tūṭ gayā. 42 Aur sipāhīon kī yih salāh thī, bandhūon ko mār ḍālen, na ho, ki koī pairke bhāg jāe. 43 Lekin sūbadār ne yih chāhke, ki Paul ko bachāwe, un ko is irāde se bāz rakhā, aur hukm kiyā, ki jo log pairsakte hai, pahle kūdke āp ko kināre par pahunchāwen: 44 Aur bāqī, bāze taḡhton par, aur bāze jahāz ke ṭukron par. Aur yūnhīn sab ke sab salāmat zamīn par pahunche.

---

### XXVIII. BĀB.

1 Aur bach jāne ke bād unhon ne daryāft kiyā ki us ṭāpū kā nám Melite hai. 2 Aur wahān ke janglī logon ne nihāyat sulūk kiyā: ki menh aur jāre ke sabab āg sulgāke hamen pās bulāyā. 3 Jab Paul ne lakṛī kā gaṭṭhā jama karke āg men ḍālā, ek nāg garmī se nikalke, us ke hāth men lipaṭ gayā. 4 Tab un janglīon ne us kīre ko us ke hāth men liṭā dekhke, āpas men kahā, ki Muqarrar yih shaḡhs kḥúnī hai ki agarchi samundar se bach gayā, par kḥún use jītā nahīn chhor-

14. 5 Aur us ne us kíre ko ág men jhatak diyá, aur use kuchh nuqsán na pahunchá. 6 Par we dekhte the, ki wuh súj jáegá, yá ekáek girke mar jáegá : lekin jab we der tak muntazir rahe, aur dekhá, ki us ká kuchh na bigrá, to kuchh aur samjhe, aur kahne lage, ki Yih ek k̄hudá hai.

7 Aur us jagah ke nazdík Publius námí us t̄ápú ke sardár kí zamín thí ; us ne hamen apne ghar lejáke, t̄ín din tak barí mihrbání se hamári mihmání kí. 8 Aur yún húa, ki Publius ká báp tap aur an̄ lahú kí bímárí se pará thá : Paul ne us ke pás jáke, duá mángí, aur us par háth rakhke use changá kiyá. 9 Jab yih húa, tab jitne log us t̄ápú men bímár the, áe, aur change húe : 10 Aur unhon ne hamári barí izzat kí ; aur hamáre chalte waqt, jo kuchh hamen darkár thá, diyá. 11 Aur t̄ín mahíne bád Iskandrí jaház par, jis ká nishán Do dew bachcha thá, aur járe bhar us t̄ápú men rahá, rawána húe. 12 Aur Surakús men langar karke, t̄ín din rahe, aur wahán se ghúmke Rhegium men pahunche. 13 Aur ek roz bád jab dakhaniyá chalí, dúsre din Puteoli men áe : 14 Wahán bháíon ko páyá ; unhon ne minnat kí, ki sát din hamáre pás rahe : aur yúnhín Rúm ko chale. 15 Wahán, se bhái hamári k̄habar sunke Apii forum aur T̄ín saráe tak hamáre lene ko áe ; aur Paul ne unhen dekhkar K̄hudá ká shukr kiyá, aur k̄hátirjama húa.

16 Jab ham Rúm men pahunche, súbádár ne qaidon ko k̄háss risále ke supurd kiyá : magar Paul ko parwánagí dí, ki akelá ek sipáhí ke sáth, jo us kí nigahbání kare, rahe. 17 Aur yún húa, ki t̄ín din bád Paul ne Yihúdíon ke raíson ko ekaṭhe kiyá : jab we jama húe, un se kahá, Ai bháío, main ne qaum ke aur báp dádon ke dastúr ke kuchh bar̄k̄hiláf na kiyá, tau bhí Yirúshálam se bándhke mujhe Rúmíon ke háth men hawále kiyá. 18 Unhon ne merá hál daryáft karke cháhá, ki mujhe chhor den, kyúнки unhon ne mere qatl ká koí sabab na páyá. 19 Par jab Yihúdí bar̄k̄hiláf kahne lage, main ne láchárí se Kaisar kí duháí dí ; is wáste nahín, ki apní qaum par faryád karún. 20 So isí sabab main ne tumhen buláyá, ki tumhen dekhún, aur guftgú karún ; kyúнки Isráel hí kí ummed ke sabab, is zanjír se bandhá hún. 21 Unhon ne us se kahá, ki Ham ne na Yihúdiya se tere haqq men k̄hatt páe, na kisí ne bháíon men se áke terí kuchh



khábar sunáí, yá badí bayán kí. 22 Par ham cháhte hai, ki tujh se sunen, ki tú kyá samajhtá hai : kyúнки ham ko málúm hai, ki sab kahín is firqe ko burá kahte hai. 23 Tab unhon ne us ke liye ek din thahráke, bahutere us ke dere par áe; us ne un se subh se shám tak bayán kiyá, ki K̄hudá kí bádsháhat par gawáhí dí, aur Músá kí shariyat aur nabíon kí kitáb se Masíh ke haqq men dalílen láke, unhen samjháyá. 24 Bázon ne un báton ko máná, aur báze beímán rahe. 25 Jab we ápas men muwáfiq na húe, Paul ke yih kahte hí chale gae, ki Rúh i Quds ne Ishayá Nabí kí márifat hamáre báp dádon se khúb kahá, 26 Ki Tú is qaum ke pás já, aur kah, ki sunne ko to sunoge, par na samjhoge; aur dekhne ko to dekhoge, par na sújhegi: 27 Kyúнки is qaum ká dil sust, aur kán únche hai, aur apní ánkhen mund lí: ki aisá na ho, ki ánkhon se dekhne, aur kánon se sunne, aur dil se samjhne, aur phirene, aur main unhen changá karú. 28 Pas tum ko málúm howe, ki K̄hudá kí naját gairqaumon ke pás bhejí gai, aur we use sunenge. 29 Jab us ne yih kahá, Yihúdí ápas men bahut bahs karte chale gae. 30 Aur Paul púre do baras apne kiráye ke ghar men rahá, aur sab ko, jo us pás áte the, áne diyá, 31 Aur barí beparwái aur be rok tok K̄hudá kí bádsháhat kí manáadí kartá, aur K̄hudáwand Yisú Masíh kí báten sikhátá rahá.

## PAUL KA KHATT RU'MI'ON KE LIYE.

### I. BAB.

1 Paul Yisú Masíh ká banda aur chuná húa rasúl, 2 Jo K̄hudá kí us injíl ke liye kháss kiyá gayá, jiská wáda usne áge se apne nabíon ke wasíle pák kitábon men, 3 Apne Beṭe hamáre K̄hudáwand Yisú Masíh ke haqq men kiyá hai, jo jism kí nisbat Dáúd kí nasl se húa, 4 Magar Rúh i Quds kí nisbat jí uṭhne kí mazbút dalíl se K̄hudá ká Beṭá sábit húa; 5 Jis se ham ne fazl aur rasálat páí, ki sab qaumen us ke nám par ímán láke tábí hon; 6 Jin men se tum bhí Yisú Masíh ko chune húe ho; 7 In sab ko jo Rúm men K̄hudá ke piyáre aur chune húe muqaddas hai, likhá hai, hamáre Báp K̄hudá, aur K̄hudáwand Yisú Masíh kí taraf se tum par fazl aur salámatí ho.

8 Pahilē main Yisú Masíh kí marifat tum sab ke liye apne Ḳhudá ká shukr kartá hūn, ki tamám dunyá men tumháre ímán ká zikr hai. 9 Aur Ḳhudá jis kí ḳhidmat main apní rúh se us ke Beṭe kí injíl men kartá hūn, merá gawáh hai, ki main kis tarah nit tumhen yád kartá; 10 Aur hamesha apní duá men árzú rakhtá hūn, ki agar Ḳhudá kí marzí se merá safar baḳhair ho, to tumháre pás áún. 11 Kyúnki main bahut cháhtá hūn, ki tumhen dekhūn, táki koí rúhání niamat tumhen pahuncháún, ki tum mazbút ho jáo; 12 Yáne main tum se ápas ke ímán ke sabab, jo tum men aur mujh men hai, tasallí páún. 13 Ai bháío, main nahín cháhtá, ki tum is se na wáqif raho, ki main ne bárhá tumháre pás áneká iráda kiyá, táki jaisá aur qaumon se phal páyá, waisáhi kuchh tum se bhí páún; par áj tak raká rahá. 14 Ki main Yúnáníon aur gairyúnáníon, dánáon aur nádánon ká qarzdár hūn. 15 So main mataiyár hūn, ki tum ko bhí jo Rúm men ho maqdúr bhar injíl kí ḳhabar dún.

16 Kyúnki main Masíh kí injíl ke sharmátá nahín; isliye ki wukhar ek kí naját ke wáste, jo ímán látá: pahile Yihúdí, phir Yúnání ke liye, Ḳhudá kí qudrat hai. 17 Is wáste ki Ḳhudá kí rástí jo sarásar ímán se hai, us men záhir hai: jaisá ki likhá hai, ki Jo ímán se rást-báz hai, so hí jítá rahegá. 18 Kyúnki ádmí kí tamám be díní aur nárástí par Ḳhudá ká gazab ásmán se záhir hai, is liye ki we sachái ko nárástí se rok dete hain; 19 Ki Ḳhudá kí bábat jo kuchh málúm ho saktá un par záhir hai: kyúnki Ḳhudá ne un par záhir kiyá. 20 Is liye ki us kí saftín jo dekhne men nahín átín, yáne uskí qadím qudrat, aur ḳhudái, dunyá kí paidáish se us ke kámon par gaur karne men aísí sáf málúm hotín, ki unko kuchh uzr nahín: 21 Kyúnki agar-chi unhon ne Ḳhudá ko pahcháná, taubhí ḳhudái ke láiq buzurgí aur shukrguzárfi na kí: balki bátíl ḳhiyál men par gae, aur unke náfaham dil tárík hogae. 22 We ápko dáná ṭhahará ke nádán ho gae; 23 Aur gairfání Ḳhudá ke jalál ko fání ádmí, aur parinde, aur charinde, aur kíre-makoṛon kí múrat aur súrat se badal dálá. 24 Is wáste Ḳhudá ne bhí un ke dilon kí ḳhwáhish par unhen nápákí men chhoṛ diyá, ki apne baḍan ápas men behurmat karen: 25 Unhon ne Ḳhudá kí sachchái ko jhúṭh se badal dálá, aur banáne wále ko jo hamesha táríf ke láiq hai, Amín! chhoṛ ke banání húi chíz kí parastish aur bandagí

kí. 26 Is sabab se K̄hudá ne unko gandí shahwatõ meñ chhor diyá ; ki unkí auratõ ne bhí apná māmúlí kám ulṭe kámon se badal dālá : 27 Yúñhí mard bhí apne māmúlí kám auratõ se chhor ke apní shahwat se ápas meñ jale ; ki mardon ne mardon ke sáth rosíáhí ke kám karke ápse apní gumráhí ke láiq phal páyá. 28 Aur jaisá unhoñ ne pasand nakiyá, ki K̄hudá ko pahchán ke yád rakheñ, K̄hudá ne bhí unko aql kí be tamízí meñ chhor diyá, ki náláiq karen : 29 So we tarah tarah kí nárástí harám kárí, lálach, badzátí se bhar gae ; aur dáh, k̄hún, jhagrá, dagábází, badk̄hoí se pur húe ; 30 Kánáphúsí karnewále, tuhmat lagánewále, K̄hudá ke dushman jabar karnewále, ghamandí tarhán kahnewále, badíõ ke bání, má báp ke náfarmán bardár, 31 Beaq̄l, badahd, bedard, kínawar berahm húe : 32 Aur agarchi we K̄hudá ká hukm jánte, ki aise kám karne wále qatl ke láiq hain, taubhí nasirfáp karte, balkí karnewálon se bhí k̄húsh hote.

## II BĀB.

1 Pas ai ádmí, koí kyún naho, jo tú aib lagátá, tujh ko kuchh uzr nahín, kyúñki jis bát meñ tú dúsre par aib lagátá, áp ko gunahgár thahrátá hai ; ki tú jo aib lagátá, wahí kám kartá hai. 2 Lekin ham jánte hain ki aise kám karnewálon par K̄hudá kí taraf se sazá ká hukm durust hai. 3 Ai insán, tú aise kám karnewálon par aib lagátá, aur k̄hod wahí kartá, kyá yih k̄hiyál kartá hai, ki K̄hudá kí adálat se bach niklegá ? 4 Yá tú uskí kamál mihrbání, aur bardásht, aur muhlat ko náchíz samajhtá ; aur nahín jántá, ki K̄hudá kí mihrbání isí liye hai, ki tú tauba kare ? 5 Balki tú apne saḡht aur be tauba ke dil se us dín kí k̄hátir, jis meñ gazab aur K̄hudá kí adálat haqq záhir ho gae, apne liye gazab jama kartá hai ; 6 Jo har ek ko us ke kámon ke muwáfiq badlá degá : 7 Unko jo nek kám par qáim rahke buzurgí, aur izzat aur baqá ke cháhnewále hain, hamesha kí zindagí degá : 8 Magar un par jo fasá dí, aur sachcháí se muḡhálif, aur nárástí ke tábí hain : quhr aur gazab hogá, 9 Balki har ek ádmí kí ján jo buráí kartá hai, musíbat aur azáb meñ paregí ; pahile Yihúdí, par phir Yúnání kí ; 10 Aur harek ko jo bhaláí kartá hai, buzurgí, aur izzat,

aur salámatí milegí; pahile Yihúdí, phir Yúnání ko; 11 Kyúnki K̄hudá kisí kī taraf dārī nahīn kartá.

12 Is liye ki jinko sharíat nahīn milí, aur unhoṅ ne gunáh kiye, we bagair sharíat ke halák hongē : aur jinhoṅ ne sharíat páke gunáh kiye, unkí sazá sharíat ke muwáfiq hogí, 13 Jis din K̄hudá merí injíl ke muwáfiq Yisú Masíh kī mārifat ádmíon kī poshída báton ká insáf karegá. 14 Kyúnki K̄hudá kī nazdík sharíat ke sunnewále rástbáz na ṭhahrengí, balki sharíat par amal karnewále. 15 Isliye jab gair qaum jinhen sharíat na milí, agar tabíat se sharíat ke kám karte hain, to we sharíat ke kám karte hain, to we sharíat na páke apne liye áphí sharíat hain. 16 We sharíat ká k̄hulása apne dilon meṅ likhá húa dikháte hain; aur unke tamíz bhí gawáhí detí, aur unke k̄hiyál ápas meṅ ilzám dete, yá arz karte hain.

17 Dekho, tú Yihúdí kahlátá, aur sharíat par bharosá rakhtá, aur K̄hudá par ghamand kartá, 18 Aur us ká marzí jántá, aur sharíat kī tálím páke bure bhale meṅ faraq kartá, 19 Aur áp par yaqín rakhtá hai, ki maiṅ andhoṅ ká ráh dekhánewálá, aur andhere meṅ rahnewálon ke liye roshní hún, 20 Aur nádánon ká sikhlanewálá, aur larṅon ká ustád, aur ilm o sachái ká k̄hulása, jo sharíat meṅ hai, mere pás maujúd hai : 21 Pas kyá tú jo auron ko sikhlátá hai, áp ko nahīn sikhátá? Tú jo wáz kartá hai, ki chorí na karná, áphí chorí kartá? 22 Tú jo kahtá ki ziná na karná, kyá áphí ziná kartá? Tú jo buton se nafrat rakhtá, kyá áphí haikal ko lútá hai? 23 Aur tú jo sharíat par ghamand kartá hai, sharíat ke na mánne se K̄hudá ke nám kī bagairatí kartá? 24 Chunánchi likhá hai, ki tumháre sabab gair qaumon meṅ K̄hudá ke nám kī hifázat hotí hai.

25 K̄hatna fáida mand, tú hí agar to sharíat par amal kare; lekin jo tú sharíat ke barṅhiláf chalne wálá húa, to terá k̄hatna námaṅhtúní ṭhahrá. 26 Pas agar námaṅhton sharíat ke hukmon par amal kare, to kyá us ke námaṅhtúní k̄hatna na giní jáegi? 27 Aur agar zátí námaṅhton sharíat ko púrá kare, to kyá tujhe jo báujúd kitáb aur k̄hatní ke sharíat se barṅhiláf chaltá hai, gunabgár na ṭhahráegá? 28 Kyúnki wuh Yihúdí nahīn, jo záhirí meṅ hai; aur wuh k̄hatna nahīn jo záhirí jism meṅ hai : 29 Balkí Yihúdí wuhí jo báṭan se ho ;

aur khatna wahí jo dil, aur rúh se ho, na ki lafzí jiskí tárif ádmíon se nahín, balki K̄hudá kí taraf se ho.

### III. BAB.

1 Pas kyá Yihúdí ko kuchh fazílat, yá khatne ká kuchh fáida nahín? 2 Albatta har tarah bahut hai : k̄háss kar yih, ki we K̄hudá ke kalám ke amánat dár húe. 3 Phir agar báze ímán na láe, to kyá un kí be ímání K̄hudá ká iatbár bátíl kar saktí hai? 4 Hargiz nahín : balki K̄hudá sachchá hai, agarchi har ek ádmí jhúthá ho ; chunánchi likhá hai, ki 'Tú apní báton men rást thahre, aur adálat men jít jáe. 5 Par agar hamárá nárástí K̄hudá kí rástí ko záhir kartí hai, to ham kyá kahín ? kyá K̄hudá nárást hai, jo qahr názil kartá ? Main to ádmí kí tarah boltá hún. 6 Hargiz nahín : to K̄hudá kyúnkar dunyá kí adálat karegá ? 7 Phir agar mere jhúth ke sabab K̄hudá kí sachcháí us ke jalál ke liye ziyáda záhir húi ; to mujh par kyún gunahgár kí tarah hukm hotá hai ? 8 Aur ham kyún na burái karen, táki bhalái nikle ? Chunánchi báze ham par yih tuhmat lagáte hain, ki ham yún kahte, ki burái karen, táki bhalái hásil ho ? Aison par sazá ká hukm haqq hai.

9 Pas kyá ham un se bihtar hai ? hargiz nahín : kyúnki ham áge bayán kar chuke, ki kyá Yihudí aur kyá Yúnání, sab ke sab gunáh ke tale dube hain ; 10 Jaisá likhá hai, ki koí rástbáz nahín, ek bhí nahín : 11 Koí samajhne wálá nahín, koí K̄hudá ká dhúndhne wálá nahín. 12 Sab gumráh hain, sab ke sab nikamme hain : koí nekí karnewálá nahín, ek bhí nahín. 13 Unká galá khulígor hai ; unhon ne apní zabán se fareb diyá hai ; un ke húnthon men sámpon ká záhir hai : 14 Unke munh men lánat aur karwáhat bharí hai. 15 Unke qadam k̄hún karne men tez hain. 16 Unkí ráhon men tabáhi aur pareshání hai ; 17 Aur unhon ne salámatí kí ráh nahín pahchání. 18 Unkí nazron men K̄hudá ká k̄hauf nahín. 19 Ab ham jánte hain, ki jo kuchh shariát men farmáti, tarbiát wálon hí se kahtí hai : táki sab ká munh band ho jáe, aur sári dunyá K̄hudá ke sámhne gunahgár thahre. 20 Pas koí ádmí shariát ke kámon se us ke sámhne rástbáz na thahregá : kyúnki shariát ke wasile se gunáh kí pahchán hí hai.

21 Par ab K̄hudá kí rástbází beshariáthí záhir húi, jispar shariát

aur nabí gawáhí dete hai; 22 Yáne K̄hudá kí wuh rástbází, jo Yisú Masíh par ímán láne se sab ke liye hai, aur sab ímán láne wálon ko milí; kyúinki kuchh faraq nahín: 23 Is liye kí sab ne gunáh kiyá, aur K̄hudá ke jalál se mahrúm hai; 24 So we us ke fazl se us maḥl-  
 lásí ke sabab, jo Masíh Yisú se hai, muft rástbáz gine játe hai: 25 Jise K̄hudá ne kafára jo uske lahú par ímán láne se kám áwe ṭhahráyá, táki pní rástí agle waqt kí bábat záhir kare, jismen us ne sabr kárke gunáhon se tarah dí, aur us waqt kí bábat bhí apní rástí záhir kare, 26 Táki wuh áp hí rást rahe, aur use jo Yisú par ímán láwe rástbáz ṭhahráwe. 27 Phir ab ghumand kahán rahá? Uskí jagahí narahí. Kis sharíat se? Kyá amal kí sharíat se? Nahín, balki ímán kí sharíat se. 28 Pas nítja yih hai, kí ádmí ímán hí se be iamál sharíat ke rástbáz ṭhahrátá hai. 29 Kyá wuh sirf Yihúdíon ká K̄hudá hai? Aur gair qaumon ká nahín? Albatta, Wuh gair qaumon ká bhí hai: 30 Kyúinki ekhí K̄hudá hai, jo maḥtúnon ko ímán se, aur ná maḥtúnon ko bhí ímánhí ke sabab rástbáz ṭhahráwegá. 31 Pas kyá ham sharíat ko ímán se bátíl karte hai? Hargiz nahín: balki ham to sharíat ko qáim karte.

#### IV. BAB.

1 Phir ham kyá kahe, kí hamáre báp Abirahám ne jism kí bábat kuchh páyá? 2 Kyúinki agar Abirahám iamál kí ráh se rástbáz giná gayá, to us kí baráí kí jagah hai, lekin K̄hudá ká áge nahín. 3 Is liye kí kitáb kyá kahtí hai? Yehí kí Abirahám K̄hudá par ímán láyá, aur yih uske liye rástbází par ṭahrí. 4 Mazdúr ko mazdúrí detí, baḥshish nahín, balki us ká haqq hai. 5 Par uske liye jo kám nahín kartá, balki uspar jo gunahgár ko rástbáz ṭhahrátá ímán látá hai, usí ká ímán rástbází giná játá. 6 Chunánchi Dáúd bhí us ádmí kí nek baḥhtí ká zikr kartá hai, jis ko K̄hudá bagair iamál ke rástbáz ṭhahrátá, 7 Kí mubáarak we jin kí ḵhatáin muáf húín, aur jinke gunáh chhipáe gae. 8 Mubáarak wuh shaḥs jis ke gunáhon ká hisáb K̄hudáwand na legá. 9 Pas kyá yih nek baḥhtí maḥtúnonhí ke liye hāi, yá námaḥtúnon ke liye bhí? Ham to kah chuke, kí Abirahám ke liye uská ímán rástbází giná gayá. 10 Pas wuh

kab giná gayá? Maḳhtúní, yá námaḳhatúní kí hálat men? Maḳhtúní men nahín, balki námaḳhtúní men. 11 Aur us ne ḳhatne ká nishán páyá, ki us ímán kí rástbází kí mihr ho, jo use námaḳhtúní men milí thí: táki wuh un sab ká jo námaḳhtúní men ímán láte hain báp ho, ki unke liye bhí rástbází giní jáe; 12 Aur maḳhtún ká báp ho, na unká jo sirf maḳhtún hain, balki jo hamáre báp Abirahám ke ímán kí bhí, jo námaḳhtúní men thá, pairawí karte. 13 Kyúnki wuh wáda jo Abirahám aur uskí nasl ke sáth thá, ki Tú dunyá ká wáris hogá, so shariát ke wasíle se nahín, balki ímán kí rástbází se. 14 Kyúnki agar shariátwálehí wáris hain, to ímán befáida aur wáda láchásil. 15 Kyúnki shariát gusse ká sabab hai, isliye ki jahán shariát nahín, wahán náfarmání bhí nahín. 16 So is liye ímán se húá, ki wuh fazl ṭhahre, táki wuh ahd tamám nasl ke liye báqí rahe: na sirf us nasl ke liye jo shariát wále hai, balki us ke liye bhí jo Abirahám ká sá ímán rakhtí; 17 Wuh us Ḳhudá ke sámhne jis par wuh ímán láyá, aur jo murdoṅ ká jílánewálá, aur un chízon ká jo maujúd nahín, yún zikr kartá goyá maujúd hain, ham sab ká báp hai. Chunánchi likhá hai, ki Main ne tujhe bahut qaumon ká báp muqarrar kiyá. 18 Wuh ná ummedí kí jagah men ummed ke sáth ímán láyá, táki wuh us kalám ke muwáfíq, ki Terí nasl aisí hogí, sab qaumon ká báp ho. 19 Wuh sust iatiqád na thá, aur na us ne apne murde se badan ká, jo sau baras ká qaríb ká thá, aur na Sára ke rahim ká, jo ḳhushk ho gayá thá, kuchh ḳhiyál kiyá. 20 Aur wuh beímání se Ḳhudá ke wáde men shakk na láyá, balki táki iatiqád men mazbút ho kar Ḳhudá kí baráí kí; 21 Aur usse kamál yaqín húá, ki jo kuchh usne wáda kiyá púra kar saktá hai. 22 Isí wáste yih us ke liye rástbází ṭhahrí. 23 Aur sirf us ke liyehain likhá, ki yih uske wáste ṭhahrí; 24 Balki yih hamáre liye bhí rástbází ṭhahregí, agar ham us par ímán láwen, jis ne hamáre Ḳhudáwánd Yisú ko murdoṅ men se jiláyá; 25 Wuh hamáre ḳhatáon ke wáste hawála kar diyá gayá, aur hamáre rástbáz hone ke liye jiláyá gayá.

## V. BĀB.

1 Pas jab ki ham ímán ke sabab rástbáz ṭhahre, to ham men aur Kḥudá men hamáre Kḥudáwand Yisú Masíh ke wasíle mel húa. 2 Aur isí ke wasíle se ham us fazl men jis par qáim hain ímán ke sabab daḡhl páte, aur Kḥudá kí jalál kí ummed par ghamand karte hain. 3 Aur sirf yihí nahín; balki musíbaton men bhí baṛáí karte, yih ján kar ki musíbat se sabr paidá hotá; 4 Aur sabr se tajarba; aur tajarba se ummed: 5 Aur yih ummed sharminda nahín kartí; kyúнки Rúh i Quds ke wasíle se jo hamen milá, Kḥudá kí mahabbat hamáre dil men járí húi. 6 Kyúнки jab ham kamzor the; Masíh ain waqt par be dínon ke liye múá. 7 Ki kisí rástbáz ke wáste apní ján dení mushkil hai; par sháyad kisí men yih jurát ho, ki kisí bhaláí karnewále ke liye apní ján de. 8 Lekin Kḥudá ne apní mahabbat ham par yún záhir kí, ki jab ham gunáh karte játe the, Masíh hamáre wáste múá. 9 Pas jab uske lahú ke sabab ham rástbáz ṭhahre, to kitná kí ziyáda uske wasíle quhr se bach rahenge? 10 Kyúнки jab Kḥudá ne ham se, jis waqt ki ham dushman the, apne Beṭe kí maut ke sabab mel kiyá; pas ham ab mil kar uskí zindagí ke sabab kitná hí ziyáda bach jáenge? 11 Aur sirf yihí nahín, balki apne Kḥudáwand Yisú ke wasíle, jis ke sabab ab ham ne mel páyá, Kḥudá par faḡhr karte hain.

12 Pas jis tarah ek shaḡhs ke wasíle gunáh, aur gunáh ke sabab maut dunyá men áí; isí tarah maut sab men phailí; is liye ki sab ne gunáh kiyá. 13 Kyúнки shariát ke záhir hone tak gunáh dunyá men thá: par jahán shariát nahín, gunáh kí nisbat nahín kí játi. 14 Tau bhí maut ne Adam se Masíh tak un par bhí iḡhtiyár páyá, jinhon ne Adam ká sá gunáh na kiyá, jo ánewále ká nishán thá. 15 Par yih nahín ki jis qadr ḡhatá, isí qadr baḡshshish; kyúнки jab ekhí kí ḡhatá ke sabab bahut se margae, to ek hí shaḡhs, yáne Kḥudáwand Yisú Masíh ke fazl se Kḥudá ká fazl o karm bahuton par kitní ziyáda hogá. 16 Aur jo kuchh us ek gunahgár se húa, so baḡshshish ke barábar nahín; kyúнки ekhí ḡhatá ke sabab sazá ká hukm húa, par rástbáz hone ke liye bahut ḡhatáon kí baḡshshish hai. 17 Kyúнки agar ek kí ḡhatá ke sabab maut ne ek hí ke wasíle se bádsháhat kí; to we jo kamál fazl, aur rástbází ká ínám pátí hai, ek Yisú Masíh ke



wasíle zindagí men kyá hí bádsháhat karengé? 18 Pas jaisá ek khatá ke sabab sab ádmíon par sazá ká hukm húá, waisá hí ek rástbází ke sabab sab ádmíon ke liye zindagí kí rástbází thahrí. 19 Kyúнки jaise ek shakhs kí náfarmán bardárí se bahut log gunahgár thahre, waise hí ek kí farmán bardárí ke sabab bahut log rástbáz thahrengé. 20 Aur shariát darmiyán men usí ke khatá ziyáda ho. Par jahán gunáh ziyáda húá, fazl us se bhí niháyat ziyáda húá hai : 21 Ki jaise gunáh ne maut se bádsháhat kí, waisá hí fazl hamáre K̄hudáwand Yisú Masíh ke wasíle hamesha kí zindagí ke liye rástbází se bádsháhat kare.

## VI. BĀB.

1 Pas ham kyá kahen? Kyá gunáh karte rahen, táki fazl ziyáda ho? 2 Hargiz nahín : ham to gunáh kí nisbat murda hain, phir kyúncar us men zindagí guzáren? 3 Kyá tum nahín jánte, ki ham men se jinhon ne Masíh Yisú ká bápísmá páyá, uskí maut ká bápísmá páyá? 4 Pas maut ke bápísmá ke sabab us ke sáth gáre gae : táki jaise Masíh murdon men se Báp ke jalál ke wasíle se jí uṭhá, waise hí ham bhí naí zindagí men qadm máren. 5 Agar ham uskí tarah marke boe gae, to albatta jí uṭhne men bhí uskí mánind honge: 6 Kyúncar ham jánte hain, ki hamáre purání ádmíat uske sáth salíb par kenchí gai, táki gunáh ká badan nest ho jáe, ki ham áge ko gunáh ke gulám na banen. 7 Kyúncar jo mará, us ne gunáh se chhutkára páyá. 8 Pas agar ham Masíh ke sáth mare, to hamen yaqín hai, ki us ke sáth jíenge bhí: 9 Ham yih jánte hain, ki Masíh murdon men se jí uṭhá, phir nahín marneká; aur maut phir uspar ikhtiyár nahín rakhtí. 10 Kyúncar jo múá, só gunáh kí nisbat ek dafá múá : phir jo jíyá, to K̄hudá kí nisbat jíyá. 11 Isí tarah tum bhí áp ko gunáh kí nisbat murda samjho, par K̄hudá kí nisbat hamáre K̄hudáwand Yisú Masíh ke wasíle zinda. 12 Pas gunáh tumháre nest honewále badan par sultanat na kare, ki tum jismáne khwáhishon men us ke farmán bardár ho jáo. 13 Aur na apne ang gunáh ke hawále karo, ki ná rástí ke haṭhyár ban jáwen, balki apne taín is tarah K̄hudá ko sompo, jaise marke jí uṭhe, aur apne ang K̄hudá ke supurd

karo, táki rástí ke hathyár banen; 14 Is liye ki gunáh tum par hukúmat na kar sakegá; kyúнки tum shariát ke iḡhtiyár men nahín, balki fazl ke iḡhtiyár men ho.

15 Pas is liye ki ham shariát ko iḡhtiyár men nahín, balki fazl ke iḡhtiyár men kyá gunáh kiyá karen? 16 Hargiz nahín; kyá tum nahín jánte, ki jis kí tábídarí men tum ap ko gulám kí mánind sompte ho, usí ke gulám ho; jis kí tábídarí karte ḡhwáb gunáh kí, jiská áḡhir maut hai, ḡhwáb farmánbardári kí, jiská phal rástbází hai? 17 Par ḡhudá ká shukr, ki tum jo áge gunáh ke gulám the, tálím ke sánche men ḡhále jáke dil se farmánbardár húe. 18 Aur gunáh se chhúṭ kar rástbází ke gulám bane. 19 Main tumháre jism kí kamzorí ke sabab ádmí kí tarah bayán kartá hún: kyúнки jaise tum ne apne ang nápakí, aur sharárat kí gulámí men sompte the, táki sharárat karen, waisehí ab apne ang rástbází kí gulámí men pák hone ke wáste sompo. 20 Kyúнки jab tum gunáh ke gulám the, rástbází se ázád the. 21 Pas tum ne un kámon se, jin se ab sharminda ho gayá, phal payá? kyúнки unká anjám maut hai. 22 Par ab tum gunáh se chhúṭ kar ḡhudá ke bande ho ke pákízagí ká phal láte ho, aur áḡhir hamesha kí zindagí hai. 23 Kyúнки gunáh ká iwaz maut hai; par ḡhudá kí baḡhshish hamáre ḡhudáwand Yisú Masíh ke wasíle hamesha kí zindagí hai.

## VII. BĀB.

1 Ai bháío, tum nahín jánte, main to un se kahtá hún, jo shariát se wáqif hain, ki jab tak ádmí jítá hai, us par shariát ká hukm hai? 2 Kyúнки byáhlí aurat shariát ke muwáfiq apne ḡhasam kí zindagí tak us kí qaid men hai; par agar ḡhasam mare, to wuh apní ḡhasam kí qaid se chhúṭ játí hai. 3 Pas ḡhasam ke jíte jí agar wuh dúsre ko karle, to ziná kar ṡhahregí; par agar ḡhasam mar gayá, to wuh us qaid se chhúṭ, ki agar dúsre mard ko karle zinákár na hogí. 4 So ai mere bháío, tum Masíhke badan ke sabab shariát kí nisbat gae ho, ki tum dúsre ke ho jáo, jo murdon men se jí uṡhá, táki ham ḡhudá ke liye phal láwen. 5 Kyúнки jab ham jamání the, gunáh kí ḡhwáhishen, jo shariát ke sabab thín, hamáre band band men

maut ke phal lāne ko asar kartīn. 6 Par ab jo ham margae, to shariyat se jis kī qaid men the chhūt gae, aisā ki rūh ke naī taur se, na ki taraf ke purāne taur se bandagī karen.

7 Phir ham kyā kahen ? Kyā shariyat gunāh hai ? Hargiz nahīn. Balki bagair shariyat ke main gunāh ko nahīn pahchāntā ; kyūnki main lālach ko na jāntā, agar shariyat na kahtī, ki tū lālach na kar. 8 Par gunāh ne shariyat ke sabab qābū pākār mujh men har tarah ke lālach paidā kiye, kyūnki shariyat ke bagair gunāh murda hai. 9 Ki main āge be shariyat jītā thā : par jab hukm āyā, gunāh jī uṭhā, aur main mar gayā. 10 Aur wahī hukm jo zindagī ke liye thā, mere maut kā sabab hūā. 11 Kyūnki gunāh ne hukm ke wasīle qābū pākār mujhe bahkāyā, aur isī ke sabab mār dālā. 12 Pas shariyat to pāk hai, aur hukm pāk, aur sachchā, aur ḡhūb hai.

13 Pas kyā jo ḡhūb hai, mere liye maut kā sabab hūā ? Hargiz nahīn. Balki gunāh ne, tāki uskā gunāh honā zāhir ho, achchhī chīz ke wasīle maut mujh men paidā kī ; ki gunāh hukm ke wasīle nihāyat hai, burā mālūm ho. 14 Kyūnki ham jānte hain, ki shariyat rūhānī hai : par main jismānī aur gunāh ke hāth bik gayā hūn. 15 Ki jo main kartā hūn, pasand nahīn kartā ; kyūnki jo main nahīn chāhtā, so kartā ; balki jis se mujhe nafrat hai, wahī kartā hūn. 16 Pas jab main wahī kartā hūn, jo nahīn chāhtā, to main qabūl kartā hūn, ki shariyat ḡhūb hai. 17 So ab main uskā karnewālā nahīn, balki gunāh jo mujh men bastā hai. 18 Kyūnki main jāntā hūn, ki mujh men yāne mere jism men koī achchhī chīz nahīn bastī, wāste is ki main chāhtā to hūn, par jo kuchh achchhā hai, karne nahīn pātā. 19 Ki jo nekī main chāhtā hūn, nahīn kartā, balki wuh badī jise main nahīn chāhtā, sohī kartā hai. 20 Pas jab ki main jise nahīn chāhtā, wahī kartā hūn, to phir main us kā karnewālā nahīn, balki gunāh jo mujh men bastā hai. 21 Garaz main wuh shariyat pātā hūn, ki jab main nekī kiyā chāhtā hūn, to badī mere pās maujūd hotī. 22 Kyūnki main bātinī insānīt se Ḳhudā kī shariyat par rāzī hūn. 23 Magar dūsri shariyat apne band band men dekhtā hūn, jo merī aql kī shariyat se laṭī, aur mujhe us gunāh kī shariyat kā, jo mere band band men hai, giriftār kartī. 24 Afsos ! main to saḡht musībat men hūn ! us maut ke badan se mujhe kaun chhuṛāwegā ? 25 Ḳhudā kā shukr kartā

hūn, ki hamāre Ḳhudāwand Yisū Masīh kā wasīle, garaz, main to apnī aql se Ḳhudā kī shariyat bajā lātā hūn; par jism se gunāh kī shariyat.

### VIII. BĀB.

1 Pas 'ab jo Masīh Yisū men main hain, aur jism ke taur par nahin, balki Rūh ke taur par chalte, un par sazā kā hukm nahin. 2 Kyūnki us Rūh zindagī kī shariyat ne, jo Masīh men hai, mujhe gunāh aur maut kī shariyat se chhurā diyā. 3 Is liye jo shariyat se jism kī kam zorī ke sabab na hosakā, so Ḳhudā se hūā, ki us ne apne Beṭe ko gunahgār jism men kī sūrat men gunāh ke sabab bhej kar, gunāh par jism men sazā kā hukm diyā: 4 Tāki ham men jo jism ke taur par nahin, balki Rūh ke taur par chalte hain, shariyat kī rāstī pūrī ho. 5 Kyūnki we jo jism ke taur par hain, unkā mizāj jismānī hai: par we jo Rūh ke taur par hain, unkā mizāj rūhānī. 6 Ki jismānī mizāj maut hai, par rūhānī mizāj zindagānī, aur salāmatī: 7 Is liye kī jismānī mizāj Ḳhudā kā dushman hai: kyūnki Ḳhudā kī shariyat ke tābī nahin, aur na ho saktā. 8 Aur jo jismānī hain, Ḳhudā ko pasand nahin ā sakte. 9 Par tum jismānī nahin, balki rūhānī ho, agar Ḳhudā kā Rūh tum men bastā hai; par jis men Masīh kā Rūh nahin, wuh uskā nahin. 10 Aur agar Masīh tum men hai, to badan gunāh ke sabab murda hai, par rūh rāstī ke sabab zinda. 11 Phir agar us kā Rūh jisne Yisū ko murdon men se jilāyā, tum men base, to Masīh kā jilānewālā tumhāre murde badan ko bhī apne us Rūh ke wasīle, jo tum men bastā hai, jilāwegā.

12 Pas ai bhāio, ham kuchh jism ke qarazdār nahin, ki jism ke taur par chalen; 13 Kyūnki agar tum jism ke taur par zindagī karo, to maroge: par agar rūh se badan kī burī ḳhwāhishon ko maro, to jīoge. 14 Is liye kī jitne Ḳhudā ke Rūh kī hidāyat se chalte, wehī Ḳhudā ke farzand hain. 15 Ki tum ne gulāmī kā rūh nahin pāyā, ki phir ḍaro; balki lepālak honekā Rūh pāyā, jis se ham Abā, yāne ai Bāp! pukār pukār kahte hain. 16 Wuhī Rūh hamāre rūh ke sāth gawāhī detā, ki ham Ḳhudā ke farzand hain. 17 Aur jab farzand hūe, to

wáris bhí; yáne K̄hudá ke wáris, aur mírás men Masíh ke sharík bas-hartika ham us ke sáth dukh uṭháwen, tá ki us ke sáth jalál bhí páwen.

18 Kyúнки merí samajh men us waqt ke dukh dard is láiq nahín, ki us jalál ke jo ham par záhir hone wálá hai, muqábil hún. 19 Ki k̄hilqat kamál árzú se K̄hudá ke farzandon ke záhir hone kí rástí hai. 20 Is liye ki k̄hilqat k̄harábí men phansí, apní k̄húshí se nahín, balki phansáne wále ke sabab. 21 Is ummed par ki k̄hilqat bhí gulám í kí k̄harábí se chhuṭ ke K̄hudá ke farzandan ke jalál kí ázádagí men dákhil howe. 22 Kyúнки main jánte hain ki sárí k̄hilqat mil ke ab tak chek̄hín mártí, aur use pairí lagí hain: 23 Aur faqat wuh nahín, balki ham bhí jinhen Rúh ká pahilá hásil milá, áp se kará-hatí hain, aur lepálak hone yáne apne jismon kí riháí kí ráh takáte hain. 24 Ki ham ummed se bach gae hain, aur ummed un chízon kí bábat jo nazaráwen ummed nahín hai: kyúнки jo chíz koí dekhtá us ká ummedwár kís tarah ho saktá hai. 25 Par jise ham nahín dekhte, agar ham us ke ummedwár hain, to sabr se uskí ráh takte hain. 26 Isí tarah, wuh Rúh bhí kam zoríon men madad kartá hai: kyúнки jo duá mángní hameñ zarúr hai, ham nahín jánte par wuh Rúh aisí áhín bhar ke ki jiská bayán nahín ho saktá, hamáre sífárish kartá hai. 27 Aur wuh jo dilon ká jánne wálá hai jántá hai, ki Rúh ká kyá matlab hai, ki wuh K̄hudá kí marzí mutábiq muqaddas logon kí sífárash kartá hai. 28 Aur ham jántí hain, ki sárí chízen unki bhaláí ke liye, jo K̄hudá se mahabbat rakhte hain, mil ke fáida baḅshatí hain, ye we hain jo K̄hudá ke iráde ke muwáfiq buláe gae. 29 Ki jinhen use pahile se pahcháná, unhen áge se ṭhahráyá, ki us ke Beṭe ke ham shakl hún, tá ki wuh bahut se bháíon men pahilauṭá ṭhahre. 30 Aur jinhen us ne áge se ṭhahráyá: us ne unko buláyá bhí, aur jinhen buláyá, unko rástbáz bhí ṭhahráyá; aur jinko rástbáz ṭhahráyá, unko bhí baḅshhá.

31 Pas ham in báton ko kyá kahen, agar K̄hudá hamárí taraf hai, to kaun hamára muḅhálif hogá? 32 Jis ne apne Beṭe hí ko rakh na chhorá, balki ham sab ke liye somp diyá, to wuh us ke sáth sab chízen bhí hameñ kyúncar na baḅshshegá? 33 K̄hudá ke chune hoon par kaun dáwíá karegá? unká rástbáz ṭhahráne wálá K̄hudá. 34 Kaun sazá ká hukm degá? Masíh jo margayá, balki jí bhí uṭhá

aur K̄hudá kī dahnī taraf baithá hai, wuh to hamáří sífárish kartá, hai. 35 Kaun ham ko Masíh kī mahabbat se judá karegá? Musíbat, yá tangí, yá satáyá jáná, yá kál, yá nangá rahná, yá k̄hatra, yá talwár? 36 Chunánchi likhá hai, ki Ham terí k̄hátir din bhar máre játe haiñ; aur zabh kī bheron ke barábar gine játe haiñ. 37 Balki ham un sab chízon par us ke wasíle jis ne ham se mahabbat kī niháyat gálib hote haiñ. 38 Kyúnki mujh ko yaqín hai, ki na maut, na zindagi, na firishte, na hukúmaten, na qudraton, aur na hál, na istáqbál kī chízen, 39 Na bulandí, na pastí, aur na koí dúsrá maḵhlúq ham ko K̄hudá kī us mahabbat se, jo hamáre K̄hudáwand Masíh Yisú men hai, judá kar sakegí.

### IX. BAB.

1 Main Masíh ke sámhne sach boltá hūñ, jhúṭh nahíñ kahtá, aur merá dil bhí Rúh i Quds kī márifat merá gawáh hai. 2 Ki mujhe bará gam, aur ranj mere dil ká har dam hai. 3 Ki main yahán tak cháhtá thá, ki agar ho sake, to apne bháíon ke badle, jo jism kī rú se mere qarábatí haiñ, Masíh se mahrúm hoúñ. 4 We Isráelí haiñ, aur lepálak honá, aur jalál, aur washqe, aur shariyat páná, aur ibádat, aur wáde, unhí ke haiñ. 5 Aur báp dáde unhí men ke haiñ, aur jism kī nisbat Masíh bhí unhí men se húa, jo sabhon ká K̄hudá ham- esha mubáarak hai, Amín.

6 Lekin yih na samjhá cháhiye, ki K̄hudá ká kalám bátil ho gayá. Is liye ki sab jo Isráel men se haiñ, Isráelí nahíñ. 7 Aur na is sabab se ki we Abirahám kī nasl haiñ, sab farzand haiñ: kyúnki farmáyá hai, ki Isháq se terí nasl kahláengí. 8 Yáne na we jo jism ke beṭe haiñ, K̄hudá ke farzand haiñ; balki wuhí farzand jo wáde ke haiñ, nasl gine játe haiñ. 9 Kyúnki wáde kī bát yihí hai, ki main isí waqt áungá, aur Sáráh ek beṭá janegí. 10 Aur sirf itnáhí nahíñ, balki Ribqá bhí jab ek shaḵhs se yáne hamáre báp Isháq se hámila húi. 11 Aur hanoz larke paidá na húe, aur na nek aur bad ke fáil the; tab is se kahá giyá, ki Bará chhoṭe kī k̄hidmat karegá. 12 Táki chune men K̄hudá ká iráda jo kámon par nahíñ, balki miláne wále

par mauqúf hai, qáim rahe. 13 Jaisá likhí hai, ki Main ne Yaqúb se mahabbat thí, aur Esau se adáwat rakhí.

14 Pas ham kyá kahen ? kyá K̄hudá ká yahán beinsáfi hai ? aisá nahowe. 15 Ki wuh Músá se kahtá hai, Main jis par rahm karúngá, aur jis par mihr cháhtá hún, us par mihr karúngá. 16 Pas yih na cháhnewále, na talásh karnewále par, balki K̄hudá rahím par mauqúf hai. 17 Aur kitáb Fíraún se kahtí hai, ki Main ne apne liye tujhe barháyá, ki tere wasíle se apní qudrat záhir karún, aur merá nám tamám rúe zamín par mashhúr howe. 18 Pas wuh jis par cháhtá hai, rahm kartá hai ; aur jise cháhtá hai, saḡht kartá hai.

19 Pas túhí mujh se kahegá, Phir wuh kyúu malámat kartá hai ? Kis ne us ke iráda ká muqábala kiyá ? 20 Ai ádmí, tú kaun hai, jo K̄hudá se takrár kartá hai ? kyá kárigarí kárigar ko kah saktí hai, ki túne mujhe kyún aisá banáyá ? 21 Kyá kumhár ká miṭṭí par k̄htiyár nahín, ki wuh ekhí lúnde meṅ se ek bartan izzat ká, aur dúsrá beiz-zatí ká banáwe ? 22 Agar K̄hudá is iráde se, ki apní gusse ko záhir kare, aur qudrat ko dikháwe, qahr ke bartanon kí, jotabáh karne ke láiq the niháyat bardásht kí ; 23 Aur apne liye niháyat jalál ko rahm ke bartanon par, jo us ne hashmat ke liye taiyár kiye the, záhir kiyá, to kyá húa ? 24 Yáne ham par jinhen na faqat Yihúdíon men se, balki gair qaumon men se bhí buláyá ? 25 Chunánchi Hosheá kí kitáb men yún kahtá hai, ki Main gair-qaum ko apní qaum kah-úngá, aur jo piyárá na the, unhen piyárá kahúngá. 26 Aur jis jagah yih un se kahá gayá, ki Tum merí qaum nahín ho ; isí jagah we zinda K̄hudá ke farzand kahláwenge. 27 Aur Ishayá Isráel kí bábat pu-kártá hai, ki Agarchi baní Isráel shumár men daryá kí ret ke barábaḡ hain, lekin unmen se thore bach jáenge. 28 Kyúnki wuh hisáb ko rástí se púra, aur faisal kartá hai : ki K̄hudáwand zamín men mukh-tasar hisáb karegá. 29 Aur chunánchi Ishayá ne áge kahá, Agar lashkaron ká K̄hudáwand hamáre liye nasl báqí na chhortí, to ham Sadum kí mánind, aur Amúrah ke barábar hote.

30 Pas ab ham kyá kahín, ki gair-qaumon ne jo rástbází kí talásh men na thín, rástbází hásil kí, yáne wuh rástbází jo ímán se hai : 31 Par Isráel rástbází kí shariát kí talásh karke rástbází kí shariát tak nahín pahunchá hai. 32 Kis liye ? Is liye ki unhon ne ímán se

nahín, balki shariát ke kámon se us kí talásh kí; kyúinki unhon ne thokar khiláne wále pathar se thokar khái. 33 Chunánchi likhá hai, ki Dekho main Saihun men ek thes khilánewálí chaṭán, aur thokar khilánewálá pathar rakhtá hún: aur jo koí us par ímán látá hai, so sharminda na hogá.

### X. BAB.

1 Ai lháío, mere dil kí khwáhish, aur Kḥudá se merí duá Isráel kí bábat yih hai, ki we naját páwen. 2 Main un ká gawáh hún, ki we Kḥudá kí bábat gairat mand to hain, par dánáí se nahín. 3 Is liye ki we Kḥudá kí rástbází ko na ján ke, aur koshish kar ke, ki apní rástbází qáim karen, Kḥudá kí rástbází ke tábí na howe. 4 Ki har ek ímán lánewále kí rástbází ke liye Masíh shariát kí gáyat thahre. 5 Ki wuh rástbází jo sháriát kí hai, Músá us ká zikr yún kartá hain, ki Jis insán ne un kámon ko kíyá, wuh un ke sabab jítá rahegá. 6 Par wuh rástbází jo ímán se hai, yún kahtí hai, ki Tú apne dil men mat kah, ki Asmán par kaun charhegá? yáne Masíh ko utár láne ko. 7 Yá gár men kaun utregá? yáne Masíh ko murdon men se uṭhá láne ko. 8 Phir kyá kahtí hai? Yih, ki kalám tere nazdík, tere munh, aur tere dil men hai: yih wahí kalám ímán ká hai, jis kí ham manádí karte hain: 9 Ki agar tú apní zabán se Kḥudáwand Yisú ká iqrár kare, aur apne dil se ímán láwe, ki Kḥudá ne use phir ke jiláyá, to tú naját páwegá. 10 Kyúinki rástbází ke liye dil se ímán láná hai, aur naját kí khátir munh se iqrár karná, 11 Chunánchi kitáb yih kahtí hai, ki Jo koí us par ímán látá hai, sharminda na hogá, 12 Pas Yihúdíon, aur Yúnáníon men kuchh tafáwat na rahá: kyúinki wahí jo sab ká Kḥudáwand hai, un sab ko jo us ká nám lene wále hain, niháyat baḥshne wálá hai. 13 Kyúinki harek, jo Kḥudáwand ká nám legá, bacháyá jáegá.

14 Pas jis par we ímán nahín láe, uská nám kyúnkar lewen? aur jis ko unhon ne nahín suná, us par kyúnkar ímán láwen? aur manádí karnewále ke bagair kyúnkar sunen? 15 Aur agar bheje najáwen, to kyúnkar manádí karen? chunánchi yih likhá hai, ki Jo saláh, aur achchhí chízon kí khúsh khabarí dete hain, kyá mubáarak qadm hain!



16 Lekin sab ne yih jo k̄húsh k̄habarí mán nalí, ki Ishayá kahtá hai, ki Ai K̄hudáwand, kaun hamarí manadí par ímán láyá? 17 Pas ímán sun lene se aur sun lená K̄hudá ke kalám se átá hai. 18 Par main kahtá hún, Kyá unhon ne nahín suná? Albatta unkí áwáz tamám rúe zamín par, aur unkí bāten dunyá kí haddon tak pahunchí. 19 Phir main kahtá hain, Kyá Isráel ágáh na húá? Músá ne to pahile kahá, ki Main un se jo qaum se báhar hain, tum ko gairat d̄aláúngá, aur qaum nádán se tum ko gusse par láúngá. 20 Par Ishayá bará beparwá hí aur kahtá hai, Jinhon ne mujhe nahín d̄húndhá, mujh ko pá gae; aur jinhon ne mujhe nahín púchhá, un par main záhir húá. 21 Lekin wuh Isráel ke haqq men yún kahtá hai, ki Main apne háth din bhar ek qaum ke liye, jo náfarmán bardár, aur hujjatí hai, barháe thá.

---

### XI. B.A.B.

1 Pas main kahtá hún, Kyá K̄hudá ne apní qaum ko k̄hárij kar diyá? Aisa na howe. Kyúнки main bhí Isráelí Abirahám kí nasl men, aur Binyámín ke gharáne se hún. 2 K̄hudá ne apní us qaum ko, jise us ne pahile se jáná, k̄hárij nahín kiyá. Kyá tum nahín jánte ho, ki Eliyá ke haqq men kitáb kyá kahtí hai? ki wuh kyúncar K̄hudá se Isráel par faryád karke kahtá hai: 3 Ki ai K̄hudáwand, unhon ne tere nabíon ko qatl kiyá, aur terí qurbángahon ko d̄háyá; ab main akelá bāqí hún, aur we merí ján kí bhí fikr men hain. 4 Par kalám íláhí us ko kyá kahtá hai? Yih, ki main ne apne liye sāt hazárádmí bachá rakhe hain, jinhon ne Bál ke áge ghuṭhná nahín teká. 5 Pas isí tarah us waqt bhí kitne hí fazl se barguzída hoke bāqí rahe hain. 6 Phir agar fazl se hai, to iamál se nahín; nahín to fazl fazl na rahegá. Aur agar iamál se hai, to fazl phir kuchh nahín; nahín to amal amal na rahegá.

7 Pas yih kyá hai? ki Isráel jis chíz kí talásh kartá hai, wuh us ko na milí; par chune hoon ko milí, aur bāqí andhe rahe. 8 Chunanāchi likhá hai, ki K̄hudá ne áj tak unhen únghne d̄alí rúh, aur ánkhen ki na dekhen, aur kán ki na sunen, die hain. 9 Aur Dáúd kahtá hai, ki Unká dastar k̄hwán jál, aur phandá, aur ṭhokar khilá-

newálá pathar aur unkí sazá ká sabab howe. 10 Unkí ánkheñ tárík ho jáweñ ki we na dekheñ, aur tú unkí píṭh ko hamesha jhukhá rakh.

11 Pas main kahtá hún, ki kyá unheñ ne aisí ṭhokar kháí, ki gir pare? Aisá naho: magar unke girne ke báis naját gair qaumon ko milí, táki unheñ un se gairat áwe. 12 Par agar unká girná dunyá ke liye daulat húi, aur unkí ghaṭṭí gair qaumon ke liye daulat, to unká kamál kitná hí? ziyáda daulat nahogá? 13 Main gair qaumon ká rasúl ho kar tum gair qaumon se bulátá hún, aur apní kḥidmat kí buráí kartá hún; 14 Táki main kisí tarah se rishtadáron ko gairat diláúñ, aur un meñ se bázon ko bacháúñ. 15 Ki agar unká kḥárij ho jáná jahán ke maqbúl hone ká báis hai, to unká á milná kaisá kuchh hogá? hán jaisá murdon ká jí uṭhná. 16 Kyúñki agar pahilá phal pák, to tamám phal waisáhi hogá: aur agar jaṛ pák ho, to dálíán bhí waisíhi hongí. 17 So agar dálíon meñ se koí ek toṛí gaín, aur tú jo janglí zaitún thá, un ká paiwand húa, aur zaitún kí jaṛ aur raugan meñ sharík húa; 18 Tú to un dálíon par faḵhar mat kar; aur agar faḵhar kare, to yád rakh, ki tú jaṛ ká sambhálne wálá nahín, balki jaṛ terí sambhálne wálí hai. 19 Phir tú kahegá, ki állán is wáste toṛí gaín, táki main paiwand hoúñ. 20 Achchhá, we be ímání ke sabab toṛí gaín, aur tú ímán ke sabab qáim hai. 21 Pas garúr mat kar, balki ḍar: kyúñki agar Kḥudá ne aslí shákhon ko na chhoṛá, to kḥabardár aisá naho, ki tujh ko bhí na chhoṛe.

22 Pas Kḥudá kí narmí aur saḵhtí ko dekh: saḵhtí un par, jo gir gae hún; aur narmí tujh par, agar tú narmí par qáim rahe: nahín to tú bhí káṭá jáwegá. 23 Aur agar we bhí be ímán na raheñ, to paiwand kiye jáwenge: ki Kḥudá qádir hai, ki unheñ do bárah paiwand kare. 24 Is liye ki tú jab us zaitún ke daraḵht se jis kí asl janglí hai, káṭí gayá, aur barkḥiláf ke achchhí zaitún ká paiwand húa, to wejo aslí dálíán haiñ, kis qadr ziyáda apne kḥáss zaitún meñ paiwand na kíjāwengí?

25 Ai bháío na howe, ki tum apne taín afazl samjho; main cháhtá hún, ki tum us bhed se náwáqif na raho, ki báze Isráelí andhe ban jáne lage, aur jab tak gair qaumon kí bhartí na howe, aisáhi hogá. 26 So tamám Isráelí bach jáenge: chunánchi likhá hai,

ki Chhuránewálá Saihún se niklegá, aur be díní ko Yaqúb se dafá karegá: 27 Aur merá yih ahd un ke sáth hogá, jab main unke gunáhon ko miṭá dúngá. 28 We to injíl kí bábat tumháre sabab se dushman hain: lekin barguzídagí kí bábat báp dádon ke sabab piyáre hain. 29 Is wáste ki K̄hudá ká ínámaur barguzídagí badalne kí nahín. 30 Kyúнки jis tarah tum áge K̄hudá ke farmánbardár na the, par ab unkí ná farmán bardárí ke sabab tum par rahm húá; 31 Waisáhi we bhí ab náfarmán bardár howe, táki us rahm ke sabab se, jo tum par húá, unpar bhí rahm howe. 32 Is liye ki K̄hudá ne sab ko náfarmán bardárí kí qaid men ginátá, ki sab par rahm farmáwe.

33 Wáh! K̄hudá kí daulat o hukúmat, aur dánái kyá hí ameq! uske hukm daryáft se kyá hí pure, aur us kí ráhín patá milne se kyá hí dúr hain! 34 Ki kis ne K̄hudáwand ke iráde ko jáná hai? Yá kaun us ká saláhkár rahá? 35 Yá kisne pahile use kuchh diyá hai, ki phir diyá jáwegá? 36 Kyúнки us se, aur isí ke sabab, aur usí ke liye, sárí chízen húi hain: abad tak usí kí buzurgí ho. Amín!

## XII. BAB.

1 Pas ai bháío, main K̄hudá ke ruhmaton ká wásta deke tum se iltimás kartá hún, ki tum apne badan K̄hudá kí nazar karo, táki zinda qurbání o muqaddas o pasandída ho, ki yih tumhári ibádat ke muwáfiq hai. 2 Aur is jahán ke ham shakl mat ho: balki apne dil ke nae hone se apní shakl badal dālo, táki tum K̄hudá ke us iráde ko, jo bihtar, aur pasandída, aur kámil hai, baḡhúbí jáno. 3 Main us iámat se jo mujhe ináyat húi hai, tum men se harek ko kahtá hún, ki apne martabe se ziyáda álí mizáj na bano, balki durustí se aisá mizáj rakho, jaisá K̄hudá ne harek shaḡhs ko andáze se ímán diyá. 4 Kyúнки jaisá hamáre ek badan men bahut se ang hain, aur harek ká ek hí kám nahín; 5 Aise hí ham jo bahut se hain, mel ke Masíh ká ek badan hūe hain, aur ápas men ek dúsre ke ang. 6 Pas ham ne us niámat ke muwáfiq, jo ináyat húi, judá judá inám páyá, so agar wuh nabúwat hai, to ham ímám ke andáze ke muwáfiq nabúwat karen. 7 Aur agar k̄hidmat hai, to k̄hidmat men rahen; agar koí ustád

howe, to tálím par : 8 Aur nasíhat karnewálá nasíhat men mashgúl rahe : aur jo k̄hairát bántnewálá hai, sáf nasíhat men dilí se bántē : aur sardár koshúsh se sardárí kare ; rahm karnewálá k̄húshí se rahm kare.

9 Mahabbat be riyá howe. Badí nafrat karo ; nekí se mile raho. 10 Birádarána mahabbat se ek dúsre ko piyár karo ; izzat kí ráh se ek dúsre ko bihtar samjho ; 11 Koshish men sustí na karo ; Rúh se sar garm ho ; K̄hudáwand kí bandagí men raho ; 12 Ummed men k̄húsh ; taklif men bardásht karnewále, duá mángne par mustáyad raho ; 13 Muqaddason kí ihtiyáj men sharík ho ; musáfir parwarí men mashgúl raho. 14 Un ke liye jo tumhen satáte hain, barakat cháho ; k̄hair manáo ; lánat na karo. 15 K̄húsh waqton ke sáth k̄húsh raho ; aur ronewálon ke sáth roo. 16 Apas men ek sá mizáj rakho. Bare bare k̄hiyál mat bándho, balki garíbon ke sáth garíbí karo. Apní dánst men aqlmand na bano. 17 Badí ke iwaz men kisí se badí na karo. Un kámon par jo sab logon ke nazdik bhale hain, dúr andesh raho. 18 Agar ho sake, to maqdúr bhar har insán ke sáth mile raho.

19 Azízo, apná badlá mat lo, balki gusse kí ráh chhor do : kyúnci yih likhá hai, ki K̄hudáwand kahtá hai, Badlá lená merá kám hai ; main hí badlá lúngá. 20 Pas agar terá dushman bhúkhá ho, us ko khilá ; agar piyásá ho, use pání de : kyúnci yih karke uske sir par ág ke angáron ká dher lagáwegá. 21 Badí ká maglúb na ho, balki badí par nekí se gálib ho.

### XIII. BĀB.

1 Har ek shakhs kákimon ke tábí rahe ; kyúnci aisí koí hukúmat nahín, jo K̄hudá kí taraf se na ho : aur jitní kukúmaten hain, so K̄hudá kí taraf se muqarrar hain. 2 Pas jo koí hukúmat ká sámhná kartá hai, so K̄hudá kí muqarrarí bát ká mukhálif hai : aur we jo mukhálif hain, so áp hí sazá páwenge. 3 Ki hákim neko káron ko nahín, balki bad káron ko k̄hauf ká báis hai. Pas agar tú cháhe, ki hukúmat se na dar rahe, to nekí kar, ki wuh terí táríf karegá. 4 Kyúnci wuh K̄hudá ká k̄hádím terí bihtarí ke liye hai. Par agar tú burá kare, to dar ; ki wuh talwár abas nahín pakartá : ki wuh

Ḳhudá ká ḳhádīm badkár ko sazá deke badlá lenewálá hai. 5 Pas tábí rahná na sirf gazab ke sabab, balki nek niyatí ke wáste bhí zarúr hai. 6 Is liye tum ḳháriḳ bhí do, ki we Ḳhudá ke ḳhádīm hain, táki us kám men mashgúl rahen. 7 Pas sab ká haqq ádá karo : jis ko ḳháriḳ cháhiye ḳháriḳ ; aur jis ko mahsúl cháhiye mahsúl do ; aur jis se dará cháhiye daro ; aur jis kí izzat kiyá cháhiye izzat karo.

8 Siwá ápas kí mahabbat ke kisí ke qarazdár na raho : kyúnci jo auron se mahabbat rakhtá hai, us ne sharíat ko púrá kiyá hai. 9 Is wáste ki ye hukm jo hain, ki Tú ziná na kar, Qatl na kar, Chorí na kar, Jhúṭhí gawáhí na de, Lálach na kar ; aur dúsre hukm jo hain, un ká ḳhuláse us bábat men hai, ki Tú apne parosí ko aisá piyár kar, jaisá áp ko kartá hai. 10 Kí mahabbat wuh hai, jo apne parosí se badí nahín kartí, is wáste mahabbat rakhná sharíat ká púrá karná hai.

11 Aur waqt ko jánke yún hí karo, is liye ki gharí ab á pachunchí, ki ham nínd se jágen : kyúnci jis waqt ham ímán láe, us waqt ká nisbat ab hamárí naját ziyáda nazdík hai. 12 Rát bahut guzar gaí, aur subh nazdík húi : pas ham andhere ke kámon ko tark karen, aur roshní ke hathyár bándhen. 13 Aur jaisa din ke dastúr hai, durust chalan se chalen : na ki dhúm dhám, aur mastíon, na ki harám kárióḳ, aur bad parhezíon, na ki jhagre, aur ḳáh se ; 14 Balki Ḳhudá-wand Yisú Masíh ká jáma pahino, aur jism kí ḳhwáhishon ke liye tadbír na karo.

#### XIV. BĀB

1 Sust iatiqád ko áp men shámil kar lo, par shubhon ke takrár ke liye nahín. 2 Ek ko iatiqád hai, ki harek chízen ká kháná rawá hai ; par jo sust iatiqád hai, so sirf ság pát khátá hai. 3 Pas wuh jo khátá hai, use jo nahín khátá, náchíz na jáne : aur wuh jo nahín khátá, us ko jo khátá hai, aib na kare : kyúnci Ḳhudá ne us ko qabúl kiyá hai. 4 Pas tú kaun hai, jo dúsre ke naukar par hukm kartá hai ? wuh to apne Ḳhudá-wand ke áge khará yá pará hai : balki wuh khará rahegá : is wáste ki Ḳhudá us ke khará karne par qádar hai.

5 Koí ek din ko dúsre din se bihtar jántá hai ; aur koí sab dinon

ko barábar jántá hai. Harek apne apne dil men púra iatiqád rakhe. 6 Aur wuh jo din ko mántá hai, so K̄hudáwand ke liye mántá hai : aur jo din ko nahín mántá, so K̄hudáwand ke liye nahín mántá hai. Jo khátá hai, so K̄hudáwand ke wáste khátá, kyúnci wuh K̄hudá ká shukr kartá hai ; aur jo nahín khátá, so K̄hudáwand ke wáste nahín khátá, aur K̄hudá ká shukr kartá hai. 7 Ki koí ham men se apne wáste nahín jítá, aur koí apne wáste nahín martá. 8 Aur jíte hain, to K̄hudáwand ke wáste jíte hain ; aur agar marte hain, to K̄hudáwand ke wáste marte hain : is liye ham jíte marte K̄hudáwand hí ke hain. 9 Ki Masíh isí liye múá, aur phir jí uthá, ki murdon aur zindon ká bhí K̄hudáwand ho. 10 Tú kis liye apne bhái par aib lagátá hai ? aur tú kis liye apne bhái ko náchíz jántá hai ? kyúnci ham sab Masíh ke takht adálat ke áge házir jáenge. 11 Chunánchi yih likhá hai, ki K̄hudáwand kahtá hai, ki apní hayát kí qasam harek ghuṭná mere áge jhukegá, aur harek zabán K̄hudá ke sámhne iqrár karegá. 12 Par harek ham men se K̄hudá ko apná apná hisáb degá. 13 Pas cháhiye ki ham ab ek dúsre par aib na láwen ; balki yih tajwíz karen, ki wuh chíz jo ṭhokar yá girne ká báis howe, apne bhái ke sámhne na rakhen. 14 Mujhe K̄hudáwand Yisú se málúm húa, aur main ne yaqín jáná, ki koí chíz ap nápak nahín : lekin jo us ko nápak jántá, us ke liye nápak hai. 15 Par agar terá bhái tere kháne se diqq hotá hai, to tú mahabbat ke taur par nahín chillátá, to apne kháne se us ko, jis ke wáste Masíh múá, halák mat kar. 16 Pas tumbhári k̄húbí kí bad námí na howe. 17 Kyúnci K̄hudá ká bádsháhat khána píná nahín, balki rástí aur salámatí, aur Rúh i Quds se k̄hushwaqtí hai. 18 Pas jo koí un hí báton men Masíh kí bandagí kartá hai, K̄hudá ká maqbúl, aur ádmí ká pasandída hai. 19 Pas aisá báton kí pairawí karen, jin se sulh ho, aur jin se ek dúsre ko tarqí de. 20 Kháne ke liye K̄hudá ke kám ko mat bigáro. Sári chízen to pák hain ; par wuh us insán ke liye jo kháke ṭhokar khátá hai, burá hai. 21 Bhalá yih hai, ki gosht na kháwe, wain na píwe, aur aisá kám na kare, jis se terá bhái dhakká, yá ṭhokar kháe, yá sust ho jáe. 22 Tú iatiqád rakhtá hai ? tú apne liye use K̄hudá ke huzúr mazbút rakh. Mubáarak wuh jo apne taí us kám ke sabab, jise wuh pasand karke kartá hai, málámat na kare. 23 Par jo kisí chíz men shubh rakhtá hai, agar kháwe,

to gunahgār ṭhahrá, is wáste ki wuh iatiqád se nahín khátá ; aur jo kuchh iatiqád se nahín, so gunáh hai.

### XV. BĀB.

1 Pas ham ko jo zoráwar hain, cháhiye ki kamzoron kí sustion kí bardásht karen, aur ḵhud pasandí na karen. 2 Har koí ham men se apne parosí ko un kí bhalái kí tarqí ke liye ḵhúsh kare. 3 Kyúnti Masih bhí apní ḵhushí na cháhtá thá, balki jaisá likhá hai, ki Tere malámat karnewálon kí malámaten mujh par á pare. 4 Ki jo kuchh áge likhá gayá, so hamáří tálím ke liye likhá gayá, táki ham sabr se, aur kitábon kí tasallí se ummed rakhen. 5 Aur Ḵhudá jo sabr aur tasallí ká bání hai, tum ko yih baḵshe, ki tum Masih Yisú kí tarah ápas men ekdil raho ; 6 Táki tum ek dil, aur ek zabán ho ke Ḵhudá kí, jo hamáre Ḵhudáwand Yisú Masih ká Báp hai, tárif karo. 7 Is wáste tum men se harek dúsre kí ḵhátirdáří kare, jaise Masih ne bhí hamáří ḵhátirdáří kar dí, táki Ḵhudá ká jalál howe.

8 Main kahtá hún, ki Yisú Masih Ḵhudá kí sachcháí ke liye maḵtúnon ká ḵhádím húa, táki un wádon ko jo báp dádon se kiye gae púra karo. 9 Aur gairqaum bhí rahm ke sabab Ḵhudá kí tárif karen ; chunánchi likhá hai, ki Is wáste main gair-qaumon ke bích terá iqrár karúngá, aur terá nám gáúngá. 10 Aur wuh phir kahtá hai, ki Ai gair-qaumo us kí qaum ke sáth ḵhúshí karo. 11 Aur phir yih, ki ai sáří gair-qaumo, Ḵhudáwand kí tárif karo, aur ai logo, tum sab us kí buzurgí karo. 12 Aur phir Ishayá yih kahtá hai, ki Ishái kí jar záhir hogí aur gair-qaumon par hukúmat karne ko uṭhegí ; usí par gair qaumen bharosá rakhegí. 13 Ab Ḵhudá jo ummed ká bání hai, tumhen ímán láne ke báis sáří ḵhúshí aur salámatí se bhar de, táki Rúh i Quds kí qudrat se tumháří ummed ziyádatar hotí jáwe.

14 Aur ai mere bháío, main to ḵhud tumháre haqq men yih yaqín rakhtá hún, ki tum ḵhúbíon se púre, aur tamám dánái se bhare ho, aur ápas men nasíhat kar sakte ho. 15 Par ai bháío, main ne kuchh jurát karke yád wahí ke taur par thořá sá tumhen likh bhejá, kyúnti isí liye Ḵhudá ne mujh ko niamat baḵshí. 16 Ki main gair qaumon ke liye Yisú Masih ká ḵhádím ho ke Ḵhudá kí injíl kí ḵhidmat

guzarí karún, tá ki gair qaumon kí nazar Rúh i Quds se pák ho ke maqbúl howe. 17 Pas main un báton men jo Kḥudá kí hain, Yisú kí bábat fakhar kar saktá hún. 18 Ki main yih jurát nahín rakhtá, ki un kámon ke siwá kuchh aur bayán karún, jo Masíh ne mere wasíle qaul aur fiál se aur karámáton, aur muajizon ki qaut, aur Kḥudá kí Rúh kí qudrat se gair qaumon ke farmánbardár hone ko kiye, 19 Yahán tak ki main ne Yirúshálam se ye chaugird Illiríkum tak Masíh kí injíl kí púrí manádí kí. 20 So main us hurmat ká mushtáq thá, ki jahán jahán Masíh ká nám nahín liyá gayá, wahán injíl sunáún, tá na howe ki main dúsre kí neo par raddá rakhún: 21 Tá ki jaisá likhá hai, ki We jinhon ko us kí khabar nahín pahunchí dekhenge: aur jinhon ne nahín suná samjhenge; waisáhi howe.

22 Isí sabab main bárhá tumháre pás áne se raká rahá hún. 23 Par ab is liye ki un mulkon men jagah báqí na rahí, aur tumhári muláqát ká bhí bahut barason se mushtáq hún. 24 So jab Spaniá ko rawána hoúngá, tum pás áúngá. 25 Kyúнки ummed rakhtá hún, ki main údhar játe húe tumhen dekh lúngá, aur tumhári muláqát se kuchh kḥátirjama ho ke tum se udhar kí taraf rawána kiyá jáúngá. 25 Par bilfiál main Yirúshálam ko muqaddason kí kḥidmat karne ke liye játá hún. 26 Kyúнки Maqedonia aur Akháyá ke logon kí marzí yún hai, ki Yirúshálam ke muqaddason ke liye jo muflis hain kuchh bhejen. 27 Yih un kí marzí húi; aur ye un ke qarazdár bhí hain; kyúнки jab gair qaum rúhání báton men un ke sharík húe hain, to lázim hai ki ye jismání báton men un kí kḥidmat karen. 28 Pas main us kám ko tamám kar ke, aur ye mewe un ke háth somp ke tum pás se ho kar Spaniá ko jáúngá. 29 Aur main jántá hún, ki merá áná tumháre pás injíl Masíh kí kamál barakat se hogá.

30 Aur ai bháío, main tum se apne Kḥudáwand Yisú Masíh ká, aur Rúh kí mahabbat ká wáste de ke iltamás kartá hún, ki tum mere wáste mere sáth Kḥudá se dúáín mángne men dil se koshish karo. 31 Tá ki main Yihúdiyá men be ímánon se bachá rahún; aur merí wuh kḥidmat jo Yirúshálam ke liye hai, so muqaddas logon ko pasand pare. 32 Kḥudá cháhe, to main tumháre pás kḥúshí se áún, aur tumháre sáth áram páún. 33 Ab salámatí ká Kḥudá tum sab ke sáth ho. Amín



## XVI. BĀB.

1 Main tum se Febí kī sífārish kartá hūn; wuh hamáří bahin hai, aur shahr Kenkhreá men majlise kī k̄hádima hai. 2 Tum us ko K̄hudáwand ke wáste yún qabūl karo, jaisá muqaddason ke láiq hai; aur jis jis kám men wuh tumháří muhtáj ho, tum us kī madad karo: kyūnki wuh bahuton kī, balki merí bhí madadgár thí. 3 Priskillá aur Aqila ko merá salám kaho, ki unhon ne mere sáth ho ke Yisú Maísh kī k̄hidmat kī. 4 Aur merí ján ke badle apná sir dhar diyá: aur na sirf main, balki gair qaumon kī sáří majlison men un kī áhsánmand hai. 5 Aur majlison ko jo un ke ghar men hai salám kaho. Mere piyáre Epainetus ko jo Akháya ká Masíh ke liye pahila phal hai, salám kaho. 6 Aur Mariyam ko jise hamáre wáste bahut mihnát kī, salám kaho, 7 Aur Andronikus aur Yunia ko salám kaho, jo mere rishtadár hain, aur qaid k̄háne men mere sharík the, aur rasúlon men námdár hain, aur mujh se pahile Masíhí hūe. 8 Aur Amplias ko jo K̄hudáwand men ho ke merá piyará hai, salám kaho. 9 Aur Urbánus ko jo Masíh ke kámon men merá hamk̄hidmat hai, aur mere ázíz Stakhús ko salám kaho. 10 Aur Apellas ko jo muatibar Masíhí hai salám kaho. Aur Aristobul ko logon ko salám kaho. 11 Aur mere rishtadár Herodíon ko salám kaho. Aur Narkíssus ke logon ko jo K̄hudáwand men hain salám kaho. 12 Trufáiná aur Trufosá ko jo K̄hudáwand ke wáste mihnátí hain salám kaho. Aur azízo Parsis ko jis ne K̄hudáwand ke liye bahut mihnát kī hai, salám kaho. 13 Aur Rúfus ko jo K̄hudáwand ká barguzída hai, aur uskí má ko jo merí bhí má hai, salám kaho. 14 Aur Asunkritas, aur Flegon, aur Hermas, aur Patrobas, aur Harmes aur bháíon ko, jo un ke sáth hain, salám kaho. 15 Aur Filologus, aur Yuliá aur Nereus, aur us kī bahin ko, aur Olimpas, aur sáre muqaddason ko jo unke sáth hain salám kaho. 16 Aur tum ápas men pák boste liye ke ek dúsré ko salám kaho. Masíh kī Majlison men tumhen salám kahtí hain.

17 Ai bháío, main tum se yih iltamás kartá hūn, ki tum un logon ke jo us tálím ke bark̄hiláf, jo tum ne páí phúṭ aur thokar khiláne ke báis hai, pahchán rakho, aur un se kináre raho. 18 Kyūnki jo aise hain, so hamáre K̄hudáwand Yisú Masíh kī nahin, balki apne peṭ kī

bandagí karte haiñ; aur chikní báton, aur duáe k̄haír se sáda dilon ko fareb dete haiñ. 19 Tumhári farmánbardári sab meñ mashhúr húi; is wáste main tum se khush hún, lekin main yih cháhtá hún ki tum nekí se k̄habardár aur badí se bek̄habarí raho. 20 Aur salámatí ká K̄hudá shaitán ko tumháre páon tale jald kuchláwegá. Hamáre K̄hudáwand Yisú Masíh ká fazl tumháre sáth howe.

21 Merá hamk̄hidmat Timotheus, aur mere rishtadár Luqíus, aur Yáson, aur Sosipater tumheñ salám kahte haiñ. 22 Main Tartius jo is k̄hatt ká likhnewálá hún, tum ko K̄hudáwand meñ ho ke salám kahtá hún. 23 Aur Gáyus jo merá, aur sári majlis ká mezbán hai, tumheñ kalám sahtá hai. 24 Aur Erástus shahr ká muk̄htár, aur bhái Quartus tum ko salám kahte haiñ. Ab hamáre K̄hudáwand Yisú Masíh ká fazl tum sab par rahe. Amín.

25 Ab wuh jo tum ko merí injíl, aur Yisú Masíh kí manádí par, yáne us bhed par qáim rakh saktá hai, jo qadím zamánon se poshída rahá; 26 Magar nabíon kí kitábon ke wasíle K̄hudáe Abadí ke hukm ke mutábiqu ab záhir húa, aur sab gair qaumon meñ ímán ke farmánbardári karne ke liye mashhúr kiyá gayá. 27 Isí wáhid K̄hudáe dáná kí Yisú Masíh ke wasíle se hamesha hamd húa kare. Amín.

---

## PAUL KA PAHILĀ KHATT QORINTIÖN KO LIYE.

---

### I. BĀB.

1 Paul jo K̄hudá kí marzí se Yisú Masíh ká chuná húa Rasúl hai, aur bhái Sostenís kí taraf se, 2 K̄hudá kí majlise ko jo Qorint meñ hai, yáne un ko jo Masíh Yisú meñ ho ke pák húe, aur buláe húe muqaddas haiñ, un sab samet jo har makán meñ Yisú Masíh ká nám, jo hamárá aur unká K̄hudáwand hai, liyá karte haiñ; 3 Hamáre Báp K̄hudá kí, aur K̄hudáwand Yisú Masíh kí taraf se fazl aur salámatí tumháre liye howe.

4 Main K̄hudá ke us fazl par, jo Masíh Yisú se tum ko ináyat húa, tumháre liye hamesha apne K̄hudá ká shukr kartá hún; 5 Ki us ke sabab tum har tarah sáre kalám, aur sári pahchán se ganí ho;

6 Chunánchi wuh gawáhi, jo Masíh kí bábat hai, tum men sábit húi :  
 7 Yahán tak, ki tum kisí inám men kam nahín ; aur hamáre Yisú  
 Masíh ke záhir hone kí ráh takte ho : 8 Wuhí tumhen ákhir tak  
 sábit qadam rakhegá, tá ki tum hamári K̄hudáwand Yisú Masíh ke  
 din be aib thaharo. 9 K̄hudá jis ne tumhen apne Beṭe hamáre K̄hu-  
 dáwand Yisú Masíh ke mil ko buláyá, sachchá hai.

10 Ai bháío, main tum se Yisú Masíh ke nám ke wáste, jo hamára  
 K̄hudáwand hai, iltimás kartá hún, ki tum sab ekhi bát bolo, aur  
 dúf tum men na ho ; balki tum sab ek dil aur ek samajh ho ke mile  
 raho. 11 Bháío, mujhe Kloí ke logon se tumhári bábat yún málum  
 húa, ki tum men jhagre hain. 12 Merá matlab yih hai, ki tum men  
 se harek kahtá hai, ki main Paul ká ; main Apollos ká , main Kefá ká ;  
 main Masíh ká hún. 13 To kyá Masíh bant gayá ? Yá Paul tum-  
 háre wáste salíb par khenchá gayá ? tum ne Paul ke nám se báp-  
 tismá payá ? 14 Main K̄hudá ká shukr kartá hún, ki main ne tum men  
 se kisí ko Krispas aur Gáyus ke siwá báp-  
 tismá nahín diyá ; 15 Na  
 howe ki koí kahe, ki us ne apne nám se báp-  
 tismá diyá. 16 Aur main  
 ne Stifán ke k̄hándán ko bhí báp-  
 tismá diyá : aur siwá unke main na-  
 hín jántá, ki main ne kisí aur ko báp-  
 tismá diyá. 17 Kyúнки Masíh  
 ne báp-  
 tismá dene ko nahín, balki injíl sunáne ko bhejá : par kalám kí  
 hikmat se nahín, na ho ki Masíh kí salíb bátíl thahre. 18 Ki salíb  
 kí bát halák honewálon ke nazdík bewaqúfi hai ; par ham naját páne-  
 wálon ke liye K̄hudá kí qudrat hai. 19 Kyúнки lekhá hai, ki Main  
 hákimon kí hikmat ko nest, aur samjhwálon kí samjh ko nápaidá  
 karúngá. 20 Kahán hakím ? kahán faqíh ? kahán is jahán kí bahs  
 karnewála ? kyá K̄hudá ne is duniyá kí hikmat ko bewaqúfi nahín  
 thahráyá ? 21 Is liye ki jab hikmatáhlí se yún húa, ki duniyá ne  
 hikmat se K̄hudá ko na pahchána, to K̄hudá kí yih marzí húi, ki  
 manádí bewaqúfi se ímánwálon ko bacháwe. 22 Chunánchi Yihúdí  
 koí nishán cháhte, aur Yúnání hikmat kí talásh men hain : 23 Par  
 ham Masíh kí jo masbúl húa manádí karte hain, wuh Yihúdíon ke  
 liye thokar khilánewála pathar, aur Yúnáníon ke liye bewaqúfi hai ;  
 24 Lekin Masíh un ke liye jo búlae gae hain, kyá Yihúdí, kyá Yúná-  
 ní, K̄hudá kí hikmat hai. 25 Kyúнки K̄hudá kí bewaqúfi ádmion

kí hikmat par gálib par ; aur K̄hudá kí kamzorí ádmíon se zoráwar hai.

26 Ai bháío, tum apní buláhat par nigáh karo, ki us men duniyá ke bahut se hakím, aur bahut maqdúrwalé, aur bahut ashraf nahín hain. 27 Magar K̄hudá ne duniyá ke bewaqufion ko chun liyá, táki kakímon ko sharminda kare ; aur K̄hudá ne duniyá ke kamzoron ko chun liyá, táki zoráwaron ko sharminda kare. 28 Aur duniyá ke kamzát o haqíron ko, aur un ko jo shumár men nahín, K̄hudá ne chun liyá, táki unhen jo shumár men hain náchíz kardále : 29 Ki koí bashar us ke áge ghamand na kar sake. 30 Lekin tum Yisú Masíh men ho ke us ke ho, ki wuh hamáre liye K̄hudá kí hikmat, aur rástbází, aur pákízagí o k̄halásí hai : 31 Táki jaisá likhá hai, ki Jo ghamand kare, so K̄hudáwand par kare.

## II. BAR.

1 Aur ai bháío, jab main K̄hudá kí gawáhí kí k̄habar dene tumháre pás áyá, tab kalám kí fasáhat aur hikmat ke sáth nahín áyá. 2 Kyúnki main ne yih thánná, ki Yisú Masíh aur us ke maslúb hone ke siwá, aur kuchh tumháre pás áke na jánen. 3 Aur main kamzor, aur dartá, aur niháyat kámpatá tumháre darmiyán rahá. 4 Aur merá kalám, aur merí manádí ádmí kí hikmat kí lubhánewá lí bátion se nahín, balki Rúh aur qudrat kí pakí dalil thí : 5 Táki tumhárá ímán ádmí kí hikmat par nahín, balki K̄hudá kí qudrat par mauqúf ho.

6 Lekin kámilon ke darmiyán ham hikmat kí bát bolte hain : magar us jahán kí, aur is jahán ke nest ho jánewálon sardáron kí hikmat nahín. 7 Balki ham K̄hudá kí wuh poshída hikmat bayán karte hain jo áge se chhipí thí, jise K̄hudá ne jahán se pahilá hamáre jalál ke wáste muqarrar kiyá. 8 Kisí ne is jahán ke sardáron men se us ko na jáná : kyúnki agar jánte, to jalál ke K̄hudáwand ko maslúb na karte. 9 Lekin jaisá likhá hai, ki K̄hudá ne apne cháhnewálon ke liye we chízen taiyár kíen, jinhen na ánkhon ne dekhá, na kánon ne suná, aur na ádmíke dil men áin. 10 So K̄hudá ne un ko apne Rúh ke wasíle se ham par záhir kiyá : ki Rúh sárf chízon ko, balki K̄hudá kí ameq bátion ko bhí daryáft kar letá hai.

11 Ki ádmíon men se kaun ádmí kí báten jántá hai, magar ádmí kí rúh jo us men hai? isí tarah K̄hudá ke Rúh ke siwá K̄hudá ko bát koí nahín jántá. 12 Ab ham ne na dunyá kí Rúh ko, balki wuh Rúh jo K̄hudá kí taraf se hai páyá, táki ham un chízon ko jo K̄hudá ne hamen baḡhshí hain jáne. 13 Aur ham rúhání chízon ko rúhání báton se bayán karte, to ádmí hikmat kí sikháí húi báten nahín, balki Rúh i Quds kí sikháí báten bolte hain. 14 Magar nafsání ádmí K̄hudá kí Rúh kí báton ko nahín qabúl kartá: ki wuh us ke áge bewaqufían hain: aur wuh unhon ko ján saktá hai, kyúnci we rúhání taur par bojhi játi hain. 15 Aur wuh jo rúhání hai, so sab báton ko daryáft kartá; par wuh kisi se daryáft nahín kiyá játá hai. 16 Is liye ki K̄hudáwand kí samajh ko kisne samjhá, ki us ko samjháwe? Magar Masih kí samajh ham men hai.

### III. B.AB.

1 Aur ai bháío, main tum se yún na bol saká, jaise rúháníon se, balki jaise jismáníon se, jaise un se jo Masih men larke hain. 2 Main ne tumhen gosht na khiláyá, par dúdh piláyá: kyúnci tum ko táqat na thí, balki ab bhí tíqat nahín, kyúnci abhí jismání ho. 3 Isí liye ki jab dáh, aur jhagrá, aur phút tum men hai, to kyá tum jismání nahín ho, aur ádmí kí chál par nahín chalte? 4 Is liye ki jab ek kahtá hai, ki Main Paul káhún; aur dúsrí, ki main Apollos ká hún, to kyá tum jismání nahín? 5 Paul kaun aur Apollos kaun hai? k̄hidmat karnewále jinke wasíle se tum ímán láe, so bhí itná, jítná K̄hudáwand ne harek ko baḡhshá? 6 Main ne daraḡht lagáyá, aur Apollos ne sínchá, par K̄hudá ne barháyá. 7 Pas lagánewálá kuchh chíz nahín, aur na sínchnewálá, magar K̄hudá jo barhánewálá hai. 8 Lagánewálá aur sínchnewálá dono ek hain, aur harek apní mahabbat ke muwáfíq apná badlá páwegá. 9 Kyúnci ham K̄hudá kí k̄hidmat men hamk̄hidmat hain: tum K̄hudá kí khetí aur K̄hudá kí imárat ho.

10 Main ne K̄hudá kí niamat ke muwáfíq, jo mujhe ináyat húi aqlmand ráj kí mánind neo dáli, aur dúsrá us par raddá dhartá hai, so harek gaur kare, ki wuh kis taur se dhartá hai. 11 Kyúnci siwá

is neo ke, jo parī hai, koī dūsri neo dāl nahīn saktā, wuh Yisū Masīh hai. 12 Par koī us neo par sone, rūpe, beshqīmat pathar, lakṛī, ghās, bhūs kā raddā rakhe; 13 To harek kā kām zāhir hogā, ki wuh din us ko zāhir kardegā : kyūnki aise kām āg se khul jāte haiṅ, aur jis kā kām jaisā hai āg parakhegī. 14 Jis kā kām qāim rahegā, wuh mazdūripāwegā. 15 Aur jis kā kām jal jāwegā, wuh nuqsān uṭhāwegā : wuh āp bach jāwegā ; par aisā jaisā ḡg se.

16 Kyā tum nahīn jānte, ki tum Ḳhudā ke haikal ho, aur Ḳhudā kā Rūh tum meṅ bastā hai. 17 Aur agar koī Ḳhudā kā haikal ḵharāb kare, to Ḳhudā us ko ḵharāb karegā ; kyūnki Ḳhudā kā haikal pāk hai, aur wuhī tum ho. 18 Koī āp ko farab na dewe. Jo koī tumhāre darmiyān āp ko is jahān meṅ hakīm samjhe, to bewaqūf bane, tāki hakīm ho jāwe. 19 Kyūnki is jahān kī hikmat Ḳhudā ke āge bewaqūfī hai, ki likhā hai, ki Wuh hakīmon ko un hī kī chaturāion meṅ giriftār kartā hai. 20 Aur yih ki Ḳhudāwand hakīmon ke qiyāson ko jāntā hai, ki bātil haiṅ. 21 Pas ādmion par koī ghamand na kare, ki sārī chīzen tumhāri haiṅ. 22 Kyā Paul, kyā Apollos, kyā Kefā, kyā dunyā, kyā zīndagī, kyā maut, aur kyā hāl kī chīzen ; aur kyā āinda kī ? sab tumhāri hai : 23 Aur tum Masīh ke ho, aur Masīh Ḳhudā kā hai.

#### IV. BĀB.

1 Admī ham ko aisā jāne, jaise Masīh ke ḵhidmat guzār, aur Ḳhudā ke bhedon ke muḵhtār. 2 Phir muḵhtār meṅ is bāt kī talāsh hotī hai, ki wuh diyānatdār howe. 3 Lekin mujh ko kuchh us kī parwā nahīṅ, ki tum, yā aur koī admī mujh ko parakhe : balki main āp bhī apne taiṅ nahīn parakhtā. 4 Kyūnki merā dil mujhe malāmat nahīn kartā ; par main kuchh is se rāstbāz nahīn ṭhahar jātā : merā parakhnewālā Ḳhudāwand hai. 5 Is wāste jab tak Ḳhudāwand na āwe, tum waqt se pahile insāf na karo, wuh tārīkī poshīda bāten roshen kar degā, aur dilon ke mansūbe zāhir karegā : tab Ḳhudā kī taraf se harek kī tārīf hogī.

6 Aur ai bhāio, main ne un bāton meṅ tumhāri ḵhātir apnā, aur Apollos kā zikr mashāl ke taur par kiyā ; tā ki tum ham se sīkho ;

ki is se jo likhá hai ziyáda na samjho ; aisa na ho ki tum ek ke liye dúsre kí zidd men phúlo. 7 Kaun mujh men aur dúsre men faráq kartá hai? aur tere pás kyá hai, jo tú ne dúsre se nahín páyá? aur jab tú ne dúsre se páyá? to kyún ghamand kartá hai, ki goyá nahín páyá?

8 Tum ab to ásúda aur daulatmand húe, aur hamáre ba gair sultanat kí aur kásh, ki tum sultanat karte, to ham bhí tumháre sáth sultanat karte. 9 Kyúnki merí dánist men K̄hudá ne ham sab rasúlon ko píchhle koí ke qatl honewálon kí tarah záhir kiyá, ki ham tamám dunyá, aur firishton, aur ádmíon ke liye ek sawáng thahare hain. 10 Ham Masíh ke sabab se bewaqúf hain, par tum Masíh men ho ke aqlmand ho; ham kamzor, tum zaráwar; aur tum izzatwále, ham bezzat hain. 11 Ham is dam tak bhúke, piyáse, nange, márkháte, aur máre phirte hain. 12 Aur apne háthon se mihnaten karte: we burá kahte, ham bhalá manáte hain; we satáte, ham sahte hain: 13 We gálián dete, ham gar garáte hain: aur dunyá men koṛe kí, aur sab chízon kí jháṛan kí mánind áj tak hain.

14 Main tumhen sharminda karne ke liye yih nahín likhtá, balki apne piyáre farzandon kí tarah tum ko nasíhat kartá hún. 15 Kyúnki agarchi tum ne Masíh men ho ke hazáron ustád rakhe, par tumháre báp bahut se na húe: is liye ki main hí injíl ke wasíle se Masíh Yisú men tumhárá báp húa. 16 Pas main tum se minnat kartá hún, ki tum mere pairau ho. 17 Is wáste main ne Timotheus ko jo merá farzand azíz, aur K̄hudáwand men diyánatdár hai, tum pás bhejá, ki wuh merí ráhen jo Masíh men hain, jis tarah main har kahín harek majlis men batlátá hún, tum ko yád diláwe.

18 Báze yih samajh ke phúlte hain, ki main tumháre pás nahín áungá. 19 Par agar K̄hudáwand cháhe, to main tumháre pás jald áungá, aur na shekhi karnewálon kí báton ko, balki un kí qudrat ko daryáft karúngá. 20 Kyúnki K̄hudá kí bádsháhat kalám se nahín, balki qudrat se hai. 21 Tum kyá cháhte ho, main tumhárepás láthí eke áún, yá mahabbat aur dil kí azízí se?

## V. BAB.

1 Aksar sunte haiñ, ki tumháre bích harámkárí hotí hai, aur aisí harámkárí jis ká gair qaumon men bhí zikr nahín, ki ádmí apne báp kí jorú ko rakhe. 2 Aur tum phúlte ho, aur jaisá ki cháhiye gam nahín karte, tá ki jis ne yih kám kiyá, wuh tum men se niklá jáwe.

3 Ki main jism se gair házir hoke goyá házir hún, us par jis ne aisá kiyá, yih hukm detá hún. 4 Ki tum aur rúh jo terí hai, hamáre K̄hudáwand Yisú Masíh kí qudrat ke sáth mil kar aise shaḡhs ko hamáre K̄hudáwand Yisú Masíh ká nám leke, shaitán ko sompo, 5 Tá ki jism ke dukh uṡháwe, ki us kí rúh K̄hudáwand Yisú ke din bacháe jáwe.

6 Tumhárá ghamand karná ḡhúb nahín; kyá tum nahín jánte, ki thoṡá sá ḡhamír sárí loí ko ḡhamír kar ḡáltá hai? 7 Par tum puráne ḡhamír ko nikal phenko, táki tum tází loí bano, kyúnki tum beḡhamír ho, is liye ki hamárá bhí fasah, yáne Masíh hamáre liye qurbáni húa. 8 Ab áo, ham íd karen, puráne ḡhamír se nahín, aur na badí o sharárat ke ḡhamír se; balki dil kí safái, aur sachcháí kí beḡhamírí roṡí se.

9 Main ne ḡhatt men tum ko yih likhá, ki tum harám káron men mat mile raho. 10 Lekin na yih, ki bilkull dunyá ke harám káron, yá lálachíon, yá zálmon, yá butparoston se na milo, nahín to tumhen dunyá se nikalná zarúr hotá. 11 Par main ne ab tumhen yih likhá hai, ki agar koí bhái kahláke harám káron, yá lálachí, yá butparast, yá gáli kahnewála, yá sharábí, yá zálím ho, to tum usse mel na rakhná, balki aise ke sáth kháne tak na khána. 12 Kyúnki mujhe kyá kám hai, jo báharwálon par hukm karún? kyá tum un par jo tum men shámil haiñ hukm nahín karte? 13 Un par ja báhar haiñ, K̄hudá hukm kartá hai; garaz tum us bure ádmí ko apne darmiyán se nikál do.

## VI. BAB.

1 Ayá tum men se kisí ká hiwáo paṡtá hai, ki dúsre se muámala rakh ke faisale ke liye bedínon pás jáwe, na ki muḡaddason pás?



2 Kyá tum nahín jánte, ki muqaddas log dunyá ká faisala karengē ? pas agar dunyá ká faisala tum se kiyá jáwegá, to kyá tum jhūte qaziyon ke faisal karne ke láiq nahín ho ? 3 Kyá tum nahín jánte, ki ham frishton ká faisala karengē ? kyá is zindagí ke muámale faisal na karen ? 4 Iswáste agar tum men is zindagí ke qaziye hon, to majlise ke un shakhson ko jo haqír hain panch máno. 5 Main yih is liye kahtá hún, ki tum sharminda ho. Kyá aisáhi ki tum men ek aqlmand bhí nahín, jo apne bhái ká muqaddama faisal kar sake ? 6 Ki bhái se qaziya kartá hai, aur so bhí be dīnon ke áge. 7 Yih tumhárá bará qasúr hai, ki tum ápas kí dád faryád kiyá karte ho. Zulm uṭháná kyún nahín bihtar jánte ? apná nuqsán kyún nahín qabúl karte ? 8 Tum to zulm aur zabardastí karte ho, so bhí bháion par. 9 Kyá tum nahín jánte, ki nárást Ḳhudá kí bádsháhat ke wáris na howenge ? fareb na kháo, ki harám kár, aur butparast, aur zání aur gándú, o aiyásh, aur gálí baknewálá, aur laundebáz, 10 Aur chor, lálachí, aur sharábí, aur gálí baknewále, aur zálím, Ḳhudá ke bádsháhat ke wáris na honge. 11 Aur báze tumháre darmiyán aise the, par Ḳhudáwand Yisú ke nám se, aur hamáre Ḳhudá ke Rúh se gusl diláe gae; aur pák húe, aur rástbáz bhí ṭhahare.

12 Sári chízen mere liye rawá hain, par sab fáidamand nahín : sári chízen mere liye rawá hai, par main kisi chíz ke iḳhtiyár men na húngá. 13 Kháne peṭ ke liye hain, aur peṭ khánon ke liye : par Ḳhudá unko, aur usko nest karegá. Magar badan harámkári ke liye nahín, balki Ḳhudáwand ke liye hai ; aur Ḳhudáwand badan ke liye. 14 Aur Ḳhudá ne Ḳhudáwand ko jiláyá hai, aur tum ko bhí apní qudrat se jiláwegá. 15 Kyá tum nahín jánte, ki tumháre badan Masíh ke ang hain ; pas kyá main Masíh ke ang lekar kasbí ke ang banáún ? 16 Hargiz nahín, kyá tum ko ḳhabar nahín, ki jo koí kasbí se suhbat kartá hai, so us se ek tan húa ? Kyúнки wuh kahtá hai, ki Aise dono ek tan honge. 17 Par wuh Ḳhudáwand se suhbat rakhtá hai, so uske sáth ek rúh húa hai. 18 Harámkári se bhágo, jo gunáh ádmí kartá hai, wuh badan ke báhar hai, par ziná karnewálá apne badan ká gunahgár hai. 19 Kyá tum nahín jánte, ki tumhárá badan Rúh i Quds ká haikal hai, jo tum men bastá, aur jis ko tum

ne K̄hudá se páyá, aur tum apne nahín ho. 20 Kyúнки tum dámon se k̄haríde gae ; pas tum apne tan se, aur apní rúh se jo K̄hudá ke hain K̄hudá kí buzurgí karo.

## VII. BAB.

1 Jin báton ke wáste tum ne mujhe likhá, so bihtar to yih hai, ki mard aurat ko na chhúe. 2 Lekin harám se bach rahne ko, har mard apní jorú, aur har aurat apná k̄hasam rakhe: 3 K̄hasam jorú ká, aur jorú bhí k̄hasam ká haqq jaisá cháhiye ádá kare. 4 Jorú apne badan kí muḁhtár nahín, balki k̄hasam muḁhtár hai ; is tarah k̄hasam bhí apne badan ká muḁhtár nahín, balki jorú. 5 Tum ek dúsre se judá na raho, magar thoṛe muddat ápas kí razámandí se, táki roza aur duá karne ke wáste farágat páo, aur phir ápas men ek já hoo, táki Shaitán tum ko tumhári be iḁhtiyári ke sabab imtihán men na dále. 6 Aur main saláh kí na hukm kí, ráh se kahtá hún. 7 Ki main cháhtá, ki jaisá main hún, aise hí sab howen. Par sab ne apná apná ínám K̄hudá se páyá, ek ne yún, aur dúsre ne wún. 8 So main bin biyáhe mardon aur bewon se yih kahtá hún, ki bihtar yún hai, ki we aise rahen, jaisá main hún. 9 Lekin agar rah na sake, to byáh karen ; ki byáh karná jal jáne se bihtar hai. 10 Par unko jin ká byáh húá hai, main nahín, balki K̄hudáwand hukm kartá hai, ki jorú apne k̄hasam ko na chhoṛe. 11 Aur agar chhoṛe, to wuh be níkal rahe, yá apne k̄hasam se phir mel kare, aur k̄hasam apní jorú ko na chhoṛe.

12 Par báqion ko K̄hudáwand nahín, main kahtá hún : Ki agar kisi bhái kí jorú beímán ho, aur wuh us ke sáth rahne ko rází ho, to wuh us ko na chhoṛe. 13 Yá kisi aurat ká k̄hasam be ímán howe, aur wuh us ke sáth rahne ko rází ho, to wuh us ko na chhoṛe. 14 Kyúнки be ímán k̄hasam apní jorú ke sabab se pák húá, aur be ímán jorú k̄hasam ke báis pák húi hai ; nahín to tumháre farzand nápák hote, par ab pák hain. 15 Agar be ímán áp ko judá kare, to kare. Bhái bahin aisi báton kí qaid men nahín, aur K̄hudá ne ham ko miláp ke liye buláyá hai. 16 Ai aurat, kyá jániye tú apne k̄hasam ko bacháwe ; aur ai mard, kyá jániye, tú apní jorú ko

bacháwe? 17 Magar jaisá K̄hudá se harek ko hissa bulá, aur jis tarah K̄hudá ne harek ko buláyá, wuh waisáhí chale; aur main sári majlison men aisáhí muqarrar kartá hún.

18 Agar koí maḡhtún ho kar buláyá gayá, to námaḡhtún na ho. Aur agar koí námaḡhtúní men buláyá gayá, to maḡhtún na howe. 19 K̄hatná kuchh nahín, aur námaḡhtúní bhí kuchh nahín, balki jo kuchh hai, K̄hudá kí hukmon par jántá hai. 20 Jo jis hálat men buláyá gayá, wuh usí men rahe. 21 Kyá tú gulámí kí hálat men buláyá gayá? to andesha na kar: aur agar tujhe ázád hone kí qudrat hai, to use iḡhtiyár kar. 22 Kyúnki jis gulám ko K̄hudá-wand ne buláyá, wuh K̄hudáwand ká ázád kiyá hai; aur isí tarah jis ázád ko buláyá, wuh Masíh kí gulám hai. 23 Tum dámon se ḡharíde gae ho, ádmí ke gulám na bano. 24 Garaz, ai bháío, jo jis hálat men buláyá gayá, usí hálat men K̄hudá ke huzúr rahe.

25 Par kunwáron ke haqq men K̄hudáwand ká koí hukm mujh pás nahín, lekin jaisá diyánatdár hone ke liye mujh par K̄hudáwand kí taraf se rahm húá, waisíhí saláh detá hún. 26 So merá yih gumán hai, ki is waqt kí taklífon par nazar karke, yih bihtarhí kyá bihtar hai, ki ádmí jaisá hai, waisáhí rahe. 27 Agar tú jorú ke band men hai, to us se chhuṡkárá mat cháh. Aur agar tú ne chhuṡkárá páyá hai, to phir jorú mat ḡhúnḡh. 28 Lekin agar tú byáh karo, to gunáh nahín kartá; aur agar kunwári byáhí jáwe, to wuh gunáh nahín kartí. Par aise log jism kí taklíf páwenge: aur main kah nahín saktá.

29 Par ai bháío, main tum se kahtá hún, ki waqt tang hai: is wáste cháhiye ki jorúwále aise howen, jaise unke jorúan nahín. 30 Aur ronewále aise, jaise we nahín rote; aur ḡhúshí karnewále aise, jaise we ḡhúshí nahín karte; aur ḡharídne wále aise, jaise we málík nahín. 31 Aur is dunyá ke károbári aise, jaise dunyá se kám nahín rakhte: kyúnki dunyá ká tamáshá guzartá chalá játá hai. 32 So main yih cháhtá hún, ki tum beandesha raho. Wuh jo binbyáhá hai, so K̄hudáwand ke liye andeshmand rahtá hai, ki wuh 'kyúnkar K̄hudáwand ko Rází kare. 33 Par wuh jo byáhá hai, so dunyá ke wáste andeshmand hai, ki kyúnkar wuh apní jorú ko rází kare. 34 Aur yih faraq byáhí aur bin byáhí men bhí hai, ki bin byáhí K̄hudáwand ke liye andeshmandhí hai, ki wuh badan aur rúh men pák bane: par byáhí

húí dunyá ke liye andeshmand rahtí hai, kí kyúnkar apne k̄hasam ko rázī kare. 35 Par yih tumháre fáide ke wáste kahtá hún, na yih kí tumhen phande men dālún ; balki is liye, kí tum árasta ho, aur K̄hudáwand kí bandagí men k̄hátirjamaí se mashgúl raho.

36 Aur agar koí apní kunwárí larķí ke haqq men jawání se d̄haljáná na munásib jáne, aur yihí zarúr samjhe, to jo cháhe, so kar le, kí wuh gunáh nahín kartá : byáh kar de. 37 Par jo koí zarúr na samjhe, kí apne dil men mazbút rahe, aur apne iráde par iḳhtiyár rakhtá ho, aur dil men yih tháne, kí main apní larķí ko bin byáhí rahne dúngá, to wuh achchhá kartá hai. 38 Garaz wuh jo byáh detá hai, achchhá kartá hai, aur jo byáh nahín, so bahut bihtar kartá hai.

39 Aurat shariát kí pábandhí jab tak uská k̄hasam jítá rahe, par agar uská k̄hasam mar jáe, tab wuh ázád hai, jis se cháhe byáh kar le, magar sirf K̄hudáwand (ke logon) men se. 40 Par agar bin byáhí rahe, to wuh merí dánist men nek baḳht ziyáda hai, aur main jántá hún, kí K̄hudáwand kí Rúh mujh men hai.

### VIII. BAB.

1 Báqí un chízon kí bábat jo buton par qurbání kí játí hain, so ham jánte hain, kí ham sab tamíz rakhte hain. Tamíz phulátí par mahabbat barhátí hai. 2 Aur agar koí gumán kare, kí kuchh jántá hai, to jaisá jánná cháhiye, wuh ab tak kuchh nahín jántá. 3 Lekin jo koí K̄hudá se mahabbat rakhtá hai, wuh us se pahchántá hai. 4 So un chízon ke kháne kí bábat, jo buton par qurbání kí játí hai, ham jánte hain, kí but hargiz kuchh chíz nahín, aur koí K̄hudá nahín, magar ek. 5 Kyúnki harchand ásmán o zamín men bahut hain, jo K̄hudá kahláte hain ; chunánchi bahutere K̄hudá, aur bahutere K̄hudáwand hain. 6 Lekin hamará ek K̄hudá hai, jo Báp hai, jis se sári chizen hún, aur ham use ke liye hain ; aur ek K̄hudáwand hai, jo Yisú Masíh hai, jis ke sabab se sári chizen hún, aur ham usí ke wasíle se hain. 7 Lekin sab ko yih tamíz nahín ; balki kitne hí but ko kuchh chíz samjh kar buton par kí qurbání áj tak kháte hain ; aur un ke dil záiif ho kar álúda ho játe hain.

8 Kháná hamen K̄hudá se nahín milátá ; kyúnki agar kháwen, to

ham kuchh baṛh nahīn jāte, aur jo na khāwen, to ghaṭ nahīn jāte. 9 Lekin khabardār, ki tumhārā yih iḡhtiyār kamzorṇ ke ṭhokar khilāne kā bāis na howe. 10 Kyūnki agar koī tujhe jo tamīzdār hai butkhāne meṇ khāte dekhe, to kyā wuh jis kā dil zāif hai butṇ kī qurbānī khāne par dilīr nahogā? 11 Aur terā wuh kamzor bhāī jis ke liye Masīh mūā terī tamīz se halāk na hogā? 12 Pas tum bhāiṇ ke yūn gunahgār ho ke, aur unke zāif dil ko ghāel kar ke Masīh ke gunahgār ṭhaharte ho; 13 So agar koī khorāk mere bhāī ko ṭhokar khilāwe, to main qiyāmat tak kabhī gosht na khāūn, tā na howe ki apne bhāī kī ṭhokar kā sabab hoīn.

---

### IX. BĀB.

1 Kyā main rasūl nahīn hūn? kyā main āzād nahīn? kyā main ne Yisū Masīh ko, jo hamārā Kḡhudāwand hai, nahīn dekhā? kyā tum Kḡhudāwand meṇ mere banāe hūe nahīn ho? 2 Agar main dūsroṇ ke liye rasūl nahīn, tau bhī tumhāre liye to albatta hūn: kyūnki tum Kḡhudāwand meṇ hoke merī rasālat par muhr ho. 3 Jo mujhe parakhte haiṇ, unke liye merā yih jawāb hai; 4 Kyā hamen khāne pīne kā iḡhtiyār nahīn? 5 Aur kyā ham ko yih iḡhtiyār nahīn, ki kisī dīnī bahin ko byāh kar liye phireṇ, jaise aur rasūl, aur Kḡhudāwand ke bhāī aur Kefā karte haiṇ? 6 Yā sirf mujhe aur Barnabā ko iḡhtiyār nahīn, ki mihnāt na karen? 7 Kaun apnā kharach kar ke sīpāgirī kartā hai? kaun angūr kā bāg lagātā hai, ki us kā phal nahīn khātā? Yā kaun galle charātā hai, jo us galle kā kuchh dūdh nahīn pītā? 8 Kyā main aīsī bāteṇ insān kī ādat par boltā hūn? kyā shariāt bhī yih nahīn kahtī? 9 Mūsā kī shariāt meṇ to yūn likhā hai, ki Dānote hūe bail kā munh mat bāndhīo. Kyā Kḡhudā ko bail kī kuchh parwā hai? 10 Yā ki wuh kḡhāss hamāre wāste yūn kahtā? Hān yih hamāre wāste be shakk likhā hai: tāki jotnewālā ummed se jote; aur dānonewālā ummed se dānoe aur ummed kā hāsīl pāwe. 11 So agar ham ne tumhāre liye rūhānī chīzeṇ boyeṇ haiṇ, to kyā yih baṛī bāt hai, ki ham tumhārī jismānī chīzeṇ kāṭeṇ? 12 Agar auroṇ kā tum par yih iḡhtiyār hai, to hamārā kitnā ziyāda nahogā? lekin ham ne apnā iḡhtiyār zāhir na kiyā, balki sārī bāteṇ

sahte hain? na howe ki ham Masih ki injil ki muzahim hove. 13 Kyá tum nahin jante, ki jo haikal ke károbár karte, so haikal men se kháte hain; aur jo qurbángáh men házir húa karte, so qurbángáh se hissa lete hain? 14 Aur aisáhi K̄hudáwand ne bhí farmáyá hai, ki jo injil ke sunáne wále hain, injil se jíte rahen.

15 Par main un men se kuchh amal men na látá: aur main ne is iráde se nahin likhá, ki mere wáste yún kiyá jáwe: kyúnci us ne mujhe marná bihtar hai, ki koí mere faḡhar ko kho dewe. 16 Is liye ki agar main injil ki ḡhabar dún, to kuchh merá faḡhar nahin, kyúnci mujhe zarúrat paṛí hai, aur mujh par afsos hai, agar main injil ki ḡhabar na dún! 17 Ki agar main yih ḡhúshí se karún, to phal páungá: par agar ná ḡhúshí se, tau bhí muḡhtáṛí mujhe sompí gaí hai. 18 Par kyúncar mujhe phal milegá? is tarah ki main injil ki ḡhabar de ke Masih ki injil ko beiwaz ṡhahráún, táki main apne is iḡhtiyár ko, jo injil ki bábat hai, bure ḡhab par záhir na karún.

19 Ki main ne sab se ázád ho kar áp ko sab ká gulám ṡhahráyá, táki main bahuton ko nafá men páún. 20 Main Yihúd ke darmiyán Yihúdí sá thá, táki main Yihúdíon ko nafá men páún; shariátwálon men waisáhi main shariátwálá baná, tá ki shariátwálon men nafá men páún; 21 Aur beshariát logon men beshariátsá, yáne main K̄hudá ki nazdik be shariát nahin húa, balki Masihí shariátwálá thá, táki main be shariát logon ko nafá men páún. 22 Main kamzorí men kamzor sá thá, táki kamzoron ko nafá men páún; main sab ádmíon ke wáste sab kuchh baná, tá ki harek tarah se bázon ko páún. 23 Aur main yih injil ke wáste kartá hún, táki main us men sharik hoún.

24 Kyá tum nahin jante ho, ki maidán men jab daurte hain, to sab daurte hain, par bází ek hí pátá hai? Pas tum aisá dauro, ki tumhí jítto. 25 Aur harek kushtígír sab báton ká parhez rakhtá hai. So we us táj ke liye jo fání hai; aur ham wuh táj páne ko jo báqí hai, yih karte hain. 26 So main daurtá hún, par be ṡhahkáne nahin; main ḡhúse lartá hún, par us ki mánind nahin, jo hawá ko mártá hai: 27 Balki main apne badan ko píse ḡáltá hún; aur bándh ke ḡhaṡe

liye phirtá hún, na howe ki main auron ko manádí karke apná maz-búton thahrún.

### X. BĀB.

1 Par ai bháío, main nahín cháhtá, ki tum us se náwáqif raho, ki hamáre sab bápádáde bádál ke níche the, aur we sab samundar men se ho kar nikal gae. 2 Aur sabhon ne us bádál, aur samundar men Músá ká bápátmá páyá. 3 Aur sabhon ne ekhí rúhání khorák khái: 4 Aur sabhon ne ek hí rúhání pání piyá : kyúnki unhon ne us rúhání paháří se jo unke sáth chalí, pání piyá : aur wuh paháří Masíh thá. 5 Par K̄hudá un men bahuton se rází na thá, jo we maidán men bijh gae.

6 Aur ye báten hamáre wáste namúna hún, táki ham buráíon kí k̄hwáshish na karen, jaisí unhon ne kí. 7 Aur tum butparast na bano, chunánchi un men kaíek the, jaisá likhá hai, ki Yih qaum kháne píne baiṭhí, phir náchne uṭhí. 8 Aur ham karámkárí na karen, chunánchi unmen se kaí ek ne kí aur din bhar men tís hazár mar gae. 9 Aur ham Masíh ká imtihán na karen, chunánchi un men se bázon ne kiyá, aur sámpon se halák húe. 10 Aur tum na gur̄guráo, chunánchi un men se kaíek gur̄guráe, aur halák karnewálá se halák húe. 11 Aur ye sab báten jo un par parín, namúna hún : aur ham jo ákhirí zamáne men hain, tumháří nasíhat ke wáste likhí gáin. 12 Pas jo koí ap ko qáim samajhtá hai, so k̄habardár rahe, aisá na ho ki girpare. 13 Tum kisí imtihán men siwá uske jo insán se kiyá játá hai, nahín pare : aur K̄hudá sachchá hai, ki wuh tum ko tumháří tákit se ziyáda imtihán men parne na degá, balki wuh imtihán ke sáth nikál ke ráh bhí torá degá, táki tum bardásht kar sako.

14 Pas ai mere piyáro, tum butparastí se bhágo. 15 Main tum se yún boltá hún, jaise aqlmandon se ; main jo kahtá hún, so jáncho. 16 Kyá yih barakat ká piyála jis par ham barakat mángte hain, Masíh ke lahú ká mel nahín ? aur yih roṭí jo torṭe hain, Masíh ke badan ká mil nahín hai ? 17 Kyúnki ham harchand bahut se hai, par mil ke ek roṭí, yáne ek tan hain : is liye ki ham sab ek hí roṭí men sharík hain. 18 Tum un par, jo jism kí rú se Isráelí hain, nazar karo, ki jo

qurbání khánewále hain, kyá we qurbángáh ke sharík nahín? 19 Pas kyá main kahtá hún, ki but kuchh chíz hai, yá buton par qurbání kuchh chíz hai? 20 Balki gair qaum jo qurbání karte hain, dewon ke liye karte hain, na Kḥudá ke liye : aur main nahín cháhtá, ki tum deon ke sharík ho. 21 Tum Kḥudáwand aur deo, donon ká piyála pí nahín sakte : na tum Kḥudáwand aur deo, donon ke dastarkhwán par sharík ho sakte. 22 Kyá ham Kḥudáwand ko gairat diláte hain? kyá ham us se zoráwar hain?

23 Sab kuchh mere liye halál hai, par sab kuchh fáidamand nahín : sab kuchh mujhe halál hai, par sab kuchh tarqí nahín baḡhshatí. 24 Koí apní bihtarí na ḡhúndhe, balki harek dúsre kí bihtarí cháhe. 25 Jo kuchh qazábon kí dokánon men biktá hai, so kháo, aur dándárí kí rú se kuchh na púchho : 26 Kyúnki zamín, aur us kí mámúrí Kḥudáwand kí hai. 27 Aur agar be ímánon men se koí tumháří mihmání kare, aur tum qabúl karo, to jo kuchh tumháre sámhne rakhá jáwe, kháo, dándárí kí ráh se kuchh na púchho. 28 Par agar koí tumhen kahe, ki yih buton kí qurbání hai, to us kí ḡhátir jis ne jatáyá, aur dándárí ke wáste na kháo : ki zamín aur us kí mámúrí Kḥudáwand kí hai : 29 Is se merá iráda terí dándárí ká nahín, balki dúsre kí hai : kyúnki merí ázádagí dúsre kí dándárí kí band men kyún pare? 30 Aur agar main shukr karke kahtá hún, to jis chíz par shukr kartá hún, us ke sabab kis liye badnám húngá? 31 Pas tum kháte, yá píte, yá jo kuchh karte ho, sab Kḥudá ke jalál ke liye karo. 32 Tum na Yihúdíon na Yúnáníon, na Kḥudá kí majlis ko ḡhokar ke báis ho : 33 Chunánchi main sab báton men sab ko rází rakhtá hún, aur apná nahín, balki bahuton ke fáida ḡhúndhtá hún, táki we naját páwen.

## XI. BĀB.

1 Tum mere pairau ho, jaise main bhí Masíh ká hún. 2 Aur aí bháío, main tumháre tárif kartá hún, ki tum har bát men mujhe yád rakhte ho, aur un báton ko, jo supurd howen, aisá yád rakhte ho jaisá main ne tumhen sompá hai. 3 Par main cháhtá hún, ki tum jáno, ki harek mard ká sir Masíh hai, aur aurat ká sir mard, aur



Masíh ká sir K̄hudá. 4 Jo mard duá yá nabúwat karte waqt apne sir ko dhámptá hai, wuh apne sir ko behurmat kartá. 5 Aur jo aurat nange sir duá yá nabúwat kartí, so apne sir ko behurmat kartí hai, kyúнки yih aur us ká sir mundná barábar hai. 6 Kyúнки agar aurat orhní na orhe, to us kí choṭí bhí kaṭ jáwe, aur agar aurat choṭí katne, yá sir mundne se behurmat hotí hai, to orhní orhe. 7 Mard ko na cháhiye ki apne sir ko dhámpe, ki wuh K̄hudá kí aurat aur us ká jalál hai, par aurat mard ká jalál hai. 8 Is liye ki mard aurat se nahín, balki aurat mard se hai. 9 Aur mard aurat ke liye nahín; balki aurat mard ke liye paidá húi. 10 Pas cháhiye ki aurat bheje howon ke liye apne sir ko dhámpe. 11 Magar K̄hudá-wand men na mard aurat ke bagair hai, na aurat mard ke bagair. 12 Kyúнки jaisá aurat mard se hai, waisáhi mard bhí aurat ke wasíle se hai, par sab K̄hudá se hai.

13 Tum áphí tajwíz karo; kyúнки munásib hai, ki aurat sir nangí hokar K̄hudá se duá mánge. 14 Kyá tabiyat se tum ko málúm nahíy hotá, ki agar mard choṭí rakhe, to us kí behurmatí hai? 15 Par agar aurat ke liye bál hon, to us kí zínat hai: kyúнки yih us parde ke wáste diye gae. 16 Lekin agar koí takrání ho, to málúm rahe, ki na hamará, na K̄hudá kí majlison ká yih dastúr hai.

17 Aur ab jo main tumhen kahtá hún, ismen tumhári tárif nahín kartá, ki tum jo jama hote ho, to us men tumhári kuchh bhalái nahín, balki burái hai. 18 Main suntá hún, ki jab tum majlis men jama hote ho, tumháre bích ikhtiláf hote hai; aur main is k̄habar ko thoṭí sí sach jántá hún. 19 Kyúнки zarúr hai, ki tumháre bích farqe bhí ho jáwen, táki we jo tum men maqbúl hai, záhir ho jáwen.

20 Phir jo tum ek hí maqám men jama hote ho, yih ashá i rabbání kháne ke liye nahín hai. 21 Kyúнки us ke kháne ke waqt pahile apná hí khána khá letá hai: aur koí bhúkhá rah játá, aur koí mast ho játá hai. 22 Kyá tum kháne píne ke liye ghar nahín rakhte ho? yá K̄hudá kí majlisíon ko náchíz jánté ho? aur muhtájon ko sarminda karte ho? ab main tum se kyá kahún? kyá main tumhári tárif karún? main is men tumhári tárif nahín karengá.

23 Kyúнки main ne yih bát K̄hudá-wand se páí, aur tumhen bhí sompí, ki K̄hudá-wand Yisú ne jis rát ki pakaṛwáyá gayá roṭí lí,

24 Aur shukr karte toṛí, aur kahá ; ki Lo, kháo, yih merá badan hai, jo tumháre liye toṛá játá hai, tum merí yádgáří ke liye yih kiyá karo. 25 Aur is tarah us ne kháne ke bád piyála bhí liyá, aur kahá, ki Yih piyála wuh nayá ahd hai, jo mere lahú se hai, jab kabhí tum pío, merí yádgáří ke liye pío. 26 Kyúнки jab kabhí tum yih roṛí kháte, aur yih piyála píte ho, to tum Kḥudáwand kí maut ko jab tak ki wuh áwe jatáte rahte ho. 27 Is wáste jo koí ná munásib taur se yih roṛí kháwe, yá Kḥudáwand ká piyála píwe, to wuh Kḥudáwand ke badan aur lahú ká gunahgár hogá. 28 Pas ádmí pahile ap ko jánche, aur yúñhí is roṛí men se kháwe, aur is piyále se píwe. 29 Kyúнки jo na munásib taur se khátá aur pítá hai, so Kḥudáwand ke badan ká liház na karke apní sazá khátá, aur pítá hai. 30 Isí sabab se tum men bahutere kamzor aur bímár hai, aur kitne so gae. 31 Agar ham apne taín jánchte, to sazá na páte. 32 Aur Kḥudáwand hamen sazá deke tarbiyat kartá hai, na howe ki ham par dunyá ke sáth sazá ká hukm ho. 33 Pas ai mere bháío, jab tum kháne ke liye jama ho, to ek dúsre kí ráh dekho. 34 Aur agar koí bhúkhá ho, to apne ghar men kháwe, na ho kí tum apne jama hone se sazá páo. Ab jo kuchh báqí hai, so main áke durust karúngá.

## XII. BAB.

1 Ai bháío, main nahín cháhtá hún, ki tum rúhání niamaton se náwáqif raho. 2 Tum jánte ho, ki jab tum gair qaum the, aur gúnge buton ke píchhe jis tarah chaláe gae chalte the. 3 Pas main tumhen jatátá hún, ki wuh jo Yisú ko malún kahtá hai, Kḥudá kí Rúh se nahín boltá : aur koí bagair Rúh i Quds ke Yisú ko Kḥudáwand kah nahín saktá hai.

4 Aur niamaten tarah tarah kí hain, par Rúh ek hí hai. 5 Aur kḥidmaten bhí tarah tarah kí hain, par Kḥudáwand ek hí hai. 6 Aur tásíren tarah tarah kí hain, par Kḥudá ek hí hai, jo sab men tamám tásír kartá hai. 7 Lekin sab ke fáida ke liye Rúh ká záhúr harek men hotá hai. 8 Ek ko Rúh se hikmat kí bát miltí hai, aur dúsre ko usí Rúh se ilm kí bát. 9 Aur báze ko usí Rúh se ímán, aur báze ko usí Rúh se changá karne kí niamaten. 10 Aur kisí ko karámaton

kí qudraten, aur kisi ko nabúwat; aur báze ko rúhon kí pahchán; aur báze ko tarah tarah kí zabánen; aur báze ko zabánon ke tarjuma karná; 11 Lekin wahí ek Rúh yih sab kuchh kartá hai; aur jaisá cháhtá harek ko bánṭtá hai. 12 Kyúнки jis tarah badan ek hai, aur ang bahut, aur ek badan ke bahut ang mil kar ek badan hote haiṅ: Masíh bhí aisá hí hai. 13 Ki ham sab ne kyá Yihúdí, kyá Yúnání, kyá gulám, kyá ázád, ekhí Rúh se ek badan banne ke liye bápṭismá páyá, aur ham sab ne ekhí Rúh se piyá hai. 14 Kyúнки badan men ek ang nahíṅ, balki bahut se haiṅ. 15 Aur agar pánw kahe, is sabab se ki main háth nahíṅ, main badan ká nahíṅ hún, to kyá wuh is sabab se badan ká nahíṅ hai? 16 Aur agar kán kahe, is sabab se ki main ánk nahíṅ, main badan ká nahíṅ, to kyá wuh is se badan ká nahíṅ? 17 Agar sárá badan ánk hotá, to sunná kaháṅ hotá? aur agar sab sunná hotá, to súnghná kaháṅ hotá? 18 Par ab Kḥudá ne harek ang ko badan men apní marzí ke muwáfiq rakhá. 19 Par agar we sab ekhí ang hote, to badan kaháṅ hotá? 20 Par ab bahut se ang haiṅ, lekin badan ek hai. 21 Ánk háth se nahíṅ kah saktí, ki main terí muhtáj nahíṅ: aur sir bhí pánw se nahíṅ kah saktá, ki main tumhárá muhtáj nahíṅ. 22 Balki badan men we ang jo kamzor málúm hote haiṅ, bahut zarúr haiṅ: 23 Aur badan ke un ang ko jinhen ham zalíl jánte haiṅ, unhen ko ziyáda izzat dete haiṅ; aur hamáre bad ḍol ang bahut kḥush ḍol ho játa haiṅ; 24 Magar hamáre kḥush ḍol ang us ke muhtáj nahíṅ, par Kḥudá ne zalíl angon ko ziyáda hurmat deke badan ko markab kiyá: 25 Tá ki judáí badan men na howe, balki sáre ang ápas men ek dúsre ke hamdard haiṅ. 26 Aur agar ek ang kuchh dukh pátá hai, to sáre ang us ke sáth dukh páte haiṅ; aur agar ek ang izzat páwe, to sáre ang us ke sáth kḥúsh hote haiṅ. 27 Tum mil ke Masíh ke badan ho, aur judá judá ang ho.

28 Aur majlise men Kḥudá ne kitnon ko muqararr kiyá, pahile rasúlon ko, dúsre nabíon ko, tísre ustádon ko, bád uske karámaten, tab changá karne kí qudraten, madadgárián, peshwáíán tarah tarah kí zabánen. 29 Kyá sab rasúl haiṅ? kyá sab nabí haiṅ? kyá sab ustád haiṅ? kyá sab karámaten dikháte haiṅ? kyá sab ko changá karne kí qudrat hai? 30 Kyá sab tarah tarah kí zabánen bolte haiṅ?

kyā sab tarjuma karte hain? 31 Tum achhī se achhī niamaton ke mashtāq raho, par main ek aur rāh jo un se kahīu bihtar hai, tumhen dikhātā hūn.

### XIII. BĀB.

1 Agar main ādmī yā firishton kī zabānen bolūn, aur mahabbat na rakhūn, to main thanthanātā pītal, yā jhunjhātā jhānjh hain. 2 Aur agar main nabūwat karūn, aur agar main gaib kī sab bāten aur sāre ilm jānūn, aur merā ímán purā ho, yahān tak ki main pahāron ko chalūn; par mahabbat na rakhūn, to main kuchh nahīn hūn. 3 Aur agar main apnā sārā māl k̄hairāt men de dālūn, yā agar main apnā badan dūn, ki jalāyā jāe; par mahabbat na rakhūn, to mujhe kuchh fáida nahīu. 4 Mahabbat sabr aur mihr baḅshatī hai; mahabbat dāh nahīn kartī; mahabbat sheḅhī nahīn kartī, phultī nahīn; 5 Be mauqā nahīn kartī, k̄hudgarz nahīn, tund mizāj nahīn; 6 Bad gumān nahīn, nārāstī se k̄hūsh nahīn, balki rāstī se k̄hūsh hai. 7 Sab bāton ko pí jātī hai, sab kuchh báwar kartī hai, sab chíz kī ummed rakhtī hai, sab kī bardāsht kartī hai. 8 Mahabbat kabhī jātī nahīn rahtī: agar nabūwaten hain, to mauqūf hongī; agar zabānen hain, to band ho jāengī; agar ilm hai, to lāhāsíl hojāegā; 9 Kyūnki hamārā ilm náqas hai, aur hamārī nabūwat nátamám. 10 Par jab kamál hásil hogā, to náqas nest ho jāegā. 11 Jab main laḅká thā, tab merī bolī laḅke kī sí, aur mizāj laḅke ká sá, aur samajh laḅke kī sí thī: par jab jawán hūá, tab main ne laḅkpan se háth uḅháyá. 12 Ki ab ham apne se dhandhlá sá dekhte hain; par us waqt rúbarú dekhenge; is waqt merā ilm náqas hai, par us waqt men is tarah jānūngá, jis tarah wuh mujhe jāntá hai. 13 Ab to ímán, ummed, mahabbat, ye tinoḅ maujūd hain; par un men jo baḅkhar hai, so mahabbat hai.

### XIV. BĀB

1 Mahabbat ká píchhá karo, aur rúhání niamaton kī árzú rakho; k̄hasúsān us niamat kī, ki tum nabūwat karo. 2 Kyūnki jo begání zabān boltá hai, wuh ādmíon se nahīn, balki K̄hudá se boltá hai, ki

koí nahín samajhtá, agarchi wuh rúh se bhed kí báten boltá hai. 3 Par jo nabúwat kartá hai, so ádmíon se unkí tarqí aur nasíhat, aur tasallí ke liye boltá hai. 4 Jo begání zabán men boltá hai, so apní tarqí kartá hai; par jo nabúwat kartá hai, majlis kí tarqí kartá hai. 5 Main cháhtá hún, ki tum sab tarah tarah kí zabánen bolo, par k̄háss kar cháhtá hún, ki nabúwat karo : ki nabúwat karnewálá us se jo tarah tarah kí zabánen boltá hai, bará hai, agar wuh tarjuma is liye na kare, ki majlis tarqí páwe.

6 Ab ai bháío, agar main tarah tarah kí zabánen boltá húa tumháre pás áú, aur ilhám kí, yá ilm, yá nabúwat, yá tálím kí báten tum se na kahún, to mujh se tum ko kyá fáida hogá? 7 Chunánchi beján chízen jin se áwázen nikaltí hai, jaise turbí, yá bín, agar unke bolon men tafáwat na ho, to jo phúnká, yá bajáyá játá hai, kyúnkar bújhá jáegá? 8 Aur agar narsange ke bol dubdhe ke sáth hon, to kaunáp ko larái par taiyár karegá? 9 Waisehí tum bhí agar zabán se ásán bát na bolo, to jo kahá játá hai, kyúnkar samjhá jáegá? tum hawá se bak bak karnewále thahroge. 10 Kzaitní bánen tarah tarah kí dunyá men na hongí, aur un men se koí be mání nahín. 11 Par agar wuh zabán mujhe na átí ho, to main bolne wále ke áge nádán thahrúngá, aur bolnewále mere áge.

12 Pas tum jab rúhání niamaton kí árzú rakhte ho, to yih koshish karo, ki majlis kí tarqí ke liye tumhen kamál ho. 13 Is wáste jo begání zabán men boltá hai, duá mánge, ki tarjuma bhí kar sakje. 14 Kyúnki main kisí begání zabán men duá mángún, to merí rúh duá mángtí hai, par merí aql bekár hai. 15 Pas main kyá karún? main rúh se duá mángúngá, aur aql se bhí: aur main rúh se gáúngá, aur aql se bhí. 16 Nahín to agar to rúh se barakat bát bole, to wuh jo awám kí jagah men baihtá hai, teri shukrguzári men Amín kyúnkar karegá? is wáste ki jo kuchhtú kahtá hai, wuh use nahín jántá. 17 To tú achhí tarah shukr kartá hai, par dúsrá tarqí nahín pátá. 18 Main apne K̄hudá ká shukr kartá hún, ki tum sabhon se ziyáda zabáne boltá hún: 19 Lekin main majlis ke darmiyán begání zabán men das hazár báton ke kahne se páñch báten apní aql se, aur unkí tálím ke liye pasand kartá hún.

20 Ai bháío, tum aql men larke na bano, tum badí men larke

raho, par aqlon men jawán ho. 21 Sharíat men likhá hai, ki K̄hudá-wand kahtá hai, Main begání zabán, aur begáne honthon se is qaum ke sáth bolúngá, tau bhí we merí na sunenge. 22 Pas tarah tarah kí zabán ímándáron ke liye nahín, balki beímánon ke wáste nishán hai; par nabuwat beímánon ke liye nahín, balki ímándáron ke liye hai. 23 Pas agar sárí majlis ek muqám men jama ho, aur sab ke sab tarah tarah kí zabáneñ bolín, aur awám yá beímán log andar áweñ, to kyá we na kaheñge, ki ye diwáne haiñ ? 24 Par agar sab nabuwat karen, aur koí beímán, yá awám se andar á jáwe, to harek kí bát se qáil hogá, harek se parakhá jáegá. 25 Aur yún us ke dil ke bhed sab záhir hongé, tab wuh munh ke bal girke K̄hudá ká sijda karegá, aur iqrár karegá, ki K̄hudá be shakk tumháre bích hai.

26 Pas ai bháío kyá hai ? ki jab tum ekaṭhe hote ho, to tum men harek ke sáth zabúr yá koí tálím, yá begání zabán, yá ilhám, yá tarjuma hotá hai. Cháhiye ki sab kuchh tarqí ke liye howe. 27 Agar koí begání zabán men bole, to do do, aur niháyat tén men ek ek karke bolín; aur ek shaḅhs tarjuma kare. 28 Par agar koí tarjuma karnewálá na ho, to wuh majlis men chupká rahe, aur apne aur K̄hudá ke sáth bole. 29 Do yá tén bolen, báqí tajwíz karen. 30 Par agar bát dúsre par jo baiṭhá hai, ḅhul jáwe, to pahilá chupká rahe. 31 Ki tum sab ke sab ek ek har ke nabuwat kar sakte ho, táki sab síkhen, aur sab tasallí páweñ. 32 Aur nabíon rúhen nabíon ke tábi haiñ. 33 Kyúñki be ṭhakáre kí báten nahín, balki salámatí kí báten K̄hudá kí taraf se haiñ; chunáñchi muqaddas logon kí sárí majlison men hai.

34 Tumhári auraten majlis men chupkí raheñ, ki unhen bolne ká nahín, balkí farmán bardár honeká hukm hai, jis tarah sharíat men bhí likhá hai. 35 Aur agar we kuchh síkhá cháhen, to ghar men apne ḅhasam se púchhen, kyúñki sharam kí bát hai, ki auraten majlis men bolen. 36 Kyá ? K̄hudá ká kalám tumhen se nikláyá, sirf tumhen tak pahunchá hai ?

37 Agar koí apní taín nabí yá rúhání jáne, to wuh un báton ká, jo main tumhen likhtá hún, iqrár kare, ki K̄hudá-wand ke ahkám ye haiñ. 38 Aur agar koí na jáne, to na jáne. 39 Garaz ai bháío, na-

buwat karnekí árzú rakho, lekin tarah tarah kí zabáneṁ bolne se mana na karo. 40 Sári báteṁ, aur ṭhakáne ke sáth howeṁ.

### XV. BĀB

1 Ab ai bháío, main tumheṁ usí injil kí bát jatátá hún, jis kí ḳhúsh ḳhabarí main ne tumheṁ dí, aur tum ne páí, aur us par qáim ho; 2 Usí ke sabab tum bach bhí játe ho, bashartíka wuh ḳhúshḳhabarí jo main ne tumheṁ dí yád rakho, nahín to tumhárá ímán láná befáida hai. 3 Kyúnki main ne auwal báton meṁ wahí tumko sompá, jo main ne páyá, ki jaisí nabíon kí kitábon meṁ likhá hai, Masíh hamáre gunáhon ke wáste mára; 4 Aur gára gayá, aur tísre din kitábon ke muwáfiq jí uthá. 5 Aur Kefá ko aur us ke bád bárahon ko dikháí diyá: 6 Bád us ke páñch sau bháí se ziyáda the, jinheṁ wuh ekbárgí dikháí diyá, ki aksar un meṁ se abtak maujúd haiṁ, par kaiek so gae. 7 Phir Yáqúb ko dikháí diyá, phir sáre rasúlon ko. 8 Aur sab ke píchhe mujh ko, jo adhúre dinon ká paidá hún, dikháí diyá. 9 Ki main rasúlon meṁ sab se chhoṭá hún, aur is láiq nahín, ki rasúl kahláún, is wáste ki main ne Ḳhudá kí majlis ko sá-táyá. 10 Par main jo kuchh hún, Ḳhudá ke fazl se hún; aur us ká fazl jo mujh par húa, so befáida na húa, par main ne un sab se ziyáda mahabbat kí; na main ne, balki Ḳhudá kí fazl ne, jo mere sáth thá. 11 Pas kyá main kiyá, we aisí manádí karte haiṁ, aur tum aisáhi ímán láe ho.

12 Ab agar manádí kí játí hai, ki Masíh murdon meṁ se jí uthá, to tum meṁ se kisí ek kyún kahte haiṁ, ki murdon kí qiyámat na hogí? 13 Jab murdon kí qiyámat nahín, to Masíh bhí nahín jí uthá. 14 Aur agar Masíh nahín uthá, to hamárá manádí jhúṭh hí hai, aur tumhárá ímán bhí jhúṭhá. 15 Aur ham Ḳhudá ke jhúṭhe gawáh ṭhahare; kyúnki ham se Ḳhuda kí bábat gawáhí dí, ki us ne Masíh ko phir jiláyá hai: agar murde nahín utháyá. 16 Kyúnki agar murde nahín uthete, to Masíh bhí nahín uthá. 17 Aur agar Masíh nahín uthá, to hamára ímán befáida hai; tum ab tak apne gunáhon meṁ giriftár ho. 18 Aur jo Masíh meṁ ho ke so gae haiṁ, so nest

hūe. 19 Agar ham sirf isí zindagí men Masíh se ummed rakhte hain, to ham sáre ádmíon se kam baḡhat hain.

20 Par ab Masíh to murdon men se uṭhá hai, aur un men jo so gae hain pahilá phal ho. 21 Ki jab ádmí ke sabab se maut hai, to ádmí ke sabab se murdon kí qiyámat bhí hai. 22 Ki jaisá Adam kí sabab se sáre marte hain, waisáhí Masíh ke sabab se sáre jiláe jáenge. 23 Lekin harek apní apní naubat men: pahilá phal Masíh; phir we jo Masíh ke hain, us ke áne par. 24 Bád us ke áḡhirat hai, tab wuh bádsháhat Ḳhudá ko jo Báp hai, phir degá, aur sárí hukúmat, aur sáre iḡhtiyár o qudrat ko nest kardegá. 25 Kyúnki jab tak ki wuh sáre dushmanon ko apne páon tale na láwe, zarúr hai ki sultanat kare. 26 Maut bhí jo áḡhirí dushman hai nest hogí. 27 Ki us ne sab kuchh us ke páon tale kar diyá hai; magar jab ki wuh kahtá hai, ki Sab kuchh us ke páon tale kar diyá, to záhir hai, ki wuhí alag rahá, jis ne sab kuchh us ke páon tale kar diyá. 28 Aur jab sab kuchh us ke páon tale ho le, tab Beṭá áphí us ke páon tale hogá, jis ne sab chízen us ke páon tale kar dín, tá ki Ḳhudá sab kuchh sab men howe.

29 Nahín to we jo ki murdon ke úpar bápísmá páte hain, so kyá karenge? agar murde matlaq na uṭhen, to kyúu murdon ke úpar bápísmá páte hain? 30 Aur phir ham kyúu hardam ḡhatre men pare hain? 31 Mujhe apne is faḡhar kí, jo hamáre Ḳhudáwand Masíh Yisú se hai, qasam, ki main har roz martá hún. 32 Agar main ádmí kí tarah Efesus men darindon ke sáth lará, to mujhe kyá fáida, agar murde na uṭhen? pas áo, kháwen, píwen, ki kal ke din marrenge! 33 Fareb na kháo: burí suhbaten achhí iádaton ko bigártí hain. 34 Tum rástbáz kí tarah hoshyár raho, aur gunáh na karo; ki kitnon men Ḳhudá kí pahchán nahín hai: main tumhen sharam diláne ko yih kahtá hún.

35 Sháyad koí kahe, ki murde kis tarah uṭhenge, aur kis badan men áwenge? 36 Ai nádán, jo chíz tú botá hai, agar na mare, to kabhí jiláe na jáengi: 37 Aur yih jo tú botá hai, na wuh badan hai jo howegá, balki mizá ek dána hí, ḡhwáh 'gehon, ḡhwáh kuchh aur: 38 Par Ḳhudá us ko jaisá us ne cháhá ek badan detá hai, aur harek bíj ká ek ḡhás badan hai. 39 Sáre jism ekhí se nahín: balki ádmíon



ká jism, aur hai chárpáe ká, aur hai machhlíon ká, aur hai parindon ká. 40 Aur badan ásmání bhí hai, aur kḥákí bhí hai: par ásmáníon kí jalál aur hai, aur kḥákíon aur. 41 Aftáb ká jalál aur hai, máhtáb ká jalál aur aur sitáron ká jalál aur hai: ki sitára sitáre se jalál men faraq rakhtá hai.

42 Murdon kí qiyámat bhí aisí hai. Wuh faná men boyá játá, aur baqá men uṭhegá. 43 Behurmatí men boyá játá hai, aur jalál men uṭhegá; kamzorí men boyá játá hai, qudrat men uṭhegá. 44 Hiwání badan boyá játá hai, aur rúhání badanuṭhegá. Ek hiwání badanhai, aur ek rúhání badan. 45 Chunánchi likhá hai, ki Pahilá ádmí, yáne Adam, jítí ján húa, aur pichlá Adam jiláne wálá rúh húa. 46 Lekin rúhání pahile na thá, balki jismání; bád us ke rúhání. 47 Pahilá ádmí zamín se kḥákí hai; dúsrá ádmí Kḥudáwand ásmán se hai. 48 Jaisá kḥákí, waise we bhí, jo kḥákí hai: aur jaisá ásmání waise we bhí, jo ásmání hai. 49 Aur jis tarah ham ne kḥákí kí súrat pái hai, ham ásmání kí súrat bhí páwenge.

50 Ai bháío, main yih kahtá hún, ki jism aur kḥún Kḥudá kí bád-sháhat kí wáris nahín ho sakte, aur na fání baqá ká wáris ho saktá hai. 51 Dekho main tumheṅ gaib kí ek bát kahtá hún; ki ham sab na soenge, par ham sab ek dam ek pal men pichhlá narsingá phunkté húe badal jáenge: 52 Narsingá to phunká jáwegá, aur murde uṭh ke gair fání hongé, aur ham badal jáenge. 53 Kyúнки zarúr hai, ki fání baqá ko pahine, aur yih marnewálá hamesha kí zindagí ko pahine. 54 Aur jab yih fání gair fání ko, aur yih marnewálá hamesha kí zindagí ko pahin chukegá, tab wuh bát jo likhí hai púrí hogí, ki Fatah ne maut ko nigal liyá. 55 Ai maut terá ḍank kahán? Ai qabr terá fatah kahán. 56 Maut ká ḍank gunáh hai: aur gunáh ká zor shariát. 57 Par shukr Kḥudá ko, jis ne hamen hamáre Kḥudáwand Yisú Masíh ke wasíle fatah baḅshí. 58 Pas ai mere azíz bháío, tum mazbút aur sábit raho, aur Kḥudáwand ke kám men hamesha taraquí karte raho, ki tum jánte ho, ki tumhári mihnát Kḥudáwand men befáida nahín hai.

## XVI. BĀB.

1 Ab is chande kī bābat jo muqaddas logon ke wāste hai, jaisā main ne Galatia kī majlison ko hukm kiyā, waisā tum bhī karo. 2 Ki har hafta ke pahile din tum men se har koī āmad ke muwāfiq apne pās nikāl rakhe, aur jama kare, tāki jab main áúñ, to chandā karnā nā pare. 3 Aur main áke unhen jinko muatabar ṭhahrāoge, dastḡhaton se tumhāre chande ke rūpī Yirúshálam men lejāne ko bhejūngā. 4 Aur agar merā jánā bhī munāsib hogā, to we mere sáth jáenge.

5 Aur jab main Maqedoniá men hoke niklūngā, ki albatta Maqedoniá men se, jánā cháhtā hūñ, tab tumhāre pās áúngā. 6 Sháyad main tumhāre pās ṭhahrūñ balki járá bhī káṭūñ, tāki tum mujhe áge, jahán merā jánā ho, rawána kar do. 7 Ki ab main nahīñ cháhtā, ki ráh men tumhāri muláqát karūñ; par ummedwār hūñ, ki agar Ḳhudáwand rukhsat de, to kuchh din tumhāre pās rahūñ. 8 Aur main Pintikast ke din tak Efesus men rahūngā. 9 Ki ek barā darwāza jo kám baḡhsha hai mere liye khulá hai, aur muḡhálif bahut se hain.

10 Aur agar Timotheus áwe, to ḡhabardār, wuh tumhāre pās beḡhauf rahe, ki wuh merí tarah Ḳhudáwand ká kám kartá hai. 11 Pas koī us ko náchíz na samjho, balki tum us ko salámat idhar ko rawána kíjiyo, ki mere pās pahunche: kyúnki main ráh dekhtā hūñ, ki wuh bháíon samet áwe. 12 Rihá Apollos bhái se main ne us se bahut iltimás kiyā, ki wuh tumhāre pās bháíon ke sáth jáe; par us ká iráda abkí matlaq na thá, ki jáwe, par jab fursat páwegá, to jáwegá.

13 Jágte raho, ímán men mazbút ho, mardáne bano, zoráwar ho. 14 Tumhāri sab báten mahabbat ke sáth hūñ.

15 Ab ai bháío, main tum se araz kartá hūñ, tum Stifán ke ḡhándán ko jánte ho, wuh Akháyá ká pahilá phal hai, aur we muqaddas logon kī ḡhidmat karne ko mustáid rahte hain. 16 So tum aise logon ke aur harek ke jo kám, aur mahabbat men sharík hor, farmánbardá raho. 17 Aur main Stifán, aur Fartunátús, aur Akhaikus ke áne se ḡhúsh hūñ; kyúnki unhon ne tum se jo kám húá so bhar

diyá. 18 Ki unhoṅ ne merí aur tumhári rúh ko táza kiyá, is liye tum aison ko máno.

19 Aur Asiá kí majlis men tumhen salám kahtí hain; aur Aqilá aur Priskilla majlis samet, jo un ke ghar men hai, tumhen Ḳhudá-wand ke wáste bahut bahut salám kahte hain. 20 Sáre bhái tumhen salám kahte hain; tum pák búse leke ápas men salám karo.

21 Salám mujh Paul ká apne háth se. 22 Agar koí Ḳhudá-wand Yisú Masíh se mahabbat nahí rakhtá, Malún Márańáta howe. 23 Ḳhudá-wand Yisú Masíh ká azl tum par howe. 24 Merí mahabbat tum sab ke sáth Masíh Yisú men ho. Amín.

---

## PAUL KA DUSRA KHATT QORINTI'ON KE LIYE.

---

### I. BĀB.

1 Paul, jo Ḳhudá kí marzí se Yisú Masíh ká rasúl hai, aur bhái Timotheus kí taraf se Ḳhudá kí us majlis ko, jo Qorint men hai, un sab muqaddas logon samet, jo tamám Akháya men hain: 2 Fazl aur salámatí hamáre Báp Ḳhudá aur Ḳhudá-wand Yisú Masíh kí taraf se tumháre liye howe.

3 Mubáarak hai wuh Ḳhudá, jo hamáre Ḳhudá-wand Yisú Masíh ká Báp, aur ruhmaton ká Báp, aur sári tasallí ká Ḳhudá hai; 4 Wuhí hamári harek musíbat men ham ko tasallí detá hai, táki ham us hí tasallí ke sabab jo hamen Ḳhudá se milí hai, un ko bhí jo kisi tarah kí musíbat men hain dilásá de sakeṅ. 5 Kyúnki jis tarah Masíhí dukh ham par baṛhte játe hain, usí tarah hamári tasallí bhí Masíh ke sabab se baṛhtí hai. 6 Aur ham agar musíbat uṭháte hain, to tumhári tasallí aur naját ke wáste hai, jo tumháre un dukhon kí bardásht karne se ashar kartí hai, jinhen ham bhí sahte hain: aur agar ham tasallí páte hain, to tumhári tasallí aur naját ke wáste hai. 7 Aur hamári ummed tumhári bábat mazbút hai; kyúnki ham jánte hain, ki jaisí tum dukhon men sharík ho, waisíhi tasallí men bhí.

8 Ai bháío, ham nahin cháhte, ki tum hamári us musíbat se, jo

Asiá mein ham par parí, náwáqif raho, ki ham táqat se báhar bahut hí dab gae, yahán tak ki ham ne zindagí se bhí háth dhoyá; 9 Balki apne úpar qatl ká hukm yaqín kar chuke the, táki ham na apná, balki K̄hudá ká jo murdon ko jilátá hai bharosá rakhen: 10 Usne aisi barí halákat se ham ko chhuráyá aur chhurátá hai, aur ham ko us se yih ummed hai, ki wuh áge ko bhí chhuráwegá: 11 Aur tum milke duá se hamáre madadgár hotá, ki wuh niamat jo bahut se logon kí duá se hamko milí, bahut se log us ká shukr bhí hamáre liye karen. 12 Aur hamará faḡhar yih hai, ki hamará dil gawáhí detá hai, ki ham ne K̄hudá kí safáí aur sachcháí ke sáth jismání hikmat se nahín, balki K̄hudá ke fazl se dunyá mein guzrán kí, ḡháss kar tumháre darmiyán. 13 Kyúnki ham aur báteñ tumhen nahín likhte, magar wahí jinhen tum parhte aur mánte ho; aur mujhe ummed hai, ki tum áḡhir tak mánte rahoge; 14 Chunánchi tum ne thorá sá hamen máná hai, ki ham tumháre faḡhar hain, jaise K̄hudáwand Yisú ke din, tum bhí hamáre.

15 Aur main ne usí bharose par pahile tumháre pás áneká iráda kiyá, táki tum dúsri niamat páo. 16 Aur phir tum pás ho kar Maqedoniá ko jáúñ, aur Maqedoniá se phir tumháre pás áúñ, aur tum mujhe áge Yihúdia ko pahunchá do. 17 Pas main ne jo yih iráda kiyá, to kyá halkápan se kiáy? yá jo iráda main kartá hún, so kyá jismání taur par kartá hún, ki hán hán, aur nahín nahín bhí merí bát mein ho? 18 Par K̄hudáe barhaqq jántá hai, ki hamári jo bát tum se thí, so hán aur nahín na ṡaharí. 19 Ki K̄hudá ká Beṡá Yisú Masíh jis kí manádí ham ne, yáne main ne aur Silwánus aur Timotheus ne tumháre bích kí, so hán aur nahín na ṡahrá, balki hán us se ṡahrá. 20 Kyúnki K̄hudá ke jitnewáde hain, us se hán aur us se Amín hain, táki hamáre wasíle se K̄hudá ká jalál záhir ho. 21 Aur jo ham ko tumháre sáth Masíh mein qáim kartá hai, aur jis ne ham ko Masíhí kiyá, so K̄hudá hai; 22 Aur us ne ham par muhr bhí kí, aur Rúh ká pyána hamáre dilon mein diyá. 23 Garaz main K̄hudá ko apne dil par gawáh látá hún, ki main ne tum par rahm kiyá, ki ab tak Qorint mein nahín áyá. 24 Lekin ham tumháre ímán par ḡhudáwandí nahín karte, balki tumhári ḡhushí ke madadgár hain: kyúnki tum ímán mein qáim ho:

## II. BAB.

1 Main ne apne dil men yih thána, ki main tumhare pás phir ke gamgín na áún. 2 Kyúнки agar main tumhen gamgín karú, to kaun siwáe us ke, jise main ne gamgín kiyá, mujhe kshúsh kar saktá hai? 3 Aur main ne tum sabhon kí tarah se yaqín kar ke, ki jo merí kshúshí hai, wahí tum sabhon kí kshúshí hai, tum ko yih likhá hai; tá na howe ki main á kar un se jin se cháhtá, ki main kshúsh hoún gamgín hoún. 4 Ki main ne barí musíbat aur dilgírí se bahut se ánsú bahá bahá kar tumhen likhá; aur is wáste nahín, ki tum gamgín ho, par táki tum merí us barí mahabbat ko jo tum se hai jáno. 5 Aur agar kisí ne gamgín kiyá, to us ne mujhí ko nahín gamgín kiyá, balki mu-bálaga nahín kartá, thorá sá tum sab ko bhí. 6 Yih ilzám jo bahu-teron se uṭháya, uske wáste bas hai. 7 So bihtar hai ki tum us ke barikhiláf us ko baqshsho, aur tasallí do, tá kahín aisá naho, ki bahut gam use khá jáe. 8 Pas main tum se arz kartá hún, ki tum us ke sáth apní mahabbat sábit karo. 9 Ki main ne is wáste bhí likhá thá, ki tumhen jánchon ki tum sárí báton men farmánbardár ho, yá nahín. 10 Jise tum kuchh baqshshate ho, use main bhí baqshshatá hún: aur main ne jise kuchh baqshshá, tumharí kshátir se Masíh ke qáim mu-qám ho kar baqshshá; 11 Tá na howe ki Shaitán ham par ziyádatí kare: kyúнки ham uskí tadbíron se náwáqif nahín hai.

12 Aur jab main Masíh kí injíl sunáne Troas men áya, aur Kḥudáwánd se mujh par ek darwáza kshul gayá, 13 Tab main ne apne bhái Titus ko jo na páya, to mere dil men áram na rahá: aur un se rukhsat ho kar wahán se Maqedoniá men áya. 14 Ab shukr Kḥudá ká, jo Masíh men ham ko hamesha fatah baqshshatá hai, aur apne ilm kí kshúshbú ham se harek jagah záhir karwátá hai. 15 Kyúнки ham Kḥudá ke áge un ke liye jo bacháe játe hai, aur un ke liye jo halák hote hai, Masíh kí kshúshbú hai: 16 Bázon ko marne ke liye maut kí bú, aur bázon ko chunne ke liye zindagí kí bú hai. Aur kaun in báton ke láiq hai? 17 Ki ham bahuton kí mánind Kḥudá ke kalám men mil nahín karte, balki sachcháí aur Kḥudá kí taraf se ham Kḥudá ke huzúr Masíh ke haqq men bolte hai.

## III. BAB.

1 Kyá ham phir apní nek námí jatáná shurú karte hain? yá ham auron kí tarah muhtáj hain, ki nek námí ke khatt tumhare pás láwen, yá tum se nek námí ke khatt lejáwen? 2 Hamará khatt jo hamáre dilon par likhá hai, tum ho, aur use sáre ádmí jánte, aur parhte hain: 3 Ki tum záhir Masíh ke khatt ho, jo hamárí márifat taiyár húa, aur wuh siyáhi se nahín, balki zinda K̄hudá kí Rúh se; aur pathar kí takhtíon par nahín, balki takhtíon par jo gosht kí hain, likhá gayá hai.

4 Ham aisá bharosá Masíh kí márifat K̄hudá par rakhte hain. 5 Na ki ham is láiq hain, ki ap se kuchh k̄hiyál bhí kar saktín; balki hamárí liáqat K̄hudá se hai; 6 Us ne ham ko yih liáqat bhí dí hai, ki ham nae adh kí k̄hádím hún; lafaz ke nahín, balki Rúh ke: kyúnci lafaz márdáltá, par Rúh jilátí hai. 7 Aur agar maut kí wuh k̄hidmat, jo lafzí aur patharon par khodí gaí thí, jalál ke sáth húi, ki baní Isráel Músá ke chihra par basabab us jalál ke, jo us ke chihre par thá, aur nest honewálá thá, nazar na kar sake: 8 To Rúh kí k̄hidmat kitní ziyáda jalál ke sáth na hogí? 9 Ki jab ilzám dilánewálí k̄hidmat Jalál hai, to rástbází kí k̄hidmat ká jalál kitná ziyáda nahogá? 10 Balki wuh jalálwálá us bare jalálwále kí nisbat jalál hí na rakhtá thá. 11 Aur agar nest honewálá chíz jalál ke sáth thí, to wuh jo qáim rahnewálí hai, kitnehí ziyáda jalál ke sáth hai?

12 Pas ham aisí ummed rakh ke barí beparwái se bolte hain; 13 Aur ham Músá kí tarah nahín karte, jis ne apne chihre par pardá dálá, táki baní Isráel us uṭh jánewálí kí gáyat tak baṅhúbí na dekhín. 14 Lekin un ká faham tárík ho gayá: kyúnci áj tak puráne ahd ke parhne men wahí parda rahtá hai; aur uṭh nahín játa, is liye ki wuh parda Masíh se játa rahtá hai. 15 Pas áj tak jab Músá kí kitáb parhí játi hai, to wuh parda un ke dil par pará rahtá hai. 16 Lekin K̄hudá-wand kí taraf phiregá, tab wuh parda har taraf se uṭh jáegá. 17 Aur K̄hudá-wand wuhí Rúh hai, aur jahán kahín K̄hudá-wand kí Rúh hai, wahí ázádagí hai. 18 Aur ham sab bepardá K̄hudá-wand ke jalál ko áina men dekh dekh ke ek jalál se dúsre jalál tak K̄hudá-wand kí Rúh ke wasíle uskí súrat par badal játe hain.

## IV. BĀB.

1 Pas jab ham ne yih k̄hidmat pái, aur ham par aisá rahm húá, to ham udás nahín hote ; 2 Aur ham ne sharm ke poshída kámon se kinára kiyá, aur dagábází kí chál nahín chalte, aur na K̄hudá kí bát men mel karte hain, balki rástí ke záhir karne se harek ádmí ke dil men K̄hudá ke huzúr jagah karte hain.

3 Aur hamáří injíl agar poshída howe, to un hí par poshída hai, jo halák hote hain : 4 Ki is jahán ke k̄hudá ne un kí aqlon ko jo be-ímán hain tárík kar diyá hai, tá na howe ki Masíh jo K̄hudá kí súrat hai us kí jalálwálí injíl kí roshní un par chamke. 5 Ki ham apní nahín, balki Masíh Yisú kí jo K̄hudáwand hai manádí karte hain ; aur ham áp to Yisú ke liye tumháre naukar hain. 6 Kyúnki K̄hudá hí jis ke hukm táríkí se roshní chamkí, hamáre dilon ko roshan kiyá, táki K̄hudá ke jalál kí pahchán Yisú Masíh ke chihre se záhir howe.

7 Par ham yih k̄hazána miṭṭí ke banson men rakhte hain, táki zá-hir howe kí qudrat kí buzurgí hamáří taraf se nahín, balki K̄hudá kí taraf se hai. 8 Aur ham to har taraf se musíbat men hain, lekin shikanja men nahín ; hairán hain, par ná ummed nahín ; 9 Satáe játe hain, par akele chhoṛe nahín gae ; giráe játe hain, par halák nahín hūe ; 10 Ki ham K̄hudáwand Yisú Masíh kí maut ko apne badan men hamesha liye phirte hain, táki Yisú kí zindagí bhí hamáre jism men záhir howe. 11 Ki ham jo zinda hain, Yisú kí k̄hátir hamesha maut ke hawále kie játe hain, táki Yisú kí zindagí bhí hamáre nest ho já-newále jism men záhir howe.

12 Pas maut ká ham men, aur zindagí ká tum men asharr hotá hai. 13 Pas is sabab se ki ímán kí Rúh ham men hai, jaisá likhá hai, ki Main ímán láyá, aur is liye bolá, Ham bhí ímán láe, aur isí wáste bolte hain. 14 Ki ham jánte hain, ki jis ne K̄hudáwand Yisú ko jilá-yá, so ham ko bhí Yisú ke sabab se jiláwegá, aur tumháre sáth apne huzúr men házir karegá. 15 Kyúnki sáří chízen tamháre wáste hain, táki wuh fazl jo niháyat húá, K̄hudá ke jalál ke liye bahuton ke wasíle se shukr guzárí barháwe.

16 Is liye ham udás nahín hote hain ; par agarchi hamáří záhírí insánít nest hotí thí, lekin batiní roz ba roz naí hotí játí hai. 17 Ki

hamáří pal bhar kí halkí musíbat kyá hai, be niháyat aur abadí bháří jalál hamáre liye paidá kartí rahtí hai. 18 Ki ham ne un chízon par jo dekhne men átí hain, balki un chízon par jo dekhne men nahín átí, nazar karte hain; kyúнки jo chízen dekhne men átí hain, chand din kí hain, aur we jo dekhne men nahín átín, hamesha kí hain.

### V. BĀB.

1 Kyúнки ham jánte hain, ki jab hamárá yih k̄haima sá miṭṭí ká ghar ujaṛ jáwe, to ham ek imárat K̄hudá se páwenge; wuh ek ghar hai, jo háthon se nahín baná, balki abadí aur ásmán par hai. 2 Ki ham us men áhen k̄henchte, aur baṛí árzú rakhte hain, ki apne ásmání ghar ko pahinen. 3 Ki ham libás pahin ke nange na páe jáenge. 4 Kyúнки ham to jab tak is k̄haima men hain, bojh se dab kará hain, k̄henchte hain: lekin nahín cháhte, ki utáren, balki yih ki us par pahin lín, táki zindagí maut ko nigal jáwe. 5 Aur jis ne ham ko usí ke liye taiyár kiyá, so K̄hudá hai, us ne hamen Rúh ká bayána bhí diyá. 6 Is liye hamáří hamesha k̄hátir jama hai, aur jánte hain, ki jab tak ham badan ke des men hain, K̄hudáwand se pardes men hain. 7 Ki ham ímán se na, ki binái se chalte hain, 8 Hamáří k̄hátir jama hai, aur ham beshtar cháhte hain, ki badan se pardes men, aur K̄hudáwand ke des men já rahen. 9 Is wáste ham us izzat ke árzúmand hain, ki kyá des men, aur kyápardes men, us ko pasand áwe. 10 Kyúнки ham sab ko zarúr hai, ki Masíh kí masnad adálat ke áge házir howen, táki harek jo kuchh us ne badan se kiyá, kyá bhalá kyá burá muwáfíq, us ke páwe.

11 Is wáste ham K̄hudáwand ke k̄hauf ko samajh kar ádmíon kí minnat karte hain; aur K̄hudá par hamárá hál záhir hai; aur ummed hai, ki tumháre dilon par bhí záhir ho. 12 Ki ham phir apní nek námí tum par nahín jatáte hain, par tumhen hamáre sabab faḵhar karne kí gún miltí hai, táki tum un ko jo záhir par faḵhar karte hain, aur báten par nahín, jawáb de sako. 13 Kyúнки agar ham bek̄hud hain, to yih K̄hudá ke wáste hai; aur agar hoshyár hain, to yih tumháre wáste hai. 14 Ki Masíh kí mahabbat ham ko k̄henchtí hai; kyúнки ham yih samjhe, ki jab ek sab ke wáste múá, to sab murde



ṭhahre : 15 Aur wuh sab ke wāste múá, ki jo jíte hain, so áge ko apne liye na jíwen, balki us ke liye jo un ko wāste múá, aur phir uṭhá. 16 Is wāste ham ab se kisí ko jism kí ráh se nahín pahchánte hain : ur agarchi ham ne Masíh ko bhí jism kí ráh se pahchána hai, par ab is waza use phir ham nahín pahchánte. 17 Par agar koí Masih men hai, to wuh nayá maḡhlúq hai : purání chízen guzar gaen, dekho sári chízen naí húín. 18 Aur yih sári chízen Kḡhudá kí taraf se hain, jis ne Yisú Masíh ke sabab ham ko áp se miláyá, aur miláp kí ḡhidmat hamen dí ; 19 Yáne Kḡhudá ne Masíh men ho ke dunyá ko apne sáth yún milá liyá, ki us ne un kí taḡsíron ko un par hisáb na kiyá ; aur mel ká kalám hamen sompá. 20 Is liye ham Masíh ke badle elchí hain, goyá ki Kḡhudá hamáre wasíle minnat kartá ho : so ham Masíh ke badle iltimás karte hain, ki tum Kḡhudá se mel karo. 21 Kyúnki us ne us ko jo gunáh se wáqif na thá, hamáre badle gunáh ṭhahráyá táki ham us ke sabab iláhí rástbází ṭhahare.

## VI. BĀB.

1 Pas ham hamḡhidmat hoke tum se bhí minnat karte hain, ki Kḡhudá ká fazl qabúl karná tumháre liye befáida na ho. 2 Kyúnki wuh kahtá hai, ki Main ne qabúliyat ke waqt men terí suní, aur naját ke din terí madad kí : dekho ab qabúliyat ká waqt hai, dekho ab naját ká din hai. 3 Ham kisí ke ṭhokar kháne ke báis nahín hote, táki yih ḡhidmat bad nám na ho : 4 Par áp ko harek bát men Kḡhudá ke ḡhadím kí tarah záhir karte hain, barí bardásht se, musíbaton se, ihtiyájon se, tangíon se, 5 Márpít se, qaid se, hangámon se, maḡhton se, bedáríon se, fáqon se ; 6 Pákízagí se, ilm se, sabr se, mihrbání se, Pák-Rúh se, beríá mahabbat se, 7 Rástí kí bát se, Kḡhudá kí qudrat se, rástbází ke hathyáron se, jo dahine báen hain ; 8 Izzat aur beizzatí se, badnámí aur neknámí se : dagábáz kí mánind hain, par sach hain ; 9 Gam nám kí mánind hain, par mashhúr hain ; murde kí mánind hain, par dekho, ham jíte hain ; tambíh pánewálon kí mánind hain, par múe nahín ; 10 Gamgín kí mánind hain, par hamesha ḡhúsh hain ; kangál kí mánind hain, par bahuton ko daulatmand karte hain ; nádán kí mánind hain, par sab kuchh rakhte hain.

11 Ai Qorintío, hamáří zabán tumháří taraf khulí, hamará dil kusháda hai. 12 Tum hamáre sabab se tang nahín, par apnehí dilon se tang ho. 13 Main us ke badle men tum se yún kahtá hún, jaisá farzandon se, ki tum bhí kusháda dil raho.

14 Aur tum beímánon ke sáth ná láiq júe men mat jite jáo: ki rástí aur nárastí men kaun sájhá hai? aur roshní ko táríkí se kaun sá mel hai? 15 Aur Masíh ko Balíál ke sáth kaun sí muwáfaqat hai? Ímán-dár ká be ímán ke sáth kyá hissa hai? 16 Aur K̄hudá kí haikal ko buton se kaun sí munásibat hai? Tum to zinda K̄hudá kí haikal ho; chunánchi K̄hudá nē kahá hai, ki Main un men rahúngá, aur un men chalúngá; aur main un ká K̄hudá húngá, aur we mere log honge. 17 Is wáste K̄hudá wand yih kahtá hai, ki Tum un ke darmiyán se nikal áo, aur judá ho raho, aur ná pák ko mat chhúo, aur main tum ko qabúl karúngá. 18 Aur main tumhárá Báp húngá, aur tum mere beṭe, beṭián hooge; yih K̄hudá wand Qádar matlaq farmátá hai.

## VII. BAB.

1 Pas ai azízo, aise wáde páke ham áp ko har tarah kí jismání, aur rúhání nápákí se pák karke K̄hudá ke ḍar se pákízagí ko kámil karen. 2 Ham ko qabúl kar lo; ham ne kisí se be insáfí nahín kí, kisí ko k̄haráb nahín kiyá, kisí par kuchh ziyádatí nahín kí. 3 Main ilzám dene ke wáste yih nahín kahtá: kyúnki áge hí kah chuká hún, ki tum hamáre dilon men ho, hamen tumháre sáth jíne aur marnekí árzú hai. 4 Merí báten tumháří bábat bahut be dharak hain, mujhe burá faḡhar hai; main to tasallí se bhará húá hún, apní sab musíbat men k̄húshí ke máre ujjal chalá hún.

5 Jab ham Maqedoniá men áe, hamáre jism ko kuchh áram na thá, balki ham har tarah kí musíbat men giriftár rahte; báhar laráíán, bhítar dahshíten; 6 Lekin K̄hudá ne jo ájizon ko dilásá detá hai, Titus ke á pahunchne se hamen tasallí baḡhshí. 7 Aur na sirf usí ke á jáne se, balki us tasallí se bhí, jo us ne tumháre bích rah ke páí, ki us ne tumhárá shauq, tumhárá afsos, tumháří gairatmandí, jo merí bábat thí, hamáre áge bayán kí; yahán tak ki main niháyat k̄húsh húá. 8 Jo main ne us k̄hatt se tumhen gamgín kiyá, us se main nahín

pachhtátá, agarchi main pachhtátá thá : is liye kí dekhtá hún, ki jo gamgíní is khatt se húi, so thorí hí maddat tak thí. 9 Ab main khúsh húa hún, na is wáste ki tum gamgín húe, par is wáste ki tumháre gam ká anjám tauba húa : kyúnci tum KḤudá ke liye gamgín húe, táki ham se kisí bát men nuqsán na páo. 10 Kyúnci wuh gam jo KḤudá ke liye hai tauba paidá kartá hai, jis se naját hotí hai, aur us kuchh pachhtáná nahín hotá : par dunyá ká gam maut púrá kartá hai. 11 Dekho ki tumháre gam ne jo KḤudá ke liye thá, tum men kyá hí chálákí kiyá hai, uzr khwáhí kyá hai, khafagí kyá hai, dahshat kyá hai, shauk kyá hai, gairat kyá hai, badlá lená paidá kyá, tum ne áp ko har tarah sábit kiyá, ki is muqaddama men pák ho. 12 Garaz agarchi main ne tumhen likhá, par main ne na us ke liye jis ne andher kiyá, aur na us ke wáste jis par andher húa, balki is liye, ki hamárá fikr jo tumháre liye KḤudá ke huzúr hai, tum par záhir howe.

13 Isí liye ham ne tumhárá tasallí se tasallí páí : aur Titus kí khúsh se bahut ziyáda khúsh húe, ki us kí rúh tum sabhon ke sabab táza húi. 14 Aur agar main ne us ke sámhne tumhárá bábat kuchh faḡhar kiyá, to sharminda nahín ; par jaise sárá báten jo ham ne tum se kahín, sach sach hain, waisehí hamárá faḡhar jo Titus ke sámhne thá sach thahará. 15 Aur us kí dilí mahabbat tum parz iyáda tar hai, ki us ko tum sab kí farmánbardárá yád hai, ki tum ne darte aur thartharáte use qabúl kiyá. 16 Main khúsh hún, ki harek bát men tum se merí khátirjama hai.

### VIII. BAB.

1 Aur ai bháío, ham KḤudá ke us fazl ko, jo Maqedoniá kí majlison par kiyá gayá hai, tumhen jatáte hain. 2 Kí musíbat kí barí ázmá-ish men un kí khúshí kí ziyádatí, aur us kí niháyat garíbí ne un kí sakháwat kí daulat ko bahut barháyá. 3 Kyúnci main yih gawáhí detá hún, ki we maqdúr bhar, balki maqdúr se ziyáda áp se mustaid the ; 4 Aur barí minnat ke sáth ham se darḡhwást kí, ki ham muqaddason kí khidmat men yih sájhe ká inám pahuncháún. 5 Aur hamárá ummed hí ke muwáfíq nahín, balki apní tain pahile KḤudá-wand ko, aur phir KḤudá kí marzí se ham ko sompá. 6 Is wáste

ham ne Titus se yih darḳhwást kī, ki jaisá us ne shurú kiyá thá, waisáhí tumháre darmiyán bhí us inám ko púrá kare.

7 Aur jaise harek bát, yáne ímán, aur kalám, aur ilm, aur kámi, koshish, aur wuh mahabbat jo tumheṅ ham se hai, tum meṅ bahut hai, waisehí yih niamat bhí tumhen bahut ho. 8 Main kuchh hukú-1 mat kī ráh se nahín, balki auroṅ kī koshish ke sabab, aur tumhári mahabbat kī sachcháí ázmáne ke liye yih kahtá hún. 9 Kyúнки tum hamáre Ḳhudáwand Yisú Masíh kī fazl ko jánte ho, ki wuh daulatmand thá, aur tumháre wáste muflis húa, táki tum us kī muflisí se daulatmand ho jáo. 10 Aur main is bát meṅ saláh detá hún ; kyúнки yihí tumháre wáste munásib hai, ki tum ne na faqat yih kám karná shurú, balki ek baras áge se us ke karne ká iráda kiyá. 11 Pas ab tum use tamám bhí karo, táki jaise tum iráda karne par mustaid the, waisehí maqdúr ke muwáfiq us ke tamám karne par bhí ho. 12 Kyúнки agar pahile koí dil se mustaid ho, to muwáfiq us ke jo us pás hai, maqbúl hogá, na us ke muwáfiq, jo us pás nahín. 13 Garaz yih nahín, ki auroṅ ko árám, aur tumhen taklíf ho; 14 Balki barábarí ke taur par ho, táki is waqt tumhári ziyádatí un kī kamí ko púrá kare aur un kī ziyádatí tumhári kamí ko : táki barábarí ho jáwe. 15 Chunánchi likhá hai, ki Jis ne bahut jama kiyá, us ká kuchh barhá nahín ; aur jis ne thorá jama kiyá, us ká kuchh ghattá nahín.

16 Ab Ḳhudá ká shukr, jis ne tumháre liyé, is koshish ko Titus ke dil meṅ dálá. 17 Ki us ne wuh darḳhwást to qabúl kī; balki barí chálákí ke sáth apní ḳhúshí se tumháre pás nikal gayá. 18 Aur ham ne us ke sáth us bhái ko bhejá, jis kī táríf injíl meṅ sáre majlisíon ke darmiyán hai. 19 Aur sirf yihí nahín, balki wuh majlisíon ká chuná húa hai, ki hamárá hamsafar ho ke yih niamat sáth lejáe, jis ke ham ḳhádím haiṅ, tá ki Ḳhudáwand hí kī táríf kī jáe, aur tumhári himmat záhir howe : 20 Ham is se ḳhabardár rahte haiṅ, ki inám kī bahutáyat se jis ke ham ḳhádím haiṅ koí hamen badnám na kare : 21 Is liye jo báteṅ ki sirf Ḳhudáwand hí ke nahín, balki ádmíon ke bhí áge bhalí haiṅ, ham un ke liye dúrandesh karte haiṅ. 22 Aur ham ne un ke sáth apne us bhái ko bhejá, jise ham ne bahut sí bátoṅ meṅ bárhá ázmá kar chálák páyá ; par ab us bare bharose ke sabab se jo us ká tum par hai, ziyádatar chálák páyá. 23 Báqí

Titus jo hai wuh merá sharík, aur tumháre wáste merá ham k̄hidmat hai : aur hamáre bháí jo haiñ so we majlisíon ke rasúl, aur Masíh ke jalál haiñ. 24 Iswáste tum apní mahabbat aur hamáre us fak̄har ko, jo tumháre bábat hai, un par aur majlisíon ke sámhne sábit kare.

### IX. BAB.

1 Par us k̄hidmat kí bábat jo muqaddas logon ke wáste hai, merá likhná to tum ko ziyáda hai : 2 Kyúnki main tumhárá himmat ko jántá hún, usí sabab Maqedoníon ke áge tumhárí baráí kartá hún, ki Akháyá ká mulk par sál se dene par taiyár thá ; aur tumhárí sar garmí ne bahuton ko ubhárá. 3 Lekin main ne bháíon ko bhejá, ki hamáří wuh baráí jo is bát men tumhárí bábat thí beasal na thahare, táki, jaisá main ne káhá hai, tum taiyár ho raho. 4 Kahín aisá na howe ki agar Maqedoniá ke log mere sáth áwen, aur tumhen taiyár na páwen, to ham nahín kahte, ki tum, balki ham, is baráí par bharosá karne se sharminda hún. 5 Is wáste main bháíon se yih dar-khwást karná zarúr samjhá, ki we áge tumháre pás jáwen, aur tumháří us saqháwat ko jis ká peshtar zikr húa áge taiyár kar rakhen, táki wuh saqháwat kí tarah na kí injíl kí tarah maujúd rahe.

6 Par bát yih hai, ki jo thorá botá hai, thorá kátegá ; aur jo bahut botá hai, bahut kátegá. 7 Harek jis tarah apne dil men thahrátá hai, dewe ; na afsos se, na lácháří se : kyúnki K̄hudá usí ko jo k̄húsh se detá hai piyár kartá hai. 8 Aur K̄hudá tum par har tarah kí niamat barhá saktá hai, tá ki tum har bát men kamál be parwái hásil karke har tarah kí nekokáří men barhte jáo. 9 Chunánchi likhá hai, ki us ne bakhráyá hai ; us ne kangálon ko diyá hai ; us kí rástbází hamesha kí hai. 10 Ab jo bone ke liye bíj aur kháne ko roṭí baqhshátá hai, so tum ko bone ke liye bíj baqhse, aur ziyáda kare, aur tumháří rástbází ke phal ko barhá de. 11 Tá ki tum sab tarah se harek taur kí saqháwat ko daulatmand ho, ki yih hamáre wasíle se K̄hudá kí shukrguzáří ká báis hotí hai. 12 Kyúnki is nazar kí k̄hidmat na sirf muqaddason kí ihtiyájon ko dúr kartí, balki bahuton ke wasíle K̄hudá ke wáste shukrguzarían bhí barhátí haiñ. 13 Ki we us k̄hidmat kí sanad se is liye K̄hudá kí táríf karte haiñ, ki tum Masíh kí

injil ke tábí hone ká apne úpar iqrár karte ho, aur saḡháwat se un ke sharík ho ; 14 Aur we tumhári wáste duá mángte hain, aur Ḳhudá ke us kamál fazl ke liye jo tum par hai tumhen bahut cháhte hain. 15 Ḳhudá kí us baḡhshish par jo bayán se báhar hai shukr ho.

### X. BAB.

1 Main Paul jo tumháre rúbarú tum men haqír aur píṭh píchhe tum par diler hún, Masíh kí farotaní aur bardásht ká wásta deke tum se arz aur darḡhwást kartá hún : 2 Ki main házir hoke wuh dilerí na karún, jo un par jin ke nazdík hamári chál jismání hai kiyá cháhtá hún. 3 Kyúнки ham agarchi jism men chalte hain, par jism ke taur par nahín larṭe ; 4 Is liye kí hamári larái ke hatliyár jismání nahín, par Ḳhudá ke sabab qilon ke ḡháh dene par qudrat rakhte hain. 5 Ki ham mubáhashon aur harek bulandí ko jo Ḳhudá kí pahchán ke barḡhiláf áp ko ubhártí hai, girá dete hain, aur harek ḡhiyál ko qaid kar ke Masíh ká farmánbardár karte hain ; 6 Aur ham mustaid hain, kí jab tumhari farmánbardarí púrí ho, to ham har tarah kí ná farmánbardarí ká badlá lewen.

7 Kyá tum záhir par nazar karte ho? agar kisí ko us ká yaqín hai, kí wuh áp Masíh ká hai, to wuh yih bhí áp se gaur kare, kí jaisá wuh Masíh ká hai, waise ham bhí Masíh ke hain. 8 Ki agar main is iḡhtiyár par jo Ḳhudáwand ne banáne, na tumháre ḡháh dene ko hamen diyá hai, kuchh ziyáda faḡhar karún, to sharminda na hoúngá. 9 (Main yih kahtá hún) na howe kí main aisá záhir hoún, kí ḡhatton ko likh ke tumhen ḡarátá hún. 10 Kyúнки koí kahtá hai kí us ke ḡhatt, albatta bhári aur zoráwar hain, par wuh áp jism se kamzor, aur kalám se ná chíz hai. 11 So kahne wálá samajh rakhe, kí jaise píṭh píchhe ḡhatton men hamará kalám hai, waisehí jab ham házir honge, hamará kám bhí hogá. 12 Kyúнки hamári yih jurát nahín, kí ham apne tain un men shumár karen, yá un se muqábala karen, jo kí apní táríf karte hain: lekin we áp se apní paimáish kar ke, aur áp se apná muqábala kar ke nádán ṭhabarte hain. 13 Par ham paimána se báhar jáke faḡhar na karenge, balki jis qánon kí paimáish Ḳhudá ne hamen bánt dí, jo tum tak pahunchí hai, ham usí ke muwáfiq faḡhar karenge.

14 Kyunki ham hadd se báhar ap ko nahin barhate, goya tum tak na pahunche, is liye ki ham ne Masih ki injil tum tak bhi pahunchai hai. 15 Aur ham paimane ke bahar jakar dusron ki mihnaton par fakhar nahin karte : lekin ummedwar hain, ki tum apne iman mein tarqi karke ham ko hamare qanon ke muwafiq bahut ziyada barha do. 16 Ki ham tumhari sarhadd ke us par jake injil pahunchawen, aur dusre ke qanon par jahan sab taiyar hain fakhar na karen. 17 Par jo fakhar kartai hai, so KHUDAWAND par fakhar kare. 18 Kyunki jo apni tarifi kartai hai, wuh nahin, balki jis ki tarif KHUDAWAND kartai hai, wuh maqbul hai.

### XI. BAB.

1 KASH ke tum zarra meri bewaqufi ki bardasht karó : aur tum to meri bardasht karte ho. 2 Mujhe tumhari babat KHUDA ki si gairat ati hai, kyunki main ne tumhen sanwar ata, ki main tum ko pak daman kunwari ki manind ekhi mard yane Masih ke pas hazir karun. 3 Par main dartai hun, kahin aisai na howe ki jaise samp ne apni dagabazi se Hawa ko thaga, waisehi tumhari samajh bhi us safai se jo Masih mein hai phir ke kharab ho jawe. 4 Ki agar koi a kar dusre Yisu ki manadi kartai, jis ki ham ne manadi nahin ki, ya agar koi aur Ruh jise tum ne na paya patai, ya dusri injil milti, jo tumhen na mili thi, to tumhara bardasht karna khub tha.

5 Main apne tain bahut buzurg rasulon se kuchh kam nahin samajhtai hun. 6 Aur agar kalam mein ammii hun, par ilm mein nahin ; lekin ham to sab baton mein har tarah se tum par zahir hue hain. 7 Main ne jo apni tain farotan kiyai, tai ki tum buland ho gayai, main ne gunah kiyai, kyunki main ne tumhen KHUDA ki injil ki khushkhabari muft sunai? 8 Main ne to dusre majlison ko lutai, ki tumhari khidmat ke liye un se darmaha liyai. 9 Aur main tumhare pas hazir rah kar jad muhtaj hui, tadbhi kisi par bojh na diyai : kyunki meri ihtiyaj ko un bhaiyon ne jo Maqedonia se ate the dur kiyai : aur harek babat mein main ne tum par bojh dene se baz rahai, aur baz rahunga. 10 Masih ki is sachchai se jo mujh mein hai, main kahtai hun, ki yih fakhar Akhaya ki sarhaddon mein mujh se na janega. 11 Kis waste?

kyá is wáste kī main̄ tum se mahabbat nahīn rakhtá? K̄hudá jāntá hai. 12 Par main̄ jo kartá hūn, sohí kartá rahúngá, kī main̄ unko jo qábú dhūndhte hain̄ qábú páne na dúngá, tá kī jis bát men̄ we faḵhar karte hain̄, aise jaise ham hain̄ páe jáwe. 13 Kyúnki aise log jhúṭhe rasúl dagábáz ká randa hain̄, jo apní súraton̄ ko Masíh ke rasúlon̄ se badal dálte hain̄. 14 Aur yih tájjub nahīn, kyúnki Shaitán bhí apní súrāt ko nūrī firishte se badal dáltá hain̄. 15 Is wáste agar us ke ḵhádīm bhí apní súraton̄ ko rástbází ke ḵhádīmōn̄ se badal dālīn̄, to kuchh yih baṛí bát nahīn, par unká injám un ke kámon̄ ke muwáfiq hogá.

16 Phir main̄ kahtá hūn, kī koí mujhe bewaqúf na samjhe; aur nahīn to bewaqúf bhí samajh ke mujhe qabúl kare, kī main̄ bhí thorá faḵhar karūn. 17 Jo kuchh kī main̄ faḵhar kartá hūn, so K̄hudá-wand kī ráh se nahīn, balki bewaqúfí kī ráh se kahtá hūn. 18 Jab kī bahut se jismání hál par faḵhar karte hain̄, to main̄ bhí faḵhar karúngá. 19 Kyúnki tum áp aqlmand ho kar bewaqúfon̄ kī bardásht ḵhúshí se karte ho. 20 Kī jab koí tumhen̄ gulám banátá hai, yá jab koí tumhen̄ nigaltá hai, yá jab koí tum se kuchh letá hai, yá jab koí áp ko buland kartá hai, yá jab koí tumháre munh par tamáncha mártá hai; tab tum jo bardásht karte ho, 21 Main̄ behurmatí kī bábat boltá hūn, kī goyá ham kamzor hote; par jis bát men̄ koí diler hai, to main̄ bewaqúfí se yih kahtá hūn, kī main̄ bhí diler hūn. 22 Kyá we I'brání hain̄? main̄ bhí hūn. Kyá we I'sráelí hain̄? main̄ bhí. Kyá Abirahám kī nasl se hain̄? main̄ bhí hūn. 23 Kyá Masíh ke ḵhádīm hain̄? main̄ nádání se kahtá hūn, kī main̄ ziyádatar hūn; yáne mihnaton̄ men̄ ziyáda, koṛe kháne men̄ hadd se ziyáda, qaidon̄ men̄ beshtar, mauton̄ men̄ aksar. 24 Main̄ ne Yihúdíon̄ se pánch bár ek kam chálís koṛe kháe. 25 Tīn bár chhaṛíon̄ se máre, ek dafá pathron̄ kī már khái, tīn martaba jaház ṭuṭ jāne kī balá men̄ pará, ek rátdīn samundar men̄ kátá. 26 Main̄ safaron̄ men̄ bahut daryáon̄ ke ḵhaṭron̄ men̄, choron̄ ke ḵhaṭron̄ men̄, apní qaum se ḵhaṭron̄ men̄, gair qaumon̄ se ḵhaṭron̄ men̄, shahr ke bích ḵhaṭron̄ men̄, jangal ke bích ḵhaṭron̄ men̄, samundar ke bích ḵhaṭron̄ men̄, jhúṭhe bháíon̄ ke bích ḵhaṭron̄ men̄ rahá hūn. 27 Mihnat aur mashaqqat men̄, bedáríon̄ men̄, bárhá bhúkh aur pyás fáqon̄ men̄, aksar sardí aur nange rahne kī hálāt men̄ bhí rabá



hún. 28 In báharwálí chízon ke siwá, sáří majlisŏn kí fikr mujh ko har rozá dabátí hai. 29 Kaun kamzor hai, ki main kam zor nahín hún? thokar khátá ki main nahín jaltá? 30 Agar faḡhar kyá cháhe, to main apní kam zorŏn par faḡhar karúngá. 31 Hamáre Ḳhudá-wand Yisú Masíh ká Ḳhudá aur Báp jo hamesha mubáarak hai, jántá hai, ki main jhúṡh nahín kahtá. 32 Dimashq meṡ us hákim ne, jo bádsháh Aretas kí taraf se thá, is iráde se ki mujhe pakarle, Dama-shqíon ke shahr par chaukí biṡhláí. 33 Tab main khirkí kí ráh se tokrí meṡ diwár par se laṡká diyá gayá, aur uske háthon se nikal áyá.

## XII. B.AB.

1 Faḡhar karná mujhe to fáida nahín, par main Ḳhudáwand ke musháhadát aur mukáshafát ke bayán par átá hún. 2 Masíh ke ek shaḡhs ko main jántá hún, ki chaudah baras guzre honge, ki wuh yá tú badan ke sáth ki yih mujhe málúm nahín, yá bagair badan ke ki yih bhí mujhe málúm nahín, Ḳhudá ko málum hai, tísre ásmán tak ekáek pahuncháya gayá. 3 Aur main aise shaḡhs ko jántá hún, ki wuhí yá badan ke sáth, yá badan ke bagair, ki mujhe málúm nahín: par Ḳhudá ko málúm hai. 4 Firdaus tak ekáek pahuncháyá gayá, aur us ne wuh báten suní, jo kahne kí nahín, aur jinká kahná bashar ká maqdúr nahín. 5 Aisehí ádmí par main faḡhar karúngá, par main ap par siwá apní kamzoríon ke faḡhar na karúngá. 6 Ki agar main faḡhar kiyá cháhún, to main bewaqúf na banún, kyúunki sach bolúngá; par main ap ko báz rakhtá hún, tá na howe, ki koí mujhe us se, jaisá mujhe dekhtá hai, yá jaisá mere haqq meṡ suntá hai, ziyáda jáne. 7 Aur tá ki main masháhadát kí ziyádatí se phal na jáún, mere jism meṡ kántá, jo Shaitán ká paik hai, ki mujhe ghúse márne ko rakhá gayá, tá ki main phúl na jáún. 8 Us ke liye main ne Ḳhudáwand se tín bár iltimás kiyá, ki yih mujh meṡ se dúr ho jáwe. 9 Par us ne yih mujh se kahá, ki Merá fazl tujhe kifáyat hai: kyúunki merá zor kam-zorí meṡ púrá hotá hai; pas main apní kamzoríon par bahut hí ḡhúshí se faḡhar karúngá, tá ki Masíh ká zor mujh par sáyaḡále. 10 So main Masíh ke wáste kamzoríon meṡ, malámaton meṡ, ihtiyájon meṡ, satáe jáne meṡ, tangíon meṡ ḡhúsh hún, ki jab main kamzor hún, tabhí zoráwar hún.

11 Main fakhar karne se bewaquf banā ; par tum ne mujhe náchār kiyā : kyūn ki cháhtā thā, ki tum merī táríf karte : is liye ki main bahut bare rasūlon se kuchh kamtar nahīn, agarchi main kuchh nahīn hūn. 12 Rasūl hone ke nishān, kamāl sabr, aur karámáton aur achambhe kí báton, aur muajizon se albatta tumháre bích zāhir hūe, 13 Tum kaun sí bát men dúsrí majlisíon se kam the, siwá us ke ki main ne tum par bojh na diyā ? merí beinsáfi muáf kíjiye. 14 Dekho, main phir tísrí bár tumháre pás áne par taiyár hūn ; lekin phir bhí tum par bojh na dúngá ; kyūnki main na tumhárá kuchh, balki tumhen ko dhúndhtá hūn, ki laṅkon ko má báp ke liye nahīn, balki má báp ko laṅkon ke liye jama karná cháhiye. 15 Aur main tumhári jánon ke wáste bahut kḥúshí se kḥarach karúngá, aur kḥarach ho jáúngá, agarchi main jitná tumhen ziyáda piyár kartá hūn, itnáhí kamtar piyárá hūn. 16 Par main ne mán liyá, ki tum par bojh na hūá : lekin sháyad main ne hoshyári se tumhen fareb kar ke phansáyá. 17 Kḥair jinhen main ne tumháre pás bhejá, un men se kyá kisi ke wasíle kuchh tum se nafá páyá ? 18 Main ne Titus se iltimás kiyá, aur us ke sáth ek bhái ko bhejá. To kyá Titus ne tum se kuchh nafá páyá ? kyá ham ek hí rúh se ekhí naqash qadam par na chalte the ? 19 Phir tum gumán karte ho, ki ham tum se uzr karte hain, so nahīn hai, piyáro ; ham Kḥudá ke áge Masíh men ho ke yih sári báten tumhári tarqí ke liye kahte hain. 20 Main darta hūn, kahīn aisá na ho, ki main ákar jaisá tumhen cháhtá hūn waisá na páún, aur mujhe bhí jaisá tum nahīn cháhtí ho, waisá páo, na ho ki qaziye, aur dáh, aur gazab, aur jhagre, aur gaibaten, aur káná phosían, aur shekḥián, aur hangáme howen. 21 Aur na ho ki jab áún, tab merá Kḥudá mujhe tumháre sabab se halká kare, ki main un men se aksaron ke wáste jinhon ne áge gunáh kiyá, aur apní ná pákí, aur harám kári, aur shahwat se tauba na kiyá, afsos karú.

---

### XIII. BĀB.

1 Yih tísrá martaba hai, ki main tumháre pás átá hūn. Do yá tīn báten gawáhon ke munh se harek bát sábit ho jáegí. 2 Main ne

áge yih kahá hai, aur main ap ko dúsrí bár házir ján ke áge se kah detá hún; aur ab píth píchhé unko jinhon ne áge gunáh kie, aur báqí sabhon ko bhí yih kahtá hún, ki agar main phir áún, tona chhorúngá. 3 Kyúнки tum is bát kí dalil cháhte ho, ki Masíh mujh men boltá hai, wuh tumhári sabab kam zor nahín, balki tum men zoráwar hai. 4 Agarchi wuh kamzori se salíb par mará gayá, lekin Kḥudá kí qudrat se wuh jítá hai, aur ham bhí us men kamzor hain' par us ke sáth Kḥudá kí qudrat se jo tumháre haqq men hai jíenge. 5 Tum ap ko jáncho, ki tum ímán ke sáth ho, ki nahín; apne taín parakho; kyá tum ap ko nahín jánte, ki Yisú Masíh tum men hai, nahín to tum ná muqabúl ho. 6 Par main ummed rakhtá hún, ki tum málúm karoge, ki ham ná muqabúl nahín. 7 Aur main Kḥudá se yih duá mángtá hún, ki tum kuchh bhí badí na karo; so na is wáste, ki ham muqabúl záhir howen, par is wáste ki tum bhalá karo, agarchi ham ná muqabúlon kí gintí men howen. 8 Kyúнки ham sachcháí ke barḥhiláf kuchh nahín, par sachcháí ke wáste sab kuchh kar sakte hain. 9 Kyúнки jab ham kam zor, aur tum zoráwar ho, to ham ḥhush hain, aur yih bhí cháhte, ki tum kámil ho. 10 Is liye main tumháre píth píchhe ye báten likhtá hún, táki main házir hoke us iḥhtiyár ke muwáfiq, jo Kḥudáwand ne mujhe banáne ke wáste, na dhá dene ke wáste diyá hai, tum par saḥtí na karún.

11 Garaz aí bháío, ḥhush raho, kámil ho, ḥhátir jama rakho, ek dil ho, mile raho, ki Kḥudá jo mahabbat aur salámatí ká bání hai, tumháre sáth hogá. 12 Tum ápas men pák bús leke salám karo. 13 Sáre muqaddas log tumhen salám kahte hain. 14 Ab Kḥudáwand Yisú Masíh ká fazl, aur Kḥudá kí mahabbat, aur Rúh i Quds kí suhbat tum sabhon ke sáth howe. *Amín.*

---

## PAUL KA ḤHATT GALATI'ON KO.

---

### I. BAB.

1 Paul, jo na ádmíon se, na ádmí ke wasíle se, balki Yisú Masíh, aur Kḥudá Báp se, jis ne usko murdon men se jiláyá, Rasúl húa;

2 Aur sáre bháíon se jo mere sáth haiñ, Galatia kí majlisíon ko :  
 3 Fazal aur salámatí K̄hudá Báp aur hamáre K̄hudáwand Yisú Masíh kí taraf se tumháre liye howe, 4 Jis ne tumháre gunáhou ke badle men apne tain diyá, táki wuh ham ko hamáre Báp K̄hudá kí marzí ke mutábiq is k̄haráb dunyá se k̄halásí baḡhshe : 5 Jalál abadí uská hai. Amín.

6 Main tájjub kartá hún, ki tum itná jaldí use, jis ne tumhen Masíh ke fazl men buláyá, phir ke dúsri injíl ke ho gae : 7 So wuh dúsri to nahín ; magar báze haiñ jo tum ko ghabráte aur Masíh kí Injíl ult dene cháhte. 8 Lekin agar ham yá ásmán se koí firishta, siwá us injíl ke jo ham ne tumhen sunáí, dúsri injíl tumhen sunáwe, maláún howe. 9 Jaisá ham ne áge kahá, waisá hí ab main phir kahtá hún, ki agar koí tumhen kisí dúsri injíl ko, siwá uske jise tum ne páyá, sunáwe, wuh maláún howe. 10 Kyá ab main ádmíon ko mántá hún, yá K̄hudá ko? kyá main ádmíon ko k̄húsh kiyá cháhtá hún? agar main ab tak ádmíon ko k̄húsh kartá, to Masíh ká banda na hotá.

11 Par ai bháío, main tumhen jatátá hún, ki wuh injíl jis kí main ne k̄habar dí, ádmí kí taraf se nahín hai. 12 Is liye ki main ne us ko na ádmí se páyá, na síkhá, par Yisú Masíh ke ilhám se. 13 Tum ne merí chál jab main Yihúdí mazhab thá suní hai, ki main K̄hudá kí majlis ko niháyat satátá, aur use wairán kartá thá : 14 Aur main dín Yihúdí men apne qaum ke ham umron se baḡh kar thá, ki apne báp dádon kí sunnaton par ziyáda sargarm thá. 15 Lekin jab K̄hudá kí marzí húi, jis ne mujhe merí má kí peḡ hí men se alag kiyá, aur apne fazl se buláyá; 16 Ki apne Beḡe ko mujh par záhir kare, táki main uskí injíl gair qaumon ke bích sunáún, tab faurán main ne gosht aur lahú se saláh na lí; 17 Na Yirúshálam ko un pás jo mujh se pahile rasúl the gayá; main Arab ko gayá, phir wahán se Dimashq ko phirá. 18 Tab uske tén baras bád Pathar se muláqát karne ko Yirúshálam men gayá, aur us ke sáth pandrah din rahá. 19 Rasúlon men se dúsre kisí ko na dekhá, magar K̄hudáwand ke bhái Yaqúb ko. 20 Jo kuchh main tum ko likhtá hún, K̄hudá ke áge kahtá hún, ki jhúthí nahín. 21 Bád us ke main Suriyá men aur Kílikíá ke mulkon men gayá; 22 Aur Yihúdiya kí Masíhí majlis

merí súrāt se wáqif na thí. 23 Unhon ne sirf suná thá, ki jo ham ko pahile satátá thá, sohí us ímán kí, jise wuh áge miṭátá thá, ab manádí kartá hai. 24 Aur we merí bábat Kḥudá kí táríf karte the.

## II. BÆB.

1 Phir chaudah baras bád main Barnabá ke sáth Titus ko bhí liye Yirúshálam ko phir gayá. 2 Aur merá jáná ilhám se húá, auwuh injíl jis kí manádí main gair qaumon men kartá hún, un se bar yán kí, magar buzurgon se alag, tá na ho ki merí aglí aur hál kí daur ḍhúp befáida howe. 3 Par Titus ko, jo mere sáth thá, aur Yúnání hai, kḥatna karwáná zarúr na húá. 4 Aur yih jhúṭhe bháíon ke sabab se jo chhip ke ghus áe, táki us ázádagí ko jo hamen Yisú Masíh men milí hai jásúsí karke daryáft karen, ki we hamen gulámí men láwen: 5 Jin ke ham dabel na húe ki gharí bhar bhí un ke tábí rahte; táki injíl kí sachcháí tumháre darmiyán qáim rahe. 6 Par we jo záhir men buzurg the, so jaise the, waise the, mujhe kuchh kám nahín, Kḥudá kisí ká tarafdár nahín: kḥair unhon ne, jo buzurg the, mujhe kuchh na sikháyá: 7 Lekin barkḥiláf us ke jab unhon ne dekhá ki námaḥtúnon men injíl ká imánatdár húá, jaisá maḥtúnon ke liye Pathar thá; 8 Kyúнки jis ne maḥtúnon kí rasálat ke liye Pathar men asharr kiyá, usne gair qaumon ke liye mujh men bhí asharr kiyá. 9 Aur jab Yaqúb aur Keáf aur Yohan ne, ki goyá majlis ke sutún the, is fazl ko jo mujh par húá thá daryáft kiyá, to mujh aur Barnabá ko miláp ká dahiná háth diyá, ham gair qaumon ke, aur we maḥtúnon ke pás jáwen. 10 Magar itná kahá, ki garíbon ko yád rakho; so main bhí us kám men chálák thá.

11 Par jab Pathar Antiokh men áyá, to main ne rúbarú us se muqábala kiyá; is liye ki wuh mulámat ke láiq thá. 12 Kyúнки wuh peshtar use, ki kisí shaḥs Yaqúb ke yahán se áe, gairqaumon ke sáth kháyá kartá thá; par jab we áe, to maḥtúnon se ḍar ke píchhe haṭá, 13 Aur alag húá, aur báqí Yihúdíon ne bhí usí kí tarah makar kiyá, yahán tak ki Barnabá bhí dab kar un ke makar men sharík húá. 14 Jab main ne dekhá, ki we injíl kí sachcháí par sídhí chál nahín chalte, main ne sabhon ke sámhne Pathar ko kahá, ki Jab tú Yihúdí

ho kar gair qaumon kī tarah, na ki Yihūdion kī tarah zindagī guzratā hai, pas tú kis wāste gair qaumon par yih jabar kartā hai, ki Yihūdion ke taur par chalen?

15 Ham jo qaum ke Yihūdī hain, aur gair qaumon men se gunahgār nahīn. 16 Yih jān kar ki ādmī na shariyat ke kām se, balki Yisú Masih par imān lāne se rāstbāz ginā jātā hai, ham bhī Masih Yisú par imān lāe, tā ki ham Masih par imān lāne se, na ki shariyat ke kām se rāstbāz gine jāwe; kyūnki koī ādmī shariyat ke kām se rāstbāz ginā na jāegā. 17 Par ham jo Masih ke sabab se rāstbāz gine jāengī talāsh men hain, agar gunahgār ṭhahren, to kyā Masih gunāh ka bāis hai? hargiz nahīn. 18 Kyūnki jin chizon ko main ne dhā diyā, agar unhe phir ke banāūn, to main apne tain khatākār ṭhahrātā hūn. 19 Is wāste ki main shariyat hī ke bāis shariyat kī nisbat mūā, tāki main Kḥudā kī nisbat zinda ho jāūn. 20 Main Masih ke sāth salīb par khenchā gayā: lekin zinda hūn; par to bhī main nahīn, balki Masih mujh men zinda hai: aur main jo ab jism men zinda hūn, so Kḥudā ke Beṭe par imān se zinda hūn, jis ne mujh se mahabbat kī, aur ap ko mere badle diyā. 21 Main Kḥudā ke fazl ko bejā nahīn ṭhahrātā, kyūnki rāstbāzī agar shariyat se miltī hai, to Masih befāida mūā.

### III. BAB.

1 Ai bāwe Galatio, kis kī jādūbharī ānkhoṅ ne tum ko mārā, ki tum sachchāī ke farmānbardār na hūe, bāujūdika Yisú Masih tumhārī ānkhoṅ ke sāmne yūn zāhir kiyā gayā, ki goyā tumhare darmiyān salīb par khenchā gayā? 2 Main yih sirf tum se daryāft kiyā chāhtā hūn, ki tum ne shariyat par amal karne se, yā imān ke sabab se Rūh pāī? 3 Kyā tum aise bāwe ho? kyā rūh se shurū kar ke ab jism se kāmīl hūā chāhte ho? 4 Kyā tum ne itnī chizon kī befāida bardāshht kī, par shāyad befāida nahīn? 5 Pas wuh jo tumhen Rūh baḥshatā hai, aur tum men muajiza zāhir kartā hai, so shariyat par amal karne se, yā ki imān ke sunne se aisā kartā hai. 6 Chunānchi Abirahām Kḥudā par imān lāyā, aur yih us ke liye rāstbāzī ginī gāī? 7 Pas jāno ki jo imān wāle hain, wahī Abirahām ke farzand hain.

8 Aur kitāb ne yih peshbīnī karke, ki K̄hudā gair qaumon ko imān kī rāh se rāstbāz ṭaharāwegā, Abirahām ko āge hī yih k̄hush k̄habar dī, ki sāre gair qaum tere bāis barakat pāwenge. 9 Pas jo imān wāle haiṅ, so imān wāle Abirahām ke sāth barakat pāte haiṅ. 10 Kyūnkar we sab jo shariyat ke amal par bharosā rakhte haiṅ, lānatī haiṅ; ki likhā hai, Jo koī un sab bāton ke karne par ki shariyat kī kitāb meṅ likhī haiṅ qāim nahīṅ rahtā, lānatī hai. 11 Par yih bāt ki koī K̄hudā ke nazdīk shariyat se rāstbāz nahīṅ ṭahartā, so zāhir hai, kyūnki jo imān se rāstbāz hūā, so hī jīegā. 12 Par shariyat ko imān se kuchh nisbat nahīṅ, balki wuh ādmī jis ne us ke hukmon par amal kiyā, so unheṅ se jīegā. 13 Masīh ne hamen mol lekar shariyat kī lānat se chhurāyā, ki wuh hamāre badle meṅ lānatī hūā; kyūnki likhā hai, Jo koī lakṛī par laṭkāyā gayā, so lānatī hai: 14 Tāki Abirahām kī barakat gair qaumon tak Yisū Masīh se pahunche; ki ham imān se us Rūh ko, jis kā wāda hai, pāweṅ.

15 Ai bhāio, main insān kī tarah boltā hūṅ, ki Ahd ko, agarchi ādmī kā howe, jab muqarrar ho gayā, to koī bātil nahīṅ kartā, aur na us par kuchh barhātā hai. 16 Abirahām aur us kī nasl se wāde kie gae, so wuh use nahīṅ kahtā, ki Terī naslon ko, jaisā bahuton ke wāste, balki jaisā ek ke wāste kahtā hai, ki Terī nasl ko, so wuh Masīh hai. 17 Aur main yih kahtā hūṅ, ki is ahd ko, jo Masīh ke haqq meṅ K̄hudā ne āge muqarrar kiyā, shariyat jo chār sau tīs baras ke bād āī, rad nahīṅ kar saktī, ki wuh wāda befāida ho jāwe. 18 Kyūnki agar mīrās shariyat ke wasīle se hai, to phir wāda se nahīṅ, par K̄hudā ne use Abirahām ko wāda hī se baḥshā.

19 Pas shariyat kis wāste hai? wuh gunāhon ke liye izdiyād hūī hai, jab tak ki wuh nasl jis ke liye wāda kiyā gayā, na āwe; aur wuh firishton ke wasīle se ek darmiyānī ke hāth meṅ supurd hūī. 20 Ab darmiyānī ek kā nahīṅ hotā, par K̄hudā ek hī hai. 21 Pas shariyat kyā K̄hudā ke wādon se barḥilāf hai? hargiz nahīṅ, kyūnki agar koī aisī shariyat dī gai hotī, jo zindagī baḥsh saktī, to albatta rāstbāzī shariyat se hotī. 22 Par kitāb ne sab ko gunāh ke taht meṅ shumār kiyā, tāki wuh wāda jo Yisū Masīh par imān lāne ke wasīle se hai, imān dāron ko diyā jāwe. 23 Lekin imān ke āne se peshtar ham shariyat kī band meṅ qaid the, aur is imān tak jo zāhir hone wālā thā

ghere men rahe. 24 Pas shariyat Masih tak pahunchane ko hamari ustad thahri, taki ham iman se rastbaz gine jawen. 25 Par jab iman a chuka, to ham phir ustad ki band men nahin hain. 26 Kyunki tum sab ke sab us iman ke sabab jo Masih Yisú par hai, KHUDA ke farzand ho. 27 Ki tum sab ne jo baptismá Masih men paya, Masih ko pahin liya. 28 Na Yihudi na Yunani hai, na banda na azad, na mard na aurat : kyunki tum sab Masih Yisú men ek ho. 29 Aur agar tum Masih ke ho, to Abiraham ki nasl, aur wade ke mutabiq ho.

#### IV. BAB.

1 Aur main kahta hun, ki waris jab tak laraka hai, us men aur gulam men faraq nahin, agarchi wuh sab ka malik hai; 2 Lekin us waqt tak jo Bap ne muqarrar kiya, murabbi aur mukhtaron ke ikhtiyar men hai. 3 So ham bhi jab larke the, tab tak duniya ki tarbiyat ki pahili baton men gulam ban rahe the. 4 Par jab waqt pura hua, tab KHUDA ne apne Bete ko bheja, wuh aurat se paida hoke shariat ke tabi hua. 5 Taki wuh un ko jo shariat ke tabi hain mol le, aur ham lepalak hone ka darja pawen. 6 Aur is liye ki tum bete ho, KHUDA ne apne Bete ka Ruh tumhare dilon men bheja, jo Aba yane Bap pukarta hai. 7 Pas ab tu gulam nahin, balki beta hai; aur jab ki beta hai, to Masih ke sabab KHUDA ka waris hai.

8 Lekin tum age jab KHUDA ko nahin pahchante the, un ki jo haqiqat men KHUDA nahin bandagi karte the. 9 Par ab jo tum ne KHUDA ko pahchana, balki KHUDA ne tum ko pahchana, to tum kyun do barha un zaif aur nakari pahili baton ki taraf phirte ho, jin ki gulami tum phir kiya chahate ho? 10 Tum dinon, aur mahinon, aur faslon, aur barason ko mante ho. 11 Main tumhare haqq men darta hun, ta na ho ki jo mahabbat main ne tum par ki hai, befaida howe.

12 Ai bhao, main tumhari minnat karti hun, ki tum meri manind ho jao; kyunki main bhi tumhari manind hun: tum ne mera kuchh dhala bigara nahin. 13 Tum jante ho, ki main ne pahile tum ko jism ki kamzori men khush khabari di. 14 Aur tum ne mere us imtihan ko jo mere jism men tha haqir najana, aur na rad kiya, par



mujhe K̄hudá ke firishte kí mánind, balki Masíh Yisú kí mánind qabúl kiyá. 15 Tab tumhen kyá hí k̄húshí thí? main to tumhárá gawáh hún, ki agar ho saktá, to tum apní ánkhoñ tak nikál ke mujhe dete. 16 Pas kyá is sabab se ki main tum se sach boltá hún, tumhárá dushman hog ayá? 17 We tumháre dil soz hain, par bhalái ke liye nahín; balki we tumhen alag kiyá cháhte hain, táki tum un ke dil soz bane raho: Bhalái ke liye hamesha dilsoz rahná achchhá hai; 18 Aur na faqat jab main tumháre pás hácir hún. 19 Ai mere bachcho, jab tak Masíh tum men súrath na pakre, mujhe tumháre sabab phir janne ká dard hai. 20 Main cháhtá hún, ki ab tum pás áúñ, aur apní áwáz badlún, kyúñki mujhe tumháre haqq men shubha hai.

21 Mujh se kaho, to tum jo shari'at ke tábí húa cháhte ho, kyá tum nahín sunte, ki shari'at kyá kahtí hai? 22 Ki yih likhá hai, Abi-rahám ke do beṭe the, ek laundí se, dúsrí ázád se. 23 Par wuh jo laundí thá, jism kí taur par paidá húa; aur jo ázád se thá, so wáda ke taur par. 24 Yih báten tamsilen hai: is liye ki yih auraten do ahd hain; ek to Síná pahár kí, jo nire gulám jantí hai, yih Hágár hai. 25 Kyúñki Hágár Arab ká koh Síná, aur yahán kí Yirúshálam ká jawáb hai, jo apne larkeñ ke sáth gulámí men hai. 26 Par úpar kí Yirúshálam ázád hai, so hí ham sab kí má hai. 27 Kyúñki likhá hai, ki Ai bánjhe jo jannewáli nahín, jí ján se k̄húsh ho; aur tú jo dard janne ká nahín jántí, ab phúl aur qahqae már, kyúñki bekas aurat ke larke k̄hasamwáli ke larkeñ se ziyáda hain. 28 Pas ai bháío, ham Isháq kí tarah wáda ke farzand hain. 29 Par jaisá us waqt wuh jis kí paidáish jismání thí, use jis kí paidáish rúhání thí, satátá thá, waisá ab bhí hotá hai. 30 Par kitáb kyá kahtá hai? ki laundí aur us ke beṭe ko nikál, kyúñki laundí ká betá ázád ke beṭe ke sáth hargiz wáris na hogá. 31 Garaz ai bháío, ham laundí ke beṭe nahín, balki ázád ke hain.

---

#### V. BAB.

1 Pas us ázádagí par, jis se Masíh ne hain, ázád kiyá qáim raho, aur gulámí ke júe tale do bárha na jito. 2 Dekho, main Paul tum

se kahtá hún, agar tum khatna karwáo, to Masíh se tumhen kuchh fáida na hogá. 3 Main harek ádmí par jis ká khatna húá hai phir gawáhí detá hún, ki use tamám shariát par amal karná wájib húá. 4 Tum agar shariát kí rú se rástbáz baná cháhte ho, to Masíh se judá hñe, aur tum fazl se gire. 5 Ki ham to Rúh ke sabab ímán kí ráh se rástbází kí ummed hásil hone ke muntazar hain. 6 Is liye ki Masíh Yisú men maḡhtúní aur námaḡhtúní se kuchh garaz nahín; magar ímán se jo mahabbat kí ráh se asharr kartá hai. 7 Tum to achchhí tarah daurte the, kis ne tumhen roká, ki tum sachcháí ke farmánbardár na ho? 8 Yih iatiqád tumháre bulánewále se nahín hai. 9 Thorá sá khamír sárí lúí ko khamír baná detá hai. 10 Tum-hárái bábat Kḡhudáwand se mujhe yaqín hai, ki tum aur tarah ke kḡhiyál nakaroge : lekin wuh jo tumhen ghabrátá hai, koí kyún na ho, sazá utháwegá. 11 Aur main, ai bháío, agar ab khatna kí manáadí kartá, to káheko abtak satáyá játá? ki salíb kí tḡhokar játí rahí. 12 Kásh ki jo tum ko ghabrátí hain, we kaḡ bhí jáen.

13 Ai bháío, tum to ázádagí ke liye buláe gae ho, magar us ázádagí ko jism ke liye fursat na samjho, balki mahabbat se ek dúsre kí kḡhidmat karo. 14 Is liye ki sárí shariát usí ek bát men kḡhatm hai, ki Tú apne parosí ko aisá piyár kar, jaisá ap ko. 15 Par agar tum ek dúsre ko phár kháo, to kḡhabardar, na howe, ki ek dúsre ko nigal jáo.

16 Par main kahtá hún, ki tum rúhí chalan chalo, to tum jism kí kḡhwáhish ko púra na karoge. 17 Kyúnki jism kí kḡhwáhish Rúh kí muḡhálif hai, aur Rúh kí kḡhwáhish jism kí muḡhálif: aur ye ápas men barḡhiláf hain, yahán tak ki jo kuchh tum cháhte, so nahín kar sakte ho. 18 Par agar tum Rúh kí hadáyat se chalte ho, to shariát kí band men nahín. 19 Aur jism kí kám to záhir hain, yihí ziná, harámkárí, nápákí, shahwat, 20 Butparastí, jádúgarí, dushmanían, qaziye, hiská gazab, jhagḡe, judáían, bidaten, 21 Dáh, qatl, mastíán, aish, o ishrat, aur jo kám ki un kí mánind hain, aur un kí bábat men tumhen áge hí kahtá hún, jaisá main áge kah chuká, ki apne kám karnewále Kḡhudá kí bádsháhat ke wáris na honge. 22 Par Rúh ká phal jo hai, so mahabbat, kḡhúshí, salámatí, sabr, kḡhair kḡhwáhí, nekí, ímándarí, farotaní, 23 Parhezgarí, aise aise kámon

ke mukhálif koí sharíat nahín. 24 Aur unhoñ ne jo Masíh ke hain, jism ko us kí burí k̄haslaton aur k̄hwáhishon samet salíb par khenchá hai. 25 Agar hamáří zindagí rúhání hai, to cháhiye kí hamáří chalan bhí rúhání ho; ham jhúte ghamand na karen; ek dúsre ko na chaṛh-áwe, ek dúsre par dáh na kare.

## VI. BAB.

1 Ai bháío, agar koí shaḁhs kisí k̄hatá men ekáek giriftár ho jáwe, to tum jo rúhání ho, aise shaḁhs ko rúhí farotaní se sambhál ke durast karo; apne úpar liház rakh, kí tú bhí imtihán men na paṛe. 2 Tum ek dúsre ká bojh uṭhá lo, aur isí tarah se Masíh kí sharíat ko púrá karo. 3 Agar koí náchíz hote húe ap ko kuchh chíz samjhe, to wuh apne tain dhokhá detá hai. 4 Lekin harek apnehí amal ko jánche, tab faḁhar ká sabab apnehí men páwegá, dúsre men nahín. 5 Kí harek apnáhí bojh uṭháwegá.

6 Jo koí kalám síkhe, síkhlánewále ko sáří niamaton men sharík kare. 7 Tum dagí na kháo; K̄hudá ṭhaṭhon men nahín uráyá játá, kí ádmí jo kuchh botá hai, so hí káṭegá. 8 Is liye kí jo koí apne jism ke liye botá hai, so jism se k̄harábí lawegá; aur jo rúh ke liye botá hai, rúh se hamesha kí zindagí páwegá. 9 Tum achhchhe kám karne se thak na jáen, kyúнки agar ham sust na howen, to har waqt káṭenge. 10 Pas jahán tak ham ko fursat mile, sab se nekí karen; khás kar un se, jo ímán ke ghar ke hain.

11 Tum dekhte ho, kí main ne tumhen kaisá baṛá k̄hatt apne háth se likhá hai. 12 Jitne dunyá kí nek námí cháhte hain, we zabar-dastí tumháre k̄hatna karwáte hain, sirf itne wáste kí we Masíh kí salíb kí bábat satáen na jáen. 13 Kyúнки we bhí jo k̄hatna karwáte sharíat ko hifaz nahín karte, par cháhte hain, kí tum k̄hatna karwáo, táki we tumháre jism kí bábat faḁhar karen. 14 Par na howe kí main faḁhar karún, apne K̄hudáwand Yisú Masíh kí salíb par, jaise dunyá mere áge salíb par khenchí gaí, aur main dunyá ke áge. 15 Kyúнки Masíh Yisú men na maḁhtúní kuchh hai, na námaḁhtúní, balki naí paidáish. 16 Aur jitne us qánon par chalte hain, salámatí o rahm un par aur K̄hudá ke Isráel par húe. 17 Áinda koí mujhe

taklīf nade : kyūnki apne badan par Ḳhudāwand Yisú dāle dāg liye phirtá hūn. 18 Ai bháio, hamāre Ḳhudāwand Yisú Masíh ká fazl tumháre rúh ke sáth rahe. Amín.

---

## PAUL KA ḲHATT EFESI'ON KO.

---

### I. BĀB.

1 Paul jo Ḳhudá kī marzī se Yisú Masíh ká rasúl hai, un muqaddas logon ko jo Efesus men haiñ, aur Masíh Yisú par ímán lāe haiñ :  
2 Hamāre Bāp Ḳhudá, aur Ḳhudāwand Yisú Masíh kī taraf se fazl aur salāmatí tum par howe.

3 Mubáarak hai Ḳhudá aur hamāre Ḳhudāwand Yisú Masíh ká Bāp, jis ne ham ko Masíh ke sabab se ímán kī har tarah kī rúhání barakat baḳhshí, 4 Chunánchi us ne ham ko dunyá kī paidáish ke peshtar us ke liye chun liyá, táki ham us ke huzúr mahabbat men pák aur beaib howen. 5 Ki us ne pahile se hamárá bábat yún muqarrar kiyá, ki ham us ke nek iráde ke muwáfiq Yisú Masíh ke wasíle us ke lepálak howen. 6 Tá ki us ke fazl ke jalál kī tárif howe, jis fazl se us ne hamen us piyāre men qabúliat baḳhshí. 7 Ham us men ho ke us ke ḳhún kī badaulat chhuṭ kárá yāne kitábon kī muáfí us ke niháyat fazl se páte haiñ. 8 Jis se us ne ham ko har tarah kī hikmat aur aql bahut sí baḳhshí. 9 Ki us ne apní marzī ke bhed ko, jo apne nek iráde ke muwáfiq áge hí se áp men ṭhahráyá, ham par zāhir kiyá. 10 Ki wuh waqton ke púre hone kī bandobast se sab chizon ke sire, ḳhwáh we jo ásmán par, ḳhwá we jo zamín par haiñ, Masíh men lāwe. 11 Is se ham ne bhí us ke ṭhahráne ke muwáfiq jo apní marzī kī tadbír ke mutábiq sab kuchh kartá hai, áge se muqarrar hoke mírás páí. 12 Tá ki ham jinhon ne pahile Masíh par bharosá kiyá, us ke jalál kī tárif ke báis howen. 13 Aur tum ne bhí kalám haqq, yāne apní naját kī ḳhúsh ḳhabarí sun kar us par bharosá kiyá, aur us ke sabab se tum ko bhí jo ímán lāe, Rúh i Quds kī jis ká wáda húa, muhr milí. 14 Wuh hamāre mírás páne ká bayána

hai, jab tak ki kharíde húe kí khalásí na hotá, ki us ke jalál kí táríf howe.

15 Is liye main yih sun ke ki tum K̄hudáwand Yisú par ímán lée, aur sáre muqaddas logon kí mahabbat rakhte ho. 16 Tumhári bába shukr karná, aur apní duáon men tumheñ yád karná nahín chhoṛtá. 17 Táki hamáre K̄hudáwand Yisú Masíh ká K̄hudá, jo jalál ká Báp hai, tumheñ hikmat aur kashf kí Rúh baḡsḡshe, táki tum usko pahcháno. 18 Aur tumháre dil kí ánkheñ roshan ho jáweñ, ki tum samjho ki uske buláne men kyá hí ummed hai; aur us ke jalál wáli mírás, jo muqaddason ke liye hai, kyá hí daulat hai. 19 Aur ham men jo ímán lée hain, kyá hí us kí kamál baṛí qudrat hai; us kí us baṛí qudrat ke muwáfiq; 20 Jo us ne Masíh men záhir kí, jab use murdon men jiláyá, aur apne dahine ásmání muqámon par baiṡháyá. 21 Aur sári hukúmat aur iḡhtiyár, aur qudrat, aur k̄háwindí par, aur harek nám par, jo na sirf us jahán men, balki ánewále jahán men bhí liyá játá hai, buland kiyá. 22 Aur sab kuchh us ke páon tale kar diyá, aur us ko majlis ke liye sab ká sir banáyá. 23 Wuh us ká badan aur uskí mámurí hai, jo sab kuchh sab men bhartá hai.

## II. B.A.B.

1 Aur us ne tumheñ bhí jo k̄hatáon aur gunáhon ke sabab murda the, zinda kiyá: 2 Jin men tum áge is jahán ke taur par húa, ki hukúmat ke sardár kí tarah jo Rúh hai, ki ab náfarmán bardár logon men tásir kartí chalte the: 3 Aur us ke darmiyán ham sab ke sab apní jismání k̄hwáhishon ke sáth zindagání guzráte, aur tan man kí k̄hwáhishen púri karte the, aur dúson kí mánind tabiat se gazab ke farzand the. 4 Par K̄hudá ne jo rahm men ganí hai, apní baṛí mahabbat se jis se us ne ham ko piyár kiyá, 5 Ham ko jo gunáhon ke sabab murda the, Masíh ke sáth jiláyá: tum fazl hí se bach gae; 6 Aur us ne ham ko us ke sáth uṡháyá, aur Masíh Yisú ke sabab ásmání muqámon par us ke sáth baiṡháyá: 7 Táki wuh apní us mihrbání se, jo Masíh Yisú ke sabab ham par hai, ánewále zamáne men apne fazl kí be niháyat daulat ko dekháwe. 8 Kyúnki tum fazl ke sabab ímán láke bach gae ho; aur yih tum se nahín: K̄hudá kí

baḡhshish hai: 9 Yih iamál ke sabab se nahín, naho ki koí barái kare. 10 Kyúnki ham us kí kárigarí haiñ, aur Masíh Yisú men hoke achche kámon ke wáste paidá húe, jin ke liye Ḳhudá ne hamen áge taiyár kiyá thá, táki ham unhen kiyá karen.

11 Is wáste yád karo, ki tum áge jism kí nisbat gair qaum the, aise ki we jo áp ko maḡhtún kahte haiñ, jinká ḡhatna jismí aur háth se húa, tum ko námaḡhtún kahte the. 12 Aur yih ki us waqt Masíh se judá, aur Isráel kí sarkár se alag, aur wáde ke ahdon se báhar, aur beummed, aur dunyá men be Ḳhudá the: 13 Par ab Masíh Yisú men hoke tum jo áge dúr the, Masíh ke lahú ke sabab se nazdík ho gae. 14 Kyúnki wahí hamári sulh hai, jis ne do ko ek kiyá, aur us diwár ko jo darmiyán men thí ḡhá diyá. 15 Aur apná jism deke dushman ko, yáne sharíat ke hukmon, aur dastúron ko, kho diyá, táki wuh sulh karwáke do se áp men ek naiyá insán banáwe. 16 Aur dushmaní miṡṡá ke salíb ke sabab se dono ko ek tan baná kar Ḳhudá se miláwe. 17 Aur us ne áke, tumhen jo dúr the, aur unhen jo nazdík the, sulh kí ḡhúsh ḡhabarí dí. 18 Kyúnki us ke wasíle ham dono ek hí Rúh se Báp ke pás daḡhal páte haiñ.

19 So ab tum begána aur musáfir nahín, balkí muḡaddason ke hamshahrí, aur Ḳhudá ke gharáne ho; 20 Aur rasúlon aur nabíon kí neo par, jahán Yisú Masíh áp kone ká sirá hai, radde kí tarah uṡháe gae ho; 21 Jis se sári imárat ekaṡhe joṡ kar muḡaddas haikal Ḳhudáwand ke liye uṡhtá játá hai. 22 Aur tum bhí us men hoke auron ke sáth banáe játe ho, tá ki Rúh ke wasíle se Ḳhudá ke liye makán bano.

### III. BĀB.

1 Is wáste main Paul tum gair qaumon ke liye Yisú Masíh ká qaidí hún. 2 Tum ne suná hai, ki mujhe tumhári liye Ḳhudá ke fazl kí muḡhtári milí; 3 Ki us ne ilhám se us bhed ko mujh par ḡholá, chunánchí main us ko thore men áge likh chuká. 4 Jise tum paṡh ke ján sakte ho, ki main Masíh ká bhed kis qadar samajhtá hún. 5 Jo agle zamánon men baní Adam ko is tarah na málúm húa, jis tarah us ke muḡaddas rasúlon aur nabíon par Rúh se ab záhir húa: 6 Ki

gair qaum injíl ke wasíle se merá mírás men sharík, aur badan men shámil, aur us ke wáde men, jo Masíh ke sabab se hai, sajhí hún : 7 Aur K̄hudá ke fazl ke us inám se jo us kí qudrat kí tásír se mujhe milá hain, us injíl ká k̄hádím hún. 8 Mujhe jo sáre haqír tarín muqaddason se haqír hún, yih fazl ináyat húá, ki main gair qaumon ke darmiyán Masíh kí beqiyás daulat kí k̄húsh k̄habarí dún. 9 Aur sab par yih bát roshan karún, ki us bhed ká mil kyá hai, jo azal se K̄hudá men, jis ne sab kuchh Yisú Masíh se paidá kiyá, poshída thá : 10 Ki ab majlis ke wasíle se K̄hudá kí tarah tarah kí hikmat, sardáron aur ikhtiyár wálon par, jo ásmán ke maqámon men hain, záhir howe. 11 Jaisá us ne hamáre K̄hudáwand Yisú Masíh men azal se muqarrar kiyá ; 12 Aur ham us men hoke ímán ke wasíle se himmat aur daḡhal bharose ke sáth rakhte hain. 13 Pas main cháhtá hún, ki tum merí musíbaton ke sabab, jo tumhári k̄hátir hain, sust mat hoo ; kyúnci ye tumháre liye izzat hain.

14 Is wáste hamáre K̄hudáwand Yisú Masíh ke Báp ke áge 15 Jis se tamám k̄hándán ká ásmán aur zamín par nám hai, main apne ghuṭhne tektá hún. 16 Ki wuh apne fazl kí daulat ke muwáfíq tumhen yih de, ki tum us kí Rúh ke sabab batiní insánít men bare zoráwar ho jáo ; 17 Aur Masíh tumháre dilon men ímán ke wasíle se base, 18 Aur tum mahabbat men jar paidá karke, aur neo dál ke sáre muqaddas logon samet samajhne kí qudrat paidá karo ; 19 Ki us kí chaurán, aur gharáo, aur lambán, aur unchán kitní hai, aur Masíh kí mahabbat, jo samajh se báhar hai, daryáft karo, táki tum K̄hudá kí sári mámrí se bhar jáo. 20 Ab us ko jo aisá qádir hai, ki jo kuchh ham mángte, yá k̄hiyál karte hain, use niháyat ziyáda us qudrat ke muwáfíq jo ham men tásír kartí, kar saktá hai, 21 Us ko majlis ke darmiyán Masíh Yisú men pusht dar pusht abad tak jalál howe.

---

#### IV. BAB.

1 Pas main jo K̄hudáwand ke liye qaidí hún, tum se iltimás kartá hún, ki jis buláhat se tum buláe gae, us ke munásib chalo. 2 Kamál k̄háksári aur farotaní se sabr karke mahabbat se ek dúsre kí bardásht

karo. 3 Aur koshish karo, ki Rúh kí yagánagí sulh ke band se bandhí rahe. 4 Ek badan aur ek Rúh se, chunánchi tumhen bhí jo buláe gae ho, apne buláe jáne se ek hí ummed hai ; 5 Ek K̄hudá-wand, ek ímán, ek báp̄tismá ; 6 Ek K̄hudá jo sab ká Báp, ki sab ke úpar aur sab ke darmiyán, aur tum sab men hai.

7 Par ham men se harek ko Masíh ke inám ke andáza ke muwáfiq fazl ináyat húá hai. 8 Is wáste wuh kahtá hai, ki Us ne únche par charh ke qaid ko qaid kiyá, aur admíon ko inám die. 9 Aur us ke úpar charhná siwá us ke aur kyá hai, ki wuh pahile zamín ke níche utrá ? 10 Wuh jo utrá, so wuhí hai, jo sáre r̄smánon par charhá, táki sab ko bharpúr kare. 11 Aur us ne bázon ko rasúl, aur bázon ko nabí; aur bázon ko injíl ká manádí karnewálá; aur bázon ko charwáhá ; aur bázon ko ustád muqarrar kar diyá ; 12 Táki muqaddas log k̄hidmat ke kám men árasta hote jáwen, aur Masíh ká badan bantá jáe. 13 Jab tak ham sab ke sab ímán aur K̄hudá ke Beṭe kí pahchán kí yagánagí aur kámil insán, yáne Masíh ke pure qad ke andáze tak pahunchín : 14 Táki ham áge ko larke na rahen, ki tálím kí tarah kí hiwáon se, aur admíon kí panchabázi, aur gumráh karnewálí dagábázi, aur mansúbe se uchhalte bahte phiren. 15 Balki mahabbat ke sáth sach bolke us men jo sir hai, yáne Masíh men hoke har tarah barhte jáwen : 16 Is se sárá badan harek band kí madad se mil aur jaṭ kar us tásír ke muwáfiq, jo har k̄habar ke andáza se hotí hai, barhtá hai, aisá ki wuh badan mahabbat men apní tarqí kartá hai.

17 Is liye main yih kahtá hún, aur K̄hudáwand ke áge hukm kartá hún, ki tum áge ko aisí chál na chalo, jaise aur gair qaum apní jhúṭí samajh ke muwáfiq chalte haiñ. 18 Ki un kí aql tárík ho gaí hai, aur we us nádání ke sabab jo un men hai, aur apní dil kí saṅhtí ke báis K̄hudá kí zindagí se judá haiñ. 19 Unhon ne sun hoke áp ko shahwat ke supurd kiyá, táki har tarah kí gunde kám hars se karen : 20 Par tum ne Masíh se aisí tálím nahín páí; 21 Jaisí Yisú men sachcháí hai ; tum ne us kí suní, aur us se tálím páí hai : 22 Ki tum aglí chalan kí bábat us purání insánit ko jo fareb denewálí shahwaton ke sabab se k̄haráb húí hai, utáro ; 23 Aur apne dil aur tabiat kí



nisbat nae bano ; 24 Aur naí insánít ko, jo K̄hudá ke muwáfíq rást-bází aur sachcháí kí pákízagí men paidá hūí, pahino.

25 So jhúth chhor ke harek shaḅhs apne parosí se sach bole, ki ham to ápas men ek dúsre ke ang hain. 26 Gussa karke gunahgáramat ho, aisá na ho ki súraḅ ḅobe aur tum ḅhafá ke ḅhafá raho : 27 Shaitán ko jagah na do.

28 Jis ne chorí kí ho, phir chorí na kare, balki achchá pesha ḅḅhtiyár karke háthon se mihnát kare, táki muhtáj ko kuchh de sake.

29 Koí gundí bát tumháre munh se na nikle, balki wuh jo tarqí ke liye bihtar ho, táki sunnewálon ko fáida baḅshshe. 30 Aur K̄hudá kí Rúh i muqaddas ko jise tum par chhuḅkáre ke din tak muhr hūí ranjída na karo.

31 Sarí karwáhaḅ, aur gazab, aur gussa, aur gal, aur badzabání, tamám badí samet tum se dúr ho jáwen. 32 Tum ek dúsre par mihrbán ho, aur dardmand, aur ek dúsre ko baḅshhá karo ; chunán-chi K̄hudá ne bhí Masíh ke liye tumhen baḅshhá hai.

## V. BĀB

1 Pas tum azíz farzandon kí tarah K̄hudá ke pairau ho. 2 Aur mahabbat ke taur par chalo, jaise Masíh ne bhí ham se mahabbat kí ḅhúshbú ke liye hamárá íwaz men apne tain K̄hudá ke áge nazar aur qurbán kiyá.

3 Aur harámkárí, aur har tarah kí nápákí, aur lálach ká tum men zikr tak na ho, jaisá muqaddas logon ko munásib hai. 4 Aur besh-armí, aur behúda bát yá ḅhaḅhebází jo námunásib hai, na howe, balki beshtar shukr guzarí. 5 Kyúnki tum use wáqif hoke koí harámkár, aur nápák, aur lálachí jo butparast hai, Masíh aur K̄hudá kí bádsháhat ká wáris nahín hai. 6 Koí tum ko behúda báton se bhuláwá na de : kyúnki aisí báton ke sabab K̄hudá ká gazab ná farmánbardáron par partá hai. 7 Pas tum un ke sharík na ho. 8 Kyúnki tum áge táríkí the, par ab K̄hudá men hoke núr ho : tum núr ke farzandon kí tarah chalo. 9 Is liye ki núr ká phal kamál ḅhúbí, aur rást-bází, aur sachcháí hai. 10 Aur daryáft karo, ki K̄hudáwand ko kyá ḅhúsh átá hai. 11 Aur táríkí ke láchásil kámon men sharík mat

ho, balki peshtar unko malámat karo. 12 Kyúнки un ke poshída kámon ká zikr bhí karná sharm hai. 13 Aur sárí chízen jo malámat ke láiq hain, roshní se záhír hotí hain, kyúнки harek chíz jo roshan kartí, roshní hai. 14 Is liye wuh kahtá hai, Are! áo, tú jo sotá hai, jág, aur murdon men se uth; ki Masíh tujhe roshan karegá.

15 Pas khabardár tum dekh bhál ke chalo, nádánon kí tarah nahín, balki dánáon kí mánind. 16 Waqt ko ganímat jáno, kyúнки din bure hain: 17 Iswáste, tum betamíz na raho, balki samjho, ki Kḥudá-wand kí marzí kyá hai. 18 Aur sharáb píke matwále naho, ki us men kharábí hai, balki Rúh se bhar jáo: 19 Aur ápas men zabúr, aur gít, aur rúhání gazálen gáyá karo, aur apne dilmen Kḥudáwand ke liye gáte bajáte raho. 20 Aur sab báton men hamáre Kḥudáwand Yisú Masíh ke nám se Kḥudá Báp ke hamesha shukrguzár raho. 21 Aur Kḥudá ke khauf se ek dúsre kí farmán bardárí karo.

22 Ai aurato, apne shauharon kí aisí farmánbardár raho, jaise Kḥudáwand kí. 23 Kyúнки shauhar jorú ká sir hai, jaisá ki Masíh majlis ká sir, aur wuh badan ká bachánewálá hai. 24 Pas jaisá majlis Masíh kí farmánbardár hai, waisehí jorúán bhí harbát men apne shauharon kí howen.

25 Ai mardo, apní jorúon ko piyár karo, jaisá Masíh ne bhí majlis ko piyár kiyá, aur apne tain uske badle diyá; 26 Ki wuh us ko pání ke gusl se kalám ke sáth pák karke muqaddas kare. 27 Aur apne liye taiyár kare, yáne ek aisí jalálwálí majlis jis men dág, yá chín, yá koí aisí chíz naho, balki wuh muqaddas aur be aib ho. 28 Yún hí mardon par lázim hai, ki apní jorúon ko piyár karen, jaisá apne badan ko. Jo apní jorúon ko piyár kartá hai, so ap ko piyár kartá hai. 29 Kyúнки kisi ne apne jism se kabhí dushmaní na kí, balki wuh use páltá aur postá hai, jaisá Kḥudáwand bhí majlis ko. 30 Kyúнки ham us ke badan ke ang, aur us ke gosht, aur haqqion men se hain. 31 Admí usí sabab se apne má báp ko chhoregá, aur apní jorú se milá rahegá, aur we dono ek tan honge. 32 Yih ek bará bhed hai, par main Masíh aur majlis kí bábat boltá hún. 33 To bhí harek tum men apní apní jorú ko aisá piyár kare, jaisá ap ko; aur aurat apne shauhar ká adab kare.

## VI. BAB.

1 Ai farzando, tum K̄hudáwand ke liye apne má báp ke tábí raho : kyúнки yih wájib hai. 2 Tú apne má báp kí izzat kar, ki yih pahilá hukm hai, jis ke sáth wáda hai ; 3 To terá bhalá hogá, aur zamín par terí umr daráz hogí.

4 Aur ai larke bále wálo, tum apne farzandon ko gussa mat dalaó : par K̄hudáwand kí tarbiat aur nasíhat kar ke un kí parwarish karo.

5 Ai naukaro, tum un ke jo jism kí nisbat tumháre k̄háwind hain, apne dilon kí safáí se darte, aur thartharáte húe aise farmán-bardár ho, jaise Masíh ke ; 6 Aur ádmí ke k̄húshámad karnewálon kí tarah dekháne ko nahín, balki Masíh ke badon kí mánind dil se K̄hudá kí marzí par chalo. 7 Aur k̄húshí se naukarí karo, ádmíon kí ján kar nahín, balki K̄hudáwand kí. 8 Ki tum jánte ho, jo koí kuchh achchhá kám karegá, kyá gulám kyá ázád, K̄hudáwand se waisáhi páwegá.

9 Aur ai k̄háwind, tum bhí un se aisahí karo, aur dhamkián kam diyá karo ; kyúнки tum jante ho, ki tumhárá bhí k̄háwind ásmán par hai, aur wuhz áhir par nazar nahín kartá.

10 Báqí, ai mere bháío, K̄hudáwand aur us kí qudrat kí qaut se zoráwar bano. 11 K̄hudá ke sáre hathyár bándho, táki tum Shaitán ke mansúbon ke muqábil qáim rah sako. 12 Kyúнки hamen k̄hún aur jism se kushtí karná nahín, balki sardáron se, aur iḡhtiyár dáron se, aur is duniyá kí táríkí ke qudrat wálon se, aur sharír rúhon se bhí, jo buland makán men hain. 13 Is wáste tum K̄hudá ke sáre hathyár uḡhá lo, táki tum bure din muqábala kar sako, aur sab kám karke qáim rah sako. 14 Is liye tum apní kamar sachcháí se, kis ke aur rástbázi ká baktar pahinke ; 15 Aur pánon men sulh baḡhshne wáli injíl kí taiyári ká jútá pahinke ; 16 Aur un sab ke úpar ímán kí dhál lagá ke, jisse tum us sharír ke sáre jalte tíron ko bujhá sako, qáim raho. 17 Aur naját ká k̄hod, aur Rúh kí talwár, jo K̄hudá ká kalám hai, le lo. 18 Aur kamál árzú o minnat ke sáth har waqt Rúh se duá mángo, aur us ke liye sab muqaddason ke wáste niháya mustaid ho ke, aur minnat karke jágte raho : 19 Aur mere wást bhí, táki mujhe kalám karne kí táqit ináyat ho, ki merá munh bepar-

wáí se khul jáwe, táki main is injíl ke bhed ko, jis ke liye qaidí elchí hún, záhir karún : 20 Ki main us ko bedharak aisá kahún, jaisá mujhe kahá cháhiye. 21 Aur Tukhikus jo piyára bhái, aur Kḥudáwand ká sachchá kḥádim hai, tum ko sab báten batáegá. 22 Táki tum bhí mere ahwál ko jáno, ki main kyá kartá hún; main ne use tumháre pás is wáste bhejá, ki tum hamáre ahwál ko jáno, aur wuh tumháre dilon ko tasallí de. 23 Bháion kí salámatí ho, aur Báp Kḥudá kí, aur Kḥudáwand Yisú Masíh kí taraf se ímau ke sáth mahabbat mile. 24 Un sab par, jo hamáre Kḥudáwand Yisú Masíh es sachchí mahabbat rakhte hain, fazl howe. Amín.

---

## PAUL KĀ KHATT FILIPION KO.

---

### I. BĀB.

1 Yisú Masíh ke bande Paul aur Timoteus Filipí shahr ke un sab muqaddason ko, jo Masíh Yisú men hain, nigabhán aur kḥádimon samet : 2 Fazl aur salámatí hamáre Báp Kḥudá aur Kḥudáwand Yisú Masíh kí taraf se tumháre liye howe.

3 Main jab tumhen yád kartá, apne Kḥudá ká shukr bajá látá hún, 4 Aur apní harek duá men kḥúshí se hamesha tum sab ke liye duá mángtá hún, 5 Ki tum auwal roz se áj tak injíl men sharúk rahe. 6 Mujhe yih yaqín hai, ki wuh jis ne tum men nek kám shurú kiyá hai, so Yisú Masíh din tak kartá chalá jáegá : 7 Chunánchi munásib hai, ki main tum sab ke haqq men aisáhí samjhún; kyúнки tum merí zanjíron, aur uzr, aur injíl ke sábit karne men mere dil men ho, aur tum sab merí niamat men sharík ho. 8 Ki Kḥudá merá gawáh hai, ki main Yisú Masíh kí sí ulfat rakh ke tum sab ká mushtáq hún. 9 Aur main yih duá kartá hún, ki tumháre mahabbat dánáí aur kamál daryáft ke sáth ziyáda barhtí chalí jáwe : 10 Táki tum un chizon men jin men faraq hai tafáwat karo; aur Masíh ke din tak kḥális raho, aur thokar na kháo; 11 Aur rástbází ke phalon se, jo Yisú Masíh ke sabab se hai, lade raho, táki Kḥudá ká jalál aur táríf howe.

12 Aur ai bhāñō, main chāhtā hūñ, ki tum jāno, jo mujh par hūñ hai, so injīl kī zinda tarqī ke liye zāhir hūā; 13 Yahāñ tak ki Qaisar ke sāre mahall aur bāqī sab makānon men mashhūr hūā, ki main Masīh ke wāste bāndhā gayā. 14 Aur aksaron ne un men se jo Kḥudāwand men bhāī hain, merī zanjīron se diler ho ke be kḥauf kalām bolne kī ziyāda jurāt paidā kī. 15 Bāze to dāh aur jhagre se; aur bāze neknīt se Masīh kī manādī karte hain. 16 Jhagrālū to sáf dil se Masīh kī injīl nahīn sunāte, balki is kḥiyāl se, ki merī zanjīron par aur ranj barhāwen: 17 Par mahabbat wāle yih jān kar injīl sunāte hain, ki main injīl sābit karne ke wāste muqarrar hūñ. 18 Pas k yā hai? har tarah se Masīh kī kḥabar dī jātī hai, kḥwāh makkārī se, kḥwāh sachchāī se, aur main us men kḥúsh hūñ, balki kḥúsh rahūngā bhī. 19 Kyūnki main jāntā, ki tumhārī duā, aur Yisú Masīh kī Rūh kī madad se, is kā injām merī najāt hogī; 20 Chunānchi merā intizār aur ummed yih hai, ki main kisī bāt men sharminda nahīn, balkamāl be parwāī se hamesha kī tarah ab bhī Masīh mere badan se, kḥwah mere jīte, kḥwāh mere mūe par buzug howe. 21 Kyūnki zindagī mere liye Masīh hai, aur maut nafāhī. 22 Par agar main jism men zinda rahūñ, to yih merī mihnat kā phal hogā, aur main nahīn jāntā, ki kise ikhtiyār karūñ. 23 Ki main do bāt kī band men jakrā hūñ, mujhe ārzū hai, ki chhuṭkārā pāūñ; aur Masīh ke sāth rahūñ, ki yih bahut bihtar hai: 24 Par jism men rahnā tumhārī kḥātir us se bahut zarūr hai. 25 Aur main yih yaqīn jāntā hūñ, ki main rahūngā, aur tum sab ke sāth thahrūngī, tī ki tum ímán men barhte jāo, aur kḥúsh raho. 26 Ki tumhārā faḥhar, jo Masīh Yisú kī bābat mere sabab se hai, so mere tumhāre pās phir āne se ziyāda howe.

27 Sirf Masīh kī injīl ke muwāfiq guzrān karo: tāki kḥwāh main áūñ, aur tumhen dekhūñ, kḥwāh na áūñ, main tumhārā yih ahwāl sunūñ, ki tum ek rūh men qāim ho rahe, aur injīl ke ímán ke liye ek jān hoke koshīsh karte ho; 28 Aur yih kī muḥhālifon se kisī bāt men hūl na khāo, ki wuh un ke liye halākat kā, par tumhāre wāste Kḥudā kī taraf se najāt kā, nishān hai. 29 Kyūnki Masīh kī bābat tumhen yih nahīn baḥshā gayā, ki tum faqat us par ímán lāo, balki yih kī uskī kḥātir dekh bhī páo. 30 Ki tum aisī koshīsh karte ho, jaisī tum ne mujhe karte dekhī, aur ab sunte ho, ki main kartā hūñ.

## II. BAB.

1 So agar Masíh men kuchh dilásá aur kuchh mahabbat kí tasallí, aur agar Rúh i Quds kí koí sharákat Rúh ká kuchh mel, aur agar kuchh rahim aur dardmandí hai: 2 To merí k̄húshí ko púrā karo, ki ek sá mizáj rakho, ek sí mahabbat rakho, ek ján hoo, aur ek dil hoo. 3 Jhagre aur jhúthí shek̄hí se kuchh na karo, par k̄háksári se ek dúsre ko ápne se bihtar jáno. 4 Tum men se harek apne ahwál par nahín, balki harek dúsron ke ahwál par liház kare.

5 Pas tumháre mizáj wahi howe, jo Masíh Yisú ká thá. 6 Ki us ne K̄hudá kí súrāt men hoke K̄hudá ke barábar honá ganímat na jáná: 7 Balki us ne ápko ájiz banáyá, aur k̄hádim kí súrāt pakarke ádmí kí shakl baná. 8 Aur ádmí kí súrāt men záhir hoke áp ko farotan kiyá, aur marne tak, balki salíbí maut tak farmánbardár rahá. 9 Is wáste K̄hudá ne use bahut sarfaráz kiyá, aur us ko aisá nám jo sab námon se buzug hai baḅshá: 10 Tá ki Yisú ke nám par, kyá ásmání, kyá zamíní aur kyá jo zamín ke tale men, harek ghuṭná ṭeke, aur harek zabán iqrár kare; 11 Ki Yisú Masíh K̄hudáwand hai, táki K̄hudá Báp ká jalál howe.

12 So ai mere bháío, jis tarah tum hamesha farmánbardári karte áe ho, usí tarah tum na sirf merí házirí men, balki ab merí gair házirí men, bahut ziyáda ḍarte, áur thartharáte apní naját ke kám kie jáo. 13 Kyúнки wuh K̄hudá hí hai, jo tum men utar kartá, ki tum us kí marzí ke mutábiq cháho, aur kám bhí karo. 14 Sab kám be kurkuráe aur bintakrár ke karo. 15 Táki tum beilzám aur bebad hoke terhí tirchhí qaum ke darmiyán K̄hudá ke beaib farzand bane raho; 16 Aur tum un men zindagí ká kalám lie húe núr ke mánind dunyá men chamko, táki Masíh ke dín merí baṛái ho ke merí dauṛ aur mahabbat befáida na howe.

17 Par agar merá lahú tumháre ímán kí qurbáni aur hadiya par ḍhálá jáwe, to bhí main k̄húsh hún, aur tum sab ke sáth k̄húshí karún. 18 Tum bhí waisehí k̄húsh ho, aur mere sáth k̄húshí karo. 19 Aur mujhe K̄hudáwand Yisú se yih ummed hai, ki Timoteus ko tumháre pás jald bhejún, táki tumhárá ahwál daryáft karke merí bhí k̄hátirjama ho. 20 Kyúнки koí aisá mizáj merá sáth nahín, jo dilkí

safái se tumháre liye fikrmand howe. 21 Ki sab apní chízon kí talásh men hain, unki nahín jo Yisú Masíh kí hain. 22 Lekin tum us ke par kahe jáne se wáqif ho, ki jaisá betá báp ke sáth, waisá us ne mere sáth injíl kí khidmat kí. 23 Pas main ummedwár hún, ki apne ahwál ká anjám dekh ke filfaur use bhej dún. 24 Aur mujhe Kḥudáwand se yaqín hai, ki main ap bhí jald áún.

25 Ab Epafroditus ko jo merá bhái, aur ham khidmat, aur ham sipáh, aur tumhárá bhejá húa, aur merá ihtíáj rafa karne ke liye khádim hai, main ne tum pás bhejná zarúr jáná. 26 Ki wuh tum sab ká nipaṭ mushtáq hai, aur is wáste ki tum ne us ká bímári ká hál suná thá, udás rahtá thá. 27 Wuh to bímári se marne ke qaríb thá, par Kḥudá ne us par rahm kiyá; aur faqat us par nahín, balki mujh par bhí, tá na howe, ki main dág par dág uṭháún. 28 So main ne use bahut jald bhejá, táki tum us kí dobárha muláqát se khúsh ho, aur merá bhí gam ghaṭṭe. 29 Pas tum us ko Kḥudáwand ke sabab kamál khúshí se qabúl karo, aur aison kí izzat karo. 30 Is liye ki wuh Masíh ke kám ke wáste marne par thá, us ne zindagí ko uáchíz jáná, táki merí khidmat karne men tumhári kamí ko púra kare.

### III. BAB.

1 Báqí ai mere bháío, Kḥudáwand men khúsh raho, ki us kí bát tumhen phir phir likhná mere liye taklíf nahín, aur tumháre liye salámatí ká báis hai. 2 Kúnton se khabardár raho, bad káron se parhez karo, káṭkúṭkarnewálon se chaukas raho. 3 Kyúnci haqíqí khatna ham hain, jo rúh se Kḥudá kí ibádat karte hain, aur Masíh Yisú par faḥhar karte hain, aur jism ká bharosá nahín rakhte. 4 Lekin main jism ká bharosá rakh saktá hún. Agar aur koí jism par bharosá kar sakte, to main ziyáda: 5 Ki merá khatna áṭhwen din húa, aur main Isráel kí aulád Binyámin ke firqe se, Ibráníon ká Ibrání, shariát kí nisbat Farúsí hún. 6 Gairat men to majlis ká satáne-wálá aur shara kí rástbází men beaib thá. 7 Lekin jitní chízen mere nafa kí thín, main unhen ko Masíh kí khátir nuqsán samjhá. 8 Balki main apne Kḥudáwand Masíh Yisú kí pahchán kí khúbí ke sabab sab kuchh nuqsán samajhtá hún; jis ki khátir har chíz ká nuqsán uṭháyá.

aur unhen gundagi jántá hún, táki main Masíh ko nafá men páún. 9 Aur us men páyá jáún, apní is rástbázi ke sáth nahín jo shariát se hai, balki us rástbázi ke sáth jo Masíh par ímán láne se, yáne us rástbázi ke sáth jo K̄hudá kí taraf se ímán kí ráh men miltí hai. 10 Aur main us ko aur us ke jí uṭhne kí qudrat ko, aur us ke sáth dukhon men sharík hone ko daryáft karún, aur us kí maut se munásib paidá karún. 11 Táki main kisi tarah se murdon ke jí uṭhne ke daraj tak pahunchún. 12 Kyúнки main ab tak pá na chuká, abtak main kámil nahín húa : balki píchhá kie játá hún, táki jis garaz ke liye mujhe Yisú Masíh ne pakrá, main use já pakrún. 13 Ai bháío, merá yih gumán nahín, ki main pakar chuká hún : 14 Par itnáhi ki main un chízon ko jo píchhe jhúṭen bhalá ke un ke liye jo áge hain barhá húa, sídhá nishán kí taraf chalá játá hún, táki main us inám ko, jis ke liye K̄hudá ne mujh ko Masíh Yisú kí márifat se úpar buláyá, páún.

15 Pas ham men jitne kámil hain, yihí k̄hiyál rakhen ; aur agar kisi bát men tumhárá aur tarah ká k̄hiyál ho, to K̄hudá use bhí tum par k̄hol degá. 16 Bhar hál jahán tak ham píchhe hain, usí ke qánon par qadam máren, usíko k̄hiyál karen. 17 Ai bháío, tum sab ke sab merí pairawí karo, aur tum un logon par jo is namúna ke muwáfiq, jo ham men dekhte ho chalte hain, gaur karo. 18 Kyúнки bahutere chalnewále hain, jin ká zikr main ne tum se bárha kiyá, aur ab rúbarú ke kahtá hún, ki we Masíh kí salíb ke dushman hain. 19 Un ká anjám halákat hai, un ká K̄hudá pet, un ká nang un kí baráí hai, we dunyá kí chízon par k̄hiyál rakhte hain. 20 Par ham ásmán ke bášindon ke ham watan hain, jahán se naját baḅshní wále K̄hudáwand Yisú Masíh kí ráh ham takte hain. 21 Ki wuh apní qudrat kí tásír ke mutábiq, jisse wuh sab ko apne tábí kar saktá hai, hamáří k̄hákí kí súrát ko badal ke apní jaláli jismke mánind banáegá.

#### IV. BAB.

1 Is wáste, ai mere piyáre aur azíz bháío, jo merí k̄húshí aur tábí ho, ai piyáro, tum K̄hudáwand men isí tarah mazbút raho. 2 Main k̄wadiá se iltimás kartá hún aur Suntukhe se bhí, ki we K̄hudáwand



kí ráh men ek dil howen. 3 Aur ai sachche ham k̄hidmat, terí bhí minnat kartá hún, ki tú un auraton kí jinhon ne mere sáth injíl kí k̄hidmat men koshish kí, Klemans aur mere báqí ham k̄hidmaton samet, jin ke nám zindági ke daftar men hain, madad karo.

4 K̄hudáwand men hamesha k̄húsh raho : phir kahtá hún, k̄húsh raho. 5 Tumhári miyána-rúí sab ádmion par záhir ho. K̄hudáwand nazdík hai. 6 Kisí bát ká andesha na karo ; balki harek bát men tumhári arz, duá aur minnat se shukrguzári ke sáth K̄hudá se kí jáe. 7 Aur K̄hudá kí salámatí jo sári samajh se báhar hai, tumháre dilon, aur k̄hiyálon kí Masíh Yisú men nigahbání karegi.

8 Báqí ai bháío, jitní chízen sach hain, aur jitní chízen munásib hain, aur jitní chízen sídhí hain, aur jitní chízen pák hain, aur jitní chízen pasandída hain, aur jitní chízen nek nám hain, agar kuchh k̄húbí aur kuchh táríf hai, to un báton par gaur karo. 9 Aur jo kuchh tum ne mujh se síkhá aur qabúl kiyá, aur suná, aur dekhá, un par amal karo ; tab K̄hudá jo sulh ká bání hai, tumháre sáth rahegá.

10 Aur main K̄hudáwand men bahut k̄húsh hún, is wáste, ki mere liye tumháre fiqr ke daraḳht men ákhir ko phúl lage, jis ke liye tum áge andeshmand the, par mausim na thá. 11 Lekin main muhtájí se nahín kahtá ; kyúnci main ne yih síkhá, ki jis hálat men hún, usí men rází rahún. 12 Main ghaṭná jántá hún, aur baṛhná bhí jántá hún, har muqám aur sab báton men ser hone, bhúkhe rahne baṛhne, aur ghaṭne kí main ne tálím páí. 13 Masíh se jo mujhe táqat baḳshatá hai, main sab kuchh kar saktá hún.

14 To bhí tum ne bhalá kiyá, jo dukh men merí madad kí. 15 Ai Filípío, tum yih bhí jáno, ki injíl kí manádí ke shurú men, jab main Maqedoniá se nikal áyá, tab kisí majlis ne, siwá tumháre dene lene men merí madad na kí. 16 Tessalanik men bhí tum ne merí ihtíáj ke rafá karne ko ek do bár kuchh bhejá. 17 Main to inám nahín cháhtá, balki phal cháhtá hún, jo tumhári hisáb men ziyáda fáida baḳshshe. 18 Mere pás sab kuchh, balki bahutáyat ke sáth hai ; main bhar hún, main ne tumhári bhejí húi chízen Epafroditus ke háth se páen k̄húshbú, aur qurbání maqbúl, jo K̄hudá ke pasand hai. 19 Merá K̄hudá apne jalál kí daulat ke muwáfiq tumhári harek ihtiyj

Masīh Yisū se rafā karegā. 20 Hamāre Bāp Ḳhudā kā hamesha jalāl howe. Amín.

21 Harek muqaddas ko, jo Masīh Yisū men hai, salām karo ; sāre bhāī, jo mere sāth hain, tumhen salām kahte hain. 22 Sāre muqaddas log Ḳhasūsān we jo Qaisar ke ghar ke hain, tum sab ko salām kahte hain. 23 Hamāre Ḳhudāwand Yisū Masīh kā fazl tum sab par howe. Amín.

---

## PAUL KA ḲHATT KALASION KO.

---

### I. BĀB.

1 Ḳhudā kī marzī se Yisū Masīh Rasūl Paul, aur Timoteus bhāī kī taraf se ; 2 Un Kalasion ke liye jo Masīh men ho ke pāk aur imāndār bhāī hain, hamāre Bāp Ḳhudā, aur Ḳhudāwand Yisū Masīh kī taraf se fazl aur salāmtī tumhāre liye howe.

3 Jab se ham ne sunā, ki tum Masīh Yisū par imān lāe, aur sab pāk logon piyār karte ho ; 4 Ham tumhāre haqq men hamesha duā karke Ḳhudā aur apne Ḳhudāwand Yisū Masīh ke Bāp kā shukr karte hain. 5 Us ummed ke liye jo tumhāre wāste āsmān par maujūd hai, jis kā zikr tum ne injīl ke kalām haqq men sunā. 6 Wuh tum pās pahunchī, jaise sāre jahān men ; aur phal detī hai, chunānchi tumhāre darmiyān bhī jis din se tum ne Ḳhudā ke fazl ko sunā, aur haqīqat men pahchānā. 7 Chunānchi tum ne hamāre azīz ham Ḳhidmat Epafra se, jo tumhāre wāste Masīh kā diānatdār Ḳhādīm hai, aisāhī sīkhā. 8 Usī ne tumhārī rūhī mahabbat ko ham par zāhir kiyā.

9 So ham ne bhī jis din se yih sunā, tumhāre wāste duā māngne se bāz nahīn rahte, aur yih arz karte hain, ki tum tamām hikmat, aur rūhānī samajh se us ke marzī kī pahchān men kāmīl ho ; 10 Tāki tum Ḳhudāwand kī kāmīl razāmandī par lāiq chāl chalo, aur harek nek kām men phal lāte raho, aur Ḳhudā kī pahchān men tarqī karo. 11 Aur us kī kamāl qudrat se sab tarah kī mazbūtī paidā karo, tāki

tum khúshí ke sáth har súrát se sabr bardásht kar sako. 12 Aur Báp ká shukr karte raho, jis ne ham ko is láiq kiyá, ki núr men pák logon ke sáth mírás men hissa páwen : 13 Usí ne ham ko táríkí qabze se chhuráyá, aur apne piyáre Beṭe kí bádsháhat men dákhil kiyá : 14 Us men ham us ke lahú ke sabab se naját, yáne gunáhon kí muáfi páte hain. 15 Wuh andekh Kḥudá kí súrát hai, aur wuh sárí khilqat men pahilautá hai. 16 Kyúnki us se sárí chizon jo ásmán aur zamín par hain, dekhí aur andekhí, kyá takht, kyá kháwindián, kyá riyásat, kyá mukhtárián paidá kí gai, sárí chízen us se, aur us ke liye paidá hún. 27 Aur wuh sab se áge hai, aur us se sárí chízen bahál rahtí hain.

18 Aur wuh badan, yáne majlis ká sir hai, wahí shurú aur murdon men se pahilautá hai, táki wuh sab báton men auwal ho. 19 Kyúnki use yih baháyá, ki sára kamál us men base. 20 Aur us ke khún ke sabab jo salíb par bahá, sulh karke sárí chizon ko, kyá we jo zamín par hain, kyá we jo ásmán par hain, usí ke wasíle se apní taraf milá le.

21 Aur tum ko jo áge begáne, aur bure kámon ke sabab dil se dushman the, ab us ke jismání badan se maut ke wasíle milá liyá. 22 Táki wuh tum ko pák aur beaib o beilzám apne huzúr házir kare ; 23 Bashartík tumhári bunyád ímán par qáim rahe, aur tum mazbút raho, aur us injíl kí ummed se jise tum ne suná, ṭal na jáo, jis kí manádí harek maḥlúq ke liye ásmán ke níche kí gai, aur main Paul us ká khádim hún ; 24 Main apní un musíbaton se jo tumháre wáste khenchtá hún ab khúsh hún, aur Masíh kí musíbaton kí kam-tián us ke badan ke, yáne majlis ke liye apne jism se bhare detá hún. 25 Main us majlis ká khádim húa, chunánchi yih mukhtár Kḥudá kí taraf se mujhe tumháre liye milí, táki main Kḥudá ke kalám ko púra bayán karún. 26 Yáne us bhed ko, jo agle zamáne se pusht ba pusht poshída rahá, par ab us ke pák logon par záhir húa. 27 Jin par Kḥudá ne záhir karná cháhá, ki gair qaumon ke liye is bhed kí kamál buzurgí kiyá hai ; wuh yih kí Masíh tum men jalál ke ummed hai : 28 Jis kí khabar deke ham harek ádmí ko nasíhat karte, aur har shaḥs ko kamál dánái se sikháte hain, táki ham harek ádm ko Masíh Yisú men kámil karke házir karen. 29 Aur isí liye main

us kí us tásir ke muwáfiq, jo qudrat se mujh men asharr kartí hai, koshish karke mahabbat kartá hūn.

## II. BAB.

1 Main cháhtá hūn ki tum jáno, ki tumháre aur unke wáste jo Laodikaiá men hain, aur un sab ke wáste, jinhon ne merí jismí sūrat nahín dekhí, kyáhí koshish kartá hūn; 2 Ki un ke dil ko tasallí ho, aur we mahabbat se ápas men ghatte rahen, táki we púrí samajh kí tamám daulat ko pahunchen, aur K̄hudá, yáne Báp, aur Masíh ke bhed ko jánen. 3 Jismen hikmat aur dánái ke sáre k̄hazáne chhipe hain. 4 Main yih kahtá hūn, nahowe ki koí chukní chuprí báton se tumhen bhuláwe. 5 Kyúнки agarchi main jism se dūr hūn, par rúh se tumháre pás, aur tumhári durustí, aur Masíh par tumháre ímán kí mazbútí ko dekh ke, k̄húsh hūn. 6 Pas jaisá tum ne Masíh Yisú K̄hudáwand ko qabúl kiyá, waisáhí us men chalo. 7 Aur us men jar bándho, aur us par banáe jáo; aur jaisí tum ne tálím pái, ímán men mazbút raho, aur us men shukrguzári ke sáth tarqí karo.

8 K̄habardár koí failasúfi aur behúda fareb se, jo Masíh ke muwáfiq nahín balki ádmion ke, aur dunyá kí pahilí báton ke muwáfiq hain, tumhen lút na le. 9 Kyúнки ulúhiyat ká sárá kamál us men mujism ho rahá. 10 Aur tum us men, jo sári sardári aur mukhtári ká sir hai, kámil bane ho. 11 Aur us men tumhárá aisá k̄hatna húá, jo háth se nahín, yáne Masíh k̄hatna jo jismání gunáhon ká badan utár phenkná hai: 12 Aur us ke sáth bápísmá ke sabab gáre gae, aur usí ke sabab us K̄hudá kí qudrat par, jis ne us ko murdon men se jiláyá, ímán láke us ke sáth jí bhí uṭhe ho. 13 Aur us ne tumhen, jo gunáhon aur apne jism kí ná maḡhtúní se murda the, us ke sáth zinda kiyá, ki us ne tumháre sab gunáh baḡhsh die. 14 Aur hukmon ká dasḡhat jo hamárá mukhálif thá, hamári bábat mittá dálá, aur us ko bích men se uṭháke salíb par kílen jaren; 15 Aur sardáron o ikhtiyárwálon kí qudrat chín lí, aur unhen barmalá ruswá karke nu par shádiyáne bajáe.

16 Pas koí kháne píne, yá íd, yá nae chánd, yá sabt ke din kí bábat tumhen gunahgár na thahráwe; 17 Ki ye ánewáli chizon ke

sāya haiṅ ; par badan Masīh hai. 18 Koī ḵhāksārī aur firishton kī ibādat se ḵhūsh hoke tum ko tumhāre ajar se mahrūm na kare, kī aisā shakhs apnī jismānī aql se abas phūl ke un chīzon men jinhen us ne nahīn dekhīn bejā daḵhal kartā hai. 19 Aur us sir ko nahīn pakre rahtā, jis se sārā badan band, aur paṭhe se gazā pāke, aur āpas men juṭ ke Ḳhudā ke baṛhā se baṛhtā hai.

20 Pas agar tum Masīh ke sāth dunyā kī pahilī bāton kī nisbat mar gae ho, to tum kyūn un kī mānind, jo dunyā men zinda haiṅ, dastūr parast ho ? 21 Mat chhūnā ; mat chikhnā ; mat hāth lagānā : 22 Ye sārī chīzen kām men lāne se ḵharāb ho jātī haiṅ, ādmīon ke hukm aur tālīmon ke muwāfiq ? 23 Ye chīzen jo ijād kī hūī bandagī, aur farotanī, aur badan par saḵhtī karne men hikmat kī sūrat rakhtī haiṅ, kisī kām kī nahīn, magar jism kī ḵhwāhishen pūrī karne ko.

### III. BĀB.

1 Pas agar tum Masīh ke sāth jī uṭhe ho, to āsmānī chīzon kī talāsh men raho, jahān Masīh Ḳhudā ke dāhine baiṭhā hai. 2 Āsmānī chīzon se dil lagāo, na un chīzon se jo zamīn par haiṅ. 3 Kyūnki tum mar gae ho, aur tumhārī zindagī Masīh ke sāth Ḳhudā men poshīda hai. 4 Jab Masīh jo hamārī zindagī hai, zāhir hogā, us ke sāth tum bhī jalāl se zāhir ho jāoge.

5 Is wāste tum apne angon ko jo zamīn par haiṅ, yāne harāmkārī, aur nāpākī aur shahwat, aur burī ḵhwāhish, aur lālach ko, jo butparastī hai, mār ḍālo : 6 Unkī ke sabab se Ḳhudā kā gazab nāfarmāndardār farzandon par paṛtā hai : 7 Aur āge jab tum un ke jīte the, tum bhī un kī rāh par chalte the. 8 Par ab tum un sab ko bhī yāne gusse aur gazab, aur badī, aur badgoī, aur badazbānī ko apne munh se nikāl phenko. 9 Ek dūsre se jhūṭh na bolo, kyūnki tum ne pūrānī insānīt ko us ke fialon samet utār phenkā : 10 Aur naī insānīt ko jo mārifāt apne paidā karnewāle kī sūrat ke muwāfiq naī ban rahī hai, pahinā hai : 11 Wahān na Yūnānī hai, na Yihūdī, na ḵhatnā, na nāmaḵhtūnī, na Barbarī, na Sqūtī, na gulām, na āzād, par Masīh sab kuchh aur sab men hai.

12 Pas Ḳhudā ke chune hoon kī mānind, jo pāk aur piyāre haiṅ,

dardmandí, aur mihrbání, aur farotaní o k̄hásarí, aur bardásht ká libás pahino; 13 Aur agar koí kisí par dáwí rakhtá ho, to ek dúsre kí bardásht kare, aur ek dúsre ko baḡhshe; jaisá Masíh ne tumhen baḡhshá, waisáhí tum bhí karo. 14 Aur un sab ke úpar mahabbat ko pahin lo, ki wuh kamál ká kamarband hai. 15 Aur K̄hudá kí salámatí, jis kí taraf tum ek tan ho kar buláe gae, tumháre dilon par hukúmat kare, aur tum shukr guzár raho.

16 Masíh ká kalám tum men bahutáyat se rahe, aur tum ek dúsre ko kamál dánái se tálím, aur nasíhat karo, aur zabúr, aur gít, aur rúhání gazlen, shukr guzárí ke sáth K̄hudáwand ke liye, dilon se gáo. 17 Aur jo kuchh karte ho, kalám aur kám sab kuchh K̄hudáwand Yisú ke nám se karo, aur us ke wasíle se K̄hudá Báp ká shukr bajá láo.

18 Ai aurato, jaisá K̄hudáwand men munásib hai, apne apne k̄hasam kí farmánbardárí karo. 19 Ai mardo, apní jorúon ká piyár karo, aur un se kaḡúe naho.

20 Ai laḡko, tum apne má báp ke harek bát men farmánbardár ho, ki K̄hudáwand yihí pasand hai. 21 Ai laḡkebálewálo, apne laḡkon ko diqq mat karo, na howe ki we úb jáwen.

22 Ai naukaro, tum un ke jo dunyá men tumháre k̄háwind hain, sab báton men farmánbardár raho; par k̄húshámadí logon kí mánind dekháne ko nahín, balki sáf dil se K̄hudá tarson kí tarah. 23 Aur jo kuchh karo, sojhí se aisá karo, jaisá K̄hudáwand ke liye karte hain, na ki ádmíon ke liye. 24 Ki tum jánte ho, ki tum K̄hudáwand se badle men mírás páoge, kyúнки tum K̄hudáwand Masíh kí naukarí bajá láte ho. 25 Par wuh jo burá kartá hai, wuh apne ke muwáfíq burái kamáwegá, aur tarafdárí nahín hai.

#### IV. BAB.

1 Ai k̄háwindo, naukaron ke sáth adal, aur insáf karo; yih ján kar, ki tumhárá bhí ek k̄háwind ásmán par hai.

2 Duá mángne men mashgúl, aur us men shukrguzárí ke sáth hashyár raho. 3 Aur sáth us ke hamáre liye bhí duá karo, ki K̄hudá hamáre liye kalám ká darwáza khole; ki main Masíh ke bhed ko, jis

ke sabab qaid húa hún, bayán karún : 4 Táki main use aisá zahir karún, jaisá mujhe lázim hai.

5 Tum waqt ko ganímat ján ke báhar ke logon ke sáth hoshyári se chalo. 6 Cháhiye ki tumhári bát hamesha fazl ke sáth aur namkín ho, táki tum jáno ki harek ko kyúnkar jawáb diyá cháhiye.

7 Tuxhikus jo piyára bhái, aur diánatdár k̄hádím, aur K̄hudá-wand kí k̄hídmat men sharík hai, mere sáre ahwál kí tumhen k̄habar degá. 8 Us ko main ne is liye tumháre pás bhejá hai, ki wuh tumhárá hál daryáft kare, aur tumháre dilon ko tasallí de. 9 Aur us ke sáth Onesimus ko, jo diánatdár aur piyára bhái, aur tum men se hai, bhej diyá ; we tumhen yahán kí sári k̄habaron pahuncháenge.

10 Aristarkhus jo mere sáth qaid hai, aur Marqus jo Barnabá ká bhánjá hai, jis kí bábat tum ne hukm páe, agar wuh tumháre pás áwe, to us kí k̄hátir karo. 11 Aur Yisú jo Yustus kahalátá hai, ye sab jo maḡhtúnon men se hai, tum ko salám kahte hai, sirf ye hí jo K̄hudá kí bádsháhat ke wáste mere ham k̄hidmat the, mere liye tasallí the. 12 Epafras jo tum men se Masíh ká banda hai, tum ko salám kahtá hai, aur wuh tumháre wáste duá mángne men hamesha koshish kartá hai, táki tum K̄hudá kí marzí kí harek bát men kámil, aur púre bane raho. 13 Main is ká gawáh hún, ki wuh tumháre aur unke wáste jo Laodiqaiá men hai, aur jo Hierapolis men hai, bahut sargarm hai. 14 Lúq piyára tabíb, aur Demas tumhen salám kahte hai.

15 Tum un bháíon ko jo Laodiqaiá men hai, aur Numfas ko, aur majlis ko, jo us ke ghar men hai, salám kaho. 16 Aur jab yih k̄hatt tum men parhá jáe, to aisá karo, ki Laodiqaiá kí majlis men bhí parhá jáe ; aur Laodiquaion ká k̄hatt tum bhí parho. 17 Aur Arkhippus se kaho, ki tú us k̄hidmat men jo tú ne K̄hudáwand men páí hai, hoshiyár raho, ki use anjám de. 18 Mere háth se jo Paul hún, salám. Merí zanjíron ko yád rakho ; fazl tum par howe. Amín.

## PAUL KA PAHILA KHATT TESSALONIḠON KO.

## I. BAB.

1 Paul, aur Silwánus, aur Timoteus kí taraf se TessaloniḠí majlis ko, jo Báp Ḡhudá, aur Ḡhudawand Yisú Masíh men hai, fazl aur salámatí, hamáre Báp Ḡhudáwand aur Yisú Masíh kí taraf se tumháre liye howe.

2 Tum sab ke wáste Ḡhudá ká shukr hamesha ham bajá láte haiḡ, aur apní duáon men tumhen yád karte. 3 Aur ham apne Báp Ḡhudá ke huzúr tumháre ímán ke amal, aur mahabbat kí mihnát, aur ummed kí páidárí ko, jo hamáre Ḡhudáwand Yisú Masíh kí taraf hai, balánága yád karte haiḡ ; 4 Kí bháío, Ḡhudá ke piyáro, ham jánte haiḡ, ki tum Ḡhudá ke chune húe ho. 5 Kyúnki hamárí injíl na faqat lafz se, balki qudrat, aur Rúh i Quds, aur púre iatiqád ke sáth, tumháre pás pahunchí ; chunánchi jánte ho, ki ham tumháre wáste tum men kaise the. 6 Aur tum hamáre aur Ḡhudáwand ke pairau húe, ki tum ne kalám ko barí musíbat ke sáth Rúh i Quds kí ḡhúsh se qabúl kiyá. 7 Yahán tak ki tum Maqedoniá aur Akháiyá ke sáre ímán-dáron ke liye namúná bane. 8 Kyúnki tum se Ḡhudáwand ke kalám kí shuhrat faqat Maqedoniá men na húi, balki harek jagah tumhárá ímán jo Ḡhudá par hai, mashhúr húa, yahán tak ki hamáre kahne kí kuchh hájat nahín. 9 Is wáste, ki we áp hamárá zikr haiḡ, ki ham ne tum men kaisá daḡhal páyá, aur tum kyúnkar buton se Ḡhudá kí taraf phire, táki Ḡhudá kí, jo zinda aur sachchá hai, bandagí karo. 10 Aur us ke Beṭe kí jise us ne murdon men se jiláyá ráh tako, ki ásmán par se áwegá ; yáne Yisú jo ham ko ánewále gazab se chhurátá hai.

## II. BAB.

1 Ai bháío, tum to áp jánte ho, ki hamárá daḡhal tum men befáida na thá: 2 Agarchi ham áge shahr Fílipí men bará dukh aur ruswái



uṭhāf; chunānchi tum us se wāqif ho, to bhī apne Ḳhudā ke sabab beparwāī ke Ḳhudā kī injīl kamāl koshish se tumhen sunāte the. 3 Ki hamārā wā zgumrahī, aur nāpākī, aur dagābāzī se na thā: 4 Balki jaisā Ḳhudā ne ham ko maqbūl jān ke injīl kā imānatdār kiyā, wasāhī ham bolte haiṅ; aur ādmīon ko nahīṅ, balki Ḳhudā ko jo hamāre dil āzmātā hai, rāzī karte haiṅ. 5 Ki ham hargiz ḳhūshāmad kī bāt na bolte, jaisā tum jānte ho, na lālch kā parwā rakhte the; Ḳhudā gawāh hai: 6 Aur na ādmīon se, na tum se, na dūsron se izzat chāhte the; agarchi is sabab se ham Masīh ke rasūl haiṅ, tum par bojh ḍāl sakte. 7 Balki ham tumhāre darmiyān aise mulāin the, jaise dāī jo āpne bachchon ko pāltī hai! 8 Waisāhī ham tumhāre dilsoz hoke, na faqat Ḳhudā kī injīl, balki apnī jān tak bhī tumhen dene ko rāzī the, is wāste ki tum hamāre piyāre the. 9 Kyūnki ai bhāīo, tum hamārī mahabbat aur koft ko yād rakhte ho: ki tum ne is liye, ki tum men se kisī par bār naho, rāt din dastkārī karke tumhen Ḳhudā kī injīl kī maṇādī sunāī. 10 Tum gawāh ho, aur Ḳhudā bhī hai, ki tum men jo imān lāe, ham kyā hī pāk, aur rāst, aur beaib the. 11 Chunānchi tum jānte ho, ki ham tumhen harek kī yūṅ minnat karte, aur dilāsā dete, aur nasīhat karte the, jaise bāp apne bachchon ko. 12 Tāki tum us Ḳhudā ke lāiq chalo; jis ne tumhen apnī bādshāhī aur jalāl men bulāyā.

13 Is wāste hamesha Ḳhudā ke ham shukrguzār haiṅ, ki jab wuh kalām jo Ḳhudā kā hai, jise ham sunāte haiṅ, tum ko milā; tum ne use ādmīon kā kalām nahīṅ, balki Ḳhudā kā kalām jānkar, ki wuh haqīqat men aisāhī hai, qabūl kiyā, aur wuh tum imāndāron men asharr kartā hai. 14 Is liye ki tum, ai bhāīo, Ḳhudā kī majlisīon ke jo Yihūdiya men Masīh Yisū kī haiṅ, pairau hūe: kyūnki tum ne bhī apne ham qaumon se wahī dukh pāe, jo unhon ne Yihūdīon se. 15 Jinhon ne Ḳhudāwand Yisū aur apne nabīon ko mār ḍālā, aur hamen satīyā; aur we Ḳhudā ko ḳhūsh nahīṅ āte, aur sāre ādmīon ko muḳhālif haiṅ. 16 Aur is liye, ki un ke gunāh hamesha kamāl ko pahunchte raheṅ; we ham ko mana karte haiṅ, ki ham gair qaumon ko wuh kalām na sunāweṅ, jis se un kī najāt ho, aur un par gazab intihā ko pahunchā.

17 Par ham ne ai bhāīo, tum se thoṛī maddat tak dil se nahīṅ

zâhir men judâ hoke kamâl arzû se nihâyat koshish kî, ki tumhârâ munh dekhē. 18 Is wâste ham ne, yâne main ne jo Paul hūn, ek yâ do bâr châhâ, ki tumhâre pās áún; par Shaitân ne hamēn rokâ. 19 Ki hamâri ummed aur k̄húshî, aur faḡhar kâ táj kyâ hai? kyâ tumhî hamâre K̄hudâwand Yisú Masîh ke sâmhne us ke áte waqt na hoge? 20 Yaqínân tum kî hamâre jalâl, aur k̄húshî ho.

### III. BAB.

1 Is wâste jab ham ziyâda bardâsht kar na sake, to rázî hûe ham Asiâ men akele rah jáwē; 2 Chunânci ham ne Timoteus ko jo hamârá bhái, aur K̄hudâ kâ k̄hâdim, aur Masîh kî injíl men hamârá ham k̄hidmat hai, bhejá, ki wuh tum ko tumhâre ímán men mazbút kare, aur tasallí de. 3 Táki tum un musíbaton se lagzash na kháo; kyúnci tum áp jánte ho, ki ham un hí ke liye muqarrar hûe hain. 4 Aur jab ham tumhâre pās the, tumhen áge se kahâ, ki ham musíbat men parenge; chunânci wahí húa, aur tum jánte ho. 5 Is wâste jab main aur ziyâda bardâsht na kar sakâ, tab tumhârâ ímán daryâft karne ko bhejá, na howe, ki imatihân karnewâle ne tumhârâ imtihân kiyâ ho, aur hamâri mahabbat befâida ho gaí ho.

6 Par ab Timoteus jab tumhâre pās se hamâre pās áyâ, aur tumhâre ímán aur mahabbat kî k̄húsh k̄habarí láyâ, aur kahâ, ki tum hamârá zikr k̄hair hamesha karte ho, aur tum hamâre dekhne ke mushtâq ho, jaise ki ham bhí tumhâre hain. 7 Is liye ai bháío, ham ne apní sâri musíbat aur ihtíáj men tumhâre ímán ke sabab tum se tasallí pái: 8 Kyúnci ab ham to jíte hain, agar tum K̄hudâwand men qáim raho. 9 Ham is k̄húshî ke sabab jo hamēn tumhârâ bábat apne K̄hudâ ke zhuúr hásil húi, kyúnci us kî badle K̄hudâ kî shukrgzuári kar sake. 10 Ham rát dín bahut hí duâ mángte rahte hain, ki tumhârâ munh dekhín, aur tumhâre ímán kî kamtíán púri kare.

11 Aur K̄hudâ hamârá Bâp áp, aur hamârá K̄hudâwand Yisú Masîh, aisâ kare, ki k̄hairiat ke sâth hamârá guzar tumhâri taraf howe. 12 Aur K̄hudâwand aisâ kare, ki jaisí ham ko tum se mahabbat hai, tumhâri mahabbat bhí kyâ ápas men, aur kyâ harek ke sâth, baḡhe, aur ziyâda howe. 13 Táki jab hamârá K̄hudâwand Yisú

Masīh apne sab muqaddason ke sāth áwe, tab wuh tumháre dil hamáre Bāp Ḳhudá ke sámhne pákízagí men beaib mazbút karde.

#### IV. BĀB.

1 Garaz ai bháío, ham tum se Ḳhudáwand Yisú ke wáste arz aur minnat karte hain, ki jaisá tum ne ham se síkhá, ki kis tarah chalná, aur Ḳhudá ko rázī rakhná zarúr hai, un men tarqí karo. 2 Ki tum jánte ho, ki ham ne tum ko Ḳhudáwand Yisú kí taraf se kyá hukm die. 3 Kyúnki Ḳhudá kí marzí yih hai, ki tum pák hoke harám kárf se apne tain báz rakho. 4 Táki harek tum men se apne badan ko pákízagí aur izzat ke sāth rakhná jáne. 5 Nashahwat kí badmastí men gair qaumon kí mánind, jo Ḳhudá ko pahchánte nahín; 6 Aur koí kisí bát men apne bhái se bejá, aur us par ziyádatí na kare: kyúnki Ḳhudáwand un sab kámon ká badlálalnewálá hai; chunánchi ham ne áge bhí tum se kahá, aur gawáhí dí: 7 Ki Ḳhudá ne ham ko nápákí ke liye nahín, balki pákízagí ke wáste buláyá. 8 Is wáste jo hiqárat kartá hai, so ádmí kí nahín, balki Ḳhudá kí hiqárat kartá hai, jis ne hamen apná pák Rūh bhí diyá.

9 Āb bháíon kí mahabbat kí bábat hájat nahín, ki tumhen kuchh likhún; kyúnki tum ne ápas men mahabbat karneki Ḳhudá se tálím páí. 10 Chunánchi tum un sab bháíon se jo tamám Maqedoniá men hain, aisáhi karte ho; lekin ai bháío, ham tumhári minnat karte hain, ki tum ziyáda tarqí karo. 11 Aur jis tarah ham ne tumhen hukm kiyá, tum garibí ke sāth rahne, aur áp apne károbár karne, aur apne háthon se kám karne kí izzat ke cháhnewále ho. 12 Tá ki tum un ke áge jo báhar hain durustí se chalo, aur kisí chíz kí ihtíáj na rakho.

13 Ai bháío, main nahín cháhtá hún, ki tum un ke ahwál se jo so gae hain, ná wáqif raho, táki tum auron kí mánind náummed hai; gam na karo. 14 Kyúnki ham ne jo yaqín kiyá, ki Yisú múá, aur uṭhá, to yih bhí yaqín kiyá cháhie, ki Ḳhudá unhen jo Yisú men so gae hain, us ke sāth le áegá. 15 Ki ham tumhen Ḳhudáwand ke hukm se yih kahte hain, ki we jo ham men se Ḳhudáwand ke áne tak zinda aur báqí rahenge, un se jo so gae hain, áge na barh jáenge.

16 Kyúunki K̄hudáwand áp dhúm se muqarrab firishte kí áwáz ke sáth K̄hudá ká narsingá phúnkte húe ásmán par se utregá, aur jo Masíh men ho ke múe hai, we pahile uṭhenge. 17 Bád us ke ham men se jo jíte bachenge, un samet badlíon par nágáh uṭh jáenge, táki hawá men K̄hudáwand se mulíqát karen: so ham K̄hudáwand ke sáth hamesha rahenge. 18 Pas tum in báton se ápas men ek dúsre ko tasallí do.

### V. BĀB.

1 Par ai bháío, tumhen us kí hájat nahín, kí waqton aur mausimon kí bábat kuchh tumhen likhún. 2 Is wáste ki tum áp k̄húb jánte ho, ki K̄hudáwand ká din is tarah áegá, jis tarah rát ko chor átá hai. 3 Jis waqt log kahte honge, ki salám atí aur beḳhatrí hai; tab jis tarah hámila ko dard lagte hotá hai, un par nágahání halákat áwegí, aur we na bachenge.

4 Par tum ai bháío, táríkí men nahín ho, ki wuh din chor kí tarah tum par á paṛe. 5 Tum sab núr ke farzand aur din kí aulád ho; ham rát ke nahín, aur na táríkí ke hai. 6 Is wáste cháhie, ki auron kí tarah na soen, balki bedár aur hoshyár rahen. 7 Kyúunki jo sote hai, so ráthí ko sote hai; aur jo matwále hote, rát hí ko matwále hote hai. 8 Par ham jo din ke hai, ímán o mahabbat ká baktar, aur naját kí ummed ká k̄hod pahin kar, jágte rahen; 9 Kyúunki K̄hudá ne ham ko gazab ke liye nahín, balki is liye muqarrar kiyá, ki ham apne K̄hudáwand Yisú Masíh se naját hásil karen. 10 Ki wuh hamáre wáste múá, táki ham kyá jágte, kyá sote, us ke sáth jien. 11 Is liye tum ek ek ko tasallí do, aur ek dúsre kí tarqi cháho; chunánchi tum karte bhí ho.

12 Aur ai bháío, ham tum se arz karte hai, ki tum un ko jo tum men mahabbat karte, aur K̄hudáwand ke kám men tumháre sardár hai, aur tum ko nasíhat karte hai, máno. 13 Aur un ke kám ke sabab mahabbat se unkí baṛí izzat karo, aur ápas men mile raho. 14 Aur ai bháío, ham tumhári minnat karte hai, ki tum kajron ko nasíhat karo; záif dílon ko dilásá do kamzoron ko sambhálo; sab kí bardásht karo.

15 Dekho koí kisí se badí ke iwaz badí na kare ; balki tum har waqt ek dúsre se, aur sab se, k̄húsh sulúki karo.

16 Hamesha k̄húsh raho. 17 Nit duá mángo. 18 Harek bát men shukrguzári karo ; kyúнки Masíh Yisú men tumhári bábat K̄hudá kí bhí marzí hai.

19 Rúh ko mat bujháo. 20 Nabuwaton kí hiqárat na karo. 21 Sári báton ká imtihán karo ; bihtar ko ikhtiyár karo. 22 Harek badí kí súrat se dúr raho.

23 Aur wuh jo salámatí ká K̄hudá hai, áphí tum ko bilkull pák kare, aur tumhárá sab kuchh, yáne tumhári Rúh aur ján, o badan hamáre K̄hudáwand Yisú Masíh ke áne tak beaib salámat rahe. 24 Jis ne tumhen buláyá, wuh sachchá hai ; wuhaisáhi karegá.

25 Bháío, hamáre wáste duá mángo. 26 Säre bháíon ko pák bose leke salám karo. 27 Main tumhen K̄hudáwand kí qasam detá hún, ki yih k̄hatt säre muqaddas bháíon men parhwáo.

28 Hamáre K̄hudáwand Yisú Masíh ká fazl tum par howe. *Amín.*

---

## PAUL KA DU'SRA K̄HATT TESSALONI'QON KO.

---

### I. BĀB.

1 Paul aur Silwánus aur Timoteus kí taraf se Tessaloníqon kí majlis ko, jo hamáre Báp K̄hudá aur K̄hudáwand Yisú Masíh men hai : 2 Hamáre Báp K̄hudá aur K̄hudáwand Yisú Masíh kí taraf se fazl aur salámatí tumhare liye howe.

3 Bháío lázim hai, ki ham tumháre liye hamesha K̄hudá ká shukr karen ; chunánchi munásib hai is liye, ki tumhárá ímán ziyáda hotá játá hai, aur tum sab men se harek kí mahabbat dúsron ke sáth barhtí játí hai. 4 Yahán tak ki ham áp K̄hudá kí majlisíon men tumháre sabab faḡhar karte hain, ki un sab dukh aur musíbaton men jo tum sahte ho, tumhárá sabr aur ímín záhir hotá hai : 5 K̄hudá ke sachche insáf ká yih ek namúna hai, ki tum K̄hudá kí bádsháhi ke láiq gine jáo, jis ke liye tum dukh páte ho. 6 Kyúнки

Ḳhudá ke nazdík insáf yih hai, ki jo tumhen aziyat dete hain, unhen aziyat, aur tumhen jo aziyat páte ho, hamáre sáth áram de; 7 Us waqt ki Ḳhudáwand Yisú ásmán se apne zabardast frishton ke sáth bharaktí ág men záhir hogá. 8 Aur un se jo Ḳhudá ko nahín pahchánte, aur hamáre Ḳhudá wand Yisú Masíh kí injíl ko nahín mánte, badlá legá. 9 We Ḳhudáwand ke chihre se, aur us kí qudrat ke jalál se, abadí halákat kí sazá páwenge; 10 Us din jab wuh áwegá, ki apne muqaddason se jalál páwe, aur apne sab ímándáron men tájjub ká báis ho.

11 Kyúнки tum hamará gawáhi par ímán láe, so ham tumháre liye sadá duá mángte hain, ki hamará Ḳhudá tumhen is buláhat ke láiq jáne, aur nekí kí sab ḳhúshí, aur ásmán ke kám ko qudrat se púra kare. 12 Táki hamáre Ḳhudá au Ḳhudáwand Yisú Masíh ke fazl ke muwáfiq, hamáre Ḳhudáwand Yisú Masíh ke nám ká jalál tum men, aur tumhárá us men, ho.

## II. BAP.

1 Bháío, ham apne Ḳhudáwand Yisú Masíh ke áne, aur apne us pás jama hone kí bábat tum se arz karte hain. 2 Ki tum is ḳhiyál se ki Masíh ká din á pahunchá hai, jald apne dil kí dháras mat khawo, aur na ghabráo; na kisí rúh, na kisí kalám, na kisí ḳhatt se; yih soch kár ki wuh hamárá taraf se hai. 3 Koí tumhen kisí tarah se fareb na de; kyúнки wuh din nahín áwegá, magar jabtak ki pahile bargashtagí naho, aur wuh gunáh ká shakhs, yáne halákat ká farzand záhir nahowe; 4 Jo harek ká, ki Ḳhudá yá mábúd dikhlátá hai, muḳhálif hai; aur un se áp ko bará samajhtá hai, yahán tak ki wuh Ḳhudá ke haikal men Ḳhudá ban baiṭhegá, aur apne tain dikháwegá, ki main Ḳhudá hún.

5 Kyá tumhen yád nahín, ki main tumháre sáth hote húe tumhen yih báten kahtá thá? 6 Aur tum us ko jánte ho, jo ab roktá hai, táki wuh apne waqt par záhir ho. 7 Ki badkarí ká bhed ab bhí to tásír kartá játá hai: sirf itná zarúr hai, ki wuh jo abtak roknewálá hai, bích se dúr kiyá jáe. 8 Tab wuh badkár záhir hogá, jise Ḳhudáwand apne munh ke dam se halák, aur apne áne kí tajallí se nest

kardegá. 9 Jis ká áná Shaitán ke kie ke muwáfiq kamál qudrat, aur jhúthe nishán, aur achambhon, aur halák honewálon ke darmi-yán, sharárat kí kamál dagábází ke sáth hogá. 10 Is wáste, ki unhon ne rástí kí mahabbat ko, jis se we naját páte, ikhtiyár na kiyá. 11 Aur is liye K̄hudá un pás tásír karnewáli dagá bhejegá, yahán tak ki we jhúth ko sach jánege. 12 Taki we sab jo sachcháí par ímán na láe, balki nárástí se rá zítthe, sazá páwen.

13 Par ai bháío, K̄hudáwand ke piyáro, lázim hai, ki ham tumháre wáste hamesha K̄hudá kí shukrguzári karen, ki K̄hudá ne tumhen auwal se chun liyá, ki tum Rúh se pákízagí hásil karke, aur sachcháí par ímán láke, naját páo. 14 Jis ke liye tumhen hamári injíl ke wasíle buláyá, ki tum hamáre K̄hudáwand Yisú Masíh ká jalál hásil karo.

15 Pas is wáste, ai bháío, mazbút raho, aur un báton ko jo tumháre supurd húin, jinhen tum ne kalám, yá hamáre khatt se síkhá thá, bahne raho. 16 Ab hamára K̄hudáwand Yisú Masíh áp, aur hamára Báp K̄hudá jis ne hamen piyár kiyá, aur hamen fazl se hamesha kí tasallí aur achchhí ummed dí, 17 Tumháre dilon ko tasallí dewe, aur tum ko harek achchhe qaul aur fial men mazbút kare.

### III. BAB.

1 Báqí, ai bháío, hamáre haqq men yih duá karo, ki K̄hudáwand ká kalám phail jáwe, aur aisá jalál páwe, jaisá tum men hai. 2 Aur yih ki ham námáqúl, aur bure ádmíon se, chhuṭkára páwen: kyúnci sab men ímán nahín. 3 Par K̄hudáwand imánatdár hai, wuhtum ko mazbút karegá, aur bure se bacháegá. 4 Aur tumhári bábat K̄hudáwand par hamára yaqín hai, ki tum un hukmon par jo ham tumhen dete hain amal karte ho, aur karoge bhí. 5 K̄hudáwand tumháre dilon ko K̄hudá kí mahabbat, aur Masíh ke sabr kí taraf, hidáyat kare.

6 Aur ai bháío, ham apne K̄hudáwand Yisú Masíh ke nám se tumhen hukm karte hain, ki tum harek bhái se jo kajrúí ke sáth, aur us sompí húi bát ke, jo ham se milí, barkhiláf chaltá hai, kinára

karo. 7 Kyúnki tum áp jánte ho, ki hamáří pairawí kyúnkar kiyá cháhíe; ham to tumháre darmiyán kajrúí ke sáth chalte na the. 8 Aur kisé kí roṭí muft na kháthe the, balki mihnat aur mashaqqat ke sáth ráat din kám karte the, táki kisé par tum men se bojh nahowen. 9 Na iswáste, ki ham ko iḡhtiyár na thá, par is liye ki ham áp ko tumháre liye namúna ṭhahráwen, táki tum hamáří pairawí karo. 10 Aur jab ham tumháre sáth the, tab ham ne tumhen yih hukm kiyá, ki jo koí kám na kare, wuh kháne ko na páe. 11 Ham sunte hain ki tum men se kisé ek kajrúí ke sáth chalte, aur kuchh kám nahín karte, balki aison ke kám men daḡhal karte hain. 12 Ham apne Ḳhudáwand Yisú Masíh se auron ko hukm dete hain, aur unkí minnat karte hain, ki we chupcháp kám karke apne hí roṭí kháen. 13 Aur ai bháío, tum nek kám karne men hár najáo. 14 Par agar koí hamáří is bát ko, jo ḡhatt men hai, na máne, to use ján rakho, aur us se mile na raho, táki wuh sharminda howe. 15 Lekin use dushman na samjho, balki bhái ján ke nasíhat karo. 16 Ab salámatí ká Ḳhudáwand, áphí tum ko hamesha har tarah se salámatí baḡhshe. Ḳhudáwand tum sab ke sáth rahe.

17 Mere dastḡhatt se mujh Paul ká salám; wuh harek ḡhatt men nishán hai; usí tarah main likhtá hún. Hamáre Ḳhudáwand Yisú Masíh ká fazl tum sab par ho. Amín.

---

## PAUL KA PHILA ḲHATT TIMOTEUS KO.

---

### I. BĀB.

1 Paul kí taraf se, jo hamáre bachánewále Ḳhudá, aur hamáre ummedgáh Ḳhudáwand Yisú Masíh ke hukm se, Yisú Masíh ká Rasúl hai: 2 Timoteus ko jo ímán men farzand haqíqí hai, fazl, rahm aur salámatí hamáre Báp Ḳhudá aur hamáre Ḳhudáwand Yisú Masíh kí taraf tujh par howe.

3 Main ne Maqedoniá játe waqt tujh se iltimás kiyá thá, ki Efesus men raho, táki tú bázon ko tákíd kare, ki aur tarah kí tálím na



dewen, 4 Aur kaháníon aur behadd nasabnámon par liház na kare; yih sab kuchh takrár ká báis hotá hai, na ki tarbiat iláhi ímání ká.

5. Aur hukm ká k̄hulása wuh piyár hai, jo pák dil aur neknít, aur bemakr ímán se hotá hai. 6 Par báze in se phir ke behúda bakwás kí taraf mutawajji húe: 7 Ki shariát ke ustád baná cháhte hain; aur nahín samajhte ki kyá kahte, aur kin báton par hujjat karte hain. 8 Par ham jánte hain, ki shariát achchhi hai, bashartíka koí use shariát ke taur par kám men láwe; 9 Aur yih jáne, ki shariát ádil ke wáste nahín, balki beshara o ná farmánbarbár, o bedín, o gunahgár, o nápák, o shuhdá, aur má báp ká márdálnewálá, aur k̄húni, 10 Aur harámkár, aur laundebáz, aur bardafarosh, aur jhúthe, aur jhúti qasam khánewálon ke wáste, aur un ke siwá jo kuchh sahíh tálím ke barkhiláf howe, us ke wáste hai, 11 Us mubáarak K̄hudá kí jalálwáli injíl ke muwáfíq jo mujhe sompí gaí hai.

12 Aur main apne K̄hudáwand Masíh Yisú ká, jis ne mujhe qudrat dí, shukrguzár hún, ki us ne mujhe imánatdár samajhkar k̄hidmat par muqarrar kiyá. 13 Main to áge kufr bakne, aur satánewálá, aur jabrkarnewálá thá; lekin mujh par rahm húa, is wáste ki main ne jab ímán na láyá thá, nádání men kiyá jo kiyá. 14 Aur hamáre K̄hudáwand ká fazl, ímán, aur piyár samet, jo Masíh Yisú men hai, bahut ziyáda húa. 15 Yih diánat kí bát aur bálkull pasand ke láiq hai, ki Masíh Yisú gunahgáron ke bacháne ko dunyá men áyá; aur main un sab men bará gunahgár hún. 16 Lekin mujh par is liye rahm húa, ki Yisú Masíh mujh bare gunahgár par kamál sabr záhir kare, táki main un ke wáste, jo us par hamesha kí zindagí ke liye ímán láwenge, namúna banú. 17 Ab azlí bádsháh, gairfání nádídání, wáhid, hakím, K̄hudá kí izzát aur jalál hamesha hamesha ko howe. Amín.

18 Ai farzand Timoteus, main tujhe un nabuwaton ke muwáfíq, jo áge terí bábat kí gaí, yih hukm detá hún, táki tú un nabuwaton ke wasíla se achchhi larái lae. 19 Aur ímán aur bhalí samajh par qáim rahe; jis se bázon ne kinára karke ímán kí náu torí. 20 Unhen men se Himanaius aur Sikandar hain, jinhen main ne Shaitán ko sompá, táki we tambíh páke phir kufr na baken.

## II. BAB.

1 Ab sab se pahile main iltimás kartá hún, ki munájáten, aur duáen, aur sífárisheñ aur shukrguzárián, sáre ádmíon ke liye kí jáweñ ; 2 Bádsháhoñ aur martabawáloñ ke liye ; táki ham kamál dándári, aur munásib taur se, chain aur áram ke sáth zindagání guzráneñ. 3 Kyúнки hamáre naját denewále K̄hudá ke áge yihí k̄húb aur pasandída hai. 4 Wuh cháhtá hai, ki sáre ádmí naját páweñ, aur sachcháí kí pahchán tak pahunchen. 5 Ki K̄hudá ek hai, aur K̄hudá aur ádmíon ke bích ek ádmí darmiyání hai, wuh Masíh Yisú hai. 6 Jis ne apne tain sab ke kafára meñ diyá, ki barwaqt us kí gawáhí dí jáwe. 7 Us ke liye main manádí karnewálá aur rasúl muqarrar húa; main Masíh meñ sach boltá hún, aur jhúth nahín kahtá, main gair-qaumon ko ímán aur sachcháí síkhlánewálá hún.

8 Pas merí marzí yih hai, ki mard har makán meñ begussa aur behujjat pák háthoñ ko uṭháke duá mánge. 9 Aur yún hí auraten bhí munásib poshák se sharam aur tamíz ke sáth áp ko sanwáren, na ki gúndhane, aur sone, aur motíon, aur qímatí libás se. 10 Balki jáisá auraton ko jo K̄hudá parastí ká iqrár kartí hain, munásib hai, ki áp nek kámon se sanwáren.

11 Cháhie ki aurat chup cháp kamál farmán bardári se síkhe. 12 Aur main parwángí nahín detá, ki aurat síkhláweñ, aur áp shauhar par hákim ban baiṭhe, balki k̄hámoshí ke sáth rahe. 13 Kyúнки pahile Ádam banáyá gayá, bád us ke Hawá. 14 Aur Ádam ne fareb nahín kháyá, par aurat fareb kháke gunáh meñ phansí. 15 Lekin ye janne ke sabab bach jáengí, aur we ímán, aur mahabbat, aur pákízagí meñ hoshyári ke sáth mazbút raheñ.

## III. BAB.

1 Yih bát sach hai, ki jo koí majlis kí nigahbání kí árzú rakhtá, achchhe kám ko cháhtá hai. 2 Pas cháhie, ki nigahbán beaib ek jorú ká shauhar parhezgár, sáhib tamíz, sháyasta, musáfirdost, tálím-qádir ho ; 3 Na ki sharábí, yá márpit karnewálá, yá nárawá nafa hásil karnewálá ; balki miána-rú ho, takrári aur lálachí na ho ; 4 Aur apne

ghar ká baḡhúbí bandobast karne, aur kamál durustí ke sáth laḡkon ko hukm men rahke; 5 Ki agar koí apneḡí ghar ká bandobast na kar jáne, wuh Ḳhudá kí majlis kí ḡhabardáří kyúnkar kareḡá? 6 Aur naiá mured na ho, kahín wuh ḡarúr karke Shaitán kí tarah azáb men paḡe. 7 Aur cháhie ki wuh báhar wálon ke nazdík bhí neknám ho; tá naho ki wuh malámat uḡháwe, aur Shaitán ke phande men phans jáwe.

8 Isí tarah ḡhádim bhí durustí ke sáth rahen, na ki do zabán, yá sharábí, yá ná rawá nafa uḡháne wále; 9 Aur ímán ke bhed ko sáf dil se yád kar rakhen. 10 Aur ye pahile ázmáe jáwen; us ke bád agar beaib ḡhaharen, to ḡhidmat karen. 11 Isí tarah unkí jorúán bhí durustí ke sáth rahen, na ki tuhmatí, balki parhezḡár, aur sáří báton men diánatdár howen. 12 Ḳhádim ek ek jorú karen, aur apne bachchon aur apne gharon ká baḡhúbí bandobast karte hon. 13 Kyúnki jinhon ne achchhí tarah ḡhidmat kí, so apne liye achchhá darja aur us ímán men, jo Masíh Yisú par hai, bahut sí dilerí paidá karte hain.

14 Main is ummed par ki jald tujh pás áún, ye báten tujhe likhtá hún: 15 Agar derí ho jáe, to tú un baton se ján rakhío, ki Ḳhudá ke ghar men jo zinda Ḳhudá kí majlis, aur rástí ká satún, aur ḡík hai, kyúnkar guzrán kiyá cháhie. 16 Aur bálá tafáq dándáří ká baḡá bhed hai: Ḳhudá jism men záhir húa, Rúh se rást ḡhahrá, frishton ko nazar áyá, gair-qaumon men us kí manádí húi, dunyá men us par ímán láe, jalál men uḡháyá gayá.

#### IV. BĀB.

1 Rúh sáf farmátá hai, ki áḡhirí zamáne men kitne ímán se bargashta honge, ki we gumráh karnewálí rúhon aur dewon kí tálímon se já lipaḡenge: 2 Jo makr se jhúḡh bolenge: jin ká dil sun ho gayá hai; 3 Aur we byáh karne se mana karenge; aur hukm karenge, ki wuh kháná na kháo, jinhen Ḳhudá ne paidá kiyá, ki ímándár aur sachcháí ke jánne wále shukrguzáří ke sáth unhen kháwen. 4 Kyúnki Ḳhudá kí paidá kí húi harek chíz achchhí hai, aur inkár ke láiq nahín; agar shukr karke kháwen. 5 Is wáste ki wuh Ḳhudá ke kalám aur duá se pák hotí hai.

6 So agar tú bháíon ko yih báten yád diláwe, to tú ímán aur is

achchhī tálīm kí báton se jis ko tú ne sire se baḡhúbí daryáft kiyá, tarbiat páke Yisú Masíh ká achchhá ḡhádīm baná rahegá. 7 Par behúda aur burhíon kí kaháníon se munh moṛ, aur díndárí men riázat kar. 8 Ki badiní riázat ká fáida kam hai; par díndárí sab báton ke wáste fáidamand hai, ki ab kí aur áinda kí zindagí ká wáda usí ke liye hai. 9 Yih bát sach aur kamál qabúliat ke láiq hai. 10 Hamará mihnat karná aur lán tán sahná is liye yai, ki ham ne zinda Ḳhudá par, jo sab ádmíon ká ḡhás kar ímándáron ká bachánewálá hai, bharosá kiyá. 11 Un báton ko farmá aur síkhá.

12 Kisí ko apní jawání kí hiqárat na karne de; balki bol chál, aur mahabbat, aur mihr, aur rúh, aur ímán, aur pákízagí se ímándáron ke liye namúna ban. 13 Jab tak main áún, to parhtá nasíhat kartá, tálīm detá, rah. 14 Tú us niamat se jo tujh men hai, aur tujhe nabuwat kí ráh se, Qasíon ke háth rakhne ke áth milí, na gáfal ho. 15 Un báton ko dhyán men rakh; unhí ká ho rah; táká terí tarqísab záhir par howe. 16 Apní aur apní tálīm kí chaukí rakh, un par qáim rah, kyúnci yih karke tú áp ko aur unko jo terí sunte hain bácháegá.

#### V. BĀB.

1 Tú kisí burhe ko malámat na kar, balki us kí us tarah minnat kar, jis tarah báp kí kartá hai; aur jawánon kí yún, jaise bháíon kí; 2 Aur burhíon kí yún jaise má kí; aur jawán auraton kí yún, jaise bahínon kí kamál pákízagí se.

3 Rándon kí, jo haqíqat men ránd hain, hurmat kar. 4 Agar kisí ránd ke beṭe yá púte hon, to we yih síkhen, ki pahilí apne ghar men díndárí banen, aur báp dádon ká haqq adá karen; kyúnci yih bhalá aur Ḳhudá ke áge pasandída hai. 5 Aur sachchí ránd aur be kas wuh hai, jo Ḳhudá par bharosá rakhtí, aur rát din munáját aur duáon men lagí rahtí hai. 6 Par jo aish o ashrat kartí, so jíte bhí murda hai. 7 Aur tú ye báton farmá, táki we beaib ṭhaharen. 8 Agar koí apnon aur ḡhás kar apne ghar kí ḡhabargírí na kare, to ímán se munkir, aur jo ímán nahín látá, badtar hai. 9 Wuh ránd shumár men we, jo sáth baras se kam kí na ho, aur us ne ek hí shauhar ká munh

dekhá ho, 10 Aur us kí neko kárí ke gawáh hon, aur us ne lar̄kon kí tarbiat kí ho, musáfir̄on ko apne yahán utárá ho, aur muqaddason ke páon dhúe hon, aur unkí jo musíbat men giriftár hain madad kí ho, aur harek nek kám kí dhun rakhtí ho. 11 Par jawán rán̄don ko kináre kar de; kyúnci jab we Masíh ke barkhiláf nazákaten jatátin hain, to byáh kiyá cháhtí hain. 12 Aur agle ímán ko chhor ke sazá ke láiq hotí hain. 13 Aur siwá us ke we á saktí ho ke ghar ghar daurte phirná síkhtí hain; aur faqat á saktí nahín, balki bakwásí aur harkám men daḡhal karnewálí hotí hain, aur bejá báten baktí hain. 14 Is wáste merí marzí yih hai, ki jawán rán̄den byáh karen, bachche janen, aur ghar ká károbár karne, aur aisá na karen, ki mukhálif lán tán kí jagah páwe. 15 Kyúnci kisí ek abhí Shaitán ke píchhle ho lí hain. 16 Agar kisí ímándár mard yá aurat kí rán̄den hon, to wuhí unkí madad kare, aur majlis par bár naho, táki wuh un kí, jo sach sach rán̄den hain, madad kare.

17 Un Qasíson ko achchhí tarah peshwáhí karte hain, ḡhás kar un ko jo kalám aur tálím men mihnát karte hain, dúní jazá ke láiq jáno. 18 Kyúnci kitáb yih kahtí hai, Khalíán ke bail ká munh mat bándh. 19 Aur yih, ki Kám karnewálá, apní mazdúrí ká haḡdár hai.

20 Jo dáwí Qasís par ho, bagair do tín gawáhon ke mat sun. 21 Gunahgáron ko sab ke sámhne malámat kar, táki auron ko ḡhauf ho. 22 Main ḡhudá aur ḡhudáwand Yisú Masíh aur chune húe firishton ke áge yih hukm kartá hún, ki tú in báton ko bagair píchha ke amal men lá, aur kisí kí tarafdárí na kar.

23 Háth kisí par jald na rakh; aur na dúson ke gunáhon men sharík ho. Apne tain pák rakh.

24 Aur ab tú sirf pání na piyákar, balki apne házima aur aksar kamzoríon ke wáste ṡhorí wain pí.

25 Báze ádmíon ke gunáh áge záhír hain, aur adálat men pahíle hí pahunch játe hain; aur bázon ke gunáh píchhe. 25 Isí tarah nek kám bhí áge záhír hain; aur we jo aur waza ke hain, chhip nahín sakte.

## VI. BAB.

1 Jitne chákar júe ke níche hain, apne k̄háwindon ko kamál izzat ke láiq jānen, táki K̄hudá ke nám aur tálím ko koí burá na kahe.

2 Aur we jin ke k̄háwind ímándár hai, unhen is wáste ki bháí hain náchíz na jānen; balki ziyáda is liye k̄hidmat karen, ki we ímándár, aur azíz, aur niamat men sharík hain; ye báten síkhlá, aur nasíhat kar.

3 Aur agar koí dúsri tálím detá hai, aur hamáre K̄hudáwand Yisú Masíh ke sahíh kalám, aur us tálím ko jo dándári ke munásib hai qabúl nahín kartá: 4 Wuh ghamand kartá hai, aur kuchh nahín jántá, balki use bahs aur lafzí takrár karne ká marz hai, jin se dáh, aur qazia, aur badgoyá, aur badgumáníán. 5 Aur un logon kí rad badal jinkí aqlen k̄haráb ho gaí hain, aur jo sachcháí se k̄hálí hain, aur gumán karte hain, ki nafa jo hai wahí dándári hai; tú waison se pure rah.

6 Dándári to qanáat ke sáth bará nafa hai. 7 Kyúнки ham dunyá men kuchh na láe; aur záhir hai, ki kuchh lejá nahín sakte. 8 Pas agar ham ne kháná kaprá páyá, to hamáre liye bas hai. 9 Ki we jo daulatmand húá cháhte hain, so imtihán aur phande men aur bahut sí behúda aur burí k̄hwáhishon men parte hain, jo ádmíon ko tabáhi aur halákat kí daryá men dubá detí hain. 10 Kyúнки zar kí dastí sári buráíon kí jar hai: jis ke báze árzúmand hoke ímán kí ráh se bhatak gae, aur áp ko tarah tarah ke gammon se chhedá.

11 Par tú, ai mard-K̄hudá, in chízon se bhág, aur rástbázi, dándári, ímán, mahabbat, sabr, aur farotání ká píchhá kar. 12 Koshish karke ímán kí achchhí laráí larí; hamesha kí zindagí ko pakaṛ rakh, jis ke liye tú buláyá gayá, aur tú ne bahut gawáhon ke áge achchhá iqrár kiyá hai. 13 Main K̄hudá ke sámhne jo sab ko jilátá hai, aur Masíh Yisú ke huzúr jis ne Pontius Pilát ke áge achchhá iqrár kiyá, tujhe farmátá hai: 14 Ki tú us hukm ko bedág o beilzám hamáre K̄hudáwand Yisú Masíh ke záhir hone tak hifaz kar rakh; 15 Jise wuh har waqt záhir karegá, jo mubáarak aur akelá qudratwálá bádsháhon ká bádsháh, aur K̄hudáwandon ká K̄hudáwand hai: 16 Baqá faqat usí ko hai; wuh us núr men rahtá hai, jis tak koí nahín pahunch skatá; aur use kisí insán ne dekhá, na dekh saktá hai, usí kí izzat aur qudrat abadí rahe. Amín.

17 Is jahán ke daulatmandon ko hukm kar, ki magrúr na howen, aur bebunyáp daulat par bharosá na karen, balki zinda K̄hudá par jis ne hamen sab kuchh bahutáyat se diyá, tá ki k̄húshí se guzrán karen. 18 Aur yih ki we neko-káří aur bhale kám se daulatmand, aur saḡháwat par taiyár, aur bánṭne par mustaid rahen; 19 Aur áinda ko apne ek bhalí bunyád paidá kar rakhen, táki hamesha kí zindagí páwen.

20 Ai Timoteus, imánat ko hifázat se rakh, aur bedíní kí behúda báton se aur un takráron se, jinhen jhúṭh múṭh ilm samajhte hain, munh phere. 21 Jis ká báze iqrár karke ímán kí ráh se bhaṭak gae hain: Fazl tujh par howe. Amín.

---

## PAUL. KA DUSRA K̄HATT TIMOTEUS KO.

---

### I. BĀB.

1 Paul jo us zindagí ke wáde ke muwáfiq jo Masíh Yisú men hai, K̄hudá kí marzí se Yisú Masíh ká Rasúl hai: 2 Piyáre beṭe Timoteus ko fazl, rahm aur salámatí Báp K̄hudá, aur hamáre K̄hudáwand Masíh Yisú kí taraf se, howe.

3 K̄hudá ká main shukr kartá hún, jis kí bandagí báp dádon ke taur par pák dil se kartá hún, ki apní duáon men rát din balánága terá zikr kartá; 4 Aur tere ánsúon ko yád karke tere dekhne kí árzú rakhtá hún, táki k̄húshí se bhar jáún; 5 Aur mujhe wuh terá beriyá ímán yád hai, jo pahile terí mání Lois, aur terí má Yúníká ká thá, aur mujhe yaqín hai, ki terá bhí hai. 6 Is sabab se main tujhe yád dilátá hún, ki tú K̄hudá kí us niamat ko, jo mere háth rakhne se tujhe milí, phir ke sulgá. 7 Kyúnki K̄hudá ne ham ko ḍarpokní Rúh nahín, balki qudrat, aur mahabbat, aur hoshyáří kí dí hai. 8 Is wáste tú hamáre K̄hudáwand kí gawáhí se, aur mujh se jo us ká qaidí hún, sharminda naho, balki K̄hudá kí qudrat se injíl ke dukhon men sharík ho; 9 Ki us ne hamen bacháyá, aur pák buláhaṭ se buláyá; na hamáre kámon ke sabab se, balki apne iráde hí, aur us

niamat se jo Masīh Yisú ke wáste azal men hamen dí gai; 10 Aur ab hamáre bacháne wále Yisú Masīh ke zahúr se záhir húi, ki jis ne maut ko nest kiyá, aur zindagí aur baqá ko injíl se roshan kar diyá: 11 Main us ke liye manádí karnewálá, aur rasúl, aur gair qaumon ká ustád muqarrar húa hún. 12 Aur isí liye main yih dukh pátá hún; lekin main sharmátá nahín, is wáste ki use jis par ímán láyá hún, jántá hún; aur mujhe yaqín hai, ki wuh merí amánat kí us din tak rakhwáli kar saktá hai.

13 Tú un sahíh báton ko, jo tú ne mujh se sunín, us ímán aur mahabbat ke sáth jo Masīh Yisú men hai, namúna baná rakh. 14 Tú Rúh i Quds ke wasíle se, jo ham men bastá hai, achchhí amánat kí nigahbání kar.

15 Tú yih jántá hai, ki Asíá ke sab log, jin men se Figellus aur Harmogenis hain, mujh se phir gae. 16 K̄hudáwand Onesíforus ke ghar par rahm kare; kyúнки us ne bahut bār mujhe táza dam kiyá, aur merí zanjír se sharminda na húa. 17 Balki us ne Rúm men hote mujhe koshish se dhúndhá, aur páyá. 18 K̄hudáwand use yih baḡhshe, ki us din K̄hudáwand ká rahm us par ho; aur jo k̄hidmaten us ne phir Efesus men kí, tú unhen k̄húb jántá hai.

## II. BĀB.

1 Pas ai mere farzand, tú us fazl se, jo Masīh Yisú men hai, mazbút ho. 2 Aur merí un báton ko, jo tú ne bahut se gawáhon ke sámhne sunín hain, aise amánat dáron ke supurd kar, jo auron ko síkhá sake. 3 Par tú Yisú Masīh ke bare sipáhhí kí mánind dukh sah. 4 Jo koí sipáhgíri kartá, apne tain dunyá ke muámalen men nahín uljhátá, táki wuh usko k̄húsh kare, jis ne sipáhgíri ke liye use chun liyá. 5 Aur agar koí kushtí kare, to táj nahín pátá, magar jab qáide ke muwáfiq kushtí kare. 6 Kisán ko cháhíe, ki pahile mihnát kare, tab phalon men hissa páwe. 7 Jo báten main kahtá hún, tú un ko soch rakh, aur K̄hudáwand tujhe sab báton kí samajh dewe.

8 Yád rakh, ki Yisú Masīh jo Dáud kí nasl se hai, murdon men se jí uthá, merí injíl ke muwáfiq. 9 Jis ke liye main badon kí mánind yahán tak dukh patá hún, ki band men hún; par K̄hudá ká kalám



band nahīn hotá. 10 So main chune hoon ke liye sabhī kuchh saktá hūn, táki us naját ko jo Yisú Masíh se hai hamesha ke jalál samet hásil karen. 11 Yih bát sach hai, ki agar ham us ke sáth maren, to ham us ke sáth jienge bhí; agar ham us ke sáth dukk uṭháwe, to us ke sáth bádsháhí bhí karenge. 12 Agar ham us ká inkár karen to wuh bhí hamará inkár karegá. 13 Agarchi ham beímán ho jáwe, par wuh amánatdár rahtá hai, wuh ap apná inkár kar nahīn saktá.

14 Tú yih báten yád dilá, aur Kḥudáwand ke sámhne yih gawáhí de, ki we lafzon kí takrár na karen, ki us se kuchh hásil nahīn, magar yih kí sunnewále ḍag jáwe. 15 Koshish karke tú apne tain maqbúl, aur aisá kárigar jo sharminda na ho, aur sachche kalám ká durustí se tafsíl karnewálá Kḥudá ko kar dikhlá. 16 Par burí aur behúda báton se parhez kar, kyúnci we ákhir ko bedíní ke darjon men tarqí karenge. 17 Aur unká kalám kḥure kí bímárí kí tarah khátá chalá jáegá, aur un men se Himanaius aur Filetus hain; 18 We yih kahke, ki Qiyámat ho chukí, sachcháí se phir gae, aur bázon ká ímán ḍigá dete hain.

19 To bhí Kḥudá kí bunyád mazbút rahtí hai, aur us par yih muhr hai, ki Kḥudáwand unhen, jo us ke hain, pahchántá hai. Aur yih kí harek jo Masíh ká nám letá hai, badí se báz rahe. 20 Par bare ghar men faqat sone rúpe hí ke bartan nahīn; balki káṭh aur miṭṭí ke bhí hote hain; aur báze izzat, anr báze zullat ke hain. 21 Is liye agar koí apne tain un se pák sáf kare, to wuh izzat ká bartan, aur pák aur málik ke kám ká, aur harek achchhe kám ke liye taiyár hogá.

22 Jawání kí kḥwáhishon se dúr bhág, aur un sab ke sáth jo pák dil se Kḥudáwand ká nám lete hain, rástbází, aur ímán, aur mahab-bat aur sulh kí pairawí kar. 23 Par bewaqúfí aur nádání ke hujjaton se kinára kar; ki tú jántá hai, ki we jhagre paidá kartí hain. 24 Aur munásib nahīn, ki Kḥudáwand ká banda jhagrá kare, balki sab se narmí karnewálá, aur sikhláne par mustaid, aur dukhon ká sahnewálá howe. 25 Aur unhen jo muqábala karte hain, farotaní se samjháwe ki sháyad unhen Kḥudá tauba baḳhshe, táki we sachcháí ko pahchānen. 26 Aur we jinhen Shaitán ne jítá shikár kiyá hai, táki us kí marzí par chale, hoshyár ho kar us ke phande se chhatīn.

## III. BĀB.

1 Tú yih ján rakh, ki ákhirí zamáne men̄ din bure áwenge. 2 Admí k̄hodgaraz, zardost tarhánknewále ghamandí kufr karnewále, má báp ke ná farmánbardár, ná shukre, ná pák; 3 Bedard, kína war, tuhmatí, náparhezgár, berahm, nekon̄ ke dushman, 4 Dagábáz, beliház phulnewále, K̄hudá se ziyáda ishrat ko cháhnewále; 5 Aur dindár, kí súrat men̄ hoke us kí qudrat ká inkár karengc : tú aison̄ se dúr rah. 6 Kyúнки un men̄ se we hain̄, jo gharon̄ men̄ ghusá karte hain̄, aur un chhuchhúrí randíon̄ ko jo gunáhon̄ tale dabēn̄, aur tarah tarah kí shahwaton̄ ke bas men̄ phans gaí hain̄, 7 Aur hamesha tálím pátí hain̄, aur sachcháí kí pahchán tak hargiz pahunch nahín saktín, giriftár karte hain̄. 8 Aur jis tarah Yanís aur Yambrís ne Músá sáká mhná kiyá, usí tarah ye bhí sachcháí ke muḁhálif k̄haráb aql, aur ímán kí bábat ná maqbúl hain̄. 9 Par we áge na barhenge, is wáste ki unkí nádání sab par záhír ho jáengí, jis tarah un kí húí.

10 Par merí tálím, chálchalan, iráde, ímán, sabr, mahabbat, bardásht, 11 Zulm' aur dukhon̄ ko, jo Antiokh aur Iqoniá, aur Lustrá men̄ mujh par pare, túne sire se baḁhúbí daryáft kiyá; aur main̄ ne kaise kaise zulm sahe; par K̄hudáwand ne mujhe un sab se bachá liyá. 12 Balki sab ke sab jo Yisú Masíh men̄ dindárí ke sáth guzrán kiyá cháhte hain̄, dukh uḁháwenge. 13 Par bure aur dhokhebáz ádmí fareb deke, aur fareb kháke, badí men̄ áge barhte jáenge.

14 Par tú un báton̄ par jo tú ne síkhín̄, aur yaqín jánen̄, qáim rah; ki tú yih jántá hai, ki kis se síkhá. 15 Aur tú larháí se muqaddas kitábon̄ se wáqif hai, we tujhe Masíh Yisú par ímán láne se naját kí dánái baḁhsh saktí hai. 16 Sári kitáb ilhám se hai, aur tálím ke aur ilzám ke, aur sudhárne ke, aur rástbází men̄ tarbiyat ke wáste fáidamand hai : 17 Táki mard K̄hudá kámil aur harek nek kám men̄, taiyár ho.

## IV. BĀB.

1 Pas main̄ K̄hudá aur K̄hudáwand Yisú Masíh ke áge jo apne záhír hone, aur apní bádsháhí men̄ zindon̄ aur murdon̄ kí adálat

karegá, tákíd kartá húū; 2 Ki tú kalám kí manádí kar; waqt aur bewaqt usí meṅ mazbút rah; kamál bardásht aur tálím se ilzám de; aur malámat aur nasíhat kiyá kar. 3 Kyúinki aisá waqt áwegá, jab sahíh tálím kí bardásht na kareṅge; par kán kuchláte húe apní burí ḵhwáhishoṅ ke muwáfiq ustád buláenge. 4 Aur kánoṅ ko sachcháí kí taraf se pher ke kahánoṅ par lagáwenge. 5 So tú sárí bátoṅ meṅ paidár ho; dukh sah; injíl sunnánewá lí ká kám kar; apní ḵhidmat ko púra kar.

6 Kyúinki ab lahú ḍhálá játá hai, aur merá kuchh ká waqt á pahunchá hai. 7 Main achchhí laṛáí laṛ chuká, main daur kar chuká, main ne ímán ko nigáh rakhá. 8 Báqí rástbází ká táj mere liye dhará hai; so Ḵhudáwand jo sachchá hákim hai, us din mujhe degá; aur faqat mujhe nahín, balki un sab ko bhí jo us ke záhir hone ko cháhte haiṅ.

9 Tú koshish kartá, ki mere pás jald áwe: 10 Kyúinki Demas ne us jahán ko pasand karke mujhe chhoṛ diyá, aur Tessaloníq ko chalá gayá; Kreskans Galatiá meṅ, aur Titus Dalmatiá meṅ, gayá. 11 Luqá akelá mere sáth hai; tú Marq ko apne sáth le á, kyúnkí wuh us ḵhidmat meṅ mere kám ká hai. 12 Main ne Tukhikus ko Efesus meṅ bhejá. 13 Tú wuh libáda jise main ne Troas meṅ Qarpus ke yahán choṛá, aur kitábeṅ ḵhás kar chamṛe ke warq letá áío.

14 Sikandar thathere ne mujh se bahut badí kí; Ḵhudáwand us ke kámoṅ ke muwáfiq use badlá de: 15 Us sé tú bhí ḵhabardár rah; kyúinki us ne hamárí bátoṅ kí bahut muḵhálifatkí.

16 Mere pahile jawáb meṅ koí merá sáthí na thá; sabhoṅ ne mujhe chhoṛ diyá; us ká hisáb unheṅ dená na paṛe. 17 Par Ḵhudáwand mere sáth rahá, aur us ne mujhe táqat baḵshí, ki merí márifat púrí manádí kí jáwe, aur sab gair qaum suníṅ, aur main babar ke mujh se chuṛáyá gayá. 18 Aur Ḵhudáwand mujhe harek bure kám se bacháwegá, aur apní ásmání bádsháhí tak bacháe rahegá; us ká jalál hamesha howe. *Amín.*

19 Priská aur Aqilá ko, aur Onesifuras ke ghar ko salám kah. 20 Erastus Qorint meṅ rahá; Trofimus ko main ne Miletus meṅ bímár chhoṛá. 21 Jaldí kar, ḵi tú jaṛe se peshtar pahunche. Eubulus

aur Pudans, aur Lenus, aur Qladiá, aur sáre bháí, tujhe salám kahte hain. 22 K̄hudáwand Yisú Masíh terí rúh ke sáth rahe: fazl tum par howe. Amín.

---

## PAUL KA K̄HATT TITUS KO.

---

### I. BĀB.

1 Paul kí taraf se jo K̄hudá ká banda aur Yisú Masíh ká Rasúl hai, K̄hudá ke chune hoon ke ímán aur us sachcháí kí pahchán ke wáste, jo duniyádáráí kí bábat hai; 2 Us hamesha kí zindagí kí ummed ke sáth jis ká wáda K̄hudá ne jo jhúth nahín boltá, zamáne ke áge kiyá; 3 Aur waqt par apne kalám ko us manádí se záhir kiyá, jo hamáre bachánewále K̄hudá ke hukm se mujhe sompí gáí: 4 Títus ko jo ámm ímán kí rú se k̄hás farzand hai, fazl, rahm aur salámatí, Báp K̄hudá aur hamáre bachánewále K̄hudáwand Yisú Masíh kí taraf se tere liye howe.

5 Main ne tujhe is wáste Qrete men chhorá, táki tú báqí chízen durust kare, aur Qasíson ko shahr ba shahr muqarrar kare, jaisá main ne tujhe hukm kiyá hai: 6 Par aison ko jo beilzám aur ek ek jorú rakhte hon, aur un ke larke ímándár, aur badchálí kí malámat se pák hon, aur kajrú na howen. 7 Kyúnki cháhie, ki nigahbán jo K̄hudá kí taraf se mukhtár hai, beilzám ho, na ki k̄hodpasand, yá gussawar, yá sharábí, yá márpít karne, aur nárawá nafa lenewálá. 8 Balki musáfir dost, nekon ká cháhnewálá, hoshyár munsif, pák parhezgár; 9 Aur tálím ke muwáfiq ímán ke kalám ko thámbhe rahe, táki wuh sahíh tálím se nasíhat karne, aur barkhiláf kahnewálon ko ilzám dene par, qudrat rakhe.

10 Kyúnki bahut se kajrú aur behúda gú aur dagábáz hain, k̄hás kar maḡhtúnon men se, 11 Jin ká munh band kiyá cháhie, ki we ná rawá nafa ke wáste, ná munásib báten sikhláke ghar ke ghar ulaḡ pulat kar dálte hain. 12 Un men se ek ne jo unká nabí thá, kahá, ki Qretí hameshajhúḡe, aur bure darinde, aur áskatí peḡú hain. 13 Yih gawáhí sach hai, is wáste tú unhen saḡhtí se malámat kar, táki we

ímán men sahíh hon. 14 Aur Yihúdion kí kahánion, aur aise ádmion ke hukmon par, jo sachchái se phir gae hain, mutawajjih na howen. 15 Pák logon ke liye sab kuchh pák hai : par nápák aur beímánon ke liye kuchh pák nahín ; balki unkí aql aur dil nápák hain. 16 K̄hudá ke pahchánne ká iqrár to karte hain, par kámon kí ráh se inkár karte hain ; we nafrat ke láiq, aur ná farmánbardár hain, aur harek nek kám kí nisbat ná maqbúl.

## II. BĀB.

1 Par tú we báten kah, jo sahíh tálím ke munásib hain : 2 Ki búrhe bedár, árásta hoshyár hon, aur ímán, aur piyár, aur sabr men sahíh. 3 Aur usítarah búrhían bhí aisí chál chalen, jaise muqaddason ke láiq hai, aur tuhmatkarnewálián, aur wain ke bas men na howen, balki achchhí báton síkhlánewalí hon : 4 Aur jo un auraton ko hoshyár kare, ki we apne k̄hasmon, aur bachchon ko piyár karen. 5 Aur hoshyár aur pákdámon, aur ghar men rahnewálián, aur k̄húsh mizáj, aur apne k̄hasmon ke kahne men howen, táki K̄hudá ke kalám kí badnámí na howe. 6 Yún hí jawánon ko bhí nasíhat kar, ki we hoshyár rahen. 7 Aur sárí báton men apne tain nek kámon ká namúna kar dikhlá, aur terí tálím k̄hális, aur durust o'bemakr, aur terá kalám sahíh, aur beaib ho ; ilzám ke láiq na ho ; 8 Táki muk̄hálif jab tuñ par aib lagáne kí kuchh waja na páwe, to sharminda ho jáwe.

9 Naukaron ko síkhá, ki apne k̄háwindon kí tábídárí kare, aur sab báton men unhen k̄húsh rakhen, aur jawáb na diyá karen. 10 Aur k̄hiyánat na kare, balki kamál amánatdárí záhir karen ; táki we hamáre bachánewále K̄hudá kí tálím ko sárí báton men raunaq dewen.

11 Kyúнки K̄hudá ká fazl jis se naját hai, sáre ádmion par záhir húá. 12 Jo hamen síkhlátá hai, ki bedíní aur dunyá kí burí k̄hwá-hishon se inkár karke, is jahán men hoshyárí, aur árástí, aur dunyá-dárí se zindagí guzránen. 13 Aur usí mubáarak ummed, aur buzurg K̄hudá, aur apne bachánewále Yisú Masíh ke jalál ke sámhne záhir hone kí ráh taken. 14 Jis ne áp ko hamáre badle diyá, táki wuh hamen sab tarah kí sharárat se chhuráwe, aur ek k̄hás ummat ko, j

nek kámon men sargarm howen, apne liye pák kare. 15 Yih báten kah nasíhat kar, aur tamám ikhtiyár se malámat kar; koí tujhe ná chíz na samjhe.

### III. BAB.

1 Unhen yád dilá, ki sardár aur muḡhtáron ke farmánbardár howen, aur hákim kí mánen, aur harek nek kám par mustaid rahen. 2 Aur kisí ke haqq men burá na kahen, laṛá nakaren, aur ham wárí, aur sab ádmion ke sáth farotaní karen. 3 Kyúnki ham bhí áge nádán, náfarmánbardár, fareb khánewále, aur rang barang kí shahwaton, aur ishraton ke bas men the, aur bad ḡhwáhí, aur ḡáh ke sáth guzrán karte, aur nafrat ke láiq, aur ápas men kína rakhte the.

4 Par jab hamáre bachánewále Ḳhudá kí mihrbání, aur piyár záhir húa, 5 Us ne ham ko rástbází ke kámon se nahín, jo ham ne kie, balki apní rahmat ke sabab nae janam ke gusl aur us Rúh i Quds ke nae banáne ke sabab bacháyá; 6 Jise us ne hamáre bachánewále Yisú Masíh kí márifat ham par bahutáyat se ḡalá; 7 Táki ham us ke fazl se rástbáz ṡhahar kar wáris banke hamesha kí zindagí ke ummedwár hún.

8 Yih bát sach hai, aur main cháhtá hún, ki tú un báton ko tákíd se kahá kar, táki we jo Ḳhudá par ímán láe hain, andesha karke nekokarí men mashḡúl rahen; ye chízen bhalí, aur ádmion ke wáste fáidamand hain. 9 Aur bewaḡfon kí sí hujjat, aur nasabnámon, aur qazion aur takráron se, jo shariát kí bábat hon, parhez kar, ki ye láhásil aur behúda hain. 10 Us shaḡhs ko jo bidátí hai, ek do nasíhat kar ke nikál de. 11 Tú jántá hai, ki waisá ádmí phir gayá hai, aur gunáh kartá, aur apne tain mulzam ṡhaharátá hai.

12 Jab main Artemas yá Tukhikus ko tere pás bhejún, tab jaldí kar, ki tú mere pás Nikopolis men áwe: kyúnki main ne ṡháná hai, ki járá wahín káṡún. 13 Faḡih Zínas aur Apollus ko ḡhabardarí se pahunchá de, ki we kisí chíz ke muhtáj na howen. 14 Aur hamáre log bhí zarúriyát ke liye achchhe kám ikhtiyár karen, táki we bephal na howen. 15 Sab jo mere sáth hain, tujhe salám kahte hain. Un

ko, jo ímán ke sabab ham se mahabbat rakhte hain, salám kah. Sab par fazl howe. Amín.

---

## PAUL KĀ KHATT FILEMON KO.

---

### I. BĀB.

1 Paul ki jo Masíh Yisú ká qaidí, aur bháí Timoteus kí taraf se Filemon ko, jo piyará aur hamará ham khidmat hai, 2 Aur piyár Apiyá aur Arkhippus hamará sáthí sachchá hai, aur us majlis ko, jo tere ghar men hai: 3 Fazl aur salámatí hamáre Báp Khudá aur Khudáwand Yisú Masíh kí taraf se tum par howe.

4 Main terí mahabbat ko jo sáre muqaddason se hai, 5 Aur ímán ko jo Khudáwand Yisú par hai, sun ke hamesha apní duáon men tujhe yád karke, apne Khudá ká shukr kartá hún: 6 Táki tere ímán kí sharákat sári nekí pahchán men jo Masíh Yisú ke wáste tum men hai, ashar rakhe. 7 Kyúnki ham terí mahabbat se bahut khúsh aur khátirjama hain, ki tujh se, ai bháí, muqaddas logon ká jí áram páyá hai.

8 So agarchi main Masíh ke sabab bahut bedharak hún, ki tujhe jo munásib howe, hukm karún. 9 Lekin mujhe yih pasand áyá, ki mahabbat ke ráh se íltmás karún; kyúnki main Paul búrhá aur ab Yisú Masíh ká qaidí hún. 10 So main apne farzand kí bábat jo qaid khána men mere liye paidá húa, yáne Onesimus kí bábat, arz kartá hún. 11 Wuh áge tere liye kuchh fáidamand na thá, par ab tere aur mere liye bahut fáidamand húa. 12 So main ne use bhejá hai: ab tú us ko, yáne mere kaleje ke tukre ko qabúl kar. 13 Main ne cháhá thá, ki use apne hí pás rakhún, táki wuh tere iwaz injíl zanjiron men merí khidmat kare. 14 Par terí marzí bagair main ne na cháhá, ki kuchh karún, táki terá nek kám láchári se nahín, balki khúshí se howe. 15 Wuh sháyad tujh se is liye thori der judá rahá, ki tú hamesha ke wáste use phir páwe. 16 Na gulám kí tarah, balki gulám se bihtar yáne bháí kí tarah, jo azíz hai, khas kar mujh ko

aur kitnāhī ziyāda jism kī rāh, aur K̄hudāwand ke sabab tujh ko azīz na hogā. 17 So agar tū mujhe sharīk jāntā hai, to us ko us tarah qabūl kar, jis tarah mujh ko. 18 Agar us ne terā kuchh nuqsān kiyā hai, yā kuchh terā dhartā hai, to use mere nām likh rakh. 19 Main Paul apne hāth se likhtā hūn, ki main ap adā karūngā, aur main tujh se nahīn kahtā, ki merā qarz jo tūjh par hai, tūhī hai. 20 Ai bhāī mujhe bahutere K̄hudāwand men nafa ho; K̄hudāwand men mere kaleje ko ṭhandā kar. 21 Main ne terī farmānbardārī kā yaqīn karke tujhe likhā; aur main jāntā hūn, ki tū usse bhī jo main kahtā hūn ziyāda karegā. 22 Us ek siwā ke koṭhrī mere liye taiyār kar; ki mujhe yih ummed hai, ki main tumhārī duāon ke wasīle se tumhen diyā jāūn.

23 Epafras jo Masīh Yisū ke wāste mere sāth qaidī; 24 Aur Marq, aur Aristarkhus, aur Demās, aur Luqā jo mere ham k̄hidmat hain, tujhe salām kahte hain. 25 Hamāre K̄hudāwand Yisū Masīh kā fazl tumhārī rūh ke sāth howe. Amīn.

---

## IBRANI'ON KO K̄HATT.

---

### I. BĀB.

1 K̄hudā jo agle zamāne men nabīon ke wāsilē bāp dādon se bār bār aur tarah tarah bolā, 2 Is ākhirī zamāne men ham se Beṭe ke wasīle bolā, jis ko us ne sārī chizon kā wāris ṭhahrāyā, aur jis ke wasīle us ne ālam banāe; 3 Wuh uske jalāl kī raunaq, aur māhiyat kā naqsh ho ke sab kuchh apnīhī qudrat ke kalām se sambhāltā hai, wuh ap se hamāre gunāhon ko pāk karke buland āsmān par janāb ī ālī ke dahine jā baīthā.

4 Wuh firishton se, is qadr buzurgtar ṭhaharā, jis qadr us ne mīrās men unkī nisbat bihtar k̄hitāb pāyā. 5 Kyūnki us ne firishton men se kisko kabhī kahā, ki Tū merā Beṭā hai, main ne āj tujhe paidā kiyā? Aur phir yih, ki Main us kā Bāp hūngā, aur wuh merā Beṭā? 6 Jab pahilauthe ko dunyā men lāyā, to kahā, ki K̄hudā ke sab



firishte us ko sijda karen. 7 Aur firishton kī bábat yún farmátá hai, ki Wuh apne firishton ko rúhín aur apní k̄hádimon ko ág ká shuala banátá hai. 8 Magar Beṭe kī bábat kahtá hai, ki Ai K̄hudá, terá taḡht abadtak hai; rástí ká asá terí bádsháhat ká asá hai. 9 Tú ne rástí se ulfat, aur badí se adáwat rakhí; is sabab se, ai K̄hudá, tere K̄hudá ne k̄húshí ke tel se tere sharíkon kī nisbat tujhe ziyáda masíh kiyá. 10 Aur yih, ki Ai K̄hudáwand, tú ne ibtadá men zamín kī neo dālí, aur ásmán tere háth ke banáe hai: 11 We nest ho jáenge, par tú báqí hai; we sab poshák kī mánind puráne hongé; 12 Aur chádar kī tarah tú unhen lapetegá; aur we badal jáenge, par tú wahí hai, aur tere baras játe na rahengé.

13 Phir us ne firishton men se kisko kabhí kahá, ki Tú mere dahine baiṭh, jab tak ki main tere dushmanon ko tere páon kī chaukí banáú? 14 Kyá we sab k̄hidmatguzár rúhín nahín, jo naját kī wárison kī k̄hidmat ke liye bhéjí gaín?

## II. BĀB.

1 Is liye cháhie ki un báton par jo ham ne súní, aur bhí dil lagá ke gaur karen; tá aisá na ho ki ham unhen kho dewen. 2 Kyúnki jab wuh kalám jo firishton kī mārifat kahá gayá, mazbút rahá, aur harek adúl aur náfarmání ne wájibí badla páyá; 3 To ham log kyúnkar bachenge, agar itní baṭí naját se gáfil rahen? jis ká bayán pahile K̄hudáwand se húa, aur sunne wálon se ham par sábit húa: 4 K̄hudá ap un ke sáth nishínon aur karámaton, aur tarah tarah ke muajizon, aur Rúh i Quds kī niámaton se apne marzí ke muwáfiq gawáhí detá rahá.

5 Us ne us áqibat ko, jis ká zikr ham karte hai, firishton ke ikhtiyár men nahín chhoṛá. 6 Par kisí ne kabhí gawáhí deke kabín farmáyá, ki Insán kyá hai, ki tú us kī yád rakhe? yá insán kī Beṭá, ki tú us par nigáh kare? 7 Tú ne us ká martaba firishton se kuchh kam rakhá; tú ne jalál o izzat ká táj us par rakhá, aur apne háth ke kámon par use ikhtiyár baḡhshá: 8 Tú sab kuchh us ke qadmon tale láyá. Jis hálat men sab kuch us ke qadmon tale láyá, tú us ne koí chíz na chhoṛá, jo us ke qadmon tale na láyá ho. Par ham ne

abtak na dekhá, ki sab kuchh us ke qadmon tale áyá. 9 Magar yih dekhte hain, ki Yisú ne jis ká darja firishton se kuchh kam thá, tá ki K̄hudá ke fazl se sab ádmion ke liye maut ká maza chakhe; maut kí aziyat ke sabab jalál o izzat ká táj páyá. 10 Kyúnki us ko jis ke liye sab kuchh hai, aur jiske wasíle sári chízen maujúd hain, yih munásib thá, ki jab bahut se farzandon ko jalál men láwe, unki naját ke pes-hwá ko aziyaton se kámil kare.

11 Kyúnki jo pák kartá, aur we jo pák kie játe, sab ek hí hain; is liye wuh unhen bhái kahne se nahín sharmátá. 12 Ki wuh kahtá hai, ki Main terá nám apne bháion ko sunáungá, majlis ke darmiyán men terí tárif karúngá. 13 Aur phir yih, ki Main us par bharosá rakhúngá. Aur yih bhí, ki Dekh mujhe, aur un larikon ko jinhon K̄hudá ne mujhe diyá. 14 Pas jis hálát men larke gosht aur k̄hún men sharík hain, waisáhi wuh bhí un men sharík húa; táki maut ke wasíle us ko, jis ke pás maut ká zor thá, yáne Shaitán ko, barbád kare. 15 Aur jo umr bhar maut ke dar se gulámí men giriftár the, unhen chhuráwe. 16 Ki wuh albatta firishton ká nahín, balki Abirahám kí nasl ká sáth detá hai. 17 Is sabab se zarúr thá, ki wuh harek bát men apne bháion kí mánind bane, táki wuh K̄hudá kí báton men logon ke gunáhon ká kafára karne ke wáste ek rahím aur amánatdár Sardár Káhin thahare. 18 Ki jab us ne ap hí imtihán men parke dukh páyá, to wuh unki jo imtihán men parke hain, madad kar saktá hai.

### III. BĀB.

1 Pas ai pák bháio, jo ásmání duawat men sharík húe, us rasúl aur sardár káhin Masíh Yisú par, jis ká ham iqrár karte hain, gaur karo. 2 Wuh us ke áge jis ne use muqarrar kiyá amánatdár thá, jis tarah Músá apne sáre ghar men. 3 Balki wuh Músá se is qadr ziyáda izzat ke láiq samjhá gayá, jaisá ghar se ghar ká málík ziyáda izzatdár hotá hai. 4 Ki harek ghar ká ek banánewálá hai; par jis ne sab kuchh banáya, so K̄hudá hai. 5 Aur Músá apne sáre ghar men k̄hádím kí tarah amánatdir rahá, ki un báton par jo záhir hone ko thín, gawáhi de. 6 Par Masíh apne ghar ká yún mukhtár rahá, jaise Betá; aur us ká ghar ham hain, is sharat par ki apní dilerí aur ummed ká fakhar ákhir tak qáim rahe.

7 Iswāste jaisā Rūh i Quds ne kahā, Agar āj tum us kī āwāz suno, 8 Apne dilon ko saḡht na karo, jis tarah bayābān men āz-māish ke din gussa ke waqt hūā: 9 Jahān tumhāre bāpdādon ne mujhe āzmāyā, aur unhon ne mujhe paraḡhā, aur chālīs baras se mere kām dekhte the. 10 Is liye main ne us nasl se nārāz hoke kahā, ki Un logon ke dil har waqt gumrāh hote hain, unhon ne merī rāhon ko nahīn pahchānā. 11 Chunānchī main ne apne gussa men qasam ḡhāī, ki yih mere ārām men dāḡhil na honge.

12 Dekho, ai bhāio, ki tum men se kisī men be īmānī kā burā dil naho, jo zinda Ḳhudā se phir jāwe. 13 Balki tum har roz jabtak āj ke din kā zikr hotā hai, āpas men ek dūsre ko nasīhat karo, tāki tum men se koī gunāh ke fareb se saḡht na ho jāwe. 14 Kyūnki ham Masīh men sharīk hain, bashartīk apne shurū ke iatiqād ko āḡhir tak qāim rakhen.

15 Jis waqt yih kahā jātā, ki *Āj* agar tum us kī āwāz suno, apne dilon ko saḡht na karo, jaisā bezār karte waqt. 16 Ki bāzon ne sun ke gussa dilāyā; lekin un sabhon ne nahīn, jo Mūsā ke wasīle Misr se nikle. 17 Aur wuh kin logon se chālīs baras tak nārāz rahā? kyā unse nahīn, jinhon ne gunāh kiyā, aur unkī lāshen bayābān men paḡī rahīn? 18 Aur kin kī hābat us ne qasam ḡhāī, ki We mere ārām men dāḡhil na honge, magar unkī jinhon ne na mānī? 19 Aur yūn hī ham dekhte hain, ki we beīmānī ke sabab dāḡhil na ho sake.

#### IV. BĀB.

1 Pas jab ki us ke ārām men dāḡhil hone kā wāda bāqī hai, to chāhie ki ham ḡaren, tā nahowe ki ham men se koī pīchhe rah jāe. 2 Kyūnki hamein bhī ḡhūshḡhabarī dī ḡāī, jaisī un ko: par jo kalām unhon ne sunā, us ne unhen fāida na baḡhshā, ki sunne wālon men īmān ke sāth milā na thā. 3 Kyūnki ham jo īmān lāe ārām men dāḡhil hote hain, jaisā us ne kahā, ki Main ne apne gusse men qasam ḡhāī, ki yih log mere ārām men dāḡhil na honge: agarchī dunyā kī bunyād se sab kām bane. 4 Ki us ne hafte kī bābat kahīn yūn farmāyā, ki Ḳhudā ne apne sāre kāmou se sātweḡ din ārām kiyā. 5 Aur phir is muqām men farmāyā, ki Wuh mere ārām men dāḡhil na

honge. 6 Pas us men dákhil honá kitne logon ke wáste báqí hai, aur we jin ke liye pahile k̄húshk̄habarí dí gaí thí, be ímání ke sabab se dákhil na húa.

7 Phir us ke kitní muddat bád wuh Dáúd kí mārífat ek' din ká zikr kartá hai, jise áj ká din kahtá; jaisá likhá hai, ki Aj agar tum us kí áwáz suno, to apní dilon ko saḡht na karo. 8 So agar Yasúa ne unhen árám men dákhil kiyá hotá, to wuh us waqt ke bád ek dúsre din ká zikr na kartá. 9 Hásil kalám K̄hudá ke logon ke wáste sabt ká árám báqí hai. 10 Kyúнки jo apne árám men dákhil húa, us ne apne kámon se árám páyá, jaisá K̄hudá ne apne kámon se. 11 Pas áo, ham koshish karen, ki us árám men dákhil howen, tá aisá naho ki beímání ke sabab koí unki mánind gir pare. 12 Kyúнки K̄hudá ká kalám zinda, aur tásír karnewálá, aur harek dodhárí talwár se teztar hai, aur ján, aur rúh, aur band band, aur gúde gúde ko judá karke guzar játá, aur dil ke k̄hiyál, aur irádon ko jánchtá hai. 13 Aur koí maḡhlúq use chhipá nahín : balki jisse ham ko kám hai, sab kuchh us kí nazon men k̄hulá húa, aur beparda hai.

14 Pas jis hálát men hamárá aisá Buzurg Sardár Káhin, jo ásmánon se guzar gayá, K̄hudá ká Betá Yisú hai, to cháhie, ki ham apne iqrár par sábit qadm rahen. 15 Kyúнки hamárá Sardár Káhin aisá nahín, jo hamárí sustion men hamdard na ho sake; balki gunáh ke siwá sárí báton men hamárí mánind ázmáyá gayá. 16 Is liye áo ham fazl ke taḡht ke pás beparwá jáwen, táki ham par rahm howe, aur fazl, jo waqt par madadgár ho, hásil karen.

## V. BAB.

1 Kyúнки harek Sardár Káhin jo ádmion men se chun liyá játá, ádmion hí ke liye un kámon ke wáste jo K̄hudá se iláqa rakhte muqarrar hotá hai, ki nazar aur gunáh kí qurbánián guzráne. 2 Aur wuh nádánon aur gumráhon ko muláimat dekhláne ke qábil ho; is wáste, ki wuh ap bhí kamzorion men giriftár hai. 3 So is sabab se zarúr hai, ki jis tarah wuh logon ke liye usí tarah apne liye bhí gunáh kí qurbánián chaḡháwe. 4 Aur koí ádmí yih izzat ap se nahín pátá, magar wuh jo Hárún kí mánind K̄hudá se talab kiyá játá hai. 5 Isí

tarah Masíh ne bhí apne liye Sardár Káhin honekí izzat áp se nahín iḡhtiyár kí; balkí usí ne baḡhshí, jis ne use kahá, ki Tú merá Beṭá hai, áj main terá Báp húa. 6 Chunánchi wuh dúsre maqám men kahtá hai, ki Tú Malkisidaq kí tarah hamesha ko káhin hai. 7 Jin dinon wuh jism men rahá, bahut ro ro, aur ánsú bhá bhá ke us se jo us ke maut se bachá saktá thá, duá men mángín, aur minnaten kí, aur ḡhauf se bach gayá; 8 Agarchi wuh Beṭá thá; par un dukhon se jo us ne uṡhée, qurbánbardári síkhí. 9 Aur wuh kámil hokar apne sab qurbán-bardáron ke liye hamesha kí naját ká báis húa; 10 Aur Ḳhudá kí taraf se Malkisidaq kí mánind Sardár Káhin kahláyá.

11 Us kí bábat hamará báten bahut sí hain, jin ká bayán karná mushkil hai, is liye ki tumháre kán bhárá hain. 12 Kyúнки waqt ke liház se lázim thá, ki tum ustád hote; magar tum abtak is ke muhtáj ho, ki koí tumhen phir síkháwe, ki Ḳhudá ke kalám kí pahilí báten kaun hain; aur tumhen dudh cháhe, na saḡht chízen. 13 Kyúнки jo dúdh pítá hai, wuh rástbází ke kalám men beimtiáz hai, is liye ki wuh bachcha hai. 14 Par saḡht chízen kámilon ke wáste hain, yáne unke wáste jinke hawás rabt se tez ho gae hon, ki nek o bad men imtiáz karen.

## VI. BAB.

1 Is wáste Masíh kí tálím kí pahilí bát chhoṡ kar kámil hone kí taraf baṡhte chale jáwen; aur murde kámon se tauba karne, aur Ḳhudá par ímán láne, 2 Aur báptismon kí tálím, aur háth rakhne, aur murdon ke jí uṡhne, aur hamesha kí adálat kí neú, do bára na dálín. 3 Aur Ḳhudá cháhe, to ham yih karenge. 4 Kyúнки we jo ek bár roshan húe, aur ásmání baḡhshish ká maza chakhá, aur Rúh i Quds men sharík húe, 5 Ḳhudá ke umda kalám o áinda jahán kí qudraton ká maza uráyá; 6 Agar gir jáwen, to unhen phir sir nau khará karná, táki we tauba karen, námumkin hai; kyúнки unhon ne Ḳhudá ke Beṭe ko apne liye do bára salíb par khench kar zalíl kiyá.

7 Kyúнки jo zamín us menh ko ki bárbár is par barse pí játi hai, aur aisí sabzí jo kisán ko mufid ho látí hai, so Ḳhudá se barakat páti hai; 8 Par wuh jo kánṡe aur únṡkaṡare paidá kartí ná maqbúl,

aur nazdik hai, ki lánatí ho; jis ká anjám jalná hogá. 9 Lekin, ai piyáro, agarchi ham yún bolte haiñ, par tumháre haqq men ise bihtar aur najátwálí-báton ká yaqín rakhte haiñ. 10 Kyúнки K̄hudá beinsáf nahín hai, ki wuh tumháre kám aur us mahabbat kí mihnát ko, jo tum us ke nám par pák logon kí k̄hidmat karte húe dekhláte ho, bhúl jáwe.

11 Par ham cháhte haiñ, ki tum men se harek kámil ummed ke wáste ákhir tak wahí koshish záhir kiyá kare: 12 Táki tum sust na ho jáo, balki un ke pairau ho, jo ímán aur sabr kí ráh se wádon ke wáris húe. 13 Ki K̄hudá Abirahám se wáda karte húe, jab kisí ko apne se bará na páyá, ki us kí qasam kháwe, to apníhí qasam khá kar kahá, 14 Yaqínán main tujhe barkaton par barkaten dúngá, aur terí aulád ko niháyat barhá dúngá. 15 Aur wuh yún hí sabr karke us wáde tak pahunchá. 16 Fialhaqíqat log bare kí qasam kháte haiñ: aur sábit karne ke liye un men harek qazie kí hadd qasam hai. 17 Pas K̄hudá is iráde se, ki wáde ke wárison par mazbút dalíl se apní marzí kí betabdílí záhir kare, qasam ko darmiyán men láyá. 18 Táki un chízon se, jo betabdíl haiñ, jin men K̄hudá ká jhúthá honá mumkin nahín, ham jo panáh ke liye daure haiñ, ki usí ummed ko jo sámhne rakhí gaí, qabze men láwen, púrí tasallí páwen: 19 Wuh ummed hamáří ján ká langar hai, jo sábitaur qáim aur parde ke andar dákhil hotá hai; 20 Jahán peshrau Yisú jo Malkisidaq kí tarah hamesha ke liye Sardár Káhin hai, hamáre wáste dákhilhúá.

## VII. BAB.

1 Yih Malkisidaq Salám ká bádsháh K̄hudá Tálá ká Káhin thá, jis ne Abirahám se jab wuh bádsháhon ká márke phirá átá thá, muláqát kí, aur us ke liye barakat cháhí. 2 Us ko Abirahám ne sab chízon kí dahyakí dí; wuh pahile apne nám ke mánon ke muwáfíq Rástí ká bádsháh hai; aur phir Sháh Salím, yáne salámatí ká bádsháh: 3 Yih be báp, be má, be nasab náma, jis ke na dinon ká shurú, na zindagí ká ákhir; magar K̄hudá ke Beṭe kí mánind hamesha káhin rahtá hai.

4 Ab gaur karo, yih kaisá buzurg thá, ki jis ko hamáre dádá Abirahám ne lúṭ ke mál se dahyakí dí. 5 Ab Lewí kí aulád ko jo kahánat ká kám pátí hai, hukmí ke logon, yáne apne bháion se, agarchi we Abirahám kí pusht se paidá hue, shariátke mutábíq dahyakí lewe: 6 Par us ne báujúdíke us ká nasab un se judá hai, Abirahám se dahyakí lí, aur us ke liye jis se wáde kie gae barakat cháhí. 7 Aur lákalám chhoṭá baṛe se barakat pátá hai. 8 Aur yahán marnewále ádmí dahyakí lete hain; par wahán wuhí letá hai, jis ke haqq men gawáhí dí játí, ki jítá hai. 9 Balki ham yih bhí kah sakte, ki Lewí ne bhí jo dahyakí letá hai, Abirahám ke wasíle se dí. 10 Kyúнки jis waqt Malkisidaq Abirahám se á milá, wuh apne Báp kí pusht men thá.

11 Agar Lewáiwáli kahánat se kámliyat hotí, ki log shariát se us páband the, to kyá ihtíáj thí, ki dúsrá káhin Malkisidaq ke taur par záhir ho, aur Hárún ke taur par na kahláwe? 12 Pas agar kahánat badal jáe, to shariát ká bhí badal dálná zarúr hogá. 13 Kyúнки jis kí bábat yih báten kahí játín, wuh dústre firqe men se hai, jis men se kisí ne qurbángáh kí k̄hidmat nahín kí. 14 Ki záhir hai hamará K̄hudáwand Yihúdá se niklá, aur us firqe kí kahánat kí bábat Músá ne kuchh na kahá. 15 Yih aur bhí sáf záhir hai, ki dúsrá káhin Malkisidaq kí mánind záhir hotá hai, 16 Jo jismání shariát ke hukm ke muwáfíq nahín, balki hamesha kí zindagí kí qudrat ke mutábíq baná hai. 17 Ki wuh gawáhí detá hai, ki tu Malkisidaq ke taur par hamesha ke liye káhin hai.

18 Pas aglá hukm is liye ki kamzor aur befiida thá, uṭh gayá. 19 Kyúнки shariát ne kuchh kámil na kiyá, magar ek bihtar ummed darmiyán men dákhil húi, jis ke wasíle ham K̄hudá ke huzúr pahunchte hain.

20 Phir jaisá ki Yisú bagair qasam kháne ke muqarrar na húa, waisáhi wuh ek bihtar ahd ká zámin húa. 21 Kyúнки káhin to bagair qasam ke muqarrar hote hain: par yih qasam kháne ke sáth usí se káhin baná, jis ne us se kahá, ki K̄hudáwand ne qasam kháf, aur na badlegá; ki Tú Malkisidaq kí tarah hamesha ho káhin hai. 22 Us ke siwá jo káhin hote chale áe, bahut se the. 23 Is wáste ki we maut ke sabab rah na sake. 24 Par yih is liye, ki hamesha tak

rahnewálá hai, aisí kahánat kí málik húa, jo दूसरे tak nahín pahunchtí. 25 Is liye wuh unhen jo us ke wasíle K̄hudá ke huzúr játe hain, ákhir tak bachá saktá hai; kyúnki wuh un kí sífárish ke liye hamesha jítá hai.

26 Aur aisá Sardár Káhin hamáre láiq thá, jo pák aur bebad, aur be aib gunahgáron se judá; aur ásmánon se buland hai. 27 Jo sardár káhinon kí mánind muhtáj nahín, ki har roz pahile apne, aur phir logon ke gunáhon ke wáste qurbáníán charháwe; kyúnki us ne ek hí bár aisá kiyá, jabki apne taiñ nazar guzráyá. 28 Ki sharíat kamzor ádmíon ko sardár káhin thahrátí hai; par qasam ká kalám jo sharíat ke bád húa, Beṭe ko jo hamesha tak kámil hai, Sardár Káhin thahrátá hai.

### VIII. BĀB.

1 Pas un báton se jo kahí gañ, asl matlabyih hai, ki hamará ke aisá Sardár Káhin hai; jo ásmán par Janáb i 'Alí ke taḡht ke dahine baiṭhá hai; 2 Jo muqaddas makánon ká k̄hádím hai, aur us haqíqí k̄haime ká jise K̄hudáwand ne khará kiyá hai, na ki ínsán ne. 3 Ki harek sardár káhin is wáste muqarrar hotá hai, ki nazar men, aur qurbáníán guzráne, so zarúr thá: ki us pás bhí guzráne ko kuchh ho. 4 Agar wuh zamín par hotá, to káhin na hotá; is wáste ki káhin to hain, jo sharíat ke muwáfíq qurbáníán guzránte hain: 5 Jo ásmání chízon kí namúne, aur sáye par k̄hidmat karte hain; chunánchi Músá ne jab wuh k̄haima banáne par thá, ilhám se hukm páyá, ki Dekh wuh farmátá hai, ki tú us naqshe ke mutábíq jo tujhe us pahár par dikháyá gayá, sab chízen baná. 6 Par jaisá wuh us bihtar ahd ká darmiyání hai, jo bihtar wádon se bandhá gayá; waisáhi us ne ab bihtar k̄hidmat páí.

7 Kyúnki agar wuh pahilá ahd beaib hotá, to दूसरे kí jagah kí talásh na hotí. 8 So wuh un ká aib batá kar kahtá hai, ki K̄hudáwand hai, dekh we din áte hain, ki main Isráel ke gharáne aur Yihúdá kí k̄hándán ke liye ek naiá ahd bándhúngá: 9 Aur K̄hudáwand farmátá hai, ki yih us ahd kí mánind na hogá jo main ne unke báp dádon se us din, jab main ne un ká háth pakrá, ki unhen Misr



se nikál láún, bándhá thá, ; is wáste ki we mere ahd par qáim nahín rahe, aur maine ne un ká andesha na kiyá. 10 K̄lu liwand farmátá hai, ki yih wuh ahd hai, jo maine Isráel ke gharáne ke síth un dinon ke bád bándhúngí, maine apne qánúnon ko un kí aqlon men d̄álúngá ; aur un ke dilon par likhúngí ; aur maine un ká k̄hudá.húngá, aur we mere log honge : 11 Aur koí apne hamsáe, aur koí apne bhái ko sikhlá ke na kahegí, ki Tú K̄hudá ko pahchín ; kyúnki un men ke chhoṭe se bare tak sab mujhe pahchāenge. 12 Aur maine unki buráíon par rahm karúngá, aur un ke gunáhon aur bedíní ko kabhí yád na karúngá. 13 Aur jab us ne naiá kahí, to pahile ko puráná thahráyá. Aur wuh jo puráná aur diní hai, miṭne ke nazdik hai.

### IX. BAB.

1 So pahile k̄haime men ibádat ke qínon the, aur duniyawí muqaddas makán. 2 Kí pahilá k̄haima jo banáyá gayá, us men shamádán aur mez aur nazar kí roṭián thín ; aur use pák kahte haiñ. 3 Aur d̄usre parde ke andar wuh k̄haima thá, jo pák tareñ kahlátá ; 4 Us men sone ká dhúpdán thá, aur ahd ká sandúq, jo cháron taraf sone se marhá húa thá ; us men ek sone ká bartan man se bhará, aur Hárún ká asá, jis men shákhen phúṭí thín, aur ahdnâme kí takhtíñ. 5 Aur us ke úpar jalílí K̄arúbim the, jo kafiragúh par s. ya karte ; in báton ká mufassal bayán karná, ab kuchh zarúr nahín.

6 Pas jab yih sab chízen yún taiyár ho chukín, tab pahile k̄haime men káhin har waqt dákhil ho ke k̄hidmat bajá láte the. 7 Par d̄usre men sirf Sardar Káhin sál bhar men ek bár játá ; magar bagair lahú ke nahín, jo apní aur qaum kí k̄hatáon ke liye guzrántá thá. 8 Is se Ráh i Quds yih záhir kartá thá, ki jab tak pahilá k̄haima kharí rahá, pák taríñ makán kí ráh na k̄hulí thí : 9 Wuh k̄haima is waqt tak ke misál hai, jis men nazaren aur qurbáníñ guzránte, jo ibádat karnewále ko dilkí nisbat kámil kar nahín saktín. 10 Kí we sirf kháne píne aur tarah tarah ke guslon ke sáth, jo jismání rahm hai, durustí ke waqt tak muqarrar thín.

11 Par jab Masih ánewálí niamaton ká Sardár Káhin ho áyí, to buzurgtar aur kámiltar k̄haima kí ráh se, jo háthon ká baná nahín,

yáne is k̄hilqat ká nahín; 12 Na bakron na bachhron ká lahú leke, balki apnáhí lahú leke páktarín makán meñ ek bár dáq̄hil huá, ki us ne hamáre liye hamesha ki k̄halísí hásil kí. 13 Agar bailon aur bakron ká lahú, aur kalor kí rákh, jo nápákon par chhira kí, jáne se badan kí safái kí bábat un ko pák kar saktí hai: 14 To kitná izyáda Masíh ká lahú, jis ne beaib hoke abadí Rúh ke wasile áp ko k̄hudá ke sámhne qurbání guzráyá, hamáre dil aur aqlon ko murde kámon se pák karegá, táki ham zinda k̄hudá kí ibádat karen?

15 Aur isí sabab se wuh na ahd darmiyání hai, táki jab wuh pahile ahd ke gunáhon ke chhuráne ke liye maut páwe, to we jo buláe gae hain abadí mírás ká wáda hasil karen. 16 Kyúnki jahán ahd hai, wahán us zabihe kí maut, jis par wuh muqarrar hotá, zarúr hai. 17 Ki ahd murdon par bándhá játá hai, aur paq̄hta nahín: jab tak ki wuh zabíha zinda hai.

18 Is sabab se pahilá ahd bhí bagair lahú ke nahín bándhá gayá. 19 Ki jab Músá ne tamám logon ko shariát ká harek hukm kah sunáyá, tab bachhron aur bakron ká lahú píní aur lál ún aur zúfá ke sáth lekar us kitáb aur sáre logon par chhírak ke kahá: 20 Ki Yih us ahd ká lahú hai, jo k̄hudá ne tumháre liye thahráyá. 21 Aur us ne isí tarah k̄haima par, aur k̄hidmat kí tamám chízon par lahú chhírká. 22 Aur qarib sári chízeñ shariát mutábíq lahú se pák kí játí hain, aur bagair lahú bháe muáfi nahín hotí.

23 Pas zarúr thá, ki ásmání chízon ke namúna yún pák kie jáwen; magar k̄hod ásmání chízeñ in se bihtar qurbánion se pák kí jáwen. 24 Kyúnki Masíh us pák makán meñ, jo háthon se banáyá gayá, aur haqíqí makán ká namúna hai, dáq̄hil nahín huá; balki ásmán hí meñ, táki ab se k̄hudá ke huzúr hamáre liye házir rahe: 25 Par aisá nahín, ki wuh áp ko bárbar guzráne, jaise Sardár Káhin páktarín makán meñ har sál dúsre ká lahú leke játá hai. 26 Kyúnki agar aisá hotá, to zarúr thá, ki wuh dunyá ke shurú se bár bár mará kartá; par ab áq̄hirí zamáne meñ ek bár záhir huá, táki apne tain qurbání karne se gunáh ko nest kare. 27 Aur jaisí ádmion ke liye ek bár marná, aur bád us ke adálat muqarrar húi: 28 Aisáhi Masíh ek bár sabhon ke gunáhon ká bojh uq̄háne ke liye, áp ko guzrán ke dúsri

bár bagair gunáh ke záhir hogá, táki un ko, jo us kí ráh dekhte hai, naját lewe.

### X. BAB.

1 Shariát jo ánewáli níamaton kí par chháen hai, aur un chízon kí haqíqí súrát nahín, un qurbáníon se jo we har sál hamesha guzránte un ko jo wahín áte haiñ kabhí kámil nahín kar saktí. 2 Nahín to we qurbáni guzránne se báz áte; kyúnki ibádat karnewále ek bár pák hoke áge ko apne taiñ gunahgár na jánte. 3 Par qurbánián baras baras gunáhon ko yád diláti haiñ.

4 Kyúnki ho nahín saktá, ki bailon aur bakron ká lahú gunáhon ko miṭáwe. 5 Is liye wuh dunyá meñ áte húe kahtá hai, ki Qurbáni aur nazar ko túne na cháhá, par mere liye ek badan taiyár kiyá. 6 Soḳhtaní qurbáni aur un qurbánion se jo gunáh ke liye hai, tú rází na húa. 7 Tab main ne kahá, ki Dekh, main áta hún, merí bábat kitáb ke daftar meñ likhá hai, táki, ai Kḥudá, terí marzí bajá láún. 8 Pahile jab kahá, ki Qurbáni aur nazar, aur soḳhtaní qurbáni aur gunáh kí qurbáni kí ḳhwáhish tú ne na rakhí, na un se khúsh húa, aur yihí qurbánián shariát ke muwáfiq guzráni játiñ haiñ; 9 Tab us ne kahá, ki Dekh ai Kḥudá, main áta hún, ki terí marzí bajá láún. To wuh pahile ko miṭátá, táki dúsre ko sábit kare. 10 Usí marzí se ham Yisú Masih ke badan ko ek bár guzránne ke sabab pak húe haiñ. 11 Aur harek káhin roz roz ḳhidmat karte húe, aur hardam ek hí tarah kí qurbánián, jo hargiz gunáh miṭáne sake qábil nahín haiñ, guzrántá húi khará rahtá: 12 Lekin jab is ne gunáhon kí ekhí qurbáni hamesha ke liye guzráni thí, Kḥudá ke dahine já baiṭhá; 13 Tab se intizár kartá hai, ki us ke dushman is ko pánon kí chaukí hon.

14 Kyúnki us ne ekhí nazar guzránne se muqaddas ko hamesha ke liye kámil kiyá. 15 Aur Rúh i Quds bhí hamáre liye gawáhi detá: kyúnki jab us ne kahá thá: 16 Ki Yih wuh ahd hai, jo main in dinon ke bíd unse bándhúngá, Kḥudáwand farmátá hai, ki main apní shariát ko un ke dil meñ dálungá, aur unki samajh meñ likhúngá; 17 Aur unke gunáhon, aur un kí narástíon ko kabhí yád na karúngá.

18 Ab jahán un kí muáfi hai, wahán gunáh ke liye phir nazar guz-rátá nahíú.

19 Pas ai bháfo, jab ki ham ne dilerí hásil kí, ki páktaříu makán men Masíh ke lahú se daḡhal páwen. 20 Us naí aur jítí rih se, jo us ne apne jism ke parde ko phár ke hamáre liye taiyár kí; 21 Aur jab ki hamará Barí Káhín hai, jo Ḳhudá ke ghar ká muḡhtár hai: 22 To áo, sachche dil se, aur kámil ímán ke sáth, aur dil kí burí samajh par chhiraká karke nazdík jáwen, aur apne badan ko sáf pání se dhoke. 23 Apní ummed ke iqrár ko mazbútí se thámbe rakhen; kyúnki wuh jis ne wáda kiyá sachchá hai. 24 Aur ham ek dúsre par liház karen, táki ham ek dúsre ko mahabbat aur nekokáří kí taraf uktáren. 25 Aur ápas men ikaṡhe hone se báz na áwen, jaisá bázon ká dastúr hai; balki ek dúsre ko nasíhat karen; aur yih itná ziyáda, jítná tum dekhte ho, ki wuh din nazdík hotá hai.

26 Kyúnki agar bád us ke, ki ham ne sachcháí kí pahchán hásil kí hai, ján bojh ke gunáh karen, to phir gunáhon ke liye koí qurbání báqí nahín. 27 Magar adálat ká ek haulnák intizár aur átish gazab, jo muḡhálifon ko khá le gaí, báqí hai. 28 Jo koí Músá kí shariát ko náchíz jántá, to ruhmat se ḡháriḡ hoke do tín kí gawáhi se mára játá thá. 29 Pas ḡhiyál karo, ki wuh shaḡhs kitní ziyáda sazá ke láiq ṡhah-regá, jis ne Ḳhudá ke Beṡe ko pámal kiyá, aur ahd ke lahú ko jis se wuh pák húá nápak jáná, aur fazl ke Rúh ke zalíl samjhá. 30 Kyúnki ham use jánte hain, jis ne yih kahá, ki Intiqám lená merá kám hai; Ḳhudáwand farmátá hai, Main hí badlá lúngá. Aur phir, Ḳhudá-wand apne logon ká insáf karegá. 31 Zinda Ḳhudá ke háthon men parná haulnák hai.

32 Par tum agle dinon ko yád karo, jin men tum ne roshan hoke dukhon kí barí laṡáí kí bardásht kí. 33 Kuchh to is wáste, ki tum lántán aur musíbaton se angushtnamá húe, aur kuchh is liye, ki tum un ke jin se yih bad sulúki hotí thí, sharík the. 34 Ki jis waqt main zanjíron men thá, tum mere hamdard húe, aur apne mál ká luṡ jáná ḡhúshí se qabúl kiyá; yih ján ke, ki hamáre liye ek bihtar mál ásmán par hai, jo qáim rahegá. 35 Pas tum apní dilerí ko mat chhoro; kyúnki us ká bará ajar hai. 36 Tumhen zarúr hai, ki sabr karo, táki tum Ḳhudá kí marzí par aml karke wáde ke phal hásil

karo. 37 Ki ab thori sí muddat hai, ki ánewálá áwegá, aur der na karegá. 38 Aur rástbáz ímán se jégí ; lekin agar wuh haṭe, to merá jí us se rázı́ na hogá. 39 Par ham un men se nahín, jo halákat tak haṭ játe; balki un men se hain, jo ján bacháne tak rakhte hain.

## XI. BAB.

1 Ímán ummedwári kı́ haqı́qat aur andekhí chízon ká sabút hai.

2 Us hí se buzurgon ke liye gawáhí dí gai.

3 Ímán hí ke sabab se ham ján gae, ki álum Kḥudá ke kalám se ban gae; aisá ki jo chíz dekhne men áti, un chízon se nahín banı́, jo dekhı́ játi.

4 Ímán se Hábil ne Qáin se bihtar qurbání Kḥudá ko guzráni; usı́ ke sabab us kı́ rástbáz hone par gawáhí dí gai, ki Kḥudá us kı́ nazaron par gawáhí detá hai; aur usı́ ke sabab us ke marne par bhı́ abtak us ká zikr kiyá játa hai.

5 Ímán ke sabab se Hanúk dunyá se uṭh gayá, táki maut ko na dekhe: aur na milá, is liye ki Kḥudá ne us ko dunyá se zinda uṭháyá thá: kyúnki us ke uṭh jáne se peshtar us par yih gawáhí guzrı́ thı́, ki us ne Kḥudá ko rázı́ kiyá. 6 Aur bagair ímán ke us ko rázı́ karná mumkin na thı́; kyúnki us par jo Kḥudá kı́ taraf áta yih zarúr hai, ki yaqın kare, ki wuh maujúd hai, aur yih ki apne dhúndhnewálon ko badlá detá hai.

7 Ímán se Núha ne un chízon kı́ ágáhí páke jo us waqt nazar men na áı́ thı́, Kḥudá se ḍar kar kishtí apne gharáne ke bacháo ke liye banáı́, jis se us ne dunyá ko gunahgár ṭhahráyá, aur us rástbázı́ ká, jo ímán se miltı́ hai, wáris húá.

8 Ímán se Abirahám jab buláyá gayá, farmánbardári karke us jagah chalá gayá, jise wuh mırás lenewálá thá; aur báujúdıke na jáná kidhar játa hai, niklá. 9 Ímán se us ne wáda kı́ zamın men yún maqám kiyá, jaise wuh us kı́ na thı́, ki wuh Isháq aur Yaqúb samet jo us ke sáth us hí wáda ke wáris the, khaimon men rahá kiyá. 10 Ki wuh aise shahr men jáneká ummedwár thá, jis ke liye bunyád hai, jis ká banánewálá aur basánewálí Kḥudá hai. 11 Ímán se Sára ne hámila hone kı́ táqat páı́, aur umr guzre par janı́; is liye ki us ne

wāda-karnewāle ko sachchā jānā thā. 12 So ek se wuh bhī jo murda sā thā, āsmān ke sitāron kī aur daryā kināre kī be shumār ret kī mānind paidā hūe. 13 Yih sab imān meṅ margae, aur wādon ko na pahunche ; par dūr se unheṅ dekhā aur muatāqad hūe, aur ḥalām ko jhuke, aur iqrār kiyā, ki ham zamīn par ajnabī aur musāfir haiṅ. 14 Ki we jo aisī bāteṅ kahnewāle haiṅ, zāhir karte, ki ham apnā watan dhūndhte haiṅ. 15 Aur agar us mulk ko jis se we nikal āe the phir yād lāte, to wahāṅ unheṅ phir jāne kī fursat thī. 16 Par we ek bihtar mulk ke jo āsmānī hai mushtāq the ; se Ḳhudā un se sharmātā nahīṅ. ki unkā Ḳhudā kahlāe ; kyūnki us ne un ke liye ek shahr taiyār kiyā hai. 17 Abirahām jab āzmāyā gayā, us ne imān se Ishāq ko qurbānī ke liye guzrānā ; aur jis ne wādon ko pāyā thā, us ne ekloute ko guzrānā : 18 Jis se yih kahā gayā thā, ki Ishāq hī se terī nasl kahlāegī. 19 Kyūnki wuh samjhā, ki Ḳhudā murdoṅ ke jilāne par qādir hai ; aur us ne un meṅ se us ko tamsīl ke taur par pāyā.

20 Imān se Ishāq ne ānewālī chīzon kī bābat Yaqūb aur Esau ko duā dī. 21 Imān se Yaqūb marte waqt Yūsaf ke dono beṅon ko duā dī ; aur apne asā kā sir thām kar sijda kiyā. 22 Imān se Yūsaf ne jab marne par thā, banī Isrāel ke nikal jānekā zikr kiyā, aur apnī haḍḍīon kī bābat hukm kiyā.

23 Imān se Mūsā paidā hote hī tīn mahīne tak apne mā bāp se chhipāyā gayā ; kyūnki unheṅ ne dekhā, ki laṛkā ḳhūb sūrat hai ; aur we bādshāh ke hukm se na ḍare. 24 Imān se Mūsā ne siānā hoke Firaun kī beṭī kā beṭā kahlāne se inkār kiyā ; 25 Ki us ne Ḳhudā ke logon ke sāth dukh uṭhānā us se ziyāda pasand kiyā, ki gunāh ke dukh ko jo chand roz hai hāsīl kare. 26 Ki us ne Masīhī lān tān ko Misr ke ḳhazānon se baṛī daulat jānā : kyūnki us kī nigāh badla pāne par thī. 27 Imān se us ne bādshāh ke gusse se ḳhauf na khāke Misr ko tark kiyā, ki wuh andekhe ko goyā dekh ke mazbūt banā rahā. 28 Imān se us ne fasah karne aur laḥū chhīrakne par amal kiyā, aisā na ho ki pahilauṭheṅ kā halāk karnewālā unheṅ chhowe. 29 Imān se we lāl samundar se yūṅ guzare, jaise ḳhush kī par se, aur Misr-wālon ne jab us rāh se jāne kā qasd kiyā ḍūb gae. 30 Imān se Yirihō kī shahr panāh, jab use sāt din tak gher rakhā thā, gir parī-

31. Ímán se Ráháb jo kasbī thī beímánon ke sáth halák nahúí, ki us ne jásúson ko salámat apne ghar men áne diyá.

32 Ab main aur kyá kahún? fursat nahín, ki Gideon aur Bárak' aur Sámsún, aur Yaftah, aur Dáúd, aur Samúel, aur nabíon ká ahwál bayán karún. 33 Ki unhon ne ímán se bádsháhon ko maglúb kiyá' aur rástí ke kám kie, aur wádon ko hásil kiyá, sher dabbar ke munh band kie. 34 Ag kí tezí ko bujháyá, talwáron kí dháron se bach nikle, kamzorí men zoráwar húe, laṛáí men bahádur bane, aur gairon kí faujon ko thá diyá. 35 Auraton ne apne murde zinda páe: aur báze piṭ gae, aur chhuṭkárá qabúl na kiyá; táki bihtar qiámat tak pahunchen: 36 Báze us imtihán men pare, ki thathon men uráe gae; koṛe kháe, aur zanjír aur qaid men phanse. 37 Pathráo kie gae, áre se chíre gae, shikanje men khenche gae, talwár se máre gae: bheṛon aur bakríon kí khál urhe húe; tangí men, musíbat men, dukh men, máre phire. 38 Dunyá un ke láiq na thī: we bayábánon, aur paháron, aur gáron, aur zamín ke garhon men kharáb phirá kie. 39 Aur ye sab jin ke ímán par gawáhí dí gaí, wáde ko na pahu nche. 40 Ki Kḥudá ne peshbení karke hamáre liye ek bihtar bát thabráí thī, táki we hamáre bagair kámil na howen.

## XII. BĀB.

1 Pas jabki gawáhon ke itne bare abarne hamen á gherá hai, to ham harek bojh aur uljháne wále gunáh ko utár ke bardásht ke sáth us ḍaur men, jo hamáre sámhne á paṛí hai, ḍauren. 2 Aur Yisú ko jo ímán ká shurú aur kámil karnewálá hai takte rahen, jis ne us khúshí ke liye jo us ke sámhne thī, sharminda gí ke náchíz ján ke salíb ko sahá, aur Kḥudá ke taḳht ke dahine já baiṭhá.

3 Tum us men gaur karo, jis ne gunahgáron kí itní baṛí muḳhálifát kí bardásht kí; tá na ho kí tum pareshán khátir hoke sust ho jáo. 4 Tum ne gunáh ke muqábila men koshish kar ke hanoz khún tak sámhná nahín kiyá. 5 Aur tum us nasíhat ko, jo tumhen farzandon kí mánind kí játí hai, bhúl gae, ki Mere bete, Kḥudáwand kí tambíh ko náchíz mat ján; aur jab wuh tujhe malámat kare, shakasta dil mat ho: 6 Ki Kḥudáwand jise piyár kartá hai, use tambíh

kartá hai; aur harek betē ko jise wuh qabūl kartá hai, pítá hai. 7 Agar tum tambíh men sabr karte ho, Ḳhudá tum se farzandon kī mánind sulúk kartá hai. Kaun sá betá hai, jise báp tambíh nahín kartá? 8 Par agar wuh tambíh jis men sáre sharík hain tum ko na kíjāe, to tum harámzáde ho, farzand nahín.

9 Aur jab we jo hamáre jismání báp the, tambíh karte the, aur ham ne unkí tázím kí: to kyá ham us se ziyáda rúhon ke Báp ke hukm men na rahenge, aur jíenge? 10 Ki we to thore dinon ke wáste apní samajh ke muwáfíq tambíh karte the; par wuh hamári bihtarí ke liye, táki ham us kí pákízagí men sharík howen. 11 Aur koí tambíh usí waqt ḳhúshí ká báis nahín nazar áti, balki afsos ká: magar áḳhir ko unhen jo usse tarbiat páte hain, rástbází ká phalchain ke sáth baḳhshatí hai.

12 Is wáste dhíle háth aur sust ghuṭnon ko sídhá karo; 13 Aur apne páon ke liye sídhe raste banáo, táki jo langrátá hai, bhaṭak na jáwe, balki changá howe. 14 Sab se mile raho, pákízagí kí pairawí karo, jis bagair Ḳhudáwand ko koí na dekhegá: 15 Aur bagaur dekhte raho, ki koí Ḳhudá ke fazl se mahrúm na ho; aur na howe ki koí karwí jaṛ sabz hoke tasdíá dewe, aur us se bahutere nápak ho jáwen. 16 Na howe ki koí Esau kí mánind zání yá bedín ho, jis ne ek ḳhorák ke wáste apne pahilaute hone ká haqq bechá. 17 Kyúнки tum jánte ho, ki wuh us ke bád, jab us ne cháhá, ki barakat ká wáris ho, rad kiyá gayá: aur us ne jagah na pái, ki dil ko badal de; agarchi us ne use ánsú bahá bahá ke dhúnḍhá.

18 Aur tum us páhar tak nahín áe, jise chhú sake, na us kí dhadhaktí ág aur kálí badlí, aur táríkí, aur tufán, 19 Aur narsinge ke shor kalám karnewálí áwáz ke pás, jise sunnewálon ne sun kar darḳhwást kí, ki yih kalám phir ham se na kahá jáwe. 20 Kyúнки we us hukm kí jo unhen diyá gayá thá, bardásht na kar sake, ki agar koí jánwar us pahár ko chhúwe, to pathráo kiyá jáwe, yá bhále se chhedá jáe. 21 Aur wuh jo nazar áyá, aisá ḍaráoná thá, ki Músá bolá, Main hairán aur larzán hún. 22 Balki tum Saihon ke pahár aur zinda Ḳhudá ke shahr men, jo ásmání Yirúshálam hai, aur lákhon firishton ke pás, 23 Aur pahilauton kí jamáat aur majlis men, jin ke nám ásmán par likhá hain, aur Ḳhudá ke pás, jo sab ká



hákim hai, aur kámil rástbázon kí rúhon, 24 Aur Yisú ke, jo nae ahd ká darmiyání hai, aur us chhírake húe lahú ke, jo Hábil ke lahú se bihtar báten boltá hai, pás áe ho.

25 Dekho tum us bolnewále se gífiltar na ho; kyúнки agar we bhágtá ná nikle, jo us se jo zamín par farmátá thá gífíl rahe, to ham bhí agar us se jo hamen ásmán par se farmátá hai, munh moren; kyúнки bhág niklenge. 26 Us kí áwáz ne zamín ko is waqt hilá diyá: par ab us ne yih kahke wáda kiyá, ki Phir ek bár main faqat i zamín ko nahín, balki ásmán ko bhí hilá dúngá. 27 Aur yih bát ki Phir ek bár, is bát ko záhir kartí hai, ki wuh chízen jo hiláí játín hain, baní húi chízon kí mánind tal játín, táki we chízen jo talne kí nahín qáim rahe. 28 Pas ham aisí bádsháhi ko, jo talne kí nahín páke fazl básil karen, jis se K̄hudá kí bandagí pasandída taur par adab aur dándári ke sáth karen. 29 Kyúнки hamará K̄hudá bhasam karnewáli ág hai.

### XIII. BAB.

1 Birádaráná Mahabbat baní rahe. 2 Musáfir parwarí ko mat bhúlo; kyúнки usí se kitnon ne bin jáne firishton kí mihmání kí hai. 3 Qaidíon ko yún yád karo, goyá tum un ke sáth qaid men sharík ho; aur aisáhi un ko jo ranj men hain, yád karo, ki tumhárá bhí unhen ká sá jism hai. 4 Byáh karná sab men se bhalá kám hai, aur bistar nápák nahín; par K̄hudá harámkáron aur záníon kí adálat karegá. 5 Tumhári chalan lálach kí na howe; aur jo maujúd hai, usí par qináat karo; kyúнки us ne áp kahá hai, ki Main tujhe hargiz na chhorúngá, aur tujhe mutlaq tark na karúngá. 6 Is wáste ham k̄hatir jamaí se kah sakte hain, ki K̄hudáwand merá madadgár hai, aur main na dárúngá; ádmí merá kyá karegá?

7 Tum apne peshwáon ko, jinhon ne tum se K̄hudá kí bát kahí, yád karo; aur un kí chál ke an jám ko gaur karke un ke ímán kí pairawí karo. 8 Yisú Masíh kal aur áj aur abadtak ék hai. 9 Tum rangí rang bigína tálímon se idhar udhar daurte na phiro; ki yih bhalá hai, ki dil fazl se mazbút ho; na kí k̄horákon se, jin se unhon ne jo un ke liye daurte phirte the, nafa páyá. 10 Hamará to ek qur-

bāngáh hai, jis se k̄haima kī k̄hidmat karnewálon ká iḡhtiyār nahīṅ, ki khāeṅ.

11 Ki jin jānwaron ká lahú sardār káhin muqaddas makán meṅ gunáh ke kafira ke wáste lejátá hai, un ke badan k̄haimagáh ke báhar jalác jíte haiṅ. 12 Is wáste Yisú bhí, tiki logon ko apne lahú se pákízagí baḡhshe, pháṭak ke báhar mírá gayá. 13 Pas áo, ham us kī zullat ke sharík ho ke k̄haimagáh se báhar us pás nikal chaleṅ. 14 Kyúнки hamárá rahnewálá shahr yahīṅ nahīṅ; ham to us shahr ko jo ánewálá hai, dhúndhte haiṅ. 15 Is wáste us ke wasíle se tári kī qurbání, yáne un honṭhon ká phal jo us ke nám ká iqrár karte haiṅ, K̄hudá ke liye harwaqt láweṅ. 16 Par bhalái aur saḡháwat karná na bhúlo; is liye ki K̄hudá aisí qurbáníon se k̄húsh hotá hai.

17 Tum apne peshwáon ke farmánbardár aur tábí raho : ki we unkí mánind jinheṅ hisáb-dená paṛegá, tumhári jānon ke wáste jigte rahte haiṅ; táki we k̄húshí se yih karen na ki gam se, jo tumháre liye nuqsán hai. 18 Hamáre wáste duá mángo; kyúнки ham yaqín jānte haiṅ, ki ham ek net haiṅ, ki sári báton meṅ nekí ke sáth guzrán kiyá cháhte haiṅ. 19 Aur main yih minnat, ki tum yih karo; k̄hás is liye kartá hūṅ, ki main jald tum pás phir pahunchūṅ.

20 Sálímatí ká K̄hudá, jo abadí ahd ke lahú ke sabab se bheron ke buzurg gaṛaṛie, yáne hamáre K̄hudáwand Yisú Masíh ko murdon meṅ se phir láyá, tum ko harek nek kám meṅ kámil kare, táki us kī marzí par chalo. 21 Aur jō kuchh ki huzúr meṅ maqbúl hai, Yisú Masíh ke wasíle tum meṅ kare; us ká jalál hameshahamesha howe. *Amín.*

22 Ab ai bháío, main tum se iltimás kartá hūṅ, ki tum nasíhat ke kalám ko mán lo, ki main ne muḡhtasar meṅ tumheṅ likhá hai. 23 Jáno ki bhái Timoteus chhuṭ gayá; agar wuh jald áwe, to us ke sáth áge main tum ko dekhúngá. 24 Tum apne sab peshwáon aur sáre muqaddason ko salám kaho. Jo Italia ke haiṅ, tumheṅ salám kahte haiṅ. Fazl tum sab par ho. *Amín.*

## YAKU'B KA KHATT.

## I. BAB.

1 Yaqúb ká jo K̄hudá aur K̄hudáwand Yisú Masíh ká banda hai, un bárah firqon ko, jo titarbitar haiñ, salám.

2 Ai bháío, jab tum tarah tarah kí ázmáishon men paró, to use kamál k̄húshí samjho. 3 Yih ján kar, ki tumháre ímán kí ázmáish sabr paidá kartí hai. 4 Par sabr ko kám púrá karne do, táki tum kámil aur púre ho, aur kisí bát men náqis na raho.

5 Aur agar koí tum men se hikmat men náqis howe, to K̄hudá se mánge, jo sab ko sakháwat ke sáth detá, aur uláhná nahín detá hai, ki us ko ináyat hogí. 6 Par ímán se mínge, aur kuchh shak na kare; kyúinki shak karnewálá samundar kí lahar kí mánind hai, jise whaí takrátí aur urátí hai. 7 Aisá shaḡhs hargiz gumán na kare, ki K̄hudáwand se kuchh páwegá. 8 Do dilá ádmí apní sárí chál men ḡag játá hai.

9 Bháí jo garib hai, apní máldárí par faḡhar kare. 10 Aur jo daulatmand hai, apní garibí par is liye, ki wuh ghás ke phúl kí tarah játá rahegá. 11 Kyúinki jab súraaj nikaltá aur lúh chaltí, tab ghás ko sukhá detá, aur us ká phúl jhar játá, aur us ke chihre kí k̄húb-súratí játí rahtí; yúñhí daulatmand bhí apní sárí ráhon men murjhá jáegá.

12 Mubáirak wuh ádmí, jo ázmáish kí bardásht kartá hai; is wáste ki jab us kí ázmáish ho chukí, to zindagí ká táj, jis ká K̄hudá ne apne mahabbat rakhnewálon se wáda kiyá, páwegá. 13 Jab koí imtihán men phanse, to na kahe, ki main K̄hudá kí taraf se imtihán men phansá; kyúinki K̄hudá badíon se na ap ázmáyá játá, aur na kisí ko ázmátá hai. 14 Magar har shaḡhs apní k̄hwáhishon se lubhá kar aur jál men phans kar imtihán men partá hai. 15 So k̄hwáhish jab hámila húi, tab gunáh paidá kartí: aur gunáh jab tamámí tak pahunchá, maut ko jantá hai.

16 Mere piyáre bháío, fareb na kháo; 17 Harek achchhí baḡhshish aur kámil inám úpar hí se hai, aur núron ke bání kí taraf se utartá hai, jis men badalne aur phir jáneká sáya bhí nahín. 18 Us ne apne

iráde se hamen sachcháí ke kalám se paidá kiyá, táki ham us ke maḡhlúqon men pahile phal kí mánind howen.

19 Is liye ai piyáre bháío, harek ádmí sunne men tez aur bolne men dhímá, aur gussa karne men dhímá howe. 20 Kyúnki ádmí ká gussa Ḳhudá kí rástbázi ke kám nahín kartá. 21 Is liye sári gundagí aur badí ke fuzle phenk kar us kalám ko, jo tum men paiwand hotá, aur tumhári ján bachá saktá hai, farotaní se qabúl karlo.

22 Lekin tum kalám par amal karnewále ho; na áp ko fareb dekar sirf sunnewále raho. 23 Kyúnki jo shaḡhs sirf kalám ko suná kartá, aur us par amal nahín kartá, wuh un ádmí kí mánind hai, jo apná munh áina men dekhtá. 24 Is liye ki us ne áp ko dekhá, aur chalá gayá, aur faurán bhúl gayá, ki main kaisá thá. 25 Par jo ázádagí kí kámil sharíat par ṭaktakí bándh ke us kí gaur men rahtá hai, wuh sun kar bhúlnewálá nahín, balki amal karnewálá hoke apne amal se mubáarak hogá.

26 Jo koí áp ko díndár samajhtá hai, aur apní zabán ko lagám nahín detá, balki apne dil ko fareb detá hai, to us kí díndári kuchh kám na áwegí. 27 Jo díndári Ḳhudá aur Bíp ke áge pák aur be aib hai, so yehi hai; Yatímon aur bewon kí musíbat ke waqt ḡhabargíri karná, aur áp ko dunyá se bedág bachá rakhná.

## II. BXB.

1 Merí bháío, hamáre Ḳhudáwand Yisú Masíh ká jo zuljalál hai, ímán záhir parastí ke sáth milí na rakho. 2 Is liye ki agar koí sonekí angúṭhí aur barráq kapre pahin kar, tumhári jamáat men áwe, aur ek garíb mele kachele kapre pahine áwe, 3 Aur tum us suthrí posl ák-wále se mutawajji ho kar kaho, Ap yahán baḡhúbi baithie; aur garíb se kaho, Wahán khará rah, yá yahán mere páon kí chaukí tale baith: 4 To kyá tum ne ápas kí tarafdári na kí, aur badgumán hákim na bane? 5 Mere piyáre bháío, suno, kyá Ḳhudá neis jahán ke garíbon ko nahín chuná, ki we ímán ke daulatmand aur usí bídsháhat ke, jis ká us ne apne piyár karnewálon se wáda kiyá, wáris howen? 6 Lekin tum ne garíb ko behurmat kiyá. Kyá daulatmand tum par jabar nahín karte, aur adálaton men tumhen nahín ḡhinchwáte? 7 Kyá we

us buzurg nám ká, jo tumbárá rakhá gayá, tháthá nahín karte?  
 8 Par jo tum us bádsháhi shariát ko púra karo, jaisá likhá hai, ki Tú  
 apní parosí ko aisá piyár kar, jaisá áp ko, tú achchhá karte ho;  
 9 Lekin agar tum zahir parastí karo, to gunáh karte ho, aur usí  
 shariát ke tálnewálé thahráe játe ho.

10 Is liye ki jo sári shariát ko mántá, aur ek bát táltá hai, to wuh  
 sári báton ká gunahgár húa. 11 Kyúнки jis ne kahá, Tú ziná na kar,  
 us ne yih bhí kahá, ki Tú khún mat kar. Pas agar tú ziná na kare,  
 aur khún kare, to tú shariát ká tálnewálá hogá. 12 Tum unki tarah  
 kaho, aur karo, jin ká insáf ázádagí kí shariát ke muwáfiq hogá. 13 Is  
 liye ki jis ne rahm nahín kiyá, us ká insáf be rahmí se hogá, aur rahm  
 adálat par gálib hotá hai.

14 Mere bháío, agar koí kahe, ki Main ímándár hún, aur amal  
 na kartá ho, to kyá fáida? kyá aisá ímán use bachí saktá hai?  
 15 Agar koí bahin yá bhái nangá howe, aur rozíne kí roṭí muyassar  
 na ho; 16 Aur tum men se koí unhen kahe, ki Salámat jáo, garam  
 aur ser ho; aur unhen we chizen na de, jo badan ko zarúr hain, to  
 kyá fáida? 17 Isí tarah ímán bhí agar amal ke sáth na ho, to akelá  
 ho ke murda hai. 18 Sháyad koí kahe, ki Ímán tujh men hai, aur  
 mere pás amal; bhalá tú apná ímán be amal ke mujh par zahir kar,  
 aur main apne ímán ko apne iamál se tujh par zahir karúngá. 19 Tú  
 ímán látá hai, ki Kḥudá ek hai; achchhá kartá hai: Shaitán bhí yihí  
 mánte, aur thartharáte hain. 20 Par ai wáhi ádmí, kab tujh ko  
 málum hogá, ki ímán be iamál murda hai? 21 Kyá hamára báp Abi-  
 rahám iamál se rástbáz nahín thahráyá gayá, jis waqt us ne apne bṛte  
 Isháq ko qurbángih par charháya? 22 Tú dekhtá hai, ki ímán ne  
 us ke iamál ke sáth kám kiyá, aur iamál se ímán kámil húa? 23 Aur  
 wuh likhá púra húa, jo kahtí hai, ki Abirahám Kḥudá par ímán láya,  
 aur yih us ke liye rástbází giní gaí: wuh aur khalíl Ilah kahláyá.  
 24 Tum dekhte ho, ki ádmí iamál se rástbáz thahráyá játa hai, sirf  
 ímán se nahín. 25 Isí tarah Ráháb bhí jo záina thí, jab us ne jásus-  
 on kí mihmání kí, aur unhen dúsri ráh se báhar kar diyá, iamál se  
 rástbáz thaharí. 26 Pas jaise badan be rúh murda hai, waisáhi ímán  
 bhí be iamál murda hai.

## III. BAB.

1 Ai mere bháío, tum men̄ बहुत se ustád na banen̄; kyúnki jánte ho, ki us se ziyáda sazá páwenge. 2 Is wáste ki ham sab ke sab bár bár taqsír karte hain̄; aur agar koí báton̄ men̄ taqsír nahín kartá, to wuhí kámil shaḡhs hai, aur wuh apne sáre badan ko tábí kar saktá hai. 3 Dekho ki ham ghoṛon̄ ke munh men̄ lagám dete hain̄, táki we hamáre tábí rahen̄, aur un ke sáre badan ko pherte hain̄. 4 Dekho jaház bhí báujúdíke kaise bare bare hain̄, aur tez hawá se uráe játe, chhoṭí chhoṭí patwár se jahán̄ kahín mánjhí cháhtá hai, pheráe játe hain̄: waisehí zabán chhoṭá sá ang hai, par baríhí bol boltá hai. 5 Dekho thoṛí sí ág kaise bare jangal ko jalá detí hai. 6 So zabán ek ág hai, aur sharárat ká ek álam zabán hamáre angon̄ men̄ aisí hai, ki sáre badan par dáḡ lagátí hai, aur paidáish ká dáira ko jalátí hai, aur ḡhod us ne jahannam se jalan ko páyá hai. 7 Kyúnki har qism ke jánwar, kyá urte, kyá rangte, kyá samundar ke rahne-wále insán ke bas men̄ áte hain̄, aur áe: 8 Par zabán ko koí ádmí bas men̄ lá nahín saktá; ki wuh to ek balá hai, jo thamtí nahín; zahr ; qátil se bharí hai. 9 Ham usí se Ḳhudá ko jo Báp hai, mubáarak kahte hain̄; aur usí se ádmíon̄ ko jo Ḳhudí kí súrat par paidá húe, bad duá karte hain̄. 10 Ek hí munh se mubáarak bád, aur bad duá nikkaltí hai. Ai mere bháío, yih munásib nahín, ki aisá ho. 11 Kyá koí chashma ek hí sot so míṡhá aur khurá pání detá hai? 12 Ai mere bháío, kyá mumkin hai, ki anjír men̄ zaitún aur angúr men̄ anjír lagen̄? So koí chashma khárá aur míṡhá pání nahín detá.

13 Tum men̄ kaun aqlmand aur dáná hai? wuh nek chál se dánáí ke ilm ke sáth apne iamál záhir kare. 14 Par jo tum apne dil men̄ karwí, dáḡ, aur jhagre rakhte ho, to faḡhar na karo, aur sachcháí ke ḡhiláf jhúth na bolo. 15 Yih wuh hikmat nahín jo úpar se utartí hai, balki yih dunyawí nafsání shaitaní hai. 16 Is liye ki jahán̄ dáḡ aur jhagrá hai, wahán̄ hangám aur har tarah kí burá kám hotá hai. 17 Par wuh hikmat jo úpar se hai, so pahile pák hai, phir mílansár, miána rú narm rahm se aur achchhe phalon̄ se ladí húi, na tarafdár hai, na makkár. 18 Aur we jo sulh karte hain̄, rástbází ke phal sulh ke sáth bote hain̄.

## IV. BĀB.

1 Laráían aur jhagre tum meñ kahán se áe? kyá yahán se nahín, yáne tumháří shahwatón se, jo tumháre angón meñ laṭí hain. 2 Tum kḥwáhish karte ho, aur nahín páte; tum ḍáh aur qatl karte ho, aur kuchh hásil nahín kar sakte; tum jhagarte ho, par kuchh háth nahín lagtá; is liye ki tum nahín mángte. 3 Tum mángte ho, aur nahín páte; kyúñki tum badwazí se mángte ho, táki apní shahwatón meñ kḥarach karo. 4 Ai ziná karnewálo aur zinákarnewálio, kyá tum ne nahín jáná, ki dunyá kí dostí Kḥudá kí dushmaní hai? pas jo dunyá kí dostí ká iráda kartá, wuh áp ko Kḥudá ká dushman ṭhahrátá hai. 5 Kyá tum gumán karte ho, ki kitáb abas kahtí hai, Wuh Rúh jo ham meñ bastá hai, ḍáh par ubhártá hai. 6 Wuh to ziyádatar fazl baḳhshátá hai; chunánchi wuh kahtá hai, ki Kḥudá magrúron ká sámhná karté, par farotanón par fazl rakhtá hai. 7 Is liye Kḥudá ke tábí ho, shaitán ká sámhná karo, wuh tum se bhág niklegá. 8 Tum Kḥudá ke nazdík jáo, wuh tumháre nazdík áwegá. Gunah-gáro, tum apne háth dhoo; ai do-dilo, apne ilko pák karo. 9 Afsos aur gam karo, aur roo: tumhárá hansná kuḥne se badal jáe, aur kḥúshí udásí se. 10 Tum Kḥudáwand ke áge farotaní karo, wuh tum ko baḥháwegá.

11 Ai bháío, tum ápas meñ ek dúsre kí badgoí na karo; jo apne bhái kí bad goí kartá, aur us par hukm kartá hai, so sharíat kí badgoí kartá, aur sharíat par hukm kartá hai; lekin agar tú sharíat par hukm kartá hai, to tú sharíat par amal karnewálá nahín, balki us ká hákim hai. 12 Sharíat ká denewálá ek hai, jo bacháne aur halák karne par qádír hai. Tú kaun hai, jo dúsre par hukm kartá hai?

13 Are áo, tum log jo kahte ho, ki áj yá kal faláne shahr jáenge, aur wahán ek báras ṭhahreñge, aur saudágirí kareñge, aur nafa páwenge; 14 Aur nahín jánte, ki kal kyá hogá. Tumháří zindagí kyá chíz hai? wuh to ek bukhár hai, jo thoṛí der tak nazar átá, phir gáib ho játá hai. 15 Is ke badal tum ko kahá cháhie, ki jo Kḥudáwand kí marzí howe, aur ham jíte rahen, yih yá wuh kám kareñge. 16 Par ab tum apní ṭarhánkne par faḳhar karte ho, aisá faḳhar sarásar

bejá hai. 17 Pas jo koí bhalá kar jántá hai, aur nahín kartá, to us par gunáh hotá hai.

### V. BAB.

1 Ab ai daulatmand, un áfaton ke sabab se, jo tum par ánewáí haiñ, chillá chillá roo. 2 Kyúñki tumhárá máñ saḡgal gayá, aur tumháre kapre kíre khá gae. 3 Tumháre sone rúpe ko morcha lagá; aur unká zang tum par gawáhí degá, aur tumhárá gosht kháwegá; yúñhí tum ne apne ákhir dinon ke liye k̄hazána jama kiyá. 4 Dekho un mazdúron kí mazdúrí jinhon ne tumháre khet káṭe, jise tum ne zulm karke na diyá, doháí detí hai; aur un káṭnewálon ká shor lashkaron ke K̄hudáwand ke kám tak pahunch gayá. 5 Tum ne zamín par aish o ishrat kiyá, aur sáre maze uṛáte áe; tum ne apne dilon ko moṭá kiyá, jaise zabh ke din kí k̄hátir. 6 Tum ne us rástbáz par f.twá diyá, aur use qatl kiyá; wuh tum se muqábila nahín kartá.

7 Ai bháío, K̄hudáwand ke áne tak sabr karo. Dekho kisán zamín ke qímatí phal kí ummedwárí karke us ke liye sabr kartá hai, jabtak pahile aur píchhle menh ko páwe: 8 Waisáhí tum bhí sabr karo, aur apne dil mazbút rakho; kyúñki K̄hudáwand ká áná nazdík hai.

9 Ai bháío, ek dúsre par na kuṛkuṛáo; táki tum sazá na páo: dekho insáf karnewálá darwáze par khará hai. 10 Ai mere bháío, jo nabí K̄hudáwand ke nám leke farmáte the, unke dukh uṭháne aur sabr karne ko namúna samjho. 11 Dekho ham unko jo sabr karte haiñ, nek baḡht samjhte haiñ; tum ne Aiyúb ke sabr ko suná hai, aur K̄hudáwand ke matlab ko jánte ho, ki wuh baṛá dardmand aur mihrbán hai.

12 Ai mere bháío, tum yih bát sab se pahile jáno, ki qasam mat kháo, na ásmán kí, na zamín kí, na koí aur qasam, balki tumhárá háñ háñ, aur tumhárá nahín nahín ho, ki tum sazá ke láiq na ṭhaharo.

13 Jo koí tum meñ gamgín ho, wuh duá máñge; K̄húshhál ho, to zabúr gáwe. 14 Jo koí tum meñ bímár pare, to majlis ke Qasíson ko buláwe; aur we us par K̄hudáwand ke nám se tel dhál ke us ke liye duá máñgen: 15 Aur duá jo ímán ke sáth ho, us bímár ko



bácháwegí, aur K̄hudáwand us ko uthá khará karegá; aur agar gunáh kiyá ho, to uskí muwáfi hogí. 16 Tum ápas men apní taqsírou ká iqrár karo, aur ek dúsre ke liye duá mángo, ki tum shafá páo. Rástbáz kí duá jo tásíre hai, bará kám kartí. 17 Eliyá hamára ham-jins insán thá; us ne duá par duá kí, ki pání na barse, so sárhe tñ baras tak zamín par pání na pará. 18 Aur us ne phir duá kí, to ásmán ne pání barsáyá, aur zamín apne phal ugá láí.

19 Ai bháío, jo tum men se koí sachcháí kí ráh se gumráh howe, aur koí us ko dhiráwe. 20 Wuh yih málúm kare, ki jo koí ek gunah-gár ko uskí gumráhí kí ráh se phirtá hai, to ek ján ko maut se bach-háwegá, aur bahut gunáhou ke chhipáwegá.

---

## PATHAR KA PAHILA KHATT.

---

### I. BAB.

1 Pathar kí taraf se, jo Yisú Masíh ká Rasúl hai, un musáfirou ko jo Pantus Galatia, Kappadokiá, Asíá aur Bituniá ke mulk men tirbatar húe, 2 Jo K̄hudá Báp ke ilmi qadím ke muwáfiq chune húe hai, táki Rúh kí pák tásír se farmánbardár hou, aur Yisú Masíh ká khún un par chiraká jáwe; fazl aur salámatí tumháre liye ziyáda hotí jáe.

3 Hamáre K̄hudáwand Yisú Masíh ká K̄hudá aur Báp mubáarak ho, jis ne ham ko apní barí rahmat se Yisú Masíh ke murdon men se jí uthne ke báis, zinda ummed ke liye sir nau paidá kiyá; 4 Táki ham wuh mírás páwen, jo bezawál hai, aur álúda, aur pazmurda nahín, jo hamáre liye ásmán par rakhí gaí. 5 Aur ham ímán ke wasíle K̄hudá kí qudrat se us naját tak, jo ákhirí waqt men záhir hone ko tayár hai, mahfúz rahte hain; 6 Jis men tum bahut khúsh ho, agarchi bilfiál chand roz bazarúrat tarah tarah kí ázmáishon se gam men pare ho: 7 Táki tumháre ímán kí ázmáish jo fání sone se, go ki wuh ág men táyá bhí jáe, kitná hí beshqímat hai, Yisú Masíh ke záhir hone ke din táríf aur izzat aur jalál ke láiq páí jáwe: 8 Use to bin

dekhe tum piyār karte ho; aur báujúdíke tum ab us ko nahín dekhte, magar ímán láke aísí k̄húshí k̄horí karte ho, jo bayán se báhar aur jalál se bharí hai: 9 Aur apne ímán kí garaz, yáne jánon kí naját hásil karte ho.

10 Isí naját kí bábat un nabíon ne talásh aur tahqíq kí, jinhon ne us níamat kí peshín goí kí, jo tum par záhir hone ko thí. 11 We us kí tahqíq men the, kí Masíh kí Rúh jo un men thí, Masíh ke dukhon kí, aur phir jilánon kí, jab gawáhí detí thí, kiswaqt aur kis tarah ke zamáne ká bayán kartí thí. 12 So un par yih záhir húa, kí we na apní, balki hamáří k̄hidmat ke liye we báten kahte the, jin kí k̄habar tum ko un kí márifat milí, jinhon ne Rúh i Quds kí qudrat se jo ásmán se názil húa, tum hen injíl kí k̄húsh k̄habarí dí; aur in báton ko daryáft karne ke firishte mushtáq haiñ.

13 Is wáste tum apne fahm kí kamarband ke hoshyarí se us fazl kí kámil ummed rakho, jo Yisú Masíh ke záhir hote waqt tum par hogá. 14 Tum farmánbardár farzandon kí mánind un barí k̄hwáhishon ke, jin ke tum nádání ke dilon men giriftár the, hamshakl na bano. 15 Balki tum jis tarah tumhárá bulánewálá pák hai, apní sab chál men pák bano. 16 Kyúнки likhá hai, kí Tum pák bano, kí main pák hún.

17 Aur agar tum us ko jo harek ke kám ke muwáfiq be tarafdár insáf kartá hai, Báp kaho, to apne musáfirat ke waqt ko dar ke sáth káto. 18 Kyúнки tum yih jánte ho, kí tum ne jo apne báp dádon ke behúda dastúron se k̄halásí páí, so yih kuchh fání chízon, yáne sone rúpe ke sabab se nahín, 19 Balki Masíh ke beshqímat lahú ke sabab jo bedág aur beaib barre kí mánind hai; 20 Jo dunyá kí paidáish se peshtar muqarrar húa thá: lekin is ákhirí men tumháre liye záhir húa. 21 Us ke sabab se tum K̄hudá par ímán lée, jis ne us ko murdon men se jiláyá, aur jalál bak̄shhá, táki tumhárá ímán aur bharosá K̄hudá par howe.

22 So jaisí kí tum ne haqq kí tábídarí karke Rúh ke wasíle apne dil ko pák kiyá, yahán tak kí tum men bháíon kí be riá mahabbat paidá húi; pas tum pák dil se ek dúsre ko bahut piyár karo: 23 Kyúнки tum na tuk̄hmi fání se, balki gair fání se, yáne K̄hudá ke kalám se, jo hamesha zinda aur báqí hai, sir nau paidá húe. 24

Kyúнки harek bashar ghás kí mánind hai, aur ádmí kí sárí shán ghás ke phúl kí mánind. Ghás sukh játí hai, aur phúl jhar játá hai: 25 Lekin K̄hudáwand ká kalám hamesha rahtá. Yih walí kalám hai, jis kí k̄húsh k̄habarí tumhen dí gaí.

## II. BĀB.

1 Is wáste tum harek badí aur harek dagá, aur makron, aur dáh, aur sárí badgoíon ko chhor ke, 2 Un bachchon kí mánind jo isí dam paidá húe kalám ke k̄hális dúdh ke mushtáq ho, táki tum us se barhte jáo: 3 Kyúнки tum ne maza hásil kiyá, ki K̄hudáwand mihrbán hai.

4 Tum us pás áe; wuh ek zinda shahr hai, jise ádmíon ne to ná-pasand kiyá, par K̄hudá ne use chun liyá, aur qímatí jáná. 5 So tum bhí zinda patharon kí mánind rúhání gharáne bante játe ho, aur káhinon kí muqaddas jamáat húe játe ho, táki rúhání qurbáníán, jo Yisú Masíh ke wasíle K̄hudá ko pasand hai, guzráno. 6 Is wáste kitáb men bhí mazkúr hai, ki Dekh main ek pathar Saihon men rakh detá hún, jo kone ká sirá, aur chuna húa, aur qímatí hai; aur jo us par ímán láwe, hargiz shariminda na hogá. 7 So wuh tumháre wáste jo ímán líe ho, qímatí hai: par jo ímán na láe, un ke liye wahí pathar, jise banánewálon ne radd kiyá, kone ká sirá húa, 8 Aur thokar khilánewálá pathar, aur thes dilánewálá chaṭán húa: so yih we hain, jo sarkash hoke kalám se thokar kháte hain, is liye we muqarrar bhí húe. 9 Lekin tum chune húe k̄hándán, bádsháhí káhinon kí jamáat, muqaddas qaum, aur k̄hás log ho, táki tum us kí k̄húbíán bayán karo, jis ne tumhen táríkí se apní ajíb roshní men buláyá. 10 Tum áge qaum na the, par ab K̄hudá ke qaum ho; áge tum par rahmat na thí, par ab tum par rahmat húi.

11 Ai piyáro, main tum se yún jaise pardesíon aur musífíron se minnat kartá hún, ki tum jismíní k̄hwáhishon se jo sipáhí ban kar ján ká muqábila kartí hain, parhez karo. 12 Aur apní chalan gair-qaumon ke bích nekí ke sáth rakho: táki we jo tumhen badkár jánke tumhári badgoí karte hain, tumháre nek kámon par nazar karke us dín jab un par nigáh ho, K̄hudá ká jalál záhir karen.

13 Pas harek hukúmat ke, jo insán ke taraf se hai, K̄hudáwand ke liye tábi raho; bádsháh ke is liye, ki wuh sab se buzurg hai; 14 Aur hákimon ke is liye, ki we us ke bheje húe hain, táki badkáron ko sazá den, aur neko káron kí tárif karen. 15 Kyúinki K̄hudá kí marzí yún hai, ki tum achchhe amal karke ahmaqon kí nádání ká munh band kar rakho: 16 Aur apne tain ázád jáno; par apní ázadí ko badí ká parda na karo, balki áp ko K̄hudá ke bande jáno. 17 Sab kí hurmat karo; bháíon se ulfat rakho; K̄hudá se ðaro; bádsháh kí izzat karo.

18 Ai chákaro, kamál adab se apne k̄háwindon ke tábi raho; na sirf nekon aur halímon ke, balki kaj mizájon ke bhí. 19 Kyúinki agar koí K̄hudápar nazar karke be insáfí se dukh uṭhá kar sabr kare, to yih fazílat hai. 20 Ki agar tum ne gunáh karke tamánche kháe, aur sabr kiyá, to kaun sá fakhar hai? par agar nekí karke dukh páte, aur sabr karte ho, us men K̄hudá ke nazdík tumhári fazílat hai. 21 Kyúinki tum isí ke liye buláe gae ho, ki Masíh bhí hamáre wáste dukh páke ek namúna hamáre liye chhor gayá hai, táki tum us ke naqshi qadam par chale jáo. 22 Us ne gunáh na kiyá, aur us kí zabán men chhal bal na páyá kiyá. 23 Wuh gálián kháke gálí na diyá; aur dukh páke dhamkátá na thá; balki apne tain us ke, jo rástí ke sáth insáf kartá hai, supurd kartá thá: 24 Us ne áp apne badan par hamáre gunáhon ko salíb par uṭhá liyá, táki ham gunáhon se chhúṭ ke rástbází men guzrán karen: un koron ke zaḥm se jo us par pare, tum change húe. 25 Kyúinki tum bhatakí húi bheron kí mánind the, par ab apní jánon ke gaṛaríe aur nigahbán pás phir áe ho.

### III. BĀB.

1 Isí tarah ai aurato, tum apne shauharon ke tábi raho, ki agar kaí ek un men se kalám ko na mánte hon, to we bagair kalám apní auraton kí chalan se nafa men milen; 2 Jis waqt tumhári pák chalan ko, jo khauf ke sáth hain, dekhen. 3 Aur tumhárá singár zahirí naho, jaise sir gúndhná, gahná, aur tarah tarah ke kapre pahinná. 4 Balki cháhie, ki wuh dilkí poshída insánit ho, jo gairfání, aur halím, aur garíb mizáj hai, aur yehi K̄hudá ke áge besh-qímat hai. 5 Isí tarah

muqaddas aurateṁ bhí jo agle zamáne meṁ Ḳhudá par bharosá rakhtí, ap ko sanwártí, aur apne apne shauharoṁ ke tábi rahtí thín. 6 Chun-ánchi Sáraḥ Abirahám kí farmánbardárí kartí, aur use Ḳhudáwand kahtí thí: so tum bhí us kí beṭián ho, agar nekíán karo, aur kisí Ḳhauf se hairán na ho.

7 Waisáhi ai shauharo, tum bhí dánái se un ke sáth raho, aur aurat ko názak paidáish samajh kar izzat do; aur jáno, ki zindagí kí mírás kí niamat meṁ tum dono sharík ho, táki tumhári duá meṁ ruk na jáeṁ.

8 Garaz sab ke sab ek dil ho; hamdard ho; birádarána máhabbat rakho; rahm dil aur ḲhúshḲho hoo. 9 Badí ke iwaz badí na karo; gálí ke iwaz gálí na do; balki us ke Ḳhiláf barakat cháho; ki tum jánte ho, ki tum barakat ke wáris hone ko buláe gae ho. 10 Jo koí cháhe, ki zindagí se Ḳhúsh ho, aur achche dinon ko dekhe, so apní zabán ko badí se, aur apne honṭhon ko dagá kí bát bolne se, báz rakhe. 11 Badí se kinára kare, aur nekí par amal kare; sulh ko ḡhúndhe, aur us ká píchhá kare. 12 Kyúнки Ḳhudáwand kí nigáh rástbázoṁ par, aur us ke kán un kí minnat par haiṁ; par Ḳhudáwand ká chihra badkároṁ ká muḲhálif hai. 13 Aur agar tum nekí kí pairawí kiyá karo, kaun hai jo tum se badí kare? 14 Par agar tum rástbází ke sabab dukh bhí páo, to nek baḲht ho, aur un ke ḡaráne se mat ḡaro, aur na ghabrá jáo. 15 Balki Ḳhudáwand Ḳhudá ko apne dilon meṁ muqaddas jáno: aur hamesha mustaid raho, ki harek ko jo tum se us ummed kí bábat jo tumheṁ hai, púchhe, farotaní aur adab se jawáb do: 16 Aur dil nek rakho; táki we jo tumheṁ badkár ján ke tum ko burá kahte, aur tumhári Masíhí achcheḡhí chál par lán tán karte haiṁ, sharminda hon. 17 Kyúнки agar Ḳhudá kí marzí yún hai, ki tum bhalá karke dukh páo, to yih us se bihtar hai, ki burá karke.

18 Kyúнки Masíh ne bhí ek bár gunáhoṁ ke wáste dukh uṭháya, yáne rástbáz ne nárástoṁ ke liye; táki wuh ham ko Ḳhudá ke pás pahuncháe, ki wuh jism kí rú se to mára gayá, lekin Rúh se zinda kiyá gayá: 19 Aur us se un rúhoṁ ke pás jo qaid thín, jáke manád kí: 20 Jo áge náfarmánbardár thín, is waqt ki Ḳhudá ká sabr Núha ke dinon jab kishtí taiyár hotí thí, intizár kartá rahá, jis meṁ

thorí jānen, yāne āṭh ādmí pānī se sahīh salāmat bach gae. 21 Us kí mánind bāptismá, jo badan ká mail chhuráná nahín, balki nek nítí se Ḳhudá ko jawáb dená hai, Yisú Masíh ke jí uṭhne ke wasíle ab ham ko bhí bachátá hai: 22 Wuh ásmán par jáke Ḳhudá ke dahine hai' aur firishte, aur iḳhtiyár aur qudratwále us ke tábi haiṅ.

#### IV. BĀB.

1 Pas jis hál men ki Masíh ne hamáre wáste jism men dukh uṭháyá, to tum bhí isí iráde ke hathyár bándho; kyúnci jis ne jism men dukh uṭháyá, so gunáh se báz rahá. 2 Yahán tak, ki ádmíon kí burí ḳhwá-hishon ke mutábiq nahín, balki Ḳhudá kí marzí ke muwáfíq jism men apní báqí umr káṭṭá hai. 3 Is wáste ki hamárá jítaní umr gairqaumon kí ḳhúshí ke muwáfíq kám karne men guzrí, wahí bas hai, ki us men ham hawá o hawas, shahwaton, wain kí mastí, dhám, kháne píne, makrúh butparastíon men auqát-basar karte the. 4 Aur we tájjub karte haiṅ, ki tum us shuhdápan kí fazúlí men un ke sáth bhí nahín játe, aur badgoí karte haiṅ. 5 We us ko jo zindon aur murdon ká insáf karne par taiyár hai, hisáb denge. 6 Kí murdon ko bhí injíl is liye sunáí gai, ki we ádmíon ke áge jism kí ráh se gunahgár ṭhaharen; lekin Ḳhudá ke áge rúh se jíwen.

7 Par ab chízon ká áḳhir nazdík hai; is liye hoshyár, aur duá karne ke liye jágte raho. 8 Sab se pahile ek dúsre ko shiddat se piyár karo: kyúnci mahabbat bahut gunáhon ko ḍhám detá hai. 9 Apas men be kuṛkuṛáe musáfirdost raho. 10 Jis ko jis qadar niamat mile, wuh us se un kí mánind, jo Ḳhudá ke tarah tarah ke f<sup>a</sup>zl ke achche ḳhánsámán hai. Ek dúsre kí ḳhidmat men ḳharch kare. 11 Agar koí bole, to wuh Ḳhudá ke kalám ke mutábiq bole; agar koí ḳhidmat kare, to itní kare, jítná use Ḳhudá ne maqrúr diyá hai; táki sab bát men Yisú Masíh ke wasíle Ḳhudá ká jalál záhir ho. Jalál o qudrat hamesha ke liye hai. Amín.

12 Piyáro, tum us tánewálí ág se, jo ázmáne ke liye tum par áí, tájjub na karo; ki goyá tumhára ajab hál húá hai. 13 Par is sabab se ḳhúsh karo, ki tum Masíh ke dukhon men sharík ho; táki us ke jalál ke záhir hote waqt tum be niháyat ḳhúsh o ḳhoram ho.

14 Agar Masīh ke nām ke sabab tum par lān tān ho, to tum mubārak ho; kyūnki jalāl kī aur Ḳhudā kī Rūh tum par sāya kartī hai. We to us par kufr bakte, par tum se us kā jalāl zāhir hotā hai. 15 Ḳhabardār, tum men se koī ḳhūnī yā chor yā badkār, yā auron ke kām men daḳhal karnewālā na ho, ki dukh pāwe. 16 Par agar koī Kristiān ke sabab se dukh pāwe, to na sharmāwe, balki is sabab se Ḳhudā kā Jalāl zāhir kare. 17 Kyūnki ab Ḳhudā kī ghar se dālat shurū hone kā waqt hai : pas agar ham se shurū hai, to un kā jo Ḳhudā kī injīl ke tābi nahīn, kyā anjām hogā? 18 Aur agar rāstbāz dushwārī se bach jāwe, to bedīn aur gunahgār kā ṭhikānā kahān? 19 Pas jo Ḳhudā kī marzī ke muwāfiq dukh pāte hain, so us ko ḳhāliq āmīn jān kar nekokārī karte hūe apnī jānon ko us ke supurd karen.

### V. BĀB.

1 Qasison se jo tumhāre bīch hain, main jo un ke sāth Qasīs aur Masīh kī aizaton kā gawāh, aur us jalāl men jo zāhir hogā sharīk hūn, iltimas kartā hūn; 2 Ki tum Ḳhudā ke us galle kī jo tumhāre bīch hai pāsbanī karo, lāchārī se nahīn, balki ḳhūshī se; aur nārawā nafa ke liye nahīn, balki dil kī ārzū se nigahbanī karo; 3 Aur Ḳhudāwand kī mīrás kī ḳhāwindī na karo, balki galle ke liye namūne bano. 4 Aur jab sardār gaṛarīā zāhir hogā, tab tum jalāl kā aisā hār pāoge, jo murjhātā nahīn.

5 Isī tarah tum ai jawāno, basison ke tābī raho; balki sab ke sab ek dūsre ke tābi raho, aur farotanī kā libās pahino; kyūnki Ḳhudā magrūron kā sīmhnā kartā, aur farotanon ke fazl baḳhshatā hai. 6 So tum Ḳhudā ke zabardast hāth ke tale dabe raho, tāki wuh tumhen waqt par sarāfrāz kare: 7 Aur apnī sārī fikr uspar ḳāl do; kyūnki us ko tumhārī fikr hai.

8 Hoshyār, aur jāgte raho: kyūnki tumhārā muḳhālif shaitān garjnewāle babbar kī mānind ḳhūndhtā phirtā hai, ki kis ko phār khāwe. 9 Tum imān men mazbūt hoke us kā muqābila karo; aur jān rakho, ki aise hī dukh tumhāre bhāī jo duniyā men hain uṭhāte hain.

10 Ab Ḳhudā jo kamāl fazl kartā, jis ne ham ko apne jalāl abadī

ke liye Masíh Yisú se buláyá hai, ap hí tum ko thorá sá dukh sahne ke bád, taiyár, mazbút, ustawár, páidár kare. 11 Jalál aur qudrat abad tak usí ká hai. *Amín.*

12 Main tumhen Silwánus kí márifat, jo merí dánast men diánat-dár bháí hai, muḡhtasar men likh ke nasíhat kartá, aur gawáhí detá hún, ki yihí Ḳhudá ká sachchá fazl hai, jis par tum qáim ho.

13 Bábil kí majlis jo tumháre sáth barguzída húi, aur merá beṭá Marq tumhen salám kahte hai. 14 Tum ápas men mahabbat ká búsa leke ke dúsre ko salám karo. Tum sab kí jo Masíh Yisú men ho, salámatí howe. *Amín.*

---

## PATHAR KA DU'SRA KHATT.

---

### I. BAB.

1 Simon Pathar kí taraf se, jo Yisú Masíh ká banda aur rasúl hai, un ko jinhon ne hamáre Ḳhudá aur bachánewále Yisú Masíh kí rást-bázi se aisá ímán páyá, jo hamáre ímán ká hamqímat hai: 2 Ḳhudá aur hamáre Ḳhudáwand Yisú Masíh kí pahchán se fazl aur salámatí tumháre liye ziyáda hotí jáwe.

3 Chunánchi us kí Ḳhudái kí qudrat ne hamen sab chízen, jo zindagí aur díndarí se táluq rakhtí hai, us kí pahchán se ináyat kín, jis ne ham ko jalál aur nekí se buláyá. 4 Un ke wasíle niháyat bare aur qímatí wáde ham se kie gae: táki tum us gundagí se, jo duniyá men burí Ḳhwáhish ke sabab hai, chhúṭ kar un ke wasíle tabiat iláhí men sharík ho jáo. 5 Aur is wáste tum us men kamál koshish karke apne ímán par nekí, aur nekí par irfán; 6 Aur irfán par parhezgári, aur parhezgári par sabr, aur sabr par díndarí; 7 Aur díndarí par birádarána mahabbat, aur birádarána mahabbat par ulfat baḡháo. 8 Ki ye chízen agar tum men hon, aur baḡhtí bhí jáwen, to tum ko hamáre Ḳhudáwand Yisú Masíh kí pahchán men gífilaur bephal na hone dengí. 9 Par jis ke pás yik chízen nahín hai, wuh andhá, aur ánkhen mún dtá hai, aur apne agle gunáhon ke dhúe jáne ko bhúl



baithí. 10 Is liye bháfo, ziyádatar koshish karo, ki tumhári buláhat aur barguzídagi sábit ho : kyúнки agar tum aisá karo, to kabhí na giroge. 11 Balki tumhen hamáre K̄hudáwand aur bachánewále Yisú Masíh kí hamesha kí bádsháhat men̄ barí izzat ke sáth daḡhal milegá.

12 Is liye main̄ yih báten̄ tumhen̄ yád diláne se kabhí gáfil na húngá ; agarchi tum wáqif ho, aur is sachcháí par jo ab záhír húi qáim ho. 13 Balki main̄ ise wájib jántá hún, ki jabtak is ḡhaima men̄ hún, tumhen̄ yád dilá dilá ke ubhárún. 14 Kyúнки main̄ jántá hún, ki jaisá hamáre K̄hudáwand Yisú Masíh ne mujh par záhír kiyá, wuh waqt jis men̄ merá ḡhaima giráyá jáe, nazdík pahunchá hai. 15 So main̄ koshish men̄ hún, ki tum mere kúch karne ke bád in báton̄ ko hamesha yád rakho.

16 Ki ham ne na failasofi kí kahánion̄ ká píchhá karke apne K̄hudáwand Yisú Masíh kí qudrat aur áne kí ḡhabar tumhen̄ dí ; balki ham áp us kí buzurgí ke dekhnewále the. 17 Ki us ne K̄hudá Báp se izzat o hurmat páí, jis waqt niháyat bare jalál se us ko aisí áwáz áí, ki Yih merá piyára Beṡá hai, jis se main̄ rází hún. 18 Aur ham ne jab us ke sáth muqaddas pahár par the, yih áwáz ásmán se áte suní.

19 So ham ko nabion̄ ke kalám ká ziyáda yaqín húa ; aur tum achchhá karte ho, jo yih samajh kar is par nazar karte ho ; ki wuh ek chirág hai, jo andhní jagah men̄ jab tak pau na phatṡe, aur subh kí tárá tumháre dilon̄ men̄ záhír na howe, roshní baḡhshatá hai : 20 Aur tum yih sab se pahile jáno, ki kitáb kí koí nabuwat áp se nahín khultí. 21 Kyúнки nabuwat kí bát ádmí kí ḡhwáhish se kabhí nahín huf : balki K̄hudá ke muqaddas log Rúh i Quds ke bulwáe bolte the.

## II. BĀB.

1 Jaise jhúṡhe nabí us qaum men̄ the, waise jhúṡhe muallim tum men̄ bhí honge, jo halák karnewáli bidáten̄ parde men̄ nikálenge, aur us K̄hudáwand ká ; jis ne unhen̄ mol liyá, inkár karenge ; aur áp ko jald halák karenge. 2 Aur bahutere un ke fasád kí pairawí karenge ; un ke sabab se ráh rást kí badnámí hogí. 3 We apne lálach se báten̄ baná kar tum ko saudágarí kí tarah apne nafá ká sabab ṡhahráwenge :

sazá ká hukm jo muddat se unpar húá, áne men der nahín kartá, aur unkí halákat únghtí nahín.

4 Kyúнки K̄hudá ne gunahgár firishton ko nachhorá, balki táríkí zanjiron se bándhkar jahannam men dāl ke supurd kiyá; táki adálat ke din tak unkí nigahbání ho. 5 Par aglí dunyá ko bhí na chhorá, balki túfán ke pání ko bedínon ke álam par bhej kar áṭhwen shaḅhs Núha ko, jo rástbází ká manádí karnewálá thá, bachá liyá; 6 Aur Sadúm aur Amúrah ke shahron ko ḅhák siyáh karke nest o nábdú hone ká hukm farmáyá, aur unhen áinda ko bedínon ke liye namúna baná rakhá; 7 Aur rástbáz Lút ko jo sharíron kí nápák chálon se gangín thá, rahái baḅshí. 8 Ki wuh rástbáz un men rah kar un ke beshara amlon ko dekh sun ke har roz apne sachche dil ko shikanja men khenchtá thá; 9 Pas K̄hudáwand díndáron ko imtihán se chhuráná aur bedínon ko adálat ke din tak sazá ke liye rakhná jántá hai: 10 K̄hasúsán un ko jo nápák shahwaton se jism kí pairawí karte, aur hukúmat ko náchíz jánte hain. We dhíṭh o ḅhodpasand hain, aur izzatwálon ko bedhírak badnám karte hain. 11 Agarchi firishte jo zoráwar qudrat un se baḅh kar hain, K̄hudáwand ke áge un par nálísh karke tána nahín dete. 12 Lekin ye un jánwaron kí mánind jo zátí beaql hain, aur shikár aur halák hone ke liye paidá húe, un chízon kí jinse we náwáqif hain, badnám karte hain; aur apní ḅharábí men halák honge. 13 We apní badí ká badla páwenge; we din ko ayáshí karná ḅhúshí jánte hain. We dág hain, aur aib hain, aur tumháre sáth ḅháme apní dagábázíon se aish o ishrat karte hain. 14 Un ke ánkhen ziná se bharí hain, aur gunáh se ruk nahín saktí; we beqíámon par jál dálte hain: un ká dil lálachon men mashsháq hai; we lánat kí aulád hain. 15 We sídhí ráh chhor kar bhaṭke hain, aur Basor ke beṭe Bilaám kí ráh par ho liye hain, jis ne nárástí kí mazdúrí ko azíz jáná; 16 Us ne apní ḅhatá kárí par ilzám páyá: ki be zabán gadhe ne ádmí kí tarah bol kar us nabí kí díwánagí ko rok rakhá. 17 We súkhe kúe hain; we badlíán hain, jinhen ándhí daurátí hai; abadí táríkí siyáhi un ke liye dharí hai. 18 We ghamand kí behúda bakwás karke, unhen jo gumríhon men se sáf bach nikle the, jismání shahwaton aur nápákíon men phansáte hain. 19 We un se ázádagí ká wáda karte, par ap ḅharábí ke gulám bante hain: kyún-

ki jo jis ká maglúb húa, so usí ká gulím hai. 20 So agar we K̄hudá-wand aur bachánewále Yisú Masih kí páhchán ke sabab dunyá kí álúdagíon se bach kar un men phir ke phansen, aur maglúb hon, to unká píchhlá hál pahile se badtar ho chuká. 21 Kyúnki rástí kí ráh na jánná, un ke liye is se bihtar thá, ki ján kar us muqaddas hukm se, jo unhen sompá gayá, phir jáwen. 22 Par yih sachchí mashl un par thík átí hai, ki kuttá apní qáí kí taraf, aur dhúi húi súar daldal men lúṭne ko phirí hai.

### III. BAB.

1 Azízo, main tum men ab yih dúsrá k̄hatt likhtá hún; aur dono se tumháre pák dil ko yád diláne ke taur par ubhártá hún: 2 Táki tum un báton ko, jo muqaddas nabíon ne peshtar kahín, aur us hukm ko jo ham ne, ki K̄hudáwand ke aur bachánewále ke hawárí hain, kiyá, yád rakho. 3 Aur yih pahile ján rakho, ki ákhirí dinon men hansí thaṭhe karnewále áwenge, jo apní burí k̄hwháshon ke muwáfíq chalenge; 4 Aur kahenge, ki us ke áne ká wáda kahán? kyúnki jaise báp dáde so gae, sab kuchh jaisá k̄hilqat kí shurú men thá, abtak waisáhi hai.

5 Ki we ise ján bújhke bhúl gae, ki K̄hudá ke kalám se ásmán muddat se hain, aur zamín pání se aur pání ke wasíle maujúd húi hai: 6 Un se aglí dunyá pání men dúb kar halák húi: 7 Par jo ásmán o zamín ab hain, usí kalám se mahfúz hain, aur us din tak, ki bedínon kí adálat aur halákat ho, jalíne ke liye báqí rahenge.

8 Par ai azízo, yih bát tum par chhipí na rahe, ki K̄hudáwand ke nazdík ek din hazár baras, aur hazár baras ek din ke barábar hai. 9 K̄hudáwand apní wádon kí bábat sustí nahín kartá, jaisá báze sustí samajhte hain; par is liye hamáre bábat sabr kartá, ki kisí kí halákat nahín cháhtá, balki cháhtá hai, ki sab tauba karen. 10 Lekin K̄hudá-wand ká din chor kí tarah áwegí; aur usí men ásmán sannáṭe ke sáth játe rahenge; aur anásir jalkar gudáz ho jáenge; aur zamín un kárígaríon samet, jo us men hain, gal jáengí.

11 Pas jab ki yih sab chízen gudáz honewálí hain, to tum ko pák chalan aur dindárí men kaisá baná lízim hai? 12 Aur K̄hudá ke us

din ke áná ke mun, tazir aur mushtáq ho, jis men ásmán jalkar gudáz ho jáenge, aur anásir jalkar pighal jáenge. 13 Par ham nae ásmán aur naí zamín kí, jin men rástbází bastí hai, us ke wáda ke muwáfiq intizárí karte hai.

14 Is wáste, ai azízo, un chízon ke muntazir rah ke koshish karo, ki tum bedág aur be aib salámatí se us ke huzúr házir ho. 15 Aur hamáre K̄hudáwand ká der karná apní naját jáno ; chunánchi hamáre piyáre bháí Paul ne bhí us dánáí ke muwáfiq, jo use ináyat húi, tumhen likhá hai. 16 Aur sáre k̄hatton men in báton ká zikr kiyá hai ; un men kitní báten hai, jin ká samajhná mushkil hai, aur we jo jáhil aur beqiám hai, un ke mánon ko bhí dúsrí kitábon ke mazmunon kí tarah apní halákat ke liye phirte hai.

17 Is wáste piyáro, jab ki tum áge se ágáh ho gae, apní k̄habardárí karwáte na howe, ki sharíron kí bhúl kí taraf khinch kar apní mabútí zse gir jáo. 18 Balki hamáre K̄hudáwand aur bachánewálí Yisú Masíh ke fazl aur pahchán men baṛhte jáo ; usí ká jalál ab aur abad tak. *Amin.*

---

## YOHAN KA PAHILĀ K̄HATT.

---

### I. BĀB.

1 Zindagí ke Kalám kí bábat, jo kuchh shurú se thá, jise ham ne suná, aur apní ánkhou se dekhá, aur ták rakhá, aur hamáre háthon ne chhúá, ham k̄habar dete hai ; 2 Kyúнки zindagí záhir húi aur ham ne dekhá, aur ham gawáhí dete hai, aur us hamesha kí zindagí kí k̄habar tum ko dete hai, jo Báp ke pás thí, aur ham par záhir húi. 3 Jo kuchh ham ne dekhá aur suná, us kí k̄habar tumhen dete hai ; táki tum bhí hamáre sáth mel rakho : aur tumhárá mel Báp ke sáth, aur us ke Beṭe Yisú Masíh ke sáth hai. 4 Aur ham yih báten tumhen is wáste likhtá hai, ki tumháří k̄húshí purí ho.

5 Aur wuh k̄habar jo ham ne us se suní aur phir tumhen dete hai, so yehí hai, ki K̄hudá Núr hai, aur us men táríkí zara bhí nahí.

6 Agar ham kahen, ki ham us se mel rakhte hain, aur táríkí men chalte hain; to jhúṭhe hain, aur sach par amal nahín karte: 7 Par agar jis tarah wuh núr men hai, ham núr men chalen; to ham ápas men mel rakhte hain, aur us ke Beṭe Yisú Masíh ká lahú ham ko sáre gunáh se pák kartá hai.

8 Agar ham kahen, ki begunáh hain; to ham apne tain fareb detá hain, aur sachcháí ham men nahín. 9 Agar ham apne gunáhon ká iqrár karen; to wuh hamáre gunáhon ke muáf karne, aur hamen sárí nárástí se pák karne men sachcháí aur ádil hai. 10 Agar ham kahen, ki ham ne gunáh nahín kiyá; to ham use jhúṭh láte hain, aur us ká kalám ham men nahín hai.

---

## II. BAB,

1 Mere bachcho, main ye báten tumhen likhtá hún, táki tum gunáh na karo; aur agar koí gunáh bhí kare, to Yisú Masíh jo ádil hai, Báp ke pás hamára wakíl hai; 2 Aur wuh hamáre gunáhon ká kafára hai; faqat hamáre gunáhon ká nahín, balki tamám dunyá ke. 3 Agar ham us ke hukmon par amal karen, to ham is se jánte hain, ki ham ne us ko jáná. 4 Wuh jo kahtá hai, ki main use jántá hun, aur us ke hukmon par amal nahín kartá; so jhúṭhá hai, aur sachcháí us men nahín. 5 Par wuh jo us ke kalám par amal kare, yaqínán us men Kḥudá kí mahabbat kámil hai: ham is se jánte hain, ki ham us men hain. 6 Wuh jo kahtá hai, ki main us men bastá hún, cháhie ki jaisá wuh chaltá hai, waisá áp chale.

7 Bháío, main tumháre liye koí naiá hukm nahín likhtá, magar puráná hukm, jo tum ko shurú so milá; puráná hukm wuh kalám hai, jo tum ne shurú se suná. 8 Phir ek naiá hukm tumhen likhtá hún, jo us men aur tum men sach hai: kyúнки táríkí guzar gaí, aur haqíqí núr ab chamaktá hai. 9 Wuh jo kahtá hai, ki main roshní men hún, aur apne bháí se dushmaní rakhtá hai, abtak táríkí men hai. 10 Wuh jo apne bháí se mahabbat rakhtá hai, ujálemen rahtá hai, aur us men ṭhokar ká báis nahín hai. 11 Par jo apne bháí se dushmaní rakhtá, táríkí men hai, aur táríkí men chaltá hai, aur nahín jántá, kidhar chalá játá hai; kyúнки táríkí ne us kí ánkhen tum men andhí kí hain.

12 Ai bachcho, main tumhen likhtá hún; kyúnki tumháre gunáh us ke nám se muáfhúe. 13 Ai ábá, main tumhen likhtá hún; kyúnki use jo shurú se thá, tum ne jáná. Ai jawáne, main tumhen likhtá hún; kyúnki tum us sharír par gálib húe ho. Ai laṛko, main tumhen likhtá hún; kyúnki tum ne Báp ko jáná hai. 14 Ai ábá, main ne tumhen likhá hai; kyúnki jo shurú se thá, tum ne use jáná. A<sup>i</sup> jawáno, main ne tumhen likhá hai; kyúnki tum mazbút ho, aur Kḥudá ká kalám bastá hai, aur tum sharír par gálib húe ho.

15 Dunyá aur dunyá kí chízon kí mahabbat na rakho; jo koí dunyá kí mahabbat rakhtá hai, us men Báp kí mahabbat nahín. 16 Kyúnki harek chíz, jo dunyá men hai, yáne jism kí kḥwáhish, aur ánkḥ kí kḥwáhish, aur zindagí ká gurúr, Báp se nahín, dunyá se hai. 17 Aur dunyá aur us kí kḥwháish guzar játá hai; lekin jo Kḥudá kí marz<sup>i</sup> par chaltá, wuh abadtak rahtá hai. 18 Ai bachcho, yih ákḥirí zamána hai: aur jaisá tum ne suná hai, ki Masíh ká muḥhálif átá hai, so abhí bahut se Masíh ke muḥhálif húe hain: is se ham jánte hain, ki yih ákḥirí zamána hai. 19 We ham men se nikle, magar ham men se na the: kyúnki agar we ham men se hote, to hamáre sáth rahte; par we nikle, táki zíhir howen, ki we sab ham men se na the. 20 Aur tum ne us muqaddas se masih páyá, aur sab kuchh jánte ho. 21 Main ne tum ko na is wáste likhá, ki tum sab ko nahín jánte; balki is liye ki tum ise jánte ho, aur yih, ki koí júṭh sach men se nahín. 22 Kaun jhúṭhá hai, magar wuh jo inkár kartá hai, ki Yisú wuh Masíh nahín? Jo Báp aur Beṭe ká inkár kartá hai, wuhí Masíh ká muḥhálif hai. 23 Jo koí Beṭe ká inkár kartá hai, so Báp ko nahín mántá.

24 Isíwáste jo tum ne shurú se suná hai, wahí tum men base. Agar wuh jo tum ne shurú se sunná hai, tum men rahe, to tum bhí Beṭe aur Báp men rahoge. 25 Aur yehí wáda hai, jo us ne ham se kiyá, yáne hamesha kí zindagí. 26 Main ne ye báten tum ko unkí bábat, jo tumhen fareb dete hain, likhín. 27 Jo masih tumne us se páyá, tum men rahtá hai, aur tum is ke muhtáj nahín, ki koí tumhen sikháwe; balki jaisá wuh masih tumhen sab báten sikhátá hai, aur sach hai jhúṭh nahín, aur jaisá us ne tumhen sikháyá, waise tum us men raho.

23 Ab ai bachcho, tum us men raho, táki jab wuh záhir howe, to

ham beparwá hún, aur us ke áne par us ke áge sharminda na howen. 29 Agar jánte ho, ki wuh rástbáz hai, to jánte ho, ki harek shaḡhs jo rástbází kartá hai, us se paidá huá hai.

### III. BĀB.

1 Dekho, kaisá mahabbat Báp ne ham se kí, ki ham Ḳhudá ke farzand kahláwen; is wáste dunyá ham ko nahín jántí, ki us ne isí ko nahín jáná. 2 Piyáro ab ham Ḳhudá ke farzand hain; aur yih to ab tak záhir nahín hotá, ki ham kyá kuchh hongē: par ham jánte hain, ki jab wuh záhir hogí, ham us kí mánind hongē; kyúнки ham use jaisá wuh hai, waisá dekhenge. 3 Aur jo koí us se yih ummed rakhtá hai, wuh apne tain jaisá wuh pák hai, waisáhi pák kartá hai. 4 Jo koí gunáh kartá hai, so ḡhilíf shara kartá hai; kyúнки gunáh ḡhilíf shara hai. 5 Aur tum yih jante ho, ki wuh záhir huá, táki hamáre gunáhon ko uḡhá lejáwe; aur us meḡ gunáh nahín. 6 Jo koí us meḡ bastá hai, gunáh nahín kartá; jo koí gunáh kiyá kartá hai, us ne na use dekhá, aur na us ko jáná.

7 Ai bachcho, tumhen koí fareb dene na páwe; jo koí rástbází kiyá kartá hai, so rástbáz hai, jaisá wuh rástbáz hai. 8 Jo koí gunáh kiyá kartá hai, so shaitán ká hai; ki shaitán shara se gunahgár hai. Ḳhudá ká Beḡá is liye záhir huí, ki shaitán ke kámon ko miḡáwe. 9 Jo koí Ḳhudá se paidá huá hai, gunáh nahín kartá; kyúнки is ká takhm us men rahtá hai, aur wuh gunáh kar nahín saktá; kyúнки Ḳhudá se paidá huá hai. 10 Isí se Ḳhudá ke farzand aur shaitán ke farzand záhir hain; jo koí rástbází kiyá nahín kartá, aur wuh jo apne bhái se mahabbat nahín rakhtá, Ḳhudá ká nahín.

11 Kyúнки wub ḡhabar jo hamen shurú se suní, yehí hai, ki ham ápas meḡ mahabbat rakhen. 12 Qáin ke mánind nahín, jo us sharír ká thá, aur apne bhái ko qatl kiyá. Aur us ne kyún use qalt kiyá? Is wáste ki is ke kám bure the, aur us ke bhái ke kám rást. 13 Mere bháío, agar dunyá tum se dushmaní kare, tájjub na karo. 14 Ham to jánte hain, ki ham maut se guzar ke zindagí meḡ áe; kyúнки ham bháíon se mahabbat rakhte hain. Jo apne bhái se mahabbat nahín rakhtá, so maut meḡ rahtá hai. 15 Jo koí apne bhái se dushmaní

rakhtá hai, k̄húní hai; aur tum jánte ho, kisi k̄húní meṅ hayát abadí nahín bastí. 16 Ham ne is se mahabbat ko jáná, ki us ne hamáre wáste apní ján somp dí; aur lázim hai, ki ham bhí bháíṅ ke wáste apní ján deweṅ. 17 Par jis kisi pás dunyá ká mál ho, aur wuh apne bháí ko muhtáj dekhe, aur apne tain̄ rahm se báz rakhe, to K̄hudá kí mahabbat us meṅ kyúnkar bastí hai? 18 Mere bachcho, cháhie ki ham kalám aur zabán se nahín, bálki kám aur sachcháí se mahabbat rakheṅ.

19 Aur is se ham jánte hain̄, ki ham sachcháí ke hain̄, aur apne dilon̄ ko us ke áge k̄hátir jama karenge. 20 Kyúnki agar hamará dil hamen̄ ilázm de, K̄hudá to hamáre dil se bará hai, aur sab kuchh jántá hai. 21 Piyáro, agar hamará dil hamen̄ ilzáam na de, to K̄hudá ke huzúr k̄hátir jama hai. 22 Aur jo kuchh ham mángte, us se páte hain̄; kyúnki ham us ke hukmon̄ par amal karte, aur jo kuchh use k̄húsh átá bajáláte hain̄. 23 Aur us ká hukm yih hai, ki ham us ke Beṭe Yisú Masíh ke nám yar ímán líweṅ; aur jaisá us ne ham ko hukm diyá, ham ápas meṅ mahabbat rakheṅ. 24 Aur jo us ke hukmon̄ par amal kartá hai, yih us meṅ, aur wuh is meṅ rahtá hai. Aur us se, yáne Rúh se jo us ne hamen̄ diyá hai, ham jánte hain̄, ki wuh ham meṅ rahtá hai.

#### IV. BAB.

1 Ai piyáro, tum harek rúh ká yaqín na karo; balki rúhon̄ ko ázmáo, ki we K̄hudá kí taraf se hain̄, ki nahín: kyúnki bahut se jhúthe paigambar dunyá meṅ áe hain̄. 2 Tum use K̄hudá ke Rúh ko jánte ho: ki jo rúh iqrár kartá hai, ki Yisú Masíh jism meṅ záhir húa, we rúh K̄hudá kí taraf se hai. 3 Aur jo rúh iqrár nahín kartá, ki Yisú Masíh jism meṅ áyá, K̄hudá kí taraf se nahín thí, Masíh ká muḁhálif hai; jis kí k̄habar tum ne suní, ki átá hai, aur wuh ab dunyá meṅ á chuká.

4 Ai bachcho, tum to K̄hudá ke ho, aur un par gálib húe ho; kyúnki jo tum men hai, so us se jo dunyá meṅ hai, bará hai. 5 We dunyá ke hai; is wáste dunyá kí bolte hain̄, aur dunyá un kí suntí hai. 6 Ham K̄hudá ke hain̄; jo K̄hudá ko pahchántá hai, hamári



suntá hai; jo K̄hudá ká nahín, hamárí nahín suntá; isí se ham sachcháí ke rúh, aur gumráhí ke rúh ke pahchán lete haiñ.

7 Piyáro, áo ham ek dúsre se mahabbat rakheñ; kyúнки mahabbat K̄hudá se hai: aur jo mahabbat rakhtá hai, wuh K̄hudá se paidá húá hai, aur K̄hudá ko pahchántá hai. 8 Jis meñ mahabbat nahín, so K̄hudá ko nahín jántá; kyúнки K̄hudá Mahabbat hai. 9 K̄hudá kí mahabbat jo ham se hai, is se záhír húí, ki K̄hudá ne apne eklaute Beṭe ko dunyá meñ bhejá, táki ham us ke sabab se zindagí páweñ. 10 Mahabbat is meñ nahín, ki ham ne K̄hudá se mahabbat rakhí; balki is meñ hai, ki us ne ham se mahabbat rakhí, aur apne Beṭe ko bhejá, ki hamáre gunáhoñ ká kafára howe. 11 Piyáro, jab ki K̄hudá ne ham se aisí mahabbat kí, to lázim hai, ki ham bhí ek ek se mahabbat rakheñ. 12 Kisí ne K̄hudá ko kabhí nahín dekhá; aur agar ham ek dúsre se mahabbat rakheñ, to K̄hudá ham meñ rahtá hai, aur us kí mahabbat ham meñ kámil húí. 13 Ham isí se jánte haiñ, ki ham us meñ rahte haiñ, aur wuh ham meñ, ki us ne apne rúh meñ se hameñ diyá.

14 Aur ham ne dekhá hai, aur gawáhí deṭe haiñ, ki Báp ne Beṭe ko, jo dunyá ká bachánewálá hai, bhejá. 15 Jo koí iqrár kare, ki Yisú K̄hudá ká Beṭá hai, K̄hudá us meñ aur wuh K̄hudá meñ rahtá hai. 16 Aur ham ne K̄hudá kí mahabbat ko jo ham se hai, jáná aur us par iatiqád kiyá. K̄hudá Mahabbat hai; wuh jo mahabbat meñ rahtá hai, K̄hudá meñ rahtá hai, aur K̄hudá us meñ. 17 Is se mahabbat ham meñ kámil hotí hai, ki ham adálat ke din beparwá raheñ; kyúнки jaisá wuh hai, waisehí ham is dunyá meñ haiñ. 18 Mahabbat meñ dahshat nahín, balki kámil mahabbat dahshat ko níkáal detí hai: kyúнки dahshat meñ azáb hai, wuh jo ḍartá hai; mahabbat meñ kámil nahín húá. 19 Ham usse mahabbat rakhte haiñ; kyúंनी pahile us ne ham se mahabbat rakhí. 20 Agar koí kahe, Main K̄hudá se mahabbat rakhtá hún, aur apne bháí se dushmaní rakhe, jhúṭhá hai; kyúнки agar wuh apne bháí se jis ko us ne dekhá, mahabbat nahín rakhtá hai; to K̄hudá se jis ko us ne nahín dekhá, kyúंkar mahabbat rakh saktá hai? 21 Aur ham ne us se yih hukm páyá hai, ki Jo koí K̄hudá se mahabbat rakhtá hai, so apne bháí se bhí mahabbat rakhe.

## V. BAB.

1 Jo koí ímán látá hai, ki Yisú wuhí Masíh hai, jo K̄hudá se paidá húa hai; aur jo koí Báp se mahabbat rakhtá hai, wuh us se bhí jo us se paidá húa hai, mahabbat rakhtá hai. 2 Jab ham K̄hudá se mahabbat rakhte haiñ, aur us ke hukmon par amal karte haiñ; to is se jánte haiñ, ki ham K̄hudá ke farzandon se bhí mahabbat rakhte haiñ. 3 Kyúinki K̄hudá kí mahabbat yih hai, ki ham us ke hukmon par amal karen; aur us ke hukm bhárí nahíñ. 4 Jo ki K̄hudá se paidá húa hai, dunyá par gálib hotá hai; aur wuh gálib jis se ham dunyá par gálib áteh aiñ, hamárá ímán hai. 5 Kaun hai jo dunyá par gálib hai, magar wuhí jo ímán látá hai, ki Yisú K̄hudá ká Beṭá hai? 6 Yih wahí hai, jo pání aur lahú ke sáth áyá, yáne Yisú Masíh jo na faqat pání se, balki pání aur lahú ke sáth áyá. Aur Rúh wuh hai, jo gawáhí detá hai; kyúinki Rúh barhaqq hai. 7 Ki tín haiñ, [jo ásmán par gawáhí dete haiñ, Báp aur Kalím aur Rúh i Quds; aur ye tínon ek haiñ. 8 Aur tín hai, jo zamín par gawáhí dete haiñ,] rúh aur pání aur lahú: aur un tínon ká ek mazmon hai. 9 Agar ham ádmíon kí gawáhí qabúl karen, K̄hudá kí gawáhí us se baṭí hai; kyúinki K̄hudá kí gawáhí yehí hai, jo us ne apne Beṭe ke haqq men dí. 10 Jo ki K̄hudá ke Beṭe par ímán látá hai, gawáhí áp men rakhtá hai: jo K̄hudá par ímán nahíñ látá, us ne us ko jhúṭhá kiyá; kyúinki us ne us gawáhí par, jo K̄hudá ne apne Beṭe ke haqq men dí hai, yaqín nahíñ kiyá. 11 Aur wuh gawáhí yih hai, ki K̄hudá ne ham men hamesha kí zindagí baṭhshí, aur yih zindagí us ke Beṭe men hai. 12 Jis ke sáth Beṭá hai, us ke sáth zindagí hai; jis ke sáth K̄hudá ká Beṭá nahíñ, us ke sáth zindagí nahíñ.

13 Main ne tum ko, jo K̄hudá ke Beṭe ke nám par ímán láe ho, yih báteñ likhen; táki jáno, ki hamesha kí zindagí tumháre liye hai, aur K̄hudá ke Beṭe ke nám par ímán láo. 14 Aur hamárá dilerí jo us ke áge hai, so yehí hai, ki agar ham uskí marzí ke muwáfiq kuchh mángen, wuh hamárá suntá hai. 15 Aur agar ham jánte haiñ, ki jo kuchh ham us se mángte haiñ, wuh hamárá suntá hai, to ham jánte ki jo kuchh ham ne us se mángá thá, so ham páte haiñ.

16 Agar koí apne bháí ko dekhe, ki ek gunáh kartá hai, jo maut

tak nahīn pahunchátí; to wuh mánge aur use zindagí baḳhshí jáegi; yih un ke haqq meṅ hai, jo aisá gunáh nahīn karte, jo maut tak pahunchátá ho. Báze gunáh aisí hai, jo maut tak pahunchátá hai; main nahīn kahtá, ki wuh us ke liye sawál kare. 17 Harek nárástí gunáh hai; par báze aisá gunáh hai, jo maut tak nahīn pahunchátá.

18 Ham jánte haiṅ, ki jo koí Ḳhudá se paidá huá hai, gunáh nahīn kartá; balki wuh jo Ḳhudá se paidá huá hai, apní hifázat kartá hai, aur wuh sharír us ko nahīn chhútá. 19 Ham jánte haiṅ, ki ham Ḳhudá se haiṅ, aur sári dunyá burái meṅ paṛí rahtí hai. 20 Ham jánte haiṅ, ki Ḳhudá ká Beṭá áyá, aur hamen yih samajh baḳhshí, ki us ko jo haqq hai jáneṅ, aur ham us meṅ jo haqq hai rahte haiṅ, yáne Yisú Masíh meṅ, jo us ká Beṭá hai. Ḳhudíe bar haqq, aur hamesha kí zindagí yih hai. 21 Mere bachcho, tum butoṅ se áp ko bacháe raho.

---

## YOHAN KA DUSRA KATI.

---

### I. BĀB.

1 Qasís kí taraf se barguzída bíbí ko aur us ke farzandon ko, jinhen main sachcháí meṅ jo ham meṅ rahtí hai, aur hamáre sáth hamesha rahegi, sachcháí se piyár kartá huṅ; 2 Aur faqat main hí nahīn, balki sab jinhon ne sachcháí ko jáná hai: 3 Fazl aur rahm aur salámatí Bíp Ḳhudá, aur Báp ke Beṭe Ḳhudáwand Yisú Masíh kí taraf se tumháre sáth sachcháí aur mahabbat se raheṅ.

4 Main bahut ḳhúsh huá, ki main ne tere farzandon meṅ se koí ek ko us hukm ke mutábiq, jo ham ko Báp se milá, sachcháí se chalte páyá. 5 Aur ab ai bíbí, main tujh ko koí naiá hukm nahīn, balki wahí jo ham shurú se rakhte haiṅ, likh kar tujh se arz kartá huṅ, ki ham ek ek ko piyár kareṅ. 6 Aur mahabbat yihí hai, ki ham us ke hukmon par chaleṅ: yih wahí hukm hai, jaisá tum ne shurú se suná hai, ki tum us par chalo.

7 Kyūnki bahut se dagábáz dunyá meṅ záhir hūe haiṅ, jo iqrár

nahīn karte, ki Yisú Masīh jism men āyá. Dagábáz aur Masīh ke mukhálif yihí hain. 8 Khabardár raho, táki jo kám ham ne kie hain, kho na den, balki púrā badlá páwen. 9 Jo koí adúl kartá hai, aur Masīh kí tálím men nahīn rahtá, Kḥudá us ká nahīn. Jo Masīh kí tálím men rahtá hai, Báp aur Beṭe us ke hain. 10 Agar koí tumháre pás áwe, aur yih tálím na láwe, to use ghar men na áne do, aur use salám na karo. 11 Kyúnki jo koí use salám kartá hai, us ke bure kámon men sharík hotá hai.

12 Mujhe bahut sí bāten tumhen nahīn likhní; par main ne na cháhá, ki kágaz aur siyáhi se likhún; lekin ummedwár hún, ki tum pás áún, aur rúbarú kahún, táki hamári kḥúshí kámil ho. 13 Terí barguzída bahin ke laṛke tujhe salám kahte hain. Amín.

## YOHAN KA TÍSRA KḤATT.

### I. BĀB.

1 Qasís kí taraf se piyáre Gayus ko, jis ko main sachchái men piyár kartá hún.

2 Ai piyáre, main yih duá mángtá hún, ki jis tarah terí ján kḥairiyat ke sáth hai, to sab bāton men kḥairiyat ke sáth aur tandurust rahe. 3 Kyúnki jab bháion ne ákar terí sachchái par gawáhi dí, jaisá tú sachchái men chaltá hai, to main niháyat kḥúsh húa. 4 Mere liye is se baṛí koí kḥúshí nahīn, ki main sunún, ki mere farzand sachchái men chalte hain. 5 Ai piyáre, jo kuchh tú bháion aur musáfiron se kartá hai, so ímándári ke láiq hai. 6 Unhon ne majlis ke áge terí mahabbat par gawáhi dí: tú achchhá karegá, agar unhen us tarah par, jo Kḥudá ke bandon ko láiq hai, áge bheje. 7 Kyúnki we us ke nám kí wáste nikle, aur gair qaumon se kuchh nahīn liyá. 8 Is liye lázim hai, ki ham aison ko qabúl karen, táki ham sachchái men un ke ham kḥidmat howen.

9 Main ne majlis ko likhá hai; magar Demetrius jo un men auwal darja cháhtá hai, hamen qabúl nahīn kartá. 10 So jab main áungá,

to main us ke kámon ko, jo wuh kartá hai, yád diláungá; ki hamáre haqq men burí bāten baktá hai: aur is par bhí kifāyat na karke bháion ko áp qabúl nahín kartá, aur auron ko, jo qabúl kiyá cháhte hain raktá hai, aur majlis se nikál detá. 11 Ai piyáre, badí ká pairau mat ho; balki nekí ká wuh jo nek kartá hai, K̄hudá ká hai; aur us ne jo badí kartá hai, K̄hudá ko nahín dekhá.

12 Demetrius ke haqq men sab ne, aur sachcháí ne bhí gawáhí dí hai; ham bhí gawáhí dete hain, aur tum jánte ho, ki hamári gawáhí sach hai.

13 Mujhe to bahut kuchh likhná thá; par main ne na cháhá, ki siyáhí aur qalam se tere liye likhún. 14 Magar ummedwár hún, ki jald tujhe dekhún, tab ham rúbarú kah sún lenge. Terí salámatí howe. Dost tujhe salám kahte hain. Tú doston ko nám banám salám kah.

---

## YIHU'DA KA KHATT

---

### I. BAB

1 Yihúdá kí taraf se, jo Yisú Masíh ká banda aur Yaqúb ká bhái hai, un ko jo Báp K̄hudá men muqaddas húe, aur Yisú Masíh men mahfúz aur buláe gae hain: 2 Rahm aur salámatí aur mahabbat tumháre wáste barhtí rahe.

3 Piyáro, jis waqt main us naját kí bábat, jo sab ke liye hai, tum ko likhne men niháyat koshish kartá thá; to main ne zarúr jáná, ki tumhen nasíhat karke likhún, ki tum us ímán ke wáste, jo ekbár muqaddason ko sompá gayá, jánfishání karo. 4 Kyúнки báze shakhs á ghusse, jo ágeis sazá ke hukm ke wáste likhe gae the; we bedín hain, aur hamáre K̄hudá ke fazl ko shahwat par sustí se badal karte hain; aur K̄hudá ká jo akelá málík hai, aur hamáre K̄hudáwand Yisú Masíh ká inkár karte hain.

5 Main cháhtá hún, ki tumhen wuh bát jise tum ek bár ján chuke ho phir yád diláun, ki K̄hudáwand ne qaum ko zamín Misr se bac-

háyá; phir unhen jo ímán na láe, halák kiyá. 6 Aur un firishton ko, jinhon ne apní pahilí hálat ko nigáh na rakhá, balki apne k̄hás muqám ko chhor diyá, us ne sazá kí zanjír men táríkí ke andar roz azím kí adálat tak nigáh rakhá. 7 Isí tarah Sadúm aur Amúrah aur un ke ir o gird ke shahr, jinhon ne un kí mánind ziná kiyá, aur jism harám ká píchhá kiyá, hamesha kí ág ke azáb men giriftár hoke namúna bane rahte hain.

8 Isí tarah yih k̄hwáb dekhne wále bhí jism ko ná pák karte, aur hukúmat ko ná chíz jánte, aur martaba wálon par tána karte hain. 9 Jab Míkael ne jo buzurg firishta hai, shaitán se takrár karke Músá kí lásh kí bábat bahs kí, tab us ne jurát na kí, ki lán tán karke use ilzám de, balki kahá, ki K̄hudáwand tujhe malámat kare. 10 Lekin we jin chízon ko nahín jánte, un par tána karte hain; aur jin ko beaql jánwaron kí tarah bazáta jánte hain, un men áp ko k̄haráb karte hain. 11 Afsos un par; kyúнки we Qáin kí ráh men chale, aur Balám kí gumráhí men mazdurí ke liye bah gae, aur Qorah kí sí muḡhálifat men halák húe.

12 Ye tumhári mahabbat kí ziyáfaton men d̄ube húe pháṛ hain; we tumháre sáth kháte waqt be dharak apná peṭ bhar lete hain: we k̄hushk bádál hain, jinhen hawáen har taraf urá lejáti: we murjháe daraḡht hain, jin men phal nahín, do bár mare, aur ukháre gae hain. 13 Yih samundar kí tund laharen hain, jo apní besharmí ká phen phinkte hain: bhaṭaknewále sitáre hain, jinke liye táríkí kí siyáhi hamesha ko dharí hai.

14 Hanúk ne jo Ádam kí sátwen pusht thá, unki bábat peshín gaí kí, ki Dekh K̄hudáwand apní lákhon muqaddason ke sáth átá hai: 15 Táki sabhon par hukm kare; aur un sab ko jo un men bedín hain, un ke bedíní ke sab kámon par jo unhen bedíní se kie, aur sári saḡht báton par jo bedín gunahgáron ne us kí muḡhálifat men kahín hain, ilzám de. 16 Ye gila aur shakwa karnewále hain, jo apní burí k̄hwáshishon ke muwáfíq chalte, aur zabán se bará bol bolte, aur nafá ke liye logon kí k̄húshámad karte hain.

17 Lekin piyáro, tum in báton ko yád rakho, jo hamáre K̄hudáwand Yisú Masíh ke rasúlon ne áge kahín. 18 Ki unhon ne tumhen k̄habar dí, ki ákhirí zamáne men ṭaṭhe karnewále honge, jo apní

bedíní kí burí k̄hwáhishon par chalenge. 19 Ye wahí hain, jo apne tain alag karte hain; ye nafsání log hain, aur Rúh un men nahin.

20 Par ai piyáro, tum apne páktarín ímán ká ghar baná kar ke Rúh i Pák se duá mángte húe, 21 Apne tain K̄hudá kí mahabbat men mahfúz rakho, aur hamesha kí zindagí ke liye hamáre K̄hudáwand Yisú Masíh kí rahmat ke muntazir raho. 22 Aur imtiyáz karke bázon par rahm karo: 23 Aur bázon ko dar ke sáthág men se niká<sup>1</sup> ke bacháo; aur poshák se jo jism se dágí húi adáwat rakho.

24 Ab us ke liye, jo tum ko girne se bachá saktá, aur apne jalál ke huzúr kámil k̄húshí se tumhen be aib khará kar saktá hai, 25 Jo K̄hudáe wáhid hakím aur hamará bachánewálá hai, jalál aur buzurgí aur qudrat aur iḡhtiyár ab se abadtak howe. Amín.

---

## YOHAN KE MUKASHAFAT.

### KI' KITĀB.

---

#### I. BĀB.

1 Yisú Masíh ke mukáshafát jo K̄hudá ne use baḡhshe, táki apne bandon ko wuh báten, jinká jald honá zarúr hai, dekháwe: aur us ne apne firishte ko bhej kar us kí mārifat apne bande Yohan par záhir kiyá: 2 Jis ne K̄hudá ke kalám aur Yisú Masíh kí gawáhí par, jo kuchh us ne dekhá, gawáhí dí. 3 Mubáarak wuh jo us nabuwat ká kalám parhtá hai, aur we jo sunte hain, aur un báten par jo us men likhí hain amal karte hain; kyúнки waqt nazdík hai.

4 Yohan un sāt majlison ko jo Asiá men hain: Fazl aur salámatí tumhen ho, us kí taraf se jo hai, aur thá, aur anewálá hai; aur un sāt Rúhon kí taraf se, jo us ke taḡht ke huzúr hain: 5 Aur Yisú Masíh kí taraf se, jo sachchá gawáh, aur un men jo marke jí uṡhe pahilautá, aur dunyá ke bádsháhon ká sardár hai. Isí ko jis ne ham ko piyár kiyá, aur apne lahú se hamáre gunáh dho dále. 6 Aur ham ko bád-

sháh aur káhin apne K̄hudá Báp ke liye banáyá, jalál aur qudrat abadtak isí ko hai. Amín.

7 Dekho wuh bádalon par átá hai ; aur harek ánk̄h us ko dekhegí ; aur we bhí jinhon ne use chhedá, aur zamín ke sáre firqe us ke liye chhátí piteṅ gae. Aisá howe, Amín. 8 K̄hudáwand yún farmátá hai, ki Main Alphá aur Omegá, auwal aur ák̄hir, jo hai, aur thá, aur ánewálá hai, Qádir mutlaq hún.

9 Main Yohan jo tumhárá bháí, aur Masíh ke dukh, aur bád-sháhat, aur sabr men tumhárá sharík hún, K̄hudá ke kalám aur Yisú Masíh kí gawáhí ke wáste us tápú men thá, jo Patmas kahlátá. 10 Main K̄hudáwand ke din rúh men á gayá, aur main ne turhí kí sí ek barí áwáz apne píchhe suní: 11 Ki main Alphá aur Omegá, auwal o ák̄hir hún ; aur jo kuchh tú dekhtá hai, kitáb men likh, aur sát majlison ke liye jo Asiá men, yáne Efesus, aur Smurná, aur Pargamus, aur Tiátírah, aur Sardes, aur Filadalfia, aur Ladúkia haiṅ, bhej.

12 Aur main dekhne ke liye phirá, ki yih kis kí áwáz hai, jo mujhe kahtí hai ; aur phir kar sone ke sát shamádán dekhe ; 13 Aur un sát shamádánon ke bích ek shaḁhs ibn i Adam sá, jo jáma pahine húe, aur sone ká sínaband sína par bándhe thá. 14 Us ká sir o bál sufed ún kí mánind, balki baraf kí mánind sufed ; aur us kí ánk̄hen jaise ág ká shuala ; 15 Aur us ke páon k̄hális pítal ke se, jo tanúr men dhamkáyá húi ho ; aur us kí áwáz bare pání kí sí thí: 16 Aur us ke dahine háth men sát táre the ; aur us ke munh se do dháritez-talwár nikaltí thí ; aur us ká chihra áftáb ká sá thá, jo barí tezí se chamke. 17 Jab main ne use dekhá, tab us ke páon par murda sá gir pará ; tab us ne apná dahiná háth mujh par rakhá, aur bolá, ki Mat dar, main auwal o ák̄hir hún. 18 Aur wuhí hún, jo múá thá, aur zinda hún ; aur dekh main abad tak zinda hún, Amín ; aur áлами gaib aur maut kí kanjíán mujh pás haiṅ. 19 Jo tú ne dekhá, aur jo haiṅ, aur jo bád iṅ ke honewálí haiṅ, sab likh rakh. 20 Un sát sitáron ká, jinhen tú ne mere dahine háth men dekhá, aur un sone ke sát shamádánon ká bhed, sát sitáre sát majlison ke firishte haiṅ, aur sáton shamádán jo tú ne dekhe, sát majlisen haiṅ.



## II. BAB.

1 Efesus kí majlis ke firishte ko yún likh, ki wuh jo apne dahine háth men sāt sitáre rakhtá, aur sone ke sáth shamádánon ke darmiyán phirtá, ye báten kahtá hai: 2 Ki main tere kámon, aur terí mahabbat, aur terá sabr, aur yih ki tú badon kí bardásht kar nahín saktá, jántá hún; aur tú ne un ke tain jo áp ko rasúl kahte, aur nahín hain, ázmáyá, aur unhen jhúthá páyá. 3 Aur tú ne bardásht kí, aur sabr rakhtá hai, aur mere nám ke wáste mahabbat kí, aur thak nahín gayá. 4 Magar tujh se mujhe kuchh galá hai, ki tú ne apní aglí mahabbat chhor dí. 5 So yád kar, ki tú kahán se girá hai; aur tauba kar, aur apne agle kám kiyá kar: nahín to main tujh pás jald ánewálá hún; aur agar tú tauba na kare, to main tere shamádán ko us kí jagah se dúr kar dúngá. 6 Par tujh men yih ek bát hai, ki tú Niqolaíon ke kámon se adáwat rakhtá hai, jin se main bhí adáwat rakhtá hún. 7 Jis ke kán hain sune, ki Rúh majlison ko kyá kahtá hai: Main us' ko jo gálib hotá hai, zindagí ke darakht se, jo Kḥudá ke firdaus ke bícho bích hai, phal kháne dúngá.

8 Aur Smurna kí majlison ke firishte ko yún likh; ki Wuh jo auwal o ákhir hai, aur múá thá, aur jiyá hai, yih báten kahtá hai: 9 Main tere kám, aur musíbat, aur muhtájí ko jántá hún; par tú daulatmand hai, aur un ke lán tán ko bhí, jo áp ko Yihúdí kahte, par nahín hain, balki shaitán kí jamáat hain. 10 Jo aziyaten tujh par honewálí hain, unmen kisé se kḥauf na rakh; dekho shaitán tum men se koí ek ko qaid men dálegá, ki tum ázmáe jáo; aur tum das din tak musíbat uḥáoge, par marne tak ímándár rahio, to main zindagí ká táj tujhe dúngá. 11 Jis ke kán hain sune, ki Rúh majlison ko kyá kahtá hai Jo gálib hotá hai, dúsrí maut se nuqsán na uḥáwegá.

12 Aur Pargamas ke majlis ke firishte ko yún likh; Wuh jo tez do dhári talwár rakhtá hai, kahtá hai; 13 Kí main tere kámon ko jántá hún, aur yih ki wahán tú rahtá, jahán shaitán ká takht hai: aur tú mere nám ko thámbe rahtá hai, aur jin dinon ke Antipas merá ímándár gawáh, tumbáre bích wahán jahán shaitán rahtá hai, mára gayá, un dinon men bhí mere ímán ká tú ne inkár na kiyá. 14 Lekin mujhe tujhse kuchh gilá hai, ki tere yahán we hain, jo Balám kí tálím ko

ikhtiyār karte hain, jis ne Balak ko sikhāyā, ki bani Isrāel ke āge ṭho-  
kar khilānewālā patthar rakhe, tāki we buton kī qurbāniān khāwen,  
aur harāmkārī karen. 15 Aur tere yahān aise bhī hain, jo Niqolaīnion  
kī tālīm ko ikhtiyār karte hain, jis se main adāwat rakhtā hūn. 16  
Tauba kar; nahīn to main tujh pās jald ānewālā hūn, aur main un ke  
sāth apne munh kī talwār se laṛungā. 17 Jis ke kān hain sune, ki Rūh  
majlison ko kyā kahtā hai: Jo gālib hotā hai, main use poshīda manna  
khāne dūngā, aur main use ek sufed patthar dūngā; aur un patthar  
par ek naiā nām likhā hai, jise us ke pānewāle ke siwā koī nahīn jāntā.

18 Aur Tiātīrah ke majlis ke firishte ko yūn likh, ki Ḳhudā kā Beṭā  
jis kī ānkhen āg ke shuala kī mánind hain, aur us ke pāon ḳhālis pītal  
ke se, yūn kahtā hai; 19 Ki main tere kāmōn aur mahabbat, aur ḳhid-  
mat, aur imān, aur sabr ko jāntā hūn, aur yih ki tere pīchhle kām agle  
kāmōn ke ziyāda hain. 20 Par mujhe tujhse kuchh gilā hai, ki tū us  
randī Yezabil ko, jo apne tain nabī kahtī hai, mere bandon ko sikh-  
lāne, aur gumrah karne detā hai, ki we harāmkārī karen, aur buton kī  
qurbāniān khāwen. 21 Aur main ne us ko fursat dī, ki apnī harām-  
kārī se tauba kare; par us ne tauba na kī. 22 Dekh, ki main us ko  
ek bastar par ḍālūngā, aur un ko jo us ke sāth zinā karte hain, baṛī  
musibat men, agar we apne kāmōn se tauba na karen. 23 Aur us ke  
farzandon ko jān se mārūngā; aur sārī majlis ko mālūm hogā, ki main  
wuhī hūn, jo dil aur gurdon kā jānchnewālā hūn, aur main tum men  
se harek ko us ke kāmōn ke muwāfiq badlā dūngā. 24 Par tumhen  
aur Tiātīrah ke bāqī logon ko, jitne us tālīm ko qabūl nahīn karte,  
aur jinhon ne shaitān kī gaharī bāton ko, jaisā we kahte thīn jānā,  
yih kahtā hūn, ki main aur kuchh bojh tum par na ḍālūngā. 25 Ma-  
gar jo tum pās hai, use thāmbe raho, jadtak ki main áūn. 26 Aur  
wuh jo gālib hotā, aur mere kāmōn par āḳhir tak amal kartā hai,  
main use qaumōn par ikhtiyār dūngā. 27 Aur wuh lohe ke asā se un  
par hukūmat karegā, ki we kumhār ke bartanon kī mánind chiknā-  
chūr ho jāenge; jaise main ne bhī apne Bāp se pāyā hai. 28 Aur  
main use subh kā sitāra dūngā. 29 Jis ke kān hain sune, ki Rūh  
majlison ko kyā kahtā hai.

## III. BĀB.

1 Aur Sardes kī majlis ke firishte ko yūn likh, ki Wuh jis pās Kḥudā kī sāt Rūhen aur sāt sitāre hain, yih kahtā hai, ki Main tere kāmōn aur us bāt ko jāntā hūn, ki tū zinda kahlātā, par murda hai. 2 Jāgtā rah, aur bāqī chīzōn ko jo marne par hain mazbūt kar; kyūnki main ne tere kāmōn ko Kḥudā ke āge pūrā nahīn pāyā. 3 Is wāste yād kar, ki tū ne kis tarah pāyā, aur sunā, aur thām rakh, aur tauba kar; pas agar tū jāgtā na rahe, to main tujh pās chor kī tarah āūngā, aur tujh ko hargiz mālūm na hogā, ki main kis gharī tujh pās āūngā. 4 Sardes men tere bhī kai ek nām hain, jinhon ne apnī poshāk ālūda nahīn kī; we sufed poshāk pahin ke mere sāth sair karenge, ki we is lāiq hain. 5 Jo gālib hotā, use sufed poshāk pahināī jāegī, aur main us kā nām zindagī ke daftar se na kāūngā, balki apne Bāp aur us ke firishton ke āge us ke nām kā iqrār karūngā. 6 Jis ke kām hain sune, ki Rūh majlison se kyā kahtā hai.

7 Aur Filadelpḥia kī majlis ke firishte ko yūn likh, ki Wuh jo muqaddas aur barhaqq hai, aur Dāūd kī kanjiān rakhtā, wuh jo kḥoltā hai, koī band nahīn kartā, wuh jo band kartā hai, koī nahīn kḥoltā, yih kahtā hai: 8 Ki main tere kāmōn ko jāntā hūn; dekh main ne tere āge ek khulā darwāza rakhā hai, jise koī band nahīn kar saktā; kyūnki tujh men thorā sī zor hai, tū ne mere kalām par amal kiyā hai, aur mere nām kā inkār nahīn kiyā. 9 Dekh main yih thahrātā hūn, ki we jo shaitān kī jamāat ke hain, aur apne tain Yihūdī kahte aur nahīn hain, balki jhūṭh bolte, dekh main un ke sāth aisā karūngā, ki we āke tere pāon par sijda karen, aur jānen, ki main ne tujh se mahabbat rakhī. 10 Is liye ki tū ne mere sabr kī bāt kī hifāzat kī, main bhī us imtihān kī gharī se terī hifāzat karūngā, jo tamām ālam men zamīn ke rahnewālon kī āzmāish ke liye ātī hai. 11 Dekh main jald ātā hūn; jo terā hai, use thām rakh, ki koī terā tāj na le. 12 Main use jo gālib hotā hai, apne Kḥudā kā haikal kā khambā banāūngā, aur wuh phir kabhī bāhar na niklegā, aur main apne Kḥudā kā nām, aur apne Kḥudā kī shahr kā, yāne naī Yirūshālam kā nām, jo mere Kḥudā ke huzūr se āsmān par se utartī hai, aur apnā naī nām,

us par likhúngá. 13 Jis ke kán haiñ sune, ki Rúh majlison se kyá kahtá hai.

14 Aur Ládúkiá kí majlis ke firishte ko yún likh; ki Wuh jo Amín, sachchá aur barhaqq gawáh hai, aur K̄hudá kí k̄hilqat ká mab-dá hai, yún kahtá hai: 15 Main tere kámon ko jántá hún, ki tú na t̄handhá na garm hai, kásh ki tú t̄handhá yá garm hotá. 16 So is wáste ki tú shír-garm hai, na t̄handhá na garm, main tujhe rad karke munh se nikál phenkne par hún. 17 Kyúнки tú kahtá hai, Main daulatmand hún, aur máldár húa, aur kisí chíz ká muhtáj nahín; aur nahín jántá, ki tú ájiz, aur láchár, aur garíb, aur andhá aur nangá hai. 18 Main tujhe yih saláh detá hún, ki tú soná jo ág men táyá gayá, mujh se mol le, táki daulatmand howe; aur sufed poshák, táki tú pahine ho, aur tere nange men kí sharam záhir na howe; aur apní ánkhoñ men anjan lagá, táki tú dekhne lage. 19 Main jitnoñ ko piyár kartá, unhen malámat aur tambíh kartá hún: is wáste sargarm ho, aur tauba kar.

20 Dekh main darwáze par khará hún, aur khatkhatátí hún; agar koí merí áwáz sune, aur darwáza khole, main us pás andar áúngá, aur us ke sáth kháúngá, aur wuh mere sáth kháegá. 21 Jo gálib hotá hai, main use apne takht par apne sáth baiṭhne dúngá; chunán-chi main bhí gálib húa, aur apne Báp ke sáth us ke takht par baiṭhá. 22 Jis ke kán haiñ sune, ki Rúh majlison se kyá kahtá hai.

#### IV. BAB.

1 Bád us ke jo main ne nigáh kí, to kyá dekhtá hún, ki ásmán par ek darwáza k̄hulá hai, aur pahilí áwáz jo main ne suní, narsinge kísí thí, jo mujh se bolí aur kahá, ki Idhar úpar á, aur main tujhe dikhláúngá, ki is ke bád kyá húa cháhtá hai. 2 Wahín main rúh men á gayá; phir kyá dekhtá hún, ki ásmán par ek takht dhará hai, aur us takht par koí baiṭhá hai. 3 Aur jo us par baiṭhá thá, wuh dekhne men sang i yasham aur aqeq sá thá, aur ek d̄hank jo dekhne men zumurrud sá thá, us takht ke gird thá. 4 Aur us takht ke ás pás chaubís takht the; un takhtoñ par main ne chaubís buzurg sufed poshák pahine húe baiṭhe dekhne, aur un ke siron par soneke táz the.

5 Aur bijlí, aur garj, aur áwázen, us taḡht se nikaltí thín, aur ág ke sáth chirág us taḡht ke áge roshan the; yih Ḳhudá kí sát Rúhen haiñ. 6 Aur us taḡht ke áge ek samundar shísha ká billaur kí mánind thá, aur taḡht ke bícho bích, aur taḡht ke gird chár jándár the, jo áge píchhe ánkhoñ se bhare the. 7 Pahilá jándár babbar kí mánind thá, aur dúsrá bachhre kí mánind, aur tísre ká chihra insánká sá thá, aur chauthá úrte uqáb sá. 8 Aur un cháron jándáron ke chha chha par the; aur un ke chíron taraf aur andar ánkhen hí ánkhen thín; aur we is zikr se ráat din báz na rahte the, ki Quddus, Quddus, Quddus, Ḳhudáwand Ḳhudá Qádir mutlaq, jo thá, aur jo hai, aur jo ánewálá hai. 9 Aur jab wuh jándár us kí, jo taḡht par baiṡhá hai, abad tak zinda hai, buzurgí aur izzat aur shukrguzárí, karte hain: 10 Tab we chaubís buzurg us ke sámhne, jo taḡht par baiṡhá hai, gir parṡe haiñ; aur us ko jo abadtak zinda hai, sijda karte haiñ; aur apne táj yih kahte húe us taḡht ke áge ḡál dete haiñ: 11 Ki Ai Ḳhudáwand, tú hí jalál o izzat, aur qudrat ke láiq hai; kyúnki túhí ne sárí chízen paidá kíñ, aur we terí hí marzí se haiñ, aur paidá húí haiñ.

---

### V. BAB.

1 Aur main ne us ke dahine háth men, jo taḡht par baiṡhá thá, ke kitáb dekhí, jin men andar báhar sab likhá húa thá; aur sát muhron se band thí. 2 Aur main ne ek zoráwar firishte ko dekhá, ki buland áwáz se yih manádí kartá thá; Kaun isláiq hai, ki is kitáb ko khule, aur us kí muhren toṡe? 3 Par kisí ko maqdúr na húa, na ásmán par, na zamín par, na zamín ke níche, ki us kitáb ko khole yá dekhe. 4 Tab main bahut royá, ki koí is láiq na ṡhahrá, ki kitáb ko khole, aur parṡe, yá use dekhe. 5 Tab un buzurgon men se ek ne mujhe kahá, ki Mat ro; dekh wuh Babbar jo qaum Yihúdá se hai, aur Dáúd kí Asl hai, gálib húa hai, ki us kitáb ko khole, aur us kí sáton muhron ko toṡe.

6 Tab main ne nigáh kí, aur kyá dekhtá hún, ki us taḡht aur cháron jándáron ke darmiyán, aur un buzurgon ke bích ek Barra yún khaṡa hai, ki goyá zabh kiyá gayá hai, jis ke sát síng, aur sát ánkhen

thín, jo K̄hudá kí sáton Rúhen hain, aur tamám rúe zamín par bhejí gaín. 7 Us ne áke us ke dahine se jo takht par baiṭhá hai, us kitáb ko liyá. 8 Aur jab us ne kitáb lí, tab we cháron jándár aur chaubís buzurg us Barre ke áge gir paṛe, aur harek ke háth men barbat aur k̄húsh bú se bhare húe sone ke piále the; ye muqaddason ke duáen hain. 9 Aur we ek naiá rág gáe, ki Tú hí is láiq hai, ki us kitáb ko lewe, aur us kí muhren toṛe; kyúнки tú zabh húa, aur apne lahú se hamko harek firqe, aur zabán, aur mulk aur qaum men se, K̄hudá ke wáste mol liyá. 10 Aur ham ko hamáre K̄hudá ke wáste bádsháh aur káhin banáyá, aur ham zamín par bádsháhat karenge. 11 Phir main ne nigáh kí, aur takht aur un jándáron, aur buzurgon ke girdá gird bahut se firishton kí áwáz suní, jinká shumár hazárhá hazár, aur lákhhá lákhhá thá. 12 Aur baṛíáwáz se kahte the, ki Barra jo zabh húa is láiq hai, ki qudrat, aur daulat, aur aql o táqat, aur izzat o jalál, aur barakat páwe. 13 Aur main ne harek maḥhlúq ko, jo ásmán par, aur zamín par, aur zamín ke níche hai, aur un ko jo samundar men hain, aur sárí chízon ko jo un men hain, yih kahte suná, ki Us ke liye jo takht par baiṭhá hai, aur Barra ke liye barakat aur izzat aur jalál, aur quwat abad tak hai! 14 Tab cháron jándár Amín bole. Aur chaubís buzurgon ne gir ke use jo abad tak zinda hai, sijda kiyá.

## VI. BAB.

1 Aur jab Barre ne un muhron men se ek ko toṛá, tab main ne dekhá, aur un cháron jándáron men se ek kíáwáz bádál ke garajne kí mánind suní, jo bolá, *A* aur dekh! 2 Aur main ne nazar kí, to kyá dekhtá hún, ki ek nuqra ghoṛá, aur us par ek sawár kamán liye hai; aur ek táj use diyá gayá: aur wuh fath kartá aur fathmand honeko niklá.

3 Aur jab us ne dusrí muhr toṛí, tab main ne dúsre jándár ko yih kahte suná, ki *A* aur dekh! 4 Tab ek dúsrá surang ghoṛá niklá, aur us ke sawár ko yih diyá gayá, ki sulh ko zamín se chhín le, aur yih ki log ek dúsre ko qatl karen; aur ek baṛí talwár us ko dí gaí.

5 Aur jab us ne tísrí muhr toṛí, tab main ne tísre jándár ko yih

kahte suná, ki *A* aur dekh! Phir main ne nazar kí, to kyá dekhtá hūn, ki ek mushkí ghorá, aur us par ek sawár tarázú háth men liye hai. 6 Aur main ne un cháron jándáron ke bích men se ek áwáz yih kahte hūe suní, ki Gehún dínár ká ser bhar, aur jaudínár ke tīn ser; par tel aur wain ko zarar mat pahunchá.

7 Aur jab us ne chauthí muhr torí, to main ne chauthe jándár ko yih kahte suná, ki *A* aur dekh! 8 Phir main ne nazar kí, to kyá dekhtá hūn, ki ek ghorá phíke rang, aur ek us par sawár hai, jis ká nám maut hai, aur álam i gaib us ke píchhe rawán hai, aur unhen chauthái zamín par yih ikhtiyár diyá gayá, ki we talwár, aur bhúkh, aur maut, aur zamín ke darindon se halák karen.

9 Jab us ne pánchwen muhr torí, to main ne qurbángáh ke níche unkí rúhon ko dekhá, jo *K*hudá ke kalám aur us gawáhí ke liye, jo unhon ne dí thí, máre gae. 10 Aur unhon ne buland áwáz se chillá ke kahá, ki *Ai* Málík pák aur barhaqq, tú kab tak adálat na karegá, aur zamín ke rahnewálon se hamáre *khún* ká badlá na legá? 11 Tab un men se harek ko sufed pairáhan diyá gayá, aur unhen kahá gayá, ki Aur thorá sabr karen, jab tak ki we púre ho jáwen, aur un ke ham-*khidmat* aur un ke bhái unkí tarah máre jáwen.

12 Aur main ne dekhá, ki jab us ne chhathí muhr torí, to bará bhúmchál áyá, aur sūraj bálon ke kamal kí mánind kálá, aur chánd lahú sá ho gayá. 13 Aur ásmán ke sitáre isí tarah zamín par gir pारे, jis tarah anjír ke daraḡht se us ke kachche phal gir játe haiñ Jab use barí ándhí hilátí. 14 Aur ásmán túmár kí tarahjo lapetá ho játá rahá, aur harek pahár aur tápú apní apní jagah se ḡal gayá. 15 Aur dunyá ke bádsháhon aur ámíron aur máldáron, aur sipáhsáláron, aur zorwálon, aur harek banda aur ázád ne apne tain gáron aur paháron ke pattharon kí oḡ men chhipáyá; 16 Aur paháron aur pattharon se yih kahá, ki Ham par giro, aur ham ko us ke chihre se, jo taḡht par baiḡhá hai, aur Barre ke gazab se chhipáo; 17 Kyúnki us ke qahr kí roz azím á pahunchá; ab kaun ḡhahar saktá hai?

## VII. BĀB.

1 Bád is ke main ne zamín ke cháron konon par chár firishte *khare*

dekhe, ki zamín par cháron hawáon ko thámte the, tá na howe ki hawá zamín, yá daryá, yá daraḡht par chale.

2 Phir main ne ek aur firiste ko púrab se uḡhte dekhá ; us ke pás zindá Kḡhudá kí muhr thí : aur us ne un cháron firishton se jinhen yih baḡhshá gayá thá, ki zamín aur daryá ko zarar pahuncháen, buland áwáz se pukár kar kahá : 3 Jab tak ham apne Kḡhudá ke bandon ke máthe par muhr na kar lín, tum zamín, aur daryá, aur daraḡhton ko zarar na pahuncháná.

4 Aur main ne un ká shumár, jin par muhren kí gaí thín, suná, ki baní Isráel ke sab firqon men se ek sau chauálís hazár par muhr kí gaín : 5 Yihúdá ke firqe se bárah hazár : Rúbín ke firqe se bárah hazár : Gád ke firqe se bárah hazár : 6 Ashir ke firqe se bárah hazár : Naftálí ke firqe se bárah hazár : Manasah ke firqe se bárah hazár : 7 Sim ḡ. ke firqe se bárah hazár : Lewí ke firqe se bárah hazár : Ishakhár ke firqe se bárah hazár : 8 Zabúlún ke firqe se bárah hazár : Yúsaf ke firqe se bárah hazár : Binyámín ke firqe se bárah hazár par muhr kí gaín.

9 Bád us ke main ne nazar kí, to kyá dekhtá hún, ki harek qaum, aur firqe, aur log, aur zabánon men se ek aisí baḡí jamáat, jise koí shumár nahín kar saktá, sufed jáme pahine, aur ḡhurme kí ḡalíán háthon men liye, Barre us taḡht aur Barre ke áge ḡharí hai : 10 Aur buland áwáz se chillá ke yún kahtí hai, ki Naját hamará Kḡhudá se hai, jo taḡht par baiḡhá, aur Barre se hai ! 11 Aur sáre firishte taḡht aur un buzurgon, aur un cháron jándáron ke gird khare the. Phir taḡht ke áge, aundhe gir pare, aur Kḡhudá ko sijda kiyá, 12 Aur bole ; Amín, Barakat, aur jalál, aur dánish, aur ishukrguzárí, aur izzat, aur qudrat, aur táqat, abadtak hamáre Kḡhudá ke liye. Amín.

13 Un buzurgon men se ek mujh se púchhne lagá, ki We jo sufed jáme pahine hain, kaun hain, aur kahán se áe ? 14 Main ne kahá, ki Ai sáhib, tú jántá hai. Tab us ne mujhe kahá, Ye wuhí hain, jo baḡí musíbat men se áe, aur unhon ne apne jámon ko Barre ke lahú se dhoyá, aur unhen sufed kiyá. 15 Isí wáste we Kḡhudá ke taḡht ke áge hain, aur us kí haikal men rát din us kí bandagí karte : aur jo taḡht par baiḡhá hai, un ke darmiyán sukúnat karegá. 16 We phir bhúkke na honge, aur na piyáse ; aur we dhúp aur garmí na



uṭhāwenge. 17 Kyūnki Barra jo taḡht ke bīcho bīch hai, unki gallabānī karegā, aur unhen pānīon ke zinde soton tak pahunchāegā : aur Ḳhudā un kī ānkhon se harek ānsū ponchhegā.

### VIII. BĀB.

Aur jab us ne sātwen muhr torī, tab āsmān par qarīb ādhī sāyat ke ḡhāmoshī thī. 2 Aur main ne un sāton firishton ko jo Ḳhudā ke āge khare the dekhā ; ki unhen sāt narsinge die gae. 3 Phir ek aur firishta āyā, aur sone kā dhūp-dān liye hūe qurbāngāh ke pās jā kharā hūā, aur bahut sī ḡhūshbūfān use dī gāin, tāki use sāre muqaddas kī duāon ke sāth sonahrī par qurbāngāh, jo taḡht ke āge hai, guzrāne. 4 Aur un ḡhūshbūfān kā dhūfān muqaddason kī duāon men milke, firishte ke hāth se Ḳhudā ke pās úpar gayā. 5 Phir us firishte ne dhūp-dān ko liyā, aur us men qurbāngāh kī āg bharī aur zamīn par phenkī ; tab āwāzen hūī, aur garj, aur bijlī, aur bhūmchāl.

6 Aur un sāt firishton ne, jin pās sāt narsinge the, āp ko phūnkne par taiyār kiyā.

7 Aur pahile firishte ne narsingā phūnkā, tab ole, aur ḡhūn men sanī hūī āg maujūd hūī, aur zamīn par phenkī gāi : aur tihāi daraḡht jal gae, aur tamām harī ḡhās jal gāi.

8 Phir dūsre firishte ne narsingā phūnkā, tab jaise ek barā pahār āg se jaltā hūā, samundar men phenkā gayā, aur samundar kā tīsrā hissa lahū ho gayā. 9 Aur jāndāron kī tihāi, jitne samundar men zinda the, margae ; aur kishtion kā tīsrā hissa tabāh ho gayā.

10 Phir tīsre firishte ne narsingā phūnkā, tab barā sitāra chirāg sā jaltā hūā āsmān se tūṭā, aur nadion, aur pānīke soton kī tihāi par jā girā. 11 Us sitāre kā nām Nāgdaunā hai, aur tihāi pānī Nāgdaunā ho gayā, aur bahut se ādmī us pānī ke sabab se margae, ki wuh karwā ho gayā thā.

12 Phir chauthē firishte ne narsingā phūnkā, to tihāi sūraj, aur tihāi chānd, aur tihāi sitāre mārē gae, yahān tak, ki unki tihāi tárīk ho gāi, aur din kī tihāi, aur waisehī rāt kī tihāi bhī roshan na thī.

13 Phir jo main ne nazar kī, to ek firishte ko āsmān ke bīcho bīch urte hūe barī āwāz se yih kahte sunā, ki Zamīn ke rahnewālon par

un men frishton ke narsingá kí báqí áwázon ke sabab, jo phúnkne par hain, afsos, afsos, afsos !

### IX. BĀB.

1 Jab pánchwen frishte ne phúnká, tab main ne ásmán se ek sitára zamín par girte dekhá, aur us kúe kí kunjí, jis kí tháh nahín, use dí gaí. 2 Aur us ne us kúen ko, jis kí tháh nahín kholá; to us kúe se baṛe tanúr ká sá dhúwán uṭhá; aur us kúe ke dhúm se súraḡ aur hawá tárík ho gaí. 3 Aur us dhúmen se zamín par tiḡḡán niklín, aur unhen waisehí qudrat dí gaí, jaisí zamín ke bichhúon kí hai. 4 Aur unhen yih kahá gayá, ki Zamín kí ghás, yá koí sabzí, yá kisí daraḡht ko zarar na pahuncháen, magar sirf un ádmíon ko jin ke máshon par Kḡhudá kí muhr nahín. 5. Aur unhen yih diyá gayá, ki we unko ján se na máren, balki pánch mahíne tak aziyat den, aur unki aziyat bichhú ke ḡang kí sí, jab wuh admíon ko mártá hai. 6 Aur un dinon ádmí maut dhúnḡhenge, aur use na páwenge; aur marneke mushtáḡ honge, aur maut un se bhágegí. 7 Aur un tiḡḡíon kí súraten un ghoron kí sí thí, jo laráí ke liye taiyár hon, aur un ke siron par, goyá soneke táj, aur un ke chihre ádmí ke se the. 8 Aur un ke bál auraton ke se, aur un ke dánt babbar ke se the. 9 Aur un ká baktar lohe ke baktar kí mánind: aur un ke paron kí áwáz, rathon, aur bahut ghoron kí sí, jo laráí men dauren. 10 Aur un kí dumen bichhú kí sí thín, aur ḡang un kí dumon men the; aur unhen ikḡhtiyár milá, ki pánch mahíne tak ádmíon ko zarar pahuncháen. 11 Aur un ká ek bádsháh thí, jo us atháh kúe ká frishta thá, us ká nám Ibrání men Abbadon, aur Yúnání men Apalion hai. 12 Ek afsos guzar gayá; par dekho do afsos un ke bád ánewálá hai.

13 Phir chhaṭhe frishte ne phúnká, aur main ne sonahrí qurbángáh kí cháron sháḡhon men se, jo Kḡhudá ke huzúr hai, ek áwáz suní, jo us chhaṭhe frishte se, jis pás narsingá thá, kahtí thí, 14 Ki un cháron frishton ko jo Furát kí baṛí nadí par band hain, ḡhol de. 15 Phir we cháron frishte chhoṭe jo ek sáyat, aur ek din, aur ek mahíne, aur ek baras tak taiyár the, ki ádmíon men se tihái ko már ḡálen. 16 Aur faujon ke sawár shumár men bís ḡror the: aur main ne

unká shumár waisá suná. 17 Aur wuh ghore aur unke sawár dekhne meṅ mujhe yún nazar áe, ki unká baktar ág aur sambal, aur gandhak ká sá hai, aur unke ghoron ke sir baḅbar ke sir kí mánind, aur unke munh se ág, aur dhúwán aur gandhak nikaltí thí. 18 Aur us ág, aur dhúmeṅ, aur gandhak se jo unke munh se nikaltí thí, yáne in tīnon áfaton se tihái ádmí máre gae. 19 Ki unkí qudraten unkí munh meṅ, aur unkí dum meṅ thín ; kyúnki unkí dumeṅ sampon kí sí, jin meṅ sir the, aur we unse zarar pahuncháthe the. 20 Aur báqí ádmíon ne jo un áfaton se máre na gae the, apne háthon ke kámon se tauba na kí, ki deon, aur sone, aur rúpe, aur pítal, aur patthar, aur lakṛí kí múraton kí, jo na dekh aur na sun, aur na chal saktín, pújá na karen. 21 Aur unhon ne ḅhún, aur jádúgaríon, aur ziná, aur choríon se jo we karte the tauba na kí.

### X. BĀB.

1 Phir main ne ek aur zoráwar firishta ásmán se utaṛte dekhá, aur jo badlí ko oṛhe : aur us ke sir par dhanuk thá, us ká chihra aftáb sá, aur us ke páon ág ke satúnon kí mánind the. 2 Aur us ke háth meṅ ek chhoṭí sí kitáb khulí húi thí, aur us ne apná dahiná páon samundar par, aur báyan ḅhushkí par dhará. 3 Aur baṛí áwáz se, jaise babbar garajtá hai, pukará ; aur jab us ne pukará, tab bádál ke garjane kí sáth áwáz dí. 4 Aur jab we sát bádál garaj chuke, main likhne par thá : tab main ne ásmán se ek áwáz suní, jo mujhe farmátí thí, ki un sát bádalon ne jo kuchh kahó, is par muhr kar rakh, aur likh mat. 5 Tab us firishta ne jise main ne samundar aur ḅhushkí par khará dekhá, apná háth ásmán kí taraf uṭháyá. 6 Aur us kí jo ábadtak zinda hai, jis ne ásmán ko, aur jo kuchh us meṅ hai, aur zamín ko aur jo kuchh us meṅ hai, aur samundar ko, aur jo kuchh us meṅ hai, paidá kiyá, qasam khái, ki phir waqt na hogá. 7 Balki sátweṅ firishte kí áwáz ke dinon meṅ jab wuh phúnkne lagegá, ḅhúdá ká poshida matlab, jaisá us ne apne bande nabíon ko ḅhúsh khabarí dí, púra hogá.

8 Aur us áwáz ne jo main ne ásmán se suní phir mujhe bát kí, aur kahá, Já, wuh chhoṭí khulí húi kitáb, jo us firishte ke, jo daryá aur

ḳhushkí par khará hai, háth men hai, le. 9 Tab main ne us frishte ke pás jákar kahá, ki Wuh chhoṭí kitáb mujh ko de. Us ne mujhe kahá, Le, aur use khá já; wuh terá peṭ karwá kar degí, par terá munh men shahd sí miṭhí lagegí. 10 Tab main ne wuh chhoṭí kitáb us frishte ke háth se lí, aur use khá gayá; wuh mere munh men shahd kí tarah miṭhí thí; aur jab main use khá gayá, merá peṭ karwá ho gayá. 11 Aur us ne mujhe kahá, Zarúr hai, ki tú bahut se logon aur qaumon, aur zabánon, aur bádsháhon kí bábat phir nabuwat kare.

### XI. BAB.

1 Aur ek sarkandá jaríb kí mánind mujhe diyá gayá, aur wuh firish-ta khará kahtá thá, ki Uṭh aur Ḳhudá kí haikal aur qurbángáh, aur ibádat karnewálon kí jagah ko náp. 2 Magar us dálán ko jo haikal ke báhar hai, chhor de, aur use mat náp; kyúнки wuh gairqaumon ko diyá gayá hai: aur we muqaddas shahr ko biális mahíne tak páon se latárengé. 3 Aur main apne do gawáhon ko qudrat baḳhshúngá, aur we ṭáṭ pahin kar ek hazár do sau sáth din tak nabuwat karenge. 4 Yih we do daraḳht zaitún ke, aur do shamádán hain, jo zamín ke Ḳhudáwand ke huzúr khare hain. 5 Aur agar koí cháhe, ki unhen zarar pahuncháe, to zarúr hai, ki wuh use tarah mára jáwe. 6 Un ko iḳhtiyár hai, ki ásmán ko band karen, ki un ke nabuwat ke dinon men pání na barse: aur pánion par bhí iḳhtiyár rakhte, ki unhon lahú baná dálen, aur jab jab cháhen, zamín par har tarah kí áfat láwen. 7 Aur we jab apní gawáhí de chukenge, to wuh jándár jo atháh kúe se nikaltá hai, un se laṛegá, aur un par gálib hogá, aur unhen már dálegá. 8 Aur un kí láshen us bare shahr ke bázár men, jo tashbíh ke taur par Sadúm aur Misr kahlátá hai, jahán hamára Ḳhudáwand bhí salíb par khenchte gayá, paṛí rahengín. 9 Aur logon aur frishton, aur zabánon aur qaumon ke log un kí láshon ko sárhe tén din tak dekhá karenge, aur unkí láshon ko qabr men rakhne na denge. 10 Aur zamín ke rahnewále un par ḳhúshí o ḳhorramí karenge, aur ek dúsre ko saugáten bhejenge; kyúнки un do nabion ne zamín ke rahnewálon ko satáyá thá. 11 Aur sárhe tén din ke bád zindagí kí Rúh Ḳhudá kí taraf se un men daráí, aur we apne páon par khare

húe ; tab jinhon ne unhen dekhá, shiddat se dare. 12 Aur unhon ne ásmán se ek barí áwáz suní, jis ne unhen kahá, ki Idhar úpar áo. Aur we bádál men ásmán par chale gae ; aur un ke dushmanon ne un ko dekhá. 13 Phir usí gharí ek bará bhúmchál áyá, aur us shahr ká daswáñ hissa gir gayá ; us bhúmchál men sát hazár admí ján se gae, aur báqí jo the kámp gae, aur ásmán kí K̄hudá kí táríf kí. 14 Dúsrá áfsos guzar gayá ; dekho tísrá áfsos jald átá hai.

15 Aur sátwen firishta ne phúnká, aur ásmán par barí áwázen yih kahtí húi áin, ki Duniyá kí bádsháhaten hamáre K̄hudáwand aur us kí Masíh kí ho gaín, aur wuh abad tak bádsháhat karegá. 16 Aur chaubís buzurg jo apne apne taqht par K̄hudá ke huzúr baithe the, munh ke bal gire, aur K̄hudá ko sijda kiyá, aur bole : 17 Ki Ai K̄hudáwand K̄hudá Qádir mutlaq jo hai, aur thá, aur ánewálá hai, ham terá shukr kartá hain, ki tú ne apní barí qudrat lí, aur bádsháhat kí. 18 Aur qaumen gussa húen, aur terá qahr áyá, aur waqt pahunchá, ki murdon kí adálat kí jae, aur tú apne bandon, nabíon, aur muqaddas logon ko, aur un ko jo tere nám se darte hain, kyá chhoṭe kyá bare, ájiz bakhshe, aur un ko jo zamín ko kharáb karte hain, kharáb kare.

19 Aur K̄hudá ká haikal ásmán men k̄hul gayá ; aur us ke haikal men us ke ahd sandúq dekhne men áyá, aur bijlíán aur áwázen, aur garjaná, aur bhúmchál áe, aur bare bare ole.

## XII. BAB.

1 Aur ek bare nishán ásmán par nazar áyá : ek aurat súrāj ko orhe húe, aur chánd us ke pánon tale, aur us ke sir par bárah sitáron ká táj. 2 Wuh aurat hámila thí, aur dard se chillátí, aur janne ko áinṭhí thí.

3 Phir ek aur nishán ásmán par dekhái diyá ; dekho ek bará surk̄hí azhdahá jis ke sát sir, aur das síng, aur sát táj us ke siron par the. 4 Us kí dum ne ásmán ke tihái sitáre khenche, aur unhen zamín par dálá : phir azhdahá us aurat ke áge jo janne par thí, já khará húá, ki jab wuh to us ke bachcha ko nigal jáwe. 5 Aur wuh farzand narína janí, jo muqarrar húá, ki lohe ká asá leke sab qaumon par

hukūmat kare, aur us ke larke ko K̄hudā ke, aur us ke taḡht ke āge uṡhā le gae. 6 Aur wuh aurat bayābān meṡ, jahān K̄hudā ne us ke liye jagah taiyār kī thī, bhāg gaī, tāki wahān bārah sī sāṡh din tak us kī parwarish karen.

7 Phir āsmān par larāī hūī, Mikāel aur us ke firishte azhdahe se lare; aur azhdahā aur us ke firishte un se lare. 8 Lekin un par gālib na ho sake, aur na āsmān par un kī phir jagah milī. 9 So barā azhdahā nikālā gayā; wuhī purānā sāmp jis kā nām Iblīs aur Shaitān hai, jo sāre jahān ko dagā detā hai, wuh zamīn par girāyā gayā, aur us ke firishte bhī us ke sāṡh girāe gae. 10 Phir main ne ek barī āwāz āsmān se yih kahte sunī, ki Ab najāt, aur qudrat, aur hamāre K̄hudā kī sultanat, aur us ke Masīh kā iḡhtiyārz āhir hūā; kyūnki hamāre bhāion par tuhmat lagānewālā, jo rāt din hamāre K̄hudā ke āge un par tuhmat lagātā hai, gayā. 11 Aur unhoṡ ne Barra ke lahū se, aur apnī gawāhī kī bāt se, us ko jīt liyā, aur unhoṡ ne apnī jānoṡ ko marne tak azīz na jānā. 12 Is wāste tum ai āsmānoṡ aur un par ke rahnewālo, ḡhūshī karo; afsos un par jo ḡhūshī aur tarī ke rahnewāle hain! is liye ki Iblīs bare gusse se tum par utrā, ki wuh jāntā hai, ki mere waqten thoṡā hī bāqī hai.

13 Aur jab us azhdahe ne dekhā, ki zamīn par girāyā gayā, to us ne us aurat ko jo farzand narīna janī thī, satāyā. 14 Aur us aurat ko bare uqāb ke do par die gae, tāki wuh us sāmp ke sāmhne se bayābān ko apne muqām tak uṡ jāe, jahān ek zamān, aur do zamān, aur nīmzamān tak us kī parwarish muqarrar kī gaī. 15 Phir us sāmp ne apne munh se pānī nadī kī mánind us aurat ke pīchhe bahāyā, tāki us ko daryā se bahāwe. 16 Par zamīn ne us aurat kī madad kī, aur apnā munh ḡhulā, aur us nadī ko, jo azhdahe ne apne munh se bahāī thī, pī liyā. 17 Aur azhdahā aurat par gussa hūā, aur uskī bāqī aulād se, jo K̄hudā ke hukm mānte, aur Yisú Masīh kī gawāhī rakhte hain, lare gayā.

### XIII BĀB.

1 Aur main samundar ke retī par kharā thā, aur dekhā, ki ek jānwar samundar se niklā, jis ke sāt sir, aur das sīng the, aur us ke

sīngon par das tāj, aur us ke siron par kufr ke nām. 2 Aur wuh jānwar, jo main ne dekhā, chīte kī shakal thā, aur us ke pānon bhālū ke se, aur kalla us kā babbar kā sá ; us azhdahe ne apnī qudrat, aur apnā taḡht, aur barā iḡhtiyār use diyā. 3 Aur main ne dekhā, ki goyā, us ke ek sir par mārḡālnewālā zaḡham lagā hai, par us kā mārḡālnewālā ghāo changā ho gayā thā, aur sārī zamīn us jānwar ke pīchhe tājjub kartī thī. 4 Aur us azhdahe ko jisne us jānwar ke tain iḡhtiyār diyā pūjā kie, aur us jānwar ko pūjā kie, aur bole, Kaun us jānwar kī mánind hai ? kaun us se lar saktā hai ? 5 Aur ek munh barā bol bolnewālā, aur kufr baknewālā use milā, aur biālīs mahīne tak larāfī karne ko use iḡhtiyār diyā gayā. 6 Aur wuh Ḳhudā kī bába, kufr bakne par apnā munh ḡhol kar us ke nām, aur us ke muqām aur un ke haqq meḡ, jo ásmán par rahte hain, kufr bakne lagā. 7 Use yih diyā gayā, ki muqaddas logon se muqábila kare, aur un par gálib howe, aur sab firqon, aur zabānon, aur qaumon par use iḡhtiyār milā. 8 Aur zamīn ke we sab rahnewāle us kī pūjā karne ke, jin ke nām us Barra kī kitābi hayāt meḡ, jo duniyā ke shurū se qatl hūá, likhe nahīn gae. 9 Agar kisī ke kán hon, to sune. 10 Jo qaid karne liye jātā hai, se qaid meḡ paregā ; aur jo talwār se qatl kartā hai, so talwār hī se qatl hogā : muqaddas logon kā sabr, aur ímán yihī hai.

11 Phir main ne dekhā, ki ek aur jānwar zamīn se uṡhā ; Barra kī mánind us ke do sīng the, aur azhdahe sá boltā thā. 12 Yih pahile jānwar ke sáre iḡhtiyār par us ke áge amal kartā hai ; aur zamīn aur us ke rahnewálon se pahile jānwar ko jis kā mārḡālnewālā ghāo changā hūá, pujwátā hai. 13 Aur wuh bare achambhe zāhir kartā hai, yahān tak ki logon kī nazar meḡ ásmán se zamīn par ág barsátā. 14 Aur un achambhon se jinke dikhāne kī qudrat us jānwar ke sāmhne use de gāí, zamīn ke rahnewálon ko dagā detā hai ; ki zamīn ke rahnewálon se kahtā hai, ki Tum us jānwar kī, jis meḡ talwār kā ghāo thā, aur jīá, ek múrat banáo. 15 Aur use yih diyā gayā, ki us jānwar kī múrat ko jān baḡhshe, ki us jānwar kī wuh múrat báteḡ bhī kare ; aur un sab ko jo us jānwar kī múrat ko na pūjeḡ, qatl karwāe. 16 Aur sab chhoṡe bare daulatmand, aur garīb, ázád, aur gulámon ke dáhine háth, yá máthe par ek nishán karwá de. 17 Aur yih ki koí ḡharíd faroḡhat na karsaḡe, magar wahī jis meḡ wuh nishán, yá us

jānwar kā nām, yā us ke nām kā shumār ho. 18 Dānish yahān hai. Wuh jo samajh rakhtā hai, us jānwar ke adad gin jāe; kyūnki wuh insān kā adad hai, aur us kā adad chār sau chhiāsāth hai.

#### XIV. BĀB.

1 Phir jo main ne nigāh kī, to kyā dekhā, ki ek Barra Saihūn pahār par kharā thā, aur us ke sāth ek lākh chauwālīs hazār, jin ke māthoṅ par us ke Bāp kā nām likhā thā. 2 Phir main ne āsmān se ek āwāz sunī, jo bahut pānīoṅ ke shor, aur bare garjane kī āwāz kī mānind thī: aur main ne barbat nawāzon kī āwāz, jo apne barbat bajāte the, sunī. 3 Aur we taḡht ke sāmhne, aur un chāroṅ jānwaroṅ aur buzurgoṅ ke āge nayā rāg gā rahe the; aur koī un ek lākh chauwālīs hazār ke siwā, jo zamīn se ḡharīde gae the, us rāg ko sīkh na sakā. 4 Ye wuh log haiṅ, jo auratoṅ ke sāth gundagī meṅ na paṛe; ki kunwāre haiṅ: Ye we haiṅ, jo Barra ke pīchhe jahān kahīṅ wuh jātā hai, jāte haiṅ: Ye Ḳhudā aur Barra ke liye pahile phal hoke ādmīoṅ meṅ se mol liye gae haiṅ. 5 Aur un ke munh meṅ makr pāyā na gayā, ki we Ḳhudā ke taḡht ke āge beaib haiṅ.

6 Aur main ne ek aur firishta injīl abadī liye hūe dekhā, ki āsmān ke bīcho bīch uṛ rahā thā, tāki zamīn ke rahnewāloṅ, aur sab qaum, aur firqe, aur zabān, aur logoṅ ko ḡhūshḡhabarī sunāwe. 7 Aur us ne baṛī āwāz se kahā, Ḳhudā se ḡaro, aur us kā jalāl zāhir karo; kyūnki us kī adālat kī ḡharī āī; aur usī kī parastish karo, jis ne āsmān, aur zamīn, aur samundar, aur pānī ke chashme paidā kie.

8 Aur us ke pīchhe ek dūsrā firishta ā kar yūṅ bolā, ki Bābil wuh baṛā shahr gir paṛā, gir paṛā; kyūnki us ke apnī harāmḡarī ke gazabī wain sāre qaumoṅ ko pilāī.

9 Phir ek tīsrā firishta un ke pīchhe āyā, aur baṛī āwāz se bolā, ki Jo koī us jānwar, aur us kī mūrat kī pūjā kartā hai, aur us kā nishān apne māthe yā apne hāth par hone deḡā hai: 10 Wuh Ḳhudā ke qahr kī us wain ko, jo us ke qahr ke piyāle meṅ be milāe dhāī ḡāf, piēgā; aur wuh muḡaddas firishtoṅ, aur Barra ke āge āḡ aur gandhak meṅ tarpegā: 11 Aur un ke tarpane kā dhūwān abadtak uḡhtā rahtā hai, aur un ḡo jo us jānwar, aur us kī mūrat kī piyā karte haiṅ, aur us



ko jo us ke nám ká nishán liye hai, rát din kabhí áram nahín. 12 Muqaddas logon ká sabr yahín hai; we jo K̄hudá ke hukmon aur Yisúí ímán ko liye rahte hain, yahán hain.

13 Phir main ne ásmán se ek áwáz suní, jo mujh se kahtí thí, kí Likh: we murde jo K̄hudáwand men marte hain, ab se mubáarak hain; Rűh kahtá hai, kí Hán, we apní maḡhtún se áram páte hain, aur un ke iamál un ke píchhe píchhe chale áte hain.

14 Phir main ne nazar kí, aur kyá dekhá, kí ek sufed bádali, aur us bádial par, koí Ibni Adam sá baiḡhá thá, jis ke sir par sone ká táj, aur us ke háth men ek tez hansúá thá. 15 Aur ek aur firishta use jo bádali par baiḡhá thá, baḡí áwáz se pukártá húá, haikal se niklá, kí Apná hansúá lagá, aur kát; kyúinki tere kátne ká waqt áyá, kí zamín ká khet pak gayá hai. 16 Aur us ne jo bádali par baiḡhá thá, apná hansúá zamín par lagáyá, aur zamín ká khet kaḡ gayá.

17 Phir ek aur firishta haikal se jo ásmán men hai niklá, us pás bhí ek tez hansúá thá. 18 Aur ek aur firishta jis ka iḡhtiyár ág par thá, qurbángáh se niklá, us ne us ko jis kane tez hansúá thá, baḡe shor se pukár ke kahá, kí Apná tez hansúá lagá, aur zamín ke angúr ke guchhe kát; kyúinki is ke angúr pak chuke. 19 Phir us firishta ne apná hansúá zamín par dhará, aur zamín ke angúr ko kátá, aur K̄hudá ke gazab ke baḡe kolhú men ḡál diyá. 20 Aur wuh usí ko lahú men shahr ke báhar peḡá gayá, aur us kolhú se solah kos tak aisá bahá, kí ghoron kí bágon tak pahunchá.

## XV. B.A.B.

1 Phir main ne ek aur nishán ásmán men dekhá, jo baḡá aur achambhe ká thá, kí sát firishte píchhlí sáton áfaton ko liye hain; kyúinki K̄hudá ká gazab un men púrá húá hai. 2 Aur main ne shíshe ká ek daryá ág se milá húá dekhá, aur un ko bhí jo us jánwar, aur us kí múrat, aur us ke nishán, aur us ke nám ke adad par gálib áe the, us shísha ke samundar par K̄hudá ke barbat liye khare the. 3 Aur we K̄hudá ke banda Músá ká rág aur Barra ká rág yih kah ke gáte hain, kí Ai K̄hudáwand K̄hudá Qádir mutlaq, tere kám baḡe aur achambhe ke hain; Ai muqaddason ke bádsháh, terí ráheḡ rást aur durust hain.

4 Ai K̄hudáwand, kaun tujh se na ðaregá? aur tere nám ká jalál zâ-hir na karegá? kyúнки túhí sirf quddús hai: ki sírí qaum áwengí, aur tere áge sijda karengí, ki terí adálaten zâhir húe hai.

5 Aur bád us ke jo main ne nazar kí, to kyá dekhá, ki gawáhí ke k̄haime kí haikal ásmán par k̄hulí gaí. 6 Aur we sáton frishte un sáton áfaton ko liye sáf aur burráq poshák pahine húe, aur sone ke sínaband sínon par lapete húe, haikal se nikal áe. 7 Aur un cháron jándáron men se ek ne sone ke sát piyále us K̄hudá ke qahr se bhare húe, jo abadillábád zinda hai, un sáton frishton ko die. 8 Aur wuh haikal K̄hudá ke jalál aur us kí qudrat ke sabab dhúen se bhar gaí; aur jab tak un sáton frishton kí sát áfaton tamám na húen, koí us haikal men dákhil na ho saká.

## XVI. BAB.

1 Phir main ne haikal se ek barí áwáz suní, jo un sáton frishton se yún kahtí thí, ki Rawána ho, aur K̄hudá ke qahr ke un piyálon ko zamín par unðelo. 2 Chunánchi pahilá chalá gayá, aur apne piyále zamín par unðele; tab un logon men jin par us jánwar ká nishán thá, aur un men jo us kí múrat kí pújá karte the, bure aur zabún phore paidá húe.

3 Phir dúsre frishte ne apná piyála samundar men unðelá; tab wuh murde ke lahú sá ho gayá, aur harek jándár jo samundar men thá múá.

4 Phir tísre frishte ne apná piyála nadíon aur pání ke chashmon men unðelá, wuh lahú ho gayá. 5 Aur main ne pání ke frishte ko yih kahte suná, ki Ai ádil K̄hudáwand, jo hai, aur thá, túhí quddús hai, ki tú ne yún adálat kí. 6 Kyúнки unhon ne muqaddason aur nabíon ká k̄hún baháyá hai; so tú ne píne ko unhen lahú diyá, ki we isí láiq hai. 7 Phir main ne dúsre frishte ko qurbángáh men se yih kahte suná, ki Hán ai K̄hudáwand K̄hudá Qádir mutlaq, terí adálaten sachhí aur rást hai.

8 Phir chauthe frishte ne apná piyála sūraj par unðelá; use qudrat dí gaí thí, ki ádmíon ko ág se bhulsáe. 9 Aur ádmí saḡht garmí se bhuls gae, aur K̄hudá ke nám par jo áfaton par iḡhtiyár rakhtá hai

kufr bakte the ; aur unhon ne tauba na kiyá, ki us ká jalál záhir karen.

10 Phir pánchwen frishte ne us jánwar ke taḡht par apná piyála unḡelá ; us kí bádsháhi men táríkí chhá gaí ; aur we máre dard ke apní zabánen chabáte. 11 Aur apne dardon aur phoron ke báis ásmán ke Ḳhudá par kufr bakte the, aur apne kámon se tauba na kí.

12 Phir chhathe frishte ne apná piyála us bare daryá men jo Furát hai unḡelá ; us ká pání súkh gayá, táki púrab ke bádsháhon ke liye ráh taiyár howe. 13 Phir main ne us azhdahe ke munh se, aur us jánwar ke munh se, aur us jhúthe nabí ke munh se tén nápák rúhon ko menḡakon kí shakl nikalte dekhá. 14 Ki we achambhe dikhánewále dewon kí rúhen hain, jo sári dunyá ke bádsháhon pás játen, ki unhen Qádir mutlaq Ḳhudá ke roz azím ke muqábila ke liye jama karen. 15 Dekh main chor kí mánind átá hún. Mubáarak hai wuh jo jágtá, aur apní poshák kí ḡhabardári kartá hai, aisá na howe, ki wuh nangá phire, aur log us kí sharm ko dekhen. 16 Phir us ne un ko ek makán men, jis ká nám Ibrání men Armagiddon hai, jama kiyá.

17 Phir sátwen frishte ne apná piyála hawá men unḡelá, tab ásmán kí haikal men taḡht se ek barí áwáz yih káhtí húi niklí, ki Ho chuká. 18 Tab áwázen aur garjen, aur chamken húen, aur bará bhúmchál áyá ; aisá ki jab se ádmí zamín par hain, aisá bará aur saḡht bhúmchál kabhi áyá na thá. 19 Aur wuh bará shahr tén ṡukre ho gayá, aur qaumon ke shahr gir gaè ; aur barí Bábil Ḳhudá ke huzúr yád áí, táki use apne kamál qahr kí wain ká piyála dewe. 20 Tab harek ṡápú bhágá, aur pahár kahín páe na gae. 21 Aur ásmán se ádmíon par man man bhar ke ole gire, aur olon kí áfat se ádmíon ne Ḳhudá par kufr baká ; kyúнки wuh niháyat hí saḡht áfat thí.

## XVII. BĀB.

1 Aur ek un sát frishton men se, jin ke pás sát piyále the, áyá, aur mujh se yún kahá, ki Idhar áien ; tujh ko us barí kasbí kí sazá jo bahut pánion par baithe hai dikhláungá : 2 Jis ke sáth zamín ke bádsháhon ne harámkári kí, aur jis kí harámkári kí wain se zamín ke

rahnewále matwále húe. 3 Phir wuh mujhe bawaza rúhání bayá-bán meṅ legayá, wahán main ne ek aurat ko qirmizí rang haiwán par, jo kufr ke námon se bhará thá, aur jis ke sát sir aur das síng the, baiṭhe dekhá. 4 Yih aurat argwání aur qirmizíjoṛá pahine, aur sone, aur jawáhir, aur motíon se árásta thí; ek sone ká piyála nafraton se aur apní ḥarámkárí kí gundagí se bhará húa, apne háth meṅ liye the; 5 Aur us ke máthe par ek nám likhá thá, **RAZ BABIL BUZURG CHHINALON AUR ZAMIN KI' NAFRATON KI' MA.** 6 Main ne dekhá, ki wuh aurat muqaddas logon ke ḵhún se, aur Yisú ke sháhídon ke lahú se matwále ho rahí thí, main us ko dekh kar saḵht hairání se dang ho gayá.

7 Tab us firishte ne mujhe kahá : Tú kyún dang hai? main us aurat aur us haiwán ká ráz, jis par wuh sawár hai, aur jis ke sát sir aur das síng hain, tujh se kahúngá. 8 Aur wuh haiwán jo tú ne dekhá, so thá, aur ab nahín hai; aur us atháh kúe se nikal áwegá, aur halákat meṅ jáegá; aur zamín ke rahnewále jin ke nám zindagí ke daftar meṅ dunyá kí paidáish ke shurú se likhe na gae, us haiwán ko dekh ke, jo thá, aur nahín hai, agarchi hogá, tájjub karenge. 9 Yihín aqlmand kí samajh hai. We sát sir sát pahár hain, jin par wuh aurat baiṭhí hai. 10 Aur sát Bádsháh hain, páñch to gir gae, ek hai, dúsrá ab tak nahín áyá; aur jab áwegá, thoṛí muddat tak us ká rahná hogá. 11 Aur wuh haiwán jo thá, aur nahín hai, áṭhwán wuhí hai, aur un sáton meṅ se hai, aur halákat meṅ játá hai. 12 Aur das síng jo tú ne dekhe, das bádsháh hai, jinhon ne abtak bádsháhí nahín páí, lekin us haiwán ke sáth ek sáyat tak bádsháhon ká sá iḵhtiyár páwenge. 13 Un sab kí ek hí mat hai, aur apní qudrat aur iḵhtiyár is haiwán ko denge. 14 We Barre se laṛáí karenge, aur Barra un par gálib hogá; kyúнки wuh Ḷhudáwandon ká Ḷhudáwand, aur Badsháhon ká Bádsháh hai; aur we jo us ke sáth hain, so buláe húe, aur chune húe, aur díánatdár hain. 15 Phir us ne mujhe kahá, We pání jo túne dekhe, jahán wuh kasbí baiṭhí thí, so log aur gurohen, aur qaumen, aur zabáneṅ hain. 16 Aur us haiwán ke das síng, jo tú ne dekhe, us kasbí se adáwat karenge, aur use bekas aur nangí karenge, aur us ká gosht kháenge, aur us ko ág se jaláenge. 17 Kyúнки Ḷhudá ne un ke dilon meṅ yih dálá, ki us kí murád bar láwen, aur ek hí mat hon,

aur apní bádsháhi us haiwán ko den, jab tak ki K̄hudá kí báten púrī hon. 18 Wuh aurat jise tú ne dekhá, so wuh baṛá shahr hai, jo zamín ke bádsháhon par bádsháhat kartá hai.

### XVIII. BĀB.

1 Bád un chízon ke main ne ek firishte ko ásmán par se útarte dekhí, jise baṛá iḡhtiyár milá, aur zamín us ke jalál se roshan ho gaf. 2 Us ne baṛí áwáz se pukár ke yih kahá, ki Baṛá Bābil gir paṛá, gir paṛá, wuh deon ká ghar, aur harek gundí rúh kí chaukí, aur harek nápák aur makrúh parinde ká baserá ho gayá. 3 Kyünki sári qaumon ne us kí harám kári ke gazab kí wain pí lí, aur zamín ke bádsháhon ne us ke sáth harámkári kí, aur zamín ke saudágar us ke áish kí ziyádatí se daulatmand hūe.

4 Phir main ne ásmán se ek aur áwáz yih kahtí húi suní, ki Ai mere logo, us men se nikál áo, táki tum us ke gunáhon men sharík na ho, aur us kí áfaton men se kuchh tum par na paṛe. 5 Kyünki uske gunáh ásmán tak pahunche, aur K̄hudá ne uski badkárián yád kí. 6 Jaisá us ne tum se sulúk kiyá, waisáhi tum bhí us se sulúk karo ; aur ise is ke kámon ke muwáfiq do chand do, us ke piyále men jise us ne bhará, dúná bhar do. 7 Jitná us ne áp ko shándár banáyá, aur aiáshí kí, itnáhi us ko azáb aur gam men dālo : kyünki wuh apne dil men kahtí hai, ki main málik ban baiṭhi, aur main to ránd nahín hún, aur kabhi gam na dekhúngí. 8 So ek hí din men yih áfaten us par tuṭengí, yáne maut, aur gam, aur kál, aur wuh ág se jalái jáengí ; kyünki K̄hudáwand K̄hudá jo us kí adálat kartá hai, zoráwar hai. 9 Aur zamín ke bádsháh jinhon ne us ke sáth harámkári, aur aiáshí kí hai, us ke jalne ká dhúán dekh kar us par roe píṭenge. 10 Us ke azáb ke ḍar se dūr khare hūe kahenge : Hāe Hāe, Bābil wuh baṛá shahr, wuh mazbút shahr, ek hí sáyat men terí adálat á pahunchí. 11 Aur zamín ke saudágar us par roenge, aur gam karenge, ki ab koí un kí jins mol nahín letá. 12 Yih jinsen sone, aur rúpe, aur jawáhirát, aur motí, aur mihín kután, aur argwání aur reshamí aur qirmizí kapre, aur harek khúshbúdár lakṛí, aur tarah tarah kí háthí dánt ke bartan, aur harek tarah ke beshqímat chúní, aur tāmbe, aur bole, aur síng

mármár ke básan : 13 Aur dárchiní, aur k̄húshbúyán, aur atar, aur lubán, aur wain, aur tel, aur sáf maida, aur gehún, aur chárpáe, aur bheren, aur ghoṛe, aur gáṛián, aur gulám, aur ádmíon kí jáneṛ haiṛ. 14 Ab tere dilchasp mewe tujh se alag ho gae, aur sári chikní aur k̄hásí k̄hásí chízen tujhe chhoṛ gaín, tú un ko phir kabhí napáegí. 15 Un chízon ke saudágar jo us ke sabab máldár bane the, us ke azáb ke k̄hauf se dúr khaṛe rah kar roenge, aur gam karenge, 16 Aur kahenge, Háe, Háe, wuh baṛá shahr jo míhin kapṛe aur argwání aur qirmizí poshík pahine, aur sone aur jawáhir, aur motíon se árásta thá! Kyúinki itní baṛí daulat ek hí sáyat meṛ barbíd ho gaí. 17 Aur harek nák̄hudá, aur jaház ke sab log, aur dándí, aur jitne kí samundar se kám rakhte haiṛ, dúr khaṛe rahe. 18 Aur us ke jalne ká dhúán uṭhte dekh kar yúṛ pukár uṭhe, Kaun shahr is baṛe shahr kí mánind hai! 19 Aur unhoṛ ne apne siron par k̄hák uráí, aur ro ro aur gam karke yúṛ pukár uṭhe, Háe Háe, aisá baṛá shahr, jis meṛ we sab jo daryá meṛ jahíz chaláte, us ke baṛe k̄harach se daulatmand ho gae, wuh ekhí sáyat meṛ ujaṛ gayá. 20 Ai ásmán aur muqaddas rasúlo aur paigambaro, us par k̄húshí karo; kyúinki K̄hudá ne us se tumhárá badlá liyá.

21 Phir ek zoráwar firishte ne ek pathar jaise bhári chakkí ká paṭ uṭháyá, aur yih kahte húe daryá meṛ phenká; Bábil wuh baṛá shahr, yúṛ zor se phenkí jáegá, aur phir kabhí páyá na jáegá. 22 Aur barbat nawázon aur gáne bajánewálon, aur bánslí bajánewálon, aur narsinga phúnknewálon kí áwáz tujh meṛ phir na suní jáegí! aur kisé tarah ká peshawála, koí pesha kyúṛ na ho, tujh meṛ phir páyá na jáegá; aur chakkí kí áwáz tujh meṛ phir na suní jáegí; 23 Aur phir tujh meṛ kabhí chirág na roshán hogá; aur phir tujh meṛ dúlhá dúlhin kí áwáz kán tak na pahunchegí; kyúinki tere saudágar zamín ke ashráf the, kí terí jádúgarí se zamín kí sab qaumon dagá khá gaín. 24 Aur nabíon aur muqaddas logon, aur jitne zamín par qatl húe un ká lahú us meṛ páyá gayá.

---

### XIX. BAB.

1 Un chízon ke bád main ne ásmán par bahut logon kí baṛí áwáz

yih kahtí hūí suní, ki Halleluyáh! naját aur jalál, aur izzat aur qudrat K̄hudáwand hamáre K̄hudá ko hai. 2 Kyúinki us kí adálaten rást, aur barhaqq hain, is liye ki us ne us barí kasbí kí, jis ne apní ziná-karí se zamín ko k̄haráb kiyá, adálat kí, aur apne bandon ke lahú ká badlá us se liyá. 3 Phir dúsri bár unhon ne kahá, Halleluyáh! Aur us ká dhúán hamesha ko uṭhá rahtá hai. 4 Aur we chaubís buzurg, aur we chár jándár aundhe munh gire, aur K̄hudá ko jo taḡht par baiṭhá hai sijda karke kahá, Amín; Halleluyáh! 5 Aur taḡht se yih áwáz niklí, ki Tum sab jo us ke bande ho, aur jo us se ḡarte ho, chhoṭe, kyá bare, hamáre K̄hudá kí tárif karo.

6 Aur main ne ek barí jamáat kí sí áwáz, aur bahut pánion kí sí áwáz, aur bare garaj kí sí áwáz, yih kahtí hūí suní, ki Halleluyáh; kyúinki K̄hudáwand K̄hudá Qádir mutlaq bádsháhat kartá hai. 7 Aḡo ham k̄húshí k̄hurramí karen, aur us ká jalál záhir karen, is liye, ki Bar-ra ká byáh á pahunchá, ur us kí dúlhin ne ápko sanwára hai. 8 Aur use yih diyá gayá, ki wuh síf aur shaffáf hain, sūt ká kaprá pahine, ki mihín sūt ká kaprá muqaddas logon kí rástbázi hai. 9 Aur us ne mujh se kahá, ki Likh: Mubáarak we hain, jo Barre kí shádí kí mih-mání men buláe gae. Aur wuh mujh se kahtá hai, ki Yih K̄hudá kí báten barhaqq hain. 10 Aur main us ke páon par use sijda karne girá, aur us ne mujhe kahá, K̄habardár, aisá na kar, ki main terá aur tere bháion ká jin pás Yisú kí gawáhi hai, ham k̄hidmat hún: K̄hudá ko sijda kar; kyúinki gawáhi jo Yisú par hai nabuwat kí Rúh hai.

11 Phir main ne ásmán ko k̄hulá dekhá, aur kyá dekhtá hún, ki ek nuqra ghorá aur us ká sawár amánatdár, aur sachchá kahlátá hai, aur wuh rástí se adálat kartá, aur laṭtá hai. 12 Aur us ki ánkhen ág ke shuala kí mánind, aur us ke sir par bahut se táj, aur us ká ek nám likhá hūá hai, jise us ke siwá kisí ne na jáná. 13 Aur k̄hún men ḡubá hūá libás wuh pahine thá, aur us ká nám Kalám ká K̄hudá hai. 14 Aur ásmání faujen sáf aur sufed, aur mihín libás pahine hūe nuqre ghoron par us ke píchhe ho lin. 15 Us ke munh se ek tez talwár nikaltí hai, ki wuh us se qaumon ko máre: aur wuh lohe ke asá se un par hukmrání karegá: aur wuh Qádir mutlaq K̄hudá ke qahr o gazab kí wain ke kolhú men raundtá hai. 16 Aur us ke libás aur rán par yih nám likhá hai, **BĀDŠĀHON KĀ BĀDŠĀH AUR K̄HUDĀWANDON KĀ K̄HUDĀWAND.**

17 Phir main ne ek firishta sūraj meṅ kharā dekhā, us ne tamām parindon ko, jo āsmān ke bīcho bīch urte haiṅ, yih kah ke buland āwāz se pukārā, *Āo* aur buzurg *Ḳhudā* kī mihmānī meṅ jama hoo.

18 Tāki tum bādshāhon kā gosht, aur sipāsālāron kā gosht, aur zorāwaron kā gosht, aur ghoṛon kā gosht, aur un ke sawāron kā gosht, aur āzādon, aur gulāmon, aur chhoṭe baṛon sab kā gosht khāo.

19 Phir main ne dekhā, ki wuh haiwān, aur zamīn ke bādshāh, aur un kī faujen ekathī hūīṅ, tāki us se jo ghoṛe par sawār thā, aur us ke lashkar se laṛen. 20 Aur wuh haiwān pakṛā gayā, aur us ke sāth wuh jhūṭhā nabī, jis ne us ke huzūr use karāmāten dekhāīṅ, jin se us ne un ko, jinhon ne us haiwān kā nishān apne par qabūl kiyā, aur un ko jo us kī mūrāt ko pūjte the, gumrāh kiyā : ye dono us āg kī jhīl meṅ jo gandhak se jal rahī hai jīte dāle gae. 21 Aur jo bāqī the, so us ghoṛe ke sawār kī talwār se, jo us ke munh se niklī thī, qatl hūe, aur sāre parinde un ke gosht se ser ho gae.

## XX. BĀB.

1 Phir main ne ek firishte ko āsmān se utarte dekhā, jis ke hāth meṅ athāh kūe kī kunjī, aur ek baṛī zanjīr thī. 2 Us ne us azhdahe ko jo purāna sāmp hai, yāne Iblīs aur shaitān ko pakṛā, aur hazār baras tak jakaṛ rakhā. 3 Aur us ko us athāh kūe meṅ dālā, aur band karke us par muhr kī, tāki wuh āke logon ko dagā na de, jab tak ki hazār baras tamām na hon; bād is ke chāhie, ki wuh thoṛe din ke liye chhūte.

4 Phir main ne taḱht dekhe, aur un ko jounpar baiṭhe the, aur adālat unhen dī gāī, aur unkī rūhon ko bhī dekhā, jinhon ne Yisū kī gawāhī aur *Ḳhudā* ke kalām ke wāste apnā sir diyā, aur jinhon ne na us haiwān, na us kī mūrāt ko pūjā, aur na us kā nishān apne māthon aur apne hāthon par qabūl kiyā thā ; we zinda hūe, aur Masīh ke sāth hazār baras tak bādshāhī karte rahe. 5 Aur bāqī murde jab tak hazār baras pūre na hūe, na jīe : Yih pahilī qiyāmat hai. 6 Mu-bāarak aur muqaddas wuh jo pahilī qiyāmat meṅ sharīk hai : aison par dūsri maut kā kuchh ikhtiyār nahīṅ, balki we *Ḳhudā* aur Masīh ke kāhin hongē, aur us ke sāth hazār baras tak bādshāhat ḱarengē.



7 Aur jab hazár sál ho chukenge, shaitán apní qaid se chhútegá, 8 Aur niklegá, táki un qaumon ko, jo zamín ke chéron kone men hai, yáne Gog yá Magog ko fareb de, aur unhen larái ke liye jama kare : we shumár men samundar kí ret kí mánind hai. 9 We zamín kí chaurán par charh gae, aur muqaddason kí chháuní, aur azíz shahr ko gher liyá : tab ásmán 'par se K̄hudá ke pás se ág utrí, aur unko khá gaí. 10 Aur shaitán jis ne unhen fareb diyá thá, ág aur gandhak kí jhíl men dálí gayá, jahán wuh haiwán aur jhúthá nabí hai, aur rát din hamesha ko azáb men rahenge.

11 Phir main ne ek sufed bará takht aur us ko jo us par baiṭhá thá dekhá, jis ke huzúr se zamín aur ásmán bháge, aur unhen kahín jagah na milí. 12 Phir main ne dekhá, ki murde, kyá chhoṭe kyá bare, K̄hudá ke huzúr khare hai; aur kitáben k̄hulí gaín, aur ek दूसरी kitáb jo zindagí kí hai, k̄hulí gaí; aur murdon kí adálat jaisá un kitábon men likhá thá, un ke iamál ke mutábiq kí gaí. 13 Aur daryá ne un murdon ko jo us men the ujhál phenká; aur maut o qabr ne un murdon ko jo un men the házir kiyá; aur un men harek kí adálat us ke kámon ke muwáfiq kí gaí. 14 Phir maut aur qabr ág kí jhíl men dálí gaí. Yih दूसरी maut hai. 15 Aur jis ká zikr zindagí kí kitáb men na milá, wuh ág kí jhíl men dálá gayá.

---

### XXI. B.AB.

1 Phir main ne ek nae ásmán aur naí zamín ko dekhá; kyúnki wuh agle ásmán aur zamín játe rahe the; aur koí daryá na thá. 2 Aur mujh Yohan ne shahr muqaddas naí Yirúshálam ko ásmán se dúlhin kí mánind, jis ne apne shauhar ke liye sangár kiyá árásta hoke K̄hudá ke pás se utarte dekhá. 3 Aur main ne ek barí áwáz yih kahtí húi ásmán se suní, ki Dekh, K̄hudí ká k̄haima ádmion ke sáth hai, aur wuh un ke sáth sukúnat karegá, aur we us ke log hongee, aur K̄hudá un ká K̄hudá ap un ke sáth rahegí. 4 Aur K̄hudá un kí ánkhoṅ se ánsú ponchhegá; aur phir maut na hogí, aur na gam, aur na nála, aur na phir dukh hogá; kyúnki aglí chízen guzar gaín.

5 Aur us ne jo takht par baiṭhá thá kahá, Dekh main sab kuchh naiá kartá hún; aur us ne mujh se kahá : Likh, kyúnki ye báten sach

aur barhaqq haiṅ. 6 Aur us ne mujhe kahá, ki Ho chuká. Main Alphá aur Omegá, ibtidá aur intihá hún; main us ko jo piásá hai, ab hiyát ke chashme se muft píne dúngá. 7 Jo gálib hotá hai, so sab ká wáris hogá; aur main us ká Kḥudá húngí, aur wuh merá beṭá hogá. 8 Par ḍarnewále, aur beímán, aur nafratí, aur kḥúní, aur harámkár, aur jádúgar, aur butparast, aur sáre jhúṭhon ká hissa usí jhíl meṅ hai, jo ág aur gandhak se jaltí; yih dúsrí maut hai.

9 Ab ek un sát firishton meṅ se jin pás sát piyále pichhlí sát áfaton se bhare the mujh pás áyá, aur mujh se yún kah ke bolá, ki Idhar á, main tujhe dúlhin, yáne Barra kí jorú dekháúṅ. 10 Aur mujhe bawaza rúhání ek baṛe aur únche paháṛ par legayá, aur us ne us bu zurg shahr muqaddas Yirúshálam ko ásmán par se Kḥudá ke pás utarte dekháyá. 11 Us meṅ Kḥudá ká jalál thá, aur us kí roshní baṛe beshqímat jawáhir kisí us yashm kí mánind thí, jo bilaur kí tarah shaffáf ho. 12 Aur us kí díwár baṛí aur buland thí, aur bárah darwáze, aur un darwázon par bárah firishte, aur un par baní Isráel ke bárah firqon ke nám likhe the. 13 Púrab ko tén darwáze, aur uttar ko tén darwáze, aur dakhin ko tén darwáze, aur pachchhim ko tén darwáze the. 14 Aur us shahr kí díwár kí bárah neweṅ thí, aur un par Barra ke bárah rasúlon ke nám. 15 Aur jo mujh se bol rahá thá, us ke háth meṅ sone kí ek jaríb thí, táki us shahr aur is ke darwázon, aur us kí díwár ko nápe. 16 Aur wuh shahr chaukoná thá, aur us kí lambán itní thí, jitní us kí chaurán : us ne us shahr ko us jaríb se náp kar sáṛhe sát sau kos páyá. Aur us ká lambán, aur chaurán, aur únchán ek sán thá. 17 Phir us ne díwár ko nápá, to us ádmí ke háth se jo firishta thá, ek sau chauális háth páyá. 18 Aur wuh díwár yashm kí baní thí. aur wuh shahr kḥális soneká shaffáf shíshe kí mánind thá. 19 Aur us shahr kí díwár kí neweṅ har tarah ke jawáhir se árásta thín. Pahílí neo yashm thí; aur dúsrí nílám kí; aur tísrí shabcharág kí; aur chauthí zammarrud kí: 20 Aur páncḥwín aqíq kí; aur chhaṭhí lál kí; aur sátwín sunhare pathhar kí; aur áṭhwín firúzí kí; aur nawín zabarjad kí; aur daswín Yamání kí; aur gyárahwín sang sambalí kí; aur bárahwín yáqút kí. 21 Aur us ke bárah darwáze bárah motí the, har darwáza ek ek motí ká; aur us shahr kí saṛak kḥális sone kí, shaffáf shíshe kí mánind thí. 22 Par

main ne us mein koí haikal na dekhí, is liye ki K̄hudáwand Qádir mutlaq aur Barra us kí haikal hai. 23 Aur wuh shahr súraj aur chánd ká muhtáj nahín, ki we us ko roshan karen ; kyúнки K̄hudá ke jalál ne use roshan kar rakhá hai, aur Barra us kí roshní hai. 24 Aur sab qaumen jinhon ne naját páí, us kí roshní mein phirengí ; aur zamín ke bádsháh apná jalál aur izzat us mein láte hai. 25 Aur us ke darwáze kabhí din ko band na honge : ki rát waháin na hogí. 26 Aur we qaumon ke jalál o izzat ko us mein lówenge. 27 Aur koí chíz jo nápák yá nafratí, aur jhúth hai, us mein kisí tarah dar na áwegí, magar sirf wahí jo Barra kí kitábi hayát mein likhí húi hai.

## XXII. BAB.

1 Phir us ne ábi hayát kí ek sáf nadí mujhe dekháí, jo bilaur kí tarah shaffáf aur K̄hudá aur Barre ke taqht se nikaltí thí. 2 Aur us kí saṛak bích, aur us nadí ke wárpár zindagí ká daraqht thá, jo bárah phal látá, harek mahíne mein ek phal : aur daraqht ke patte qaumon kí shafá ke wáste the. 3 Phir koí lánat na hogí, aur K̄hudá aur Barre ká taqht us mein hogá, aur us ke bande us kí bandagí karenge. 4 Aur we us ká munh dekhenge, aur us ká nám un ke máthe par hogá. 5 Waháin rát na hogí, aur we chirág aur súraj kí roshní ke muhtáj nahín ; kyúнки K̄hudáwand K̄hudá un ko roshan kartá hai ; aur we hamesha ko bádsháhat karenge.


6 Phir us ne mujhe kahá, ki Ye báten sach, aur barhaqq hai ; aur muqaddas nabíon ke K̄hudáwand K̄hudá ne apne firishte ko bhejá, ki un chizon ko, jinkí jald honá zarúr hai, apne bandon par záhir kare. 7 Dekh main jald átá hún : Mubáarak wuh, jo is kitáb kí nabuwat kí báton ko mántá hai.

8 Aur mujh Yohan ne un chizon ko dekhá aur suná, aur jab main ne suná aur dekhá, us firishte ke páon par jis ne mujhe ye chízen dekháen sijda karne ko girá. 9 Tab us ne mujh se kahá, K̄habardár, aisá na karo ; kyúнки main terá aur nabíon ká jo tere bháí hai, aur unká jo is kitáb kí báten mánte hai, ham-k̄hidmat hún : K̄hudá ko sijda kar. 10 Phir us ne mujh se kahá, ki Tú is kitáb kí nabuwat kí báton par muhr mat kar rakh : kyúнки waqt nazdík átá hai. 11 Jo

narást hai, so narásthí rahe : aur jo najis hai, so najis hí rahe : aur jo rástbáz hai, so rástbáz hí rahe : aur jo muqaddas hai, so muqaddas hí rahe. 12 Aur dekh main jald átá hún, aur merá ajar mere sáth hai, táki harek ko us ke kám ke muwáfíq badlá dúñ. 13 Main Alphá aur Omegá, ibtidá aur intihá, auwal o ákhir hún. 14 Mubáarak we hain, jo us ke hukmon par amal karte hain, táki zindagí ke daraḡht par unká iḡhtiyár ho, aur we un darwázon se shahr men dáḡhil howen. 15 Ki kutte, aur jádúgar, aur harám kár, aur ḡhúní, aur but parast, aur jo koí jhúṡhe ko cháhtá, aur boltá hai, sab báhar hain. 16 Mujh Yisú ne apne firishte ko bhejá, ki majlison men in báton kí gawáhí tum ko de. Main Dáud kí asal o nasl, aur subh ká núrání sitára hún. 17 Aur Rúh aur dúlhin kahtí hain, *A.* Aur jo suntá hai, wuh kahe, *A.* Aur jo piyásá hai, áwe ; aur jo koí cháhe, ábi hayát muft le.

18 Main harek shaḡhs ke liye, jo is kitáb kí nabuwat kí báton suntá hai, yih gawáhí detá hún, ki agar koí in báton men kuchh baḡháwe, to Ḳhudá un áfaton ko jo is kitáb men likhí hain us par baḡháwegá. 19 Aur agar koí is nabuwat kí kitáb kí báton men se kuchh nikál dále, to Ḳhudá us ká hissa kitábi hayát, aur shahr muqaddas, aur in báton se jo is kitáb men likhí hain nikál dálegá. 20 Jo in chízon kí gawáhí detá hai, yih kahtá hai, ki Main yaqínán jald átá hún. *Amín.* Hán, ai Ḳhudáwand Yisú, á. 21 Hamáre Ḳhudáwand Yisú Masíh ká faiz tum sab par howe. *Amín.*

TAMAM.



BS315 .H55 1841

The New Testament ... in the Hindustani

Princeton Theological Seminary-Speer Library



1 1012 00066 1266



